







# শ্রীমদ্ভাগবত

( সংক্ষিপ্ত আখ্যানভাগ )

শ্রী গুণদাচরণ সেন





# শ୍ରী মদ্‌ভାଗବତ

( সংক্ষিপ্ত আখ্যানভাগ )

শ্রীগুণদাচরণ সেন

প্রবর্তক পাবলিশাস

৬১ বহুবাজার ষ্ট্রীট, কলিকাতা-১২

প্রকাশক :  
শ্রীরাধারমণ চৌধুরী, বি.এ.  
প্রবর্তক পাবলিশার্স  
৬১ বহুবাজার স্ট্রীট,  
কলিকাতা-১২

প্রথম সংস্করণ—দোলপূর্ণিমা, ১৩৫৩

মূল্য পাঁচ টাকা

প্রাপ্তিস্থান :  
প্রবর্তক পাবলিশার্স, ৬১ বোম্বাজার স্ট্রীট, কলিকাতা-১২  
শ্রী অমলেন্দু সেন, ৩৯ টাউনশেপ রোড, কলিকাতা-২৫  
মহেশ লাইব্রেরী, ২১: শ্যামাচরণ দে স্ট্রীট, কলিকাতা-১২

মুদ্রাকর :  
বামাচরণ মণ্ডল  
রাণীত্রী প্রেস  
৩৮, শিবনারায়ণ দাস লেন  
কলিকাতা-৬

ଅକ୍ଷିନୀକୂସାର ଦଢ଼

୪

ମରଲାବାଲା ଦଢ଼

—ସ୍ମରଣେ



## নিবেদন

ভক্তিসাহিত্যে শ্রীমদ্ভাগবত অ-দ্বিতীয় গ্রন্থ। ইহাব বর্ণিত বিষয় তিন শ্রেণীর—তত্ত্ব, শব্দ ও আখ্যান। আখ্যান—বথ্য ও কাহিনী। কথা—ঘটনার বিবৃতি, কাহিনী—ভক্তচরিত্র কথন। দেশকালের অবস্থা ও প্রয়োজন বিবেচনায় এই আখ্যানভাগটিকে বাঙ্গলা গল্পে যথাসম্ভব সংক্ষিপ্ত আকারে প্রকাশ কবিত্রে সাহসী হইলাম। গ্রন্থের উদ্দেশ্য অক্ষুণ্ণ রাখিতে আমার ক্ষুদ্র সাধ্যমত চেষ্টা কবিয়াছি। মূলের স্কন্ধ ও অধ্যায় অনুসারে বিষয় সন্নিবেশ করা হইয়াছে, সময় সময় একাধিক অধ্যায় একসঙ্গে লইয়াছি। ভক্তিমূলক বহু শ্লোক আখ্যানের অংশরূপে সান্ন্যবাদ উদ্ধৃত হইয়াছে, তথাপি অতি-বিস্তারভায়ে ক্ষুদ্রচিত্তে অনেক শ্লোক পবিত্যাগ কবিত্রে বাধ্য হইয়াছি। তত্ত্ব ও শব্দ অংশ প্রয়োজনমত অতি সংক্ষিপ্ত লইতে পারিবাছি। শ্রীমদ্ভাগবতের শব্দসমূহ সাধনবাজ্যের অমূল্য সম্পদ, ইহাব একটি স্বতন্ত্র সঙ্কলন বাঙ্গনীয়।

‘বঙ্গবাসী’ ও ‘বসুমতী’ সংস্করণ হইতে অনেক সাহায্য পাইয়াছি। তজ্জন্ত আমি উভয়ের নিকট ঋণী। শ্লোকের অল্প ‘বসুমতী’ সংস্করণ হইতে নিয়াছি। অপব্ সংস্করণের সহিত কোন কোন স্থানে ইহাব অতি সামান্য অমিল আছে।

এই গ্রন্থের প্রণয়নকাল কথন ও প্রণেতা কে, তাহা লইয়া স্মরণ নানা প্রশ্ন জুনিয়াছেন এবং কিছু কিছু গবেষণাও কবিয়াছেন। আমি সে সকল কঠিন সমস্যাৰ আলোচনা কবিত্রে সাহস কবিলাম না। এই সঙ্কলনকাৰ্য্যে যে স্তম্ভদগ্গণ আমাকে উৎসাহ ও উপদেশ দ্বাবা উপকৃত কবিয়াছেন, তাঁহাদিগকে অভিবাদন কবিয়া এক্ষণে মূলগ্রন্থ সহজে কিছু নিবেদন করিব। আমাব সৰ্ব্বপ্রকার ক্রটি-বিচ্যুতিব জন্ত সহৃদয় পাঠকগণের নিবট বৃত্তকবে ক্ষমা ভিক্ষা কবি।

গ্রন্থের প্রথম নয় স্কন্ধে প্রধানতঃ শ্রীবিষ্ণুলীলা ও শ্রীকৃষ্ণপূৰ্ব্ব বিস্তৃতক্ৰণের চরিতকাহিনী, দশমে শ্রীকৃষ্ণের প্রকটলীলা, একাদশে তাঁহার অন্তিমবাণী ও মহাপ্রাণ, দ্বাদশে গ্রন্থের কথাভাগের পবিসমাপ্তি। প্রথম নয় শাস্ত ও দাস্ত, দশমে সত্য বাৎসল্য ও মধুব, একাদশে সকল বসেব তাত্ত্বিক সমাবেশ। গ্রন্থের দুইটা বিভাগ সুস্পষ্ট—( ক ) ১ হইতে ৯ স্কন্ধ, ও ( খ ) ১০ হইতে ১২ স্কন্ধ। এই দুই ভাগেই সমগ্র আখ্যানটাব কিছু বিস্তারিত কবিব :—

(ক) ১—৯ স্কন্ধ :—

বিবৃতির ক্রম—স্বয়ং শ্রীবিষ্ণু ব্রহ্মাকে প্রথমে ভাগবত বলেন। ব্রহ্মা স্বীয় মানসপুত্র নারদকে, নারদ বেদব্যাসকে, বেদব্যাস নিজ পুত্র শুকদেবকে, উহা

শিক্ষা দেন। শুকদেব রাজা পরীক্ষিতের প্রায়োপবেশনসভায় ঐ ভাগবত-কথা বিবৃত করেন। রোমহর্ষণপুত্র উগ্রশ্রবা স্তত ঐ সভায় উপস্থিত থাকিয়া উহা শোনেন। স্তত নৈমিষারণ্যে শোনকাদি ঋষির যজ্ঞক্ষেত্রে উগা তাঁহাদের নিকট কীর্তন করেন। প্রথম পাঁচটি শ্লোক ছাড়া সমগ্র গ্রন্থ স্তত-মুখে ঐ বিবৃতি। তন্মধ্যে দ্বিতীয় স্বক হইতে দ্বাদশস্বকের পঞ্চম অধ্যায় পর্য্যন্ত পরীক্ষিত নিকট শুকদেবের ভাগবতকথন। ইহার মধ্যে আবার ৩ স্ব: ১ অ: হইতে ৪ অ: ২৬ শ্লো: পর্য্যন্ত অংশ যমুনাতীরে উদ্ধববিদুরসংবাদরূপে, ৩ স্ব: ৫ অ: হইতে ৪ স্ব: শেষ পর্য্যন্ত অংশ গঙ্গাদ্বারে মৈত্রেয়বিদুরসংবাদরূপে এবং ৭ স্ব: সম্পূর্ণ হস্তিনাপুরে যুধিষ্ঠিরের রাজস্বয়সভায় নারদযুধিষ্ঠিরসংবাদরূপে, শুকমুখেই কথিত।

কাহিনীগুলির সম্বন্ধ—কাহিনীগুলি প্রায় সর্বত্রই কোন না কোন স্থজে পরস্পরসংগত। তৃতীয় স্বকে মৈত্রেয়-বর্ণিত প্রথম মানবমিথুন স্বায়ম্ভুব-মহু ও শতরূপা হইতে তৎপরবর্তী এই ৯ স্বকের প্রায় সমস্ত বৃত্তান্তেরই সূত্রপাত। ঐ তৃতীয় স্বকে দেবহুতি কপিল, চতুর্থে সতী ধ্রুব, পঞ্চমে ঋষভ ভরত, ষষ্ঠে দ্বিতীয় দক্ষ ঔষী বিশ্বরূপ বৃহ, সপ্তমে হিরণ্যকশিপু প্রহ্লাদ, ঐ মহু-শতরূপারই পুত্র বা কন্তার বংশ। অষ্টমে চতুর্থ মহু ভামসের, পঞ্চম মহু রৈবতের ও সপ্তম মহু বৈবস্বতের সময়ের ঘটনা। নবমের অশ্বরীষ খট্‌ঙ্গ ঐ সপ্তম মহু বৈবস্বতের বংশীয়। এই সমস্ত মহুই প্রথম বা স্বায়ম্ভুব মহুর বংশধর। বৈবস্বত মহুর নাম হইতে তাহার বংশধরগণ ‘সূর্য্য’ বংশ। মহুদের নাম, কার্য্য ও কার্য্যকালের পরিচয় ৮ স্ব: ১৩-১৪ অধ্যায়ে বর্ণিত হইয়াছে (২য় সং, ১১৬ পৃ:)। নবমের পঞ্চদশ অধ্যায় হইতে ঐ স্বকের শেষ পর্য্যন্ত ‘চন্দ্র’ বংশীয় ভক্ত রাজগণের বৃত্তান্ত। ইহাদের আদিপুরুষ ব্রহ্মার মানসজাত পুত্র অত্রি, তৎপুত্র সোম, অর্থাৎ চন্দ্র। সোমবংশীয় নহষপুত্র যযাতি, তৎপুত্র যদু হইতে যদুবংশ; অপর এক পুত্র পুরু, তদবংশীয় কুরু হইতে কুরু পাণ্ডব। চন্দ্রবংশে কোন মহু নাই। এই সকল স্বকে বর্ণিত ১৬ জন প্রধান ভক্তের মধ্যে ১০ জন সূর্য্য ও চন্দ্র বংশীয়, ৪ জন অসুর ও গন্ধর্বা, ১ জন অজামিল কাণ্ডকুজের ব্রাহ্মণ ও একজন মুনিশাপে গজজন্মপ্রাপ্ত বিখ্যাত রাজা।

শ্রীনারদ—এই সকল ভক্তচরিতকাহিনীতে শ্রীবিষ্ণু ও ব্রহ্মার পর শ্রীনারদের অবদানই প্রধান। শ্রীনারদ শ্রীভাগবতকথিত ভক্তিধর্মের ধারক, বাহক ও প্রচারক। তাঁহার তিনটি জন্মের পরিচয় পাই। প্রথম, উপবর্হণ নামে গন্ধর্ব্ব, দ্বিতীয়, ঋষি-আশ্রমে দাসীপুত্র, শেষ, স্বয়ং ব্রহ্মার মানসপুত্র। গন্ধর্ব্ব-জন্মে দুর্গাচরণের ফলে দ্বিতীয় জন্ম, দ্বিতীয় জন্মের সাধনবলে শেষ জন্ম।

দ্বিতীয় জীবনের বর্ণনায় সাধনের যে তত্ত্ব ও সৌন্দর্য্য কুটিয়া উঠিয়াছে, তাহা সকল যুগের সকল সম্প্রদায়ের ভক্তিসাধককে এক নিশ্চিত পন্থার সন্ধান দেয়—‘সকল বন্দর্শিতং রূপমেতৎ কামায় তেইনব।’ শেষ জন্মে, মহুসৃষ্টির পূর্ব হইতে শ্রীকৃষ্ণের অন্তর্ধান পর্য্যন্ত নারদের বহুগুণাব্যাপী কর্মজীবন লিপিবদ্ধ। পিতা ব্রহ্মার দ্বারা ই তিনি ভক্তিদর্শনে শিক্ষিত ও দীক্ষিত হইলেন, দেবদত্ত বীণার বন্ধারে হরিশূণ্য গাইয়া আকাশ, ভূমি ও ‘সুতল’ মাতাইয়া তুলিলেন। বৈকুণ্ঠের লক্ষ্মীকুঞ্জে, মথুরার কংস-পুরীতে, দ্বারকায় মতিবীভবনে, বনে পর্বতে, জলে স্থলে, তাঁহার অব্যাহত গতি। দেব গন্ধর্ব্ব অমর মানব—যেখানে যখন যে সমস্তা উঠিয়াছে, শ্রীনারদ তাহার সমাধান করিয়াছেন এবং ঘটনার স্রোতকে নিয়ত নিষ্কাম ঐকান্তিক ভক্তির মুখে প্রবাহিত করিয়া দিয়াছেন। কালের ক্রম হিসাবে এই নয় স্বর্গে নারদের প্রথম আবির্ভাব কন্দম-দেবহুতির বিবাহপ্রস্তাবে, দ্বিতীয় শিবকে সতীর দেহত্যাগ-সংবাদদানে, তৃতীয় গভীর অরণ্যগর্ভে শ্রীহরির অঘোষণা-নিরত বালক ব্রহ্মের সন্নিধান। আপ্যায়নভাগে প্রথম দুইটি ঘটনার যথেষ্ট গুরুত্ব আছে, কিন্তু শেষটি এই গ্রন্থের এই অংশের দ্বিতীয় শ্রেষ্ঠতম ভক্তের জীবননিয়ন্ত্রণে সর্বশ্রেষ্ঠ ঘটনা। প্রবলে তিনি প্রথমে পরীক্ষা করিলেন, পরে মধুপুরীতে গিয়া হরিশূণ্য করিলেন। এদিকে, অহুতপ্ত পিতা পাছে শিশুকে নিবৃত্ত করার চেষ্টা করেন, সেজন্য পিতার নিকট আসিয়া পুত্রের কুশলসংবাদদানে তাঁহাকে নিশ্চিত করিয়া রাখিলেন। তারপর, শ্রীনারদকে দেখি রাজা বর্হিষৎ বা প্রাচীনবর্হির রাজসভায়। প্রাচীনবর্হি রাজধিকুলতিলক পুত্রের সুযোগ্য বংশধর। কিন্তু তিনি বহুকুশান্তীর্ণ ষষ্ঠভূমিতে বহু পশু হত্যা করিতেছেন। দেবর্ষি আসিয়া নির্ভীকভাবে তাঁহাকে বলিলেন, রাজন, এই তীক্ষ্ণ কুশাগ্র ও বহু পশুহত্যাপূর্ণ কাম্যকর্ষের দ্বারা তোমার কোন্ ইষ্ট সিদ্ধ হইবে? ঐ দেখ, তোমার নিহত ক্রুদ্ধ পশুগণ তোমার মৃত্যু প্রতীক্ষা করিতেছে, লোহময় শৃঙ্গ দ্বারা তোমাকে ছিন্নভিন্ন করিবে। রাজা ভীত হইয়া জ্ঞান যাচঞা করিলেন, নারদ প্রসিদ্ধ পুরঞ্জনের আখ্যান ব্যাখ্যা করিলেন, রাজা পুত্রগণের উপর রাজ্যভার হস্ত করিয়া তপস্কান হইয়া কপিলাশ্রমে চলিয়া গেলেন। এইরূপে এই অকিঞ্চন অনিকেত ভক্তরাজ বর্হিষতের রাজসভার কুটুমতলে ভক্তিশূন্য কাম্যপূজার বিরুদ্ধে শুদ্ধ নিষ্কামভক্তির জয়গুণ্ড স্ফুটরূপে নিখাত করিলেন।

তারপর শ্রীনারদ প্রচেতা নামক প্রাচীনবর্হির অহুতপ্ত পুত্রগণকেও ঐ উপদেশ দিলেন। সিন্ধুনদের সাগরসঙ্গমে পুত্রকাম দ্বিতীয় দক্ষের পুত্র দ্বিতীয়



প্রচেষ্টাগণের নিকট আসিয়া বলিলেন, ‘এ যে সকাম তপস্রা, ইহা অসং কৰ্ম’—তাহারা নিবৃত্ত হইল। পুনঃ, দ্বিতীয় দক্ষের অপর পুত্রগণকেও ঐরূপে নিবৃত্ত করিলেন। দ্বিতীয় দক্ষ ত্রুণ হইয়া অভিশাপ দিলেন, ‘ত্রিভুবনে তুমি কোথাও বাসভূমি পাইবে না।’ নারদ ঐ অভিশাপ মাথায় তুলিয়া লইলেন। —পুত্রশোকাতুর গন্ধৰ্বরাজ চিত্রকেতুর মৃত পুত্রকে মন্তবলে উজ্জীবিত করিলেন, কিন্তু সে কিছুতেই পুনর্জীবন অঙ্গীকার করিল না। নারদের এই শিক্ষায় গন্ধৰ্বরাজ নির্বেদ প্রাপ্ত হইলেন।

প্রহ্লাদ অনিমিত্তা ভক্তির অতুলনীয় প্রতীক। আকাশপথে দেবরাজ ইন্দ্রের কবল হইতে মুক্ত করিয়া শ্রীনারদ যখন তাহার জননীকে নিজ আশ্রমে নিষা গেলেন, প্রহ্লাদ তখন সেই মা'য়ের গর্ভে। নারদের বরে মন্দারপর্বতে ধ্যাননিরত পিতার প্রত্যাগমন পর্যন্ত বহুকাল তিনি মাতৃজঠরেই রহিলেন। শ্রীনারদ প্রতিদিন গর্ভমধ্যেই তাঁহাকে ভক্তি শিক্ষা দিতে লাগিলেন, গর্ভমধ্যেই পরমভক্তি লাভ করিয়া শিশু ভূমিষ্ঠ হইলেন। শ্রীনারদের উপদিষ্ট ভক্তিযোগই প্রহ্লাদ গুরুগৃহে বয়স্শ্রগণকে শিক্ষা দেন। বহুশ্রুগ পরে শ্রীনারদই যুধিষ্ঠিরের রাজসভায় প্রহ্লাদচরিত বিবৃত করেন। যতি, ব্রহ্মচারী, বানপ্রস্থ ও গৃহস্থ-ধৰ্ম্ম সম্বন্ধে নারদ যুধিষ্ঠিরকে যে উপদেশ দেন, তাহাতে তিনি আধুনিক সমাজ-তান্ত্রিক সাম্যবাদের মূল তত্ত্বটী কি দৃঢ়ভাবে ঘোষিত করিলেন—

যাবদব্রিযেত জঠরং তাবৎ স্বস্থং তি দেহিনাম্।

অধিকং যোঃ ভিমত্তেত স স্তেনো দণ্ডমর্হতি ॥ ৭।১৪।৮

ইন্দ্র-বলি যুদ্ধে দৈত্যধ্বংস-বারণ প্রথম নয় স্বন্ধে নারদের শেষ কার্য্য।

সর্বশেষ, সরস্বতীতীরে ক্ষুদ্রচিত্তে উপবিষ্ট লোকগুরু শ্রীকৃষ্ণদ্বৈপায়ন। বেদের বিভাগ করিয়াছেন, বেদান্তের সূত্র লিখিয়াছেন, পঞ্চমবেদ মহাভারত প্রণয়ন করিয়াছেন, তথাপি চিত্ত অ-শান্ত। শ্রীনারদ আসিয়া দৃপ্তকর্ণে বলিলেন, তোমার ব্রহ্মসূত্র বুক্তিবাদী, মহাভারত কাম্যকর্ম্মবাদী। শ্রীগিরির লীলা ও গুণ কথন ব্যতীত আর সকল কথাই ‘বাতাহত নোরিব’ বৃত্তিকে সতত চঞ্চল করে। তখনই সেই পরম ঋষি স্থির আশ্রমের সন্ধান পাইলেন, শম্যাপ্রাপ্তির পুণ্য আশ্রম হইতে এই মহাগ্রন্থের উদ্ভব হইল।

(খ) ১০—১২ স্কঃ —

দশম স্বন্ধ শ্রীশ্রীমদমহাপ্রভু-প্রচারিত ভক্তিদর্শনের মেরুদণ্ড। তবে, ভাবে ও কবিত্বে ইহা অতুলনীয়। বাঙ্গলার বহুকাব্য এবং প্রায় সমগ্র ভক্তিসাহিত্য ইহার প্রভাবে সমৃদ্ধ। নানা সাধক, নানা টীকাকার, নানা লেখক, নানা

‘পাঠক’ বা ‘কথক’ ইহার ভাবধারাকে নিত্য নবনব অলঙ্কারে ভূষিত করিয়াছেন। ভাব ও কল্পনারাজ্যের ইহা অক্ষয় ভাণ্ডার। ভারতের বহুস্থানে, বিশেষ বাঙ্গলায়, ভক্তির ধারা আজও এই দশমের খাতে প্রবাহিত। শ্রীরামপ্রসাদ ও শ্রীরামকৃষ্ণ প্রভৃতি বাঙ্গলার মহাপুরুষগণ শক্তিসাধনার সঙ্গিত ইহার অপূর্ণ সমন্বয় বিধান করিয়া দিয়াছেন। ইহার প্রথম চল্লিশ অধ্যায় পর্য্যন্ত শ্রীকৃষ্ণের গোকুলবৃন্দাবন-লীলা, তার পর দশ অধ্যায় তাঁর মথুরালীলা ও অবশিষ্ট চল্লিশ অধ্যায় দ্বারকা-কুরুক্ষেত্র লীলা। একাদশ, প্রভাসতীর্থে স্বকুলনাশ ও মহাপ্রয়াণ। দ্বাদশ স্কন্ধের ৬ষ্ঠ অধ্যায়ে, শুকদেবের কথা সমাপ্তি ও প্রস্থানের পর ১০ হইতে ২৮ এই কয়টিমাত্র স্লোকে পরোক্ষিতের দেহতাগ এবং তৎপুত্র জনমেজয়ের সর্পযজ্ঞ ও যজ্ঞশেষ। এই স্কন্ধের ৯ ও ১০ অধ্যায়ে মার্কণ্ডেয়ের ভগবনমায়াদর্শন জ্ঞান ও ভক্তির সমাবেশের একটি অপূর্ণ চিত্র। অবশিষ্ট, বেদের শাখা কলিধর্ম্মাদি ও রাজবংশ কথন এবং গ্রন্থ-সমাপ্তি।

শ্রীকৃষ্ণের নরলীলা—এক্ষণে শ্রীকৃষ্ণের মহালীলার পুণ্যকাহিনী যৎকিঞ্চিৎ কীৰ্ত্তন করিয়া ধরা হইবে।—শ্রীকৃষ্ণ মথুরায় বসুদেব-দেবকীর কারাগৃহে ভূমিষ্ঠ হওয়ার অল্পক্ষণ পরই কংসভয়ে পিতা কর্তৃক যমুনার অপরপারে বৃহদবন বা মহাবন গোকুলে নীত হন। তাঁহার অতি শৈশবকালেই মহাবনে নানা উৎপাত দেবা দেয়। পুতনা রাক্ষসী ও তৃণাবর্ত অসুর বণের পর পদাবাতে একটি বৃহৎ শকট ও উদুখল-আঘাতে হুইটি বৃদ্ধ অর্জুনবৃক্ষ ভঙ্গ তাঁহার এই সময়ের কীর্ত্তি। মথুরা হইতে বসুদেবপ্রেরিত গর্গ আসিয়া তাঁহার নামকরণ করিলেন। শিশু যেমন বাড়িতে লাগিলেন, নানা বালচাপলাও তেমন বাড়িতে লাগিল। প্রায়ই প্রতিবেশীর গৃহে লুটিয়া বা চুরি করিয়া বস্ত্র ও বানরগণকে ননী-মাখন খাওয়াইতেন, কিছু বা আপনি খাইতেন। এদিকে মহাবনে মহোৎপাতসকলও কিছুতেই ক্ষান্ত হইল না। তখন গোপপ্রধানগণ যমুনা পার হইয়া তৃণবহুল নদীপার্শ্বতঃসেবিত বৃন্দাবনভূমিতে বাস উঠাইয়া নিলেন। ক্রমে বয়ঃপ্রাপ্তগণসহ গোচারণ আরম্ভ হইল। এখানেও গোপবৎস ও বকরূপে দুই অসুরকে নিহত করিয়া তিনি গো ও গোপবালকগণকে রক্ষা করেন। তার পর একদিন স্বয়ং ব্রহ্মাকর্তৃক গোধন ও গোপ-বালক অপহরণ, তিনি দৈব-শক্তিবলে ব্যর্থ করিয়া দিলেন।—জলেও উৎপাত নাগিল। কালিয় নামে এক মহাবিষধর বহুক্ষণ ভূজঙ্গ সবাংশে আসিয়া যমুনার জল এমন দূষিত করিয়া তুলিল যে একদিন গোপবালকগণ সেই বিষাক্ত জল পান করিয়া তৎক্ষণাৎ গতাস্থ হইল। “শ্রীকৃষ্ণ সেই হুড়ে নামিয়া অসামান্য শক্তিবলে কালিয়কে মৃতপ্রায় এবং অমৃতচরসহ রমণক

দ্বীপে তাড়িত করিয়া যমুনাকে বিষমুক্তা করিলেন।—অগ্নিদেবও ছাড়িলেন না, দুইবার শ্রীকৃষ্ণ ভীষণ দাণানল হইতে গো ও গোপবালকগণকে রক্ষা করিলেন।

কিন্তু অস্তর রাক্ষস সর্প অনল কিছুই সেই বালকের বয়স্‌সহ গোচারণ বা ক্রীড়ামোদ বাহত করিতে পারিল না। তিনি ক্রীড়াকালে সময় সময় অগ্রজ বলরামের ব্যজন এবং পাদসংবাহনও করিয়া দিতেন। ক্রমে গোপবালিকা এবং গোপবধূগণও তাঁহার রূপে ও গুণে মুগ্ধ হইয়া উঠিল। ময়ূব-পাখার চূড়া, কর্ণিকার ফুলের ঢুল ও পাঁচকলের মালা পরিয়া সকলহৃদর-সন্নিবেশ সেই পীতবাস অমরে বাঁশী ধরিয়া বাজাইতে বাজাইতে গোধূলিরঞ্জিত চূর্ণকুন্তল ও নুপুরভূষিত চরণকমল লইয়া যখন গৃহে ফিরিতেন, রমণীগণ তখন পথপার্শ্বে দাঁড়াইয়া সেই বীরশিশুর প্রদীপ্ত রূপরাশি অনিমেষনয়নে পান করিয়া বিহবল হইয়া পড়িতেন। ব্রজকুমারীরা তাঁহাকে পতিক্রমে লাভ করার জন্য সকলে মিলিয়া কাত্যায়নোব্রত আরম্ভ করিলেন, কিন্তু কেহ কাহাকে দ্বेष করিলেন না। ক্রমে সেই বালকও রমণীগণের প্রতি অধুরক্ত হইয়া উঠিলেন। একদিন ক্রীড়াচ্ছলে যমুনায় ব্রতস্নানরতা বিবস্ত্রা বালিকাগণের তীরতান্ত বসনসমূহ লইয়া তীরস্থ এক কদম্ববৃক্ষে আরোহণ করিলেন। রমণীগণ সকল ভয় সকল লজ্জা ত্যাগ করিয়া তদেকমাত্রচিত্তে তাঁরে উঠিয়া যুক্তকরে বস্ত্র চাঙ্গিয়া লইলেন। বালক মুগ্ধ হইয়া তাঁহাদের সঙ্গে এক রজনীতে ক্রীড়া করিবেন, এই অঙ্গীকারে আবদ্ধ হইলেন। তার পর, ব্রজের বাক্ষণরমণীগণও একদিন যজ্ঞশালা হইতে প্রভূত স্নানোৎসাহ আনিয়া তাঁহার প্রতি যে গভীর স্নেহের পরিচয় দিলেন, তাহা দেখিয়া তাঁহাদের বেদবাদী পতিগণও শ্রীকৃষ্ণকে আশ্রয়দান করিলেন। এইরূপে সমগ্র ব্রজভূমির মানুষ ও পশু হৃদয় জিত হইল।

দেবতাদের জয় এখনও সম্পূর্ণ হয় নাই। দেবশ্রেষ্ঠ ব্রহ্মা ত জিত হইয়াছেন, কিন্তু দেবরাজ ইন্দ্র বা কোন্‌ অধিকারে ‘ইন্দ্রবাগের’ পূজা পাইবেন? তিনি মেঘাধিপতি, কিন্তু মেঘসকল ত ঐশ্বরিক নিয়মেই বারিবর্ষণ করিবে। গো নদীও পর্কতই গোপকূলের পূজার্ত, নিম্নজাতি ও গৃহপালিত পশুগণই অন্নদানের যোগ্য, শ্রীকৃষ্ণের এই উপদেশে ইন্দ্রবাগজন্ত আশ্রিত উপচারসমূহ যখন গো, গোবর্দ্ধন, বৃক্ষ, অন্ত্যজ ও পশুগণের সেবায় ব্যয়িত হইল, দেবরাজ তখন মহাকাপে প্রবলবাত্যা ও বারিবর্ষণ করিলেন। শ্রীকৃষ্ণ গোবর্দ্ধনের ‘ছত্রাক’-তলে ব্রজের সমস্ত নরনারী গো ও সম্পদসমূহ রক্ষা করিলেন। ইন্দ্র আসিয়া শরণাগতি জানাইলেন, গোমাতা সুরভি আসিয়া সেই দেবশিশুকে ‘গোবিন্দ’ বা ‘গো-গণের ইন্দ্র’ এই আখ্যা দিলেন, দেবরাজ স্বয়ং এই অভিমেক সম্পন্ন করিলেন। এই রূপে এই ‘গুঢ়লিঙ্গ’

মানবশিশু সঙ্কল্প-সংস্থাপনের ব্রতে স্বয়ং-দীক্ষিত হইলেন। তখন তাঁহার বয়স সাত বছর।

‘ইন্দ্রযাগ’ উঠিয়া গেল। ব্রজভূমে যে মহা প্রেমযাগের সূত্র হইয়াছিল, বঙ্গহরণকালে প্রতিষ্ঠিত ক্রীড়া ‘রাসক্রীড়া’রূপে এক্ষণে সেই প্রেমযজ্ঞে পূর্ণাহতি লাভ করিল। ক্রীড়ার পূর্বে প্রেমের পরীক্ষা, আরম্ভে গর্জননাশ। প্রেমের নাদকতায় প্রেমিকাকে বিভ্রান্ত হইতে দিলেন না। যেই গর্জ উপস্থিত, অমনি ‘প্রশমায় প্রসাদায় তত্রৈবাহরধীয়তা’ তারপর প্রেমের দুন্দমনীয় আব্বান, রাসচক্রে আবর্ভাব, এবং সর্বশেষে, সেই যোগেশ্বরের প্রতি-ইন্দ্রিয়ের সহিত গোপীর অন্তর্বাহিঃ প্রতি-ইন্দ্রিয়ের পরিপূর্ণ মিলন।

কিন্তু আবার সেই উৎপাত। এক মহাসর্প আসিয়া নন্দকে গ্রাস করিল। অরিষ্ট কেশী ও পোয় ভিন্ন ভিন্ন রূপ ধরিয়া আবার গো গোপালকগণকে আক্রমণ করিল। কৃষ্ণহস্তে সকলেই সমুচিত গতি লাভ করিল।

এদিকে নারদের মুখে স্বায় ভাবী প্রাণচুড়া কৃষ্ণ-বলরামের সংবাদ পাইয়া দুর্ভিক্ষ কংস এক কপট ধর্ম্মজ্ঞের আয়োজন করিয়া তাঁহাদের নিধনের সঙ্কল্প করিল। অক্রুর তাঁহাদিগকে ও নন্দকে আনিতে ব্রজে প্রেরিত হইলেন। অক্রুর আসিয়া সকল কথাই জানাইলেন, নন্দ বা সেই নিভীক বালকদ্বয় বিন্দুমাত্র দ্বিধা না করিয়া পরদিন প্রত্যুষেই অক্রুবদ্বয়ে মথুরা যাত্রা করিলেন। শ্রীকৃষ্ণ অদম্য সাহসে ধর্ম্মসংস্থাপনের কঠোর কর্তব্যের মুখে ঝাঁপাইয়া পড়িলেন। ক্রীড়াকৌতুক, আনন্দপ্রমোদ, তদ্গতা গোপললনাগণের হৃদয়বিদারক প্রেমার্তিতে ক্রক্ষেপও করিলেন না। অনাসক্তির চূড়ান্ত দৃষ্টান্ত দেখাইয়া শ্রীকৃষ্ণ এখানেই ‘ব্রজের খেলা’ শেষ করিলেন। তখন তাঁহার বয়স এগারো বছর।

মথুরায় আসিয়া সূর্য্যকটিন কর্তব্যের দায়ে প্রণয়ানত অক্রুরের আতিথ্যও গ্রহণ করিলেন না, শম ও দম দুই উপায়েই প্রয়োজনীয় বস্ত্র মালা অস্ত্রলিপনাদি সংগ্রহ করিয়া লইলেন। ধর্ম্মজ্ঞশালায় আসিয়া রক্ষীগণকে অক্লেশে নিহত করিয়া ধর্ম্মভঙ্গ করিলেন। প্রত্যুষে মল্লক্রীড়ার মহোৎসব আরম্ভ হইল। রঙ্গদ্বারে কুবলম্পীড় ও তাগর মাহুতকে চূর্ণ করিলেন, রঙ্গক্ষেত্রে রাজা ও সমবেত দর্শকগণের সমক্ষে দুই ভাই চাপুস ও মুষ্টিক নামক মল্লযুদ্ধকে নিহত করিলেন। কুক্ষেপ হতভাগা কংস আদেশ করিল, ‘ইহাদিগকে পুরী হইতে তাড়াইয়া দেও, নন্দকে বান্ধ, আমার পিতা উগ্রসেনকে বধ কর।’ তখনই শ্রীকৃষ্ণ ঐ দুর্দ্দৈত্যের দেহ উচ্চ রাজমঞ্চ হইতে সবলে ভূমিতলে লুষ্ঠিত করিয়া তাহার শেষ গতির বিধান করিলেন। সমবেত জনতার সম্মতিক্রমে উগ্রসেন

স্বরাজ্যে পুনঃ স্থাপিত হইলেন, ক্রমে কংসভয়ে পলায়িত যাদবগণ মথুরায় ফিরিয়া আসিয়া স্ব স্ব অধিকারে পুনঃ প্রতিষ্ঠিত হইলেন। শূরসেনের মথুরায় প্রাচীন রাজ্যে ধর্ম সংস্থাপিত হইল। বিধিমত সকল সংস্কার ও তারপর উজ্জয়িনীতে সান্দীপনির নিকট শিক্ষালাভও সম্পন্ন হইল। বৃন্দাবনে সকল সংবাদ দিতে উদ্ধবকে ও ইন্দ্রপ্রস্থের সংবাদ নিতে অক্রুরকে পাঠাইলেন। উদ্ধব ফিরিয়া আসিয়া গোপীদিগের প্রণয়বর্তী এবং অক্রুর হস্তিনা হইতে ফিরিয়া আসিয়া শ্রীকৃষ্ণকে তাঁহার ভবিষ্যৎ কাম্যক্ষেত্রের সন্ধান দিলেন।

মথুবা তখন মহা বিপন্ন। কংসের শ্বশুর মহাবল জরাসন্ধ আঠারো বার আসিয়া নগর আক্রমণ ও অবরোধ করিল, তত্পরি আবার কালবন। শ্রীকৃষ্ণের কোশলে সকল আক্রমণই ব্যর্থ হইল, কিন্তু যত্নকুলের মথুরাবাস নিতান্তই অসম্ভব হইয়া উঠিল। সুদূর রৈবতকের গিরিহৃগমালার আশ্রয়ে সমুদ্রকূলে বা দ্বীপে এক নগর নির্মাণ করাইয়া শ্রীকৃষ্ণ যাদবগণকে তথায় লইয়া গেলেন।

দ্বারকা স্তম্ভস্থ হইয়া উঠিল, শ্রীকৃষ্ণ রাজা না হইয়াও ‘দ্বারকানাথ’ হইলেন। এইবারে তাঁহার গার্হস্থ্যলীলা। নানা যুদ্ধবিগ্রহাদি দ্বারা বহুদ্বী লাভ করিলেন, তন্মধ্যে ছবন্ত নরকাসুরকে বধ করিয়া তাহার কবল হইতে মুক্তা বহু রাজকন্যা। কিন্তু প্রধান মহিষী ক্লিষ্টা সত্যভামা প্রভৃতি আট জন। পুত্রগণমধ্যে প্রহ্মা ও সাষ এবং পৌত্রগণমধ্যে অনিরুদ্ধের বৃত্তান্ত পাওয়া যায়। প্রহ্মা সমরাসুর দ্বারা অপহৃত হইয়া ঐ অসুরের পা চকার সাংগাঘোই তাহাকে বধ করিয়া দ্বারকায় প্রত্যাবৃত্ত হইলেন। সাধ হস্তিনায় রাজা দুর্য়োধনের কন্যা লক্ষ্মণাকে হরণ করিয়া কুরুপতিগণ দ্বারা অবরুদ্ধ হন, বলরাম হস্তিনাকে হল দ্বারা আকর্ষণ করিয়া গঙ্গাগর্ভে নিমজ্জনের ভয় দেখাইয়া সাধকে লক্ষ্মণাসহ মুক্ত করেন। এই সাধই শেষে গভীণীবেশে যত্নকুলনাশন মূল্য প্রসব করেন। অনিরুদ্ধ শোণিতপুররাজ বলিপুত্র বাণের কন্যা উষার প্রণয়বদ্ধ হইয়া বাণপুত্রীতেই ধৃত ও আবদ্ধ হন, শ্রীকৃষ্ণ স্বয়ং সসৈন্যে দেখানে গিয়া বধুসহ তাহাকে উদ্ধার করিয়া আনেন। এই সকল পারিবারিক অশান্তি ছাড়া জাতিদ্রোহও তাহাকে কক্ষিৎ বিরত করিয়াছিল। সমস্তক-উদ্ধারের ঘটনাগুলি একটি উদাহরণ মাত্র।—দশম স্কন্ধের ৬০ অধ্যায়ে দাম্পত্য জীবনের, ৭০ অধ্যায়ে গার্হস্থ্যজীবনের, ৭১ অধ্যায়ে আধ্যাত্মিক, সামাজিক ও রাজনৈতিক জীবনের এবং ৮০ হইতে ৮৬ অধ্যায়ে ব্যক্তিগত জীবনের—এইরূপ পর পর কয়েকটি চিত্রে শ্রীকৃষ্ণের সমগ্র মানু্যচরিত্রের একটি পূর্ণাবয়ব মূর্তি গড়িয়া উঠিয়াছে। স্ত্রীপুত্রাদির প্রতি কর্তব্য, ভগবৎপূজা, উপযুক্ত

পাত্রে অকাতরে দান, রাজগণের রক্ষা-বিধান, বন্ধু-প্রীতি, সকল জীবের প্রতি অকৃত্রিম সৌহৃদ্য, পিতৃমাতৃভক্তি, ইত্যাদির কয়েকটি উজ্জ্বল আলেখ্য ঐ সকল অধ্যায়ে অঙ্কিত হইয়াছে। ৮৯ অধ্যায়ে শ্রীকৃষ্ণের ভগবৎপূজা এবং অংশাবতারের উল্লেখ পাওয়া যায়। জীর্ণবসন কপদকবিহীন ‘ব্রহ্মবন্ধু’র পা-ধোওয়া জল মাথায় ধারণ করা এবং তাঁহাকে শয়নমন্দিরে নিজ পর্যাঙ্কে বসাইয়া প্রধানমহিষী-হস্তে তাঁহার ব্যজন—‘নিখিলরাজতজয়ী’ দ্বারকাধীশের একান্ত নিরভিমান সেবাধর্মের চূড়ান্ত উদাহরণ।

দ্বারকায বহিঃশত্রুরও অভাব ছিল না। পৌণ্ড্রক বাসুদেব ও তাহার সখা কাশীরাজকে নিহত করিতে শ্রীকৃষ্ণকে দ্বারকা হইতে অভিধান করিতে হয়, কিন্তু শাস্ত্র দত্তবক্র ও বিদূরথ ক্রমে সসৈন্তে আসিয়া পুরী আক্রমণ করিল। শাস্ত্র-যুদ্ধে প্রহ্ম একবার হটিয়া গেলেন, ইন্দ্রপ্রস্থে সংবাদ পাইয়া শ্রীকৃষ্ণ স্বয়ং আসিয়া শাস্ত্রের মায়াপুরী বিধ্বস্ত ও তাহাকে সকল মায়া হইতে মুক্ত করেন। দত্তবক্র ও বিদূরথ সহজেই নিহত হইল।

রাজস্থয়ে আমন্ত্রিত হইয়া শ্রীকৃষ্ণ ইন্দ্রপ্রস্থে আসিলেন। একটা নিরপরাধ প্রাণীরও বিন্দুমাত্র রক্তপাত না করিয়া স্নানোৎসবে অমিতবলদৃপ্ত জরাসন্ধের বধ সাধন করিলেন এবং তৎকর্তৃক অপরূপ রাজগণকে মুক্ত করিয়া বহু উপঢৌকন সহ স্ব স্ব রাজ্যে পাঠাইয়া দিলেন। এখানেও বর্ষ সংস্থাপিত হইল। রাজস্থয়ের বজ্রক্ষেত্রে অগ্রপূজা পাইলেন, ত্রুঙ্ক ও আক্রমণোত্তত শিশুপালকে স্বহস্তে নিহত করিলেন, রাজস্থয় শেষ হইল। এই মণোৎসবে দুর্ঘোষধন স্বগণ-সহ খুব খাটিলেন, কিন্তু কুক্ষণে একদিন রাজস্থয়ে সংগৃহীত যুধিষ্ঠিরের অহঃপুরের বিপুল ঐশ্বর্যসম্ভারের প্রতি সহসা তার চোখ পড়িল, আর ময়দানবের নিশ্চিত মায়াসভায় জন্মমে হলে ও হুলভমে জলে পড়িয়া সে পাণ্ডুপুত্রগণের বড়ই বিজগভাজন হইল। দুর্ঘোষধনের এই ঈর্ষা ও অপমানের ফলেই শকুনির অক্ষক্রোড়া, দ্রৌপদীর অভিনয়, পাণ্ডবের সর্বস্বহরণ এবং তেরো বছর অজ্ঞাতবাস। ইহারই শেষ পরিণতি কুরুক্ষেত্রের মহাসমর, কুরুক্ষেত্রের পুণ্যভূমিতে কুরুপাণ্ডবপক্ষীয়দের মহা সমাধি। এই মহা সমাধির উপর শ্রীকৃষ্ণ শরশয্যাশায়ী মহামতি ভীষ্মের উপদেশমত যুধিষ্ঠিরাদির দ্বারা হস্তিনায় উত্তবভারতের এক সুপ্রতিষ্ঠিত ধর্মরাজ্য সংস্থাপন করিয়া তাঁহার মানুষ্য-জীবনের শ্রেষ্ঠতম ব্রতের উদ্‌যাপন করিলেন—‘অজ্ঞান বর্জ্যমাস ধর্মঃ ধর্মসুতাদিভিঃ’ ( ১০।৮৯।৬৫ )।

শ্রীভাগবতকার এই পবিত্র সমাধির উপরই এই গ্রন্থরূপ মহামোক্ষ নির্মাণ করিয়াছেন। যুদ্ধান্তে দ্রৌপদীর নিদ্রিত পঞ্চপুত্র হত্যা, তাহার ফলে শ্রীকৃষ্ণের

উপদেশে অশ্বখামার শিরোমণি কর্তন, অশ্বখামার আগ্নেয়াল হইতে শ্রীকৃষ্ণ কর্তৃক উত্তরার গর্ভরক্ষা—এই তিনটি বৃত্তান্তের উপরই এই গ্রন্থের আখ্যানভাগের পত্তন। ইহার পর যুধিষ্ঠিরের তিনটি অশ্বমেধ উপলক্ষে শ্রীকৃষ্ণ হস্তিনায় আসিয়াছিলেন, তারপর আর আসেন নাই। দ্বারকার রাজ্যসম্মিবেশে এবং অবশেষে নিজ হরস্তবংশের ধ্বংস-সাধন-কার্য্যে তাঁহার অবশিষ্ট মনুষ্য জীবন পরিসমাপ্ত হইল।

এখন এই শেষের কথা বলিব। শ্রীকৃষ্ণ ১২৫ বৎসর নরলোকে অবতীর্ণ হইয়াছেন। দুর্দ্ধর্ষ যাদবকুলকে আর রক্ষা করা গেল না। তিনি নিজেই উহার ধ্বংসের উপায় উদ্ভাবন করিলেন। স্নহস্মাসভায় সমবেত যাদবগণকে বলিয়া কহিয়া ও ভয় দেখাইয়া দ্বারকা হইতে প্রভাসে নিয়া গেলেন। মৈরেয়পানে আত্মকলহে বিধ্বস্ত হইয়া যখন সকল অস্ত্র নিঃশেষ হইল, তখন ঋষিশাপোদ্ভূত মুষলের চূর্ণ হইতে সমুদ্রের উপকূলে যে এরকাত্তনের উৎপত্তি হইয়াছিল, তাহা দ্বারাই যদুকুলের ধ্বংস সাধিত হইল।

উদ্ধব শ্রীকৃষ্ণের চিরসখা ও রহঃসচিব। একটি ‘অর্ভক’ অশ্বখের মূলে অস্তিম আসনে সমাহিত এই মহাযোগেশ্বর মহামানবের পাদমূলে শ্রীউদ্ধব আসিয়া লুপ্তিয়া পড়িলেন। ভক্তির নানা তত্ত্ব ব্যাখ্যা করিয়া এবং “সমদৃগ্ বিচরস্ব গাম্” এই মহাবাক্য দ্বারা উদ্ধবকে শাস্ত করিয়া লোকসংগ্রহের জন্ত তিনি তাঁহাকে এ লোকে রাখিয়া গেলেন। তাঁহার কর্ম্মময় জীবনের চিরসাথী সারথি দারুক তাঁহার দিব্য যান ও অস্ত্রশস্ত্র লইয়া সেই তরুণ তরুতলে আসিয়া উপস্থিত হইলেন। রথ ও অস্ত্রশস্ত্র সমুদয় বিদায় দিলেন, ‘উপশমঃ ব্রজ’ বলিয়া দ্বারকায় দারুকের অবশিষ্ট কর্তব্যের উপদেশ দিয়া মুষলের চূর্ণাবশিষ্ট লৌহখণ্ড-গ্রন্থিত শরদ্বারা যে বাধ তাঁহার সূদীপ্ত চরণতল আঘাত করিয়াছিল, তাহাকে আশ্বস্তি দিয়া ও সদগতি প্রাপ্ত করাইয়া সেই ভূমা পুরুষ নিজ মাথায় তন্ন সহসা অন্তর্হিত করিলেন।

বলদেব শ্রীকৃষ্ণর কিঞ্চিং পূর্বেই মহাসমাধিতে তনুত্যাগ করিয়াছিলেন। দারুকমুখে সকল সংবাদ পাইয়া বলদেব দেবকী মহিষীগণ সহ জি নিজ দেহ রক্ষা করিলেন। অজ্ঞান যদুকুলের ধ্বংসাবশেষ লইয়া ইন্দ্রপ্রস্থে আসিয়া যুধিষ্ঠিরকে এই সর্বনাশকর সংবাদ জনাইলেন। পরীক্ষিত্তে হস্তিনায় ও বজ্রকে ইন্দ্রপ্রস্থে অভিষিক্ত করিয়া পাণ্ডবভ্রাতাগণ মহাপ্রস্থানের পথে কর্ম্মলীলা শেষ করিলেন। কুন্তী দ্রৌপদী স্তভদ্রা নিজ নিজ দেহ ত্যাগ করিলেন। কুরু-পাণ্ডবের রক্তক্ষেপে শেষ যবনিকার পত্তন হইল।

গোকুল ও বৃন্দাবনের বনভূমিতে শ্রীকৃষ্ণের আদিলীলা, মথুরায় শূরসেনের প্রাচীন রাজধানীতে তাঁহার মধ্যলীলা এবং দ্বারকায় হস্তিনাপুরে কুরুক্ষেত্রে ও প্রভাসে তাঁহার অন্ত্যলীলা অভিনীত হইল। তিন লীলাই কণ্ঠব্যের লীলা, প্রেমের লীলা, আকারের ভেদ মাত্র। ভারতের ধর্ম্মনীতি, সমাজনীতি ও রাজনীতি—সকল ক্ষেত্রে ‘আচারে ও প্রচারে’ এক শাস্ত্রত আদর্শ সুদৃঢ়রূপে প্রতিষ্ঠিত করিয়া এই যোগযোগেশ্বর এই মহা ভারতের পশ্চিম সাগরের মহাতীর্থে তাঁহার কর্ম্মময় মহালীলা সম্বরণ করিলেন।—সাত দিনে কুশল্লা সাগরপ্রাবিতা হইল।—ও—

### শ্রীভাগবতের ভক্তিবাদ—

আমাদের প্রধান ধর্ম্মশাস্ত্র প্রায় সকলই জ্ঞান কন্ম ও ভক্তি এই তিনটি মূত্র অবলম্বনে ব্যাখ্যাত। এই তিনের মূল বেদে, সূত্রাং বেদই সকল শাস্ত্রের ‘একায়ন’। বেদান্ত বা উপনিষদের বৈশিষ্ট্য জ্ঞান বা তত্ত্বে, গীতার বৈশিষ্ট্য কর্মে, ভাগবতের বৈশিষ্ট্য ভক্তিতে। তন্ত্র বা শৈব শাক্ত ধর্ম্ম, ভক্তি-প্রধান। উপনিষদের পরম ঋষিগণ ভক্তির মূল উপাদানসমূহ সকলই সংগ্রহ করিয়া গিয়াছেন। গীতাকার তাহা লইয়া জ্ঞান ও কর্ম্মমিশ্রণে ভক্তির একটি কাঠামো প্রস্তুত করিয়াছেন, ভাগবতকার তাহাতে ভক্তিদেবীর একটা পূর্ণাবয়ব মূর্ত্তি গড়িয়া তুলিয়াছেন। কুরুক্ষেত্রের যুদ্ধক্ষেত্রে গীতা, যুদ্ধক্ষেত্রে ভাগবত। ভক্তিবাদে গীতা যেখানে শেষ, ভাগবত সেখানে আরম্ভ। ‘সত্যং পরং ধীমহি’ দ্বারা এই গ্রন্থের মঙ্গলাচরণ। ‘প্রোজাষত-কৈতব’ (১।১।২) বা অকপট ভক্তিদর্শনের প্রণাব ইহার উদ্দেশ্য। এই ভক্তিসাধনের তত্ত্ব ও প্রণালী উভয়ই ‘নিগমমূলক’ (১।১।১-৩)। নিগম বা ঋতি বলিয়াছেন, তিনি ‘রূপং রূপং প্রতিক্রপো বভূব’ (বৃহ ২।৫।১১); তিনি ‘ব্রষ্টব্য ও শ্রোতব্য’ (বৃহ ২।৫।৫); তিনি রসরূপে, আনন্দরূপে, সূত্ররূপে, অমৃতরূপে ‘মন্তব্য ও উপাসিতব্য’; তাঁহার দ্বারা ‘সম্পরিষদ্বৃত্ত’ হইলে (বৃহ ৪।৩।২১-২২) চণ্ডাল অ-চণ্ডাল, পুঙ্কশ অ-পুঙ্কশ, শ্রমণ অ-শ্রমণ হইয়া যায়। এই খানেই অনিমিত্তা প্রেমভক্তির মূল। শ্রীভাগবত ভগবদ্ভীলা ও ভক্ত-চরিত বর্ণনা দ্বারা নানাভাবে সেই ‘অরূপ অথচ উরূরূপ’-এর (৮।৩।৯) প্রতি এই অনিমিত্তা ভক্তির পরিপূর্ণ মহিমা প্রকটিত করিয়াছেন।

ঈশ্বরারাধনা কোন হেতুবাদের উপর প্রতিষ্ঠিত নহে, ইহা মানুষের স্বাভাবিকী বৃত্তি বা ধর্ম্ম। ইহা বহু ‘আয়াসসাধ্য’ নহে (৭।৬।১৯; ৭।৭।৩৮), বহু শাস্ত্রপাঠ, বহু ক্রিয়াহুষ্ঠান বা কোন প্রকার কৃচ্ছ্রসাধন অশাস্ত্র কণ্ঠব্য নহে। ‘মন্ত্রলিঙ্গ-ব্যবচ্ছিন্ন তীক্ষ্ণকুশাগ্রবহল’ (৪।২।৯৫-৯৯) সাকাম ক্রিয়া ‘বিষমবুদ্ধি-বিরচিত’ (৬।১৬।৪১)।



অর্চা বা প্রতিমায় পূজা যতক্ষণ সর্বভূতে শ্রীহরিকে দেখিবার দিকে লক্ষ্য না রাখিয়া কেবল একটা বিশিষ্ট গণ্ডীতে দৃষ্টিকে আবদ্ধ করিয়া রাখিবে, ততক্ষণ সাধক ‘ভস্মস্তোত্র জুহোতি’ ( ৩২৯২২ )। সমদৃষ্টিই সেই পরম দেবের মহৎ সমর্পণ বা পূজা ( ৭৮১৯ )। ‘ঔৎকর্ষ্য’ বা অখণ্ড আগ্রহ দ্বারাই শ্রীহরি হৃদয়ে অবরুদ্ধ হন, তখন ভক্ত তাঁহার সহিত সততযুক্ততা লাভ করেন, তখন বাক্যমনের ‘মৃগাগতি’ ও অন্তর্কর্ষিঃ ইন্দ্রিয়দামের অসংপথে প্রবৃত্তি ক্রমশঃ তিরোহিত হয় ( ২৬১০৪ )। এই আগ্রহ ‘তপোযুক্ত ভক্তির্যোগ’ দ্বারা লভ্য। শ্রবণ কীর্তনাদি ও ‘নিষ্কলঙ্কের পাদরজঃ’ ( ৭৫১৩২ ) এই তপস্তার প্রধান সহায়। এই পথেই শ্রদ্ধা রতি ও ভক্তির ‘অনুক্রমণ’ বা ক্রমাভিব্যক্তি ( ৩২৫১২৫ )। ভক্তিলব্ধ সুখ ও আনন্দ যেমন বাড়ে, জীবের দুঃখতাপবোধ তেমনই কমে, চিত্তবৃত্তি তেমনই শাস্ত ‘অমৎসর’ ও রাগদ্বেষশূন্য হইয়া ওঠে। চিত্তশুদ্ধি ভক্তিবৃদ্ধির সঙ্গে সঙ্গেই হইতে থাকে, যেমন অন্নের প্রতি গ্রাসে জীবের ‘ক্ষুদ্রপায়, তৃষ্টি ও পুষ্টি’ হইতে থাকে ( ১১১২৪২ )। দেহে অনাস্ববোধ এবং ভোগে অ-রাগ বা অনাসক্তি এই পরম তত্ত্ব অভ্যাসের ক্রমশঃ অর্জিত ও প্রতিক্রমে বর্দ্ধনশীল পরিণতি। দেহ একদিকে যেমন ‘ঋ-শৃগাল ভক্ষ্য’ ( ২১৭৪২ ), অপরদিকে আবার শ্রীহরির বিলাস নিকেতন ; সংসার একদিকে যেমন ‘উগ্রব্যাল-নিষেবিত,’ অপর দিকে তেমন ‘সুরক্ষিত দুর্গ’ ( ৫১১১৮ )। পরিমিত ভোগের সঙ্গে এই ভক্তিবাদের কোনও বিরোধ নাই, বিরোধ আসক্তির সঙ্গে। জঠরভরণের অতিরিক্ত ভোগ ‘স্তেয় বা চৌর্য্য’ ( ৭১৪৮ ), স্তত্রাং দণ্ডনীয়। ২১২৪,৫ শ্লোক ( ২য় সং ২৩-২৪পৃঃ ) ত্যাগ ও বৈরাগ্যের একটি চূড়ান্ত চিত্র। জাতি বয়স কুল মান পদ মত ইত্যাদি সর্বপ্রকার বৈষম্য এই ভক্তিবাদে সর্বথা নিরাকৃত। ভক্তির ঘরে কে অধিকারী, আর কে অনধিকারী ? কে ব্রাহ্মণ, কে ‘স্ত্রী শূদ্র’ ( গীতা ৯৩২ ইত্যাদি ) আর কে ‘ঋপচ’ ?

ভক্তির যে আদর্শ শ্রীভাগবত ভূষোভূষঃ নির্দেশ করিয়াছেন, তাহা অশ্রুত দুর্লভ। বিষয় চাহিলেও তিনি দেন না, বরং থাকিলে কাড়িয়া নেন, সে স্থলে দেহ—সকল ইচ্ছার নিধান স্বীয় পাদপল্লব ( ৫১৯২৬ ) ( ২য় সং ৭৬পৃঃ )। ইন্দ্র বা ব্রহ্মার পদ, গ্রিলোকের আধিপত্য ও অতিভূচ্ছ, এমন যে বহুকীর্তিত স্বর্গভোগ, তাহাও অতিশয় হেয় ; মোক্ষ মুক্তি অপূনর্ভবও নিতান্ত ফল ( ৫১৪৪৪ ) —‘দীপ্যমানং ন গুরুন্তি’ ( ৩২৯১৩ )। ভক্ত চায় কেবল তাঁর পাদ-পল্লব, যে অশ্রু কিছু চায়, সে ত ‘বণিক্’ ( ৭১০১৪ )। গোপী-প্রেম এই অনিমিত্ত ভক্তিবৃত্তে পূর্ণাঙ্গতি।

বস্তুতঃ উপনিষদ ও ভাগবত উভয়েরই সাধন ভাগ একটা বিশুদ্ধ সবল ও সহজ ভাবের উপর প্রতিষ্ঠিত। মায়া মোহ শোক তাপ বাসনা কামনা হইতে যে নিদারুণ দুঃখবাদের উৎপত্তি, তাহা প্রাচীন উপনিষদসমূহে নাই। ঐ দুঃখবাদ ভাগবতপ্রচারিত শুদ্ধ ভক্তিদর্শনের পথে কোথাও কোন জটিলতা আবল্য বা বিষাদক্লিষ্ট মনোভাবের সৃষ্টি করিতে পারে নাই। প্রাচীন উপনিষদ ও ভাগবত এই উভয় শাস্ত্রেই ভক্তিলাভের অধিপতি, হৃদয়ভরা অ-তর্ক শ্রদ্ধা বা একান্ত নিষ্ঠা ছাড়া অন্য কোনও প্রকারের কোনও সৰ্ত্ত আরোপিত হয় নাই। উভয়ই এই পরম বাণীই উদাত্তস্বরে বোঝিত হইয়াছে যে, সেই ‘সর্বান্বভূঃ’ (বৃহ ২।৫।১২) ‘আত্মপ্রদ’ (৪।৩।১২) শ্রীভগবান্ জলে স্থলে শূন্যে, তোমার হৃদয়-‘দহরে’ (ছাঃ ৮।১।১), আপনাকে অকাতরে বিলাইয়া দিয়াছেন—‘দিবিন চক্ষুরাততঃ—চোখ খুলিলেই যেমন আকাশকে দেখিতে পাও। এই স্বধ্বংসের নিত্যলীলাক্ষেত্রে—‘ধীমা ধীমা নেত্র পড়ে’, ‘রসিক ভাবুক’ ভাবের চোখ খুলিয়া ‘আ-লয়’ (১।১।৩) সেই লীলারস পান করুন। সর্বোপরি, কৃপা—‘যেবাং স এব ভগবান্ দয়য়দনন্তঃ’ (২।৭।৪২)—‘যমোর্বৈষ বৃণতে’র (কঠ ২।২৩ ইত্যাদি) অবিকল প্রতিধ্বনি।

### শ্রীভাগবত প্রেমের জয়-গীতি—

শ্রীভাগবত ভক্ত ও ভগবানের খেলা। এ খেলায় চিরদিনই ভক্তের জিত, ভগবানের হার। ‘স্বভূত্যরজিতং পরাজিতম্’ (১০।৮।১৪০)। প্রহ্লাদকে হিরণ্য-কশিপুর হাত দিয়া কত কষ্টই না দিলেন, তবু সে দমিলনা।—শেষে এক অদ্ভুত মূর্তি ধরিয়া স্তম্ভ বিদীর্ণ করিয়া তাঁহাকে আসিতে হইল। সেই বালকভক্তের কাছে এই তাঁর প্রথম পরাজয়। তার পর যখন বর দিতে চাহিলেন, ভক্ত তখন দৃষ্টকণ্ঠে বলিলেন, এ তোমার কেমন কথা, আমি কি বণিক?—এই দ্বিতীয় পরাজয়। চতুর-চুড়ামণি তখন সৃষ্টিরক্ষার জন্য প্রেমের আছান দ্বারা প্রহ্লাদকে পিতৃরাজ্যে স্থাপন করিয়া চলিয়া গেলেন।—ঐব হারিয়াও জিতিলেন, রাজরাজেশ্বরের নিকট তুচ্ছ রাজত্বরূপ ‘সতুষ তপ্তুলকণা’ লইয়া শেষে ঐবলোক পাইলেন।—বৃত্তকে বধ করার জন্য অমোঘ কুলিশ গড়াইলেন, যুদ্ধকালে বৃত্তের প্রহারে ইন্দ্রের হাত হইতে সেই অস্ত্র খসিয়া পড়িল। বৃত্ত ইন্দ্রকে বলিলেন, ঠাকুর আমার জন্য ঋষি-অস্থি-নির্ম্মিত এই অব্যর্থ যন্ত্র পাঠাইয়াছেন, আমি কিছুকাল অপেক্ষা করিতেছি, তুমি ইহা তুলিয়া লইয়া সত্বর আমার প্রতি নিক্ষেপ কর। ইন্দ্র শুশ্রূত হইয়া হার মানিলেন—বলিলেন, ‘অস্বর, তুমি কৃতকৃত্য, তুমিই ধন্য।’—বলি ঠাকুরের চলনা ও সবই বুঝিলেন, তবুও সর্বশ্রম দিলেন—ক্রুদ্ধ গুরুর অভিশাপও তুচ্ছ করিলেন,

বারুণপাশে বদ্ধ হইয়া স্রুতলে তাড়িত হইলেন। ভক্তির যুদ্ধে পরাজয় স্বীকার করিয়া শেষে কুরকে গদাহস্তে সেই অশ্বরের ‘দুর্গপালত্ব’ অঙ্গীকার করিতে হইল।—অশ্বরীষের যুদ্ধে ত অকুণ্ঠচিত্তে মানিয়া লইতে হইল ‘আমি অশ্বত্থ ভক্তাধীন, স্রুতরাং হে দুর্কাসা, তোমাকে রক্ষা করিতে অক্ষম।’—রত্নিদেবের সঙ্গে কি খেলাটাই না খেলিলেন, কত সাজে সাজিয়া আসিয়া তাহাকে হটাইতে প্রাণপণ চেষ্টা করিলেন, রত্নি কিছুতেই হটিলেন না, বলিলেন, ক্ষুৎপিপাসা ত তুচ্ছ কথা, জীবের সকল দুঃখ তুমি আমাকেই দেও, কত দুঃখ তোমার ভাণ্ডারে আছে আমি দেখিয়া লইব। শঠচূড়ামণি তখন ধরা দিতে বাধ্য হইলেন।

সর্বশেষে, গোপের ঘরে আসিয়া ‘ভরা ডুবাইলেন’—কি হারটাই না সেখানে হারিলেন। নন্দের ‘বাধা’ ত বহিলেনই, নারী-যুদ্ধে নাকের জলে চোখের জলে একাকার হইতে হইল। প্রথমেই ত নাচার হইয়া মা যশোদার রজ্জুতে বান্ধা দিতে হইল। বজ্রপত্নীদের সঙ্গে জিতিয়া ভাবিলেন, এ অরণ্যচরী গোপকন্যা আমার কি করিবে? তাদের কাছে প্রথম হারিলেন,—গৃহে পতিদের ও অরণ্যে হিংস্রজন্তুর ভয় দেখাইয়া তাহাদিগকে তাড়িত করার নিষ্ফল চেষ্টায়। তারপর হারিলেন, বস্ত্রহরণে তাদের সর্বস্বসমর্পণে। রাসক্রীড়ায় আসিয়া ছু ছু বার জিতিবার চেষ্টা করিলেন, একবার, অভিমানিনীদের নিকট হইতে সহসা অস্থিত হইয়া, আবার প্রেমদুগ্ধা গোপীকে পরিত্যাগের ভয় দেখাইয়া। সেই মুগ্ধা বত্ৰা ললনাগণ কিছুমাত্র হটিল না—কি এক দুর্দ্বর্ষ প্রেমের যুদ্ধ তখন যমুনার তটভূমিতে ধ্বনিত হইয়া উঠিল! অমন চিত্র কেহ কখনও আঁকিয়াছেন কিনা জানি না। বিধাতাপুরুষ কত কলঙ্ক তাঁর ললাটে লিখিয়াছিলেন, যাচিয়া আসিয়া আবার সেখানে ধরা দিতে হইল। বলিলেন, ‘ন পারয়েহং’ ইত্যাদি ( ১০।৩২।২২ )। কত যাক্কা, কত তোষামোদ করিয়া সেই প্রণয়িনীদের মন পাইতে হইল। বাঙ্গালীর আদি রসকবি এই খেলায় ভক্তের চূড়ান্ত জয়গীতি গাইয়াছেন—‘দেহি পদপল্লবমুদারম্’।—শ্রীভাগবত আশ্রিত এই প্রেমের জয় গীতি।

জয়তি জয়তি জগন্মঙ্গলং হরেনর্যম

॥ হরি ঔ ॥

শ্রীগুণদা চরণ সেন

## দ্বিতীয় সংস্করণ

এই সংস্করণে কিছু সংশোধন ও স্থানে স্থানে কোন শব্দের বা ভাবের সামান্য পরিবর্তন মাত্র করা হইয়াছে।

দুইটি পরিশিষ্ট যোগ করিয়াছি। প্রথমটি একটি মানচিত্র, উহা দ্বারা শ্রীকৃষ্ণের মানুষী কর্মক্ষেত্রের বিস্তৃতি দেখাইতে চেষ্টা করিয়াছি। দ্বিতীয়টি দুইটি বংশতালিকা, উহাতে প্রধান প্রধান ঋষি ও রাজগণের পরস্পর বংশগত সম্বন্ধ বুঝা যাইবে। আশা করি এই দুইটি পরিশিষ্টই কুতূহলী পাঠকগণের মনে অনুসন্ধিৎসার উদ্রেক করিবে।

এই উপলক্ষ্যে একটি কথা নিবেদন করি। কেবল কতকগুলি অবাস্তব ঘটনার উপর ভক্তির প্রতিষ্ঠা করা যেমন অসম্ভব, তেমন কোন প্রাচীন গ্রন্থে কতকগুলি অবাস্তব বা অবাস্তুর বর্ণনার উল্লেখ দেখিলেই ঐ গ্রন্থকে অকর্মণ্য বোধে একেবারে বর্জন করাও অসঙ্গত। জীবনের অত্যাগত সকল পথের তায়ই ধর্মের পথেও বাস্তব অবাস্তব উভয়েরই স্থান বা প্রযোজন আছে। এক দিকে না বুঝিয়া উভয়ের সমন্বয় রক্ষা করিয়া চলাই সকল দেশের বর্তমান যুগাচার্যগণের অনুশাসন। শ্রীভাগবতের পাঠেও আমাদের এই কথাটি সর্বদা স্মরণে রাখা একান্ত আবশ্যক।

শ্রীভাগবতের কথা আর একবার বলিবার স্বেযোগ পাইয়া ধন্য হইলাম।

শ্রীগুণদাচরণ সেন



# সূচীপত্র

বিষয়

পৃষ্ঠা

নিবেদন

১]-১৪]

## প্রথম স্কন্ধ

১-৬ অঃ—নৈমিষে ঋষিযজ্ঞে আগত সূতকে শোনকের জিজ্ঞাসা ও সূতের উত্তর—বেদব্যাসের নানা গ্রন্থ বচনা ও অবসাদ—নারদেব আগমন উপদেশ ও নিজ পূর্ববৃত্তান্ত কথন—ভাগবত গ্রন্থের উৎপত্তি ... ১-৭

৭-১১ অঃ—সূতের ভাগবত শিক্ষা—অশ্বখামার শিবোমণি কর্তন—উত্তরার গভবক্ষা ভীষ্মের উপদেশ ও দেহত্যাগ—যুধিষ্ঠিরের রাজ্য গ্রহণ—শ্রীকৃষ্ণের দ্বাবকা বান ... ৭-১১

১২-১৫ অঃ—পর্বীক্ষিতের জন্ম—বিহুরের উপদেশ ও ধৃতরাষ্ট্রাদির হিমাচল প্রস্থান—নারদেব সাহসনা দান—শ্রীকৃষ্ণের অন্তর্ধান সংবাদ—পর্বীক্ষিতকে বাজাদান—যুধিষ্ঠিরাদির মহাপ্রস্থান—দ্রৌপদী ও বিহুরের দেহত্যাগ ... ১১-১৫

১৬-১৯ অঃ—পর্বীক্ষিত ধর্ম পৃথিবী ও কলির কথোপকথন, কলিকে স্থান দান—শমুক-আশ্রমে পর্বীক্ষিত—শাপ ও প্রাণোপবেশন—মুনিগণের উপদেশ—সুকদেবের আগমন ও তৎপ্রতি পর্বীক্ষিতের প্রশ্ন ... ১৬-২২

## দ্বিতীয় স্কন্ধ

১-৩ অঃ—সুকদেবের কথারম্ভ—পর্বীক্ষিতকে ভক্তি ও বৈবাগ্যেব উপদেশ ... ৩২-২৬

৪-৭ অঃ—নাবদ নিকট ব্রহ্মাব ভগবৎমাহাত্ম্য ও লীলাবতাব বর্ণন ... ২৬-৩০

৮-১০ অঃ—শ্রীভগবানেব ব্রহ্মাকে ভাগবতকথন—‘চতুঃশ্লোকী’—ভাগবত শিক্ষার ক্রম—সৃষ্টবস্তুব শ্রেণীভেদ ... ৩০-৩৪

## তৃতীয় স্কন্ধ

১-৪ অঃ—বিহুরের ধৃতরাষ্ট্রকে উপদেশ, হর্ষোদধনের কটুবাক্য—বিহুরের হস্তিনাপুর ত্যাগ তীর্থভ্রমণ ও উদ্ধবসহ সাক্ষাৎ—উদ্ধবের কৃষ্ণলীলাকথন ও বিহুরকে মৈত্রেয় নিকট গমনের উপদেশ ... ৩৪-৩৮

বিষয় :-

পৃষ্ঠা

৫-১১ অঃ—বিহুরের প্রাণে মৈত্রেয়ের কথাবস্তু ও নানা তত্ত্ব বিবৃতি—  
সৃষ্টির মহিমা—ব্রহ্মা অধ্যক্ষ ... ৩৮-৩৯

১২-১৯ অঃ—ব্রহ্মার প্রজাসৃষ্টি আরম্ভ—মহু ও শতরূপার উৎপত্তি—  
বরাহাবতার কর্তৃক হিরণ্যাক্ষবধ ও জলমগ্ন পৃথিবীর উদ্ধার—হিরণ্যকশিপু ও  
হিরণ্যাক্ষের পূর্বজন্ম বৃত্তান্ত ... ৪০-৪২

[ ২০ অঃ—সৃষ্টি প্রকরণ ]

২১-২৪ অঃ—কর্দম ঋষির সন্তানলাভ জ্ঞাত তপস্যা ও মহুকতা দেবহুতিসহ  
বিবাহ—পুত্র কপিলরূপে বিষ্ণুর আবির্ভাব—কর্দম প্রতি কপিলের উপদেশ—  
কর্দমের প্রব্রজ্যা ... ৪২-৪৪

২৫-৩৩ অঃ—কপিলের দেবহুতিপ্রতি জ্ঞান ভক্তির উপদেশ ও প্রস্থান—  
দেবহুতির তপস্যা ও মুক্তিলাভ ... ৪৪-৪৭

## চতুর্থ স্কন্ধ

১-৭ অঃ—শিবের ব্যবহারে দক্ষের বোঁধ—দক্ষযজ্ঞে সতীর গমন ও দেহত্যাগ  
—দক্ষবধ ও যজ্ঞনাশ—দক্ষাদির পুনর্জীবন—বিষ্ণুর আবির্ভাব—  
যজ্ঞ সমাপন ... ৪৭-৫১

৮-১২ অঃ—মনুপুত্র উত্তানপাদ, তৎপুত্র ঋবের ক্ষোভ ও বনগমন—  
নারদের আগমন ও মন্ত্রদান—মধুপুরীতে ঋবের তওস্তা হরিলাভ ও রাজ্যপ্রাপ্তি  
—কুবেরপুরী আক্রমণ ও মন্ত্রর উপদেশে নিবৃত্তি—রাজ্যত্যাগ তপস্যা ও  
ঋবলোক প্রাপ্তি ... ৫২-৫৫

১৩-২৩ অঃ—উৎকল ও বৎসর—অঙ্গের গৃহত্যাগ, বেণেব রাজ্যলাভ  
হর্ষভ্রতা ও নিধন—পৃথু ও অর্জির উৎপত্তি—পৃথুব রাজ্যাভিষেক, পৃথিবী  
দোহন সমতলকরণ ও পুরপত্তনাদি নির্মাণ—শততম অধ্যমে ইন্দ্রের অশ্বহরণ ও  
যজ্ঞনিবৃত্তি—প্রজাগণ প্রতি উপদেশ—সনৎকুমারাদির আগমন ও উপদেশ—  
বনগমন ও দেহত্যাগ ... ৫৬-৬১

২৪ অঃ প্রথমাংশ ও ২৫-২৯ অঃ—বিজিতাশ্ব—প্রাচীনবহির  
যজ্ঞ ও পত্তবধ—নারদের পুরজ্ঞান আখ্যান কথন—রাজার নির্বেদ ও  
সাক্ষ্য লাভ ... ৬১-৬৪

২৪ অঃ শেষাংশ ও ৩০-৩১ অঃ—প্রচেতাগণ—নীলকণ্ঠ দর্শন—রুদ্রমন্ত্র-  
লাভ তপস্যা ও পুত্রলাভ—নারদের উপদেশ, জ্ঞান ও সদগতি—মৈত্রেয়ের  
কথ্যশেষ—বিহুরের হস্তিনা প্রস্থান ... ৬৪-৬৬

বিষয়

পৃষ্ঠা

পঞ্চম স্কন্ধ

১-৩ অঃ—মমুর অপর পুত্র প্রিয়ব্রতের বংশ—ব্রহ্মার উপদেশে রাজ্যগ্রহণ—পুত্রকন্যা—সপ্তমসমুদ্র ও দ্বীপের উৎপত্তি—আয়ীত্র ও নাভি—  
তৎপুত্র ঋষভ শ্রীহরির অবতার ... ৬৭-৬৮

৪-৬ অঃ—নাভির প্রব্রজ্যা—ঋষভের রাজ্য ও শতপুত্র লাভ, পুত্রগণ প্রতি  
উপদেশ, প্রব্রজ্যা, ঋক্ষা পর্যটন ও দেহত্যাগ ... ৬৮-৭১

৭-১৪ অঃ—ভরতের রাজ্যশাসন ভক্তিলাভ ও প্রব্রজ্যা—গীওকীতীরে  
হরিশিঙ লাভ পালন ও আসক্তি—দেহান্তে মৃগজন্ম—পরজন্মে জড় ব্রাহ্মণ—  
বলিদান জন্ত চণ্ডিকা নিকট আনয়ন ও মুক্তিলাভ—রহুগণের শিবিকা বহন ও  
তাহাকে উপদেশ—সংসার-অটবী বর্ণন—রহুগণের জ্ঞানলাভ—ভরতের প্রস্থান  
ও বিচরণ ... ৭১-৭৫

১৫ অঃ—গয়রাজা—গাথা ... ৭৫-৭৬

[ ১৬-২৬ অধ্যায়ের সার ] ... ৭৬

ষষ্ঠ স্কন্ধ

১-৩ অঃ—ভক্তিদ্বারা পাপনাশ—অজ্ঞামিলের কুচরিত্র, মৃত্যুকালে পুত্র  
নারায়ণকে আহ্বান, যমদূত ও বিষ্ণুদেহের আগমন, বাদাম্ববাদ ও প্রস্থান—  
অজ্ঞামিলের অমৃত্যু তপস্তা ও বিষ্ণুধাম প্রাপ্তি ... ৭৬-৭৯

৪-৫ অঃ—হর্যাস ও সবলান্তের পুত্রলাভ জন্ত তপস্তা ও নারদ কর্তৃক  
নিবৃত্তি—দক্ষের নারদকে অভিশাপ ... ৮০-৮১

৬-৯ অঃ—বৃহস্পতির স্বর্গত্যাগ—বিশ্বরূপের গুরুত্রে বরণ ও হত্যা—  
অষ্টার যাজ্ঞ বৃত্তের উৎপত্তি—দবীচি নিকট গমন ও উপদেশ ... ৮১-৮২

১০-১৩ অঃ—দবীচির শরীরত্যাগ ও অস্থিদ্বারা বজ্র নির্মাণ—ইন্দ্র-বৃদ্ধ যুদ্ধ ও  
কথোপকথন—বৃদ্ধবধ—ব্রহ্মহত্যা ভয়ে ইন্দ্রের পলায়ন—নহুষের ইন্দ্র ও পরে  
সর্পত্বলাভ—ইন্দ্রের মুক্তি ... ৮২-৮৫

১৪-১৭ অঃ—অঙ্গিরার যজ্ঞে চিত্রকেতুর পুত্রলাভ—পুত্রের মৃত্যু, পুনর্জীবন  
ও কথোপকথন—চিত্রের নির্বেদ, বিভাধরত্ব, পার্শ্বতীর্ণ্যে অম্বরত্ব প্রাপ্তি ও  
বৃহস্পতি উৎপত্তি ... ৮৫-৮৮

[ ১৮ অধ্যায়ের সার ] ... ৮৮



## সপ্তম স্কন্ধ

১-৪ অঃ—নানাপ্রকার ভাবেৰ দ্বাৰা ঈশ্বৰলাভ—ভ্ৰাতাৰ মৃত্যুতে  
হিরণ্যকশিপুৰ উপদেশ, তপস্যা, ব্ৰহ্মাৰ বৰ ও স্বৰ্গ অধিকার—বিষ্ণুৰ দেবগণকে  
আশ্বাস প্রহ্লাদেৰ শিশু চৰিত্ৰ ... ৮৮-৯৩

৫-৭ অঃ—প্রহ্লাদেৰ শিক্ষা—পিতাৰ নিকট উক্তি, পিতাৰ রোষ, বধাদেশ,  
বধচেষ্টা ব্যৰ্থ—বয়স্ৰগণকে উপদেশ ... ৯৩-৯৯

৮-১০ অঃ—পিতা নিকট পুনঃ আনীত প্রহ্লাদেৰ উক্তি—পিতাৰ দম্ভ ও  
স্তম্ভে মুগ্ধাঘাত—নৃসিংহেৰ আবিৰ্ভাব ও হিরণ্যকশিপু-বধ—স্তব ও বরদানপ্রসঙ্গ  
—রাজ্যভোগেৰ নিৰ্দেশ—পিতাৰ সদগতি ... ৯৯-১০২

১১-১৫ অঃ—নাৰদেৰ নানা ধৰ্মবিধি ও নিজ পূৰ্বজন্ম কথন ... ১০২-১০৮

## অষ্টম স্কন্ধ

১-৪ অঃ—প্রথম চাৰি মন্ত্ৰ—গজেন্দ্রকে গ্ৰাধেৰ আক্রমণ বিষ্ণুস্তব—  
বিষ্ণু কর্তৃক গ্ৰাহবধ ও গজেন্দ্রেৰ মুক্তি - উভয়েৰ পূৰ্বজন্ম বৃত্তান্ত ... ১০৮-১১১

৫-১২ অঃ—পঞ্চম মন্ত্ৰৰ সময় বৈকুণ্ঠ নিৰ্মাণ—ষষ্ঠ মন্ত্ৰৰ সময় দেবাসুৰে  
সন্ধি ও সমুদ্র মন্থন—শিবেৰ হলাহল পান—নানা সন্তাৰ উদ্ভব—অমৃতকুন্ত  
—বিষ্ণুৰ মোহিনীবেশে অমৃত পৰিবেশন—ইন্দ্র-বলি যুদ্ধ—বলি হত ও  
উজ্জীৱিত ... ১১১-১১৫

১৩-১৪ অঃ—সপ্তম হইতে চতুৰ্দশ মন্ত্ৰ—মন্ত্ৰ ইন্দ্র ঋষি ও প্রজাপতিৰ  
কাৰ্য্য ... ১১৫-১১৬

১৫-২৩ অঃ—বলিৰ বজ্জ ও দেৱরাজধানী অধিকার—বামনদেৱেৰ জন্ম—  
ত্ৰিপাদভূমি যাজ্ঞা—গুৰুচাৰ্য্যেৰ নিষেধ প্রত্যাখ্যান ও অভিশাপ—ভূমিদান—  
বামনদেহে বিশ্বদৰ্শন—ত্ৰিপাদভূমি যাজ্ঞা পূৰ্ণে অসমর্থ ও পাশবদ্ধ—প্রহ্লাদেৰ  
আবিৰ্ভাব—বলি ও তৎসত্ৰী স্তব—স্বৰ্গগম্য বলিৰ পাতাল প্রবেশ—বিষ্ণুৰ  
চূৰ্ণপালয় অঙ্গীকার ... ১১৬-১২৭

২৪ অঃ—দয়গ্ৰীবেৰ বেদাপহরণ—সত্যব্রত ও শফরী—  
মৎস্তাবতার ... ১২৭-১২৯

## নবম স্কন্ধ

১-৩ অঃ—শ্ৰীকৃদেব সপ্তমমন্ত্ৰ বৈবস্বত—ইক্ষাকু নভগ নাভাগ ... ১২৯

বিষয়

পৃষ্ঠা

৪-৫ অঃ—নাভাগের ধনপ্রাপ্তি—অখরীষের হরিসেবা ও ব্রতপারণা—  
দুর্বাসার 'ক্রোধ—চক্রে আক্রমণ—দেবগণের নিকট দুর্বাসার আশ্রয় প্রার্থনা  
... দুর্বাসার ক্ষমা লাভ ... ১২৯-১৩৫

৬-১২ অঃ—ইক্ষাকুবংশ—ককুৎস্থ মাক্রাতা মুচুকুন্দ ত্রিশঙ্কু হরিশ্চন্দ্র সগর—  
সগরপুত্রগণ ভয়ীভূত ও গন্ধানয়নে উদ্ধার—কন্ধ্যাষপাদ, পরশুরাম—খটাবের  
তপস্যা ও মুক্তি—দশরথ, শ্রীরামচন্দ্র ... ১৩৫-১৩৬

১৩ অঃ—নিমি—বিদেহজনক—সীরধ্বজ—সূর্য্যবংশ সমাপ্ত ১৩৬-১৩৭

১৪-১৭ অঃ—চন্দ্রবংশ—অত্রি পুরুরবা উর্কণী—শোনক জহু কুশ গাধি  
জমদগ্নি পরশুরাম—কামদুবা গাভী, পরশুরাম কর্তৃক হৈহয়বংশ ধ্বংস ও পৃথিবী  
নিঃক্ষত্রিয়করণ ... ১৩৭-১৩৮

১৮-১৯ অঃ—নহবের ইন্দ্র ও পরে অজগরহ প্রাপ্তি—যযাতি দেবযানী  
ও শম্বিষ্ঠা—শুক্রের পাপ—পুত্র যৌবনদান—যযাতির ভোগ, বৈরাগ্য ও  
বনগমন—দেবযানীর নির্বেদ ও দেহতাগ ... ১৩৮-১৪০

২০ অঃ—দ্রুপদ শকুন্তলা—ভরতের রাজ্য পুত্রপ্রাপ্তি ও নির্বেদ ১৪১

২১ অঃ ১-১৮ শ্লোকঃ—রত্নদেবের অতিথি সেবা—ব্রাহ্মণ শূদ্র কুকুর ও  
চণ্ডাল—দেবগণের আবির্ভাব ... ১৪২-১৪৩

২১ অঃ অবশিষ্ট—২৪ অঃ—যযাতির অপর পুত্রগণের বংশ—যজুবংশ—  
শ্রীকৃষ্ণের জন্ম ও কর্ণ ... ১৪৩-১৪৬

## দশম স্কন্ধ

১-২ অঃ—কৃষ্ণজন্মের সূচনা—বসুদেব দেবকীর বিবাহ—রথে দৈববাণী—  
কংসের নৃশংসতা—দেবকীর সপ্তম গর্ভ—অষ্টম গর্ভে ভগবানের আবির্ভাব—  
দেবগণের স্তব ... ১৪৬-১৪৯

৩-৪ অঃ—শ্রীকৃষ্ণ জন্ম—পিতামাতার স্তব ও কৃষ্ণের উক্তি—বসুদেবের  
কৃষ্ণ লইয়া গোকুল গমন ও নন্দের কন্যাসহ বিনিময়—কংস কর্তৃক কন্যা হত্যা ও  
আকাশবাণী—কংসের অহুতাপ—পুনঃ সমস্ত শিশুবধের আদেশ ১৪৯-১৫২

৫-১০ অঃ—জাতকর্মাতির উৎসব—মথুরায় নন্দ-বসুদেব সাক্ষাৎ—পুতনার  
বধ ও মাতৃগতি প্রাপ্তি—শকটভঞ্জন—ভৃগুবর্ভ বধ—গর্গ কর্তৃক নামকরণ—  
বালচাপল্য—মুক্তিকাভঞ্জন—যশোদার বিশ্বরূপ দর্শন—যমগার্জুন ভঞ্জন—  
পূর্ববৃত্তান্ত ... ১৫২-১৫৯

বিষয়

পৃষ্ঠা

১১-১২ অঃ—গোকুলত্যাগ ও বৃন্দাবনে বাস—বৎসাসুর বকাসুর ও  
অঘাসুর বধ—ব্রহ্মার আগমন ... ১৫২-১৬১

১৩-১৫ অঃ—বনভোজন—ব্রহ্মমোহন—ব্রহ্মার নতি ও শুভ—ধেহুকাসুর  
বধ ও বয়স্তগণের তালভোজন ... ১৬১-১৬৪

১৬-১৭ অঃ—কালিয় দমন—পত্নীগণের শুভ—কালিয়ের রমণক প্রস্থান—  
গরুড় ও কালিয়ের পূর্ব বৃত্তান্ত—দাবান্লি ... ১৬৪-১৬৬

১৮-২১ অঃ—বলরামের প্রলম্বাসুর বধ—দাবানল—বর্ষা শরৎ বর্ণন—  
বয়স্তসহ কৃষ্ণের গোষ্ঠপ্রবেশ—গোপীগণের দর্শন ও তন্ময়তা ... ১৬৬-১৬৯

২২ অঃ—কাত্যায়নীত্রত ও স্নান—বস্ত্র হরণ ও প্রত্যর্পণ—ক্ৰীড়া অঙ্গীকার  
—বৃক্ষমাহাত্ম্য উপদেশ ... ১৬৯-১৭১

২৩ অঃ—যাজ্ঞিক ব্রাহ্মণগণ নিকট অন্ন যাজ্ঞা ও প্রত্যাখ্যান—যজ্ঞপত্নী-  
গণের অন্ন আনয়ন—পতিগণের অনুতাপ ও ভক্তিলভ ... ১৭১-১৭২

২৪-২৮ অঃ—ইন্দ্রযাগের আয়োজন—শ্রীকৃষ্ণের গো ও গোবর্দ্ধন পূজার  
উপদেশ—ইন্দ্রের বাত্যা ও বারিবর্ষণ—গোবর্দ্ধন ধারণ—গোপগণের শঙ্কা  
দূরীকরণ—ইন্দ্রের নতি—সুরভি কর্তৃক ‘গোবিন্দ’ আখ্যাদান ও ইন্দ্র কর্তৃক  
অভিষেক—বরুণালয়ে নীত নন্দ্রের উদ্ধার ... ১৭৩-১৭৭

২৯-৩৩ অঃ—শ্রীকৃষ্ণের গীতধ্বনি—গোপীগণের ব্রহ্ম আগমন—  
বারিতাগণের কৃষ্ণ প্রাপ্তি—কৃষ্ণ ও গোপীগণের উক্তি প্রত্যাভি—ক্ৰীড়ারস্তু  
নৃত্যগীতাদি—সহসা শ্রীকৃষ্ণের অন্তর্ধান ও গোপীগণের অন্বেষণ—পরিত্যক্তা  
অত্যা গোপীর বিলাপ—সহসা কৃষ্ণের আবির্ভাব—ভজনা সম্বন্ধে প্রশ্নোত্তর—  
রাসলীলা—জল ও উপবন ক্ৰীড়া—কৃষ্ণের ব্যবহার সম্বন্ধে পরীক্ষিতের প্রশ্ন ও  
শুকদেবের উত্তর—নিশাবসানে গোপীগণের প্রস্থান ... ১৭৭-১৮৯

৩৪-৩৭ অঃ—মহাসর্প হইতে নন্দ্রের মোচন—শাপকথাবর্ণন—শঙ্খচূড় বধ—  
কংস কর্তৃক অক্রুরকে নন্দ্রব্রজে প্রেরণ ... ১৮৯-১৯২

৩৮-৪০ অঃ—পথে অক্রুরের জন্মনা—ব্রজে সাক্ষাৎ—মথুরা যাত্রার উত্তোগ  
—গোপীগণের আভি ও শ্রীকৃষ্ণের আশ্বাসদান—যমুনা স্নানকালে অক্রুরের  
কৃষ্ণবলরাম দর্শন ও শুভ ... ১৯৩-১৯৭

বিবরণ

পৃষ্ঠা

৪১-৪৪ অঃ—মথুরায় উপবনগৃহে বাস—নগর দর্শন—রজক বধ—ভক্তগায় ও মালাকার—কুজাকে সরলাঙ্গী করা—কুবলমাপীড় হস্তী ও মাহত বধ—চাপুর মুষ্টিক বধ—কংসের আদেশ—কংস ও তাহার ভ্রাতার বধ—বসুদেব দেবকীর বন্ধন মুক্তি—উগ্রসেনকে রাজ্য দান ... ১৯৭-২০৩

৪৫ অঃ—নন্দ যশোদা সন্তাষণ ও বিদায়—কৃষ্ণ বলরামের উপনয়ন ও বিদ্যালভ—গুরুদক্ষিণা দান ... ২০৩-২০৫

৪৬-৪৭ অঃ—উদ্ধবের ব্রজে আগমন—গোপীগণের প্রেম ও অভিমানোক্তি—শ্রীকৃষ্ণের বাণী দান—উদ্ধবের ব্রজে বাস ও গমনকালে পরম্পরের উক্তি ... ২০৫-২১২

৪৮-৪৯ অঃ—কুজাগৃহে বিলাস—অক্রুরকে হস্তিনা প্রেরণ—কুন্তী ধৃতরাষ্ট্রসহ অক্রুরের সাক্ষাৎ কথোপকথন ও দ্বারকা প্রত্যাবর্তন ... ২১৩-২১৫

৫০-৫২ অঃ প্রথমাংশ—জরাসন্ধের ১৭ বার মথুরাক্রমণ—যাদবগণের দ্বারকাপুরী প্রস্থান—কালযবনের আক্রমণ ও ভস্ম হওয়া—মুচুকুন্দের স্তব ও বদরিকা গমন—জরাসন্ধের পুনরাক্রমণ ও প্রবর্ষণ পর্বতে অগ্নিদান—রাম ও কৃষ্ণের দ্বারকা প্রস্থান ... ২১৫-২১৭

৫২ অঃ শেষাংশ—৫৫ অঃ—কর্ণাটীর প্রণয়পত্নী ও হরণ—কর্ণার আক্রমণ নিগ্রহ ও মুক্তি—প্রহ্লাদের সম্ব্রাসুর বধ ... ২১৮-২২১

৫৬-৫৭ অঃ—শ্রমন্তক মণি উদ্ধার—জাম্ববতী ও সত্যভামাকে বিবাহ—শতধন্বা বধ ... ২২১-২২২

৫৮-৫৯ অঃ—শ্রীকৃষ্ণের ইন্দ্রপ্রস্থে আগমন—কালিন্দী সত্যা ভদ্রা ও লক্ষ্মণাকে বিবাহ—নরকাসুর ও মুর দানব বধ—অদিতির কুণ্ডলাদি ও আবদ্ধ রাজকুমারী-গণের উদ্ধার, বিবাহ—কুণ্ডল প্রত্যাৰ্পণ—পারিজাত আনয়ন ... ২২২-২২৪

৬০ অঃ—কর্ণাটী ও কৃষ্ণের উক্তিপ্রত্যুক্তি, অভিমান ও সাধনা ২২৪-২২৬

৬১-৬৩ অঃ—মহিবীগণের সেবা—প্রহ্লাদ অনিরুদ্ধের বিবাহ কথা—বলরামের কৃষ্ণবধ—বাণগৃহে অনিরুদ্ধ উবার প্রণয় ও শাস্তি—শ্রীকৃষ্ণের যুদ্ধ ও বাণের শাস্তি—অনিরুদ্ধের উদ্ধার ... ২২৬-২২২

৬৪ অঃ—কাকলাসরূপী নৃগের উদ্ধার—শাপবৃন্তান্ত—ব্রহ্মসাপহরণ সম্বন্ধে উপদেশ ... ২২৮-২২৯

৬৫ অঃ—নন্দব্রজে বলরামের বিহার—যমুনার আকর্ষণ ও স্তব ২২৯-২৩০

বিষয়

পৃষ্ঠা

৬৬-৬৮ অঃ—পোণ্ড্রক-বাসুদেব ও কাশীরাজ বধ—বলরামের দ্বিবিদ বানর বধ—লক্ষ্মণাহরণ, সাধের বন্ধন ও বলরামের হস্তিনাকে হলাকর্ষণ ভয়ে সন্ধি—সাধ লক্ষ্মণা উদ্ধার ... ২৩০-২৩৩

৬৯ অঃ—দ্বারকায় মহিষীভবনে নারদের আগমন ও নানা লীলা দর্শন ... ২৩৩-২৩৪

৭০-৭৫ অঃ—শ্রীকৃষ্ণের প্রাতঃকালীন কার্য—বন্দী রাজগণের দূত—নারদের রাজহুয় সংবাদ জ্ঞাপন—উদ্ধবের উক্তি—দিগ্বিজয় যাত্রা—জরাসন্ধ সহ ভীমের দ্বন্দ্বযুদ্ধ—জরাসন্ধ বধ—দুর্যোধনের দ্রোহ ও সভাগৃহে অপমান ... ২৩৪-২৪২

৭৬-৭৭ অঃ—শাশুরের সোভবিমান লাভ, দ্বারকা আক্রমণ ও বধ—দন্তবক্রের আক্রমণ ও বধ ... ২৪২-২৪৪

৭৮-৭৯ অঃ—বলরামের নৈমিষে আগমন—লোমহর্ষণ বধ, প্রায়শ্চিত্ত—বল্লাহ্মর বধ—ভীম ও দুর্যোধনসহ সাক্ষাৎ—পুনঃ নৈমিষে আগমন ২৪৪-২৪৬

৮০-৮১ অঃ—সহপাঠী দরিত্র ব্রাহ্মণের দ্বারকা মহিষীভবনে শ্রীকৃষ্ণ কর্তৃক অভ্যর্থনা—গুরুগৃহের আখ্যান—ক্ষুদ্র ভক্ষণ—ব্রাহ্মণের কুটীর আশ্রয় পুরীতে পরিবর্তন—অনাসক্ত ভোগ ও অস্ত্রিমে শ্রীকৃষ্ণ লাভ ... ২৪৬-২৪৯

৮২-৮৪ অঃ—কুরুক্ষেত্র মিলন—পুরুষ ও নারীগণের আলাপ—গোপীগণ সহ শ্রীকৃষ্ণের গোপন মিলন—বাসুদেবের যজ্ঞ ... ২৫০-২৫৩

৮৫ অঃ—দেবকীর মৃত পুত্র আনয়ন ... ২৫৩-২৫৫

৮৬ অঃ—সুভদ্রাহরণ—বলরামের ক্রোধনিবৃত্তি—মিথিলা আগমন—নানাহানে তরোপদেশ দান ... ২৫৫-২৫৬

[ ৮৭ অঃ—শ্রুতিগণের নারায়ণ স্তব ] ... ২৫৬

৮৮ অঃ—বিষ্ণুভক্তগণের নির্ধনতার কারণ—বৃকাসুরের তপশ্চা—শিবের বরদান ও তজ্জনিত সঙ্কট—বিষ্ণু কর্তৃক বৃকাসুরের বধ সাধন ও শিবের মুক্তিলাভ ... ২৫৬-২৫৭

৮৯ অঃ—ঋষিসভায় ব্রহ্মা বিষ্ণু শিবের শ্রেষ্ঠতা বিচার—ভৃগুর তঁাহাদিগের নিকট গমন ও তঁাহাদের ব্যবহার—ভৃগুপদচিহ্ন—ব্রাহ্মণের মৃত পুত্রগণের উদ্ধার ... ২৫৭-২৫৯

৯০ অঃ—দ্বারকার সমুদ্র—মহিষীগণের জল্পোক্তি ও সন্তান—যজুবংশের বিবরণ ও তাহাদের শ্রীকৃষ্ণে মিত্র ... ২৫৯-২৬১

বিষয়

পৃষ্ঠা

## একাদশ স্কন্ধ

১ অঃ—ঋষিগণ—মুঘল ও তাহার পরিণতি	...	২৬১-২৬২
২-৫ অঃ—নারদ-বসুদেব-কথায় নিম্নিকে নবযোগীজ্ঞের উপদেশ—কবি, ভাগবত ধর্ম—হরি, ভক্তের লক্ষণ—অচরিত, মায়ার স্বরূপ—প্রবুদ্ধ, মায়ী হইতে উদ্ধারের উপায়—পিপলায়ন, পরমাত্মার স্বরূপ—আবির্হোত্র, কাম্যযোগ—জমিল, শ্রীহরির জন্ম ও কার্য—চমস, অশাস্ত পুরুষের গতি—করভাজন, ভগবানের নাম ও পূজাবিধি—বসুদেব প্রতি নারদের উপদেশ	...	২৬৩-২৭৩
৬-৯ অঃ—শ্রীকৃষ্ণ নিকট ব্রহ্মাদি—প্রভাস গমনের উদ্যোগ—উদ্ধবের আর্তি, তৎপ্রতি শ্রীকৃষ্ণের উপদেশ—যত্ন ও অবধূত—চব্বিশগুরু—যত্নর জ্ঞানলাভ	...	২৭১-২৭৯
১০।১-৩৪—উদ্ধব প্রতি শ্রীকৃষ্ণের সাধারণ উপদেশ—উদ্ধবের বিশেষ বিশেষ প্রশ্ন ও শ্রীকৃষ্ণের উত্তর—	...	২৮০
১০।৩৫-১১।২৫—বন্ধ ও মুক্ত	...	২৮০
১১।২৬-১২।১৫—উত্তম ভক্তি ও ভক্ত	...	২৮১
১২।১৬-১৩।১৪—কর্তা কে—বিষয়ভোগের প্রতিকার	...	২৮১-২৮২
১৩।১৫-১৩ শেষ—মনকাহি প্রতি উক্তি	...	২৮২
১৪।১ ১৪।৩০—শ্রেয়োলাভের পথ ভক্তিযোগ	...	২৮৩
১৪।৩১-১৪ শেষ—ধ্যান কিরূপে করিতে হয়	...	২৮৪
১৫ অঃ—সিদ্ধি ও ধারণা	...	২৮৪
১৬ অঃ—বিভূতিসমূহ	...	২৮৫
১৭ অঃ—স্বধর্ম-অনুষ্ঠানে ভক্তি	...	২৮৬
১৮ অঃ—বানপ্রস্থী আদির কর্তব্য	...	২৮৭-২৮৮
১৯ অঃ—পুনঃ ভক্তিযোগ	...	২৮৮-২৮৯
২০ অঃ—অসৎ ব্যক্তির দুর্ব্যবহার—রূপণ ব্রাহ্মণের আখ্যান ও উপদেশ	...	২৯০-২৯২
২১ অঃ—ঐল পুরুষবা ও উর্ধ্বশী আখ্যান—পুরুষবার নির্বেদ ও উপরতি	...	২৯২-২৯৩
২২ অঃ—সহজে সিদ্ধি লাভের উপায়—শেষ উপদেশ—উদ্ধবের বদরিকায় তপস্তা ও সাক্ষ্য লাভ	...	২৯৩-২৯৫

## বিষয়

পৃষ্ঠা

৩০ অঃ—যাদবগণের প্রভাসগমন কলহ ও পরস্পর বধ—বলরামের দেহত্যাগ—অশ্বখমূলে শ্রীকৃষ্ণ—বান্ধের শরক্ষেপ ও স্বর্গলাভ—দারুকের আর্তি এবং তাহার নিজ ও দ্বারকা সম্বন্ধে উপদেশ ...	২৯৫-২৯৭
৩১ অঃ—শ্রীকৃষ্ণের স্বধামপ্রবেশ—শুকদেবের উক্তি—দ্বারকায় বহুদেব প্রভৃতির দেহত্যাগ—অর্জুনের দ্বারকা হইতে ইন্দ্রপ্রস্থে আগমন—দ্বারকা প্রাণিত—বজ্রের ও পরীক্ষিতের অভিষেক—পাণ্ডবগণের মহাপ্রস্থান ...	২৯৭-২৯৯

## দ্বাদশ স্কন্ধ

১ অঃ—ভবিষ্যৎ চন্দ্রবংশ ...	২৯৯-৩০০
২ অঃ—কলিযুগ ...	৩০০-৩০১
৩ অঃ—যুগযুগ ...	৩০১-৩০২
[ ৪ অঃ—পরমার্থনির্ণয়তত্ত্ব ]	
৫ অঃ—পরীক্ষিতকে শুকদেবের শেষ উপদেশ ...	৩০৩
৬।১-৩৫—শুকদেব প্রতি পরীক্ষিতের উক্তি—পরীক্ষিতকে দেহত্যাগের অন্তিমতি দিয়া শুকদেবের প্রস্থান—কশ্যপ—তক্ষকের ছদ্মবেশে আগমন দংশন ও রাজার শরীর ধ্বংস—জনমেজয়ের সর্পযজ্ঞ—তক্ষক ও ইন্দ্র—বৃহস্পতির উপদেশে যজ্ঞ নিবৃত্তি ...	৩০৪-৩০৫
৬।৩৬ - ৭ অঃ—বেদের নানা শাখা-প্রশাখা বর্ণন ...	৩০৫-৩০৭
৮-১০ অঃ—মার্কণ্ডেয়ের ভগবন্মায়া ও শিবপার্বতী দর্শন ...	৩০৭-৩১০
১১ অঃ—ভগবানের বিভূতি বর্ণন ...	৩১০-৩১১
১২ অঃ—স্বতের ভগবদ্গুণ কীর্তন ...	৩১১-৩১৩
১৩ অঃ—স্বতের ভগবৎ প্রণাম—পুরাণসমূহের শ্লোকসংখ্যা—ভাগবত পুরাণের শ্রেষ্ঠতা—ধ্যানস্তোত্র ...	৩১৩ ৩১৪

তদেব রম্যং রুচিরং নবং নবং  
তদেব শশ্বত্তনসো মাহোৎসবম্ ।  
তদেব শোকার্ণবশোষণং নৃণাং  
যদুত্তমঃশ্লোকযশোহনুগীয়তে ॥





## প্রথম স্কন্ধ

### ১—৬ অধ্যায়

শৌনক, সূত, বেদব্যাস, নারদ

ওঁ—বিষ্ণুক্ষেত্র নৈমিষারণ্যে শৌনকাদি ঋষিগণ বহুবর্ষব্যাপী এক মহাসত্রে ব্রতী হইয়াছেন। এমন সময় একদিন উষাকালে বোমহর্ষগপুত্র উগ্রশ্রবা সূত সেখানে আসিয়া উপস্থিত হইলেন। যথাযোগ্য সমাদরে অভিনন্দিত কবিয়া ঋষিগণ তাঁহাকে বলিলেন, হে অনঘ, তুমি ত সমগ্র পুৰাণ ইতিহাস আয়ত্ত করিয়াছ। সকল শাস্ত্রের সাবস্বরূপ পুরুষের একান্ত শ্রেয়স্কর তুমি যাহা বুঝিয়াছ, সর্বজীবের হিতার্থে আমাদের নিকট তাহা বিবৃত কর। বিশেষতঃ শ্রীভগবান বসুদেব ও দেবকীর গৃহে জন্মগ্রহণ করিয়া যে সমুদয় লীলা প্রকট কবিয়াছেন, তাহা শুনিতে আমরা বড়ই উৎসুক। উহা প্রতিপদে মধুর—‘স্বাচ্ স্বাচ্ পদে পদে।’ তিনি ত নিজধামে প্রস্থান করিয়াছেন, তবে ধর্ম এক্ষণে কাহার শরণ লইলেন ?

সূত বলিলেন, ঋষিগণ, আপনারা অতি উত্তম প্রসঙ্গ উত্থাপন করিয়াছেন। শ্রীভগবানে অহৈতুকী ভক্তিই জীবের পরম ধর্ম। ভগবৎ-কথায় রতি না হইলে কেবল ক্রিয়ার অনুষ্ঠান বৃথা শ্রম মাত্র। তাঁহার নামগুণের শ্রবণ কীর্তন, তাঁহার পূজা ধ্যান, তাঁহার ভক্তের সেবা ও ভক্তি-গ্রন্থের পাঠ দ্বারা তাঁহাতে নৈষ্ঠিকী ভক্তি জন্মে ; তখন হৃদয়বিহারী শ্রীহরি ভক্তের সকলপ্রকার ছরিত দূর করেন।

## শ্রীমদ্ভাগবত

বাসুদেবপরা বেদা বাসুদেবপরা মথাঃ ।

বাসুদেবপরা যোগা বাসুদেবপরাঃ ক্রিয়াঃ ॥

বাসুদেবপরাং জ্ঞানং বাসুদেবপরন্তপঃ ।

বাসুদেবপরোধন্যো বাসুদেবপরা গতিঃ ॥ ১।২।২৮ ...

—সকল বেদের প্রতিপাত্ত বাসুদেব, সকল যজ্ঞের লক্ষ্য বাসুদেব, সকল যোগের লভ্য বাসুদেব, সকল ক্রিয়ার গতি বাসুদেবে। জ্ঞান তপস্তা ও ধর্ম বাসুদেবেই নিহিত। তিনিই জীবের পরমাগতি।

তিনি সৃষ্টিতে অনুপ্রবিষ্ট, অসংখ্য তাঁহার অবতার, কিন্তু শ্রীকৃষ্ণ স্বয়ং ভগবান—

স বা ইদং বিশ্বমমোঘলীলঃ

স্বজত্যবত্যাতি ন সজ্জতেহস্মিন্ ।

ভূতেষু চাস্তহিত আয়তনঃ

ষাড্‌বর্গিকং জিঘ্রতি ষড়্‌গুণেশঃ ॥ ১।৩।৩৬

—অব্যর্থ লীলা-কোশলে তিনি বিশ্বের সৃষ্টি স্থিতি ও সংহার সাধন করেন, অথচ ইহাতে লিপ্ত হন না। ষড়্‌গুণেব নিয়ন্তাকূপে সর্বভূতের অন্তরে থাকিয়া তিনি বিষয় সমূহেব আভ্রাণ মাত্র করেন। কিন্তু বিষয় তাঁহাকে স্পর্শও করিতে পারে না, তিনি সম্পূর্ণ স্ব-তন্ত্র।

শ্রীভগবল্লীলাকথা মহামতি ব্যাস ভাগবতপুরাণে লিপিবদ্ধ করিয়া প্রচার করেন। তিনি নিজ পুত্র শুকদেবকে উহা শিক্ষা করান। শ্রীকৃষ্ণের স্বধাম গমনে তিমিরাচ্ছন্ন সংসারে এই ভাগবতপুরাণ-সূর্য্য এক্ষণে উদিত হইয়াছেন। আমি মহাবাজ পরীক্ষিতের সভায় ঐ পুরাণ-কথা অবহিত চিন্তে শুনিয়াছি। তাহাই আজ আপনাদের নিকট কীর্তন করিব।

কুলপতি শৌনক বলিলেন, হে মহাভাগ, আমাদিগকে সেই ভাগবত-কথাই বল। কোন্‌ যুগে কোন্‌ স্থানে কাহার প্রেরণায় কৃষ্ণদ্বৈপায়ন ব্যাসদেব এই ভাগবত সংহিতা প্রবর্তন করিলেন? স্ত্রীপুরুষে ভৈদ-জ্ঞান-রহিত মহাযোগী শুকদেব গো-দোহন-কাল মাত্র একস্থানে থাকেন, তিনি কুরুজাঙ্গল দেশে হস্তিনাপুর গিয়া কেন

এই দীর্ঘকাল-সাধ্য ভাগবত কীর্তন করিলেন? ভগবৎপরায়ণ পরীক্ষিতের আশ্চর্য্য জন্ম ও জীবন-কথা, কেন বা তিনি যৌবনেই ছুন্ত্যজ রাজ্যলক্ষ্মীকে বিসর্জন দিয়া লোকহিতকর নিজ তমু ত্যাগ করিলেন,—এই সকল পুণ্য কাহিনী কীর্তন করিয়া আমাদিগকে কৃতার্থ কর।

স্মৃত বলিলেন,—দ্বাপরের তৃতীয় পাদে পরাশরের ঔরসে সত্যবতীর গর্ভে শ্রীকৃষ্ণদ্বৈপায়ন জন্মগ্রহণ করেন। একদা অরুণোদয়কালে—‘উদিতে রবিমণ্ডলে’—সরস্বতীর পুণ্যাসলিল স্পর্শ করিয়া তিনি একটা বিবিক্তস্থানে আসীন হইলেন। তিনি দেখিতে পাইলেন, কালবশে মানুষের শক্তি হ্রাস ও আয়ু ক্ষীণ হইয়া আসিতেছে। বৈদিক ক্রিয়া দ্বারা যাহাতে সকল বর্ণাশ্রমের সহজে চিত্তশুদ্ধি-লাভ হইতে পারে, তজ্জন্ম তিনি সমগ্র বেদকে ঋক্ যজু সাম অথর্ব এই চারিভাগে ভাগ করিলেন। ইতিহাস ও পুরাণ পঞ্চম বেদ গণ্য হইল। পৈলমুনি ঋক্, জৈমিনি সাম, বৈশম্পায়ন যজু ও সুমন্ত অথর্ব বেদে পারদর্শী হইলেন। আমার পিতা রোমহর্ষণ সমস্ত ইতিহাস পুরাণ অধিগত করিলেন। ক্রমে বেদ সকল শিষ্যানুক্রমে নানা শাখায় বিভক্ত হইল। তৎপর বেদে অনধিকারী স্ত্রী শূদ্র ও নিন্দিত দ্বিজগণের কল্যাণ লাভের নিমিত্ত তিনি মহাভারত নামক সুবৃহৎ গ্রন্থ প্রণয়ন করিলেন। কিন্তু কি আশ্চর্য্য, তাঁহার মন ইহাতেও প্রসন্নতা লাভ করিতে পারিল না। পরে একদিন সরস্বতীর সেই পবিত্র তীরে বসিয়া তিনি ভাবিতে লাগিলেন, আমি ভগবৎপ্রিয় ও পরমহংসগণের শ্রীতিপ্রদ ভাগবতধর্ম উত্তমরূপে নিরূপণ করিতে পারি নাই, তজ্জন্মই কি আমার চিন্তে এই অবসাদ? এমন সময় সেই খিল্লমনা মহর্ষির নিকট শ্রীনারদ সহসা আসিয়া উপস্থিত হইলেন। ব্যাসদেব তৎক্ষণাৎ গাত্রোত্থান করিয়া সসম্মানে বিধিমত সেই দেবর্ষির পূজা করিলেন।

দেবর্ষি নারদ বীণা-হস্তে সুখাসীন হইয়া স্মিতমুখে জিজ্ঞাসা

## শ্রীমদ্ভাগবত

কবিলেন, হে মহাভাগ পরাশর-তনয়, তোমার শবীৰ, মন ও আত্মা সমস্ত পবিত্ৰ আছে ত? অত্যদ্বৃত ভাবত গ্রন্থ বচনা কবিয়া ধৰ্ম্মার্থ বিবৃত কবিয়াছ, ব্রহ্মসূত্র প্রণয়ন কবিয়া সনাতন ব্রহ্মতত্ত্বের বিচার ও মীমাংসা কবিয়াছ, তথাপি তোমাকে কিঞ্চিৎ ক্ষুদ্র জ্ঞান হইতেছে কেন? ব্যাসদেব বলিলেন, এক্ষণ, এত গ্রন্থ সম্বলন কবিয়াও আমার অন্তৰাত্মা তৃপ্তি লাভ কবিতে পারিল না। আপনি সেই পূৰ্বাণ পুৰুষের উপাসক, সূর্য্যোব ন্যায় ত্ৰিভুবন পর্যাটন কবিয়া, বায়ুৰ ন্যায় সৰ্ব্বভূতের অন্তবে প্রবিষ্ট থাকিয়া, সকলই জানিতে পারিতেছেন। কেন আমার এই অতৃপ্তি, আপনিই বিচার কবিয়া বলুন। নাবদ বলিলেন, মুনিবর, তুমি শ্রীভগবানের অমল চবিত্তকথা বিশদভাবে বর্ণনা কব নাট। ব্রহ্মজ্ঞান হবিভক্তিপূৰ্ণ না হইলে শ্রীভগবদেব না। তুমি নিন্দার্ক কামাক্ষ্যের উপদেশ দিয়াছ, কিন্তু—

ভতোহুগ্রথা কিঞ্চন মদ্বিবক্ষতঃ পৃথগ্দ্ৰুশস্তংকুরুতপনামভিঃ ।

ন কৰ্হিচিৎ কপি চ গুংস্থিতা মতির্লভেত বাগাহতনোবিবাস্পদম ॥ ৫।১৪

—( তাঁহার লীলা ভিন্ন ) অতঃপরে যে কোন দিকে দৃষ্টি রাখিয়া যখন যাহাই বর্ণনা করিবে, তখনই সেই বিষয়োদ্ধৃত নানা নামকপাদি দ্বারা তোমার দৃষ্টি বিভ্রান্ত হইবে, বাগাহত তরণীব মত তোমার বুদ্ধি কিছতেই স্থিৰতালাভ কবিতে পারিবে না।

সুতবাং এক্ষণে তুমি সেই মহামহিমাশালী শ্রীহরির লীলাকথা বিশদরূপে বর্ণনা কব।

এই প্রসঙ্গে আমি তোমাকে আমার পূৰ্ব্ব বৃত্তান্ত বলিব। —পূৰ্ব্ব এক কল্পে আমি এক দাসীৰ গৰ্ভে জন্ম গ্রহণ কবি। আমার সেই জননী কতিপয় বেদাধ্যায়ী ব্রাহ্মণের সেবা কবিতেন। বর্ষাকালে সেই যোগিগণ চাতুৰ্ম্মাস্ত্র আৰম্ভ কবিয়া একত্র অবস্থান কবিতেন, আমি তখন তাঁহাদের সেবাকার্য্যে নিযুক্ত হইতাম। তাঁহারা বালক বলিয়া আমাকে বড়ই রূপা কবিতেন। একদিন আমি একবার মাত্র তাঁহাদের ভিক্ষাপাত্রসংলগ্ন কিঞ্চিৎ উচ্ছিষ্ট

অন্ন ভোজন করি। তাহাতেই যেন আমার সমস্ত পাপ অপগত হইয়া ক্রমে আমার চিত্ত শুদ্ধ ও ধর্মে অভিরুচি হইতে লাগিল। বর্ষা ও শরৎকালে প্রতিদিন ত্রিসন্ধ্যায় সেই মুনিগণের মুখে মনোহর কৃষ্ণকথা শুনিতে শুনিতে আমার একান্ত শ্রদ্ধা ও শুদ্ধা রতি জন্মিল। মুনিগণ তথা হইতে চলিয়া যাইবার সময় আমাকে ভগবৎ-কথিত গুহ্যতম জ্ঞান উপদেশ করিয়া গেলেন। হে সর্বশাস্ত্রজ্ঞ, তুমিও শ্রীভগবানের যশোগাথা কীর্তন কর। জীবের মুক্তির আর অন্য উপায় নাই।

বাসদেব জিজ্ঞাসা করিলেন, সেই মুনিগণ চলিয়া গেলে আপনি কি করিলেন? কিরূপে কলেবর ত্যাগ করিলেন? পূর্বকল্পের স্মৃতিই বা কিরূপে অব্যাহত রহিল? শ্রীনারদ বলিলেন, আমি মাতার একমাত্র সন্তান ছিলাম—‘একাত্মজা মে জননী’—সুতরাং দাসী হইলেও তিনি আমাতে নিতান্ত আসক্তা ছিলেন। একদিন রজনীর অন্ধকারে গোদোহন করিতে গমনকালে কালপ্রেরিত এক ভুজঙ্গ পাদস্পৃষ্ট হইয়া তাঁহাকে দংশন করিল। জননী তৎক্ষণাৎ গতাস্থ হইলেন। আমি তখন মাত্র পাঁচ বছরের বালক, তথাপি ঋষিপ্রসাদে মাতার আকস্মিক দেহত্যাগকে আমি শ্রীভগবানের অযাচিত কৃপা মনে করিয়া তখনই উত্তর দিগ্‌মুখে প্রস্থান করিলাম। নানা বিচিত্র জনপদ, সুরম্য উপবন, সুস্নিগ্ধ জলাশয় ও ধাতুরাগরঞ্জিত শৈলমালা দেখিতে দেখিতে আমি এক গভীর অরণ্যে প্রবেশ করিলাম। শ্রান্ত ও তৃষ্ণার্ভ হইয়া সেখানে এক নদীর জলে স্নান ও পিপাসা নিবৃত্ত করিলাম। ঋষিগণের নিকট যেরূপ শুনিয়াছিলাম, সেইরূপে আমি এক অশ্বখ বৃক্ষের নীচে বসিয়া স্থায়ী বুদ্ধিকে সংযত করিয়া অন্তরাত্মায় স্থাপন করিলাম। প্রেমভরে আমার দেহ পুলকিত ও নয়নযুগল অশ্রুপূর্ণ হইয়া উঠিল। ক্রমে অগ্নি কোন প্রকার সত্তার জ্ঞান একেবারে নিরাকৃত হইল। অমনি আমার হৃদয়-মধ্যে শ্রীভগবানের শোকাপহ মনোমোহন অপরূপ রূপ সহসা

আবির্ভূত হইল। কিন্তু তাহা ক্ষণমাত্রেরই অন্তর্হিত হইয়া গেল। আমি ব্যাকুল হইয়া বিহ্বল চিত্তে আসন হইতে উঠিয়া পড়িলাম। কিঞ্চিৎ শান্ত হইয়া সেই মধুররূপ দর্শন জ্ঞাত পুনরায় মন স্থির করিয়া সেই বৃক্ষতলেই বসিলাম। কিন্তু, হায়, কোথায় সে ভুবনমোহন মূর্তি, আমি নিতান্ত আত্ম ও আতুর হইয়া পড়িলাম। তখন আমার মনোবেদনা প্রশমিত করিয়া আকাশপথে এই স্নিগ্ধ গম্ভীর বাণী ধ্বনিত হইয়া উঠিল—

হস্তাশ্বিন্ জন্মনি ভবান্ মাং দৃষ্টুমিহাৰ্হতি ।

অবিপক্কযায়াগাং হৃদর্শোহহং কুযোগিনাম্ ॥

সকল যদ্বর্শিতং রূপং এতৎ কামায় হেহনঘ ।

মৎকামঃ শনকৈঃ সাধুঃ সর্বান্ মুকুতি দ্রচ্ছয়ান্ ॥ ১৬২২, ২৩

—হায়, এজন্মে আর তুমি আমাকে দেখিতে পাইবে না। যাগাদেব অন্তরের মলিনতা দূর হয় নাই, সেইরূপ কুযোগীর পক্ষে আমার দর্শন দুঃসহ। হে নিষ্পাপ, একবার যে তোমাকে দেখা দিলাম, তাহা কেবল তোমার অন্তরাগবৃদ্ধির জ্ঞাত। যিনি আমাকে পাইতে ইচ্ছা করেন, তিনি ক্রমে ক্রমে অশ্রু সকল কামনা ত্যাগ করেন।

আকাশমূর্তি চর্ণাচক্ষুর আগোচর, কিন্তু আমাতে তোমার মতি কখনও স্থলিত হইবে না এবং তোমার স্মৃতি প্রলয়কালেও অক্ষুণ্ণ থাকিবে—এই বলিয়া সেই অশরীরী বাণী নিবৃত্ত হইলেন। আমিও সেই ‘মহতো মহীয়ানে’র উদ্দেশে অবনত শিরে প্রণত হইলাম। তার পর,

নামাশ্রনস্তস্য হতরূপঃ পঠন্ গুহ্যানি ভদ্রাণি কৃতানি চ শ্রবন্ ।

গাং পর্যাটংস্তষ্টমনা গতস্পৃহঃ কালং প্রতীক্ষরমদৌৰ্বিমৎসবঃ ॥ ১৬২৭

—লোকলজ্জা পরিত্যাগ করিয়া সেই অনন্তের নাম কীৰ্ত্তন ও তাঁহার মঙ্গলময় লীলা সকল শ্রবণ করিতে করিতে মদ মাৎসর্য ও কামনাবিরহিত হইয়া সম্ভ্রষ্ট চিত্তে পৃথিবী পর্যাটন কবতঃ আমি কাণের প্রতীক্ষায় রহিলাম।

ক্রমে তড়িলতার ছায়া সহসা কাল আসিয়া আমার সেই কলেবর ধ্বংস করিল। কল্লাবসানে আমি মরীচি প্রমুখ ঋষিগণের সহিত

ব্রহ্মার পুত্ররূপে উৎপন্ন হইলাম। তদবধি অথগু ব্রহ্মচর্য্য ধারণ করিয়া এই দেবদত্ত বীণার স্বাক্ষরে হরিগুণগান করিতে করিতে যখন পৃথিবী পর্য্যটন করি, তখন শ্রীহরি তাহার সর্ব্বতীর্থময় চরণ বিদ্যাস করিয়া আমার হৃদয়াসনে আবির্ভূত হইয়া দর্শন দান করেন। কামলোভে যাহার চিত্ত আচ্ছন্ন, যোগপথে প্রকৃত শাস্তি তাহার পক্ষে দূরহ। মুকুন্দসেবাতেই তাহার চিত্ত পরম শাস্তি লাভ করিতে পারে। হে অনঘ, আমার জন্মকর্ম্মকথা এবং তোমার তুষ্টিলাভের উপায় যাহা জিজ্ঞাসা করিয়াছিলে, তাহা বলিলাম। এই বলিয়া শ্রীনারদ বীণা বাদন করিতে করিতে তথা হইতে প্রস্থান করিলেন।

## ৭-১১ অধ্যায়

ব্যাস, শুক অন্ত্যখ্যাতা অর্জুন কুন্তী ভাষ্য, যুধিষ্ঠির শ্রীকৃষ্ণ

সূত বলিলেন, সরস্বতীর পশ্চিমতটে শম্যাপ্রাস নামে বহু বদরীবৃক্ষশোভিত মহর্ষি বেদব্যাসের একটি আশ্রম ছিল। শ্রীনারদের উপদেশ শ্রবণ করিয়া মহর্ষি একদিন আচমনান্তে নিজ আসনে উপবিষ্ট হইয়া ধ্যানস্থ হইলেন। তিনি দেখিতে পাইলেন, ভক্তিই সমস্ত মায়া দূরীভূত করিয়া মানুষকে চরম সিদ্ধি প্রদান করে। তাই জীবন ভক্তি শিক্ষার নিমিত্ত তিনি ভাগবতসংহিতা নামক গ্রন্থ প্রণয়ন করিলেন। ইহা মহর্ষি নিজপুত্র শুকদেবকে শিক্ষা করান। শৌনক জিজ্ঞাসা করিলেন, শুকদেব ত সর্ব্ববিষয়ে অপেক্ষ, সর্ব্বদা আত্মানন্দে বিভোর, তবে এত বৃহৎ গ্রন্থখানি তিনি কেন অভ্যাস করিলেন? সূত বলিলেন—

আত্মারামাশ্চমুনয়ো নির্গ্রহাং পুষ্করমে।

কুর্কন্ত্যাহতুকীং ভক্তিং ইথত্ত্বত্ত্বগো হরিঃ ॥ ১৭।১০



—শ্রীহরির এমনই গুণ যে বাঁহারা সকল কামনা হইতে মুক্ত ও অন্তরেই বাঁহাদের সকল তৃপ্তি, এমন মুনিগণও তাহাকে অহৈতুকী ভক্তি করিয়া থাকেন।

মুনিগণ, এক্ষণে কৃষ্ণকথার সূচনায় রাজর্ষি পরীক্ষিতের জন্ম কৰ্ম ও দেহতাগ এবং পাণ্ডবগণের মহাপ্রস্থানের রণান্ত বলিব। —কুরুক্ষেত্রের মহাহবে উভয়পক্ষীয় বীরগণের পতন হইল। অশ্বথামা দ্রোপদীর নিদ্রিত পঞ্চ পুত্রকে হত্যা করিলেন। “আমি এখনই তোমাকে এই পাষণ্ডের ছিন্ন মস্তক আনিয়া উপহার দিব”—পুত্রশোকাতুরা রোহিণ্যমানা দ্রোপদীকে এই আশ্বাস দিয়া অর্জুন তখনই অশ্বথামার পশ্চাদ্ধাবন করিলেন। উভয়ে পরস্পরের প্রতি ব্রহ্মাস্ত্র নিক্ষেপ করিলেন। অস্ত্রদ্বয়ের সংঘাতে তখন যেন ভীষণ প্রলয়কাল উপস্থিত হইল। অর্জুন উভয় অস্ত্র সংহার পূর্বক অশ্বথামাকে পাশবদ্ধ করিয়া দ্রোপদীর নিকট আনিয়া উপস্থিত করিলেন। দ্রোপদী বলিলেন, প্রভু, ব্রাহ্মণকে হরায় মুক্ত করুন, আপনার গুরু দ্রোণাচার্য্য পুত্ররূপে ইহার দেহে আজও বর্তমান, গুরুপত্নী কৃপী দেবী এখনও জীবিত। কিন্তু ভীম বলিলেন, এই পাপাত্মা নিশ্চয় বধার্য। নিজ প্রতিজ্ঞা ও দ্রোপদীর অনুরোধ উভয় দিক রক্ষা করিয়া, অর্জুন তখন শ্রীকৃষ্ণের উপদেশে অশ্বথামার শিরোমণি নিজ অস্ত্র দ্বারা সমূলে ছেদন করিয়া, তাহাকে সবলে শিবির হইতে বিতাড়িত করিয়া দিলেন। শ্রীকৃষ্ণ তখন দ্বারকা প্রত্যাবর্তনমানসে রথে আরোহণ করিতে উদ্যোগী হইলেন,—এমন সময় সহসা এক ভীষণ আর্তনাদ শুনিত পাইলেন,—“রক্ষা কর, রক্ষা কর, মহোদগু লৌহশলাকাতুল্য এক প্রচণ্ড শর আমার অভিমুখে ধাবিত হইয়াছে, আমার গর্ভ রক্ষা কর।” দেখিলেন, দ্রোণপুত্র-নিষ্কিপ্ত এক অব্যর্থ ব্রহ্মাস্ত্র পাণ্ডবকুলবধু উত্তরার গর্ভ ধ্বংসের উপক্রম করিতেছে। মহা যোগেশ্বর শ্রীকৃষ্ণ তৎক্ষণাৎ উত্তরার গর্ভমধ্যে প্রবিষ্ট হইয়া মায়াবলে সেই গর্ভকে আচ্ছাদিত

করিলেন। এইরূপে সেই কুরুকুলদেবীর গর্ভস্থ ভ্রূণ রক্ষা পাইল। শ্রীকৃষ্ণ পুনরায় দ্বারকা গমনের উদ্যোগ করিলেন। কুন্তী দেবী তাঁহাকে বলিলেন, ‘হে গোবিন্দ, তুমি বারংবার আমাকে ও আমার পুত্রগণকে বহু বিপদ হইতে উদ্ধার করিয়াছ।—

বিপদঃ সন্তু তাঃ শম্বন্তত্র তত্র জগদুত্তরো।

ভবতো দর্শনং যৎ স্তাদপুনর্ভবদর্শনম্ ॥ ১৮।২৫

—সেই সকল বিপদ নিয়তই আশ্রক, বাহা আসিলে নিয়তই তোমার দর্শন পাইব, যে দর্শন পাইলে আর পুনরায় সংসার দর্শন করিতে হইবে না। মহারাজ যুধিষ্ঠিরের সাগ্ৰহ অনুরোধে শ্রীকৃষ্ণ অবশেষে আরও কিছুদিন তপ্তিনাপুরে থাকিলেন।

স্বজনবিশাশকাতর রাজা যুধিষ্ঠিরের সাম্বনা বিধানের জন্ত শ্রীকৃষ্ণ পাণ্ডবদিগকে পরমভাগবত ভীষ্মদেবের নিকট লইয়া গেলেন। সেখানে দেবর্ষি মহর্ষি প্রভৃতি মুনিসত্তমগণ ভীষ্মদর্শন-মানসে সমবেত হইয়াছেন। মহামতি ভীষ্ম স্বর্গচ্যুত দেবতার ত্রায়—‘দিবশ্চাত্তমিবামরঃ’—শরশয্যায় শায়িত। কৃষ্ণসনাথ পাণ্ডবগণকে দেখিবামাত্র তাঁহার নয়নযুগল অশ্রুধারায় অভিষিক্ত হইয়া উঠিল। বাম্পাকুলিত কণ্ঠে তিনি বলিলেন, হে ধর্মপ্রিয় পাণ্ডুপুত্রগণ, অহো কি কষ্ট, যে অয়ং শ্রীকৃষ্ণের আশ্রয়ে থাকিয়াও তোমাদিগকে অবিরত দুঃখ ও বিপদ বরণ করিতে হইল এবং এক্ষণে স্বজনবিরোধে কাতর হইয়া জীবনধারণ করিতেও ইচ্ছা করিতেছ না। কিন্তু,

নহস্ত কহিচ্ছ রাজন্ পুমান্ বেদ বিধিৎসিতম্।

যদ্ বিজিজ্ঞাসয়া যুক্তা মুহুন্তি কবয়োহপি হি ॥ ১৯।১৬

—রাজন্, তিনি যে কোন্ উদ্দেশ্যে কখন কি করিতে ইচ্ছা করেন, কেহ তাহা বলিতে পারে না। তাঁহাকে জানিতে গিয়া যোগিগণও বিমূঢ় হইয়া যান। বৎস, এই সমস্তই ঈশ্বরের ঈপ্সিত জানিয়া তুমি এক্ষণে অনাথ প্রজাকুলের পালনে ত্রুতী হও। শ্রীকৃষ্ণই সেই পরম মহেশ্বর। ইহাকে সামান্য মাতুলপুত্র মনে করিওনা। ইনি রাগদ্বেষ

ভেদাভেদ মানাপমান বিবর্জিত। তাই ইনি তোমাদের সারথ্যবৃত্তি স্বীকার করিতেও মুহূর্তের জন্য দ্বিধা বোধ করেন নাই। একান্ত ভক্তের প্রতি ইহার অনুকম্পা দেখ—আমার অন্তিমকাল আসন্ন জানিয়া ইনি স্বয়ং আসিয়া আমাকে দর্শন দিলেন। ইহার শ্রীমুখ দেখিতে দেখিতে আমি এক্ষণে এই কলেবর পরিত্যাগ করিব।—মহারাজ যুধিষ্ঠিরের নানারূপ প্রশ্নক্রমে ভীষ্মদেব তখন ইহপরকালের বহুবিধ তত্ত্ব তাঁহাকে উপদেশ করিলেন। অনন্তর, তিনি ভক্তিগদগদ চিত্তে শ্রীকৃষ্ণের স্তুতি করিতে করিতে নিজ আত্মাকে পরমাত্মায় নিবিষ্ট করিয়া অন্তঃশ্বাস হইয়া চরম উপরতি লাভ করিলেন—‘আত্মজ্ঞানমাবেশ্য অন্তঃশ্বাস উপারমং।’ সমবেত সর্বলোক দিব্যবসানে বিহঙ্গমের ন্যায় ক্ষণেকের নিমিত্ত গভীর তুষীপ্তাব অবলম্বন করিয়া রহিলেন—‘তুষীপ্তভূবৃশ্চে সর্বৈব যয়াংসীব দিনাত্যয়ে।’ ধর্মরাজ যুধিষ্ঠিরও পিতৃপিতামহগণের সাগরপরিধি কুরুরাজ্য শাসন করিতে প্রবৃত্ত হইলেন।

ধর্মরাজ যুধিষ্ঠিরের মনে এইরূপ একটা ছুরন্ত আত্মাভিমান উদিত হইয়াছিল যে কুরুক্ষেত্রের যুদ্ধে তাঁহারই জন্য অষ্টাদশ অক্ষৌহিণী সৈন্য নিহত হইল, তিনিই এই সকল ব্রাহ্মণ আত্মীয় বন্ধুবান্ধবগণের হস্তা। শ্রীকৃষ্ণ ও ভীষ্মদেবের উপদেশে সেই দুর্জয় অভিমান সম্পূর্ণ নিরস্ত হইল। তিনি সকল কষ্টই শ্রীভগবানকে সমর্পণ করিয়া নির্বিকল্পচিত্তে রাজকাব্য নিকবাহ করিতে লাগিলেন। শ্রীকৃষ্ণ আরও কয়েক মাস হস্তিনায় বাস কবিয়া দ্বারকায় যাত্রা করিলেন। তিনি রথারূঢ় হইলে অর্জুন তাঁহার শিরোপরি স্বেচ্ছতর ধারণ করিলেন। এবং উদ্ধব ও সাত্যকি তাঁহাকে চামর ব্যজন করিতে লাগিলেন। স্নেহজনিত শঙ্কাবশতঃ মহারাজ যুধিষ্ঠির তাঁহার সঙ্গে চতুরঙ্গিনী সেনা প্রেরণ করিলেন।

ক্রমে তিনি নিজ জনপদ আনর্ভদেশে উপস্থিত হইয়া পাঞ্চজন্য় শস্ত্র ধ্বনিত করিলেন। কৃষ্ণবিরহসমুত্তপ্ত প্রজাকুল মহোৎসাহে তাঁহার অনুগমন করিতে লাগিল। দ্বারকার প্রতি রাজপথ,

প্রাসাদ ও গৃহ অপরূপ সজ্জায় ভূষিত হইয়া তাঁহার অভ্যর্থনা করিল। শ্রীকৃষ্ণ প্রথমে পিতামাতার গৃহে, তৎপরে ব্রীড়াজড়িতক্ষণা ষোড়শ সহস্র মহিষী-সেবিত নিজ অন্তঃপুর মধ্যে প্রবিষ্ট হইলেন। সেই মানবদেহধারী পরমাত্মা পুনরায় মানুষের আয় সকলের সঙ্গে লীলাভিনয় করিতে আরম্ভ করিলেন।

## ১২—১৫ অধ্যায়

পরীক্ষিৎ-জন্ম, শ্রীকৃষ্ণ, বিষ্ণুর, ধৃতরাষ্ট্র, শ্রীকৃষ্ণ-অনুষ্ঠান

### যুধিষ্ঠিরাদির স্বর্গারোহণ

যথাকালে শ্রীকৃষ্ণরক্ষিত উত্তরার গর্ভ হইতে, সর্বগুণসম্পন্ন লগ্নে, দ্বিতীয় পাণ্ডুর আয় অভিমন্যুপুত্র পরীক্ষিৎ জন্মগ্রহণ করিলেন। মহারাজ যুধিষ্ঠির বভ্রমল্য ভূমি সুবর্ণ হস্তী অশ্ব গো ইত্যাদি দান করিলেন। জন্মফল গণনা করিয়া বিচক্ষণ ব্রাহ্মণেরা নবজাতকের ভাবীজীবনের সমৃদ্ধি ও অন্তিম বিবরণ বলিয়া দিলেন। ঐ শিশু শ্রীকৃষ্ণের দান বলিয়া 'বিষ্ণুরাত' নামে অভিহিত হইলেন। ক্রমে সেই বালক ধর্ম্যপ্রাণ ও স্বভাবতঃ কৃষ্ণভক্ত এবং সর্বজীবের আনন্দপ্রদ হইয়া উঠিলেন। রাজা যুধিষ্ঠির জাতিবধজনিত পাপ ফালনার্থ ক্রমে তিনটী অশ্বমেধ যজ্ঞের অনুষ্ঠান করেন। শ্রীকৃষ্ণ হস্তিনায় আসিয়া এই সকল অনুষ্ঠানেই উপস্থিত হইলেন, অবশেষে অর্জুনকে সঙ্গে লইয়া যজুগণ-পরিবৃত হইয়া দ্বারকায় প্রত্যাবর্তন করিলেন।

এদিকে শ্রীবিহুর নানা তীর্থ ভ্রমণ করিয়া হস্তিনায় প্রত্যাগত হইলেন। ধীমান্ পাণ্ডুপুত্রগণ ও কুরুবংশীয় নরনারী সকলেই প্রেমাশ্রুপুলকিতদেহে তাঁহাকে অভিনন্দন করিলেন। বিহুরের বিশ্রাম ও ভোজনাশ্তে রাজা যুধিষ্ঠির তাঁহার নিকট আসিয়া প্রণতিপূর্বক বলিলেন,—

ভবধ্বিগা ভাগবতাস্তীর্থভূতাঃ স্বয়ং বিভো ।

তীর্থীকূর্কস্তু তীর্থানি স্বাস্তঃস্থেন গদাভূতা ॥ ১।১৩।১

—হে বিভু, আপনাদের গ্রায় ভাগবতগণ স্বয়ংই তীর্থ, যাহাদের হৃদয়মধ্যে গদাধর সতত বিরাজিত থাকিয়া তীর্থস্থানসকলের তীর্থত্ব বিধান করেন ।

\* আমাদের পরমাত্মীয় শ্রীকৃষ্ণের আশ্রিত যতুকুল নিজ পুরীতে সুখে আছেন ত? তাঁহাদের সহিত আপনার সাক্ষাৎ হইয়াছে? বিতুর হস্তিনার পথে উদ্ধব ও সুমন্ত (মৈত্রেয়) নিকট যতুকুল-ধ্বংসের সমস্ত বিবরণ শুনিয়াছিলেন, কিন্তু পাণ্ডবগণের পরম ছুঃখের কারণ সেই নিতান্ত অপ্রিয় সংবাদটী যুধিষ্ঠিরের নিকট গোপন করিলেন। তিনি রাজা ধৃতরাষ্ট্রকে সর্বদা সাস্থনা ও নানা উপদেশ দিতে লাগিলেন। তৎপর যথাকালে পরম ছুস্তর কাল আসিয়া উপস্থিত হইল। বিতুর তাহা বর্ণিতে পারিলেন। তখন তিনি একদিন রাজা ধৃতরাষ্ট্রের নিকট আসিয়া বলিলেন, রাজন, মহাভয় আগতপ্রায়, আমাদের কাল প্রত্যাসন্ন। আপনার পুত্র কুটুম্ব বন্ধু প্রায় সকলেই নিহত। আপনি জরাগ্রস্ত, ভয়দন্ত, অগ্নিমান্দ্য ও শ্লেষ্মাতে অভিভূত। পরগৃহে পরোপজীবী হইয়া বাস করিতেছেন। যাহাদিগকে বিষপায়োগে ও জতুগৃহ-দাহ দ্বারা নিধন করিতে চেষ্টা করিয়াছিলেন, যাহাদিগের ধর্ম্মপত্নীকে প্রকাশ্য সভাস্থলে আনিয়া নিগৃহীত করিয়াছিলেন, অহো ধিক্, আপনি সেই ভীমাদিবর্জিত পিণ্ডগ্রহণে জীবন ধারণ করিতেছেন।—

যঃ স্বকাৎ পরতো বেহ জাতনির্কৈদ আত্মবান্ ।

হৃদি কৃন্তা হরিং গেহাৎ প্রব্রজেৎ স নরোত্তমঃ ॥ ১।১৩।২৬

—যিনি স্বতঃপ্রবৃত্ত বা পরোপদেশপ্রণাদিত হইয়া নির্কিঞ্চ ও আত্মস্থ হন, এবং শ্রীহরিকে হৃদয়ে লইয়া গৃহত্যাগ করিয়া প্রব্রজ্যা গ্রহণ করেন, তিনিই নরোত্তম।

রাজন, আপনি সহর অতর্কিতভাবে গৃহ ত্যাগ করিয়া উত্তরমুখে প্রস্থান করুন।—বিতুরের এই কঠোর বাক্য শুনিয়া রাজা

ধৃতরাষ্ট্র সহস্রা নিদ্রোথিতের ন্যায় সংজ্ঞা লাভ করিলেন, এবং বিছুর ও গান্ধারী সহ যতিদিগের আনন্দ-নিকেতন হিমাচল অভিমুখে প্রস্থান করিলেন। অজাতশত্রু রাজা যুধিষ্ঠির অত্যাশ্চর্য্য দিনের ন্যায় সেই দিনও পিতৃবাগণের বন্দনা করিতে ধৃতরাষ্ট্রের ভবনে প্রবেশ করিয়া দেখিলেন, তাঁহারা বা বিছুর কেহই নাই। তিনি সঞ্জয়কে জিজ্ঞাসা করিলেন, মহাত্মন, আমার পিতৃবা ও পিতৃব্যপত্নী কোথায় গেলেন? আমি ইহাদের পুত্রগণকে বিনাশ করিয়াছি বলিয়া আমি হইতে অনিষ্ট আশঙ্কা করিয়া ইহারা কি গঙ্গাগর্ভে প্রবেশ করিলেন? সঞ্জয় বলিলেন, হে কুলনন্দন, ইহারা আমাকেও বধনা করিয়া কোথায় যে চলিয়া গিয়াছেন, আমি কিছুই জানি না!—এমন সময় দেবর্ষি নারদ তুণ্ডর বাদন করিতে করিতে তথায় আসিয়া উপস্থিত হইলেন। মহারাজ যুধিষ্ঠির তাহাকে যথোচিত পূজা ও অভিবাদন করিয়া বলিলেন, ভগবন, আমার পিতৃবা ও পিতৃব্যপত্নী বিছুর সহ কোথায় অন্তর্হিত হইলেন? তাহাদের অদর্শনে আমি নিতান্ত শোকাব্ত হইয়াছি। শ্রীনারদ বলিলেন,—

মা কখন শুচো রাজন্ যদাধিবশং জগৎ ।

স সংযুক্তি ভূতানি স এব বিবৃনক্তি চ ॥

যথা ক্রীড়োপস্করাণাং সংযোগবিগমাবিহ ।

ইচ্ছয়া ক্রীড়িতুঃ স্মাতাং তথৈবোশেচ্ছয়া নৃণাম্ ॥ ১।১৩৪০, ৪২

—রাজন্ কাহারও জ্ঞাত শোক করিও না, কারণ জগৎ ঈশ্বরের অধীন। তিনিই ভূতগণকে যুক্ত করেন, আবার তিনিই তাহাদের পরস্পরের বিয়োগ সাধন করেন। ক্রীড়াব পুত্তলের অঙ্গাদি ভাঙ্গাগড়া যেমন ক্রীড়াকারী বালকের ইচ্ছামত হইয়া থাকে, মানুষ্যের জন্মমৃত্যুও তেমন তাঁরই ইচ্ছায় হয়।

স্বাবর ভঙ্গম তাহারই ভিন্ন ভিন্ন রূপ মাত্র, মায়াবশে জীব নানারূপ দেখে। মহারাজ, সেই ভগবান্ শ্রীকৃষ্ণ অমুরকুল ধ্বংস করিয়া অবশিষ্ট কার্য্যের প্রতীক্ষায় এক্ষণে দ্বারকায় অবস্থিতি করিতেছেন। তোমরা তাঁহার স্বদামে গমনকাল পর্য্যন্ত অপেক্ষা কর।

তোমার পিতৃব্য ভাগীরথীর সপ্তধারা-সেবিত হিমালয়ের দক্ষিণস্থ ঋষিগণের আশ্রমে সর্বকামনাবিমুক্ত হইয়া স্থাণুবৎ অবস্থান করিতেছেন, তুমি তাঁহার অন্তরায় হইও না। অতীবধি পঞ্চম দিবসে তাঁহার নশ্বর দেহ ভস্মীভূত হইবে। ঘট ভগ্ন হইলে ক্ষুদ্র ঘটাকাশ যেমন এই মহাকাশে বিলীন হয়, তেমন জীবাশ্মাও দেহান্তে পবন ব্রহ্মাধারে বিলীন হয়—‘ঘটাস্বরমিবাস্বরে’। সাধ্বী গান্ধারী তাঁহার অনুমতা হইবেন, বিদুরও হর্ষবিষাদযুক্ত চিত্তে তীর্থভ্রমণে প্রস্থান করিবেন।—এই কথা বলিয়াই শ্রীনারদ তুঙ্গুর বাদন করিতে করিতে দিবাপথে প্রস্থান করিলেন। যুধিষ্ঠিরও তাঁহার বাক্য হৃদয়ঙ্গম করিয়া শোক মোহ পরিত্যাগ করিলেন।

সাত মাস হইল, অর্জুন দ্বারকায় গিয়াছেন (১১ পৃঃ দেখুন), এখনও আসিলেন না। বাটা যুধিষ্ঠির চতুর্দিকে নানা দুর্নিমিত্ত দেখিয়া উৎকর্ষাবাকুলচিও একদিন অনুজ ভীমসেনকে বলিলেন, ভ্রাতা, নারদের নিকট ওনিয়াছি ভগবান্ শ্রীকৃষ্ণ শীঘ্রই নরলীলা সম্বরণ করিবেন। তবে কি সেই বিষম বিপৎকালই উপস্থিত হইল?—এমন সময় মহামতি কপিধ্বজ আসিয়া জ্যেষ্ঠ ভ্রাতাকে প্রণাম করিয়া বাম্পাকুলিতনেত্রে অধোবদনে দণ্ডায়মান হইলেন। সশঙ্কচিত্তে রাজা ভিজ্ঞাসা করিলেন, বৎস, তোমাকে এমন হীনপ্রভ দেখিতেছি কেন? তোমার কোন অমঙ্গল হয় নাই ত? নিশ্চয় কোন স্মহৎ অনিষ্ট ঘটিয়াছে। তুমি ত প্রাণাধিক সখা শ্রীকৃষ্ণবিবহিত হও নাই? তাঁহার ও যত্নকুলের সকলের কুশল ত? তোমার মনস্তাপের হেতু শীঘ্র ব্যক্ত কর।

অর্জুন সহসা কোন উত্তর করিতে পারিলেন না। উচ্ছ্বসিত অশ্রুধারা হস্ত দ্বারা অপরুদ্ধ করিয়া কথঞ্চিং আত্মস্থ হইলেন। বলিলেন, রাজন্, কি বলিব, বন্ধুরূপী শ্রীহরি আমাকে ত্যাগ করিয়া চলিয়া গিয়াছেন। দ্রৌপদীলাভ, খাণ্ডবদাহ, জরাসন্ধবধ, রাজসূয় যজ্ঞ, যাজ্ঞসেনীর অবভূথপূত কেশকলাপ আকর্ষণ জন্ম

ভীমসেনের প্রতিশোধ গ্রহণ, শশিষ্ঠ দুর্বাসার জঠরানল তৃপ্তি, শূলপাণি শম্ভু হইতে পাশুপত অস্ত্র লাভ, সুরপতি সহ একাসনে উপবেশন, উত্তর গোগুহের যুদ্ধে জয়, পরিশেষে ভীষ্ম দ্রোণাদির সংহার প্রভৃতি সমস্তই যাহার তেজঃপ্রভাবে সম্ভব হইয়াছিল, সেই ভূমাপুরুষ আজ আমাকে নিম্নমর্চিতে বঞ্চিত করিয়া চলিয়া গিয়াছেন। আমার গাণ্ডীব আজ নিরস্ত, হস্তিনার পথে আজ আমি অতি তুচ্ছ কতিপয় গোপ কর্তৃক ধর্মিত। হায়, সেই মোক্ষপ্রদ যোগেশ্বরকে আমি কিনা অতি তুচ্ছ অশ্চালনার বশিতে নিযুক্ত করিয়াছিলাম! রাজন্, তাঁহার সম্ভাপনাশিনী বাণী সকল স্মরণ করিয়া আমার চিত্ত অভিভূত হইতেছে।—

কুরুক্ষেত্রের যুদ্ধভূমিতে উপদিষ্ট তত্ক্ষণ কাল ও কশ্মীর প্রভাবে রুদ্ধ অবস্থায় ছিল, এক্ষণে শ্রীহরির পাদপদ্মে তিনি আত্মাকে একান্ত অভিনিবিষ্ট করিলেন। প্রশান্তচিত্তে রাজা যুধিষ্ঠিরও শ্রীভগবানের অনুসরণ করিয়া স্বর্গপথ অবলম্বনে কৃতসঙ্কল্প হইলেন। পৃথা দেবী যদুকুলের নাশ ও শ্রীকৃষ্ণের তিরোভাববাব্তা শ্রবণ করিয়া একান্ত ভক্তির সহিত সেই পরম পুরুষে চিত্ত নিবিষ্ট করিয়া সংসার হইতে উপরত হইলেন। ধীমান্ যুধিষ্ঠির পৌত্র পরীক্ষিৎকে সাগরবেষ্টিত কুরুরাজ্যে ও অনিরুদ্ধপুত্র বজ্রকে মথুরারাজ্যে অভিষিক্ত করিলেন। তিনি স্নেহ অহঙ্কারাদি সর্ববন্ধন-বিমুক্ত হইয়া নিজ আত্মাকে কূটস্থ ব্রহ্মে লীন করিলেন, রাজবেশ পরিত্যাগ করিলেন, এবং চীরবাসপরিহিত হইয়া উত্তরাভিমুখে প্রস্থান করিলেন। অনুজগণও স্থিরচিত্তে তাঁহার অনুগমন করিলেন। কুরুকুলদেবী দৌপদী দেখিলেন, পতিগণ পরস্পর কেহ কাহারও জন্ম বা তাঁহার জন্মও অপেক্ষা করিলেন না। তখন তিনিও শ্রীভগবান বাসুদেবে উপগত হইয়া তাঁহাকে প্রাপ্ত হইলেন। এ দিকে বিদুরও তীর্থ পর্য্যটন করিতে করিতে প্রভাসে আসিয়া শ্রীকৃষ্ণ-স্মরণে তনুত্যাগ করিয়া পিতৃপুরুষগণের সহিত মিলিত হইলেন।



## ১৬—১৯ অধ্যায়

পৃথিবী, ধর্ম, কলি, পরীক্ষিৎ, শমীক, শৃঙ্গী, শুকদেব

সূত বলিলেন, পরম ভাগবত পরীক্ষিৎ ঈরাবতীকে বিবাহ করেন ও তাহার গর্ভে তাঁহার জনমেজয় প্রভৃতি দ্বাদশটি পুত্র জন্মে। তিনি কৃপাচার্য্যাকে গুরু বরণ করিয়া তিনটী অশ্বমেধ যজ্ঞ করেন। একদা দিগ্বিজয়ে যাত্রা করিয়া তিনি দেখিলেন, এক শূদ্র রাজবেশ ধারণ করিয়া একটী একপদ বুঘ ও একটী গাভীকে পদাঘাতে বাধিত করিতেছে। রাজা তখনই সেই পাষাণের সমুচিত দণ্ড বিধান করিলেন। শৌনক জিজ্ঞাসা করিলেন, রাজা তখনই তাহাকে বধ করিলেন না কেন? হরি-কথার সম্বন্ধ থাকিলে আমার এই প্রশ্নের উত্তর দেও, নতুবা নিষ্প্রয়োজন। কারণ,

কিমত্তৈরসদালাপৈরাযুষো যদ্ অসদব্যয়ঃ । ১।১৬.৬

মন্দস্ত মন্দপ্রজ্ঞস্ত বয়ো মন্দায়ুষশ্চ বৈ ।

নিদ্রয়া হ্রিয়তে নক্তং দিবা চ ব্যর্থকর্মাভিঃ ॥ ১।১৬.৯

—অথবা কথার আলাপে আয়ুক্ষয় ব্যতীত আর কি ফল? অলস ও নির্বোধ ব্যক্তিদের পরমাযু রাত্রিতে নিদ্রায় ও দিবাভাগে বুথা কস্মে নষ্ট হয়।

সূত বলিলেন, মুনিবর, শুনুন। ঐ একপদী বুঘ ধর্ম, এবং গাভী পৃথিবী। উভয়ে যখন সাক্ষাৎ হইল, তাহারা পরস্পরকে চিনিতে পারিলেন। গাভীরূপী পৃথিবীকে অশ্রুশ্রুখে রোদন করিতে দেখিয়া বুঘরূপী ধর্ম জিজ্ঞাসা করিলেন, ভদ্রে, তুমি রোদন করিতেছে কেন? ,পৃথিবী বলিলেন, হে ধর্ম, যাহার প্রভাবে তুমি একদা চারিপদে বর্তমান থাকিয়া লোকের সুখ ও ঐশ্বর্য্য বিধান করিতে, সেই সকলগুণনিগয় ত্রীনিবাস এই লোক পরিত্যাগ করিয়া চলিয়া গিয়াছেন। এক্ষণে সর্বত্র কলির পাপদৃষ্টি পড়িয়াছে। বর্ণাশ্রম সকলের ভাবী দুর্দশা চিন্তা করিয়া

আমার চিত্র নিতান্ত পীড়িত হইতেছে। অসুরকর্মা রাজগণের শত শত অঙ্গোহিংসী আমার অঙ্গের ভার স্বরূপ হইয়াছিল। ঐ ভার হরণের নিমিত্ত অদ্ভুতকর্মা শ্রীহরি যদুবংশে অবতীর্ণ হইয়া রমণীয় বিগ্রহ ধারণ করিয়াছিলেন। ধর্ম, তুমি তখনও ভগ্নপদ ছিলে, কিন্তু তিনি স্বপ্রভাবে তোমাকে সুস্থ রাখিয়াছিলেন। তাঁহার চরণচিহ্ন যখন আমার অঙ্গধূলিতে শোভা বিস্তার করিত, তখন নবাস্কুর-উদগমচ্ছলে আমার রোমাঞ্চ প্রকাশ পাইত। সেই শ্রীকৃষ্ণের বিরহ ত আমি কিছুতেই সহ্য করিতে পারিতেছিলাম।—এইরূপ কথোপকথনের পর সেই শূদ্ররূপী কলি আসিয়া তাঁহাদিগকে প্রহার করিতে লাগিল। রাজা পরীক্ষিৎও সেই সময়ই পূর্ববাহিনী সরস্বতীর তীরে আসিয়া উপস্থিত হইলেন।

তিনি বৃষ ও গাভী উভয়কে সেই শূদ্রের নির্ধম আঘাতে বেপমান ও অশ্রুসিক্ত দেখিয়া শূদ্রকে সম্বোধন করিয়া বলিলেন, রে অধম, তুই নিতান্তই বধাই। বৃষকে জিজ্ঞাসা করিলেন, আপনিই বা কে? আপনার অপর তিনটি পদ কিরূপে বিনষ্ট হইল? গাভীকে বলিলেন, মাতঃ, আপনারা কাদিবেন না, আমি এখনই এই পাষাণের উপযুক্ত দণ্ডের বিধান করিতেছি। তখন বৃষরূপী ধর্ম বলিলেন, রাজন্, আপনি মহামতি পাণ্ডবগণের সুযোগ্য বংশধর, সুতরাং আমাদের প্রতি এই অভয়বাণী আপনার রাজপদের সমাক্ উপযোগী। কিন্তু আপনি বিচার করিয়া বলুন, কোন পুরুষ হঠাতে আমাদের এই ক্রেশ উৎপন্ন হইয়াছে? যোগী বলেন, আত্মাই আত্মার মিত্র ও শত্রু। দৈবজ্ঞ বলেন, গ্রহই জীবের সুখ দুঃখের কারণ। মীমাংসক কৰ্ম্মকেই কারণরূপে নির্দেশ করেন, আর, নাস্তিকের মতে স্বভাবই সকল সুখ দুঃখের নিদান। রাজা বৃষমুখে এই বাক্য শুনিয়া সমাহিত চিত্তে চিন্তা করিয়া জানিতে পারিলেন, একপদ বৃষ স্বয়ং ধর্ম এবং আর্ত গাভীটি পৃথিবী। তিনি বলিলেন, মহাত্মন, শাস্ত্রে এইরূপ বিধান আছে

যে, যে ব্যক্তি ঘাতকের নাম প্রকাশ করিয়া দেয়, সেও ঘাতকের গতি প্রাপ্ত হয়। আমি বুঝিতে পারিতেছি, আপনারা সেই জন্মই ইহার নাম উল্লেখ বা কোন অভিযোগ করিলেন না। কিন্তু আর্তের দুঃখ দূর করা রাজার পরম ধর্ম, সুতরাং আমি এখনই এই ছফ্তের সমুচিত দণ্ড বিধান করিতেছি। এই বলিয়া, রাজা শাপিত খড়্গ গ্রহণ করিলেন। কলি ভয়ে বিহ্বল হইয়া অমনি রাজার চরণে পতিত হইল। তখন রাজা তাহাকে বলিলেন, হে অধর্মবন্ধু, তুমি আমার শরণাগত হইলে, সুতরাং তোমাকে বধ করিব না। কিন্তু তুমি এখনই এ রাজ্য পরিত্যাগ কর, ব্রহ্মাবর্ত দেশে তোমার কোন স্থান নাই। কলি জিজ্ঞাসা করিলেন, রাজন, তাহা হইলে আমি কোথায় বাস করিয়া আপনার আদেশ পালন করিব ?

অভ্যর্থিতস্তদা তস্মৈ স্থানানি কলয়ে দদৌ ।

দ্যুতং পানং স্ত্রিয়ঃ স্থনা যত্রাধর্মশ্চতুর্বিধঃ ॥

পুনশ্চ যাচমানায় জাতরুপমদাং প্রভুঃ ।

ততোহনৃতং মদং কামং রজো বৈরঞ্চ পঞ্চমম্ ॥

অমূনি পঞ্চস্থানানি হৃদয়প্রভবঃ কলিঃ ।

ঔত্তরেয়েণ দত্তানি গুবসত্তন্নিদেশকুং ॥ ১।১৭.৩৮—৪০

—কলি স্থান প্রার্থনা করিলে রাজা তাহাকে দ্যুতকীড়া সুরাপান প্রাণিহিংসা ও স্ত্রীসঙ্গ এই কয়টি স্থান দিলেন। পুনরায় স্থান প্রার্থনা করিলে, তাহাকে সুরবর্ণ দেখাইয়া দিলেন। পুনঃ প্রার্থনায় মিথ্যা গর্ব কাম হিংসা ও বৈর এই পাঁচটিও দিলেন। অধর্মরত কলি উত্তরানন্দন পরীক্ষিতের আজ্ঞাকারী হইয়া এই কয় স্থানেই বাস করিতে লাগিল।

তখন রাজা পরীক্ষিত ধর্মের ‘সত্য’ মাত্রে অবশিষ্ট পাদটীতে ‘তপঃ’ ‘শৌচ’ ও ‘দয়া’ নামে তাঁহার নষ্ট পদত্রয় যোজনা করিয়া দিলেন, এবং গাভীরূপী পৃথিবীকে যথোচিত আশ্বস্ত করিয়া উভয়কে অভিনন্দন পূর্বক বিদায় করিয়া দিলেন।

কলি যুগের একটি বিশেষত্ব এই যে, এই যুগে পুণ্য কর্মের সঙ্কল্পমাত্রেই ফললাভ হয়, কিন্তু পাপের ফল কর্মের অনুষ্ঠান-

সাপেক্ষ। আর, বৃক যেমন অনবধান শিশুদিগকেই আক্রমণ করিতে অধিক সাহসী হয়, কলিও তেমন প্রমত্ত ও মৃঢ়গণকেই আক্রমণ করে, ধীর ব্যক্তি হইতে ভীত হইয়া থাকে। এই জন্তই গুণগ্রাহী সম্রাট পরীক্ষিৎ কলির প্রাণ সংহার করিলেন না, মাত্র সমুচিত দণ্ডের বিধান করিলেন। মুনিগণ, রাজা পরীক্ষিতের বিষয় আপনারা যাহা জানিতে চাহিয়াছিলেন, তাহা বলিলাম।—শৌনক বলিলেন, হে সূত, আমরা যজ্ঞধূমে বিবর্ণ, তুমি আমাদের হরিপাদপদ্মের মকরন্দ সুধা পান করাইতেছ। শ্রীভগবানের কথা শুনিতে কোনও রসজ্ঞ ব্যক্তিরই আশ মিটেনা। হে বিদ্বন্, শ্রীহরির উদার চরিতকথা আরও বিস্তার করিয়া বল, আমরা আরও শুনিতে নিতান্ত উৎসুক হইয়াছি।—সূত পরম আনন্দিত হইয়া বলিলেন, অহো, বিলোমজ হইলেও আজ সত্যি আমার জন্ম সফল, যেহেতু আপনাদের ন্যায় ভাস্কর ব্রাহ্মণগণ এ হীনের নিকট হরিকথা শুনিতে এইরূপ আগ্রহপ্রকাশ করিতেছেন।

একদা মৃগয়াশ্রান্ত রাজা পরীক্ষিৎ নিতান্ত তৃষার্ত ও ক্ষুৎপিড়িত হইয়া মহামুনি শমীকের আশ্রমে প্রবেশ করিলেন। মুনিবর বিকীর্ণ জটাভার ও মৃগচর্মে আবৃত, তাঁহার নেত্র নিমীলিত, সমস্ত ইন্দ্রিয় বাহ্য-নিবৃত্ত ও আত্ম তুরীয় পদে লীন। সূতরাং রাজা পুনঃ পুনঃ উচ্চ ও আকুল কণ্ঠে জল প্রার্থনা করিলেও মুনিবর তাহা কিছুই শুনিতে পাইলেন না। ক্ষুৎপিপাসায় অপহতবুদ্ধি রাজা ভাবিলেন, অধম ক্ষত্রিয় মনে করিয়া এই ব্রাহ্মণ আমার প্রার্থনায় কর্ণপাতও করিলেন না। এই ভাবিয়া তিনি ক্রোধবশে স্বীয় ধনুকের অগ্রভাগ দ্বারা সমীপবর্তী একটা মৃত সর্পদেহ আকর্ষণ করিয়া তাহা ধ্যান-নিরত ঋষির গলদেশে লম্বিত করিয়া দিলেন ও তথা হইতে প্রস্থান করিলেন। ঐ ঋষির পুত্র বালক শৃঙ্গী তখন অস্ত্র ত্রীড়া করিতেছিল, এক সহচরের মুখে রাজার এই ছুফ্তের কথা শুনিল। রোষে গর্জ্জন করিতে করিতে সেই বালক বলিল, ‘কি আশ্চর্য্য, ব্রাহ্মণগণ ক্ষত্রিয়দিগকে গৃহরক্ষার

কার্যে নিযুক্ত করিয়াছেন। ভৃত্য যদি প্রভুর অপমান করে, তবে দ্বাররক্ষক কুকুর হইতে তাহার প্রভেদ কি ?' এই বলিয়া শৃঙ্গী সমীপস্থ কৌশিকী নদীর জলে আচমন করিয়া রাজার প্রতি ব্রহ্মশাপ-রূপ এক নির্ম্মম বাগ্‌বজ্র নিক্ষেপ করিলেন,—‘ঐ কুলান্ধার রাজা! অত্যাধি সপ্তমদিবসে মহাসর্প তক্ষকের দংশনে প্রাণত্যাগ করিবে।’ শৃঙ্গী আশ্রমে আসিয়া মৃত-সর্প-জড়িত-কণ্ঠ পিতাকে দেখিয়া উচ্চৈঃস্বরে রোদন করিতে লাগিল। ক্ষণকাল পর মুনিসত্তম শমীক বাহ্যলাভ করিয়া পুত্রের নিকট সমস্ত বিবরণ অবগত হইলেন। নিতান্ত ক্ষুব্ধ হইয়া তিনি বলিলেন, ‘রে অপকবুদ্ধি বালক, রাজা! সাক্ষাৎ বিষ্ণুর স্বরূপ, তাঁহার অভাবে সংসার বিপর্য্যস্ত হয়। এক্ষণে তোমার এই হঠকারিতায় সেই মহাপরাধ আমাদিগকে স্পর্শ করিবে। রাজা! পরীক্ষিৎ মহাভাগবত, ক্ষুংপিপাসায় হতবুদ্ধি হইয়া তিনি সহসা এই কার্য্য করিয়াছিলেন। তিনি প্রত্যভিশাপ দিতে পাবেন, কিন্তু দিবেন না। কারণ, ভগবদ্ভক্ত কদাচ কাহারও অপকার করেন না। হে ভগবন্, এই চপলমতি বালকের অপরাধ ক্ষমা কর।’ ঋষিগণ, কি আশ্চর্য্য, রাজা! যে তাঁহার প্রতি এরূপ মহাপরাধ করিলেন, তাহা ঐ মুনিবরের মনে ক্ষণকালের জগ্‌ও উদিত হইল না।—

প্রায়শঃ সাধবো লোকে পঠৈর্ষন্দেষু যোজিতাঃ ।

ন ব্যথন্তি ন হৃদ্যন্তি যত আত্মাণ্ডগাশ্রয়ঃ ॥১১৮৫০

—সাধুগণের স্বভাব এইরূপ। অপরের আচরিত ইষ্টানিষ্টের দ্বাৰা তাঁহারা সুখ বা দুঃখ ভোগ করেন না। কারণ, তাঁহারা জানেন যে আত্মা সুখদুঃখাদি গুণের আশ্রয়বস্ত্ত নহে।

রাজা! পরীক্ষিৎ স্বপুরীতে প্রত্যাগত হইয়া আত্মকৃত সেই গার্হিত কার্য্যের জগ্‌ অতিশয় অনুতপ্ত হইলেন। তিনি ভাবিলেন, আমার প্রতি সমুচিত দণ্ড বিহিত হউক, যেন আমি আর এরূপ ছুরাচরণ না করি এবং আমার কৃত অপরাধের জগ্‌ আমার পুত্রগণের যেন কোন অকল্যাণ না হয়। এমন সময় তিনি,

শুদী-প্রদত্ত অভিষাপের বৃত্তান্ত শুনিতে পাইলেন, এবং মনে করিলেন, দেবদেব নারায়ণ আমার প্রতি কৃপা করিয়াই এই ব্রহ্মশাপ-রূপ মূর্তি ধারণ করিলেন। তখন ইহ ও পর উভয় লোকই তাঁহার নিকট নিতান্ত হয়ে জ্ঞান হইল। তিনি স্বীয় পুত্র জনমেজয়ের উপর রাজ্যভার গ্রহণ করিলেন, এবং শ্রীকৃষ্ণ-সেবাকেই পরম পুরুষার্থ জ্ঞান করিয়া সুরধুনীর দক্ষিণ তীরে কুশময় আসন বিস্তারপূর্বক পূর্বমুখে প্রায়োপবেশনে উপবিষ্ট হইলেন।—

পুনতি সেশান্নভয়ত্র লোকান্ কস্তাং ন সেবেত মরিয়মাণঃ ॥ ১১৯৬

—যে নদী অন্তর ও বাহির উভয় দিক পবিত্র করেন, মৃত্যু আসন্ন জানিয়া কোন্ ব্যক্তি তাঁহার সেবা না করিবে?

দিব্যধামে দেবগণ তাঁহার উপর কুসুমবর্ষণ করিতে লাগিলেন। জগৎ-পাবন মহানুভাব মুনিগণ সশিষ্যে রাজদর্শনার্থ সমাগত হইলেন।

প্রায়েণ তীর্থাভিগমাপদৈঃ স্বয়ং হি তীর্থানি পুনস্তি সন্তঃ ॥ ১১৯৮

—তীর্থগমনচ্ছলে সাধুগণ প্রায়ই তীর্থ সকলকে এইরূপে পবিত্র করেন।

রাত্রে যথাবিধি অর্চনাপুরঃসর তাঁহাদের বন্দনা করিলেন। তাঁহারাও রাজাকে অভিনন্দিত করিয়া সুমধুর হরিগুণ গান করিতে লাগিলেন। রাজা বলিলেন, মুনিগণ, আপনাদের পদস্পর্শে আমি ধৃত, আমার কুল পবিত্র। আমার এই প্রায়োপবেশন সমুচিত হইয়াছে ত? সর্বাবস্থায়, বিশেষতঃ অস্ত্রিমে, মানুষ কোন্ কার্য্যকে শ্রেষ্ঠ বোধ করিয়া কর্তব্য রূপে গ্রহণ করিবে?—সেই মুনিগণ, কেহ যোগ, কেহ তপস্যা, কেহ যজ্ঞ, কেহ বা দান, ইত্যাদি ভিন্ন ভিন্ন অনুষ্ঠান উপদেশ করিতে লাগিলেন।—এমন সময় ভগবান্ ব্যাসনন্দন শুকদেব যদৃচ্ছা পর্যটন করিতে করিতে তথায় আসিয়া উপস্থিত হইলেন। তাঁহার বয়স ষোড়শ বৎসর, দেহ শ্যামবর্ণ, গঠন সুবলিত, বেশ দিগ্‌মাত্র, কেশজাল ধূলি-ধূসরিত। বালকগণ কৌতুকবশতঃ তাঁহাকে চতুর্দিকে বেঁটন করিয়া লইয়া আসিতেছে। সমবেত ঋষিমণ্ডলী শ্রীশুকদেবকে

দর্শনমাত্র আসন হইতে উঠিয়া সমুচিত সম্বন্ধনা করিলেন। রাজা ভূ-লুপ্তিত মস্তকে সেই সুমহান্ অতিথির পূজা করিলেন। তিনি বলিলেন, ব্রহ্মান্, আপনার কৃপায় এ স্থান পরমতীর্থ হইল। ষাঁহার স্মরণ মাত্রে গৃহ পবিত্র হয়, তাঁহার দর্শন ও চরণবন্দনে যে কি হয়, তাহা আমি আর কি বলিব। আমার পিতামহগণের প্রাণসখা শ্রীকৃষ্ণই কি তাঁহার পিতৃস্বসন্তানগণের পরম কল্যাণ বিধান জ্ঞাত আপনাকে এখানে প্রেরণ করিলেন? আপনি যোগীশ্বরগণের পরম গুরু, আপনাকে জিজ্ঞাসা করি, আমার ছায়া মুমুকু মুমূর্ষু বাক্তির এক্ষণে কর্তব্য কি? ভগবান্ বাদরায়ণি তখন রাজার এই সুমধুর সম্ভাষণের এইরূপ প্রত্যুত্তর করিলেন।—

## দ্বিতীয় স্কন্ধ

### ১—৩ অধ্যায়

#### শুক, পরীক্ষিৎ, শৌনক

শুকদেব বলিলেন, মহারাজ, আপনি যে প্রশ্ন করিলেন, ইহা মানবের জ্ঞাতব্য বিষয় মধ্যে সর্বশ্রেষ্ঠ, এবং মুক্ত ও মুক্তিকামী উভয়েরই পরম হিতকর। অশ্বৈ নারায়ণ-স্মৃতি, তাঁহার নাম শ্রবণ ও কীর্তন বিষয়প্রমত্ত জীবের একমাত্র গতি। পুরাকালে রাজা খট্টাক তাঁহার আয়ু মূহূর্তকাল মাত্র অবশিষ্ট আছে জানিয়া সর্বব্যথা করিয়া শ্রীহরির অভয় চরণে শরণ লইয়াছিলেন (৯ স্কঃ ৯ অঃ দেখুন)। আপনার আয়ুও সাতদিন মাত্র অবশিষ্ট আছে। অতএব আপনারও সেইরূপই করা কর্তব্য—

অষ্টকালেহপি পুরুষ আগতে গতসাধবসঃ ।

ছিন্দ্যাদসঙ্গশস্ত্রেণ স্পৃহাং দেহেহন্থ য়ে চ তম্ ॥

গৃহাৎ প্রস্রজিতো ধীরঃ পুণ্যতীর্থজলাপ্লুতঃ ।

শুচৌ বিবিক্ত আসানো বিধিবৎ কলিতাসনে ॥

অভ্যাসেন্মনসা শুদ্ধং ত্রিবিদ ব্রহ্মাক্ষরং পরম্ ।  
 মনোষচ্ছেজ্জিতখাসো ব্রহ্মবীজমবিস্মরন্ ॥  
 নিষচ্ছেদ্ বিষয়েভ্যোহিহান্মনসা বুদ্ধিসারথিঃ ।  
 মনঃ কস্মাভিরাক্ষিপ্তং শুভার্থে ধারয়েদ্ধিয়া ॥  
 তত্রৈকাবয়বং ধ্যায়েদব্যুচ্ছিন্নে চেষতসা ।  
 মনোনির্বিষয়ং বৃত্তা ততঃ কিঞ্চন ন স্মরেৎ ।  
 পদং তৎ পরমং বিষ্ণোর্মনো যত্র প্রসীদতি ॥ ২।১।১৫—১৯

—অষ্টকাল উপস্থিত হইলে জীব মৃত্যুভয় বিদূরিত করিয়া প্রথমে বৈরাগ্যরূপ অস্ত্রবাবা দেহ ও তদানুযায়িক সম্ভাপকর ভোগেচ্ছাকে ছেদন করিবেন, তৎপর গৃহত্যাগ করিয়া পৃথাতীর্থজলে স্নান করিবেন, তৎপর নির্জন স্থানে পবিত্র আসন রচনা করিয়া তত্‌তপরি উপবেশন করিবেন, তৎপর শ্বাস জয় করিয়া শ্রুতিকে আয়ত্ত করিয়া তিন অক্ষর যুক্ত বিশুদ্ধ পরম ব্রহ্মাক্ষর ( ঔ=অ+উ+ম ) মনের দ্বারা অভ্যাস করিতে থাকিবেন, পরে বুদ্ধি সাহায্যে মনকে নিবৃত্ত করিয়া কল্যাণলাভে নিয়োগ করিবেন, তৎপর স্থিরচিত্তে শ্রীভগবানের এক একটী অবয়ব ধ্যান করিবেন । মন বিষয় হইতে সম্যক মুক্ত হইলে শ্রুতিও ত্রিমিত হইবে—মনের এই প্রসন্নভাবেই শ্রীবিষ্ণুর পরম পদ ।

সৃষ্টি তাঁহার কটাক্ষ, সংসার তাঁহার ক্রীড়া, আয়ু তাঁহার শ্বাস, মানুষ তাঁহার বুদ্ধি, বিহঙ্গমগণ তাঁহার শিল্পনৈপুণ্য, পর্বত তাঁহার অস্থি, নদী তাঁহার নাড়ী । এইরূপে সৃষ্টির প্রত্যেক অঙ্গ ও কাণ্ডা সেই বিরাট পুরুষেরই অভিব্যক্তি । বুদ্ধি তাঁহাতেই স্থির রাখিবে, মনে তাঁহারই ধ্যান করিবে ।

রাজন, দেহধারণোপযোগী মাত্র ভোগ করিবে । স্বর্গাদিও নিরর্থক কথা, উহা বুদ্ধিকে কামনায় প্ররোচিত করে । আসক্তিই পতনের মূল ।—

সত্যং ক্ষিতৌ কিং কশিপোঃ প্রয়াসৈর্বাহৌ স্বসিদ্ধে হ্যপবর্হণৈঃ কিম্ ।

সত্যঞ্জলৌ কিংপুরুষান্নপাত্র্যা দিগ্‌বন্ধলাদৌ সতি কিং দ্রুকূলৈঃ ॥

চৌরাণি কিং পথি ন সন্তি দিশস্তি ভিক্ষাং

নৈবাজ্জ্বপাঃ পরভূতঃ সরিতোহপ্যশুয্য ।



রুদ্ধা গুহাঃ কিমজিতোহবতি নোপসন্নান্

কস্মাদ্ ভজন্তি কবয়ো ধনহুর্নদাক্তান্ ॥ ২।২।৪,৫

—ভূমিতল থাকিতে শয্যার প্রয়াস কেন? স্বভাবজাত বাহু থাকিতে উপাধানের প্রয়োজন কি? অঞ্জলি থাকিতে নানাবিধ ভোজনপাত্রের আবশ্যক কি? দিক্ আছে, বন্ধল আছে, তবে বস্ত্র দিয়া কি হইবে? পথে কি জীর্ণ বস্ত্রখণ্ড পাড়িয়া থাকে না? পরের ভরণ পোষণ জগুই ত তরুণের সৃষ্টি, তাহারা কি এখন আর ভিক্ষা দেয় না? জলাশয়গুলি কি সমস্তই শুকাইয়া গিয়াছে? পর্বতের গুহাগুলি কি সকলই রুদ্ধ? শ্রীহরি কি আর শরণাগতকে রক্ষা করেন না? সূধীগণ তবে কেন ধনমদে অন্ধ লোকদিগের উপাসনা করেন?

যাবৎ ভক্তির উদয় না হয়, তাবৎ তাঁহার স্থূলরূপের প্রত্যেকটি মাধুর্য্য ও বিলাস চিন্তা করিবে। দেহাদিতে আত্মবুদ্ধি দূর করিয়া বন্দনীয় শ্রীকৃষ্ণের পাদপদ্ম ধ্যান করিবে। যোগী যখন দেহত্যাগ করিতে অভিলাষ করিবেন, তখন তিনি স্থিরভাবে সুখকর আসনে উপবেশন করিয়া মন দ্বারা প্রাণকে জয় করিয়া প্রাণায়াম করিবেন, এবং প্রাণবায়ুকে নাভি প্রভৃতি ছয়টি ক্রমোচ্চ স্থানে লইয়া যাইবেন। যখন তিনি একেবারে কামনাশূন্য হন, তখন তাঁহার প্রাণ ব্রহ্মরন্ধ্র ভেদ করিয়া দেহ ও ইন্দ্রিয়গণকে পরিত্যাগ করে। সমাধি-তৎপর যোগিদিগের প্রাণবায়ুমধ্যে সূক্ষ্ম শরীর আছে, এজন্য তাঁহারা অন্তরে ও বাহিরে যথেষ্ট ভ্রমণ করিতে সমর্থ হন, কৰ্ম্মবাদিগণ কৰ্ম্ম দ্বারা সেইরূপ গতি লাভ করিতে পারেন না। বুদ্ধি দ্বারা ইহা সহজেই অনুমান করা যায় যে, ভগবান্ দ্রষ্টা ও অন্তর্ধামীরূপে সর্বভূতে অবস্থিত আছেন।—

তস্মাৎ সর্বান্মনা র.জন্ হরিঃ সর্বত্র সর্বদা।

শ্রোতব্যঃ কীর্তিতব্যশ্চ স্মর্তব্যো ভগবান্ নৃণাম্ ॥ ২।২।৩৬

—অতএব, হে রাজন্, সর্বস্থানে ও সর্বকালে সমগ্র আত্মার দ্বারা শ্রীভগবানের গুণ শ্রবণ কীর্তন ও স্মরণ মানুষের অবশ্য কর্তব্য।  
যাঁহারা নিয়ত হরিকথা চিন্তা করেন, অতি দূষিত হইলেও তাঁহাদের চিত্ত ক্রমশঃ পবিত্র হয়।

রাজন, মোক্ষেচ্ছ মুমূর্ষুদিগের কর্তব্য তুমি যাহা জিজ্ঞাসা করিয়াছিলে, তাহা বলিলাম। ফলকামীরা বিশেষ বিশেষ দেবতার উপাসনা করে, কিন্তু—

অকামঃ সর্বকামো বা মোক্ষকাম উদারধীঃ ।

তৌত্রেণ ভক্তিযোগেন যজ্ঞেত পুরুষং পরম্ ॥ ২।৩।১০

—যাহার কোন কামনা নাই, আবার যাহার সকল কামনাই আছে, যে উদারমতি ব্যক্তি মোক্ষ বাসনা করেন, সকলেই প্রগাঢ় ভক্তি দ্বারা সেই পরমপুরুষের আরাধনা করিবেন।

নানা দেবতার উপাসক ফলকামিগণও ভগবদ্ভক্তদিগের সঙ্গ লাভ করিলে ক্রমে অচলা ভক্তির অধিকারী হন। এইরূপ ভক্তিই পরম পুরুষার্থ। নিরন্তর হরিকথা শ্রবণে ত্রিগুণজ বিক্ষিপ্ত সমূহ দূরীভূত হয়, বিষয়ে বৈরাগ্য আসে ও আত্মা সুপ্রসন্ন হন।—

শৌনক বলিলেন, হে সূত, রাজা পরীক্ষিৎ ইহার পর যে যে প্রশ্ন করিলেন, ও শ্রীশুকদেব যে যে উত্তর দিলেন, তুমি তাহা সমুদয়ই সবিস্তারে বর্ণনা কর। সূর্য্যের উদয়াস্তের সঙ্গে আয়ু বৃথাই চলিয়া যায়। যিনি হরিগুণ গান করেন, একমাত্র তাঁহারই আয়ু সার্থক।—

তরবঃ কিং ন জীবন্তি ভক্ষাঃ কিং ন শ্বসন্ত্যত ।

ন খাদন্তি কিং ন মেহন্তি কিং গ্রামপশুবোহপরে ॥

শ্ববিড়্ বরাহোঽষ্টখরৈঃ সংস্তুতঃ পুরুষঃ পশুঃ ।

ন যৎ কর্ণপথোপেতো জাতু নাম গদাগ্রজঃ ॥

বিলে বতোরুক্রগবিক্রমান্ যে ন শৃগ্তঃ কর্ণপুটে নরশ্চ ।

জিহ্বাসতী দার্দ্র্যরিকেব হত ন যো(চো)পগায়ত্মরুগায়গাথাঃ ।

ভারঃ পরং পট্টকিরীটজুষ্টমপ্যাদমাঙ্গং ন নমেন্মুকুন্দম্ ।

শাবৌ করৌ নো কুরুতঃ সপর্যাং হরেল্লসৎকাঞ্চনকঙ্কণৌ বা ॥

বর্হায়িতে তে নয়নে নরাণাং লিঙ্গানি বিমোহন নিরীকৃতো যে ।

পাদৌ নৃণাং তৌ দ্রুমজন্মভার্জৌ ক্ষেত্রাণি নানুব্রজতো হরেষৌ ॥

জীবন্ত্ববো ভাগবতাজিহ্বরেণু ন জাতুমর্ত্যোহভিলভেত যন্ত ।

শ্রীবিষ্ণুপত্না মনুজস্তলস্তাঃ শ্বসন্ত্ববো যন্ত ন বেদ গন্ধম্ ॥

তদশ্মসারং হৃদয়ং বতেদং যদগৃহ্যমানেইরি নামধেয়ৈঃ ।

ন বিক্রিয়েতাথ যদা বিকারো নেত্রে জলং গাত্ররূহেমূর্ছ্যঃ ॥ ২।১।১৮—২৪ ।

—বৃক্ষদিগের কি জীবন নাই? কর্ম্মকারের বায়ুপরিচালনযন্ত্র কি বায়ু তাগ ও গ্রহণ করে না? গ্রাম্য পশুগণ কি আহার বিহার করে না? শ্রীহরির নাম যাহার কর্ণপথে প্রবেশ করে নাই, সে পশু উষ্ট্র শূকর বা গর্দভতুল্য। যাহার কর্ণদ্বয় কখনও হরিকথা শ্রবণ করে না, তাহার কর্ণরন্ধ্র, বৃথা। যে জিহ্বা হরিগুণ গান করে না, তাহা ভেকজিহ্বার আয় তুচ্ছ। যে মস্তক মুকুন্দের নিকট নত হয় নাই, সে মস্তক পটুবস্ত্রে বা কিরীটেই ভূষিত হউক না কেন, তাহা নিতান্তই দেহের ভার মাত্র। যে বাহু শ্রীহরির চরণে পুষ্পাঞ্জলি দান করে না, তাহা কাঞ্চন-কঙ্কণে বিভূষিত হইলেও শব-বাহু-তুল্য! যে নয়ন শ্রীহরির রূপ দর্শন করে না, তাহা ময়ূরের পক্ষোপরি চিত্রিত চক্ষুর আয় বৃথা শোভা মাত্র। যে পদ হরিক্ষেত্রে গমন করে না, তাহা বৃক্ষমূলের তুল্য। যে মানব ভগবদ্ভক্তগণের পদরেণু কখনও লাভ করে নাই, সে জীবিত থাকিয়াও মৃত। যে বাক্তি শ্রীবিষ্ণুর পদে সমর্পিত তুলসীর আদ্রাণ কদাপি গ্রহণ করে নাই, তাহার শ্বাসপ্রশ্বাস থাকিলেও সে শব মাত্র। সেই মায়াবের হৃদয় পাষণসম, যে হরিনামে কখনও গলে নাই বা যাহার কখনও অশ্রুপাত বা রোমহর্ষ হয় নাই।

## ৪—৭ অধ্যায়

### নারদ, ব্রহ্মা

স্মৃত বলিলেন, মহারাজ ঔত্তরেয় শুকদেবের এই নিশ্চয়াত্মক বচন শুনিয়া সমস্ত মায়াবন্ধন ছিন্ন করিয়া স্বীয় মতিকে শ্রীকৃষ্ণে একান্তভাবে আবদ্ধ করিলেন। তিনি জিজ্ঞাসা করিলেন, ভগবন্, সর্ব্বেশ্বর বিভূ নিজ মায়াদ্বারা কিরূপে বিশ্বের সৃষ্টি স্থিতি প্রলয় বিধান করেন? কিরূপেই বা তিনি স্বয়ং এবং বিবিধ শক্তির আশ্রয়ে নীত্য ক্রীড়া করিতেছেন?—রাজার এই প্রশ্ন শুনিয়া শুকদেব হৃষীকেশস্বরূপে আবিষ্ট হইয়া শ্রীকৃষ্ণের স্তব করিলেন, ও বলিলেন, রাজন্, এই প্রসঙ্গে আমি তোমাকে পুরাতন ব্রহ্মা-নারদ সংবাদ বলিতেছি।—

নারদ ব্রহ্মাকে বলিলেন, হে ভূতভাবন, আপনাকে নমস্কার।  
এই বিশ্ব কাঁহার সৃষ্ট, কাঁহার স্বরূপ, কাঁহাতে আশ্রিত, ও কাঁহাতে  
লীন হইবে? আপনার জ্ঞান ও শক্তি কি আপনি অন্য কোথাও  
পাইয়াছেন, অথবা আপনি স্ব-তত্ত্ব? স্ব-তত্ত্ব হইলে আপনি আবার  
তপস্যা করেন কেন? তবে কি আপনি ব্যতীত অন্য কেহ ঈশ্বর  
আছেন? ব্রহ্মা কহিলেন,—

নানুতং তব তচ্চাপি যথা মাং প্রব্রবীষি ভোঃ ।

অবিজ্ঞাৎ পরং মত্ত এতাবৎ যতো হি মে ॥

যেন স্ববোচিষা বিশ্বং রোচিতং বোচয়াম্যহম্ ।

যথাকৌহলিগ্বর্ণণা সোমো যথাক্ষত্রাহণাবকাঃ ॥ ২.৫।১০, ১১

—নারদ, তুমি আমার সম্বন্ধে যাহা বলিলে তাহা মিথ্যা নহে, কিন্তু  
আমা অপেক্ষাও শ্রেষ্ঠ যিনি আছেন, তাঁহাকে না জানিয়াই একপা  
বলিয়াছি। সূর্য্য, অগ্নি, চন্দ্র, তাবকাগণ যেমন দৃশ্য পদার্থকে দৃষ্ট করায়, আমিও  
তেমনি এই স্বপ্রকাশ বিশ্বকে সৃষ্টরূপে সর্বসমক্ষে প্রকাশিত করিতেছি মাত্র।

আমি সেই বাসুদেবকেই নমস্কার করি, মায়া যাহাব দৃষ্টিপথেও  
থাকিতে লজ্জিত হয়, এবং যাহা দ্বাবা মোহিত হইয়া ছর্ব্বুদ্ধি লোক  
‘আমি’ ‘আমাব’ ইত্যাদি বলিয়া সর্বদা শ্লাঘা করে। ব্রহ্মাও  
যাঁহার সৃষ্টি, আমিও তাঁহারই সৃষ্ট। তাঁহার কটাক্ষের প্রেরণা  
মাত্র পাইয়া তাঁহারই সৃজ্য জগতেব সৃষ্টি করি। তাঁহাব গতি  
সম্পূর্ণ অলঙ্কিত, ত্রিগুণেব দ্বারা তিনি জ্ঞাতব্য নহেন। হে ব্রহ্মান,  
বায়ু আকাশ তেজ জল গন্ধ স্পর্শ সপ্তলোক বর্ণাশ্রম ও  
অতলাদি সমস্তই তাঁহা হইতে উদ্ভূত। নারদ, আমি তুমি  
রুদ্রসনকাদি, বিজ্ঞান ও সত্ত্বগুণ সকলই সেই পরমপুরুষের স্বরূপ  
ও তাঁহাবই আশ্রিত—

‘ সর্বং পুরুষ এবৈদং ভূতং ভব্যং ভবচ্চ যৎ ।

তেনৈদং আবৃতং বিশ্বং বিতস্তিমধিতিষ্ঠতি ॥ ২।৬।১৫

—যাহা হইয়া গিয়াছে, যাহা হইতেছে, যাহা হইবে —সকলই সেই পুরুষ।

তাহা দ্বারা বিশ্ব আবৃত, দশাঙ্গুল অর্থাৎ দশদিক বা দশভূত অতিক্রম করিয়া তিনি আছেন। ( ঋক্ ১০।৩।৯০ এবং স্বামীটীকা দেখুন )।

তিনি অমৃত ও অভয়ের অধিপতি। তাঁহার চরণযুগল সকল কর্মের ও সকল মঙ্গলের একমাত্র নিদান। আমি সর্বলোকপূজিত, তথাপি তাঁহাকে জানিতে পারিলাম না। দেহ মন সম্পূর্ণ নির্মল হইলে তাঁহাকে জানা যায়, কিন্তু কুতর্কের দ্বারা মন আচ্ছন্ন হইলে তাঁহার রূপ তিরোহিত হয়। আর দেখ,

ন ভারতী মেহঙ্গ মুষোপলক্ষ্যতে ন বৈ কচিন্মে মনসো মৃষা গতিঃ ।

ন মে হ্রদীকাণি পতন্ত্যসৎপথে যন্মে হ্রদৌৎকণ্ঠ্যবতা ধৃতো হরিঃ ॥ ২।৬।৩৩

—হে শ্রেষ্ঠ, আমার বাক্য বা মনোভাব কখনও মিথ্যার দিকে যায় না, আমার ইন্দ্রিয়গণ কখনও অসৎপথে প্রবৃত্ত হয় না; কারণ, আমি উৎকণ্ঠার সহিত সতত শ্রীহরিকে হৃদয়ে ধারণ করি।

আমি এক্ষণে সেই নানা-রূপ পুরুষের লীলাবতার বর্ণনা করিতেছি, তুমি কর্ণপুট দিয়া তাহা পান করিয়া কৃতার্থ হও।

সেই অখিল পুরুষ বরাহরূপে জন্মগ্রহণ পৃথিবীর উদ্ধারকালে আদি দৈত্য হিরণ্যাক্ষকে স্বীয় দংষ্ট্রা দ্বারা বিদীর্ণ করেন। সুযজ্ঞ নামে প্রজাপতি রুচির ঔরসে ও আকৃতির গর্ভে জন্ম লইয়া জগতের আর্তি হরণ করায় তাঁহার মাতানহ মনু তাঁহাকে ‘হরি’ আখ্যা দেন। দেবহূতির গর্ভে কপিল নামে জন্মগ্রহণ করিয়া তিনি স্বীয় মাতাকে ব্রহ্মবিজ্ঞা উপদেশ দেন। দত্তাশ্রয়ে রূপে তিনি যজ্ঞ, হৈহয় প্রভৃতি ভক্তগণ দ্বারা পূজিত হন। সনৎকুমার সনক, সনন্দ ও সনাতন নামে আবির্ভূত হইয়া তিনি ঋষিদিগের হৃদয়ে আশ্রয়ত্ব উদ্ভাসিত করেন। নরনারায়ণ রূপে আবির্ভূত হইলে অমরাগণ তাঁহার তপোবিশ্ব ও করিতে পারিল না—ক্রোধোৎপত্তি ত দূরের কথা। ঋষকে তিনি ভৃগু প্রভৃতি মুনিগণ-স্বত ঋবলোক প্রদান করেন। উৎপথগামী বেণরাজাকে তিনি নরক হইতে রক্ষা করেন। নাভির ঔরসে সূদেবীর গর্ভে জন্ম লইয়া

তিনি ঋষভরূপে যোগচর্চা করিয়া পরমহংসই লাভ করেন।  
 হয়গ্রীবরূপে তিনি আমার যজ্ঞে উপস্থিত হন ও তাঁহার স্বাসের  
 সঙ্গে বেদবাক্য উৎপন্ন হয়। যুগান্তরকালে মৎস্যরূপে  
 বেদধারণ, কূর্মরূপে দেবাসুরের সমুদ্র-মন্থন-দণ্ড ধারণ, নৃসিংহ  
 মূর্তিতে হিরণ্যকশিপুর বক্ষ-বিদারণ, কুম্ভীরের কবল হইতে  
 গজেন্দ্রের উদ্ধার, বলির যজ্ঞে বামনরূপে সমস্ত পদদ্বারা  
 ত্রিভুবন গ্রহণ, মন্বন্তরে সুদর্শনচক্র দ্বারা ছুষ্টের দমন, ধনুস্তরুরূপে  
 আয়ুর্বেদ-প্রবর্তন ও সর্বরোগ হরণ, পরশুরামরূপে বেদবিরোধী  
 ক্ষত্রিয়গণের একবিংশতি বার উচ্ছেদ সাধন, শ্রীরামচন্দ্ররূপে রাবণ-  
 বধ এবং বলরাম-সনাথ শ্রীকৃষ্ণরূপে পুতনাবধ, যমলার্জুনভঙ্গ,  
 দামবন্ধন, বরুণ-পাশ হইতে পিতা নন্দকে মুক্তকরণ, সপ্তমবর্ষ  
 বয়সে গোবর্দ্ধন ধারণ, শঙ্খচূড় বধ, রাসক্রীড়া ইত্যাদি ভূরি ভূরি  
 অলোক-সামান্য কর্ম করেন। বেদব্যাসরূপে সত্যবতীর গর্ভে  
 জন্ম নিয়া তিনি বেদের শাখাবিভাগ করিয়া দেন। বৃদ্ধাবতারে  
 পাণ্ডবেশে বহু উপধর্মের উপদেশ করেন। কলির শেষভাগে  
 লোক নাস্তিক ও বেদকর্মবিরহিত হইলে তিনি কঙ্কিবেশে  
 অবতীর্ণ হইয়া কলির শাসন করিবেন। জগতের পরমাণুপুঞ্জ  
 গণনা করা যদি বা কাহারও সাধ্য হয়, শ্রীহরির বিভূতি বর্ণন  
 তাঁহার পক্ষেও সর্বথা অসাধ্য—

যেষাং স এব ভগবান্ দয়য়েদনন্তঃ সর্বায্যনাপ্রিতপদো যদি নির্ব্যালোকম্।

তে ছন্তরামতি তরন্তি চ দেবমায়াং নৈষাং মমাহমিতি ধীঃ শ্মশুগালভক্ষ্যে ॥ ২৭।৪২

—ঐহারা শুভ্র সরল চিত্তে সমগ্র আত্মা দ্বারা তাঁহার পদে আশ্রয় নেন,  
 শ্রীভগবানেব রূপায় তাঁহারা এই ছন্তর মায়া হইতে উত্তীর্ণ হন, কুকুর-শুগাল-  
 ভক্ষ্য এই দেহে তাঁহাদের ‘আমি’ আমার’ রূপ অভিমান তিরোহিত হয়।

ভগবদ্ভক্ত নিম্নজ হইলেও তাঁহার মায়া উত্তীর্ণ হইতে পারে।  
 ইনিই মুনিগণকথিত নিত্য অভয় অশোক নিখল জ্ঞান স্বরূপ  
 পরব্রহ্ম। কর্মকার যেমন কূপখননাস্তে খনিত্রাদি পরিত্যাগ  
 করে, যতিগণ সেইরূপ যতচিত্ত ও ভেদজ্ঞানবিবহিত হইলে

সাধনসমূহ ত্যাগ করেন। কারণ-কার্য্য-রূপী সমস্তই সেই হরি ছাড়া আর কিছুই নহে। জীবাত্মা অবিনাশী। ভগবান্ শ্রীহরির প্রতি যাহাতে লোকের বিশুদ্ধা ভক্তি জন্মে, হে নারদ, তুমি সেই ভাবে সর্ব্বত্র তাঁহার লীলা ও গুণ কীর্তন কর।

## ৮-১০ অধ্যায়

### ব্রহ্মা, শ্রীবিষ্ণু — ‘চতুঃশ্লোকী’

পরীক্ষিৎ বলিলেন, ব্রহ্মান্, ব্রহ্মাকর্ত্তক নিয়োজিত হইয়া শ্রীনারদ যে ব্যক্তির নিকট যে ভাবে হরিকথা কীর্তন করিয়াছিলেন, আমি সকলই শুনিতে ইচ্ছা করি।

হরেরদ্বুতবীৰ্য্যস্য কথা লোকস্মমঙ্গলাঃ।

কথয়স্ব মহাভাগ যথাহমখিলাত্মনি

কৃষ্ণে নিবেশ্য নিঃসঙ্গং মনস্ত্যক্ষে কলেবরম্। ২।৮।২,৩

—হে মহাভাগ, লোকমঙ্গল হরির অদ্ভুত গুণকথা আপনি বলুন, যেন আমি সেই অখিলের আত্মা শ্রীকৃষ্ণে মন নিবিষ্ট করিয়া অনাসক্তমনে কলেবর ত্যাগ করিতে পারি।

আপনি আমাকে এত সকল বৃত্তান্তও বলুন, যথা, শবীরের উৎপত্তি আত্মার নিজের ইচ্ছায় কি অন্য কোন কারণে? অবয়ব ধারণ করিলে লৌকিক পুরুষ ও তাঁহাতে কি বিভেদ থাকে? তিনি নিজমায়া পরিত্যাগ করিয়া কি ভাবে আছেন? কল্পের ও আয়ুর পরিমাণ, কালের অনুমান ও গতি, কৰ্ম্মপ্রাপ্য গণন স্থান সমূহের সংখ্যা, দেবতাব লাভের উপায়, যেখানে যে জীব আছে তাহাদিগের উৎপত্তি, ব্রহ্মাণ্ডের বাহ্য ও অন্তর ভাগের পরিমাণ, মহৎ লোক সমূহের চরিত্র, বর্ণাশ্রম নির্দ্ধারণ, যুগের সংখ্যা পরিমাণ ও ধৰ্ম্ম, অবতার-রূপে শ্রীভগবানের আশ্চর্য্যতম আচরণ, সাধারণের ব্যবহার ও রাজধৰ্ম্ম, আপদধৰ্ম্ম, প্রকৃতি-পুরুষের তত্ত্ব, অর্চিরাদি গতি, ধৰ্ম্মশাস্ত্র ও পুরাণের গতি উৎপত্তি স্থিতি, প্রলয়ের বিভিন্ন প্রকার, ইষ্টাপূৰ্ত্ত অগ্নিহোত্র ও ত্রিবর্গবিধি,

প্রলয়াবসানে সৃষ্টি, আত্মার বন্ধন মুক্তি ও স্বরূপে স্থিতি, প্রলয় কালে মায়ার সহিত শ্রীভগবানের ক্রীড়া, প্রলয়ে তাঁহার সাক্ষী স্বরূপে অবস্থান—এই সমস্ত এবং এই প্রকারের সকল বিষয়ই আপনি ব্যক্ত করুন। হে ব্রহ্মন, অনশনের জ্ঞাত আমার চিন্তে ব্যাকুল হইতেছে না, কারণ আমি সাগরোদ্ভূত অমৃতের স্থায়, আপনার শ্রীমুখ-নিঃসৃত বাক্য-সুধা সতত পান করিতেছি।

শুকদেব পরম প্রীত হইরা বলিলেন, সৃষ্টিকালে শ্রীভগবান্ ব্রহ্মার নিকট যে ভাগবতপুরাণ বলিয়াছিলেন, আমি এক্ষণে তোমাকে তাহাই বলিব। আত্মার দেহ-সম্বন্ধ শ্রীহরির মায়াজনিত। এই বহুরূপী মায়াবলেই মানুষ গুণাসক্ত হইয়া ‘আমি’ ‘আমার’ এই রূপ মনে করে। কাল ও ময়া অতিক্রম করিয়া জীবাত্মা যখন স্বমহিমাতে ক্রীড়া করে, তখনই সে স্বরূপস্থ।—সৃষ্টিকামী ব্রহ্মা যখন প্রপঞ্চনিষ্কাশবিধি স্থির করিতে পারিলেন না, তখন জল মধ্য হইতে ‘তপঃ’ এই বাক্যটি ধ্বনিত হইয়া উঠিল। তাহা শুনিয়া তিনি সমাধিযোগে সহস্রবৎসরব্যাপী তপস্যায় প্রবৃত্ত হইলেন। শ্রীহরি সেই তপস্যায় সন্তুষ্ট হইয়া ব্রহ্মাকে তাঁহার পরাৎপর স্বধাম দর্শন করাইলেন। কাল গুণ বা ময়া কিছুই সেখানে স্থান নাই। শুকুমার তেজস্বী পীতবসন মরকতবর্ণ মাল্যকুণ্ডলধারী চতুর্ভূজ পাষদগণে তিনি পরিবৃত, লক্ষ্মীদেবী তাঁহার গুণগানে নিরত, অপরূপ রূপ ধারণ করিয়া তিনি আপনার স্বরূপে নিয়ত ক্রীড়া করিতেছেন। শ্রীহরি আপনার শ্রীহস্ত দ্বারা ব্রহ্মার হস্ত স্পর্শ করিয়া বলিলেন, আমি তোমার তপস্যায় প্রীত হইয়াছি।—

তপো মে হৃদয়ং সাক্ষাদাত্মাহং তপসোহনঘ ॥

স্বজামি তপসৈবেদং এসামি তপসা পুনঃ ।

বিভর্শ্মি তপসা বিশ্বং বীৰ্য্যং মে দৃশ্চরং তপঃ ॥ ২৯৯২৩

—হে অনঘ, তপস্তা আমার সাক্ষাৎ হৃদয়, আমি তপস্তার আত্মা, তপস্তা



ঘারাই আমি এই বিধে স্বষ্টি পালন ও সংহাৰ কৰি, দুশচাওপন্থাই আমার বীৰ্য্য স্বৰূপ।

তুমি অভিলষিত বৰ প্রার্থনা কব।—ব্রহ্মা বলিলেন, ভগবন, আপনি অমোঘ-সঙ্কল্প হইয়া স্বষ্টিস্থিতি প্রণয়াদিকপ য়ে লীলা কৰিয়া থাকেন, তদ্বিষয়িণী মেধা আমাতে নিহিত ককন। আমি যেন স্বাতন্ত্র্যবুদ্ধিপণোদিত হইয় অহঙ্কাৰে বদ্ধ না হই।—শ্রীভগবান্ তখন ব্রহ্মাকে এই ‘চতু শ্লোকী’ ভাগবত উপদেশ কৰিছেন —

অহমেবাসমেবাগ্রে নাগ্ৰদবৎ সদস্যংপবম্।

পশ্চাদহং যদেতচ্চ যোহবশিষ্ঠ্যত সৌম্যহম্॥

ঋতের্থং যৎ প্রতীযেত ন পনৌযত চাত্মনি।

তদ বিজ্ঞাদাত্মনা মায়াং যথাভাসো যথা তমঃ॥

যথা মহাস্তি ভূতানি ভূতেষ চ্চাবচেষন্ত।

প্রবিষ্টান্তপ্রবিষ্টানি তথা েশু ন তেষহম্॥

এতাবদেব জিজ্ঞাস্তং তত্ত্বজিজ্ঞাস্তনাশ্বনঃ।

অদ্বয়ব্যাকীরেকাভাম্ যৎ শ্রাৎ সৰ্ব্বং সৰ্ব্বদা॥ ২।৯।৩২-৩৫

—অগ্রে একমাত্র আমিই ছিলাম! ‘ন’ ও অসৎ বলিবা তখন কিছুই ছিল না। এক্ষণে এই বিধৰূপে আমিই আছি। তার পর বাহ্য অবশিষ্ট থাকিবে, তাহাও আমি। অর্থাৎ স্বষ্টির পূর্বে বাহ্য কিছু ছিল, স্বষ্টিও বর্তমানে যাহ কিছু আছে এবং প্রলয়ে বাহ্য কিছু থাকিবে, তাহা আমাবই সত্তা, দ্বিতীয় কোন সত্তা কখনও ছিল না, নাই, ও থাকিবে না। আশ্চর্য্যের যে প্রতীতি হয় না, এবং অবস্তব যে প্রতীতি হয়, তাহা আমারই মায়াজড়িত জানিবে। এই প্রতীতিব কোন সত্তা নাই, তাহা ‘আভাস’, অর্থাৎ এইরূপ মনে হয় মাত্র। ইহা অন্ধকার, সত্যদৃষ্টিকে আবৃত কৰিয়া রাখ। ভূতমাত্রের আদিকারণ যেমন সেই ভূতব অন্তব বাহিবে অন্তপ্রবিষ্ট আছে, অদৃশ্যতারশতঃ অপ্রবিষ্ট বলিয়া মনে হয়, আমিও তেমন সকল ভূতের অন্তবে আছি, কিন্তু মনে হয় যেন ‘নাই’। তত্ত্বজিজ্ঞাস্তর ইচ্ছাই বুদ্ধিতে হইবে যে, অদ্বয় ও ব্যতিবেক, অর্থাৎ ‘হাঁ’ এবং ‘না’, এই দুই চিন্তাধাৰা অবলম্বনে আমি লভ্য। আমিই বস্ত, অর্থাৎ ‘হাঁ’, অথবা কিছু সবই অবস্ত, অর্থাৎ ‘না’।

হে ব্রহ্মন, তুমি পবন সমাধি যোগে এই মতের অনুষ্ঠান কব। তাহা হইলে তুমি কখনই মোহ বা আত্মাভিমান-গ্ৰস্ত হইবে না।

শুক্লদেব বলিলেন, বাহুন্, পনমেগী ব্রহ্মাণ্ডে এই উপদেশ দিয়া  
অজ পি - দেবীতে গেলিবে সৌন্দর্য্য অন্তর্হিত করিলেন। ব্রহ্মাও  
যম-নিয়ম অবলম্বনে তপস্যা দ্বারা সৃষ্টিব কাণ্ড সম্পন্ন করিতে  
প্রবৃত্ত হইলেন। তাঁহার প্রিয়তম পুত্র নাবদ দম বিনয় ও  
শীলতাসহ তাঁহার সেবা করিতে লাগিলেন। ব্রহ্মা তাহাতে  
প্রীত হইয়া নাবদে নিকট গগনভুক্ত ঐ চাবিটি শ্লোক ব্যাখ্যা  
করিলেন। পূর্বে নাচ সন্যস্তীতীবে ধ্যানস্থ বেদব্যাসকে  
এই ভাগবত উপদেশ করেন। তুমি অগাধ্য যে প্রশ্ন করিয়াছ,  
আমি যে ভাগবত পুণ্যনৈব লগায়া দ্বারা তাহার উত্তর  
দিতেছি।

শ্রীভগবৎগেয় কবিতা কণা, ধূল ও সন্ধ্যা। তিনি পাকৃৎগুণ-  
সম্পর্ক-শূন্য। ১৭ নং - ১) পান-বিজিত হইলেন ও লক্ষ্যাপণে সকলকে  
হইয়া মায়াবলধনে নাম দ্বাপ ও কির্যাব সৃষ্টি করেন। সেই  
পূজাপতি ই বিশ্ব চলাচলেন নগদে সমস্ত সৃষ্টি করিয়াছেন।  
এত সৃষ্টি শুধু ১৭ নং ভেদে দ্বিবিদ, চলচল ও চল ও চলভেদে  
দ্বিবিদ, জলাবল, অচল, অচল ও উদ্ভিজ্জ ভেদে চতুর্বিদ। এই  
সকলেবই আবার উভয় মর্যাদা অর্থ ভেদে তিনটি শ্রেণী আছে।  
তাঁহা তাত্ত্বিকের প. অর্থন. ১ মিশ্রিত পাগ-পুণ্যের ফল।  
সমস্ত তন নত ১৭ নং ১) মিশ্রিত ইহাদের প্রতি বিভিন্ন, কিন্তু  
উভাব ও পবন ১৭ নং ১) মিশ্রিত ইহাদের প্রতি বিভিন্ন, কিন্তু  
স্থান ১৭ নং ১) মিশ্রিত ইহাদের প্রতি বিভিন্ন, কিন্তু  
যেহান অর্থকে, যেহান বিশ্বকে সচিব করেন।

শোনক বলিলেনো, স্বঃ, তুমি বলিয়াছিলে নাগ-দোণ্ডা দিছুর  
স্বহস্তে বন্ধগণকে তাগ কবিয়া পৃথিবীর সমস্ত ভীষণ পর্যটন  
কবিস্বামিনেন, এম মস্তানি মৈদেধেন সহিত অধ্যায়জ্ঞান বিষয়ে  
তাগাব কোপকণ হইয়াছিল। তুমি এখানে মেই সকল কথা  
আমাদিগকে বল। বিছবেব বহুত্যাগ এম ত্যাগে তাঁহাব  
আচরণ এব, তাঁহাব প্রত্যাগমনও বর্ণনা কব। স্মৃত বলিলেন,

এই বিষয়ে রাজা পরীক্ষিতের জিজ্ঞাসায় শ্রীশুকদেব যে উত্তর দিয়াছিলেন আমি এখন আপনাদিগকে তাহাই বলিতেছি, শুনুন।—

## তৃতীয় স্কন্ধ

### ১—৪ অধ্যায়

#### বিছুর, ধৃতরাষ্ট্র, উদ্ধব

নষ্টচক্ষু রাজা ধৃতরাষ্ট্র নিজ অসাধু পুত্রগণের সমৃদ্ধিসাধন জন্য কনিষ্ঠ ভ্রাতা মৃত পাণ্ডুর পুত্রদিগকে জড়ুগৃহে দগ্ধ করার ব্যর্থ চেষ্টা করিলেন। পরে ক্রমে ধর্মরাজ যুধিষ্ঠিরের কপট দ্যুতক্রীড়ায় পরাজয়, কুরুকুলদেবী দ্রৌপদীর কেশাভিমর্ষ, বনবাস-সত্য পালনান্তে পাণ্ডবগণকে রাজ্যভাগ প্রদানে জগদগুরু শ্রীকৃষ্ণের অনুময়ের উপেক্ষা, ইত্যাদি সংঘটিত হইল। তখন মন্ত্রণার নিমিত্ত আহূত হইয়া বিছুর অগ্রজ রাজাকে বলিলেন, মহারাজ, অজাতশত্রু যুধিষ্ঠির এখনও আপনার অনুষ্ঠিত দুর্বিষহ অপরাধ সকল সহিতেছেন, কিন্তু বকোদর-রূপ ভীষণ ভূজঙ্গ নিয়ত মহোষ নিশ্বাস ত্যাগ করিতেছে। নিখিলরাজ্যজয়ী শ্রীকৃষ্ণের প্রতি আপনি অবজ্ঞা প্রদর্শন করিয়াছেন। মহারাজ, কুরুকুলের কুশলের জন্য যুধিষ্ঠিরকে তাহার রাজ্যভাগ প্রদান করুন, ও অ-শিব হৃথ্যোধনকে সহর পরিত্যাগ করুন।—বিছুরের এই বাক্য শুনিয়া কর্ণ ছঃশাসন ও শকুনি-সনাথ হৃথ্যোধন ক্রোধে অধর কম্পিত করিয়া বলিল, এই খলস্বভাব দাসীপুত্রকে কে এখানে ডাকিয়া আনিল? এ যাহার অন্তে পুষ্ট, তাহারই প্রতিকূলতা করিতেছে। শ্বাসমাত্র অবশিষ্ট রাখিয়া ইহাকে এখনই এই পুরী হইতে বহিস্কৃত করিয়া দেও।—বিছুর এই বাক্যে মর্ম্মাহত হইয়াও ইহাকে শ্রীভগবানের মায়াব লীলা মাত্র মনে করিয়া গতব্যথ হইলেন, এবং দ্বারদেশে ধমুর্ব্বাণ

তাগ করিয়া তৎক্ষণাৎ হস্তিনাপুর হইতে চলিয়া গেলেন। পরিধানে কঞ্চল, ভূমিতলে শয়ন, কেশপাশ অসংস্কৃত—বিহুর এই ভাবে বহুতীর্থ ভ্রমণ করিয়া অবশেষে প্রভাসে উপনীত হইলেন। সেখানে আসিয়া শুনিলেন, বেণুজবহ্নিদগ্ধ বনের গ্রায় কুরুকুল ধ্বংস হইয়াছে। তুষ্ণী অবলম্বন করিয়া তিনি সরস্বতীর পুণ্যতীরে, তৎপর তথা হইতে সৌরাষ্ট্র, সৌবীর, মৎস্য, কুরুজাঙ্গল দেশের বহু তীর্থ পর্য্যটন করিয়া যমুনাতীরে উপনীত হইলেন। তথায় বিহুর বহুস্পতির পূর্ববশিষ্ঠা ভাগবতকুলপ্রবর শ্রীউদ্ধবের দর্শন লাভ করিলেন। বিহুর তাঁহাকে যত্ন ও কুরু উভয় কুলের প্রধানগণের কুশল সংবাদ জিজ্ঞাসা করিলেন।

পাঁচ বছর বয়সে যাহার মনোমোহন মূর্তি গড়িয়া ভাবে আবিষ্ট হইয়া থাকিতেন, মাতা প্রাতরাশ জন্ত আহ্বান করিলেও উঠিতে পারিতেন না, জীবনব্যাপী যাহার পদ সেবা করিয়া জরাপ্রাপ্ত হইয়াছেন, সেই প্রিয়তমের স্মরণে উদ্ধবের সর্বদা পুলকে উদ্ভিন্ন হইয়া উঠিল, নিম্নলিখিত নয়নবৃগল হইতে শোকাশ্রু বিগলিত হইতে লাগিল। প্রগাঢ় ভক্তিসুধারসে তিনি আপ্ত হইয়া উঠিলেন। বিহুর বঝিলেন, ইনি পূর্ণকাম হইয়াছেন। ক্ষণপরে বাহ্যলোকে পুনরাগত হইয়া নেত্রদ্বয় মার্জনা করিয়া উদ্ধব বলিলেন,—

কৃষ্ণদ্ব্যম্বিনীয়োচে গীর্নেষজগবেণ হ।

কিংমু নঃ কুশলং ক্রয়াং গতশ্রীশু গৃহেষহং ॥ ৩২।৭

—কৃষ্ণ দিনমণি অন্তর্মিত হইলে আমাদের গৃহসমূহ কালরূপ অজগরগ্রস্ত হইয়া হতশ্রী হইয়াছে। আমাদের কুশল আর কি বলিব ?

হে বিহুর, সকল ভূষণের ভূষণ, বিধাতার নিম্মাংকোশলের চরমকান্ট। সেই কপট মানব মূর্তিকে তিনি নিজ বিশ্ব ধারণ করিয়া অন্তর্হিত করিয়াছেন। অজ হইয়াও বসুদেবের গৃহে জন্ম গ্রহণ করিলেন। অনন্তবীৰ্য্য হইয়াও কংসভয়ে ব্রজে বাস, কাল-যবন ভয়ে মথুরা হইতে পলায়ন ও উগ্রসেনের দাসত্বের অভিনয়

করিলেন। পুতনা শম্বরাদি রাক্ষস অশুর, শিশুপালাদি দুর্দ্ধর নরপতি, এবং কুরুক্ষেত্রে নিহত কুরুপক্ষীয় অমিততেজ। বীরগণ—  
তঁাহার প্রতি দ্বেষ করিয়াও পরম ভাগবতদিগের গতি প্রাপ্ত হইল।  
একাদশ বর্ষ বয়ঃক্রম পর্য্যন্ত বলরামসহ গুট তেজে নন্দব্রজে বাস  
করিয়া—‘একাদশসনাঃ গুটার্চিঃ সবলোহিবসঃ’—গোপকুলের কলাণ  
সাধন জ্ঞাত কালীয় দমন, গোবর্দ্ধন ধারণ, দাবানল পান এবং  
ইন্দ্রের ও অশ্ব্য ব্রহ্মার গর্ভ চূর্ণ করিলেন। সেই গোপবালকের  
বেশে কত হাস্য রোদন, কত গোবনচারণ, যমুনার বিহগ-কুজিত  
তীর উপদনে যয়গ্ৰগণের সহিত কত খেলা খেলিলেন, এবং শেষে—

শরচ্ছশিকরৈর্মুখৈঃ মানয়ন্ রজনীমুখম্।

গায়ন্ কলপদঃ রেমে জীণাং মণ্ডলমণ্ডনঃ ॥ ৩২।৩৪

—রজনীর মুখমণ্ডল শারদ শশি-কিরণে সূক্ষ্মার্জিত দেখিয়া শ্রীমণ্ডলের ভূষণ  
স্বরূপ ( আমার সেই সখা ) মধুর গান করিতে করিতে ক্রীড়া করিয়াছিলেন।

কংসদেব, বেদাচার্য্য সান্দীপনি মুনিকে দক্ষিণাদান উপলক্ষে  
পঞ্চজন নানক দৈত্যের উদরবিদারণ, বহু স্ত্রীলাভ এবং কালাবন  
জরাসন্ধ শাস্ত্র প্রভৃতি রাজগণ ও শম্বরাদি অশুর বধাদি, কার্য্যে তিনি  
অতুল শৌর্য্য প্রদর্শন করিয়া গিয়াছেন। বিদুর, তোমার ভ্রাতৃপুত্র-  
গণের উভয়পক্ষে যে সকল ভূকম্পনকারী বীরগণ নিহত হন, তাহা  
শ্রীকৃষ্ণেরই নিমিত্ত। কিন্তু সূর্য্যোধনের উরুভঙ্গজনিত দুর্দশা  
দর্শনে তিনি কিছুমাত্র হত হইলেন না। অশ্বখামার ব্রহ্মাঙ্গ হইতে  
উত্তরার গর্ভ রক্ষা করিয়া তিনি যুদিষ্ঠিরকে স্বৰাজ্য স্থাপন করেন ও  
তঁাহার দ্বারা ক্রমে তিনটি অশ্বমেধ যজ্ঞের অনুষ্ঠান করান।  
তদনুসারে, সকল ভীষণ প্রীতিবর্দ্ধন কবিতা দ্বারকাধামে কিছুকাল  
নিঃসঙ্কভাবে বিষয়াভোগ করিলেন। পরে গৃহধর্ম্ম এবং কাম-  
ভোগাদিতে তঁাহার বিরক্তি জন্মিল। পুত্র-বালকগণ কর্তৃক  
মুনিগণের কোপোৎপাদন ও অভিশাপের ছলে, পৃথিবীর অবশিষ্ট  
ভার হরণের জ্ঞাত তিনি স্বীয় কুলের উচ্ছেদ সাধনে কৃতসঙ্কল্প  
হইলেন। তখন বৃষি ভোজ অন্ধকাди সকলেই তঁাহার মায়ায়

মুগ্ধ হইয়া প্রফুল্ল মনে প্রভাস যাত্রা করিল এবং তথায় তাহার পিতৃতর্পণ ও বহু দানপূজাদি সম্পন্ন করিল।

সেখানে সুরাপানে জ্ঞানভ্রষ্ট হইয়া যত্ন বৃষ্টি ভোজকুল পরস্পরের সংহারে প্রবৃত্ত হইল। কুল-নাশ আসন্ন বৃষ্টিয়া যত্ননাথ তখন সরস্বতীর সলিলে আচমন করিয়া একটি বক্ষমূলে গিয়া উপবিষ্ট হইলেন। বিহ্বল, প্রভাস যাত্রার কিছু পূর্বেই তিনি আমাকে বদরীধানে যাইতে আদেশ করিয়াছিলেন। কিন্তু আমি তাঁহার গুঢ় অভিপ্রায় বৃষ্টিয়া তাঁহার বিরহসহনে অক্ষম হইয়া প্রভাসতীর্থে তাঁহার অনুগমন করিলাম। অন্বেষণ করিতে করিতে গীতকোষেয়ধারী প্রশান্তারুণেন্দ্র চতুর্ভুজরূপে আসীন সেই বিশুদ্ধ সন্ধ্যা পুরুষকে দেখিতে পাইলাম—একটি তরুণ অশ্রুত তরুর আশ্রয়ে বাম উরুর উপর দক্ষিণ চরণ ত্যস্ত করিয়া আনন্দে পরিপূর্ণ হইয়া বসিয়া আছেন। পরাশর-শিষ্য বেদব্যাস-সখা মুনিবর মৈত্রেয় যদৃচ্ছা ভ্রমণ করিতে করিতে তখন সেখানে আসিয়া উপস্থিত হইলেন। পরম অনুরক্ত ঐ মুনি ভক্তি ও আনন্দ ভরে মগ্নক অবনত করিলেন। শ্রীকৃষ্ণ সহাস্য দৃষ্টি দ্বারা আমার শ্রান্তি উপশম করিয়া বলিলেন, হে বস্তু, আমি তোমার মনের অভিলাষ জানিতে পারিয়াছি। এই সময় এই একান্ত প্রদেশে আসিয়া তুমি যে আমার দর্শনলাভ করিলে, ইহা তোমার পরম সৌভাগ্য। আমি আজ তোমাকে অগ্নের ছুপ্পাপ্য সাধন প্রদান করিব।—সেই পরমপুরুষের এইরূপ স্নেহসিক্ত সম্ভাষণে আমার শরীর রোমাঞ্চিত ও বাক্য জ্বলিত হইতে লাগিল। কৃতাজলি হইয়া সাক্ষ্যলোচনে বলিলাম, হে ভূমন্, আমি চতুর্বর্গ-কামী নহি, তোমার শ্রীপাদপদ্মের সেবায়ই উৎসুক। তুমি আব্রহম প্রকাশক যে জ্ঞান ব্রহ্মাকে কহিয়াছিলে ( ৩২ পৃ: দেখুন ), আমি যদি তাহা গ্রহণের যোগ্য হই, তবে তাহা আমাকে বল।—সেই কমললোচন তখন আমাকে তাঁহার পরমস্থিতিতত্ত্ব উপদেশ করিলেন। তাঁহার পাদতীর্থ আরাধনা করিয়া এইরূপে আমি পরম

আত্মজ্ঞান-মার্গ লাভ করিলাম। পরে, সেই দেবদেবকে পুনঃ পুনঃ প্রণাম ও প্রদক্ষিণ করিয়া বিরহাতুর চিত্তে এখানে আসিয়া উপস্থিত হইয়াছি। এক্ষণে আমি তাঁহার প্রিয়তম বদরিকা-মণ্ডলে গমন করিব—‘গমিষ্যে দয়িতং তস্য বদর্যাশ্রমমণ্ডলং’। —শ্রীশুক বলিলেন, সুহৃদগণের বিনাশবার্ত্তাজনিত দুঃসহ শোক জ্ঞানযোগে প্রশমিত করিয়া বিছুর বলিলেন, অহে উদ্ধব, বিষ্ণু-ভক্তগণ স্বীয় ভক্তগণের সর্ব্বার্থ সাধন করিয়াই বিচরণ করেন। সুতরাং যোগেশ্বর শ্রীহরি তোমাকে যে জ্ঞান উপদেশ করিলেন, তাহা আমাদিগের নিকট বিবৃত করা তোমার কর্ত্তব্য।—উদ্ধব বলিলেন, বিছুর, মর্ত্ত্যধাম ত্যাগকালে তোমাকে উপদেশ দেওয়ার জন্য তিনি শ্রীমান্ কোশারবকেই আদেশ করিয়াছেন। অতএব তুমি সত্ত্বর তাঁহার নিকট যাও।—যমুনাপুলিনে ভগবৎকথায় সেট রজনী ক্ষণকালবৎ যাপন করিয়া উদ্ধব তথা হইতে প্রস্থান করিলেন। সমগ্র যছুকুল বিনষ্ট হইলেও শ্রীভগবান্ উদ্ধবকে লোকশিক্ষার জন্য এই মরধামে রাখিয়া গেলেন। শ্রীমান্ বিছুরও কালিন্দীতীরে এইরূপে সিদ্ধকাম হইয়া প্রেমবিহ্বলচিত্তে রোদন করিতে করিতে ভাগীরথীর পবিত্রকূলে শ্রীমান্ মৈত্রেয় মুনির আশ্রমে উপনীত হইলেন।

## ৫—১১ অধ্যায়

### মৈত্রেয়, বিছুর

অগাধবোধ শ্রীকোশারব মৈত্রেয় গঙ্গাদ্বারে সুখাসীন। কুরুশ্রেষ্ঠ বিছুর তাঁহার সৌশীল্যাদিগুণে পরিতৃপ্ত হইয়া বিশ্বের সৃষ্টি-স্থিতি-সংহার, অবতারের গুণ ও কার্য ইত্যাদি বিষয়ে নানা প্রশ্ন জিজ্ঞাসা করিলেন। তৎপর বলিলেন, ভগবন্, লোকে সুখের জন্যই কৰ্ম্ম করে, কিন্তু তাহাতে সর্ব্বত্র কেবল দুঃখই লাভ হয়। শ্রীহরির কথায় শ্রদ্ধাশীল হইলে ক্রমশঃ তাহাতে আসক্তি, অন্ত কথায় বিরক্তি এবং তাঁহার শ্রীচরণাবিরেন্দর সতত অনুস্মরণে

আনন্দ জন্মে। এই আনন্দই জীবের সমস্ত দুঃখের একান্ত নিবৃত্তির একমাত্র উপায়। অতএব সুরিগণকথিত এই হরিগুণ-কথা আপনি আমার নিকট বিশদরূপে ব্যক্ত করুন।—মৈত্রেয় প্রীত হইয়া বলিলেন, হে ক্ষত্র, তুমি বাদরায়ণ-বীৰ্য্যজ, সুতরাং শ্রীহরির লীলা শ্রবণে তোমায় এরূপ অনন্তগতা মতি কিছুমাত্র বিচিত্র নহে। তুমি ভগবান্ শ্রীকৃষ্ণের অতিশয় প্রিয়। তিনি স্বধামগমনকালে তোমাকে জ্ঞানোপদেশ দেওয়ার জন্য আমার প্রতি আদেশ করিয়া গিয়াছেন। সুতরাং বিশ্বের উদ্ভব স্থিতি ও লয়ের প্রসঙ্গ হইতে আরম্ভ করিয়া তাঁহার সমগ্র লীলা-কথা আমি আনুপূর্ব্বিক তোমার নিকট বর্ণন করিব।

তখন মুনিবর মৈত্রেয় অতিসুদীর্ঘ নানা প্রস্তাবে বিশ্বের স্থাবর জঙ্গমাদি সকল সত্তার সৃষ্টি-স্থিতি-সংহারের বিবরণ ও প্রকরণ-ভেদ বিবৃত করিলেন। সমস্ত শক্তি একত্র সমাহিত হইয়া প্রথমে এক বিরাট দেহের উৎপত্তি। সেই দেহের নানা অবয়ব হইতে ক্রমশঃ সমস্ত সৃষ্টির প্রকাশ। শ্রীহরির সেই সৃষ্টি-মহিমা অবর্ণনীয়—

যতোহপ্রাপ্য ত্ববর্তন্ত বাচশ্চ মনসাসহ।

অহঙ্কাত ইমে দেবাস্তস্মৈ ভগবতে নমঃ ॥ ৩.৬।৩৯

—বাক্যসকল মনের সহিত অন্বেষণ করিয়া যাহাকে না পাইয়া নিবৃত্ত হইয়াছে, আমি এবং অত্যান্ত দেবতাগণও যাহাকে জানিতে পারি নাই, সেই শ্রীভগবান্কে নমস্কার।

ব্রহ্মা এই সৃষ্টির অধ্যক্ষ বা অধিপতি। শ্রীবিষ্ণুর নাভিকমল হইতে তাঁহার উৎপত্তি। তিনি শ্রীভগবানের স্তব করিয়া তাঁহা হইতে সৃষ্টাদির জন্য আবশ্যক দেহাভিমানবিরহিত বিশুদ্ধ জ্ঞান ও শক্তি লাভ করিলেন। কারণ, দেহাভিমানই বিক্ষিপ্ত ও সৰ্ব্ব দুঃখের মূল।—এইরূপ বলিয়া শ্রীমৈত্রেয় মানবের উৎপত্তির বিবরণ বর্ণনা করিতে আরম্ভ করিলেন।



সনকাদি মুনি, মনু-শতরূপা, জন্ম-বিজয়, হিরণ্যকশিপু-হিরণ্যাক্ষ

মৈত্রেয় বলিলেন, ব্রহ্মা প্রথমে সনক সনন্দ সনাতন ও সনৎকুমার নামে মুনিগণেব সৃষ্টি কবিলেন এবং তাঁহাদিগকে বলিলেন, পুত্রগণ, তোমরা প্রজা সৃষ্টি কব। কিন্তু ঐ মুনিগণের তদ্বিষয়ে প্রবৃত্তি হইল না। তাঁহারা উর্দ্ধবেতা ও নিষ্ক্রিয় হইলেন। তখন দেবগণেব অগ্রজ নীললোহিত নামে এক কুমাবেব সৃষ্টি হইল। তিনিও তপস্ত্যাব নিমিত্ত বনে গমন কবিলেন। স্তববাং তাঁহাদ্বাবাও প্রজাসৃষ্টি হইল না। ব্রহ্মা পুনবায় তপোনিবত হইলে মরীচি প্রভৃতি দশটি পুত্র উৎপন্ন হইল। ব্রহ্মাব বদন হইতে বেদ সকলও নির্গত হইল। ঐ দশ পুত্রের দ্বাবাও সৃষ্টিব বিস্তার হইল না। তখন ব্রহ্মা পূর্বতন্ম সম্বরণ কবিয়া এক নূতন মত্তি গ্রহণ কবিলেন। দেখিতে দেখিতে ঐ নূতন মত্তি আপনা হইতে আশ্চর্য্যাক্রমে দ্বিধা বিভিন্ন হইয়া গেল। তাহাব এক অংশ পুরুষ ও অপরা ৯ দ্বী হইল। এই পুরুষই মনু এবং এই দ্বী তাহাব মতিবী শতরূপা হইলেন। মনু এবং শতরূপা জন্ম গ্রহণ কবিয়াই ব্রহ্মাকে কহিলেন, পিতা, কোন্ কর্মেব দ্বানা আমরা আপনাব যথোচিত সেবা কবিব? ব্রহ্মা বলিলেন, তোমরা মিথুনধন্মে পবম্পদ উপগত হইয়া সম্ভান উৎপাদন ও প্রজাপাদন কব, তাহাতেই আমাব পবম শুদ্ধাবা, তোমাদেব জন্ম সফল, ও জীভগবানেব তুষ্টি নিধান হইবে। ফলতঃ তিনিই সর্বাত্মবরূপ, তাহাব তুষ্টিতেই সর্বার্থ-সিদ্ধি।—তখন ঐ মনু ও শতরূপাব সহযোগে প্রিয়ব্রত ও উত্তানপাদ নামে দুই পুত্র এবং আকৃতি, দেবহুতি ও প্রসূতি নামে তিন কন্যার উৎপত্তি হইল। ইহাদের সম্ভানসম্ভতি দ্বারাই এই জগৎ পূর্ণ হইল। তদবধি সৃষ্টিতে মিথুন-ধর্ম্মের প্রবর্তন হইল।—মনু তখন ব্রহ্মার নিকট কিঞ্চিং বাসস্থান প্রার্থনা কবিয়া,

বলিলেন, প্রভু, ধরণী জলমগ্না, আপনি ত্বরায় উহার উদ্ধার জ্ঞা-  
যত্ত্ব করুন। ব্রহ্মা এই বিষয়ে চিন্তা করিতেছেন, এমন সময়  
সহসা তথায় এক অদ্ভুত-পরিমাণ বরাহমূর্তির আবির্ভাব হইল।  
দেখিতে দেখিতে এই মূর্তি এক ভীষণ আকার ধারণ করিলেন।  
ব্রহ্মা সেই মূর্তিকে স্বয়ং যজ্ঞপুরুষ ভগবান বিষ্ণু বলিয়া স্থির  
করিলেন এবং তৎসৃষ্ট ঋষিগণসহ বেদমন্ত্র দ্বারা এই মূর্তির স্তব  
করিলেন। আদিদেব বরাহ এক ভীষণ গর্জন করিয়া জলমধ্যে  
প্রবেশ করিলেন। সলিল-রাশি দ্বিধা বিভক্ত হইয়া গেল। বরাহদেব  
তন্মধ্যে ধরণীকে দেখিতে পাইয়া আপন দশন দ্বারা তাহাকে  
আকর্ষণ করিতে উদ্ভত হইলেন। তখন আদিদৈত্য হিরণ্যাক্ষ  
এই সলিল মধ্যে তাঁহার প্রতিরোধার্থ তাঁহাকে ভীষণ গদাঘাত  
করিল। তিনি অবলীলাক্রমে এই দৈত্যের প্রাণ সংহার করিয়া  
ধরণীকে সেই সলিল রাশির উপরে স্থাপিত করিয়া তৎক্ষণাৎ  
অন্তর্হিত হইলেন।

বিভূর জিজ্ঞাসা করিলেন, দৈত্যরাড়ের সহিত কি কারণে  
ক্রোধগবানের বিরোধ হইল? মৈত্রেয় বলিলেন, পদ্মায়োনি ব্রহ্মা  
ইতিমধ্যে দেবতা গন্ধর্ব্ব কিন্নর অশুরাদি নানা সৃষ্টি করেন।  
মল্লকণ্ঠা প্রসূতির গর্ভে ত্রয়োদশ কণ্ঠা হয়। মহামুনি কণ্ঠপের  
নিকট সেই ত্রয়োদশ কণ্ঠা সম্প্রদান করা হইল। তাঁহাদের  
একজনের নাম দিতি। দিতির গর্ভে কণ্ঠপের ছুই পুত্র জন্মে।  
দিতির কোন গুরুতর অপরাধের জ্ঞাত কণ্ঠপ তাঁহাকে অভিশাপ করেন  
যে তাঁহার গর্ভজাত ছুই পুত্র সর্বলোকতাপন ছুইটী ছুদাস্ত দৈত্য  
হইবে, তাহারা হিরণ্যকশিপু ও হিরণ্যাক্ষ নামে আখ্যাত হইয়া  
ভগবান্ বিষ্ণু দ্বারা নিহত হইবে, কিন্তু হিরণ্যকশিপুর এক পুত্র  
মহাভাগবত ও সকল মহতের মহীয়ানরূপে ত্রিজগতে পরম প্রতিষ্ঠা  
লাভ করিবে (৭ম স্কন্ধ দেখুন)।

ব্রহ্মার প্রথমজাত পুত্র সনকাদি মুনি চতুর্দশ একদা যদৃচ্ছা  
বিচরণ করিতে করিতে বৈকুণ্ঠধামে উপনীত হইলেন। তাঁহারা

ঐ ধামের সপ্তম দ্বারে উপস্থিত হইলে তাঁহাদিগকে ক্ষুদ্রাকৃতি নগ্ন ও অসংস্কৃতবেশ দেখিয়া জয় ও বিজয় নামে ঐ দ্বারের দুই দ্বারপাল প্রবেশ নিষেধ করিয়া বেত্রোত্তোলন করিলেন। মুনিগণ এই অনুরূপ আচরণের সমুচিত দণ্ড দেওয়ার জন্ত ঐ দ্বারপালদিগকে অভিশাপ কবিলেন, ‘তোমরা পাপযোনিতে জন্ম গ্রহণ করিয়া অসুররূপ প্রাপ্ত হও।’ শ্রীবিষ্ণু তাহা জানিতে পারিয়া লক্ষ্মীসহ তথায় উপস্থিত হইয়া এই দণ্ডের অনুমোদন করিলেন, কিন্তু দ্বারিদ্বয়কে বলিলেন, তোমরা যথাকালে পুনরায় স্বপদ প্রাপ্ত হইবে।—ইহারাই সনকাদি মুনিশাপে হিরণ্যকশিপু ও হিরণ্যাক্ষ নামক দুই অসুরভ্রাতা রূপে কণ্ডপপত্নী শাপগ্রস্তা দিতির গর্ভে জন্ম নেন।

জ্যেষ্ঠ হিরণ্যকশিপু মহা উদ্ধত, কিন্তু তপোবলে ব্রহ্মার বরে অমররূপ প্রাপ্ত হয়। সে সমস্ত লোক আপনার পদানত করিল। কনিষ্ঠ হিরণ্যাক্ষ গদা হস্তে স্বর্গ আক্রমণ করিয়া দেবতাগণকে সম্বস্ত ও স্বর্গ হইতে বিতাড়িত করিল। যুদ্ধে শ্রান্ত হইয়া ঐ অসুর জলত্রীড়া জন্ত সাগরে প্রবেশ করিল। সেইখানেই বরাহদেবের সহিত যুদ্ধে সেই মহাদৈত্য নিহত হয়। (৪১ পৃঃ দেখুন)

[ ২০ অধ্যায়—সৃষ্টি প্রকরণ ]

২১—২৪ অধ্যায়

কর্দম দেবহুতি, কপিল

এদিকে ব্রহ্মা-সৃষ্ট কর্দম নামে প্রজাপতি সন্তানোৎপাদন জন্ত আদিষ্ট হইয়া প্রজাকাননায় সরস্বতীতীরে দুশ্চর তপস্যায় ব্রতী হইলেন। ভগবান বিষ্ণু প্ৰীত হইয়া তাঁহার নিকট আসিয়া বলিলেন, বৎস, আমি তোমার জন্ত সমস্ত সংযোগ স্থির করিয়া রাখিয়াছি। ব্রহ্মাবর্ত প্রদেশের আদিরাজ স্বায়ম্ভুব মনু তাঁহার কণ্ঠা দেবহুতিকে তোমার নিকট সম্প্রদান করিবেন। তুমি সেই কণ্ঠার গর্ভে যে সকল কন্যা উৎপাদন করিবে, তাহাদের বহু সন্তান জন্মিবে।

আমি স্বয়ং তোমার ঔরসে দেবহুতির গর্ভে আবির্ভূত হইয়া জগতে  
তত্ত্ব সংহিতা প্রচার করিব।

ঋক্ সম্যগনুষ্ঠায় নিদেশং ম উশন্তমঃ।

ময়ি তীর্থীকৃত্যশেষক্রিয়ার্থো মাং প্রপংক্তসে ॥

কৃশা দয়াঞ্চ জীবেষু দত্তা চাভয়ম্ আশ্ববান্।

ময্যাত্মানং সহ জগং দক্ষাত্মানি চাপি মাম্। ৩২১.৩০-৩১

—তুমি আমার আদেশ গম্যকরূপে পালন করিয়া শুদ্ধসত্ত্ব হইয়া  
সকল কর্মের ফল আমাতে সমর্পণ কর, তাহা হইলেই আমাকে প্রাপ্ত হইবে।  
জীবে দয়া ও সর্বভূতে অভয়দান কবিও, তাহা হইলে তুমি নিজকে ও সমস্ত  
জগৎকে আমাতে একীভূত দেখিতে পাইবে।

ঋষিবর কর্দম কালপ্রতীক্ষায় ঋষিনিদী সরস্বতীর সলিলাভিযুক্ত  
বিন্দুসরোবরতীরে অবস্থিতি করিতে লাগিলেন।

কিছুকাল মধ্যেই নারদের মুখে ঐ ঋষির গুণশীলাদি অবগত  
হইয়া মনু অনুচর সহ স্বীয় কন্যা দেবহুতিকে লইয়া সেই আশ্রমে  
আসিয়া উপস্থিত হইলেন এবং তাহার সমুচিত পূজা করিয়া কন্যা-  
দানের অনুমতি ভিক্ষা করিলেন। কর্দম শ্রীত হইয়া মনুর মনস্কামনা  
পূর্ণ করিলেন এবং দেবহুতিকে স্বীয় ভাষ্যারূপে গ্রহণ করিলেন।  
মনু ব্রহ্মাবর্তদেশে স্বপুত্রী বর্হিষ্ণতীতে প্রত্যাগমন করিলেন।

যথাকালে দেবহুতি কয়েকটা কন্যা প্রসব করিলেন। কর্দম  
তখন প্রব্রজ্যাবলম্বনে উগোগী হইলে দেবহুতি বলিলেন, ভগবন্,  
আমি এতকাল ইন্দ্রিয়ভোগে আসক্ত হইয়া মুক্তির ইচ্ছামাত্রও  
করি নাই। এক্ষণে আমাকে অভয়পদ প্রাপ্তির উপদেশ করুন।  
ঋষি কহিলেন, রাজপুত্রি, তুমি খেদ করিওনা। শ্রীভগবান্ স্বয়ং  
অচিরেই তোমার গর্ভে জন্ম গ্রহণ করিবেন এবং ব্রহ্মোপদেশ দ্বারা  
তোমার সমস্ত হৃদয়গ্রন্থি ছিন্ন করিবেন। ব্রহ্মাও আসিয়া ঐরূপ  
আশ্বাস দিয়া বলিলেন, তোমাদের ঐ পুত্র কপিল নামে সাংখ্যা-  
চাৰ্য্যগণ কর্তৃক পূজিত হইবেন। ব্রহ্মার নির্দেশ অনুযায়ী কর্দম ও  
দেবহুতি কন্যাগণকে প্রজা উৎপাদনের নিমিত্ত মরীচি প্রভৃতি

মুনিগণের নিকট সমর্পণ করিলেন। কৰ্দম তখন নিজ গৃহে পুত্ররূপে অবতীর্ণ শ্রীভগবানের নিকট গিয়া তাঁহার স্তব করিলেন এবং প্রব্রজ্যাগ্রহণে তাঁহার আশীর্বাদ প্রার্থনা করিলেন। শ্রীভগবান্ কপিল বলিলেন, আত্মজ্ঞানের মার্গ কালক্রমে বিনষ্ট হইয়াছে, আমি তাহার পুনঃ প্রবর্তন জ্ঞাত এই দেহ ধারণ করিয়াছি। তুমি এক্ষণে—

গচ্ছ কামং ময়াপৃষ্ঠো ময়ি সন্ন্যস্তকশ্মণা :

জিজ্ঞাসুর্জ্ঞয়ং মৃত্যুমমৃতত্বায় মাং ভজ ॥

মামাত্মানং স্বয়ংজ্যোতিঃ সর্কভূতগুহ্যশয়ম্ ।

আত্মগোবান্দ্যনারাক্ষন্ বিশোকোহভয়মুচ্ছসি ॥ ৩২৪।৩৮-৩৯

—এখন যথা ইচ্ছা গমন কর, আমাতে সমস্ত কৰ্ম সমর্পণ করিয়া জ্ঞেয় মৃত্যু জয় করিয়া অমৃত লাভের নিমিত্ত আমার ভজনা করিও। তাহা হইলে স্বপ্রকাশ সর্কভূতগুহ্যামী আমাতে আত্মা দ্বারা নিজ আত্মাকে অবলোকন করিয়া নির্ভয় ও বীতশোক হইবে।

পিতঃ, মাতা দেবহুতিকৈ আমি এই আত্মবিজ্ঞা প্রদান করিয়া অভয় পদ প্রাপ্ত করাইব।—কৰ্দম ইহা শুনিয়া শ্রীভগবানকে প্রদক্ষিণ করিয়া প্রীতমনে অরণ্যে প্রস্থান করিলেন, এবং

ব্রতং স আস্থিতো মৌনমাত্মৈকশরণো নুনিঃ ।

নিঃসঙ্গোব্যচরং ক্ষৌণীমনগ্নিরনিকেতনঃ ॥ ৩২৪।৩২

—এইরূপে সেই নান পরমাঙ্গার শরণাপন্ন হইয়া মৌনব্রত অবলম্বন করতঃ অগ্নি ও নিকেতন সকলই ত্যাগ করিয়া নিঃসঙ্গ হইয়া পৃথিবী পর্য্যটন করিতে আরম্ভ করিলেন।

## ২৫-৩৩ অধ্যায়

### দেবহুত কপিল

কপিল মাতার সহিত বিন্দুসবোবরের তীরেই বাস করিতে লাগিলেন। ব্রহ্মার উক্তি স্মরণ করিয়া একদা দেবহুতি পুত্রের নিকট আসিয়া বলিলেন, হে ভূমন্, আমি ইন্দ্রিয়াভিলাষে

মোহান্ধ। আমার অহং-মমায়ক সম্মোহ দূর করিয়া দেও,  
তোমার শরণ লইলাম। মাতার কথায় আনন্দে ইষং হাস্য করিয়া  
কপিল বলিলেন,

চেতঃ খল্বশ্চ বন্ধায় মুক্তয়ে চাত্মনো মতম্।

গুণেষু শক্তং বন্ধায় রতং বা পুংসি মুক্তয়ে ॥ ৩২৫ ১৫

—চিন্তাই আত্মার বন্ধন ও মূর্ত্তির একমাত্র হেতু। চিত্ত গুণসমূহে আসক্ত  
হইলে বন্ধের, এবং পরমপুরুষে আগন্ত হইলে মুক্তির কারণ হয়।

যোগের দ্বারা অহংমমাম্ভিমান দূর হইলেই চিত্ত শুদ্ধ ও প্রকৃতি  
হীনতেজ হয়, এবং পরমাত্মা অখণ্ডজ্যোতি স্বরূপে প্রকাশিত হন।  
যাঁহারা সঙ্গমুক্ত, সকল জীবের সুহৃদ, আমার কথা শ্রবণ কীর্ত্তন  
ও আমাতে দৃঢ়া ভক্তি করেন, তাহাদের সঙ্গ করিলে সকল বন্ধন  
ছিन्न ও সকল সম্ভাপ দূরীভূত হয়। অতএব তাহাদের সঙ্গই  
তোমার বাঞ্ছনীয়।—

সতাং প্রসঙ্গান্মমবাসংবিদো ভবন্তি হংকর্ণরসায়নাঃ কথাঃ।

তজ্জ্ঞানগদাশ্বপবর্গবদ্ব্যনি শ্রীং রতিভক্তিরশ্রুক্রমিয্যাতি ॥ ৩২৫:২৫

—সাধুদিগের সংসর্গে আমার মাহাত্ম্যের প্রকাশক অদয় ও কর্ণের সুখদায়ক  
প্রসঙ্গ উত্থাপিত হয়। সেই সমস্ত কথার শ্রবণাদি দ্বারা আবত্মানিবৃত্তির পথ  
স্বরূপ শ্রীভগবানে শীঘ্রই শ্রদ্ধা রতি ও ভক্তি জন্মিয়া থাকে।

আমার লীলার অনুচিন্তন-জনিত ভক্তির দ্বারা জীব এষ্ট দেহেই  
আমাকে প্রাপ্ত হইতে পারে।—দেবহুতি বলিলেন, কি প্রকার  
ভক্তি দ্বারা আমি অনায়াসে তুমাকে পাইব? আর, তুমি যে  
যোগের কথা বলিলে, তাহাই বা কিরূপ? কপিল বলিলেন,—

সদ্ব্যবৈকমনসো বৃত্তিঃ স্বাভাবিকা তু যা।

অনিমিত্তা ভাগবতী ভক্তিঃ সিদ্ধৈর্গরীয়সী।

নৈকায়তাং মে স্পৃহয়াত্ত কোচম্বংপাদসেবাভিরতা মদীহাঃ ॥ ৩২৫:৩২, ৩৪

—শুদ্ধসদ্ব্যবহীর প্রীতি জ্ঞানেন্দ্রিয় সমূহের যে স্বাভাবিক আকর্ষণ,  
তাহাই অহৈতুকী ভাগবতী ভক্তি এবং তাহা মুক্তি অপেক্ষাও শ্রেষ্ঠ।  
কেহ কেহ আমার পাদসেবাপরায়ণ হইয়া এবং আমাতে সর্বকর্ষ সমর্পণ  
করিয়া আমার সহিত একায়তাও ইচ্ছা করেন না।

যাহারা আমাকে এক্রপ ভক্তি করেন,—

পশুস্তি তে মে কচিরাণ্যষ সন্তঃ প্রসন্নবক্তৃকৃণলোচনানি ।

কৃপানি দিব্যাণি বরপ্রদানি সাকং বাচং স্পৃহণীয়াং বদন্তি ॥ ৩২৫।৩৫

—জননি, তাঁহারা আমার সুন্দর প্রসন্নমুখ ও অকৃণলোচনমুক্ত দিব্য বরদ রূপ সকল দর্শন করেন এবং ইচ্ছামত বাক্যালাপও করিয়া থাকেন ।

এবং নিষ্কাম হইলেও তাঁহারা আমার গতিই প্রাপ্ত হন—  
‘অনিচ্ছতোগতিরথীং প্রযুক্তে’ । ভক্তিই জীবের নিঃশ্রেয়সের উপায় ।

[ ভক্তি ব্যাখ্যা করিয়া শ্রীভগবান কপিলদেব মাতার অপর প্রশ্ন ‘যোগ’ বা তত্ত্বজ্ঞান উপদেশ করিতে আরম্ভ করিলেন । সাংখ্যতত্ত্ব সকলের পৃথক পৃথক লক্ষণ বাহা জানিলে মানুষ প্রকৃতির গুণ হইতে মুক্ত হয়, পুরুষ-প্রকৃতির জ্ঞান দ্বারা ক্রিয়াকে মোক্ষলাভ হয়, অষ্টাঙ্গ যোগে ক্রিয়াকে নিরুপাধি স্বরূপের জ্ঞান হয়, কালের প্রভাব ও সংসারের ঘোরত্ব, অধ্যাত্মিকদের তামসী গতি, নরঘোনিপ্রাপ্তি, জীবের উর্দ্ধগতি ও পুনরাবৃত্তি—ক্রমশঃ এই সকল গভীর তত্ত্বব্যখ্যা করিলেন । ]

কপিলের বাক্য সকল শ্রবণ করিয়া জননী দেবহূতির মোহাবরণ দূরীভূত হইল । তখন তিনি শ্রীভগবানের স্তব করিয়া বলিলেন,

অহোবত স্বপচোহতো গরীয়ান্ যজ্জিহ্বাগ্রে বর্হতে নাম তুভ্যং ।

তেপুস্তপন্তে জুহবুঃ সন্নুরাধ্যা ব্রহ্মানুচূর্ণাম গৃণন্তি যে তে ॥ ৩৩৩।৭

—তোমার নাম যাহার জিহ্বাগ্রে থাকে, সে চণ্ডাল হইলেও শ্রেষ্ঠ, যাহারা তোমার নাম উচ্চারণ করেন, তাঁহারাষ্ট প্রকৃত তপস্বী হোম ও তীর্থ-স্নান করিয়াছেন, তাঁহারাষ্ট ষথার্থ সদাচারী ও সার্থক বেদাধ্যায়ী ।

কপিল বলিলেন, মাতঃ, আমার উপদেশ সম্যক অনুষ্ঠান করিলে অর্গোণেই আপনি পরা গতি লাভ করিতে পারিবেন ।—মাতার অনুমতি লইয়া কপিল তখনই তথা হইতে প্রস্থান করিলেন । দেবহূতিও যোগযুক্ত হইয়া সরস্বতীর মুকুট স্বরূপ সেই আশ্রমে থাকিয়া সমাধি অভ্যাস করিতে লাগিলেন । তাঁহার কুণ্ডিত কেশ জটিল, বর্ণ কপিল, দেহ সধুম পাবকবৎ, বুদ্ধি ব্রহ্মে স্থিত ও নিরন্তর

লাভ হইল। তিনি অচিরেই নিত্যমুক্ত আত্মাকে প্রাপ্ত হইলেন। মহাযোগী কপিল পিতার আশ্রম হইতে উত্তরাভিমুখে গমন করিলেন। তিনি সিদ্ধ চারণ মুনি অপ্সরাগণ কর্তৃক স্তুত হইয়া ছিলেন। সমুদ্র তাঁহাকে অর্ঘ্য ও বাসস্থান দান করিয়াছিলেন। তিনি অত্মাপি ত্রিলোকের কল্যাণার্থ যোগে সমাহিত হইয়া আছেন, সাংখ্যাচার্য্যগণ অত্মাপি তাঁহার স্তব করিয়া থাকেন।

## চতুর্থ স্কন্ধ

### ১-৭ অধ্যায়

#### দক্ষ, শিব, সতী

মনু ও শতরূপার কন্যা প্রসূতি প্রজাপতি দক্ষের ভাৰ্য্যা হন। দক্ষ ও প্রসূতির সতী নামে এক কন্যা হয়, দক্ষ তাহাকে দেবদেব শঙ্করকে সম্প্রদান করেন।

বিশ্বশ্রষ্টাদের এক মহা যজ্ঞে দেব মহর্ষি ও মুনিগণ সকলেই নিমন্ত্রিত হইয়া উপস্থিত হইলেন। প্রজাপতি দক্ষও আমন্ত্রিত হইয়া সেই সভা গৃহে আসিয়া প্রবেশ করিলে সকলেই সমস্রমে উঠিয়া তাহার অভ্যর্থনা করিলেন, কিন্তু ব্রহ্মা ও শিব আসন ত্যাগ করিলেন না। দক্ষ তাহাতে শিবের প্রতি রুষ্ট হইয়া ব্রহ্মাকে প্রণাম ও শঙ্করের দিকে কুটিল দৃষ্টি নিক্ষেপ করিয়া বলিলেন, দেখুন, এই নির্লজ্জ শিব আমার জামাতা, সূতরাং শিষ্যস্থানীয়। অভিবাদন দূরে থাক, বাক্য দ্বারাও আমার প্রতি সাধুজনোচিত কোনরূপ সম্মান প্রদর্শন করিল না। ভূতপ্রেতসহ শ্মশানে নৃত্য হাস্য রোদন ইহার স্বভাব, নরাস্তি ও চিতাভস্ম ইহার ভূষণ।—এই বলিয়া তিনি শঙ্করকে অভিশাপ করিলেন, যে সে দেবগণের সঙ্গে কখনও কোন যজ্ঞভাগ পাইবে না। উপস্থিত কেহ দক্ষের এই অভিশাপের কোন প্রতিবাদ করিলেন না। শিবানুচর নন্দীশ্বর তাহা শুনিয়া



দক্ষকে প্রত্যভিশাপ করিলেন, দেহাভিমানী এই পাষণ্ড ছাগমুণ্ড প্রাপ্ত হউক, শিবদেবী বেদবাদী ব্রাহ্মগণ অতঃপর যাচ্ঞা দ্বারা জীবিক। নির্বাহ করুক।—ভৃগু আবার ইহা শুনিয়া শঙ্করের অনুচরগণকে অভিশাপ করিলেন, সর্বলোকহিতকর সনাতন বেদপন্থার নিন্দকগণ সুরাসক্ত ও পাষণ্ডাশ্রিত হউক।—শঙ্কর এই সকল উক্তি প্রত্যুক্তি শুনিয়া বিমনা হইয়া অনুচরগণ সহ তথা হইতে প্রস্থান করিলেন।

প্রজাপতি দক্ষ ব্রহ্মা কর্তৃক সমস্ত প্রজাপতিগণের আধিপত্যে বৃত্ত হইয়া মহাগর্বিত হইয়া উঠিলেন। তিনি বৃহস্পতি নামে এক স্তুমহৎ যজ্ঞ আরম্ভ করিলেন! দেব ঋষি ও তাঁহাদের পত্নীগণ সকলেই বেশভূষায় নভোমণ্ডল উদ্ভাসিত করিয়া বিমানযোগে সেই যজ্ঞে আসিতে লাগিলেন। দক্ষ পূর্বরোযবশতঃ শিব বা সতীকে নিমন্ত্রণ করিলেন না। দাক্ষায়ণী তখন স্বামীকে বলিলেন, দেব, পিতৃগৃহে কন্যার নিমন্ত্রণের প্রয়োজন কি? মেহময়ী মাতা ভগিনী মাতৃস্বমাগণকে দেখিবার জন্য আমার চিত্ত বড়ই উৎকণ্ঠিত হইয়াছে। আপনি সর্বত্যাগী, বন্ধুবিরহ কখনও অনুভব করেন নাই। অনুমতি করুন, আমি পিতৃগৃহে গমন করি। শম্ভু ঈষৎ হাস্য করিয়া বলিলেন, স্মৃশোভনে, যাহার চিত্ত দেহাভিমাণে কলুষিত হয় নাই, আহুত না হইয়াও এমত কুটুম্বের গৃহে যাইতে দোষ নাই। দেখ, প্রাজ্ঞব্যক্তি পরমপূৰ্ব্ব ভগবানকেই অভিবাদন করেন, দেহাভিমানীগণকে কখনও অভিবাদন করেন না। আমি ও দক্ষের প্রতি তদ্রূপ আচরণই করিয়াছি। কিন্তু মহতের তেজ তাহার নিকট অসহ্য। আমার সহিত সম্বন্ধবশতঃ পিতার নিকট তুমি সম্মান লাভ করিতে পারিবে না। কুটুম্বের দুৰ্ব্বাকা বড়ই ক্লেশকর—

সম্ভাবিতস্ত স্বজনানাং পরাভবো যদা স সন্তো মরণায় কল্পতে। ৪।৩।২৫

—স্বজনের নিকটে অবমাননা সম্মানিত ব্যক্তির পক্ষে যত্নাতুল্য।

সতী নিতান্ত দুর্মনা ও পরিশেষে ক্রুদ্ধা হইয়া রোদন করিতে আরম্ভ করিলেন। তৎপর মোহবশতঃ বুদ্ধিভ্রষ্টা হইয়া, যিনি

স্নেহ নিবন্ধন তাঁহাকে স্বীয় অর্দ্ধ অঙ্গ দান করিয়াছিলেন, সেই স্বামীর গৃহ পরিত্যাগ করিয়া তথা হইতে সহসা নিষ্ক্রান্ত হইয়া গেলেন। ত্রিলোচনের অনুচরগণ তাহা দেখিয়া বুঝ আনিয়া সতীকে তত্পরি আরোহণ করাইলেন এবং নানা বাঘ ও দ্রব্য-সম্ভারসহ তাঁহার অনুগমন করিলেন। সতী পিতার যজ্ঞমণ্ডপে প্রবেশ করিলে মাতা ও ভগিনী ব্যতীত অন্য কেহ, এমন কি পিতা দক্ষও, তাঁহার কোন সমাদর করিলেন না। সতী দেখিলেন, যজ্ঞভাগে নিবের কোন অংশ নাই। তাঁহার অনুচরগণ তখন ত্রুদ্ধ হইয়া যজ্ঞনাগে উগ্ৰত হইলে সতী তাহাদিগকে নিবাসিত করিলেন। শ্রীদেবী লোকধ্বংসকারী কোপে—‘চুকোপ লোকানিব ধক্ষ্যতী রুবা’—পিতাকে বলিলেন,—

ন যন্তলোকে স্ত্যাপি শায়ঃ প্রি স্ত্যাপি প্রিয়ে দেহভাগং প্রিয়ায়নঃ ।

তস্মিন্ সমস্তান্নি মৃত্যুববকে স্বাভবন্তং কতমঃ প্রাপিয়েৎ ॥ ৪।৪।১১

—ইহলোকে যাহা অপেক্ষা শ্রেষ্ঠ কেহ নাই, যাহার প্রিয় বা অপ্রিয় কিছুই নাই, যিনি দেহিগণের আয়ত্তল্য প্রিয়, যিনি সর্বভূতের আত্মা যিনি সর্ববৈরিণী হইতে মুক্ত, আপনি যিনি তত্ত্ব কে তাঁহার প্রতিকূলাচরণ করিবে? আপনার ঐশ্বর্য্য এই যজ্ঞশালায় আবদ্ধ। ভোজনাষেধী দেবতা ও মানবগণই তাহাতে তৃপ্ত থাকেন এবং ঐরূপ ঐশ্বর্য্যকে বহুমান করেন। দেবদেব মাতার দেবঋষিবাঞ্ছিত অনিমাди পদানত করিয়াছেন, প্রযুক্তি নিরুক্তি উভয় ধর্ম্মই তাঁহার অনুগত। আপনি এই তুচ্ছ ঐশ্বর্য্যে অসুয়াপরবশ হইয়া সেই মহেশ্বরের সকল গুণেই দোষ দেখিয়া তাহাকে নিয়ত দ্বেষ করিতেছেন। অতএব

কর্ণৌ পিধায় নিরিয়াদ্ যদকল্পে শ ধর্ম্মাবিধ্যাশুণিভিন্ভিভিন্নমানৈঃ ।

চিন্তাং প্রসহ কবচীমসতাং প্রভুশ্চৈব তিস্বামহনপি ততো বিস্তুজেৎ স ধর্ম্মঃ ॥

—উচ্ছৃঙ্খল ব্যক্তি যদি ধর্ম্মরক্ষক নিজ প্রভুর নিন্দা করে, তবে সামর্থ্য থাকিলে তখন সেই অসতের দূষিত জিহ্বাকে ছেদন করা উচিত, নচেৎ নিজের প্রাণত্যাগ করা উচিত, তাহাও না পারিলে কর্ণধ্বংস আচ্ছাদন করিয়া সেস্থান ত্যাগ করিয়া চলিয়া যাইবে। ৪।৪।১৭

সুতরাং আপনার অঙ্গোংপন্ন এই ঘণিত দেহ আমি মৃত দেহের  
 ত্রায় এখনই ত্যাগ করিব।—এই বলিয়া সতী উত্তরাশ্রা হইয়া  
 ভূমিতলে উপবিষ্টা হইলেন এবং আচমনপূর্বক পীতবসনে দেহ  
 আচ্ছাদিত করিয়া যোগপথের পথিক হইলেন। সমাধিজাত  
 অগ্নিদ্বারা তাঁহার দেহ সহসা প্রজ্বলিত হইয়া উঠিল। আকাশে  
 ও ভূমিতলে সুমহান্ হাহাকার উত্থিত হইল। দেবীর অনুচরগণ  
 দক্ষকে বধ করিতে অগ্র উদ্যত করিলেন। তখন ভৃগুমুনি  
 মন্ত্রোচ্চারণ করিয়া যজ্ঞানলে অহতি প্রদান করিলেন। তৎক্ষণাৎ  
 ঋভু নামক সহস্র সহস্র দেবগণ সেই অগ্নি হইতে উত্থিত হইয়া  
 শিবানুচরগণকে প্রহার দ্বারা বিতাড়িত করিয়া দিল।

ভগবান্ রুদ্র নারদের মুখে সতীর দেহত্যাগ ও ঋভুগণ দ্বারা  
 স্বীয় অনুচরগণের পরাভববৃত্তান্ত শুনিয়া দোষে উদ্দীপ্ত হইয়া  
 সহসা স্বীয় জটার একাংশ ছিন্ন করিয়া ভূতলে নিক্ষেপ করিলেন।  
 তাহা হইতে তৎক্ষণাৎ বীরভদ্র নামে অতিকায় ভীষণদর্শন এক  
 মূর্ত্তির আবির্ভাব হইল। সানুচর বীরভদ্র গগনমণ্ডল সমাচ্ছন্ন করিয়া  
 মহাবেগে দক্ষের যজ্ঞশালায় প্রবেশ করিল এবং পশুমাৰ্গ অস্ত্রের  
 দ্বারা দক্ষের মস্তক তাহার দেহ হইতে বিচ্ছিন্ন করিয়া ফেলিল।

দেবতাগণ স্তম্ভ হইয়া ব্রহ্মার নিকট গেলেন। তাঁহারা  
 অলকাপুরী অতিক্রম করিয়া সৌগন্ধিক নামক উপবনে বীরাসনে  
 উপবিষ্ট, ঋষিগণপুত্র, নারদের প্রতি বেদোপদেশ-দান-রত  
 ভগবান্ কৈলাসপাদিকে দেখিতে পাইলেন। ব্রহ্মা ও মহেশ্বর  
 মস্তক অবনত করিয়া পরস্পরকে প্রণাম করিলেন। ব্রহ্মা সেই  
 দেবদেবের হৃদ করিয়া বলিলেন, আপনি একাধারে শিব ও  
 শক্তিরূপে সৃষ্টি স্থিতি সহায়, এবং দক্ষকে স্তম্ভনাম্ন করিয়া  
 বর্ণাশ্রমের সেতু স্বরূপে যজ্ঞের ও জীবের সর্বপ্রকার শুভাশুভের  
 বিধান করিয়াছেন। তথাপি, দক্ষযজ্ঞে এ বিপর্যায় কেন?  
 দেব, এক্ষণে প্রসন্ন হইয়া সেই যজ্ঞের ও দক্ষাদি সকলের নষ্ট  
 দেহের উদ্ধার সাধন করুন এবং নিজ যজ্ঞভাগ গ্রহণ করুন।

আশুতোষ কহিলেন, ব্রহ্মান, মর্যাদা রক্ষার জন্য আমাকে এই দণ্ডের বিধান করিতে হইয়াছিল। এক্ষণে দক্ষ ছাগমুণ্ড ও ভৃগু ছাগশূর প্রাপ্ত হউক এবং অগ্ন্যাগ্ন দেবতা ও মুনিগণের অঙ্গবৈকল্য দূরভূত হউক। দেবগণের অনুরোধে শিব যজ্ঞস্থানে গমন করিলেন। দক্ষ পুনর্জীবিত হইয়া শিবের স্তব করিয়া বলিলেন, আমার সমুচিত দণ্ডলাভ হইয়াছে, এক্ষণে আপনি আমাদের প্রতি প্রসন্ন হউন। তখন যজ্ঞ পুনরায় আরম্ভ হইল। দোষ-শুদ্ধির জন্য ব্রাহ্মণগণ ত্রীবিধঃ সপ্তদ্বীপ হোম করিলেন। যজ্ঞেশ্বর ত্রীহরি তখন স্বীয় পৈতৃক দিগ্‌মণ্ডল উদ্ভাসিত করিয়া গরুড়-পৃষ্ঠে উপবিষ্ট হইয়া যজ্ঞস্থলে উদ্ভিত হইলেন। তাঁহাকে দেখিয়া সকলে সমস্ত্রমে গাত্রোথান করিলেন, এবং প্রথমে দক্ষ, পরে যথাক্রমে ঋত্বিক মদন্ত রুদ্র ভৃগু ব্রহ্মা ইন্দ্র ঋষিগণ সিদ্ধগণ দক্ষপত্নী প্রসূতি অগ্নি বিজ্ঞাধর ও ব্রাহ্মণগণ তাহার স্তব করিলেন। শ্রীভগবান কহিলেন, আমি এক, ব্রহ্মা শিব আমারই রূপ, স্বতন্ত্র সত্তা নহে।—

ত্রয়াণামেকান্বানাম যো ন পশ্যতি বৈ ভিদাম্ ।

সৰ্বভূতানাম ব্রহ্মন্ মা শাস্ত্রমনিগচ্ছতি ॥ ৭:৭:৫৪

—ব্রহ্মন, সর্বভূতের আত্মা স্বরূপ একতাবাপন্ন স্বরূপত্রয়কে যিনি ভেদদৃষ্টিতে না দেখেন, তিনিই শাস্ত্র লাভ করেন।

দক্ষ ভগবান্ ত্রীহরির অর্চনা করিয়া রুদ্রকে যজ্ঞভাগ দিলেন, ও ঋত্বিকগণ সহ যজ্ঞ-সমাপনমুচক অবভূথ জ্ঞান করিলেন। দেবগণ দক্ষকে ‘যজ্ঞে মতি হউক’ এই বরদান করিয়া স্ব স্ব স্থানে প্রস্থান করিলেন।—দক্ষনন্দিনী সত্তা পরে হিমালয়পত্নী মেনকার গর্ভে জন্মগ্রহণ করিয়া পুনরায় ত্রীশম্বুকেই ভজন করিয়াছিলেন।

## ৮- ১২ অধ্যায়

উত্তানপাদ, ঋক, নারদ গন্ধু

মমু ও শতরূপার প্রিয়ব্রত ও উত্তানপাদ নামে যে দুই পুত্রের কথা বলিয়াছি (১০ পৃঃ দেখুন), উক্তদ্বো উত্তানপাদের দুই স্ত্রী, সুরুচি ও সুনীতি। সুরুচির গর্ভে উত্তম ও সুনীতির গর্ভে ঋক নামে পুত্র জন্মে। সুনীতি অপেক্ষা সুরুচি পাত্র অধিকতর প্রিয় ছিলেন। একদা উত্তমকে রাজকোড়ে উপবিষ্ট দেখিয়া ঋকও পিতার কোড়ে উঠতে চাহিলেন। সুরুচি বলিলেন, ঋক, তুমি আমার সপত্নীগর্ভজাত, সূতরাং রাজসিংহাসনে তোমার স্থান নাই। শ্রীহরির তপস্যা দ্বারা আমার গর্ভে আসিয়া জন্মিতে পারিলে তবে ঐ ছল্লভ স্থান লাভ করিতে পার।—শিশু ঋক বিমাতার এই মর্গভেদী বাক্যবাণে আহত হইয়া কঁাদিতে কঁাদিতে মাতার নিকট গেলেন। সুনীতি তাঁহাকে বলিলেন, বৎস, আমি নিতান্ত দুর্ভাগা, রাজার অপ্রিয়। বিনাতা তোমাকে ঠিকই বলিয়াছেন যে একান্ত চিন্তে শ্রীহরির উপাসনা ছাড়া তোমার রাজসিংহাসন লাভের আর কোন উপায় নাই।—ঋক মাতার কথা শুনিয়া তৎক্ষণাৎ পিতৃগৃহ হইতে বহির্গত হইয়া গেলেন। তখন দেবর্ষি নারদ ঋকের নিকট আবির্ভূত হইয়া তাঁহাকে বলিলেন, বৎস, তুমি এমনে মাত্র গাণ্ডম বর্ষীয় বালক, তোমার আবার সম্মান অসম্মান কি? কন্দই সুখ দুঃখের বীজ, দৈব যাহা দেন তাহাতেই তৃপ্ত থাকা উচিত। তপস্যা অতি দুষ্কর, শ্রীভগবান্ও অতীব দুস্প্রাপ্য। অতএব তুমি নিবৃত্ত হও, গৃহে ফিরিয়া গিয়া সদাচরণ দ্বারা সকলকে তুষ্ট কর।—ঋক বলিলেন, প্রভু, দুর্ভবনীর ক্ষত্রিয়-স্বভাববশতঃ বিমাতার দুর্ব্বাক্যাবদ্ধ আমার হৃদয়ে আপনার এই সত্বপদেশ স্থান পাইতেছে না। আপনি আমাকে আমার অভিলষিত পথ দেখাইয়া দিন।—নারদ বলিলেন, বৎস, আমি তোমাকে পরীক্ষা করিতেছিলাম। তুমি ঠিকই বলিয়াছ, শ্রীহরির পদসেবাই এক মাত্র পথ। তুমি যমুনাতীরবর্তী মধুবনে গমন কর।

সেখানে সেই সর্বাক্রমোন্নত হরি নিত্য অবস্থিত, তিনি মৃদুমন্দ হাস্তে ও অনুরাগরঞ্জিত দৃষ্টি দ্বারা ভক্তগণকে নিয়ত কৃপা করিতেছেন। আমি তোমাকে একটি সিদ্ধ মহামন্ত্র প্রদান করিতেছি, এই মন্ত্র দ্বারা নিরন্তর একাগ্রচিত্তে তাঁহার অর্চনা করিবে।—তখন নারদ তাহাকে ‘ও নমো ভগবতে বাসুদেবায়’, এই মন্ত্রটী প্রদান করিলেন। ঋষি নারদের বাক্যানুসারে মধুবনে প্রস্থান করিলেন। শ্রীনারদ উত্তানপাদের নিকট গিয়া শিশু পুত্র ঋষের বিরহে সন্তপ্ত রাজাকে আশ্বস্ত করিলেন।—

মা মা শুচঃ স্বতনয়ঃ দেবগুপ্তঃ বিশাম্পতে ।

তৎপ্রভাবমবিজ্ঞায় প্রায়ুক্তে যদ্যশোজগৎ ॥ ৪।৮।৬৮

—হে রাজন্, তোমার পুত্রকে দেবতারা রক্ষা করিতেছেন। তাহার জন্ম শোক করিও না। তুমি তাহার প্রভাব বুঝিতে পারিতেছ না। তাহার যশে জগৎ পূর্ণ হইতেছে।

ঋষি প্রথম পাঁচ মাসেই কঠোর হইতে কঠোরতর, ক্রমে অতীব তীব্র তপস্যায় প্রবৃত্ত হইলেন। তাঁহার প্রাণায়ামসাধনায় লোক সকল শ্বাসকষ্টে পীড়িত হইয়া উঠিল। তখন দেবগণ শ্রীহরির শরণাপন্ন হইলেন।

শ্রীহরি তাঁহাদিগকে আশ্বস্ত করিয়া মধুবনে আসিয়া বালক ঋষিকে দেখা দিলেন। ঋষি, সহসা তাঁহার হৃদয় মধ্যে অবস্থিত রূপ অন্তর্হিত হইল দেখিয়া, চম্ভুরাশ্রয় করিলেন। সম্মুখেই সেই মনোমোহন রূপ উপস্থিত দেখিয়া প্রথমেই দণ্ডবৎ, পরে যেন চক্ষুদ্বারা পান, মুখ দ্বারা চুম্বন ও বাহু দ্বারা আলিঙ্গন করিলেন। ঋষি অতি বালক, স্তব করিতে আকাঙ্ক্ষা হইল, কিন্তু স্তব জানেন না। শ্রীভগবান তখন বেদময় শঙ্খদ্বারা তাহার কপোলদেশ স্পর্শ করিলেন। ভক্তিগদগদ চিত্তে ঋষি তখন ভগবানের স্তব করিলেন। শ্রীহরি প্রীত হইয়া বলিলেন, হে সুব্রত, তুমি বহুকাল পিতৃত্যাগী রাজ্য শাসন করিবে। তোমার ভ্রাতা মৃগয়ায় গমন করিয়া নিরুদ্দিষ্ট হইলে তোমার

বিমাতা সুরুচি তাহার অনুসন্ধানে গিয়া দাবানলে দগ্ধ হইবে। ‘ঋবলোক’ নামে একটি লোক তোমাকে দান করিতেছি, তুমি অস্তিমকালে আমাকে স্মরণ করিয়া সেই লোকে গিয়া আমার নিজধামে প্রবিষ্ট হইবে।—এই বলিয়া তিনি ঋবকে নিজ পদ দান করিয়া স্বধামে গমন করিলেন। ঋব অনতিপ্রীত চিত্তে শ্রীভগবানের নির্দেশানুযায়ী পিতৃগৃহে প্রত্যাগমন করিলেন। তিনি ভাবিতে লাগিলেন, অহো, আমি কি মন্দভাগ্য, রাজাধিরাজের নিকট আমি সতুষ তণ্ডুলকণা প্রার্থনা করিলাম!— শ্রীমৈত্রেয় বলিলেন,—

ন বৈ মুকুন্দস্ত পদারবিন্দয়ো রজ্জোজুষস্তাত ভবাদৃশা জনাঃ ।

বাৎসন্ত তদাস্তমৃতের্থমাশ্রনো যদৃচ্ছ্যালক্ক মনঃসমৃদয়ঃ ॥ ৪।১।৩৬

—তাত বিত্তর, তোমার ছায় বাহারা মুকুন্দের পাদরঞ্জের ভজনা করেন, তাঁহারা তাঁহার দাস্য ব্যতীত আর কিছুই চাহেন না। বাহা কিছু বৃচ্ছাক্রমে আসে, তাহাতেই তাঁহারা সন্তত প্রসন্ন থাকেন।

রাজা উত্তানপাদ ঋবকে স্বরাজ্যে অভিষিক্ত করিয়া বার্ব্বক্যে বনে গমন করিলেন।

ঋব শ্রীহরির নির্দেশমত রাজ্য পালনে ব্রতী হইলেন। ভ্রাতা উত্তম যুগয়ায় গিয়া এক যক্ষ কর্তৃক নিহত হইলে তাহার মাতা সুরুচিও তাহার অনুসন্ধানে গিয়া নিহত হইয়াছেন শুনিয়া মহারাজ ঋব দ্রুতকারী যক্ষগণের দণ্ডবিধানার্থ চতুরঙ্গিণী সেনাসহ কুবেরপুরী অলকা আক্রমণ করিলেন। উভয় পক্ষের বহু সৈন্য হতাহত হইল। পিতামহ মনু ইহা দেখিয়া মহর্ষিগণসহ তথায় আগমন করিলেন এবং বলিলেন,—

।নায়াং মার্গো হি সাধুনাং হৃষীকেশানুবর্তিনাম্ ।

।যদাশ্রানং পরাগৃহ্ণ পশুবদভূতবৈশসম্ ॥ ৪।১।১০

।ন চৈতে পুত্রক ভ্রাতৃহন্তারো ধনদানুগাঃ ।

।বিসর্গাদানরোস্তাত পুংসো দৈবং হি কারণম্ ॥ ৪।১।১২৪

তমেনমজ্জায়নি মুক্তবিগ্রহে ব্যাপাশ্রিতং নিগুণমেকমক্ষরম্ ।

আস্থানমদ্বিচ্ছ বিমুক্তমাত্মদৃগ্ যস্মিন্নিদং ভেদমসৎ প্রতীয়তে ॥

অং প্রত্যগাছনি তদা ভগবত্যনন্ত আনন্দমাত্র উপপন্নসংস্তপ্তো ।

ভক্তিং বিধায় পরমাং শনকৈরবিভাগ্রস্থিং বিভেৎস্তসি মমাহমিতি প্রকটম্ ॥

সংযচ্চ রোষং ভদ্ৰং তে প্রতীপং শ্রেয়সাং পরম্ ।

শ্রুতেন ভূয়সা রাজন্নগদেন যথাময়ম্ ॥

যেনোপস্থষ্টাং পুরুষাল্লোক উদ্বিজতে ভূশম্ ।

ন বৃথস্তদ্বশংগচ্ছেদিচ্ছন্নভয়মাশ্রয়নঃ ॥ ৪।১।১২৯—৩২

—দেহকে আত্মজ্ঞান করিয়া পরস্পরকে হত্যা করা পশুর কার্য। হযীকেশের অন্তবর্তী সাধুগণের পথ নহে। পুত্রক, এই কুবেরান্নবংশ তোমার ভাতৃহস্তা নহে, দৈবই পুরুষের জন্মমৃত্যুর কারণ। তুমি আত্মদর্শী হইয়া সেই অদ্বৈতীয় নিগুণ অক্ষর পরমাত্মার অবেষণ কর। তিনি নির্বিরোধ অন্তঃকরণে বাস করেন। তাঁহাকে উপলব্ধি করিতে পারিলে সর্বপ্রকার ভেদজ্ঞান মিথ্যা বলিয়া প্রতীত হয়। সেই অনন্ত সর্বশক্তিমান আনন্দৈকমাত্র ভগবানের প্রতি ভক্তি দ্বারা তুমি 'আমি, আমার' রূপ অজ্ঞানজ বন্ধন ক্রমশঃ ছেদন করিতে সক্ষম হইবে। ক্রোধ সকল মঙ্গলের প্রতিকূল। শাস্ত্রজ্ঞানরূপ ঔষধ দ্বারা এই রোগকে নষ্ট কর। ক্রুদ্ধ ব্যক্তি হইতে লোক বড়ই উদ্বিগ্ন হয়। কল্যাণকামী কখনও ইহার অধীন হন না।

পিতামহকে প্রণাম করিয়া ঋষ যুদ্ধ হইতে নিবৃত্ত হইলেন এবং কুবেরকে স্তবাদি দ্বারা প্রসন্ন করিয়া তাঁহার সঙ্গে সখ্য স্থাপন করিলেন।

ঋষ নিয়ত ত্রীঅচ্যুতকে আপনাতে ও সর্বভূতে দর্শন এবং তাঁহার অর্চনা করিয়া বহুকাল রাজ্য শাসন করিলেন। অবশেষে সংসারকে অবিভারচিত স্বপ্নদৃষ্ট গন্ধর্ব্বনগরের ন্যায় অতি তুচ্ছ মনে করিয়া সমস্ত পরিত্যাগ ও পুত্রকে রাজ্যদান করতঃ বদরিকাত্রমে প্রস্থান করিলেন। ভক্তিবোগে পুলকাক্ষপূরিত হইয়া তিনি দেহাভিমান হইতে মুক্ত হইলেন। অন্তিমে বিষ্ণুপার্ষদ সুনন্দ ও নন্দ ত্রীবিষ্ণুপ্রেরিত এক বিমানে আরোহণ করাইয়া তাঁহাকে পূর্ব্বনির্দিষ্ট ঋষলোকে লইয়া গেলেন।



অঙ্গ, বেণ, পুত্র, সমৎকুমারাদি

ঐবের দুই পুত্র, উৎপল ও বৎসর। উৎপল—

স জন্মনোপশাস্তাত্মা নিঃসঙ্গঃ সমদর্শনঃ ।

দদর্শ লোকে বিততমাত্মানং লোকমাত্মনি ॥ ৪।১৩।৭

—জন্মাবধি শাস্ত অনাসক্ত ও সমদর্শী ছিলেন। তিনি সর্বভূতে পরমাত্মাকে ও পরমাত্মায় সর্বলোককে দর্শন করিতেন।

উৎপল পিতৃরাজ্য গ্রহণ করিতে ইচ্ছা করিলেন না। মন্ত্রী ও কুলবৃদ্ধগণ বৎসরকে রাজ্যে অভিষিক্ত করিলেন। তাহার বংশে অঙ্গ নামে এক রাজা হন। তিনি নিঃসন্তান থাকায় এক যজ্ঞ করিয়া বেণ নামে এক পুত্র লাভ করিলেন। বেণ বাল্যেই অতি ছুৰ্বৃত্ত হইয়া উঠিল। রাজা অঙ্গ কিছুতেই তাহাকে শিক্ষা দিতে বা শাসন করিতে পারিলেন না। একদিন অন্ধরাত্রিতে অতি নির্বিবলচিত্তে তিনি পুরজনের অজ্ঞাতে শয্যাভ্যাগ করিয়া গৃহ হইতে বহির্গত হইয়া গেলেন। বহু যত্নেও তাহার কোন সন্ধান পাওয়া গেল না। রক্ষকের অভাবে রাজ্যে উৎপাত দর্শন করিয়া ভৃগু প্রভৃতি মুনিগণ অগত্যা বেণকে রাজ্যে অভিষিক্ত করিলেন। বেণ আরও উদ্ধত হইয়া মহাত্মাগণকে অপমান করিতে লাগিল ও যজ্ঞদানাদি ধর্ম্মানুষ্ঠান নিষিদ্ধ করিয়া দিল। সে বলিল, যজ্ঞ কি? নৃপতি সর্বদেবময়, সূতরাং আমি ছাড়া ঈশ্বর কে? তোমরা সকল যজ্ঞোপহার আমাকে প্রদান কর।—ধর্ম্ম ও রাজ্য রক্ষার আর অন্য উপায় না দেখিয়া ব্রাহ্মণগণ হুঙ্কার দ্বারা বেণকে সংহার করিলেন। শাসক অভাবে পুনরায় দস্যুতন্ত্রের উৎপাত আরম্ভ হইল—

ব্রাহ্মণঃ সমদৃক্ শাস্তো দীনানাং সমুপেক্ষকঃ ।

সবতে ব্রহ্ম তস্তাপি ভিন্নভাণ্ডাং পয়ো যথা ॥ ৪।১৪.৪১

—শাস্ত্র সমদর্শী ব্রাহ্মণও যদি অনাথের ক্লেশ মোচনে উপেক্ষা করেন, তবে ভয়পাত্র হইতে ছুঁতের ছায়া তাঁহার ব্রহ্মতপ ক্ষরিত হইয়া যায়।

তখন ব্রাহ্মণগণ বেণের বাহু মগ্ন করিতে লাগিলেন। তাহাতে এক পুরুষ ও এক স্ত্রীর উদ্ভব হইল। ঐ পুরুষ পৃথু, ঐ অর্জি। তাঁহারা পতি ও পত্নী হইলেন। পৃথুকে কুবের আসন, বরুণ ছত্র, বায়ু চামর, ধর্ম মাল্য, ইন্দ্র কিরীট, যম দণ্ড, ব্রহ্মা বর্ম, সরস্বতী হার, নারায়ণ সুদর্শনচক্র, লক্ষ্মী স্ত্রী, রুদ্র অসি, পার্বতী চর্ম, মিত্র অশ্ব, বিশ্বকর্মা রথ, অগ্নি ধনু, সূর্য্য বাণ, পৃথিবী পাছুকা, স্বর্গ পুষ্পাঞ্জলি, গন্ধর্ব্ব ও বিদ্যাধরগণ সঙ্গীতবাত্ত, ঋষিগণ আশীর্বাদ ও সমুদ্র শঙ্খ উপহার দিলেন। সমুদ্র নদী ও পর্ব্বত রথমার্গ প্রদান করিল। সূত মাগধ ও বন্দিগণ তাঁহার স্তব করিতে উদ্যত হইল। তখন পৃথু বলিলেন,

কিমাশ্রয়ো মে স্তব এষ ষোজ্যতাং মা ময্যভুবন্ বিতথা গিরো বঃ। ৪।১৫।২২

প্রভবো হ্যাত্মনঃ স্তোত্রং জুগুপ্সন্ত্যপি বিশ্বতাঃ।

হ্রীমন্তঃ পরমোদারাঃ পৌরুষং বা বিগর্হিতং ॥ ৪।১৫।২৫

—আমি ত তোমাদের স্তবের যোগ্য কিছুই করি নাই, তোমরা তবে কি অবলম্বন করিয়া আমার প্রতি স্তব প্রয়োগ করিবে? তোমাদের বাক্য যেন মিথ্যা না হয়। পরমোদার হ্রীমান্ পুরুষেরা সমর্থ বা খ্যাতিমান্ হইলেও আপনার প্রশংসাকীর্তনকে নিন্দনীয় মনে করেন।

তখন সমবেত সকলে তাঁহাকে অভিনন্দিত করিয়া ধর্ম্মোদ্দেশে রাজ্য-শাসনে উদ্বুদ্ধ করিলেন। এইরূপে পৃথু রাজ্যে অভিষিক্ত হইলে প্রজাগণ ক্ষুধায় কাতর হইয়া তাঁহার নিকট আসিয়া অন্ন প্রার্থনা করিল। পৃথু বৃষ্টিতে পারিলেন, পৃথিবী, ওষধি ও বীজ সকল গ্রাস করিয়া ফেলিয়াছে। ক্রুদ্ধ হইয়া তিনি পৃথিবীর প্রতি শরসঙ্কানে উদ্যত হইলেন।

ধরণী পৃথুর স্তব করিয়া বলিলেন, রাজন, লোকপালগণ বহুকাল রাজ্য শাসন করেন নাই। দস্যু ও তস্করগণ আমার সমস্ত ধন ন করিতেছে দেখিয়া যজ্ঞরক্ষার্থ আমি বীজ সকল গ্রাস

করিয়াছি। এক্ষণে উহার জীর্ণ হইয়া গিয়াছে। সুতরাং আমি গোরূপ ধারণ করি, উপযুক্ত বৎস দোহা ও দোহনপাত্র লইয়া সকলে আমার ক্ষীররূপ অন্ন দোহন করুন। আর আপনি আমাকে এরূপ সমতল করুন, যেন বর্ষার জল সর্বত্র সমভাবে আমার পৃষ্ঠে অবস্থান করিতে পারে। তখন পৃথু অল্পরূপ বৎস দ্বারা ওষধি সকল, ঋষিগণ বৃহস্পতি দ্বারা বেদ, দেবগণ ইন্দ্র দ্বারা মন ইন্দ্রিয় ও দেহশক্তি, অশ্বরগণ প্রহ্লাদা দ্বারা সুরা ও আসব, গন্ধর্ব্ব ও অপ্সরাগণ বিশ্বাবসু দ্বারা সঙ্গীত ও সৌন্দর্য্য, পিতৃগণ অর্য্যমা দ্বারা তাঁহাদিগের উপযোগী অন্ন, কপিলদেব দ্বারা সিদ্ধগণ অগ্নিমাди সিদ্ধি ও বিজ্ঞাধরগণ গেচর বিজ্ঞা, কিস্পুরুষাদি ময়দানব দ্বারা মায়াবিজ্ঞা, যক্ষরাক্ষসাদি রুদ্র দ্বারা রুধিরাসব, সর্পগণ তক্ষক দ্বারা বিষ, পশুমধ্যে তৃণভোজীগণ ব্যুহ দ্বারা তৃণ ও মাংসালীগণ সিংহ দ্বারা মাংস, বৃক্ষগণ বট দ্বারা রস এবং ভূধরগণ হিমালয় দ্বারা বিবিধ ধাতু দোহন করিয়া লইল। পৃথু স্বীয় ধনু দ্বারা পর্ব্বতগুপ্ত সকল চূর্ণ করিয়া পৃথিবীকে সমতল করিলেন, এবং তাহাতে ধরণীপৃষ্ঠে ক্রমে গ্রাম পুর পত্তন দুর্গাদি নিৰ্ম্মিত হইল। পূর্বে ঐ সকল কিছুই ছিল না। প্রজাগণ সুখে ও নির্ভয়ে বাস করিতে লাগিল।

অতঃপর তিনি ব্রহ্মাবর্ত্ত দেশের যে স্থানে সরস্বতী পূর্ব্বমুখে প্রবাহিতা হইয়াছেন, সেখানে শত অশ্বমেধ অনুষ্ঠানে দীক্ষিত হইলেন। ইন্দ্র ঈর্ষাবশতঃ নানারূপ চন্দ্রবেশে তাঁহার শততম অশ্বমেধের অশ্ব পুনঃ পুনঃ অপহরণ করিতে লাগিলেন। পাষণ্ড লোকগণের মতি ঐ সকল বেশ দেখিয়া বিভ্রান্ত হইতে লাগিল।—

ধর্ম্ম ইত্যুপধর্মেষু নগ্নরক্তপটাদিষু।

প্রায়েণ সজ্জতে ভ্রান্ত্যা পেশলেষু চ বাগিষু ॥ ৪।১।৯২৫

—নগ্ন রক্তবসনধারী ঐ সকল উনধর্ম্মীগণের আপাতমধুরবাক্যে বিভ্রান্ত হইয়া প্রায়ই লোকে উহাতে আসক্ত হইয়া থাকে।

তখন ইন্দ্রকে সংহারজ্ঞা যাজ্ঞিক ব্রাহ্মণগণ যজ্ঞদেবকে আহ্বান করিতে উত্তত হইলে, প্রথমে ব্রহ্মা পরে স্বয়ং বিষ্ণু আসিয়া পৃথুকে নিবৃত্ত করিলেন। বিষ্ণু বলিলেন, তুমি দেহাসক্তি ত্যাগ কর, এবং—

সমঃ সমানোত্তমমধ্যমাধমঃ সূখে চ দুঃখে চ জিতেন্দ্রিয়শয়ঃ ।

ময়োপকম্পাখিললোকসংযুতো বিধৎস্ব বীরাখিললোকরক্ষণম্ ॥ ৪।২০।১৩

—হে বীর, তুমি সুখ দুঃখকে সমান এবং উত্তম অধম মধ্যমে সমবুদ্ধি ও জিতেন্দ্রিয় হইয়া আমার বিধান অনুযায়ী এই অখিল প্রজাগণের পালন ও রক্ষণ কর ।

সনকাদি মহর্ষিগণ শীঘ্রই তোমাকে দর্শন দিবেন।—ব্রহ্মা বিষ্ণু এবং অত্যাগ সকলে স্ব স্ব স্থানে প্রস্থান করিলেন ।

মহারাজ পৃথু গঙ্গা ও যমুনার মধ্যবর্তী ভূমিতে বাস করিতেন । তিনি একদা নিজ প্রজাগণকে স্বধর্ম্মে প্রতিষ্ঠিত করিবার জন্য সকলকে সমবেত করিয়া বলিলেন—

তৎ প্রজা ভর্তৃপিতৃর্গং স্বার্থমেবানুসরতঃ ।

কুরুতাপোক্ষজয়িষ্যছি মেহুগ্রহঃ কৃতঃ ॥ ৪।২।১২২

তোমেব যুগং ভক্ততাত্ত্ব্যবতিভির্মনোবৎঃ কার্যজ্ঞৈঃ স্বকর্ম্মভিঃ ।

অমায়িনঃ কামদুর্বাণ্যে পঙ্কজং যথাদিকাণাবসিতার্থসিদ্ধয়ঃ ॥ ৪।২।১৩৩

—হে প্রজাগণ, তোমরা ক্রীহবির চরণকমলে স্থির মতি রাখিয়া নিজ নিজ কর্তব্যের অনুষ্ঠান কর, তাহা হইলেই তোমাদের ভরণকর্ত্তা আমার পিণ্ডদান ও পরলোকের হিত সাধন করা হইবে। তোমরা সরল চিত্তে সিদ্ধিলাভে কৃতনিশ্চয় হইয়া স্ব স্ব অধিকার অনুযায়ী নিজ নিজ বৃত্তিগত কর্ম্ম দ্বারা সর্বাভীষ্টপ্রদ তাঁহার ক্রীপাদপদ্বয়ের ভজনা কর ।

কর্ম্মফলদাতা পরমেশ্বর নিশ্চয় একজন আছেন, তিনিই গদাধর নারায়ণ । বেণ প্রভৃতি মোহমুগ্ধ কতিপয় ব্যক্তি ইহা স্বীকার করেন না, তাঁহারা শোচ্য । তোমরা ব্রহ্মকুলের সেবাদ্বারা চিত্ত শুদ্ধ কর।—সকলে পৃথুকে সাধুবাদ, এবং চিরকাল সুখে জীবন যাপন কর—সমাঃ সঞ্জীব শাস্বতীঃ—এইরূপ আশীর্ব্বাদ

করিলেন, এবং বলিলেন, বেণ রাজা হিরণ্যকশিপুৰ ছায় আজ সত্যই এই পুত্র দ্বারা নরক হইতে পরিত্রাণ লাভ করিল।

একদিন সূর্য্যাতুল্য তেজস্বী সনৎকুমারাদি চারজন ঋষি পৃথুর নিকট আসিয়া উপস্থিত হইলেন। রাজা তাঁহাদের পাদ প্রক্ষালন করিয়া সেই জলে নিজ কেশবন্ধন ধৌত করিলেন এবং বলিলেন, আজ আমি ধন্ত—

অধনা আপি তে ধন্যাঃ সাধবো গৃহমেধিনঃ ।

ষদৃগৃহা হর্ষবর্ধ্যাসু তৃণভূমীশ্বরাবরাঃ ॥

ব্যালালয়ক্রমা বৈ তেহ্যপ্যরিত্তাখিলসম্পদঃ ।

ষদৃগৃহান্তীর্থপাদৌয়পাদতীর্থবিবর্জিতাঃ ॥ ৪১-২১০-১১

—বাহাদিগের গৃহে আপনাদের ছায় পূজ্যভগবানের সেবার জন্ত জল তৃণ ভূম্যাদি সর্বদা বর্তমান থাকে, তাহারা নিধন হইলেও ধন্ত। যে গৃহ তীর্থতুল্য সাধুগণের পদলাভে বঞ্চিত, নিখিল সম্পদে পূর্ণ হইলেও সেই গৃহ সর্পগণের আবাসগৃহের তুল্য।

মুনিগণ, সংসারতপ্ত জনগণের কি উপায়ে শ্রেয়োলাভ হইতে পারে?—সনৎকুমার বলিলেন,

রতির্দ্রাণা বিধুনোতি নৈষ্টিকো কামং কষায়ং মলমন্তরাশ্বনঃ ॥

শাস্ত্রেষ্মিয়ানেব স্তনিশ্চিতো নৃণাং ক্ষেমস্ত সধ্যাশ্মিশেষু হেতুঃ ।

অসঙ্গ আত্মব্যতিরিক্ত আত্মনি দৃঢ়া রতিব্রহ্মণি নিগুণে চ য়া ॥

যৎপাদপঙ্কজপলাশাবলাসভক্ত্যা কস্মীশয়ং গ্রথিতমুদগ্রথয়ন্তি সন্তঃ ।

তত্শর রিক্তমতয়ো যতয়োহপি রুদ্ধশ্রোতোগণাস্তমরণং ভজ বাসুদেবম্ ॥

—শ্রীহরির চরণে একনিষ্ঠ চুল্লভ মতি অন্তরের কামনারূপ মলকে বিধৌত করে। আত্মা ভিন্ন অস্ত্র সমস্ত পদার্থে বৈরাগ্য এবং গুণাতীত ব্রহ্মে দৃঢ়া রতি—শাস্ত্রে ইহাই জীবের কল্যাণলাভের হেতু বলিয়া নিশ্চিত হইয়াছে। তাঁহার চরণকমলে ভক্তিধারা সাধুগণ যেমন (সহজে) হৃদয়গ্রন্থি সকল ছিন্ন করিয়া ফেলেন, বিষয়নির্লিপ্ত ইঞ্জিয়নিরোধী যতিগণ তেমন (সহজে) পাবেন না। অতএব সেই চরণশরণ বাসুদেবের ভজনা কর। ৪১-২১২০, ২১, ৩৩

সেই মহর্ষিগণ পৃথক পৃথক পূজিত হইয়া আকাশ পথে প্রস্থান করিলেন। পৃথু যোগযুক্ত কস্মীশ্বরীনে প্রবৃত্ত হইলেন। লজ্জা

বিনয় সুশীলতা পরোপকারে তিনি অদ্বিতীয় হইলেন। বার্কাক্য উপনীত হইলে তিনি পুত্র হস্তে রাজ্যভার অর্পণ করিয়া সস্ত্রীক বনগমন করিলেন।—

‘এবং স বীরপ্রবরঃ সংযোজ্যামানমাস্মি।

ব্রহ্মভূতো দৃঢ়ং কালে তত্যাজ স্বং কলেবরম্ ॥ ৪।২৩।১৩

—এইকপে সেই বীরপ্রবর নিজ আত্মাকে পরমাত্মাতে দৃঢ়ভাবে সংযুক্ত করিয়া স্বয়ং কলেবর ত্যাগ করিলেন।

তাহার পত্নী অর্চি অনুমুতা হইলেন।

## ২৪ (প্রধানংশ) ও ২৫—২৯ অধ্যায়

### প্রাচীনবর্হি-নারদ

পুথুর পুত্র বিজিতাশ্ব বা অমৃতধ্বনি করগ্রহণ ও দণ্ড বিধানাদি কার্য পরপীড়াদায়ক মনে করিয়া এক সুবৃহৎ যজ্ঞে সর্বস্ব ব্যয় করিয়া পুরুষোত্তমেব অর্চনা দ্বারা ভগবল্লোক প্রাপ্ত হইলেন। তৎপুত্র হবির্ধানের পুত্র বর্হিষৎ বা প্রাচীনবর্হি ক্রিয়াকাণ্ডে বহু পশু হত্যা কবেন। একদা দেবর্ষি নারদ আসিয়া তাহাকে বলিলেন, রাজন, তোমার এই সকল কর্ম দ্বারা দুঃখনিবৃত্তি বা সুখপ্রাপ্তি কিছুই হইবে না। নিহত পশুগণ তোমার মৃত্যু হইলেই লৌহময় শৃঙ্গ দ্বারা তোমাকে ছিন্ন ভিন্ন করিবে। রাজা বলিলেন, প্রভু, আমাকে সজ্ঞান উপদেশ করুন। তখন জ্ঞানারদ তাহাকে একটি আখ্যান বলিলেন। রাজা পুরঞ্জন যোগ্য বাসস্থানের অন্বেষণে হিমালয়ের দক্ষিণ সান্নিদেশে একাদশ সেনাপতি ও একটি পঞ্চশীর্ষ-সর্প-রক্ষিত নবদ্বার-বিশিষ্ট এক সুরম্য পুরী ও তন্মধ্যে এক রূপসী রমণী দেখিতে পাইলেন। পরস্পরের প্রতি মুগ্ধ হইয়া উভয়ে সেই পুরীতে একত্র বাস করিতে লাগিলেন। পুরঞ্জন সর্বদা সর্বপ্রকারে ঐ রমণীর অনুসরণ ও অনুসরণ করিয়া নানা উপভোগ ও বিহারে মত্ত হইলেন। একদিন দ্বিচক্র পঞ্চাশযোজিত রথে মৃগয়া করিতে

গিয়া তিনি বহু পশু নিহত করিলেন এবং শ্রান্ত হইয়া গৃহে ফিরিয়া  
 অভিমানিনী পত্নীর উপাসনা করিয়া তাহার সহিত কামোন্মত্ত  
 হইলেন। বহু পুত্র কন্যা জন্মিল। তারপর চণ্ডবেগ নামে এক  
 দুর্বৃত্ত ৩৬০ জন গন্ধর্ব্ব, সমসংখ্যক গন্ধর্ব্বী ও এক কন্যাসহ আসিয়া ঐ  
 পুরী বিশ্বস্ত করিল। এক যবনেশ্বর আসিয়া তাহার সেনাপতিকে  
 পরাভব করিয়া পুরঞ্জনকে বন্ধন করিয়া লইয়া গেল। পুরঞ্জন  
 শ্রীহ প্রাপ্ত হইয়া মলয়ধ্বজ নামে এক রাজার পত্নী হইল ও ঐ  
 রাজার দেহান্তে শোকগ্রস্ত হইয়া সহমরণে উত্তত হইল। তখন  
 এক বৃদ্ধ ব্রাহ্মণ তথায় উপনীত হইয়া তাকে বলিলেন, তুমি কে  
 এবং কাহার? এই শায়িত পুরুষটিই বা কে? তুমি ও আমি  
 মানসসরোবরচারী দুইটি হংস ছিলাম, তুমি আমাকে পরিত্যাগ  
 করিয়া বিষয়মুখ ইচ্ছা করিয়া রাজা হইলে, আমাকে চিনিতে  
 পারিলে না। আমারই বিরচিত মায়াবলে তুমি উদ্ভ্রান্ত হইয়া  
 ছিলে। তখন পুরঞ্জনের পূর্বস্মৃতি প্রত্যাবর্তন করিল। রাজা  
 প্রাচীনবাহি কর্তৃক জিজ্ঞাসিত হইয়া নারদ এই রূপক ব্যাখ্যা  
 করিয়া বলিলেন, মহারাজ, পুরুষই পুরঞ্জন, মিত্র ঈশ্বর, রমণী  
 বুদ্ধি, একাদশ সেনাপতি মন প্রভৃতি, দুই দ্বার চক্ষুরাদি, রথ  
 দেহ, অশ্ব ইন্দ্রিয়, দ্বিচক্র পাপ পুণ্য, রশ্মি মন, সারথি বুদ্ধি,  
 মৃগয়া মৃগতৃষা, চণ্ডবেগ সংবৎসর, ৩৬০ গন্ধর্ব্ব-গন্ধর্ব্বী দিন-রাত্রি,  
 চণ্ডবেগকন্যা জরা, যবনেশ্বর মৃত্যু, এবং হংসদ্বয় জীবাত্মা ও  
 পরমাত্মা। রাজন, অহংমম-বোধ কর্মবন্ধন দুঃখ ও নানা  
 জন্মের কারণ। জাগরণ যেমন দুঃস্বপ্নের প্রতিকার, অবিচ্ছাদপ্রসূত  
 সংসারাসক্তি হইতে নিবৃত্তিই তেমন সকল দুঃখের প্রতিকার।  
 পুরুষ পুষ্পোচ্চানে বিচরণশীল হরিণীতে আসক্ত মৃগস্বরূপ। পুত্র-  
 কন্যারূপ অলিকুলের স্তম্ভধুর সঙ্গীতে তাহার চিত্ত নিরন্তর মুগ্ধ।  
 এক দিকে নিতাক্ষীয়মাণ আয়ুরূপ বৃক, অপর দিকে মৃত্যুরূপ ব্যাধ  
 যুগপৎ সেই মৃগের বিনাশসাধনে উত্তত; রমণীমৃগীলুকে ঐ পুরুষ-  
 মৃগ তাহা জানিয়াও জানিতেছে না। রাজন, তুমি ঐ বৃত্তি

পরিত্যাগ কর, সকল কামনা হইতে বিরত হও। বাস্তুদেবে পরা ভক্তিই এই নিবৃত্তি লাভের একমাত্র উপায়। শ্রবণ-কীর্তন জ্ঞান ও বৈরাগ্য জন্মায়, ভয় শোক মোহ আসক্তি সমস্ত দূর করে।

শব্দত্রয়াদি হৃৎপারে চরন্ত উরুবিস্তরে।

মস্তকলৈর্দৈর্ঘ্যবচ্ছিন্নং ভজন্তো ন বিদুঃ পরং ॥ ৪।২৯.৪৫

যদা যমহুগুহ্মাতি ভগবানাত্মভাবিতঃ।

স জহাতি মতিং লোকে বেদে চ পরিনিষ্টিতাম্ ॥ ৪।২৯.৪৬

আত্মীয়া দর্ভে: প্রাগগ্রে: কাংক্ষ্যেন ক্রিতিমণ্ডলম্।

স্তব্ধোবহুধামানী কস্ম নাবৈষি যৎপরম্।

তৎকস্ম হরিতোমং যৎ সা বিজ্ঞা তন্মতির্থয়া ॥ ৪।২৯.৪৭

হরির্দেহভূতামাত্মা স্বয়ং প্রকৃতিরীশ্বরঃ।

তৎপাদমূলং শরণং যতঃ ক্ষেমো নৃণামিহ ॥ ৪।২৯.৫০

স বৈ প্রিয়তমশ্চাত্মা যতো ন ভয়মগ্রপি।

ইতি বেদ স বৈ বিদ্বান্ যো বিদ্বান্ স গুরুইরিঃ ॥ ৪।২৯.৫১

—হৃস্তর বেদমন্ত্র মধ্যে বিচরণ করিয়া মন্ত্র ও লিঙ্গাদি দ্বারা পরিচ্ছিন্ন দেবতার আরাধনা করিয়া তাহারা সেই পরমপুরুষকে জানিতে পারে না। শ্রীভগবান্ আত্মায় ভাবিত হইয়া বাহাকে রূপা করেন, তাহার যে বুদ্ধি বৈদিক ও লৌকিক ক্রিয়ায় নিবদ্ধ ছিল, তাহা দূরীভূত হইয়া যায়। হে রাজন্, তীক্ষ্ণ কুশাগ্রবারা ক্রিতিমণ্ডল আচ্ছন্ন করিয়া বহু পশু বধ করিয়া আপনাকে মহাকন্মী বলিয়া অভিমান করিতেছ, কিন্তু বাহা পরম পদার্থ, তাহাকে জানিতে পারিতেছ না। সেই কস্মই কস্ম বাহাতে শ্রীহরির পরিতোষ হয়, সেই বিজ্ঞাই বিজ্ঞা যদ্বারা তাহাতে মতি জন্মে। সর্বশক্তির আধার সেই শ্রীহরিরই দেহীগণের আত্মা, তাঁহার পদমূলই মানুষের একমাত্র আশ্রয়, তাহাই লোকের একমাত্র কল্যাণ। তিনিই জীবের প্রিয়তম আত্মা, তাঁহা হইতে ভয়ের লেশমাত্র কারণ নাই। যিনি ইহা জানেন, তিনিই প্রকৃত বিদ্বান্, তিনিই গুরু, তিনিই হরি।

রাজা জিজ্ঞাসা করিলেন, ভগবন্, শুনিয়াছি পণ্ডিতেরা বলেন, পুরুষ দেহ দ্বারা কস্ম করে, তাহা ত্যাগ করিয়া পরলোকে অপর এক দেহ প্রাপ্ত হয়, এবং তাহা দ্বারাই কস্মের ফল ভোগ করে। কিন্তু



বেদকর্ম ত পরক্ষণেই অদৃশ্য হয়, তবে আর তাহার ফল ভোগ কি? নারদ বলিলেন, (সঙ্কল্পাদিরূপ) লিঙ্গদেহের ধ্বংস হয় না, তাহা দ্বারাই কর্মফল ভোগ হয়। লিঙ্গদেহের সাহায্যেই পুরুষ পুনরায় স্থূলদেহ গ্রহণ করে যাহা দ্বারা সুখদুঃখাদির বোধ হয়।— এই বলিয়া নারদ রাজার নিকট বিদায় লইয়া সিদ্ধলোকে প্রস্থান করিলেন।

তত্রৈকাগ্রমনা বীরো গোবিন্দচরণাঙ্কুশং ।

বিনতসঙ্গোহনুভং ন ভক্ত্যা তৎসাম্যতামগাং ॥ ৪।২৯৮২

—সেই বীর প্রাচীনবর্হি সেই আশ্রমেই নিঃসঙ্গ হইয়া একান্তমনে শ্রীগোবিন্দের চরণাঙ্কুশ ভজনা করিতে করিতে তাঁহার স্বরূপ প্রাপ্ত হইলেন।

## ২৪ (শেষাংশ) ও ৩০—৩১ অধ্যায়

প্রচেতাগণ, নারদ

শতশ্রুতির গর্ভে রাজা প্রাচীনবর্হির দশটি পুত্র জন্মে। তাঁহারা প্রচেতা নামে খ্যাত। পিতার আদেশে প্রজা সৃষ্টি জগৎ তপস্ত্যার্থে পশ্চিম দিকে গমন কালে তাঁহারা এক সুরম্য সরোবর হইতে নীলকণ্ঠ মহাদেবকে উঠিতে দেখিয়া বিস্মিত হইয়া তাঁহাকে প্রণাম করিলেন। মহাদেব বলিলেন, আমি তোমাদের সঙ্কল্প অবগত হইয়াছি, তোমরা এই মন্ত্র নেও, ইহা জপ করিয়া তপস্ত্যায় প্রবৃত্ত হও।—ঐ মন্ত্র রুদ্র-গীত বলিয়া বিখ্যাত। তাঁহারা সমুদ্রগর্ভে প্রবেশ করিয়া ঐ জপের দ্বারা বহু বৎসর তপস্ত্য করিয়া ত্রীহরিকে প্রীত করিলেন। তিনি আবির্ভূত হইয়া বর দিলেন, তোমরা একধর্ম্মা একটি কন্যাকে বিবাহ করিয়া সহস্র বৎসর বিষয়সুখ উপভোগ কর।

গৃহেষাবিশতাঞ্চাপি পুংসাং কুশলকর্মণাম্ ।

মম্বার্তাষাতম্যমানাং ন বন্ধায় গৃহা মতাঃ ॥

নব্যবদ্ধদয়ে যজ্ঞো ব্রহ্মৈতদ্ ব্রহ্মবাদিভিঃ ।

ন মুহুন্তি ন শোচন্তি ন হন্যন্তি যতো গতঃ ॥ ৪।৩০।১৯,২০

—গৃহে থাকিয়াও বাহারা সকল কৰ্ম্মকে আমারই পরিচর্যা বলিয়া জানেন, আমার কথাপ্রসঙ্গেই আমিই অতিবাহিত করেন, গৃহ তাঁহাদের কোনরূপ বন্ধনের হেতু হয় না। আমি নিত্য নব নব রূপে তাঁহাদের হৃদয়ে আচ্ছিন্ন হই। আমাকে প্রাপ্ত হইলে মানুষ শোক মোহ বা হর্ষে অভিভূত হয় না। ব্রহ্মবাদিগণ এইরূপ লোককে 'ইনিই ব্রহ্ম' বলিয়া থাকেন।  
 তোমাদের বিশ্ববিক্রান্ত এক পুত্র হইবে, তাহার সম্ভান সম্ভতি দ্বারা ত্রিলোক পরিপূর্ণ হইবে।—এই বলিয়া জীহরি অন্তর্হিত হইলেন।  
 প্রচেতাগণ মারিষা নাম্নী এক কন্যাকে বিবাহ করিলেন।  
 পুনঃ জন্মগ্রহণ করিয়া আবার প্রজাপতিরূপে বহু প্রজা সৃষ্টি করিলেন।  
 সহস্র বৎসর অন্তে প্রচেতাদের তত্ত্বজ্ঞানের পুনরুদয় হইল।  
 পুত্রহন্তে সংসারের ভার ত্যক্ত করিয়া তাঁহারা সমুদ্রতটে গিয়া বিষয় হইতে মনকে উপরত করিয়া আশ্রয় হইয়া বসিয়া আছেন, এমন সময় নারদ তথায় আসিয়া উপস্থিত হইলেন।  
 প্রণত হইয়া প্রচেতাগণ তাঁহাকে বলিলেন, "আমরা এতকাল গৃহস্থাশ্রমে আসক্ত হইয়া আপনার পূর্বপ্রদত্ত উপদেশ প্রায় বিস্মৃত হইয়াছি, অতএব আমরা এই দুস্তর ভবসাগর যাহাতে পার হইতে পারি, পুনরায় তাহার উপদেশ দিন।  
 নারদ বলিলেন,—

তজ্জন্ম তানি কৰ্ম্মাণি তদায়ত্তন্মনোবচঃ ।  
 নৃণাং যেন হি বিশ্বাত্মা সেব্যতে হরিরীশ্বরঃ ॥  
 কিং জন্মভিন্দিভির্বেহ শৌক্সাবিব্রবাজ্জিকৈঃ ।  
 কৰ্ম্মভির্বা ত্রয়ীপ্রোক্তৈঃ পুংসোহপি বিবুধ্যুযা ॥  
 ঋতেন তপসা বা কিং বচোভিশ্চিন্তবৃত্তিভিঃ ।  
 বুধ্যা বা কিং নিপুণয়া বলেনেন্দ্রিয়রাধসা ॥  
 কিংবা যোগেন সাংখ্যেন ত্বাসম্বাধ্যায়য়োরাপি ।  
 কিংবা শ্রেয়োভিরশৌচ ন যত্নাশ্রপদো হরিঃ ॥  
 শ্রেয়সামপি সর্বেষামাত্মা হুবধিরর্থতঃ ।  
 সর্বেষামপি ভূতানাং হরিরাত্মাত্মদঃ প্রিয়ঃ ॥ ৪।৩০। ১-১৩

—মাহুঘের সেই জন্মই জন্ম, সেই কৰ্ম্মই কৰ্ম্ম, সেই আয়ুই আয়ু, সেই মনই মন ও সেই বাক্যই বাক্য, বাহা দ্বারা বিখ্যাত হরির সেবা করা হয়। হরির সেবা না করিলে মাহুঘের শৌক্য উপনয়ন ও বজ্র-দীক্ষা নামক তিন জন্মে, বেদোক্ত ক্রিয়াসকলে, দেবতাদের ছায় দীর্ঘ আয়ুতে, বেদপাঠে, তপস্শ্রায়, বাক্যচাতুর্য্যে, শাস্ত্রাদির ধারণা শক্তিতে, বল বুদ্ধি বা ইঞ্জিয়ের কৰ্ম্মপটুতায় ফল কি? শ্রীহরি যেখানে আপনাকে দান না করেন, সেই যোগ, সাংখ্য, জ্ঞান, সন্ন্যাস, বেদপাঠ কিংবা অস্ত্রাস্ত্র শ্রেয়ঃসাধক কৰ্ম্মেই বা কি ফল? যত রকম শ্রেয়োমুষ্ঠান আছে, শ্রীভগবানকে লাভ করাই সকলের শ্রেষ্ঠ অমুষ্ঠান। তিনি সকলের প্রিয়, এবং আপনাকে সৰ্ব্বদা অকাতরে দান করিয়া থাকেন।

এই প্রপঞ্চপ্রবাহ তাঁহা হইতে উৎপন্ন হইয়া তাঁহাতেই বিলীন হয়। বিশ্ব তাঁহা হইতে ভিন্ন বোধ হয়, কিন্তু এই ভ্রম তাঁহার আরাধনা দ্বারাই নিরস্ত হয়। তাঁহার পূজায় সৰ্ব্বদেবতার পূজা করা হয়।—

দয়য়া সৰ্ব্বভূতেষু সন্তুষ্ট্যা যেন কেন বা ।

সৰ্ব্বৈন্দ্রিয়োপশান্ত্যা চ তুষ্ট্যাত্ত জনাৰ্দ্দিনঃ ॥ ৪।৩।১৯

—সৰ্ব্বভূতে দয়া, যে কোন কিছুতেই সন্তোষ, সকল ইঞ্জিয়ের সংযম— এই সকল দ্বারাই জনাৰ্দ্দিন সত্ত্বর প্রসন্ন হন।

এই বলিয়া নারদ ব্রহ্মলোকে চলিয়া গেলেন। প্রচেতারাও শ্রীহরির পাদপদ্ম ধ্যান করিতে করিতে তাঁহার গতি প্রাপ্ত হইলেন।

মৈত্রেয় বিহ্বরকে বলিলেন, তোমার সমস্ত জিজ্ঞাস্যই বলিলাম।—বিহ্বর প্রেমাশ্রবাকুল হইয়া শ্রীমৈত্রেয়ের চরণ হৃদয়ে ধারণা করিলেন, এবং নিবৃত্তাশয় চিন্তে জ্ঞাতিদর্শনকামনায় হস্তিনাপুর প্রস্থান করিলেন।

-----

## পঞ্চম স্কন্ধ

### ১-৩ অধ্যায়

প্রিয়ব্রত, ব্রহ্মা, আগ্নীধ্র, নাভি

শুকদেব বলিলেন, এক্ষণে মনুর অপর পুত্র প্রিয়ব্রত ও তাঁহার বংশের বর্ণনা করিব। প্রিয়ব্রত নির্বেদবশতঃ প্রথমে রাজ্য গ্রহণে সম্মত হইলেন না। তখন ব্রহ্মা মরীচি আদি মুনিসহ তাঁহার নিকট আসিয়া উপস্থিত হইলেন। নারদ তখন সেখানে ছিলেন। ব্রহ্মা বলিলেন, বৎস, দেহ-যোগ সকলেই ধারণ করে, অন্তথা করিতে কাহারও শক্তি নাই। পরমেশ্বরের ইচ্ছায় তাঁহার নিমিত্তই আমরা কৰ্ম করিয়া থাকি। মুক্ত ব্যক্তিও দেহ ধারণ করেন, কিন্তু তাঁহার আসক্তি থাকে না। তুমি আসক্তি ত্যাগ করিয়া যাবদিচ্ছা বিষয় উপভোগ কর, তৎপর আত্মনিষ্ঠ হইও। গৃহাশ্রম জিতেন্দ্రిয়ের অনিষ্ট করিতে পারে না, অজিতেন্দ্రిয়ের বনেও ভয়ের কারণ। ছয়জন শত্রু সর্বদা তাহার সঙ্গে থাকে। তুমি গৃহত্যাগ আশ্রয় করিয়া ঐ শত্রুগণকে ক্ষীণবল কর, তখন যথেষ্ট বিচরণ করিতে পারিবে।—প্রিয়ব্রত তাহাই অঙ্গীকার করিলেন। বর্হিষ্মতীর গর্ভে তাঁহার আগ্নীধ্রাদি দশ পুত্র ও উর্জ্জ্বতী নামে কন্যা হয়। তিন পুত্র পরমহংসব্রত অবলম্বন করে। উর্জ্জ্বতীর সঙ্গে শুক্রাচার্যের বিবাহ হয়, দেবযানী নামে তাঁহাদের এক কন্যা হয়। সূর্য্য পৃথিবীর সকল ভাগ আলোকিত করেন না দেখিয়া প্রিয়ব্রত রথারোহণে সূর্য্যকে আক্রমণ জ্ঞাত চতুর্দিকে পরিভ্রমণ করেন। তাহাতে সাতটি গর্ভ হয়, উহাই সাত সমুদ্রে পরিণত হয়। ঐ সমুদ্রে জম্বু আদি সাতটি দ্বীপের উৎপত্তি হয়। তিনি সাত পুত্রকে ঐ সাত দ্বীপের অধিপতি করেন। জ্যেষ্ঠ আগ্নীধ্র জম্বুদ্বীপ প্রাপ্ত হন। তৎপর প্রিয়ব্রত সংসার হইতে উপরত হইয়া ক্রীহরির প্রতি চিত্ত সমাহিত করিয়া বনে প্রস্থান করেন।

আগ্নীধ্ব ধর্মের প্রতি সতত দৃষ্টি রাখিয়া জম্বু দ্বীপের প্রজাগণকে পুত্রনির্বিশেষে পালন করিতে লাগিলেন। তিনি পুত্রকাম হইয়া মন্দর পর্বতের এক গুহায় কঠোর তপস্যায় প্রবৃত্ত হইলেন। তখন পূর্বচিহ্নি নামে অপ্সরা ব্রহ্মার নির্দেশানুসারে তাঁহার নিকট আসিল। উভয়ের মিলনে নাভি প্রভৃতি নয়টি পুত্র হইল। আগ্নীধ্ব জম্বুদ্বীপকে নয়টি তুল্যাংশে ভাগ করিয়া প্রত্যেক পুত্রকে একাংশ দিলেন। আগ্নীধ্ব বিষয়-পরতন্ত্র হইয়া সেই অপ্সরাকেই সর্বদা চিন্তা করিতেন, সুতরাং তিনি পিতৃলোক প্রাপ্ত হইলেন।

নাভি রাজ্য প্রাপ্ত হইয়া মেরুদেবীকে বিবাহ করেন। অনপত্যতাবশতঃ তাঁহারা উভয়ে যজ্ঞপুরুষের অর্চনা করেন। ভগবান তাঁহাদিগকে দর্শন দিলে তাঁহারা ভগবৎসদৃশ পুত্র প্রার্থনা করেন। শ্রীভগবান বলিলেন, আমার সদৃশ কেবল আমিই আছি; কিন্তু তোমাদিগকে যখন বরদানের প্রতিশ্রুতি দিয়াছি, তখন আমিই পুত্ররূপে তোমাদের গৃহে জন্মগ্রহণ করিব।—শুকদেব বলিলেন, শ্রীহরি এইরূপে দিগ্বিস্তার শ্রমণ ঋষি উদ্ধারিতাদের ধর্ম প্রদর্শনার্থ মেরুদেবীর গর্ভে শুদ্ধ তম্বু ধারণ করিয়া ঋষভ নামে অবতীর্ণ হইলেন।

## ৪—৬ অধ্যায়

ঋষভ

ঋষভদেব যোগ্য হইলে রাজা নাভি তাঁহাকে রাজ্যে অভিষিক্ত করিয়া মেরুদেবীসহ বদরীধামে গিয়া নরনারায়ণের উপাসনা করিয়া সেই দেবদেবের মহিমা প্রাপ্ত হইলেন। ঋষভদেব জয়ন্তী নাম্নী ভার্য্যায় একশত পুত্র উৎপাদন করেন। সর্বজ্যোষ্ঠ ভরত, তাঁহার নামেই ভারতবর্ষ। ৯ ভ্রাতা ভারতের অনুগত, ৯ জন (কবি প্রভৃতি, ১১ স্কন্ধ ২।৩ অধ্যায় দেখুন) ভাগবতধর্ম প্রদর্শক। অপর একাশীজন বেদজ্ঞ বিশুদ্ধকর্মা ব্রাহ্মণ হইয়াছিলেন। ঋষভদেব

লোকহিতার্থে কালানুমোদিত ধর্ম আচরণ ও সামাদি দ্বারা প্রজাদিগকে শিক্ষাদান ও শাসন করিতেন। তাঁহার প্রজারা কেহ কাহারও নিকট কখনও কিছু প্রার্থনা করিত না। দেশ পর্য্যটন করিতে করিতে ব্রহ্মাবর্ত দেশে ব্রহ্মর্ষিদের সভায় উপনীত হইয়া ঋষভ নিজ সম্ভানদিগকে দেখিতে পাইলেন, এবং তাহাদিগকে শিক্ষা দেওয়ার জন্ত এই উপদেশ দিতে লাগিলেন—

ঋষভ বলিলেন, পুত্রগণ, বিষয় অতি তুচ্ছ, তপস্ব্যাই স্বর্গ্য। যোষিংসঙ্গ নরকের দ্বার। কস্মাৎক মনই দেহবন্ধের কারণ। আমাতে প্রীতি ভিন্ন ঐ বন্ধন হইতে মুক্তি হয় না। গৃহ পুত্রাদি হইতে অহংমম-ত্বের উৎপত্তি, তাহাই সকল তাপের নিদান। যে ব্যক্তি প্রশান্ত সমদৃক ও দেহযাত্রা নির্বাহের অতিরিক্ত খনে নিম্পৃহ, সে-ই মহৎ।

মৎকর্ম্মভির্ভৎকথয়া চ নিত্যং মদেবসঙ্গাদ্গুণকীর্তনায়ৈ।

নির্ভৈরসাম্যোপশমেন পুত্রা জিহাসয়া দেহগেহান্ববুদ্ধেঃ ॥ ৫।৫।১১

—পুত্রগণ, আমার প্রীতির জন্ত কর্ম্ম করা, আমার কথা বলা, আমার ভক্তগণের সঙ্গ, আমার গুণকীর্তন, কাহাকেও শত্রু মনে না করা, সকলের প্রতি সমভাব, ইন্দ্রিয় সংযম, দেহে ও গৃহে ‘আমি ও আমার’ ভাব ত্যাগ করা—এই সকলের দ্বারা অহঙ্কারের নিবৃত্তি হয়।

বিপথগত অন্ধকে কোন্ দয়ালু ব্যক্তি সেই বিপথেই যাইতে উপদেশ দিবেন?

সর্বাণি মঙ্ক্ষ্যাতয়া ভবন্তিচরাণি ভূতানি স্তুতা ধ্রুবাণি।

সম্ভাবিতব্যানি পদে পদে বো বিবিক্তদৃগ্ভিস্তদুহর্হাং মে ॥ ৫।৫।২৬

—স্বাবর ও জজম বাহা কিছু আছে, সেই সকল পদার্থেই আমার অধিষ্ঠান জানিয়া পবিত্র দৃষ্টিতে সতত তাহাদের সম্মান করিও, তাহাই আমার পূজা।

পুত্রগণ, তোমরা সর্বদা মহামতি ভরতের অনুগত থাকিও।—এই বলিয়া তিনি ভরতকে রাজ্যপ্রদান করিয়া তথা হইতেই দিগম্বর ও মুক্তকেশ হইয়া প্রভজ্যায় প্রস্থিত হইলেন। জড় মুক অন্ধ বধিরের আয় যদৃচ্ছাপর্য্যটনকালে দুরাশ্রাগণ তাঁহাকে

নানাভাবে নির্যাতন করিতে লাগিল, কিন্তু কিছুতেই তাঁহার মনে ক্ষণকালের জ্ঞাও কোন বিকার উপস্থিত হইল না। পরিশেষে তিনি অজগরবৃত্তি অবলম্বন করিলেন, তাঁহার আচরণ গো-মৃগাদির তুল্য হইল। যোগৈশ্বর্য্যকে তিনি বিন্দুমাত্র আদর করিতেন না।

রাজা পরীক্ষিৎ জিজ্ঞাসা করিলেন, ভগবন, জ্ঞানাগ্নি ত রাগাদি কাম্বোজ সকল দগ্ধ করিয়া দেয়, তবে ঋষভদেব যোগৈশ্বর্য্যে বিমুখ হইলেন কেন?—শুকদেব বলিলেন, চতুর ব্যাধ যেমন ধৃত মৃগকেও বিশ্বাস করে না, বুদ্ধিমান ব্যক্তিও তেমনি কখনও নিত্যচঞ্চল মনের উপর স্থির প্রত্যয় স্থাপন করিতে পারেন না।

ন কুর্যাৎ কহিচিং সখ্যং মনসি হনবস্থিতে ।  
নিত্যং দদাতি কামস্তচ্ছিত্রং তমহু য়েহরয়ঃ ॥ ৩৮ ॥  
যোগিনঃ কৃতমৈত্রস্ত পতুর্জায়েব পুংশ্চলী ॥ ৫।৬।৩,৪

—মন চঞ্চল থাকিতে কাহারও সঙ্গে সখ্য করিবে না। মনকে বিশ্বাস করিয়া যে যোগী কামাদিকে সুযোগ প্রদান করে, অসতী জীব পতির ছায় সে বিনষ্ট হয়।

দেহাভিমানশূন্য ঋষভদেব যদৃচ্ছাক্রমে কোষ বেষ্ট কূটক এবং দক্ষিণ কর্ণাটকে গিয়া উপস্থিত হইলেন। কূটকাচলের উপবনে প্রস্তরখণ্ড মুখে দিয়া তিনি উন্মাদের ছায় বিচরণ করিতে লাগিলেন। তখন ঐ বনে সুহ্মা এক প্রবল দাবাগ্নি উথিত হইয়া তাঁহার দেহকে ভস্মীভূত করিল। ঐ অঞ্চলের অর্হুৎনামা রাজা ঋষভদেবের ভ্রাতৃ অন্বকরণে দেবগণে অবজ্ঞা, অস্মান, অনাচমন, অশৌচ, অযথা কেশমুণ্ডন, ব্রাহ্মণ ও যজ্ঞপুরুষের নিন্দা প্রভৃতি বেদবিরোধী স্বেচ্ছাচার-প্রসূত আচরণ প্রবর্তন করিবে। বস্তুতঃ রজোগুণে আচ্ছন্ন জনগণকে মোক্ষদায়ক শিক্ষা দেওয়ার জন্য শ্রীহরি ঋষভরূপে এই মর্ত্যধামে অবতীর্ণ হইয়াছিলেন। শ্রীভগবান্ তাঁহার ভজনাকারীদিগকে—

মুক্তিং দদাতি কহিচিং ন ন ভক্তিযোগম্ । ৫।৬।৮  
—বরং কখনও মুক্তি দেন, কিন্তু ভক্তি (সহজে) দেন না।

আবার মুক্তি স্বয়ং আসিয়া উপস্থিত হইলেও প্রকৃত ভক্তিকামী  
তাহাকে তেমন আদর করেন না—

পরমপুরুষার্থমপি স্বয়ংসাধিতং নো এবাদ্ভিরস্তে । ৫।৬।১৭

## ৭-১৪ অধ্যায়

রাজা ভরত যুগশাবক রুক্মিণী ভক্তভরত

মহারাজ ভরত বহু যজ্ঞের অনুষ্ঠান করেন। তাহাতে তাঁহার  
মাগাদি ক্ষীণ ও সৰ্ব্ব শুদ্ধ হয় এবং পরমপুরুষ বাসুদেবে মহতী  
ভক্তির উদয় হয়। বহুকাল রাজ্য ভোগ করিয়া তিনি তাহা নিজ  
পুত্রগণ মধ্যে বিভাগ করিয়া দিয়া পুলহাশ্রমে গিয়া প্রব্রজ্য  
অবলম্বন করিলেন। ঐ আশ্রমের উত্তরে সরিৎশ্রেষ্ঠা গওকী  
প্রবাহিত। তাঁহার বিষয়াভিলাষ নিবৃত্ত, শমগুণ প্রবৃদ্ধ, ভক্তিবোগে  
শরীর রোমাঙ্কিত ও নেত্র অশ্রুপ্লাবিত হইতে লাগিল। (১-১৪)  
একদা তিনি নদীতীরে উপবিষ্ট হইয়া প্রণব জপ করিতেছেন,  
এমন সময়ে অদূরে এক ভীষণ সিংহগর্জন হইল। জলপাননিরতা  
একটি গর্ভিণী হরিণী ঐ শব্দে ভীতা হইয়া উল্লম্বনে নদী পার হইল।  
তাঁহার গর্ভস্থ শিশু জলমধ্যে পতিত হইয়া স্রোতোবেগে ভাসিয়া  
চলিল। হরিণী নদীর অপর পারে এক গুহায় পড়িয়া তৎক্ষণাৎ  
পঞ্চস্থ প্রাপ্ত হইল। রাজা দেখিয়া দয়ার্দ্ৰচিত্ত হইয়া ঐ হরিণী-  
শিশুটির প্রাণ রক্ষার্থ তাহাকে জল হইতে তুলিয়া আশ্রমে নিয়া  
আসিলেন। অহরহ ঐ শিশুটির পালন পোষণ ও বৃদ্ধি  
রক্ষণজনিত আসক্তি উৎপন্ন হইয়া ঐ রাজার ভগবৎ-সেবায়  
আগ্রহ ও নিয়মাদি একে একে সকলই ক্রমে শিথিল হইতে  
লাগিল। ঐ শিশুটি আশ্রমে থাকিলে রাজা ভরত তাহাকে কখনও  
স্বক্ষে কখনও বৃক্ষতলে কখনও ক্রোড়ে রাখিতেন, সুকোমল  
তৃণাদি আহরণ করিয়া তাহাকে আহার করাইতেন এবং  
গাত্রকণ্ডুয়নাদি দ্বারা তাহার ও নিজের তৃপ্তি সাধন করিতেন।  
ভোজনে শয়নে উপবেশনে সে ঐ মোহগ্রস্ত রাজার সততসঙ্গী



হইয়া উঠিল। যুগশাবক আশ্রম হইতে অগ্ৰত্ৰ গেলেন অনিষ্টা-  
শঙ্কায় তিনি আকুল হইয়া পড়িতেন। সমস্ত যোগানুষ্ঠান ও  
ভগবদারাধনা হইতে তিনি একেবারে ভ্রষ্ট হইয়া পড়িলেন। ক্রমে  
ছরস্ত কাল আসন্ন হইল, যুগশিশুর চিন্তা করিতে করিতেই তাঁহার  
কলেবর ধ্বংস হইল। তিনি যুগশরীর প্রাপ্ত হইলেন, কিন্তু  
পূর্বানুষ্ঠিত যোগবলে তাঁহার স্মৃতি অব্যাহত রহিল। যুগজন্ম  
লাভ করিয়া তিনি পূর্বকৃত অপরাধের জন্ত অমৃতপ্ত হইলেন  
এবং নিজ যুগজন্মস্থান কালঞ্জর পর্বত হইতে পূর্বোক্ত পুলহাশ্রমে  
আসিয়া কিছুকাল পর সেই পবিত্র তীর্থসলিলে যুগশরীর ত্যাগ  
করিলেন।

১২২২ রাজা ভরত তৎপর এক বেদজ্ঞ ব্রাহ্মণের গৃহে জন্ম লাভ  
করিলেন। পূর্ব পূর্ব জন্মের স্মৃতি অক্ষুণ্ণ ছিল, সেজন্ত পুনরায়  
বিষয়াসক্তির ভয়ে তিনি জড় মুক বধিরের ন্যায় আচরণ করিতে  
লাগিলেন। পিতা তাঁহাকে শিক্ষা দেওয়ার বহু যত্ন করিয়াও  
অকৃতকার্য হইলেন। পিতার মৃত্যু হইলে মাতাও সহমৃতা  
হইলেন। জড় ভরত বৈমাত্রেয় ভ্রাতাদিগের অবজ্ঞাদত্ত কদম্বে  
বা কখনও উদরাম্নের জন্ত শ্রম করিয়া কোনকালে জীবিকা নির্বাহ  
করিতে লাগিলেন। একদা এক চোরবাজ ভদ্রকালীর নিকট  
নরবলি দান জন্ত এক শিশুকে যূপকাঠে বদ্ধ করিয়া রাখিল, কিন্তু  
সেই শিশু কোনক্রমে তথা হইতে পলাইয়া গেল। ঐ চোরের  
লোকেরা বহু অন্বেষণ করিয়াও শিশুকে না পাইয়া ক্ষেত্ররক্ষায়  
নিযুক্ত জড় ভরতকে যোগ্য বলি মনে করিয়া রজ্জুবন্ধনে চণ্ডিকার  
গৃহে লইয়া গেল। পূজক তাহার বধের জন্ত শাগিত খড়্গ  
উত্তোলন করিল। দেবী তৎক্ষণাৎ প্রতিমা হইতে বহির্গত হইয়া  
লক্ষ প্রদান পূর্বক সেই শাগিত খড়্গ লইয়াই ঐ চোরদিগের মস্তক  
ছেদন করিয়া অন্তর্হিত হইলেন।

১২২৩ অনন্তর একদা সিদ্ধ-সৌবীরাধিপতি রাজা রহুগণ শিবিকা  
আয়োজনে গমনকালে পথিমধ্যে তাঁহার বাহকের প্রয়োজন হইল,

এবং দৈবক্রমে তিনি জড় ভরতকে প্রাপ্তি হইলেন। ভরত অস্ত্র বাহকের সহিত রাজার শিবিকা বহন কার্যে নিযুক্ত হইলেন। প্রাণি-হিংসা পরিহারার্থ ভরত সম্মুখে কিয়দূর দেখিয়া চলিতেন, তজ্জন্ত তিনি অস্ত্র বাহকগণের সহিত শিবিকার সমতা রক্ষা করিতে ন পারায় শিবিকা বিষম হইয়া চলিতে লাগিল। রাজা তিরস্কার করিলে অস্ত্র বাহকগণ বলিল, নবনিযুক্ত বাহকের জন্ত শিবিকার অসমতা হইতেছে। তখন রাজা ভরতকে শ্লেষ করিয়া বলিলেন, অহে, তুমি কি শ্রান্ত? তুমি ত স্থূলও নও, দৃঢ়ও নও, তবে কি তুমি জরাগ্রস্ত?—কিছুক্ষণ পর শিবিকা পুনরায় বিষম হইলে রাজা কিঞ্চিৎ রুষ্ট হইয়া বলিলেন, অরে, তুমি কি জীবন্ত? দেখিতেছি, উপযুক্ত দণ্ড না পাইলে তুমি প্রকৃতিস্থ হইবে না। জড়রূপী ভরত এই কথা শুনিয়া তখন রাজাকে সম্বোধন করিয়া বলিলেন, বাজন, তুমি কাহাকে ‘ভার’ বলিতেছ? কেই বা ভার বহনে ‘শ্রান্ত’ হয়? ‘স্থূলতা’দি কাহার গুণ বা দোষ? ‘জরা’ই বা কি? ‘জীবনমৃত্যু’ কাহার হয়? ‘দণ্ড’ কে দেয় ও কে পায়? রাজা রহুগণ ভার-বাহীর মুখে এইরূপ প্রশ্ন শুনিয়া বিস্ময়াভিভূত হইয়া ত্বরায় শিবিকা হইতে অবতীর্ণ হইলেন, এবং সমীপস্থ সেই শিবিকাবাহকের পাদমূলে মস্তক বাখিয়া বলিলেন, মহাত্মন, আপনি কে, শীঘ্র আমাকে বলুন। কর্ম হইতে শ্রম হয়, বস্তুর ভার আছে, দেহেরও, স্থূলতাদি আছে—ব্যবহারিক জগতে ইহাই ত দেখিতে পাই। তবে এ সকল কেন মিথ্যা বলিব? প্রজাশাসন-রূপ স্বধর্মপালনই রাজাব পক্ষে শ্রীভগবান অচ্যুতের আরাধনা—আমরা মোহান্ন জীব এইরূপ বৃষি। আপনার প্রশ্নে আমার চিত্তে গুরুতর সংশয়ের উদয় হইয়াছে। আপনি নিশ্চয় কোন মহাপুরুষ, লোক-শিক্ষার জন্ত এইরূপ হীনবেশে বিচরণ করিতেছেন। ব্রহ্মানু-কৃপা করিয়া আমার সন্দেহের নিরসন করুন। ভরত বলিলেন, মহারাজ, স্বামিভূত্যসম্বন্ধ ও দণ্ডাদি লৌকিক ব্যবহার, উহা নিত্য সত্য নহে। মন গুণ-কর্মে বদ্ধ হইয়া তাপ-মোহাদির সৃষ্টি করে,

উহাকে প্রাশ্রয় দিলে বা উপেক্ষা করিলে আত্মা স্বয়ং বিপন্ন হইতে পারে। এই প্রপঞ্চ শ্রীভগবানের মায়া মাত্র, তিনি ভিন্ন অণ্ড সমস্তই অবাস্তব। বিশুদ্ধ জ্ঞানই ‘ভগবৎ’, ইহাকেই পণ্ডিতেরা ‘বাসুদেব’ কহেন। বেদবাক্য বিছা-বিলসিত, তাহাতে হিংসা রাগাদিশূন্য তত্ত্ববাদ প্রকাশ পায় না। বেদাভ্যাস বা বৈদিক ক্রিয়া সূর্য্য-অগ্ন্যাদির উপাসনা তপস্যা পরোপকার ইত্যাদি দ্বারা বাসুদেবকে লাভ করা ছরহ। মহতের পদধূলি বিনা—‘বিনা মহৎ পাদরজোহভিষেকঃ’—তিনি দুস্প্রাপ্য। আমি পূর্ব্ব এক জন্মে ভরত নামে রাজা ছিলাম। সংসারনিবৃত্ত হইয়া অরণ্যে আশ্রয় লইয়া সতত শ্রীহরির আরাধনা করিতাম। দৈববশে এক যুগ শিশুতে আসক্ত হইয়া যুগত্ব প্রাপ্ত হই, এক্ষণে পুনরায় দ্বিজদেহ লাভ করিয়াছি এবং সঙ্গ-জনিত আসক্তিভয়ে প্রচ্ছন্নভাবে পর্য্যটন করিতেছি।

‘রাজন্, এই সংসার এক গহন অটবী। দেহী বণিক্, বুদ্ধি নায়ক। নায়কের অসতর্কতা বশতঃ ছয় ইন্দ্রিয় ছয়টি দম্ব্যরূপে সর্ব্বদা ঐ বণিকের গুণ্যধন লুণ্ঠন করিতেছে। তাহাকে কখনও লতাগুল্মাদি বেষ্টিত ঘোর অন্ধকার গহবরে ফেলিতেছে, কখনও কণ্টকাকীর্ণ বদ্ম্য দিয়া পর্ব্বতোপরি তুলিতেছে। আবার পুত্র কলত্রাদিরূপ শিবাগণ তাহার চিত্ত সর্ব্বদা হরণ করিয়া লইতেছে। যুগতৃষ্ণিকার জল সদৃশ বিষয়সকলের পশ্চাতে ধাবিত হইয়া ছঃসহ জঠরানলে পীড়িত হইয়া কখনও ধৈর্য্যহীন কখনও বা ক্রুদ্ধ হইয়া পড়ে। এই শোচনীয় অবস্থার আরও বিস্তারিত বর্ণনা করিয়া ভরত বলিলেন, সাধুকৃপা ব্যতীত কেহ ঐ গহন সংসার-অটবী হইতে মুক্ত হইতে পারে না। যে মহাজনগণ মধুসূদনের সেবাম্বরক্ত, তাহাদের নিকট মোক্ষও তুচ্ছ—‘মধুদ্বিটসেবাম্বরক্তমনসামভবোহপি ফল্গুঃ’ ( ৫।১৪।৪৪ )।

রহুগণ স্বমপি হৃদ্বনোহস্ত সংস্তদগুঃ কৃতভূতমৈত্রঃ ।

অসাজ্জতাশ্চ হরিসেবয়া শিতং জ্ঞানাসিমাদায় তরাতি পারম্ ॥

—রহুগণ, তুমিও মায়াপথে বিচরণ করিতেছ। এক্ষণে তুমি সর্বজীবের হিংসা ত্যাগ কর, সকল প্রাণীর সহিত মিত্রতা কর, এবং বিষয়ে অনাসক্ত হইয়া জ্ঞানরূপ তীক্ষ্ণ অসি দ্বারা সকল বন্ধন ছিন্ন করিয়া এই ভবাটবী উত্তীর্ণ হইয়া যাও। ৫।১৩২০

রহুগণ বলিলেন,

॥ 'নমো মহাভ্যাহংস্ত নমঃ শিশুভ্যো নমঃ সুবভ্যো নমঃ আ বুভ্যো

॥ যে ব্রাহ্মণা গায়বধূতলিঙ্গাশ্চরন্তি তেভ্যঃ শিবমস্ত রাজাম্ ॥ ৫।১৩২৩

—মহৎ ব্যক্তিগণকে নমস্কার, শিশুগণকে নমস্কার, বালক ও সুবকগণকে নমস্কার, যে ব্রাহ্মণগণ অবধূত বেশে পৃথিবীতে বিচরণ করেন, তাঁহাদিগকে নমস্কার—তাঁহাদের অনুগ্রহে সকল রাজগণের কল্যাণ হউক।

রহুগণ পরমতত্ত্ব-জ্ঞান লাভ করিয়া তৎক্ষণাৎ দেহে আত্মবুদ্ধি পরিত্যাগ করিলেন। ব্রহ্মজ্ঞ ভবত রাজা রহুগণ কর্তৃক অশেষরূপে বন্দিত হইয়া ধরণীতলে যদৃচ্ছা বিচরণ করিতে লাগিলেন।

## ১৫ অধ্যায়

### গয়রাজা

ভরতের বংশে গয় নামে এক বাজা জন্মগ্রহণ করেন। ব্রহ্মজ্ঞগণের সেবা দ্বারা তিনি ভক্তিলাভ করিয়াছিলেন। অহংভাবকে সম্পূর্ণ নিরস্ত করিয়া, সর্বদা ব্রহ্মানন্দে নিমগ্ন থাকিয়া, তিনি নিরভিমাণে প্রজাপালন ও অগাণ্ড সমস্ত রাজকাৰ্য্য নির্বাহ করিতেন। সুতরাং তিনি প্রজাগণের অত্যন্ত প্রিয় হইয়া উঠিয়াছিলেন। তাঁহার সম্বন্ধে এইরূপ গাথা প্রচলিত আছে—

প্রজা দয়া মৈত্রী স্বয়ং আসিষা তাঁহাব অভিষেক করিয়াছিলেন। স্বয়ং নিষ্কাম হইলেও ধবণী তাঁহার প্রজাদিগকে সকল কামা দান করিয়া দিতেন, নৃপগণ রণক্ষেত্রে বাণ দ্বারা অর্জিত হইয়া তাঁহাকে কর প্রদান করিতেন, বিপ্রগণ পালন ও দক্ষিণাদি দ্বারা পূজিত হইয়া তাঁহাকে ধর্মফল আহরণ করিয়া দিতেন। যে গয়রাজার যজ্ঞে বিষ্ণু পূজিত হইয়া বলিয়াছিলেন 'বিশ্বজীবের সহিত প্রীত হইলাম,' ভূমণ্ডলে কোন রাজা তাঁহার অনুকরণ করিতে সমর্থ হইবে ?

[ ১৬—২৬ অধ্যায়ে দ্বাপ মের বর্ষ লোকালোক রবি চন্দ্র জ্যোতিষচক্র রাহ ও নরকবর্ণন। ১৯ অধ্যায়ের ২০শ শ্লোকে দেবগণের ভারতবর্ষে জন্মলাভের আগ্রহ ও ২১শ শ্লোকে স্বর্গে ইন্দ্রিয়োৎসব জন্ত হরিপাদপদ্মের স্তুতি নষ্ট হয় বলিয়া স্বর্গলাভে অনিচ্ছা প্রকাশ করা হইয়াছে। ২৬শ শ্লোকটি বিশেষ উল্লেখযোগ্য—‘অয়ং বিধত্তে ভজতামনিচ্ছতামিচ্ছাপিধানং নিজপাদপল্লবম্’—ভজনাকারী অত্র কিছু (বিষয়াদি) চাহিলেও শ্রীহরি তাহাকে নিজ পাদপল্লবই দেন। ]

যুগ্ম স্তব্ধ

১১—১২ অধ্যায়

অজাগিল, যমদূত, বিষ্ণুদূত

বাজা পবীক্ষিৎ বলিলেন, ব্রহ্মান, আপনি অধর্ম্মলক্ষণযুক্ত যে নানাবিধ নবক বর্ণনা কবিলেন, মানবগণকে যাহাতে ঐ সকল উগ্র যাতনাপূর্ণ নবকে গমন করিতে না হয়, তাহাব উপায় কি, বলুন।—শুকদেব বলিলেন, উপায়—প্রায়শ্চিত্তানুষ্ঠান। বাজা বলিলেন, মানুষ বিবশ হইয়া পুনঃ পুনঃ পাপকর্ম্ম করে, স্মৃতির প্রায়শ্চিত্ত ত—‘কুঞ্জবশৌচবৎ’—হস্তিস্নানের আয় নিরর্থক। ঋষি বলিলেন, অবিজ্ঞা নাশ না হওয়ায়ই বাবংবার পাপ অনুষ্ঠিত হয়। তপস্তা শম দম যম নিয়মাদি দ্বারা অবিজ্ঞাজনিত পাপপ্রবৃত্তি বিনষ্ট হয়। আবাব,

কেচিৎ কেবলযা ভক্ত্যা বাস্তুদেবপরাধণাঃ ।

অথ ধূমস্ত কাংক্ষ্যে নীহারমিব ভাস্কবঃ ॥

ন তথা হৃদবান্ রাজন্ পুয়েত তপ-আদিভিঃ ।

যথা কৃষ্ণাপিতপ্রাণন্তৎপুরুষ-নিষেবয়া ॥ ৬।১।১৫, ১৬

—বাস্তুদেবপরাধণ কোন কোন ভক্ত কেবল ভক্তিদ্বারা সমস্ত পাপ বিনাশ করেন, স্বর্ঘ্য যেমন নীহারকে ধ্বংস করেন। কৃষ্ণ মনপ্রাণ সমর্পণপূর্বক সেবা দ্বারা যেমন পবিত্র হওয়া যায়, তপস্তায় তেমন হয় না।

যাঁহারা ভগবান শ্রীকৃষ্ণের পদারবিন্দে মন সম্পূর্ণ নিবিষ্ট করেন, তাঁহারা যম বা তাহার অনুচরবর্গকে স্বপ্নেও দেখেন না। এ বিষয়ে তোমাকে একটা পুরাতন আখ্যায়িকা বলিব।

কান্ধাকুর্জদেশে অজামিল নামে এক ব্রাহ্মণ দাসীসংসর্গে দূষিতচরিত্র হইয়াছিল। দাসীগর্ভে তাহার দশটা পুত্র জন্মিয়াছিল, সর্বকনিষ্ঠের নাম 'নারায়ণ'। বঞ্চনা চৌর্যাদি দ্বারা সে কুটুম্ব পোষণ করিত। 'নারায়ণ' নামক মধুরভাবী শিশুপুত্রে তাহার হৃদয় একান্ত আবদ্ধ হইয়াছিল। সেই শিশুর ক্রীড়া দর্শনে তাহার অত্যন্ত আনন্দ হইত, সে নিজেই তাহাকে পানাহারাদি করাইত। এইরূপে তাহার মন সম্পূর্ণ 'নারায়ণে' নিবিষ্ট হইল। অষ্টাশীতিবয়ঃকালে কাল আসিয়া তাহাকে গ্রাস করিতে উত্তত হইল। অতি দারুণ উদ্ধরোম বক্রানন তিনটা পুরুষ আসিয়া তাহাকে বাঁধিয়া লইতেছে দেখিয়া অত্যন্ত ব্যাকুল হইয়া সে উচ্চৈঃস্বরে কিয়ৎদূরে ক্রীড়ারত নারায়ণ নামক পুত্রকে আহ্বান করিল। মহারাজ, মুমূর্ষু অজামিলের মুখে নারায়ণ নাম শুনিয়া সহসা চারিজন বিষ্ণু-পার্বদ তাহার শয্যাপার্শ্বে আসিয়া উপস্থিত হইলেন। তাঁহারা পূর্বাগত তিনজন পুরুষকে যমের অনুচর জানিয়া বল প্রদর্শন করিয়া বলিলেন, ইহাকে বাঁধিওনা। যমদূতগণ জিজ্ঞাসা করিলেন, ধর্মরাজের শাসনে বাধা প্রদান করিতেছ, তোমরা কে? বেদ-বিহিত কস্মই ধর্ম, তদ্বিপরীত অধর্ম। ধর্মাস্ত্রুষ্ঠানে সুখ ও অধর্মাস্ত্রুষ্ঠানে দণ্ড—ইহ পর উভয় লোকেই এই বিধান। এই ব্রাহ্মণপুত্র অজামিল পূর্বে বেদাধ্যায়সম্পন্ন সুস্বভাব ও সর্বপ্রকার গুণের আলায় ছিল। পিতৃআজ্ঞায় ফলমূলাদি আহরণে একদা বনে গিয়াছিল। তথা হইতে প্রত্যাবর্তন কালে পশ্চিমধ্যে কাম-ক্রীড়ায় নিরত এক শূত্র ও দাসীকে দেখিয়া কামমোহিত হইয়া সেই দাসীর প্রতি আসক্ত হয়। নিজ ধর্মপত্নীকে ত্যাগ করিয়া অধর্মার্জিত অর্থদ্বারা সেই দাসীকে ও তাহার গর্ভে উৎপন্ন নিজ পুত্রগণকে পোষণ করিয়া অবশিষ্ট জীবন অতিবাহিত করিয়াছে,

অতএব ইহাকে এখন আমরা সমুচিত দণ্ডভোগের জন্য দণ্ডপাণি  
ধর্মরাজের নিকট লইয়া যাইব। সেই ধর্মাধিকরণে জীব দণ্ড  
দ্বারা শুদ্ধতা প্রাপ্ত হয়।

বিষুদূতগণ বলিলেন, অহো, কি ছঃখ, দেখিতেছি ধর্মদর্শীগণের  
সমাজে এক্ষণে অধর্ম প্রবেশ করিল—

যদ্যদাচরতি শ্রেয়ানিতরন্তং তদীহতে ।

স যৎ প্রমাণং কুরুতে লোকস্তদম্ববর্ততে ॥ ৬২।৪

—শ্রেষ্ঠ ব্যক্তি যেমন আচরণ করেন, অন্তরা তেমন করিতে চেষ্টা করে  
এবং তাঁহারই সিদ্ধান্ত মানিয়া চলে ।

এই ব্যক্তি কোটাজন্যাজিত পাপের প্রায়শ্চিত্ত করিয়াছে, যেহেতু  
বিবশ অবস্থায়ও পবন স্বস্তিপ্রদ শ্রীহরির নাম উচ্চারণ করিয়াছে ।  
যমদূতগণ, ব্রতাদি অনুষ্ঠিতপাপের ক্ষয় মাত্র করে, শ্রীহরির  
নাম কৃত পাপ বিনষ্ট কবে, পাপপ্রবৃত্তির মূল উৎপাটন করে,  
এবং অন্তরে শ্রীভগবানের গুণ সমূহ উপলব্ধি করাইয়া দেয় ।  
এ ব্যক্তি মৃত্যুকালে শ্রীভগবানের নাম লইয়াছে, ইহার সমস্ত  
পাপ বিনষ্ট হইয়া গিয়াছে । সুতবাং কিছুতেই তোমরা ইহাকে  
যমালয়ে নিতে পারিবে না । কাবণ,

সাক্ষেত্যং পারিহাস্যং বা স্তোভং হেলনমেব বা ।

বৈকুণ্ঠনামগ্রহণমশেষাধবং বিদ্রঃ ॥ ৬২।১৪

অজ্ঞানাদথবা জ্ঞানাত্তমঃশ্লোকনাম যৎ ।

সংকীর্ণিতমধং পুংসো দহেদেধো যথানলঃ ॥

যথাগদং বীৰ্য্যতমমুপযুক্তং যদৃচ্ছযা ।

অজানতোহপ্যাস্তগুণং কুৰ্য্যান্ মজ্জোহপ্যদাহতঃ ॥ ৬২।১৮, ১৯

—সন্ধেতে, পরিহাসচ্ছলে, গীতে বা আলাপে, বাক্যেব পূরণ স্বরূপ অথবা  
হেলা করিয়াও গৃহীত শ্রীবৈকুণ্ঠের নাম সমস্ত পাপ হরণ করে । জানে  
বা অজ্ঞানে কীর্ণিত তাঁহার নাম অগ্নি যেমন কাষ্ঠকে দহন করে, সেইরূপ সমস্ত  
পাপ ধ্বংস করে । শক্তিশালী ঔষধের দ্বায় যন্ত্র অজানিত হইয়াও আপন  
গুণেই নিজ কার্য্য করে ।

এইরূপ বলিয়া, সেই বিষ্ণুপার্বদগণ অজামিলকে যমদূতের বন্ধন  
ও মৃত্যু হইতে মুক্ত করিয়া দিলেন । ঐ ব্রাহ্মণ পরমানন্দ চিন্তে

বিষ্ণুদূতকে মস্তক অবনত করিয়া বন্দনা করিল। তাঁহারা

এ স্থানেই অস্থির হইলেন। অজামিল তখন  
ভক্তিমান ভগবত্যাগ মহাত্ম্যপ্রবণাক্ষরে।

অনুতাপো মহানাসীং স্মরতোহুত্তমাত্মনঃ ॥ ৬।২।২৫

—ঐহরির মহাত্ম্য প্রবণ করিয়া তাঁহাতে শীঘ্রই ভক্তিমান হইলেন, এবং  
আপন কৃত পূর্ব দুষ্কৃত স্মরণ করিয়া তাঁহার মহা অনুতাপ হইল।

অজামিল বলিলেন, আমাকে শত শিক্, আমি দাসী-সংসর্গে  
পুত্রোৎপাদন করিয়া ব্রাহ্মণকুলের জাতি নাশ করিয়াছি, বৃদ্ধ  
পিতামাতা ও পরিণীতা ভার্য্যাকে ত্যাগ করিয়াছি। কিন্তু, কি  
আশ্চর্য্য, আমি পাশবদ্ধ হইয়া নারায়ণকে ডাকিলাম, আর সেই  
মনোহর-দর্শন পুরুষগণ অমনি আসিয়া আমাকে মুক্ত করিয়া  
দিলেন! তাঁহারা ই বা কোথায় গেলেন? যাহা হউক, আমার  
আত্মা এক্ষণে প্রসন্ন হইতেছে।—

সোহং তথা যতশ্চামি যতচিন্তেজ্জিহ্মানিলঃ ।

যথা ন ভূয আত্মানমঙ্কে তমসি মজ্জয়ে ॥ ৬।২।৩৫

—আমি মন ইন্দ্ৰিয় ও প্রাণকে সংযত করিয়া এইপ্রকার বদ্ধ করিব  
যাহাতে আমাকে আব পুনরায় ঘোর অন্ধকারে নিমগ্ন হইতে না হয়।

আমি এক্ষণে এই অবিচ্ছাবন্ধন ছিন্ন করিয়া, আত্মবান্ ও সর্ব্বপ্রাণীর  
সুস্থ হইব। মিথ্যা পদার্থে ‘অহং’ ‘মম’ বোধ ত্যাগ করিয়া ভগবৎ-  
কীর্ত্তনাদি দ্বাৰা বিশুদ্ধ হইয়া তাঁহাতেই চিত্ত সমাহিত করিব।—  
রাজন, ক্ষণমাত্র সাধুসঙ্গের গুণে অজামিল তৎক্ষণাৎ জ্ঞীপুত্রাদির  
প্রতি সকল মমতা পরিত্যাগ করিয়া সর্ব্ববন্ধনমুক্ত হইয়া গঙ্গাদ্বারে  
গিয়া উপস্থিত হইলেন। সেখানে এক দেবালয়ে আসীন হইয়া  
ইন্দ্ৰিয়গণকে বিষয় হইতে প্রত্যাহত করিয়া আত্মাতে মনকে  
যুক্ত করিলেন। এইরূপে কিছুকাল পর তাঁহার বুদ্ধি যখন শুদ্ধ  
ও ঐহরির পাদপদ্মে স্থির হইল, তখন অজামিল পূর্ব্বদৃষ্ট সেই  
চারিজন নিম্নকিস্করকে দেখিতে পাইলেন। তাঁহারা সুবর্ণ  
বিমানে আরোহণ করাইয়া তাঁহাকে জ্ঞীপতির স্বধামে নিয়া  
গেলেন।



দ্বিতীয় দক্ষ, প্রচেতাগণ, নারদ

রাজা পরীক্ষিৎ শুকদেবের নিকট সৃষ্টির আরও বিস্তারিত বিবরণ শুনিতে চাহিলেন। (প্রচেতাগণেব তপস্তা ভাষ্যাগ্রহণ ও দক্ষ নামক পুত্রোৎপাদনের বৃত্তান্ত ৬৪-৬৫ পৃ: দেখুন)। শুকদেব বলিতে লাগিলেন, প্রচেতাগণের পুত্র প্রজাপতি দক্ষ সৃষ্টিকাম হইয়া বিদ্যাপর্বতের পাদদেশে অমর্যণ নামক তীর্থে দীর্ঘকাল কঠোর তপস্তা ও হংসগৃহ নামক স্তোত্র দ্বারা ত্রীভগবান্কে প্রসন্ন করিলেন। ত্রীবিষ্ণু আবির্ভূত হইয়া তাঁহাকে অসিক্লী নামক এক কন্যা প্রদান করিলেন। অসিক্লীর গর্ভে দক্ষের হর্যশ্ব নামে অযুত পুত্র হইল। তাঁহার পিতা কর্তৃক প্রজা সৃষ্টি করিতে আদিষ্ট হইয়া সিন্ধু নদ ও সাগরের সঙ্গম স্থানে নাবায়ণসরঃ নামক তীর্থে উগ্র তপস্তায় ব্রতী হইলেন। দেবর্ষি নাবদ তাঁহাদের নিকট উপস্থিত হইয়া বলিলেন—

এক এবেশ্বরস্তথো ভগবান্ স্বাশ্রয়ঃ পরঃ ।

তমদৃষ্ট্বাহভবং পুংসঃ কিমসৎ কস্মাভির্ভবেৎ ॥ ৬৫।১২

—সেই একেশ্বর অশ্র-আশ্রয়নিরপেক্ষ সর্বসাক্ষী ত্রীভগবানকে না জানিয়া তুচ্ছ কতকগুলি অমুষ্ঠান করিলে কি ফল ?

এইরূপ আরও নানা উপদেশদ্বারা নিবৃত্ত হইয়া হর্যশ্বগণ নারদকে প্রণাম ও প্রদক্ষিণ করিয়া তথা হইতে প্রস্থান করিলেন। দক্ষ তাহা শুনিয়া পুনরায় সবলাশ্ব নামে সহস্র পুত্র উৎপন্ন করিলেন। তাঁহারাও পিতার আদেশে পুত্রার্থে তপস্তায় নিযুক্ত হইলে দেবর্ষি নারদ পুনরায় আসিয়া তাহাদিগকেও নিবৃত্ত কবিলেন। প্রজাপতি দক্ষ ইহা শুনিয়া নাবদকে অভিশাপ দিলেন—  
। ইহপরলোকে তোমার কোথাও স্থান হইবে না, তুমি সর্বদা কেবল ভ্রমণ করিতে থাকিবে। নারদ ঐ অভিশাপ অঙ্গীকার করিয়া লইলেন, কোন অভিশাপ দিলেন না। সামর্থ্য সত্ত্বেও

যে সহিষ্ণুতা, তাহাই সাধুদের লক্ষণ—‘এতাবান্ সাধুবাদোহি তিতিক্ষেতেশ্বরঃ স্বয়ম্’ । > .

## ৬-৯ অধ্যায়

### বিশ্বরূপ, বৃত্তজন্ম

তৎপর দক্ষের ষাটটি কন্যা হয়, তন্মধ্যে ত্রয়োদশটি তিনি মহর্ষি কশ্যপকে দান করেন। ইহার মধ্যে একটী অদिति। অদিতির গর্ভে যে সকল পুত্র হয়, তাহার মধ্যে একটীর নাম ষ্টা। একদা দেববাজ ইন্দ্র স্ত্রী শচীসহ সিংহাসনে আসীন, দেবগুরু বৃহস্পতি সেই স্থানে উপস্থিত হইলেন, কিন্তু ইন্দ্র তাঁহাকে দেখিয়া আসন হইতে অভ্যুত্থান প্রণামাদি কোন সম্মান প্রদর্শন করিলেন না। বৃহস্পতি বিমনা হইয়া সভাক্ষেত্র ত্যাগ করিয়া চলিয়া গেলেন। ইন্দ্র অম্লতপ্ত হইয়া বহু অমুসন্মানেও তাঁহাকে দেখিতে পাইলেন না। অশুরেরা সুযোগ বুঝিয়া স্বর্গ আক্রমণ করিয়া দেবতাদিগকে বিধ্বস্ত করিল। দেবতারা ব্রহ্মার নিকট গেলে তিনি বলিলেন, স্বরায় ষ্টাপুত্র বিশ্বরূপকে গুরুত্বে বরণ কর, তিনি ব্যতীত আর কেহ তোমাদিগকে রক্ষা করিতে পারিবেন না। বিশ্বরূপ বৃত হইলেন, কিন্তু দেবতাদিগের যজ্ঞে তিনি গোপনে নিজ মাতৃকুল অশুরগণকে যজ্ঞের ভাগ দিতে লাগিলেন। ইন্দ্র তাহা দেখিয়া ক্রুদ্ধ হইয়া বিশ্বরূপের শিরশ্ছেদ করিলেন। ষ্টা পুত্রবধের সংবাদ শুনিয়া ইন্দ্রকে বধ করার জন্য যজ্ঞে আহুতি দিয়া বৃত্রাশুর নামে এক ভীষণদর্শন অশুর উৎপন্ন করিলেন। লোকসকল ভীত হইয়া চতুর্দিকে পলায়ন করিতে লাগিল। দেবতারা ঐ অশুরের প্রতি দিব্যাস্ত্র নিক্ষেপ করিলেন, সেই অশুর সকল অস্ত্রই গ্রাস করিয়া ফেলিল। ভীত হইয়া দেবতারা বিষ্ণুর স্তব করিলেন।

‘বিষ্ণু আবিস্কৃত হইয়া বলিলেন,

মম্বন বার্তা ভঙ্গ্য বো দধ্যম্বম্বিস্তমম্ব ।

বিভাব্রততপঃসারং গাভ্রং বাচত যা চিরং ॥ ৬৯৫

—ইন্দ্র, তোমাদের মঙ্গল হউক, তোমরা সত্ত্বর গিয়া ঋষিশ্রেষ্ঠ দধীচির নিকট বিভা ব্রত ও তপস্বী দ্বারা স্মৃদুত তাঁহার গাত্রাঙ্গি প্রার্থনা কর ।

ঐ অস্থিদ্বারা বিশ্বকর্মা যে অস্ত্র নির্মাণ করিবেন, সেই অস্ত্রেই তুমি ব্রতাসুরের মস্তক ছেদন করিতে পারিবে ।

### ১০—১৩ অধ্যায় দধীচি, ব্রত, ইন্দ্র, নহুষ

দেবতারা মহর্ষি দধীচির নিকট উপস্থিত হইয়া তাঁহাদের প্রার্থনা জানাইলেন । ঋষি বলিলেন, মৃত্যুর যাতনা ছঃসহ, দেহও জীবগণের অতিশয় প্রিয়, আমি কেন ইহা তোমাদিগকে দান করিব ?—দেবতারা বলিলেন, আপনার ঞ্চায় দয়ীবান্ মহাপুরুষগণের পরহিতের জন্য দুস্ত্যজ কি আছে ? তখন দধীচি বলিলেন—

ধর্মং বঃ শ্রোতুকামেন যুয়ং মে প্রত্ন্যদাহতাঃ ।

এষ বঃ প্রিয়মাত্মানং ত্যজন্তং সংতজ্জাম্যহম্ ॥

অহো দৈত্তমহো কষ্টং পারক্যোঃ ক্ষণভঙ্গুরৈঃ ।

যগ্নোপকুর্ধ্যাদস্বার্থৈর্মর্ত্য্যঃ স্বজ্ঞাতিবিগ্রহৈঃ ॥ ৬১০।৭, ১০

—আপনাদের নিকট ধর্ম গুনিবার ইচ্ছায় ঐরূপ কথা বলিয়াছি । ঐই দেহ আমার অত্যন্ত প্রিয় হইলেও একদিন ইহা আমাকে ত্যাগ করিয়া যাইবে । আমি ইহাকে এখনই ত্যাগ করিতেছি । অহো, কি দৈত্তের, কি কষ্টের কথা, যদি ক্ষণভঙ্গুর পদার্থাদি দ্বারা লোকের উপকার না হয় ।

দধীচি এই বলিয়া স্বীয় আত্মাকে পরব্রহ্মে স্থাপন করিয়া কলেবর ত্যাগ করিলেন । বিশ্বকর্মা সেই মূনির ত্যক্ত অস্থিদ্বারা এক বজ্র নির্মাণ করিলেন । তখন ত্রেতাযুগের প্রাক্কালে সত্যযুগে নর্মদাতীরে দেবাসুরে এক ভীষণ সংগ্রাম আরম্ভ হইল । যুদ্ধক্ষেত্রে এক সময়ে অসুরগণকে পলায়মান দেখিয়া ব্রত বলিল,—

জাতন্ত মৃত্যুৎপাদ এব সর্বতঃ প্রতিক্রিয়া যন্ত ন চেহ কণ্ঠা ।

লোকো যশচ্চাথ ততো যদি হুমং কো নাম মৃত্যুং ন বণীত যুক্তম্ ॥

যৌ সম্ভাবিহ মৃত্যু দুৰ্য্যাপৌ যদ্ ব্রহ্মসদ্ধারণয়া জিতাসু: ।

কলেবরং যোগরতো বিজহাদ্ যদগ্রণীর্বারশয়েহনিবৃন্ত: ॥ ৬।১০।৩২, ৩৩

—জন্মিলে মৃত্যু অলঙ্ঘনীয়। এই মৃত্যু হইতে যদি ইহলোকে যশ ও পরলোকে স্বর্গলাভের সম্ভাবনা থাকে, কোন্ বুদ্ধিমান তাহাকে বরণ না করিবে? হে অস্ত্ররগণ, দুই প্রকার মৃত্যু দুস্ত্রাপ্য অথচ বাঞ্ছনীয়—যোগরত হইয়া, আর যুদ্ধক্ষেত্রে সেনার অগ্রভাগে থাকিয়া ।

ইন্দ্র ও বৃত্র পরস্পর সম্মুখীন হইলে বৃত্র তাহাকে বলিলেন, তুমি তোমার গুরু আমার ভ্রাতা ষ্ঠাপুত্র বিশ্বরূপকে হত্যা করিয়াছ, আজ এই শূলদ্বারা তোমার হৃদয় ছিন্ন করিয়া আমি অশ্বগী হইব, ইহা আমার পরম সৌভাগ্য। আর যদি তুমিই দধীচির অস্থি নির্ম্মিত এই দারুণ কুলিশদ্বারা আমার মস্তক ছেদন কর, তবে—

তত্রানুগো ভূতবলিং বিধায় মনস্বিনাং পাদরজঃ প্রপৎস্তে ॥

নম্বেষ বজ্রস্তব শত্রু তেজসা হবেদধীচস্তপসা চ তেজিতঃ ।

তেনেব শত্রুং জহি বিষ্ণুযন্ত্রিতো যতো হরিবিজয়ঃ শ্রীগুণান্ততঃ ॥

অহং সমাধায় মনো যথাহ সঙ্কর্ষণস্তচ্চরণারবিন্দে ।

তদ্বজ্রংহো নুলিতগ্রাম্যপাশো গতিং মুনেষাম্যপবিদ্ধলোকঃ ॥

পুংসাং কিলৈকাস্তমিমাং স্বকানাং যাঃ সম্পদো দিবি ভূমৌ রসায়াম্ ।

ন রাতি যদ্বেষ উদ্বেষ আধির্ষদঃ কলির্ব্যসনং সংপ্রয়াসঃ ॥

ন নাকপৃষ্ঠং ন চ পারমেষ্ঠ্যং ন সার্কভৌমং ন রসাধিপত্যং ।

ন যোগসিদ্ধিরপুনর্ভবং বা সমঞ্জস ত্বা বিরহস্য কাঙ্ক্ষে ॥

অজাতপক্ষা ইব মাতরং খগাঃ স্তম্ভং যথা বৎসতরা ক্ষুধার্তাঃ ।

প্রিয়ং প্রিয়েব ব্যাধিতং বিষণ্ণা মনোহরবিন্দাস্ক দিদ্ধৃক্ষতে স্বাম্ ॥

—এই দেহ ভূতগণকে উপহাব দিয়া মনস্বিপাদরজঃ প্রাপ্ত হইব। হে শত্রু, তোমার এই বজ্র শ্রীহরির তেজ ও দধীচির তপস্বাদ্বারা তেজস্বান হইয়া আছে, ইহা দ্বারা আপন শত্রুকে বধ কর। তুমি বিষ্ণু কর্তৃক নিয়োজিত। যেখানে হরি, সেখানেই বিজয় শ্রী ও সকল গুণ বর্তমান। আমি সঙ্কর্ষণের চরণে চিত্ত সমাহিত করিয়া তোমার বজ্রবলে বিষয়রূপ পাশ ছিন্ন

করিয়া মুনিগণের গতি লাভ করিব। তাঁহার একান্ত ভক্তগণকে তিনি কখনও স্বর্গ মর্ত্য রসাতলের কোন সম্পদ দেন না। সম্পদ, ঘেঘ উৎসেগ মন্ততা বিষাদ মনঃপীড়ারই কারণ। হে প্রভু, তোমাকে ত্যাগ করিয়া স্বর্গ ঋবলোক ব্রহ্মার পদ সার্কর্ভোমত্ব রসাতলের আধিপত্য যোগসিদ্ধি এমন কি মোক্ষও আকাজ্জা করি না। অজাতপক্ষ বিহঙ্গ বা ক্ষুদ্র বৎসগণ ক্ষুধার্ত হইয়া মাতার জন্ত, বা পতিবিরহিণী স্ত্রী প্রবাসগত পতির জন্ত, যেমন উৎকণ্ঠিত হয়, হে পদ্মপাশাশলোচন, তোমাকে দেখিবার জন্ত আমি তেমনই উৎকণ্ঠিত হইয়াছি। ৬।১।১৮, ২০, ২১, ২২, ২৫, ২৬

এই বলিয়া বৃত্র প্রলয়কালীন বহিু সদৃশ নিজ শূল বেগে ঘূর্ণিত করিয়া মহেন্দ্রের প্রতি নিক্ষেপ করিলেন। বজ্রধর ইন্দ্র তখন শতপর্ব্বা বজ্রদ্বারা সেই শূল ও তৎসহ বৃত্রের এক বাহুও ছেদন করিয়া ফেলিলেন। কিন্তু সেই প্রহারবেগে বজ্র ইন্দ্রের হস্তচ্যুত হইয়া পড়িয়া গেল। ইন্দ্র ঐ বজ্র তুলিয়া নিতে লজ্জিত হইতেছেন দেখিয়া—

তমাহ বৃত্তো হর আস্তবজ্রো জহি স্বশত্রুং ন বিষাদকালঃ ॥ ৬।১২।৬

—বৃত্র তাহাকে বলিল, তুমি নিজ বজ্র পুনঃ গ্রহণ করিয়া শত্রুকে বধ কর, এখন বিষাদের সময় নহে।

দেখ, এই জড়দেহ জয় পরাজয়ের কারণ নহে। সমস্ত লোক, জালবদ্ধ বিবশ পক্ষী, দারুণময়ী নারী, অথবা পত্রময় মৃগের ঞ্চায় ঈশ্বরের নিয়ন্ত্রণাধীন।—

তস্মাদকীর্তিবশসোর্জয়াপজয়য়োরপি।

সমঃ স্তাৎ স্তুত্বঃখাভ্যাং মৃত্যুজীবিতদ্বোস্তথা ॥

সত্ত্বং রজস্তম ইতি প্রকৃতের্নাস্থানোগুণাঃ।

তত্র সাক্ষিণমাত্মানং বো বেদ স ন বধ্যতে ॥

প্রাণগ্নহোহংগং সমর ইচ্ছকো বাহনাসনঃ।

অত্র ন জায়তেহমৃত্যু জয়োহমৃত্যু পরাজয়ঃ ॥ ৬।১২।১৪, ১৫, ১৭

—অতএব অকীর্তি অবশ জয় পরাজয় স্তুত্বঃখা জীবন মৃত্যুতে সমভাব হইবে। সত্ত্ব রজঃ তমঃ প্রকৃতির গুণ, আত্মার নহে, আত্মা তাহার সাক্ষিমাাত্র, এইরূপ যে জানে সে বদ্ধ হয় না। আমাদের এই যুদ্ধ দ্যুতক্রীড়ার তুল্য, প্রাণ ইহাতে পণ, শরসমূহ পাশা, হস্তী অশ্বাদি বাহনগণ ইহার ফলক। কখন কাহার জয় কাহার পরাজয় হইবে, কিছুই জানা যায় না।

ইন্দ্র তখন দৈত্যরাজের ঐ বাক্যসমূহ শুনিয়া বিস্মিত হইলেন, এবং বলিলেন,—

অহো দানব সিদ্ধোহসি যন্ত তে মতিরীদৃশী ।

ভক্তঃ সর্বাশ্বনাশ্বানং স্নহদং জগদীশ্বরম্ ॥

যন্ত ভক্তির্ভগবতি হরৌ নিঃশ্রেয়সেশ্বরে ।

বিক্রীডতোহমৃতাশ্চোধৌ কিং কুর্দ্বে খাতকোদটৈঃ ॥ ৬।১২।১৩, ২২

—হে দানব, তুমি সিদ্ধ হইয়াছ, কারণ, তোমার একুপ বুদ্ধি জন্মিয়াছে। সকল ভূতের আত্মা ও মুহূদ জগদীশ্বরে তুমি অমুরক্ত হইয়াছ। মুক্তির অধিপতি ক্রীহরিতে যাহাব ভক্তি, সে অমৃত সমুদ্রে বিহার করে, ক্ষুদ্র গর্তস্থ জলরূপ স্বর্গাদিতে তাহাব প্রযোজন কি?

বহুপ্রহারে বৃত্রের দ্বিতীয় বাহুও ছিন্ন হইল। দানববাজ তখন ছুই হস্ত সাহায্যে ভূতলে বসিয়া ভীষণ মুখ ব্যাদান করিয়া ঐরাবত সহ ইন্দ্রকে উদবস্থ করিয়া ফেলিল। ইন্দ্র নারায়ণ-কবচবলে বৃত্রের কুক্ষিদেশ বিদীর্ণ করিয়া বহির্গত হইয়া ঐ মহাশত্রুর মস্তক ছেদন করিয়া ফেলিলেন। বৃত্রের দেহনিষ্ক্রান্ত জ্যোতি ক্রীভগবানে গিয়া মিলিত হইল।

বৃত্রবধজনিত ব্রহ্মহত্যায় ভীত হইয়া ইন্দ্র স্বর্গত্যাগ করিয়া পলায়ন করিলেন। অবশেষে তিনি মানসসরোবরে এক পদ্মতন্তু মধ্যে গিয়া লুকাইয়া হইলেন। ইন্দ্রের অনুপস্থিতি কালে, রাজা নহষ স্বর্গলোক শাসন কবেন, কিন্তু কোন গুরুতর অপরাধে তিনি অগস্ত্যশাপে স্বর্গ হইতে ভূতলে পতিত হইয়া অজগরসর্পে প্রাপ্ত হন। দেবতারা তখন ইন্দ্রকে অভয় দিয়া লইয়া আসেন, এবং অশ্বমেধযজ্ঞ করিয়া তিনি ব্রহ্মহত্যার পাপ হইতে মুক্ত হন।

## ১৪—১৭ অধ্যায়

চিত্রকেতু, নারদ, মহাদেব, পার্শ্বভী

রাজা পরীক্ষিৎ জিজ্ঞাসা করিলেন, ভগবন, অমুর বৃত্রের কিরূপে ভগবান নারায়ণে একুপ দৃঢ় মতি হইল?—শুকদেব

বলিলেন, মহারাজ, শূরসেন দেশে চিত্রকেতু নামে এক রাজা ছিলেন। তাঁহার বহু পত্নী ছিল, তথাপি তিনি অপুত্রক। একদিন মহর্ষি অঙ্গিরা যদৃচ্ছা পর্য্যটন করিতে করিতে তাঁহার নিকট আসিয়া উপস্থিত হইলেন। রাজা বিধিমত ঐ মহর্ষির পূজা করিলেন। অঙ্গিরা জিজ্ঞাসা করিলেন, মহারাজ, তোমার কুশল ত? তোমার মুখমণ্ডল বিবর্ণ দেখিতেছি কেন?—রাজা বলিলেন, ভগবন্, আপনি সর্ব্বজ্ঞ, তথাপি আপনার জিজ্ঞাসার উত্তর দিতেছি। অপুত্রকতাবশতঃ ঐশ্বর্য্য সম্পদাদি আমাকে কিছুমাত্র সুখী করিতে পারিতেছেন না। আপনি কৃপা করিয়া পূর্ব্বপুরুষগণসহ আমাকে এই আসন্ন নবকভোগ হইতে উদ্ধাব করুন।—রাজার প্রার্থনায় ঋষি এক যজ্ঞ করিয়া যজ্ঞশেষ রাজার প্রধানা মহিষী কৃতদ্যুতিকে প্রদান করিলেন। কাল পূর্ণ হইলে সেই গর্ভে একটা বালক জন্ম গ্রহণ করিল। মহিষীব সপত্নীগণ বিদ্রোহবশে ঐ পুত্রকে গোপনে বিষপ্রদান করিয়া হত্যা করিল। রাজপুত্রীতে হাহাকার পড়িয়া গেল। ঐ সময়েই মহর্ষি অঙ্গিরা শ্রীনারদকে লইয়া অবধূতবেশে পুনরায় আসিয়া ঐ রাজপুত্রীতে উপস্থিত হইলেন। রাজা বলিলেন, আপনাবা মহতেরও মহীয়ান দুই মহাত্মা কে?—তখন অঙ্গিবা পবিচয় দিয়া বলিলেন, রাজন্, আমি তোমাকে পরম জ্ঞান প্রদান করিতে ইচ্ছুক হইয়া কিছুকাল পূর্ব্ব তোমার গৃহে আসিয়াছিলাম, কিন্তু তুমি তখন পুত্র প্রার্থনা করায় তোমাকে এক পুত্র দিয়াছিলাম। রাজন্, এখন ত বুঝিলে শ্রীপুত্রাদি সকলই কেবল সন্তাপদায়ক, গন্ধর্ব্বনগরতুলা, ইহাদের কোন পারমার্থিক অস্তিত্ব নাই।—

তস্মাৎ স্বস্থেন মনসা বিমুগ্ধ গতিমান্ননঃ ।

যেষে ধ্রুবার্থবিশ্রজ্ঞঃ ত্যজোপশমনাবিশ ॥ ৬।১৫।২৫

—অতএব সুস্থচিত্তে আত্মতত্ত্ব বিচার করিয়া শ্রীভগবান্ ব্যতীত কোন বস্তু সত্য হইতে পারে এই ধারণা সর্ব্বথা ত্যাগ কর, তাহাতেই শান্তি লাভ হইবে।

তখন নারদ যুত পুত্রকে সম্বোধন করিয়া বলিলেন, হে জীবাত্মন,

দেখ, তোমার পিতামাতা বান্ধবগণ তোমার বিয়োগে কিরূপ সন্তপ্ত। তুমি এই পরিত্যক্ত দেহে প্রবেশ করিয়া পিতার রাজ্য-সম্পদ ভোগ কর। জীব বলিল, কর্মবশে আমি তো বহু যোনি ভ্রমণ করিলাম, ইহাবা কোন্ জন্মে আমার পিতামাতা ছিলেন? জীব যতদিন দেহে থাকে, ততদিনই মাত্র দেহের উৎপাদনকারীর সঙ্গে তাহাব একটা দৈহিক সম্বন্ধ থাকে—

নহস্তান্তি প্রিয়ঃ কশ্চিন্নাপ্রিয়ঃ স্বঃ পরোহপি বা ।

একঃ সর্বধিয়াং দ্রষ্টা কর্তৃণাং গুণদোষযোঃ ॥ ৬।১৬।১০

—জীবের প্রিয় বা অপ্রিয়, আপন বা পর কেহ নাই। সে একক, গুণদোষকারীদিগের বিবিধ বুদ্ধির সাক্ষী মাত্র।

সে ভোগেব সাক্ষী মাত্র, ভোক্তা নহে।—এই বলিয়া ঐ জীবাত্মা তথা হইতে প্রস্থান কবিয়া গেল। চিত্রকেতু শোক ত্যাগ করিলেন, এবং কালিন্দীব জলে স্নান কবিয়া তর্পণাদি ক্রিয়া সম্পন্ন করিলেন। নাবদ তাঁহাকে এক বিद्या প্রদান করিলেন, সাতদিন ঐ বিद्या অভ্যাস কবিয়া চিত্রকেতু বিদ্যাধর লাভ করিলেন। মনোগতি লাভ কবিয়া সেই বাজা ভগবান্ শেষদেবের সমীপে গিয়া তাঁহার দর্শন লাভে ধন্য হইলেন। ঐ বাজা স্বর্গধামে যথেষ্ট ভ্রমণ কবিতে কবিতে একদিন কৈলাসপতি মহাদেবকে দেখিলেন, দেবতা ও ঋষিগণে পরিবৃত্ত হইয়া পার্বতীকে বামক্ৰোড়ে লইয়া তিনি বসিয়া আছেন। গর্বমত্ত ঐ বিদ্যাধর চিত্রকেতু বলিয়া উঠিলেন, কি পবিত্রাপ, ইনি লোকগুরু, অথচ নির্লজ্জব ত্যায় সর্বসমক্ষে স্বীয় পত্নীকে ক্রোড়ে নিয়া বসিয়া আছেন।—উমা ইহা শুনিয়া ক্রুদ্ধ হইয়া অভিশাপ দিলেন, তুমি অশুরযোনি প্রাপ্ত হও। চিত্রকেতু বিমান হইতে অবতরণ করিয়া অবনতমস্তকে বলিলেন, দেবি, আপনার অভিশাপ আমি অঞ্জলি পাতিয়া গ্রহণ করিলাম—

গুণপ্রবাহ এতস্মিন্ কঃ শাপঃ কোষগ্নঃপ্রহঃ ।

কঃ স্বর্গো নরকঃ কো বা কিং স্তব্ধং হুঃখমেব বা ॥ ৬।১৭।২০



—সংসার গুণসকলের ধারাবাহী প্রবাহ মাত্র, ইহাতে শাপই বা কি, আর অমৃতই বা কি, স্বর্গই বা কি, আর নরকই বা কি, মুখই বা কি, আর দুঃখই বা কি ?

তখন মহাদের বলিলেন, দেবি, বিষ্ণুভক্তদিগের মাহাত্ম্য প্রত্যক্ষ করিলে ত ?

। নহন্ত্যন্তি প্রিয়ঃ কশ্চিৎপ্রিয়ঃ স্ব পরোহপি বা ।

আত্মহ্যং সর্বভূতানাং সর্বভূতপ্রিয়ো হরিঃ ॥ ৬।১৭।৩৩

—তাহার প্রিয় অপ্রিয় আপন পর এইরূপ কোন ভেদবুদ্ধি নাই। কারণ, আত্মা সর্বভূতেই আছেন এবং হরি সর্বভূতেরই প্রিয়।

তারপর চিত্রকেতু দানবযোনি লাভ করিয়া ঈশ্বার যজ্ঞে উৎপন্ন হইয়া 'বৃত্র' আখ্যা প্রাপ্ত হন।

[ ১৮ অধ্যায়ে প্রধানতঃ মরুৎগণের জন্মবৃত্তান্ত ও ১৯ অধ্যায়ে পুংসবন ব্রতকথা বর্ণিত হইয়াছে ]

## সপ্তম স্কন্ধ

### ১—৪ অধ্যায়

#### হিরণ্যকশিপু, প্রহ্লাদ

রাজা পরীক্ষিৎ জিজ্ঞাসা করিলেন, ব্রহ্মন, শ্রীভগবান্ সর্বভূতের সুহৃৎ, তবে তিনি ইন্দ্রের জন্ম কেন হিরণ্যাক্ষ প্রভৃতি দৈত্যগণকে বধ করিলেন ?—ঋষি বলিলেন, রাজন, তুমি উত্তম প্রশ্ন জিজ্ঞাসা করিয়াছ। তিনি সত্ত্বগুণপ্রধান দেবগণকে বর্দ্ধিত করেন, রজঃ ও তমঃপ্রধান অসুরগণকে বিনাশ করেন। ইহাতে প্রকৃতপক্ষে তাঁহার দেবপ্রীতি বা অসুরদ্রোষ নাই। রাজস্বয় যজ্ঞে চেদিরাজ শিশুপালকে শ্রীকৃষ্ণের সহিত সায়ুজ্যপ্রাপ্ত হইতে দেখিয়া মহারাজ যুধিষ্ঠির নারদকে ঠিক এই কথাই জিজ্ঞাসা করিয়াছিলেন। নারদ যাহা বলিয়াছিলেন, আমি এক্ষণে তোমাকে তাহাই বলিব।

নারদ বলিলেন, রাজন, নিন্দাস্তবাদি বৈষম্য-জ্ঞান এবং অহং-মমত্ব রূপ অভিমান এই দেহেই নিবদ্ধ। অখিলাত্মা পরমেশ্বরের ঐরূপ কোন ভেদজ্ঞান নাই। তিনি জীবের হিতার্থে তাহাকে দণ্ড দেন। বৈরিতা ভয় ভক্তি স্নেহ কাম দ্বারা বা অশ্রু যে কোন উপায়েই হউক, তাঁহাতে যুক্ত হইবে। কোন এক উপায় অশ্রু উপায়ের বিরোধী, এরূপ মনে করিবে না—

যথা বৈরাগ্যবন্ধেন মর্ত্যস্তন্ময়তামিয়াং ।

ন তথা ভক্তিযোগেন ইতি মে নিশ্চিতা মতিঃ ॥ ৭।১।২৪

—নিরন্তর শ্রীশুগবানের প্রতি শত্রুভাব পোষণ দ্বারা মামুষ্য বৈষম্য তন্ময়তা প্রাপ্ত হয়, এমন কি ভক্তিযোগ দ্বারাও তেমন হয় না, ইহা আমার নিশ্চিত ধারণা।

কীটঃ পেশঙ্কতা রুদ্ধঃ বুড়্যায়াং তমমুশ্রবন্ ।

সংরম্ভভয়যোগেন বিন্দতে তৎস্বরূপতাম্ ॥ ৭।১।২৫

—ভিত্তিহিঙ্গে ভ্রমর কর্তৃক রুদ্ধ তৈলপায়ী কীট ভয়বশতঃ একান্ত মনে নিয়ত ভ্রমরকে শ্রবণ করিতে করিতে সেই ভ্রমরের রূপ প্রাপ্ত হয়।

গোপ্যঃ কামাদ্ ভয়াং কংসো ঘেষাচ্চৈতাদ্যো নৃপাঃ ।

সম্বন্ধাদ্ভয়ঃ স্নেহাদ্ ভয়ং ভক্ত্যা ভয়ং বিভো ॥ ৭।১।৩০

—হে রাজন, গোপীগণ প্রণয়, কংস ভয়, শিশুপাল প্রভৃতি রাজগণ ঘেষ, রক্ষীগণ সম্বন্ধ, তোমরা স্নেহ এবং আমরা ভক্তি দ্বারা তাঁহাকে প্রাপ্ত হইয়াছি।

বৈরিতাবশতঃ প্রতিকূর্ণ তাঁহার অনুচিন্তন দ্বারা, আবার ভয় বল, স্নেহ বল, ভক্তি বল, এই সব ভাবের দ্বারা, তাঁহাতে মন আবিষ্ট করিয়া, তৎফলে সর্বপাপ হইতে মুক্ত হইয়া, অনেকে তাঁহার গতি প্রাপ্ত হইয়াছেন। বেণ রাজার (৫৬-৫৭ পৃঃ দেখুন) উক্ত পাঁচটা ভাবের একটীও ছিল না।—

তস্মাৎ কেনাপ্যপায়েন মনঃ কৃষ্ণে নিবেশয়েৎ । ৭।১।৩১

—অতএব যে কোন উপায়ে শ্রীকৃষ্ণে মন নিবিষ্ট করিবে।

শিশুপাল ও দম্ভবক্র তোমাদের মাতৃস্বসার পুত্র বিষ্ণুর পার্শ্বদ ছিল, ব্রহ্মশাপে স্বপদচ্যুত হইয়াছিল (৪১-৪২ পৃঃ দেখুন)। ঐ

পার্বদদ্বয় প্রথম জন্মে হিরণ্যাক্ষ ও হিরণ্যকশিপু, দ্বিতীয় জন্মে রাবণ ও কুম্ভকর্ণ এবং তৃতীয় বা শেষ জন্মে তোমাদের ঐ দুই মাতৃস্বসেয়রূপে জন্ম লাভ করে। বৈরিতাজনিত নিয়ত তীব্র মনন দ্বারা তাহারা পরিশেষে বিষ্ণুসমীপে পুনরায় নীত হয়।—

যুধিষ্ঠির শ্রীনারদকে বলিলেন, ভগবন্, দৈত্যরাজ হিরণ্যকশিপুর উদ্ধার বৃত্তান্ত বিস্তারিত বলুন।

নারদ বলিলেন, অসুর হিরণ্যাক্ষ শ্রীহরিকর্তৃক নিহত হইলে (৪১ পৃঃ দেখুন) দৈত্যরাজ হিরণ্যকশিপু রোষানলে প্রদীপ্ত হইয়া ভীষণ অল্পচরগণের সাহায্যে স্বর্গ মর্ত্য বিশ্বস্ত করিয়া দিল। মাতা ভ্রাতৃবধু ও ভ্রাতৃপুত্রগণকে ভ্রাতা হিরণ্যাক্ষের শোকে রোদন করিতে দেখিয়া সে বলিল, শত্রুহস্তে মৃত্যু বীরের পক্ষে ত শ্লাঘার বিষয়, তবে তোমরা কেন রোদন করিতেছ? আর দেখ,—

ভূতানামিহ সংবাসঃ প্রণায়ামিব স্তত্রতে ।

দৈবেনৈকত্র নীতানামুন্নীতানাং স্বকর্ণশ্রুতিঃ ॥

নিত্য আত্মাব্যয়ঃ শুদ্ধঃ সর্বগতঃ সর্বজিৎ পরঃ ।

ধত্তেহসাবাত্মনোলিঙ্গং মায়য়া বিশ্বজন্ গুণান্ ॥

যথাস্তসা প্রচলতা তরবোহপি চলা ইব ।

চক্ষুষা ভ্রাম্যমাণেন দৃশ্যতে চলতীব ভূঃ ॥

এবং গুণৈর্ভ্রাম্যমাণেন মনস্তবিকলঃ পুমান্ ।

যাতি তৎসাম্যতাং ভদ্রে হলিঙ্গে লিঙ্গবানিব ॥

এষ আত্মবিপর্য্যাসো হলিঙ্গে লিঙ্গভাবনা ।

এষ প্রিয়াপ্রিয়ৈর্যোগো বিয়োগঃ কৰ্ম্মসংস্থতিঃ ॥

সম্ভবশ্চ বিনাশশ্চ শোকশ্চ বিবিধঃ স্মৃতঃ ।

অবিবেকশ্চ চিন্তা চ বিবেকাস্থতির্যেব চ ॥ ৭১২১২-২৬

—হে স্তত্রতে, ভূতগণের এখানে অবস্থান পানীয়শালায় অবস্থানের আয় : দৈবের দ্বারা একত্র আনীত, আবার স্বকর্ণদ্বারা অত্র নীত হয়। আত্মা নিত্য অব্যয় শুদ্ধ সর্বগত সর্বজ্ঞ দেহাতীত। আত্মা মায়্যাবশে স্তব্ধ হুঃখাদি গুণ সকল স্বীকার করিয়া দেহ ধারণ করেন। জল চঞ্চল হইলে তাহাতে প্রতিবিম্বিত বৃক্ষ সকলও চঞ্চল বলিয়া মনে হয়, চক্ষু ভ্রাম্যমাণ হইলে ভূমিও

ভ্রমণ করিতেছে বলিয়া বোধ হয়। মন সুখভোগাদি গুণদ্বারা বিন্ধিত হইলে অশরীরী আত্মাকে মনের দ্বারা বিক্ষেপগ্রস্ত শরীরী বলিয়া বোধ হয়। আত্মা দেহাতিরিক্ত হইয়াও তাহার যে দেহাভিমান হয়, ইহাই সকল বিপদায় ঘটায়। ইহাই প্রিয়াপ্রিয়ের যোগ বিয়োগ ও সংসারের কারণ, ইহা ইহাতেই জন্ম মৃত্যু রোগ শোক অবিবেক চিন্তা ও বিবেকের বিন্ধুতি হইয়া থাকে।

হিরণ্যকশিপু বলিতে লাগিলেন, এ বিষয়ে তোমাদিগকে এক পুরাতন কাহিনী বলিব।—উশীনর দেশে সুযজ্ঞ নামে এক বিখ্যাত রাজা শত্রুগণ কর্তৃক যুদ্ধে নিহত হইলেন। আত্মীয়েরা তাঁহার মৃতদেহ বেষ্ঠন করিয়া রোদন করিতে আরম্ভ করিল। তখন যমরাজ বালকবেশে আসিয়া বলিলেন, এই বয়স্ক ব্যক্তিগণের মোহ দেখ—

যত্রাগতস্তত্রগতং মনুষ্যং স্বয়ং সধৰ্ম্মা অপি শোচন্ত্যপার্থম্। ৭।২।৩৭

—এ ব্যক্তি যেখান হইতে আসিয়াছিল সেখানেই ফিরিয়া গিয়াছে; ইহার তাহারই মত গতায়াতধৰ্ম্মী হইয়াও তাহার জ্ঞান অনর্থক শোক করিতেছে।

তস্তাবলাঃ ক্রীড়নমাহরীশিতুশ্চরাচরং নিগ্রহসংগ্রহে প্রভুঃ ॥

পথি চ্যুতং তিষ্ঠতি দিষ্টরক্ষিতং গৃহে স্থিতং তদ্বিহতং বিনশ্চতি।

জীবত্যানাথোহপি তদীক্ষিতে বনে গৃহেহিভিশ্চোপোহতু হতো ন জীবতি ॥

যথানলো দারুণু ভিন্ন ঐয়তে যথানিলো দেহগতঃ পৃথক্স্থিতঃ।

যথা নভঃ সৰ্ব্বগতং ন সজ্জতে তথা পুমান্ সৰ্ব্বগুণাশ্রয়ঃ পরঃ ॥ ৭।২।৩৯, ৪০, ৪৩

—হে অবলাগুণ, এই চরাচর বিশ্ব তাঁহারই ক্রীড়নক মাত্র, তিনিই পালনের ও সংহারের প্রভু। পথে পতিত বস্তুও দৈব কর্তৃক রক্ষিত হয়, আবার গৃহে স্থিত সুরক্ষিত বস্তুও দৈবহত হইয়া বিনষ্ট হয়। অরণ্যস্থিত অসহায় ব্যক্তিও তিনি ইচ্ছা করিলে বাঁচে, আর তিনি বিনাশ করিতে ইচ্ছা করিলে গৃহাভ্যন্তরে সুরক্ষিত ব্যক্তিরও মৃত্যু হয়। অগ্নি যেমন কাষ্ঠের অভ্যন্তরে থাকিলেও স্বতন্ত্র স্বেদায়িত, বায়ু যেমন দেহের অন্তরে থাকিয়াও দেহ হইতে পৃথক্, আকাশ যেমন সর্বতঃ ব্যাপ্ত থাকিয়াও কিছুই সহিতই যুক্ত নহে, সেইরূপ দেহগত আত্মা সকল গুণের আশ্রয় হইয়াও গুণাতীত থাকেন।

যম বলিলেম, আমি তোমাদিগকে একটা কাহিনী বলি। এক পক্ষিমিথুন বনে বিচরণ করিতেছিল। পক্ষিণী এক কালান্তক ব্যাধের জালে আবদ্ধ হইল। পক্ষী তাহার নিকটস্থ হইয়া বিলাপ করিতে লাগিল। সেই অবসরে ঐ ব্যাধ ঐ পক্ষীকে শরবিদ্ধ করিয়া নিহত করিল। তোমরা সেইরূপ যম কর্তৃক আবদ্ধ এই রাজার জন্ত রোদন করিতেছ। জান না যে মৃত্যু তোমাদের প্রতিও স্মৃতিস্কপ শর নিক্ষেপ করিতে সর্বদা উদ্যত হইয়া আছে।—এই কথা শুনিয়া সকলেই সচকিত হইয়া শোক ত্যাগ করিয়া সেই রাজার প্রেতকৃত্যাদি সম্পন্ন করিল। বালকবেশী যমরাজ অন্তর্হিত হইলেন।—হিরণ্যকশিপু বলিলেন,

অতঃ শোচত মা যুগং পরঞ্চাত্মানমেব বা।

ক আত্মা কঃ পরোবাত্র স্বীয়ঃ পারক্য এব বা।

স্বপরাভিনিবেশেন বিনাঃজ্ঞানেন দেহিনাম্ ॥ ৭।২।৬০

—অতএব তোমরা আপনার বা অপর কাহারও জন্ত শোক করিও না। আপনই বা কে? পরই বা কে? অজ্ঞানতা ব্যতীত দেহীর ‘ইনি পর’ আর ‘ইনি আপন’ এরূপ গণনা হইতে পারে না।

মাতা দিতি পুত্রবধূসহ পুত্রশোক ত্যাগ করিয়া চিন্তা স্থির করিলেন।

হিরণ্যকশিপু অজর ও অমর হইতে ইচ্ছা করিয়া মন্দর-গুহায় অতি ভীষণ তপস্যায় প্রবৃত্ত হইল। দেবগণ সন্ত্রস্ত হইয়া ব্রহ্মার শরণ লইলেন। ব্রহ্মা আসিয়া তাহার দেহ দেখিতে পাইলেন না, বল্লীক তৃণাদি দ্বারা আচ্ছন্ন হইয়া গিয়াছে, পিপীলিকাগণ মেদ মাংস খাইয়া ফেলিয়াছে। ব্রহ্মা বলিলেন, দৈত্যরাজ, তোমার তপোনিষ্ঠায় আমি প্রীত হইয়াছি, তোমার সকল কাম্যই প্রদান করিব।—ব্রহ্মা স্বীয় কমণ্ডলুর জল প্রক্ষিপ্ত করিয়া দিলেন, ঐ দৈত্য পূর্বদেহ প্রাপ্ত হইয়া সেই বল্লীকাদির মধ্য হইতে বাহির হইয়া আসিল। সে কৃতাঞ্জলি হইয়া ব্রহ্মার স্তব করিল এবং বলিল, হে বরদগণের শ্রেষ্ঠ, যদি আমার কাম্য প্রদান করেন, তবে আমাকে এই বর দিন যে

আপনার সৃষ্ট কোন প্রাণী হইতে দিবসে রাত্রিতে ভূমিতে আকাশে কোন অস্ত্র দ্বারা আমার মৃত্যু না হয়, প্রাণিগণের উপর একাধিপত্য ও আমার অনুষ্ঠিত তপস্যার প্রভাব অটুট থাকে।

ব্রহ্মা স্বীয় প্রতিশ্রুতি অনুসারে ঐ সমস্ত বরই প্রদান করিলেন। <ঐ মহাসুর তখন ব্রহ্মাতেজে দৃষ্ট হইয়া দশ দিক ও তিন লোক জয় করিল, মহেন্দ্রভবন অধিকার করিল, লোকপাল ও দেবগণ দ্বারা স্তুত হইতে লাগিল। পৃথিবী কামতুষা হইলেন, সাগর ও নদী রত্ন সকল উপহার দিতে লাগিল। সে দেবগণকে বঞ্চিত করিয়া সমস্ত যজ্ঞভাগ গ্রহণ করিতে লাগিল। তখন দেবগণ অনগ্রগতি হইয়া অচ্যুতের শরণ লইলেন। ক্রীভগবান্ বলিলেন, আমি উহার শাস্তি বিধান করিব, তোমরা কাল প্রতীক্ষা কর।—সেই দৈত্যপতির চারি পুত্র, তন্মধ্যে প্রহ্লাদ সর্ববকনিষ্ঠ। তিনি জিতেন্দ্রিয় সুশীল সত্যপ্রতিজ্ঞ, বাসুদেবে তাঁহার স্বাভাবিকী রতি ছিল। বাল্যাবধি তাঁহার ক্রীড়া দিতে আসক্তি ছিল না। ভগবচ্চিন্তনে কখনও রোমাঞ্চিতশরীর হইয়া তুষ্টীভূত থাকিতেন, কখনও বা প্রেমাশ্রুসিক্ত হইয়া নিমীলিত নেত্রে বসিয়া থাকিতেন। হিরণ্যকশিপু এই মহাভাগবত পুত্রকে নানারূপে নির্যাতন করিতে লাগিল।

## ৫-৭ অধ্যায়

### হিরণ্যকশিপু প্রহ্লাদ

অসুরগণের পুরোহিত শুক্রাচার্যের ষণ্ড ও অমরক নামে দুই পুত্র ছিল। প্রহ্লাদ তাহাদের নিকট বিদ্যাভ্যাস জ্ঞাত প্রেরিত হইলেন। একদিন গৃহাগত পুত্রকে অসুররাজ ক্রোড়ে লইয়া, জিজ্ঞাসা করিলেন, বৎস, তুমি যাহা পড়িয়াছ তন্মধ্যে যাহা ভাল বলিয়া মনে কর, তাহা বল। প্রহ্লাদ বলিলেন,

তৎ সাধু মন্ত্ৰেহসুরবর্ষ্য দেহিনাম্ সদা সমুদ্বিগ্নধিয়ামসদগ্রহাৎ ।

হিস্বাঅপাতং গৃহমন্ধকুপং বনং গতৌ যদ্ধরিমাশ্রয়েত ॥ ৭।৫ ৫

—হে অম্বরশ্রেষ্ঠ, এই অন্ধকূপসদৃশ অধঃপতনের নিদানস্বরূপ সংসার ত্যাগ করিয়া অরণ্যে গিয়া শ্রীহরির আশ্রয় গ্রহণ করাই আমি অসম্বুদ্ধিবশতঃ সর্বদা উদ্দিগ্ধচিত্তে দেহীদিগের পক্ষে উত্তম মনে করি।

দৈত্যপতি শিশুপুত্রের মুখে শত্রুপক্ষীয় এই বাক্য শুনিয়া হাস্ত করিয়া বলিলেন, বালকের বুদ্ধি শত্রুপক্ষ দ্বারা এইরূপেই বিকৃত হয়। ব্রাহ্মণগণ এই বালককে যত্ন পূর্বক রক্ষা করুন, ছদ্মবেশী বৈষ্ণবেরা আর যেন ইহার এইরূপ বুদ্ধিভেদ জন্মাইতে না পারে। গুরুগণ তাহাকে নিয়া জিজ্ঞাসা করিলেন, বৎস, তুমি কি নিজ বুদ্ধিতে রাজাকে এইরূপ বলিলে, না অপর কেহ তোমাকে এইরূপ বুদ্ধি দিয়াছে? প্রহ্লাদ বলিলেন, সেই পরমাত্মা শ্রীভগবান্‌ই আমার এই বুদ্ধিভেদ জন্মাইয়াছেন, তাঁহারই আকর্ষণে আমার এই মতি হইয়াছে, অত্ৰ কাহারও প্রেরণায় নহে। ঐ ব্রাহ্মণগণ তখন তর্জ্জন ভৎসনা ও বেত্র-প্রহারাদির ভয় দেখাইয়া প্রহ্লাদকে ধর্ম্ম-অর্থ-কাম-প্রতিপাদক নানা শাস্ত্র পাঠ করাইলেন। পরে একদিন আচার্য্যগণ তাঁহাকে পুনরায় দৈত্যরাজের নিকট লইয়া আসিলেন। তিনি পিতাকে ভূপতিত হইয়া প্রণাম করিলে পিতাও তাঁহাকে আশীর্ব্বাদ আলিঙ্গনাদি দ্বারা অভিনন্দিত করিলেন। তিনি জিজ্ঞাসা করিলেন, আয়ুস্মন্, তুমি এইবার যাহা শিখিয়াছ, তন্মধ্যে সর্ব্বোত্তম যাহা মনে কর, আমাকে বল। প্রহ্লাদ বলিলেন,—

শ্রবণং কীর্ত্তনং বিষ্ণোঃ স্মরণং পাদসেবনং ।

অর্চনং বন্দনং দাস্ত্বং সখ্যাম্বানিবেদনম্ ॥

ইতি পুংসার্পিতা বিষ্ণৌ ভক্তিশ্চৈবলক্ষণা ।

ক্রিয়েত ভগবত্যাক্ষা তন্মন্ত্ৰেহধীতমুত্তমম্ ॥ ৭।৫।২৩, ২৪

—শ্রবণ কীর্ত্তন স্মরণ পাদসেবন অর্চন বন্দন দাস্য সখ্য আত্মনিবেদন —এই নবলক্ষণা ভক্তি বিষ্ণুতে অর্পণ করাই সর্ব্বোত্তম শিক্ষা।

ক্রোধে অধীর হইয়া হিরণ্যকশিপু ঐ ব্রাহ্মণদিগকে বলিলেন, কি আশ্পর্দা, আমাকে অগ্রাহ্য করিয়া ইহাকে তোমরা এবারেও

আমার বিরুদ্ধপক্ষ আশ্রয় করিয়া এই শিক্ষাই দিয়াছ? গুরু-  
পুত্র বলিলেন, প্রভু, এই শিক্ষা আমরা দেই নাই বা অশ্রু কেহও  
দেয় নাই, ইহার এই বুদ্ধি স্বভাবজ, আমাদের প্রতি ক্রোধ সংবরণ  
করুন। প্রহ্লাদ বলিলেন, পিতা, বিষয়াসক্ত স্বয়ংবদ্ধ কোনও জীব  
শ্রীকৃষ্ণে মতি জন্মাইতে পারে না—

নৈবাং মতিস্তাবদ্বক্ষক্রমাজ্জিৎ স্পৃশ্যত্যানর্থাপগমো যদর্থঃ ।

মহীয়সাং পাদরজোহভিষেকং নিষ্কিঞ্চনানাং ন বৃণীত যাবৎ ॥ ৭।৫।৩২

—(জীবগণ) বিষয়বাসনাশূন্য মহৎ ব্যক্তিগণের পদধূলি যতদিন  
গ্রহণ না করে, ততদিন সকল অনর্থের দূরকারী শ্রীহরির চরণে মতি জন্মে না।

হিরণ্যকশিপু তখন ক্রোধে অন্ধ হইয়া ঐ বালককে নিজ ক্রোড়  
হইতে ভূতলে নিক্ষেপ করিল এবং বলিল, হে অসুরগণ, ইহাকে  
শীঘ্র বধ কর। এ আমার পরম শত্রু ভ্রাতৃহন্তা বিষ্ণুর সেবক।  
পাঁচ বছর বয়সেই এ বালক পিতার এরূপ অহিতকারী হইয়া  
উঠিল, দুই অঙ্গের গ্ৰাস এ পরিত্যাজ্য।—ভীষণদর্শন অসুরগণ  
তখনই ঐ বালককে সূতীক্ষ্ম শূলসমূহ দ্বারা আঘাত করিতে  
লাগিল। পরব্রহ্মে সমাহিতচিত্ত প্রহ্লাদের উপর সকল আঘাত  
নিষ্ফল হইয়া গেল। তৎপর ক্রমে হস্তী, সর্প, বিষদান, উপবাস,  
পর্বতশৃঙ্গ ইহিতে নিক্ষেপ ইত্যাদি নানা উপায়ে সেই শিশুকে  
বধ করার চেষ্টাও ব্যর্থ হইল। হিরণ্যকশিপু তখন বিস্মিত এবং  
এইরূপ প্রভাবসম্পন্ন বালকের দ্রোহাচরণ জন্ম নিজ জীবনও  
বিপন্ন মনে করিতে লাগিল। ষণ্ড ও অমরক আসিয়া বলিলেন,  
প্রভু, আপনি ত্রিজগৎবিজয়ী, এই ক্ষুদ্র বালকের জন্ম ভাবিত  
হইয়াছেন কেন? পিতা শুক্ৰাচার্য্য না আসা পর্য্যন্ত ইহাকে  
পাশবদ্ধ করিয়া আমাদের নিকট রাখুন, আমরা আর একবার  
চেষ্টা করিয়া দেখি। হিরণ্যকশিপু তাহাই করিল।

গুরুগণ গৃহকর্মাদি উপলক্ষে অধ্যাপনায় যখন বিরত থাকিতেন,  
তখন বয়স্ক বালকগণ প্রহ্লাদকে নিকটে আহ্বান করিত।

একদা প্রহ্লাদ তাহাদিগকে সম্বোধন করিয়া বলিলেন,



কৌমার আচর্যে প্রাজ্ঞো ধৰ্ম্মান্ ভাগবতানিহ ।

দুর্লভং মায়াযং জন্ম তদপ্যঙ্গবমর্থদং ॥ ৭।৩।১

—মহাযা জন্ম দুর্লভ, ইহাতে পুরুষার্থ সাধিত হয়, কিন্তু ইহা নখর ।  
অতএব বাল্যেই ভাগবত ধর্ম্মের আচরণ করিবে ।

বিষ্ণু সর্বভূতের প্রিয় এবং সুহৃদ । আয়ু শতবৎসর মাত্র, অর্দ্ধেক  
নিদ্রায়, বিংশতি বৎসর বাল্যক্রীড়ায়, বিংশতি বৎসর জরাজন্ম  
অক্ষমতায় ব্যয়িত হয় । জীব অবশিষ্ট কাল শ্রী পুত্র বিষয়ভোগে  
আসক্ত হইয়া কোশকার কীটের স্থায় স্বরচিত গৃহেই আবদ্ধ হইয়া  
পড়ে, ত্রিতাপে জর্জরিত হয়, কখন : কখন কুটুম্ব পোষণ জন্ম  
পরম্পরাহারী হয়, ‘আমি’ ও ‘আমার’ সতত এই ভাবিয়া  
কামিনীদের ক্রীড়াঙ্গস্বরূপ ও সন্তান সন্ততি দ্বারা শৃঙ্খলাবদ্ধ  
হইয়া থাকে । হে দৈত্য বালকগণ, মুকুন্দের শরণাগতি ও তাঁহার  
পদসেবাই এই পরম ক্লেশকর অবস্থা হইতে মুক্তির ও মঙ্গল লাভের  
একমাত্র উপায় ।—

ন হুচ্যুতঃ প্রীগয়তো বহ্নায়াসোহম্মরায়জাঃ ।

আত্মত্বাৎ সর্বভূতানাং সিদ্ধত্বাদিহ সর্বতঃ ॥

তুষ্ঠে চ তত্র কিমলভ্যমনস্ত আত্ম কিং তৈগুণব্যতিকরাদিহ যে স্বসিদ্ধাঃ ।

ধর্ম্মাদয়ঃ কিমগুণেন চ কাজ্জিতেন সারং জুযাং চরণয়োৰূপগায়তাং নঃ ॥

—হে অম্বরবালকগণ, শ্রীভগবানকে প্রীত করা বহু আয়াসের কর্ম্ম নহে,  
কারণ তিনি সকল ভূতের আত্মা এবং সর্বত্র বর্তমান । সেই আদি অনন্ত  
পুরুষ তুষ্ঠ হইলে কি অলভ্য থাকে ? অবশ্রুতাবী পরিণতি বশতঃ বিনা  
বস্ত্রে বাহা সিদ্ধ হয়, সেই সকল ধর্ম্মের চেষ্টায় কি ফল ? সেই শ্রেষ্ঠতমের  
চরণধ্যানকারী আমাদের মোক্ষেরই বা প্রয়োজন কি ? ৭।৩।২, ২৫

বয়স্শগণ, এই নির্মল জ্ঞানের কথা নরসখা ভগবান নারায়ণ নারদকে  
বলিয়াছিলেন । যে ভাগবতধর্ম্ম তোমাদিগকে বলিলাম, তাহা  
আমি শ্রীনারদের মুখে শুনিয়াছি ।—বয়স্শগণ জিজ্ঞাসা করিল,  
প্রহ্লাদ, আমরা ত এই ব্রাহ্মণদ্বয় ব্যতীত অন্য গুরু দেখি নাই,  
তবে তুমি কিরূপে নারদের নিকট এই শিক্ষা প্রাপ্ত হইলে ?

প্রহ্লাদ বলিলেন, বয়স্শগণ, আমার পিতা মন্দর পর্বতে

তপস্যায় নিরত হইলে (৯২ পৃ: দেখুন) দেবগণ দৈত্যরাজ্য ও রাজপুরী আক্রমণ করিলেন। দৈত্যগণ স্ত্রীপুত্রসহ চতুর্দিকে পলায়ন করিল। আমি তখন মাতৃগর্ভে। <দেবরাজ ইন্দ্র আমার অনাথা মাতাকে বন্ধন করিয়া আকাশপথে লইয়া গেলেন। ঐ পথে দৈবক্রমে দেবর্ষি নারদের সঙ্গে সাক্ষাৎ হইলে তিনি বলিলেন, হে ইন্দ্র, নিরপরাধা পরস্ত্রী এই সতী রাজমহিষীকে শীঘ্র পরিত্যাগ কর। দেবরাজ বলিলেন, ইহার গর্ভে আমার শত্রু ছরস্তু দৈত্যরাজের পুত্র আছে, ঐ পুত্র ভূমিষ্ঠ হওয়া মাত্র আমি তাহাকে বধ করিয়া ইহাকে মুক্ত করিয়া দিব। নারদ বলিলেন, ইহার গর্ভস্থ শিশু নিষ্পাপ পরমভাগবত অনন্তের অন্তর ও মহাবলী, তুমি ইহাকে বধ করিতে পারিবে না। আর, ঐ পুত্র হইতে তোমার কোন আশঙ্কাও নাই।—ইন্দ্র নারদের এই বাক্য শুনিয়া আমার মাতাকে প্রদক্ষিণ করিয়া পরিত্যাগ করিল। নারদ আমার জননীকে বলিলেন, মাতা, তোমার পতির প্রত্যাগমনকাল পর্য্যন্ত তুমি আমার আশ্রমেই থাক। মাতা সম্মত হইয়া ঐ ঋষির আশ্রমে সতত তাঁহার পরিচর্য্যায় ব্রতী হইলেন। পিতার প্রত্যাবর্তন পর্য্যন্ত তাঁহার প্রসব না হয়, মাতার প্রার্থনায় ঋষি তাঁহাকে এই বর দিলেন। শ্রীনারদ সুদীর্ঘকাল প্রতিদিন গর্ভস্থ আমাকে উদ্দেশ করিয়া আত্মনাস্ত্রবিবেক এবং ভক্তিতত্ত্ব উপদেশ দিতেন। ঋষি-কৃপায় আমি তাহা সমস্তই শুনিয়াছিলাম ও ধারণ করিতে সক্ষম হইয়াছিলাম। সেই স্মৃতি আমাকে অত্মপি পরিত্যাগ করে নাই। বয়স্শগণ, তোমরা আমার বাক্যে শ্রদ্ধা কর, বালকেরও ভাগবতী মতি জন্মিতে পারে। বিকার দেহেরই গুণ, আত্মার নহে।

‘আত্মা নিত্যোব্যয়ঃ শুদ্ধঃ একঃ ক্ষেত্রজ আশ্রয়ঃ।

অবিক্রিয়ঃ স্বদৃগ্ হেতুর্ব্যাপকোহসঙ্গ্যনারুতঃ ॥

‘স্বর্ণং যথা গ্রাবস্থ হেমকারঃ ক্ষেত্রেষু যোগৈস্তদভিজ্ঞ আপ্নুয়াৎ।

ক্ষেত্রেষু দেহেষু তথাস্থযোগৈরথ্যাস্তবিদ ব্রহ্মগতিং লভেত ॥ ৭।৭।১৯,২০

—আত্মা নিত্য অব্যয় শুদ্ধ অবিভীত সর্বজ সর্বাশ্রয় নির্বিকার স্বপ্রকাশ

সর্বব্যাপী অঙ্গ এবং আবরণশূন্য। স্বর্ণ ও তাহা প্রাপ্তির উপায়ে অভিজ্ঞ ব্যক্তি যেমন নানা ক্রিয়া দ্বারা খনি হইতে স্বর্ণ উদ্ধার করে, আত্মবিদ তেমন এই দেহক্ষেত্রেই আত্মযোগের দ্বারা ব্রহ্ম লাভ করিতে পারেন।

আত্মা গন্ধাশ্রয় বায়ুর আয় নির্লিপ্ত। যোগাগ্নি অজ্ঞানের দাহক, স্মৃতির সর্বদা শ্রীভগবানে যুক্ত হইয়া থাকিতে অভ্যাস কর।—

গুরুশ্রবণা ভক্ত্যা সর্বলাভার্পণেন চ।

সঙ্গেন সাধু ভক্তানামীশ্বরারাধনেন চ॥

শ্রদ্ধয়া তৎ কথয়াঞ্চ কীৰ্ত্তনৈশ্চৰ্গকৰ্ম্মণাম্।

তৎপাদাশ্রুকহধ্যানাৎ তল্লিঙ্গেক্ষার্ম্ণাদিভিঃ॥

হরিঃ সৰ্বেষু ভূতেষু ভগবানাস্ত ঈশ্বরঃ।

ইতি ভূতানি মনসা কামৈশ্চৈশ্চৈঃ সাধু মানয়েৎ ॥ ৭।৭।৩০-৩২

—গুরুশ্রবণা, ভক্তি, সকল লাভ তাঁহাতে সমর্পণ, সাধু ভক্তদের সঙ্গ, ঈশ্বরের আরাধনা, তাঁহার কথায় শ্রদ্ধা, তাঁহার গুণ ও কর্ম্মের কীৰ্ত্তন, তাঁহার চরণকমলের ধ্যান, তাঁহার বিগ্রহের দর্শন ও পূজা করিবে এবং তিনি সর্বভূতে বর্তমান আছেন জানিয়া সর্বত্র সাধু দৃষ্টি করিবে।

সুহৃদগণ, শ্রীভগবানের আরাধনা কোনরূপেই ছুরাহ নহে, সেই হৃদয়েশের শ্রীচরণসঙ্গই সুখ—

কোহতিপ্রয়াসোহস্মরবালকা হররূপাসনে শ্বে হৃদি ছিদ্ৰবৎ সতঃ।

স্বস্ত্যশ্বনঃ সখ্যুরশেষদেহিনাম্ X X X X X X ॥ ৭।৭।৩৮

—হে অস্মরবালকগণ, আকাশবৎ হৃদয় মধ্যে অবস্থিত নিজ ও সর্বজীবের সখা শ্রীহরির উপাসনায় এমন কি প্রয়াস পাইতে হয়?

কামনারহিত হইয়া সর্বভূতের অন্তরস্থ সুর নর অসুর সকলেরই প্রিয় শ্রীহরিতে অনুরক্ত হইয়া সকল শ্রেয়ঃ লাভ কর।

ন দানং ন তপো নেজ্যা ন শৌচং ন ব্রতানি চ।

প্রীয়তেহমলয়া ভক্ত্যা হরিরন্তর্বিড়ম্বনম্॥

এতাবানেষ লোকেহস্মিন্ পুংসঃ স্বার্থঃ পরঃ স্মৃতঃ।

একান্তভক্তির্গৌবিন্দে যৎ সর্বত্র তদীক্ষণম্॥ ৭।৭।৫২,৫৫

X —দান তপস্তা যজ্ঞ শৌচ ব্রত এ সকলের দ্বারা শ্রীহরি প্রীত হন না,

কেবল শুদ্ধা ভক্তি ধারাই তিনি প্রীত হন। একপ ভক্তি ছাড়া অস্ত্র সকলই বিড়ম্বনা মাত্র। গোবিন্দে একান্ত ভক্তি ও সর্বত্র তাঁহাকে দেখা—ইহাই পুরুষের পরম স্বার্থ।

## ৮-১০ অধ্যায়

### হিরণ্যকশিপু, প্রহ্লাদ, নৃসিংহ

প্রহ্লাদের উপদেশ শুনিয়া দৈত্যবালকগণ সকলেই ত্রীবিধের একান্ত ভক্ত হইল। ষণ্ড ও অমর্ক ভীত হইয়া দৈত্যরাজকে এই সংবাদ জানাইল। হিরণ্যকশিপু ক্রোধে কম্পিত হইয়া কৃতাজলিবদ্ধ পুত্রকে বলিলেন, লোকপালসমূহ আমার ভয়ে ভীত, তুই কাহার বলে আমার শাসন অতিক্রম করিতেছিস? অতুই তোকে যমালয়ে প্রেরণ করিব। প্রহ্লাদ বলিলেন, রাজন, শ্রীভগবানই সকল বলীর বল—

জহাস্মরং ভাবমিমাং ত্বমাশ্বনঃ সমং মনোধৎস্ব ন সন্তি বিধিমাঃ।

ঋতেহজিতাদাশ্বন উৎপথে হতাং তদ্ধি হনন্তস্ত মহৎ সমহর্গম্ ॥

দশ্যন্ পুরা ষণ্ ন বিজিত্য লুপ্ততো মত্তস্ত একে স্বজিতা দিশো দশ।

জিতাশ্বনো জ্ঞস্ত সমস্ত দেহিনাং সাধোঃ স্বমোহপ্রভবাঃ কূতো পরে ॥

—আপনি এই আশ্বর্য্যের ভাব ত্যাগ করুন, মনে সমভাব ধারণ করুন, বিপথে পরিচালিত অসংঘত নিজ মন ছাড়া আপনার অস্ত্র কোথাও কোন শত্রু নাই। সর্বত্র সমদর্শনই সেই অনন্তের শ্রেষ্ঠ পূজা। ষড়্বিক্রিয়রূপ সর্বস্ব নৃশনকারী হয় জন দশ্যকে জয় না করিয়াই কেহ কেহ মনে করে দশ দিক জয় করিয়াছি। দেহিগণের শত্রু নিজ মোহ হইতেই উৎপন্ন হয়। আশ্বজয়ী সমস্তানী সাধুগণের সেরূপ শত্রুর সম্ভাবনা কোথায়? ৭।৮।৯-১০

ক্রোধোন্মত্ত অশ্বরাজ বলিল, রে মন্দভাগ্য, তুই নিশ্চয় মরিতে ইচ্ছা করিতেছিস, কারণ তুই মুমূর্ষুদের ন্যায় প্রলাপ-বাক্য বলিতেছিস। আমি ছাড়া আবার ঈশ্বর কোথায়? যদি তোর সেই ঈশ্বর সর্বত্রই আছে, তবে এই স্তম্ভে তাহাকে দেখিতেছি না কেন?—‘কাসৌ যদি স সর্বত্র কস্মাৎ স্তম্ভে ন

দৃশ্যতে' । [ প্রহ্লাদ বলিলেন, হাঁ এই যে, এই স্তম্ভের মধ্যেই দেখা যাইতেছে (স্বামীটাকা দেখুন) । ] দৈত্যরাজ বলিল, তোর দেহ হইতে মস্তককে এখনই আমি বিচ্ছিন্ন করিয়া দিতেছি, তোর ইষ্ট হরি তোকে আজ রক্ষা করুক ।—এই বলিয়া সেই দৈত্য খড়্গহস্তে সিংহাসন হইতে উঠিয়া পড়িল, এবং অতি বলে সেই স্তম্ভে এক দারুণ মুণ্ডাঘাত করিল । তখন ঐ স্তম্ভ হইতে এক ভীষণ শব্দ উত্থিত হইল, এবং 'ন মৃগ ন মানুষ' এক অদ্ভুতরূপ তাহা হইতে বহির্গত হইয়া আসিলেন । দৈত্যবর গদা লইয়া ঐ নৃসিংহ মূর্তির অভিমুখে প্রবল বেগে ধাবিত হইল । গরুড় যেমন অনায়াসে মহাসর্পকে গ্রহণ করে, গদাধর শ্রীহরি তেমন অক্লেশে ঐ ভীষণ গদাধারী অশুরকে ধৃত করিয়া ফেলিলেন । মহাবল ঐ দৈত্য আপনাকে কোনরূপে মুক্ত করিয়া ক্ষণকাল বিশ্রাম করিল, এবং তদন্তেই খড়্গা ও চর্ম্ম গ্রহণ করিয়া বেগে ঐ নৃসিংহ মূর্তির উপর আপতিত হইল । মহাবেগশালী শ্রীভগবান্ মহাশব্দে অট্টহাস্য করিয়া ক্ষতদেহ ও নিমীলিতনেত্র ঐ অশুরকে তৎক্ষণাৎ পুনরায় ধৃত করিলেন, এবং দ্বারদেশে আনিয়া তাহাকে নিজ উরুর উপর স্থাপন করিয়া অবলীলাক্রমে স্বীয় নখের দ্বারা বিদীর্ণ করিয়া ফেলিলেন । অশুরপতি গতাস্থ হইলে নৃসিংহদেব তাহার অঙ্গুচরগণের প্রতি ধাবিত হইয়া বহু বহু বিস্তার করিয়া তাহাদিগকে ধরিলেন, ও বহুনখশস্ত্রযুক্ত হস্ত দ্বারা তাহাদের সকলকেই নিহত করিলেন । তখন সেই পরমদেব রাজাসনে গিয়া উপবিষ্ট হইলেন । স্বর্গে দেবগণ পুষ্পবর্ষণ করিল, গন্ধর্ব্বগণ গান ও অপ্সরাগণ নৃত্য করিতে লাগিল । তখন ক্রমে ব্রহ্মা রুদ্র ইন্দ্র ঋষিগণ পিতৃগণ সিদ্ধ বিদ্যাধর নাগ মনু প্রজাপতি গন্ধর্ব্ব চারণ ষক্ষ কিম্পুরুষ বৈতালিক কিন্নর ও বিষ্ণু-পার্ষদগণ সেই স্থানে আবির্ভূত হইয়া তাঁহার স্তব করিলেন ।

কিন্তু ব্রহ্মাদি কেহই এমন কি স্বয়ং লক্ষ্মীও তাঁহার নিকটে যাইতে সাহস করিলেন না । তাঁহারা প্রহ্লাদকে বলিলেন, বৎস,

তোমার পিতার উপর রুষ্ট্রীভগবান্কে এক্ষণে তুমি প্রসন্ন কর।—প্রহ্লাদ তখন ধীরে ধীরে শ্রীনৃসিংহের সমীপে উপনীত হইয়া অঞ্জলিবন্ধনপূর্ব্বক ভূপতিত হইলেন। নৃসিংহদেব ঐ বালককে ভূমি হইতে তুলিয়া তাঁহার অভয় করপদ্ম উহার মস্তকে স্থাপন করিলেন। প্রহ্লাদের হৃদয়মধ্যে বিশুদ্ধ ব্রহ্মজ্ঞান অব্যক্ত হইল, তিনি সেই দেবদেবের শ্রীপাদপদ্ম হৃদয়ে ধারণ করিলেন। রোমাঞ্চিতদেহে ও অশ্রুপূর্ণ লোচনে প্রেমে গদগদ বাক্যে প্রহ্লাদ তাঁহার স্তব করিলেন। নৃসিংহদেব বলিলেন, ভদ্র, আমি শ্রীত হইয়াছি, তুমি অভিলষিত বর প্রার্থনা কর।

প্রহ্লাদ বলিলেন,—

মা মাং প্রলোভয়োৎপত্ত্যাসক্তং কামেষু তৈর্করৈঃ ।

তৎসঙ্গভীতো নির্বিল্লো মুমুক্শ্বামুপাশ্রিতঃ ॥

যন্ত আশিষ আশাস্তে ন স ভৃত্যঃ স বৈ বণিক্ ॥

অহং ত্বকামত্বদভক্তত্বঞ্চ স্বাম্যনপাশ্রয়ঃ ।

নাশ্রুণেহাবয়োরর্থো রাজসেবকয়োরিব ॥

যদি দাস্তসি মে কামান্ বরাংস্ত্বং বরদর্ষভ ।

কামানাং হৃদয়সংরাহং ভবতস্ত বৃণে বরম্ ॥ ৭।১০।১২, ৪, ৬, ৭

—স্বভাবতঃ কামাসক্ত আমাকে বরের দ্বারা প্রলুব্ধ করিবেন না, আমি ঐ কামভয়েই ভীত হইয়া তাহা হইতে মুক্তির কামনা করিয়া আপনার শরণ লইয়াছি। যে ব্যক্তি আপনার নিকট সংসারিক মঙ্গল লাভের আকাঙ্ক্ষা করে, সে আপনার ভৃত্য নয়, সে বণিক্। আমি আপনার নিষ্কাম ভক্ত, আপনিও সকলপ্রকার অভিসন্ধি-রহিত স্বামী। অতএব পার্থিব রাজা ও তাহার সেবকের হ্রায় কোন অর্থ-দেওরা-নেওয়া আমাদের প্রয়োজন নাই। হে বরদাতাগণের শ্রেষ্ঠ, যদি আমার ঈপ্সিত বর দেন, তবে এই বর দিন, যে আমার হৃদয়মধ্যে কখনও যেন কোন কামনার উদ্বেক না হয়।

শ্রীভগবান্ বলিলেন,

নৈকাশ্রিনো মে ময়ি জাহ্নিহাশিষ আশাসতেহমুক্ত চ যে ভববিধাঃ । ৭।১০।১১

—তোমার হ্রায় একান্ত ভক্তগণ কখনও আমার নিকট ইহ বা পরকালের জন্ত কিছু যাক্ষা করেনা।

তথাপি তুমি এক মন্বন্তরকাল এইখানে থাকিয়া এই দৈত্যরাজ্য ভোগ কর। সকল কৰ্ম আমাতে অর্পণ করিও। পুণ্যাচরণ দ্বারা পাপকে ও কালবেগে শরীরকে ত্যাগ করিয়া তুমি বন্ধন-মুক্ত হইয়া আমাকে প্রাপ্ত হইবে। সুরলোকে তোমার বিগুহ্ব কীর্ত্তি গীত হইবে। প্রহ্লাদ বলিলেন, ভগবন, আমার পিতা আপনার প্রতি বৈরাচরণ দ্বারা যে অপরাধ করিয়াছেন, আপনার প্রসাদে তিনি সেই পাপ হইতে মুক্ত হউন। শ্রীভগবান কহিলেন, হে নিষ্পাপ, তুমি আমার সকল ভক্তের উপমাশূল। তোমার আবির্ভাব দ্বারাই তোমার পিতা উর্দ্ধতন একবিংশতি পুরুষ সহ পূত হইয়াছেন। আমার ভক্তগণ যে দেশে বা কূলে থাকেন, তাহা যত নীচ হউক না কেন, তাঁহারা নিশ্চিত শুদ্ধতা প্রাপ্ত হন। বিশেষতঃ তোমার পিতা আমার অঙ্গস্পর্শে পবিত্র হইয়া গিয়াছেন। তুমি এক্ষণে তাঁহার প্রেতকার্য্য সকল সম্পন্ন কর এবং—

মধ্যাবেশ্ত মনস্তাত কুরুকর্মাণি মৎপরঃ । ৭।১০।২০

—হে তাত, তুমি আমাতে মন নিবিষ্ট করিয়া মৎপরায়ণ হইয়া সকল কৰ্ম কর।

ব্রহ্মাকর্ষক পুনরায় স্তূত হইয়া শ্রীভগবান বলিলেন, হে পদ্মযোনি, তুমি আর কখনও অসুরগণকে এই প্রকার বর দিও না, ইহা কালসর্পকে অমৃতদানের তুল্য।—এই বলিয়া শ্রীভগবান্ অন্তর্হিত হইলেন। ব্রহ্মা শুক্লাচার্য্য প্রভৃতি মুনিগণের সঙ্গে মিলিত হইয়া প্রহ্লাদকে দৈত্য ও দানবগণের অধিপতিপদে প্রতিষ্ঠিত করিলেন।

## ১১—১৫ অধ্যায়

### নারদ, নানাধর্ম্ম-কথন

অতঃপর নারদ যুধিষ্ঠিরের জিজ্ঞাসামতে সনাতন ধর্ম্ম বর্ণ ও আশ্রম সকলের আচার বলিতে লাগিলেন, যথা—মানুষের সাধারণ

ধর্ম—সত্য, দয়া, তপস্যা, শৌচ, তিতিক্ষা, বিবেক, শমদম, অহিংসা, ব্রহ্মচর্য্য, ত্যাগ, স্বাধ্যায়, আর্জ্জব, সন্তোষ, সেবা, নিবৃত্তি, বহির্দৃষ্টি, দেহে অনাশ্রবুদ্ধি, মানুষে মানুষে দেবতাজ্ঞান। ত্রীকৃষ্ণের শ্রবণ কীর্ত্তন স্মরণ ও তাঁহার সেবা অর্চনা প্রণাম সখ্য দাস্ত্র ও তাঁহাতে আত্ম-সমর্পণ পরম ধর্ম। বর্ণধর্ম—ব্রাহ্মণের লক্ষণ—শম দম তপস্যা শৌচ সন্তোষ ক্ষমা সরলতা জ্ঞান বিষ্ণুপরত্ব ও সত্য। তাহার বিশেষ ধর্ম—অধ্যয়ন অধ্যাপন যজন যাজন দান প্রতিগ্রহ; ক্ষত্রিয়ের লক্ষণ—শৌর্য্য বীর্য্য ধৈর্য্য তেজ দান আত্মজয় ক্ষমা ব্রহ্মণ্যতা সত্য; তাহার বিশেষ ধর্ম—প্রতিগ্রহ ছাড়া ব্রাহ্মণের বিশেষ ধর্মের অপর কয়টি, ও ব্রাহ্মণ ছাড়া অপরের নিকট কর-গ্রহণ। বৈশ্যের লক্ষণ—দেবতা গুরু বিষ্ণুতে ভক্তি, ধর্ম অর্থ কাম পরিপোষণ, আস্তিক্য, নিত্য উত্তম, নৈপুণ্য; তাহার ধর্ম—কৃষি ও বাণিজ্য। শূদ্রের লক্ষণ—প্রণাম শৌচ সেবা নমস্কার পঞ্চযজ্ঞ আন্তেয় সত্য গোব্রাহ্মণরক্ষা; তাহার ধর্ম—দ্বিজাতিশুশ্রূষাদ্বারা জীবিকা নির্বাহ। স্ত্রীধর্ম—পতির শুশ্রূষা ও আত্মকূল্য, পতির একুগণের অমুগতি ও পতির নিয়মধারণ, বস্ত্রালঙ্কার ভূষিত হইয়া গৃহমার্জন লেপন ও সুসজ্জিত রাখা, গৃহোপকরণ পরিষ্কার রাখা এবং বিনয় সত্য অথচ প্রিয়বাক্য ও প্রেম দ্বারা পতি-সেবা, যথালভে সন্তুষ্টা, ভোগে নিস্পৃহা এবং আলস্যশূন্য থাকা। সঙ্কর জাতিগণের বৃত্তি স্ব স্ব কুলাগত। উপর্যুপরি বীজবপনে যেমন ক্ষেত্র নির্বীৰ্য্য হয়, অতিশয় কামনাসেবায়ও চিত্ত সেইরূপ নির্বীৰ্য্য হইয়া পড়ে, অল্প সেবায় তাহা হয় না। ব্রহ্মচারীর কর্তব্য—গুরুকূলে বাসের সময় জিতেন্দ্রিয় দাসবৎ থাকিয়া হিতাচরণ; প্রাতে গুরু অগ্নি সূর্য্য ও দেবগণের উপাসনা এবং সন্ধ্যায় গায়ত্রী জপ, গুরুর চরণ মন্তক দ্বারা স্পর্শ করিয়া বেদ অধ্যয়ন; কটিবন্ধনে মেখলা যুগচর্ম্ম জটা দণ্ড কমণ্ডলু উপবীত ও হস্তে কুশ ধারণ; প্রাতঃ ও সায়াং ভিক্ষাচরণ ও ভিক্ষাদ্রব্য গুরুকে নিবেদন ও গুরুর আজ্ঞা পাইলে ভোজন, নতুবা উপবাস,



পরিমিত ভোজন, জীলোকের সহিত সংযত ব্যবহার, গুরুপত্নীদের দ্বারা বেশ সাধন না করা । কারণ,

বর্জয়েৎ প্রমদাগাধামগৃহস্থো বৃহদ্রতঃ ।

ইন্দ্রিয়াণি প্রমাথীনি হরন্ত্যপি যতের্ননঃ ॥

নশ্বয়িঃ প্রমদা নাম দ্ব্যতকুন্তসমঃ পুমান্ ।

সুতামপি রহোজহাদত্তদা যাবদর্থকুৎ ॥ ৭।১২।৭,৯

—অগৃহস্থ বিশেষতঃ ব্রতচারী ব্রহ্মচারী জীববিষয়ক সঙ্গীত বর্জন করিবে ; কারণ, ইন্দ্রিয় সকল অতি বলবান্, যতিরও মন হরণ করে । জী অগ্নি, ও পুরুষ দ্ব্যতকুন্ত । অতএব আপন কণ্ঠার সহিতও নির্জনে অবস্থান করিবে না ; সজন স্থানেও প্রয়োজনকালমাত্র থাকিবে ।

বানপ্রস্থ—শস্য ভক্ষণ নিষিদ্ধ, মাত্র পক্ ফলাদি । অগ্নি স্থাপন জগ্গৃহ বা পর্বতগুহা আশ্রয় করিবে । কেশ নখাদি রাখিবে ।

শেষে—

ইত্যক্ষরতয়াত্মানং চিন্মাত্রমবশেষিতম্ ।

জ্ঞাত্বাহংযোহংথ বিরমেদগ্ধ্বোনিরিবানলঃ ॥ ৭।১২।৩১

—এইরূপে উপাধিলীন হইলে পর যে চিৎস্বরূপ আত্মা অবশিষ্ট থাকে, তাহাকে অবিনাশী জানিয়া ভেদজ্ঞানরহিত হইবে এবং কাষ্ঠ সম্পূর্ণ দগ্ধ হইলে বহি যেমন ক্ষান্ত হয়, সেইরূপ সর্বকর্মে হইতে বিরত হইবে ।

যতিধর্ম—সর্বত্র ভ্রমণ, গ্রামে এক রাত্রি মাত্র বাস, কৌপীন দণ্ড মাত্র ধারণ, আত্মারাম, সর্বত্র ব্রহ্ম দর্শন, সকল ভূতের স্মরণ, মৃত্যুকে অভিনন্দন বা জীবন লইয়া আনন্দ করিবে না, প্রলোভনাদি দ্বারা শিষ্ট্য করিবে না, বহুগ্রন্থ পড়িবে না, শাস্ত্রব্যাখ্যাকে উপজীবিকা করিবে না, মঠ নিষ্শাণ্ড নিষিদ্ধ । পরমহংসধর্ম—ইচ্ছা হইলে লোক শিক্ষার্থ যম নিয়ম ধারণ, নতুবা পরিত্যাগ । বালক, উন্নত ও মুকের স্থায় চলিবে । অজগরব্রত এক মুনির সংবাদ বলিলেন—দৈত্যপতি প্রহ্লাদ অমুচরগণসহ পর্যটন করিতে করিতে কাবেরীতটে সছাদির সামুদ্রেশে ধূলি-ধূসরিতাঙ্গ গুহাতেজা ভূতলে শয়ান এক মুনিকে দেখিতে পাইলেন । প্রণত হইয়া তাঁহাকে জিজ্ঞাসা করিলেন, আপনার দেহ কিস্বাকারে স্থল হইল,

এবং সকলেই কৰ্ম করে দেখিয়াও আপনি কেন সৰ্ব্ব কৰ্মে নিরুত্থম, আমাকে বলার যোগ্য হইলে বলুন। মুনি বলিলেন, রাজন্, তৃষ্ণা কর্তৃক কৰ্মে প্রবৃত্ত হইয়া আমি নানা যোনি ভ্রমণ করিয়া এখন মনুষ্য দেহে প্রবিষ্ট হইয়াছি। এই দেহ ধৰ্ম্মাচরণ দ্বারা স্বর্গের, অধৰ্ম্মের দ্বারা নীচ যোনিতে জন্ম প্রাপ্তির, ধৰ্ম্মাধৰ্ম্ম উভয় দ্বারা মনুষ্যত্বের এবং নিবৃত্তি দ্বারা মোক্ষের দ্বার। কৰ্মনিরত স্ত্রীপুরুষ সুখও পায় না দুঃখেরও নিবৃত্তি হয় না দেখিয়া আমি নিবৃত্তির পথ লইয়াছি। রাজন্, আত্মস্বরূপের উপলব্ধিই জীবের সুখ। ধনীদিগের সৰ্ব্বদা অর্থহানির আশঙ্কা ও প্রাণীদিগের সৰ্ব্বদা প্রাণহানির আশঙ্কা প্রত্যক্ষ করিয়াছি। রাজন্, মধুকর কত কষ্টে মধু সংগ্রহ করে, কিন্তু অপরে তাহা হরণ করিয়া নেয়, সে তাহাতে বিচলিত হয় না, নিয়ত মধু সংগ্রহই করিতে থাকে। অজগর কখনও প্রচুর ভোজন করে, কখনও কিছুই পায় না, তথাপি সদা শয়ানই থাকে। আমি অট্টালিকা মধ্যে কখনও পালকে উত্তম শয্যায় শায়িত কখনও বা ভূপতিত থাকি, কখনও সুন্দর বসনালঙ্কারে দেহ আবৃত করিয়া হস্ত্যশ্বারোহণে ভ্রমণ করি, কখনও গ্রহের হ্রায় দিগম্বর হইয়া বিচরণ করি। কাহারও নিন্দা বা স্তব কিছুই করি না, সকলেরই কল্যাণ কামনা করি। আমার একমাত্র আকাঙ্ক্ষা—মহাত্মা বিষ্ণুর সহিত ঐক্যালাভের।—মহাত্মা প্রহ্লাদ পুনঃ মুনির পূজা করিয়া তথা হইতে চলিয়া গেলেন।

গৃহস্থধৰ্ম্ম—

(গৃহেষবস্থিতো রাজন্ ক্রিয়াঃ কুর্স্বন্ যথোচিতাঃ।

বাস্তদেবার্পণং সাক্ষাৎপাসীত মহামুনিন্ ॥)

(যাবদৰ্শমুপাসীত দেহে গেহে চ পণ্ডিতঃ।

বিরজোরক্তবস্ত্র নৃলোকে নরতাং ব্রহ্মেৎ ॥)

(যাবদব্রিয়েত জঠরং তাবৎ স্বতঃ হি দেহিনাম্।

অধিকং যোহভিমত্রেত স স্তেনোদগমহ'তি ॥)

(ক্ৰিমিবিড়্ভম্মনিষ্ঠান্তং কেদং তুচ্ছং কলেবরম্ ॥)

ক তদীয় রতিভাষ্যা কায়মায়া নভশ্ছদিঃ ॥

সিদ্ধৈর্যজ্ঞাবশিষ্ঠার্থৈঃ কল্পয়েদ্রুত্তিমাশ্বনঃ ।

শেষে স্বত্বং ত্যজন্ প্রাজ্ঞঃ পদবীং মহতামিয়াং ॥ ৭।১৪।২,৫,৮,১৩,১৪

—হে রাজন্, গৃহে অবস্থিত ব্যক্তি যথাকর্তব্য ক্রিয়াসকল বাস্তুদেবে সমর্পণ করিয়া নির্বাহ করিবেন এবং মহামুনিদিগের উপাসনা করিবেন। প্রয়োজনমাত্র বিষয়সেবা করিয়া দেহে ও গৃহে অন্তরে অনাসক্ত ও বাহিরে আসক্তবৎ থাকিয়া লোকসমাজে পৌরুষ প্রকাশ করিবেন। যে পরিমাণ দ্বারা উদরপূর্তি হয়, তাবৎ ধনমাত্রেই দেহিগণের স্বত্ব। তদপেক্ষা অধিক যে গ্রহণ করে, সে চোর, দণ্ডার্থ। এই ক্লেদপূর্ণ শরীর ও তাহার রতিজনক ভাষ্যাই বা কোথায়, আর গগনমণ্ডলচ্ছেদী পরমাত্মাই বা কোথায়? যে পুরুষ দৈবলব্ধ অর্থ দ্বারা পঞ্চযজ্ঞ নির্বাহ করেন এবং অবশিষ্ট অর্থে স্বত্ব ত্যাগ করেন, তিনিই প্রাজ্ঞ, তিনিই মহাপুরুষ বলিয়া গণ্য হন।

দেবতা ঋষি মনুষ্য ভূতবর্গ পিতৃগণ এবং আত্মা পঞ্চযজ্ঞের দেবতা—ইহাদিগের সেবা করিবে। শ্রেয়োজনক শ্রাদ্ধকার্য্য করিবে। যেখানে তপস্যা বিদ্যা ও দয়াযুক্ত ব্রাহ্মণগণ বাস করেন, সেখানে হরির প্রতিমা আছে। গঙ্গাদি নদী, পুষ্করাদি সরোবর, কুরুক্ষেত্র গয়া প্রয়াগ পুলহাশ্রম নৈমিষারণ্য ফল্গুনদী প্রভাস দ্বারকা বারাণসী মথুরা বিষ্ণুসরোবর বদরিকাশ্রম, রাম ও সীতার আশ্রম, মন্দার মলয় প্রভৃতি কুলাচল—এই সকল স্থানে বাস পরম মঙ্গলকর জানিবে। রাজন্, রাজসূয় যজ্ঞস্থলে দেবতা ঋষি সনকাদি মহর্ষি বিद्यমান থাকিতেও তুমি অচ্যুতকে সর্ব্বাপেক্ষা পূজাই স্থির করিয়াছ, তাঁহার পূজায়ই সকল জীবের তৃপ্তি। রাজন্, মনুষ্যেরা পরস্পর অবজ্ঞা করিতেছে দেখিয়া পণ্ডিতেরা ত্রোতাযুগে উপাসনার নিমিত্ত প্রতিমা সৃষ্টি করিয়াছেন। কিন্তু দ্বেষ পরিত্যাগ করিয়া পূজা না করিলে কোন ফল হয় না। প্রকৃত ব্রাহ্মণ তপস্যা বিদ্যা ও তৃষ্টি দ্বারা ভগবান্ হরির যুক্তি ধারণ করেন।

নারদ কতকগুলি বিধি উপদেশ দিলেন, যথা—জ্ঞাননিষ্ঠ ব্রাহ্মণকে, সেরূপ না পাইলে যোগ্য ব্রাহ্মণকে, কব্য ও হব্য দান.

করিবে। শ্রাদ্ধে দৈবে ছুই ও পিতৃপক্ষে তিনটি ব্রাহ্মণকে ভোজন করাইবে। দেবতা ঋষি পিতৃগণ আত্মীয়গণকে যথাযোগ্য অন্ন ভাগ করিয়া দিবে। সর্বভূতকে ঈশ্বররূপে দেখিবে। শ্রাদ্ধে আমিষ দিবে না। নীবারাদি দ্বারা যেমন প্রীতি হয়, আমিষ দ্বারা সেরূপ হয় না। সন্তোষ অভ্যাস করিবে—

|| সন্তুষ্টশ্চ নিরীহশ্চ সাত্বারামশ্চ যৎ সুখম্।

কৃতস্তং কামলোভেন ধাবতোহর্থহয়া দিশঃ ॥ ৭।১৫।১৬

—সন্তুষ্ট নিশ্চেষ্ট আত্মারাম ব্যক্তির যে সুখ, লোভের জন্ত চতুর্দিকে ধাবমান লোকের সে সুখ কোথায় ?

ইন্দ্রিয়চালনা তেজ বিজ্ঞা যশ সব নষ্ট করে। কাম ক্রোধের বরং অন্ত হইতে পারে, কিন্তু লোভের অন্ত কখনও হয় না। সঙ্কল্প ত্যাগ দ্বারা কামকে, কামের বিসর্জন দ্বারা ক্রোধকে, অর্থে অনর্থ-দর্শন দ্বারা লোভকে জয় করিবে। আত্মানাত্মবিবেক দ্বারা শোক ও মোহকে, মহৎ লোকের সেবা দ্বারা দম্বকে, মৌন দ্বারা যোগের বাধাগুলিকে, এবং কামনা বিষয়ে চেষ্টা পরিত্যাগ দ্বারা হিংসাকে জয় করিবে। যে সকল প্রাণী হইতে ভয় জন্মে, তাহাদের হিতাচরণ দ্বারা সেই ভয় বা দুঃখ নিবারণ করিবে। মনঃপীড়া দি দুঃখকে সমাধি দ্বারা, আত্মজনিত দুঃখকে যোগের দ্বারা, আর নিজাকে সত্ত্বগুণ দ্বারা দূর করিবে। গুরুতে ভগবান্‌বুদ্ধি করিবে। যিনি চিন্তাবিজয়ে যত্নবান্, তিনি নিঃসঙ্গ ও অপরিগ্রহ হইবেন, একাকী নির্জনে বাস করিবেন ও ভিক্ষালব্ধ পরিমিত অন্নাদি আহার করিবেন। পবিত্র স্থানে স্থির সুখকর ও সমতল আসন স্থাপন করিয়া তাহাতে ঋজুকায় হইয়া উপবেশন করিবেন, এবং ‘ওম্’ এই মন্ত্র উচ্চারণ করিবেন। পুরক কুম্ভক ও রেচক দ্বারা প্রাণ ও অপান বায়ুকে নিরুদ্ধ করিবেন, আর নিজ নাসাগ্রে দৃষ্টি স্থির রাখিবেন যে পর্য্যন্ত না মন কামনা সকল ত্যাগ করে। মন কামনাসক্ত হইয়া যে যে স্থান হইতে বাহির হইয়া যায় তখনই তাহাকে সেই সেই স্থান হইতে আনিয়া হৃদয়মধ্যে নিরুদ্ধ করিয়া রাখিবে।

নিরন্তর এইরূপ অভ্যাস দ্বারা যতির চিত্ত অল্পকালমধ্যেই কার্ঠ-  
শূন্য বহিবৎ শাস্তি প্রাপ্ত হয়। কামনা দ্বারা অবিদ্ধ সর্ববৃত্তি-  
তিরোহিত চিত্ত ব্রহ্মসুখ স্পর্শ করিয়াছে, সুতরাং তাহা কখনও  
বিক্ষিপ্ত হয় না। অচ্যুতকে আশ্রয় না করিলে ইন্দ্রিয়-অশ্ব জীবকে  
বিষয়-দস্যু মধ্যে ও মৃত্যুময় সংসার-কূপে নিক্ষেপ করে। প্রবৃত্তি দ্বারা  
পিতৃযান ও পুনরাবৃত্তি এবং নিবৃত্তি দ্বারা দেবযান ও অমৃতময়  
মুক্তি লাভ হয়।

অতীত এক কল্পে আমি উপবর্হণ নামে প্রিয়দর্শন কিন্তু সদা  
মদমত্ত ও লম্পট প্রকৃতির এক গন্ধর্ব্ব ছিলাম। একদা দেবতাদের  
যজ্ঞে হরিগুণগানের নিমিত্ত গন্ধর্ব্ব ও অপ্সরাগণ নিমন্ত্রিত হন।  
আমি মত্ত অবস্থায় দ্রীগণপরিবৃত হইয়া সেখানে যাই। দেবগণ  
আমাকে অভিশাপ করিলেন, তুমি শূদ্র হও। এই  
অভিশাপের ফলে আমি দাসীগর্ভে জন্ম গ্রহণ করি। ব্রহ্মবাদী  
ঋষিগণের সঙ্গ ও শুশ্রূষা প্রভাবে আমি ব্রহ্মার পুত্র হ লাভ করিতে  
পারিয়াছি (৪ ইহিতে ৭ পৃঃ দেখুন)। ধর্ম্মানুষ্ঠান দ্বারা গৃহস্থ  
সত্য সত্যই সন্ন্যাসিগণের পদবী লাভ করিতে পারে। রাজন,  
তোমরা ত বিশেষ ভাগ্যবান, কারণ কৈবল্যনির্বাণদাতা স্বয়ং  
ব্রহ্ম তোমাদের মাতুলপুত্র, প্রিয় সুহৃৎ, পুণ্য ও পরামর্শদাতা গুরু।  
—শ্রীনারদের এই সকল বাক্য শুনিয়া মহারাজ যুধিষ্ঠিরের কৃষ্ণভক্তি  
আরও গাঢ় হইল। দেবর্ষি স্বস্থানে প্রস্থান করিলেন।

## ১—৪ অধ্যায়

প্রথম চার মনু, গজেন্দ্র ও গ্রাহ

রাজা পরীক্ষিৎ বলিলেন, গুরো, স্বায়ম্ভুব মনুর বংশ বিস্তারিত  
শুনিলাম। এক্ষণে অগ্ন্যাত্ত মনুগণের কথা ও সেই মনুসন্তরে

শ্রীভগবান্ যাহা যাহা করিয়াছেন ও করিবেন, তাহা আমাকে বলুন। শ্রীশুকদেব কহিলেন, রাজন, এই কল্পে পর পর ছয়টি মনু অতীত হইয়াছেন। স্বায়ম্ভুব মনুর কণ্ঠা আকৃতির গর্ভে যজ্ঞ, ও দেবহুতির গর্ভে কপিল নামে শ্রীভগবান্ অবতীর্ণ হন। কপিলের কথা তোমাকে বলিয়াছি ( ৪২—৪৭ পৃ: ); ভগবান্ যজ্ঞের কথা পরে বলিব। শতরূপাপতি স্বায়ম্ভুব মনু কামভোগে বিরক্ত হইয়া রাজ্য পরিত্যাগ করেন। তিনি ভার্যাসহ সুনন্দানদীর তীরে এক পদে ভূমি স্পর্শ করিয়া শ্রীভগবানের স্তব ও কঠোর তপস্যা করেন। দ্বিতীয় মনু অগ্নিপুত্র স্বারোচিষ, তৃতীয় মনু প্রিয়ব্রতপুত্র উত্তম তাঁহার ভ্রাতা তামস চতুর্থ মনু। এই তামস মনুষ্যের শ্রীভগবান্ হরিমেধসের ঔরসে হরিণী নামক তাঁহার পত্নীর গর্ভে জন্ম লইয়া গ্রাহের কবল হইতে গজেন্দ্রকে মুক্ত করেন। আমি এক্ষণে তোমাকে সেই বিচিত্র কাহিনী বলিব।

ত্রিকূট নামে লৌহ রৌপ্য ও স্বর্ণময় তিনটি শৃঙ্গশিষ্ট অত্যুচ্চ এক সাগরবেষ্টিত পর্বত ছিল। ঐ পর্বতের উপত্যকায় দেবান্ধনাগণের ক্রীড়াভূমি ঋতুমৎ নামে বরুণের একটা সুরম্য উদ্যান, তাহাতে বিপুলায়তন একটা সুশোভিত সরোবর। একদা এক যুথপতি হস্তী করিগীগণসহ অরণ্যস্থ বৃক্ষাদি দলিত ও পশুগণকে সম্ভ্রান্ত করিয়া দ্রুতপদে ঐ সরোবরের নিকটে আসিয়া উপস্থিত হইল। সে ঐ সরোবরের জল দ্বারা স্বয়ং ও করিগীগণকে স্নানপান করাইল। তখন অকস্মাৎ ঐ জল মধ্যে এক বলবান কুস্তীর আসিয়া অতি ভীষণ বেগে ঐ গজের চরণ আক্রমণ করিল। সে মুক্ত হইবার জন্ত যথাসাধ্য বিক্রম প্রকাশ করিল। করিগীগণ চীৎকার করিয়া উঠিল, সঙ্গী হস্তীগণ তাহার অধোভাগ বলে আকর্ষণ করিতে লাগিল, কিন্তু ঐ ছরস্তু নক্রেণ আক্রমণ কিছুতেই বিন্দুমাত্রও শিথিল হইল না। এইরূপে গজ-কুস্তীরের পরস্পর আক্রমণ ও নিষ্ক্রমণ চেষ্টায় পূর্ণ এক সহস্র বৎসর

অতিবাহিত হইল। গজেন্দ্র ক্রমে অতিশয় অবসন্ন হইয়া পড়িতে লাগিল, কিন্তু ঐ নক্সের শক্তি ও আক্রমণের তীব্রতা উত্তরোত্তর বৃদ্ধি পাইতে লাগিল। এই দারুণ সঙ্কটে পড়িয়া ঐ যুথপতি ভাবিল, আমি হীনবল হইয়া পড়িলাম, আমার যুথস্থ এতগুলি বলবান হস্তীও আমাকে কিছুতেই মুক্ত করিতে পারিতেছে না, সুতরাং নিশ্চয় এই বলশালী শত্রু বিধাতার পাশ স্বরূপে প্রেরিত। সকল অগতির যিনি গতি, আমি এক্ষণে তাঁহার শরণাপন্ন হই, মুক্তির আর অন্য উপায় নাই।

বুদ্ধি দ্বারা এইরূপ নিশ্চিত করিয়া সেই গজপতি তখন পূর্বজন্মার্জিত শিক্ষাবলে মনকে হৃদয়মধ্যে সমাহিত করিয়া এবং পূর্বাভ্যাস মন্ত্র জপ করিয়া শ্রীভগবানের স্তোত্র উচ্চারণ করিতে আরম্ভ করিল—

ওঁ নমো ভগবতে তস্মৈ যত এতচ্চিদান্বকং।

পুরুষায়াদবীজায় পরেশায়াভিবীমহি ॥

যস্মিন্দৈব যতশ্চেদং যেনেদং য ইদং স্বয়ম্।

যোহস্মাৎ পরস্মাচ্চ পরস্তং প্রপত্তে স্বয়ম্ভুবম্ ॥ ৮।৩।২,৩

—ওঁ চিংস্বরূপ শ্রীভগবানকে নমস্কার। সেই আদিপুরুষ পরমেশকে একান্ত মনে ধ্যান করি। সমগ্র সত্তা যাহা হইতে উদ্ভূত, যাহা দ্বারা ধৃত ও যাহাতে স্থিত, যিনি নিজেই এই সমগ্র সত্তারূপী, অথচ যিনি ‘ইহা’ ‘উহা’ সংজ্ঞার অতীত এবং স্বয়ংপ্রকাশ, আমি তাঁহাতে প্রণম হইলাম। ইত্যাদি—

হে রাজন্, গজেন্দ্র মূর্ত্তিভেদ বর্ণন না করিয়া এই প্রকারে পরতত্ত্বের স্তব করিল। ব্রহ্মা-আদি দেবগণ ভিন্ন ভিন্ন মূর্ত্তির অভিমানী, সুতরাং তাঁহারা আসিলেন না। তখন অখিলাত্মা সর্বদেবময় শ্রীহরি স্বয়ং আসিয়া সেই গজপতির নিকট আবির্ভূত হইলেন। গরুড়োপরি উপবিষ্ট চন্দ্রায়ুধ জগন্নিবাসকে দেখিয়া সেই পরমার্জ করিরাজ একটী জলপদ্ম সহ তাহার শুণ্ড উৎক্ষিপ্ত করিয়া “হে অখিলগুরো, হে নারায়ণ, হে ভগবান্” অতিকষ্টে এই বাক্য কয়টী উচ্চারণ করিল। শ্রীভগবান্ সহসা গরুড় হইতে

অবতরণ করিয়া অবলীলাক্রমে গজেন্দ্রসহ সেই দুষ্ট গ্রাহকে জল হইতে উদ্ধৃত করিলেন, এবং নিজ চক্রদ্বারা সেই গ্রাহের মুখ বিদারিত করিয়া আকাশপথবর্তী কিন্নর ও দেবগণের সমক্ষে গজরাজকে মুক্ত করিয়া দিলেন।

স্বর্গ হইতে কুশলকুসুমসহ বর্ষিত হইল, ছন্দুভি সকল বাজিয়া উঠিল, গন্ধর্বগণ নৃত্য ও জয়গান করিলেন, ঋষি সিদ্ধ চারণগণ সেই মহামহিম পুরুষোত্তমের স্তব করিলেন। মহারাজ, ঐ গ্রাহ নিহত হইয়া এক পরমাশ্চর্য্য রূপ ধারণ করিল, উত্তমঃশ্লোক শ্রীহরিকে অবনত মস্তকে প্রণাম করিয়া তাঁহার গুণগান করিল, এবং তাঁহাকে পুনঃ প্রণাম ও প্রদক্ষিণ করিয়া অন্তর্হিত হইল। রাজন, হুহু নামক এক গন্ধর্ব দেবলম্বুনির শাপে গ্রাহ প্রাপ্ত হইয়াছিল, এক্ষণে বিষ্ণুর স্পর্শে শাপমুক্ত হইয়া সে গন্ধর্বলোকে প্রস্থান করিল। আর, ঐ গজরাজ পূর্বজন্মে ইন্দ্রহ্যুম্ন নামে বিখ্যাত দ্রবিড় ভূমির পাণ্ড্যদেশীয় নরপতি ছিলেন। একদিন জিতেন্দ্রিয় মৌনব্রতী সেই রাজা মলয়াচলে তপস্বাকালে শ্রীহরির পূজায় নিরত, এমন সময় সশিষ্য অগস্ত্য তাঁহার আশ্রমে আসিয়া উপস্থিত হইলেন। রাজা তখন রহস্য উপাসনায় নিমগ্ন হইয়া তুষীভূত, স্মৃতরাং সেই মূনির অভ্যর্থনায় অক্ষম হইলেন। অগস্ত্য কুপিত হইয়া তাহাকে অভিশাপ দিলেন, ‘এ অশিষ্ট ব্রাহ্মণাবমাননাকারী রাজা গজের হ্রায় স্তব্ধমতি, স্মৃতরাং এ গজই হউক’। মূনি চলিয়া গেলেন, রাজা ইহাকে দৈব ঘটনা নিশ্চয় করিয়া কুঞ্জরদেহ প্রাপ্ত হইলেন। রাজা ইন্দ্রহ্যুম্ন এইরূপে শ্রীহরির স্পর্শে শাপমুক্ত হইয়া উভয় জন্মের পুণ্যবলে শ্রীভগবানের পার্শ্বদরূপ পরম গতি লাভ করিলেন।

### ৫—১২ অধ্যায়

#### সমুদ্ভ্রমছন, ইন্দ্র, বলি

শুকদেব বলিলেন, চতুর্থ মন্ব তামসের কথা বলিয়াছি।



তাহার সহোদর রৈবত পঞ্চম মনু। এই রৈবতমনুষ্বন্তরে শুভ্রের  
 ঔরসে ও বিকুষ্ঠার গর্ভে বৈকুষ্ঠ নামে এক পুত্র জন্মগ্রহণ করেন।  
 রমাদেবীর প্রার্থনায় তিনিই সর্বলোকনমস্কৃত বৈকুষ্ঠলোক নির্মাণ  
 করেন। ষষ্ঠ মনু চাক্ষুষ। এই চাক্ষুষ মনুষ্বন্তরে বৈরাজের ঔরসে দেব-  
 সম্ভূতির গর্ভে ভগবান বিষ্ণু অজিত নামে অংশাবতীর্ণ হন। তিনিই  
 সমুদ্রমস্থান করিয়া দেবগণের জন্ম অমৃত আহরণ করেন। পরীক্ষিৎ  
 বলিলেন, ভগবন্, সাগরমস্থান ও সেই উপলক্ষে শ্রীভগবানের  
 লীলাকথা সকল শুনিতে আমার বড়ই কুতূহল হইতেছে। শুকদেব  
 বলিলেন, অশুরসহ যুদ্ধে বহু দেবসৈন্য নিহত হইল। দুর্বাসা-  
 শাপেও স্বর্গ শ্রীহীন হইয়া যাগযজ্ঞ লুপ্ত হইল। তখন দেবতার।  
 সকলে স্নমেক পর্বতের উপরে ব্রহ্মার সভায় আসিয়া  
 তাঁহার শরণ লইল। ব্রহ্মা তাহাদিগকে লইয়া ক্ষীরোদসাগর-  
 তীরে বিষ্ণুর নিকট গমন করিলেন এবং বিষ্ণুর স্তব করিলেন।  
 বিষ্ণু বলিলেন, তোমরা অশুরগণের সঙ্গে সন্ধি কর, তারপর মন্দর  
 পর্বতকে মন্থনদণ্ড ও বাসুকিকে রজ্জু করিয়া সমুদ্র হইতে অমৃত  
 উৎপাদনের যত্ন কর। বিষ উঠিবে, তাহাতে ভয় পাইও না। যে  
 সকল লোভনীয় বস্তু উঠিবে, তাহাতেও লোভ বা তাহা না পাইলে  
 ক্রোধ করিও না।—দেবগণ অশুরপতি বলির নিকট গিয়া সন্ধির  
 প্রস্তাব করিলেন। বলি সম্মত হইলেন। উভয়পক্ষ সমুদ্র-মস্থানের  
 চেষ্টায় প্রবৃত্ত হইলেন। অতি কষ্টে মন্দর পর্বত সাগরতীরে  
 আনীত হইল। বাসুকিও রজ্জু হইলেন। কিন্তু সলিলে প্রবেশ-  
 মাত্র আধার না পাইয়া মন্দর জলমগ্ন হইল। শ্রীভগবান্ তখন  
 কচ্ছপশরীর ধারণ করিয়া সেই গিরিকে নিজ পৃষ্ঠের উপর তুলিয়া  
 ধরিলেন। প্রথমেই হলাহল নামক বিষ উদ্ভিত হইল। দেবতারা  
 ভীত হইয়া মহাদেবের শরণ লইলেন এবং স্তব দ্বারা তাঁহাকে শ্রীত  
 করিলেন। সর্ব প্রাণীর স্নহদ্ শব্দে তখন নিজ পত্নী সতী  
 দেবীকে বলিলেন,—

পুংসঃ কৃপয়তো ভদ্রে সর্কাস্মা গ্রীযতে হরিঃ।

শ্রীতে হরৌ ভগবতি শ্রীয়েহং সচরাচরঃ ।

তস্মাদিদং গরং ভুজে প্রজানাম্ স্বস্তিরস্ত মে ॥ ৮১৭১৪০

—যাহারা আত্মমায়ায় মুগ্ধ ও পরস্পর বৈরভাবে বদ্ধ, যে পুরুষ তাহাদের প্রতি কৃপা করেন, সর্বভূতের আত্মা শ্রীহরি তাঁহার উপর শ্রীত হন । ভগবান্ হরি শ্রীত হইলে চরাচরসহ আমি শ্রীত হই । অতএব আমি এই বিষ পান করিব, আমার প্রজাগণের কল্যাণ হউক ।

শঙ্কর ঐ হলাহল পান করিলেন । তীব্র বিষের প্রভাবে তাঁহার কণ্ঠ নীল বর্ণ ধারণ করিল ; তদবধি তিনি নীলকণ্ঠ । রাজন্,

তপ্যন্তে লোকতাপেন সাধবঃ প্রায়শো জনাঃ ।

পরমারাধনং তদ্ধি পুরুষস্তাখিলাত্মনঃ ॥ ৮১৭১৪৪

—প্রায়শঃ সাধুগণ লোকহুঃখে সন্তপ্ত হইয়া থাকেন । অপরের হুঃখে হুঃখ বোধ করাই অখিলাত্মা পরম পুরুষের আরাধনা ।

ঐ মন্থন দ্বারা ক্রমে সুরভি নাম্নী গাভী, উচ্চৈঃশ্রবা নামে অশ্ব, ঐরাবত নামে বারণরাজ, ঐরাবণ প্রভৃতি আটটি দিগ্গজ, কৌন্তভ নামে পদ্মরাগ মণি, পারিজাত নামে সর্বকামনাপ্রদানকারী তরুরাজ, তৎপর স্বয়ং শ্রীদেবী উদ্ভিত হইলেন । ঐ দেবী নিজের জঘ উপযোগী আশ্রয় সন্ধান করিয়া দেখিলেন কোথাও তপস্থা আছে ক্রোধজয় নাই (যেমন ছর্ব্বাসা), কোথাও উরুপদ আছে কিন্তু কামজয় নাই (যেমন ব্রহ্মা চন্দ্র প্রভৃতি), কোথাও জ্ঞান আছে কিন্তু অনাসক্তি নাই (যেমন শুক্ৰাচার্য্য), ধর্ম্ম আছে দয়া নাই (পরশুরাম), দীর্ঘায়ু আছে শীল ও মঙ্গল নাই (মার্কণ্ডেয়) । যাহারা সর্ব-গুণ-সঙ্গবর্জিত, তাহারা সমাধিনিষ্ঠ (সনকাদি), স্মৃতরাং তাহারা সহচর হইতে পারেন না । [বন্ধনীর বাক্যগুলি স্বামীটিকায় দেখুন] । মুকুন্দ আত্মারাম, তথাপি ঐ দেবী তাঁহাকেই বরণ করিলেন । তারপর ঐ মন্থন হইতে সুরা নাম্নী এক কণ্ঠা উদ্ভূত হইলে অশুরেরা ঐ কণ্ঠাকে গ্রহণ করিল । সর্বশেষে অমৃত-কুস্ত হস্তে মহামতি ধ্বস্তুরি উদ্ভিত হইলেন । অশুরেরা বলপূর্ব্বক ঐ কুস্ত লইয়া গেল । দেবগণ বিষন্ন হইয়া শ্রীহরির শরণাপন্ন হইলেন । তিনি তখন এক পরমাম্শ্র্য্য রমণীরূপ ধারণ করিয়া

সেই স্থানে উদিত হইলেন। < অসুরগণ কামোদিত হইয়া এমন মুগ্ধ হইয়া গেল যে ঐ রমণীর নিকট আসিয়া ঐ অমৃতকুণ্ড তাঁহার হস্তে দিয়া বলিল, হে ভামিনী, আমরা এই অমৃতপানে অভিলাষী হইয়া পরস্পর বিবাদে প্রবৃত্ত হইয়াছি, তুমি নিশ্চয় বিধাতাপ্রেরিত, আমাদের আত্মকলহ ভঞ্জন করিয়া অসুরকুলের মঙ্গল বিধান করিয়া দেও। দেব ও অসুরগণকে দুই পৃথক পঙক্তিতে বসাইয়া ঐ মোহিনী অসুরদিগকে প্রিয় বাক্যাদি দ্বারা বঞ্চিত করিয়া দূরস্থ দেবগণকে জরামরণহারিণী সেই সুধা পান করাইলেন। সূচতুর অসুর রাহু দেবচিহ্ন ধারণ করিয়া দেবপঙক্তিতে বসিয়াছিল, সে অমৃত পান করিল। দেবগণमध्ये চন্দ্র ও সূর্য্য রাহুকে চিনিতে পারিয়া তাহার মস্তক চক্রের দ্বারা কাটিয়া ফেলিলেন, কিন্তু সে অমৃত পান করিয়াছিল, স্মৃতরাং মরিল না। সেই আক্রোশে অত্যাপি রাহু চন্দ্রসূর্য্যের প্রতি ধাবমান হয়। শ্রীভগবান তখন শ্রীরূপ পরিত্যাগ করিয়া নিজরূপ ধারণ করিলেন। >

< তৎপর দেবাসুরে এক ভীষণ সংগ্রাম উপস্থিত হইল। বহু অসুর নিহত হইল। > বিরোচনপুত্র বলি দেবরাজ ইন্দ্রের সঙ্গে তুমুল দ্বৈরথ যুদ্ধে প্রবৃত্ত হইলেন। ইন্দ্র শতপর্ব্ব বজ্র উখিত করিয়া বলিলেন, রে মন্দাঙ্গন, এই বজ্রের দ্বারা তোর শিরশ্ছেদ করিতেছি, তুই কি প্রতিকার করিবি, কর। বলি বলিলেন,—

সংগ্রামে বর্তমানানাং কালচোদিতকর্ণণাম্।

কীৰ্ত্তির্জয়োহজয়োমৃত্যুঃ সর্কেবাং স্মরমুক্তমাং ॥

তদিদং কালরশনং জগৎ পশুস্তি স্মরয়ঃ।

ন হৃদ্যস্তি ন শোচস্তি তত্র যুগ্মপণ্ডিতাঃ ॥

ন বয়ং মত্তমানানামাঙ্গানং তত্র সাধনম্ ॥

গিরো বঃ সাধুশোচ্যানাং গৃহীমো মৰ্ম্মতাড়নাঃ ॥ ৮।১।৭-৯

—কালপ্রেরিতকর্ণা যুদ্ধার্থদিগের সকলেরই কীৰ্ত্তি জয় পরাজয় মৃত্যু ক্রম অনুসারে হইয়া থাকে। বিদ্বান্গণ এই জগৎকে কালের বশ মনে করিয়া হর্ষ শোকের অধীন হন না। তোমরা অজ্ঞ। তোমাদের মৰ্ম্মপীড়া-

দায়ক বাক্যসকল সাধু বলিয়া গ্রহণ করিলাম না, কারণ আমরা নিজদিগকে জয় পরাজয়ের কৰ্ত্তা বলিয়া মনে করি না।

বলি গতপ্রাণ হইয়া ভূতলে পতিত হইল। তখন দানব-গণের প্রভূত ক্ষয় দর্শন করিয়া ব্রহ্মাপ্রেরিত নারদ আসিয়া দেবগণকে নিবৃত্ত করিলেন। অশুরগণ বলিকে লইয়া অন্ত-পর্বতে গমন করিল। দৈত্যগুরু শুক্রাচার্য্য সঞ্জীবনী বিদ্যাদ্বারা তাহাকে জীবিত ও সবল করিলেন। লোকতত্ত্বে বিচক্ষণ বলি পরাজয়েও কিছুমাত্র খিন্ন হইলেন না—‘পরাজয়েইপি নাখিত্ত-ল্লোকতত্ত্ববিচক্ষণঃ’।

## ১৩—১৪ অধ্যায়

৭ম হইতে ১৪শ মনু — মনুদের কার্য্য

ষষ্ঠ মনুর সময় এই সব ঘটনা হয়, পূর্বেই বলিয়াছি। বিবস্বানের পুত্র ‘শ্রাদ্ধদেব সপ্তম মনু, তিনিই বর্তমান মনু। এই মনুস্তরেও প্রজাপতি কশ্যপ হইতে অদিতির গর্ভে জীভগবান্ জন্ম গ্রহণ কবিয়াছেন। তিনি অদিতিপুত্রগণের সর্ব্বকনিষ্ঠ বামনরূপধারী বিষ্ণু। ইনিই ত্রিপাদভূমি যাজ্ঞাঙ্ঘলে অশুরপতি বলিকে নিগৃহীত করিয়া পরে তাহাকে কৃপা করেন। অষ্টম মনুস্তরে সার্বর্গি মনু হইবেন। তখন দেবগৃহ হইতে সরস্বতীর গর্ভে ভগবান্ অবতীর্ণ হইয়া সার্বভৌম নামে খ্যাত হইবেন। ভূতকৈতু নবম মনু হইবেন। ঐ মনুস্তরে আয়ুজ্ঞান হইতে অশুধারার গর্ভে জন্মগ্রহণ করিয়া ভগবান্ ঋষভ নামে পরিচিত হইবেন। দশম মনুস্তরে বিশ্বস্বকের গৃহে বিস্মচীর গর্ভে অংশে জন্ম লইয়া বিশ্বক্সেন নাম ধারণ করিবেন। একাদশ মনুস্তরে ধর্ম্মসার্বর্গি মনু হইবেন, জীভগবান্ একাংশে আর্য্যকের গৃহে জন্ম লইয়া ধর্ম্মসেতু নামে প্রসিদ্ধ হইবেন। দ্বাদশ মনু রুদ্র-সার্বর্গির সময় সত্যসহার ঔরসে সুনৃতার গর্ভে জন্মিয়া জীহরি স্বধামা নামে খ্যাত হইবেন। ইন্দ্রসার্বর্গি চতুর্দশ মনু হইবেন।

সত্রায়ণ ও বিশতার পুত্র বৃষদভানুরূপে জন্ম লইয়া ভগবান্ ক্রিয়া-কলাপ বিস্তার করিবেন। এই চৌদ্দটি মন্বর কাল এক কল্প মন্বগণ তত্তৎ মন্বন্তরের অবতারগণ কর্তৃক নিয়োজিত হইয়া জগতের কার্য্য নির্বাহ করেন এবং চতুষ্টয়াস্তে কালপ্রভাবে নষ্ট জ্ঞতির পুনরুদ্ধার ও ধর্ম্মের প্রবর্তন করেন। প্রতি মন্বন্তরে ইন্দ্র ত্রৈলোক্য পালন ও পর্য্যাপ্ত বারি-বর্ষণ করেন এবং ভগবদন্ত ত্রৈলোক্যসম্পদ ভোগ করেন। শ্রীভগবান্ প্রতিযুগে সনকাদি সিদ্ধরূপ ধারণ করিয়া জ্ঞান, যাজ্ঞবল্ক্যাদি ঋষিরূপে কৰ্ম্ম ও দত্তাত্রেয়াদি যোগেশ্বররূপে যোগ উপদেশ করেন। তিনিই প্রজাপতিরূপ ধারণ করিয়া সৃষ্টি, রাজমূর্ত্তি ধারণ করিয়া প্রজা পালন এবং কালরূপী হইয়া প্রজা সংহার করেন।

### ১৫—২৩ অধ্যায়

#### বলি, অদিতি, কণ্ঠপ, বামন

পরীক্ষিৎ বলিলেন, ভগবন্, আপনি বলির নিকট শ্রীহরির ভূমি-যাজ্ঞাদি বিষয় যে বলিয়াছেন, সেই আশ্চর্য্য ব্যাপার বিস্তারিত করিয়া আমাকে বলুন। শুকদেব বলিলেন—রাজন্, সমুদ্রমন্থন-লব্ধ অমৃতবটনের পর দেবাসুরের তুমুল সংগ্রামে বলি প্রাণহীন হইয়া শুক্রাচার্য্যের বিছাপ্রভাবে সঞ্জীবিত হইলেন, একথা তোমাকে পূর্বেই বলিয়াছি (১১৫ পৃঃ)। বিরোচনপুত্র বলি সেই পরাজয়ের প্রতিশোধ লইতে দৃঢ়সংকল্প হইয়া ভৃগুবংশীয় ব্রাহ্মণগণদ্বারা বিশ্বজিৎ নামক যজ্ঞ আরম্ভ করিলেন। সেই যজ্ঞের হতাশন হইতে রথ অশ্ব ধ্বজ ধনু তুগীর এবং কবচ উত্তীর্ণ হইল। পিতামহ প্রহ্লাদ আবির্ভূত হইয়া তাঁহাকে অগ্নান পুষ্পমালা এবং দৈত্যগুরু শুক্রাচার্য্য তাঁহাকে এক দিব্য শঙ্খ প্রদান করিলেন। বলি পিতামহের পাদ গ্রহণ করিয়া নমস্কার করিলেন। তৎপর সেই যজ্ঞাগ্নি হইতে উদ্ধৃত রথে আরোহণ করিলেন, দিব্যাস্ত্রসমূহদ্বারা অসজ্জিত হইয়া বিপুল

অশ্বুর-বাহিনীসহ ইন্দ্রপুরী অবরোধ করিলেন এবং মহাশ্মন সেই শঙ্খ ধ্বনিত করিলেন। দেবগুরু বৃহস্পতি ইন্দ্রকে বলিলেন, বলিকে এখন স্বয়ং গ্রীহরি ব্যতীত কেহই নিরস্ত করিতে পারিবে না। অতএব তোমরা সকলে এখন অদৃশ্য থাকিয়া কাল প্রতীক্ষা কর। দেবগণ তাহাই করিলেন, বলি দেব-রাজধানী অধিকার করিয়া শত অশ্বমেধ যজ্ঞ আরম্ভ করিলেন। দেবমাতা অদिति স্বামিত্যক্ত আশ্রমে অনাথার আয় পরিতপ্তা হইয়া বাস করিতে লাগিলেন। একদা সমাধি-নিবৃত্ত হইয়া অদितिপতি কশ্যপ অরণ্য হইতে আশ্রমে প্রত্যাবৃত্ত হইলেন। তিনি পত্নীকে দীনমনে উপবিষ্টা ও আশ্রমকে নিরানন্দ দেখিয়া পত্নীকে বলিলেন, ভদ্রে, কোন অমঙ্গল হয় নাই ত? তোমার পুত্রগণের কুশল ত? কোন অতিথি আশ্রমে আসিয়া কি অনাদৃত হইয়া চলিয়া গিয়াছেন? কারণ,

গৃহেষু যেষতিথয়ো নার্জিতাঃ সলিলৈরপি ।

যদি নির্ধাতি তে নুনং ফেরুরাজগৃহোপমাঃ ॥ ৮।১৬।৭

—যে সকল গৃহে অতিথিগণ আসিয়া জলদ্বারাও অভির্ষিত না হইয়া ফিরিয়া যান, সেই সকল গৃহ শৃঙ্গালের বিবরতুল্য।

অদिति বলিলেন, হে সূত্রত, সপত্নগণ আমার পুত্রগণের সমস্ত গ্রী হত করিয়াছে, রাজ্য অধিকার করিয়া লইয়াছে, আপনি তাহাদিগকে রক্ষা করুন।

এবমভ্যর্থিতোহদিত্যা কস্তামাহ স্ময়স্মিব ।

অহো মায়াবলং বিম্বোঃ স্নেহবন্ধমিদং জগৎ ॥

ক দেহো ভৌতিকো নাস্ম্য ক চাস্ম্য প্রকৃতেঃ পরঃ ।

কস্ত কে পতিপুত্রাঙ্কা মোহ এব হি কারণম্ ॥ ৮।১৬।১৮, ১৯

—হে রাজন, অদिति এইরূপ বলিলে প্রজাপতি কশ্যপ যেন ঈর্ষ্য হস্ত করিয়া বলিলেন, অহো, বিষ্ণুর মায়া কি বলবতী, এই জগৎ স্নেহে বদ্ধ। এই ভূতাদি নির্মিত দেহই বা কোথায় আর প্রকৃতির অতীত আত্মাই বা কোথায়? পতি পুত্রাদি কে কাহার? মোহই এই সকলের একমাত্র কারণ।

ভদ্রে, সর্বভূতাত্মা জগদগুরু বাসুদেবের আরাধনা কর—

অমোঘা ভগবদ্ভক্তির্নেতরেতি মতির্মম । ৮।১৬।২১

—ভগবদ্ভক্তিই নিশ্চিত ফলপ্রদ, আর সকলই বৃথা, ইহাই আমার ধারণা । তখন কশ্যপ পয়োব্রত নামে এক ব্রত নির্ণায় সহিত ধারণ করিতে অদিতিকে উপদেশ দিলেন, এবং ঐ ব্রতের স্তব বলিয়া দিলেন । উহার নিয়মাদি মধ্যে ইহাও বলিলেন—

বর্জয়েদসদালাপং ভোগানুচ্চাবচাংসুখা ।

অহিংসঃ সর্বভূতানাং বাসুদেবপরায়ণঃ । ৮।১৬।৪২

—অসদালাপ এবং উৎকৃষ্ট অপকৃষ্ট উভয়বিধ ভোগ পরিত্যাগ করিবে । সর্বভূতে অহিংস ও বাসুদেবপরায়ণ হইবে ।

এইরূপে তাঁহার পূজা করিলে শ্রীভগবান্ নিশ্চয় তোমার অভীষ্ট পূরণ করিবেন।—অদिति মনকে একাগ্র বুদ্ধি দ্বারা অখিলাত্মা বাসুদেবে সমাহিত করিয়া নির্ণায় সহিত ঐ ব্রত আচরণ করিলেন । হে তাত, শ্রীভগবান আদিপুরুষ তখন অদিতির নিকট প্রাহুভূত হইলেন । অদिति—

তং নেত্রগোচরং বীক্ষ্য সহসোথায় সাদরম্ ।

ননাম ভূবি কায়েন দণ্ডবৎ শ্রীতিবিহ্বলা ॥ ৮।১৭।৫

—তাঁহাকে সম্মুখে দেখিয়া সাদরে সহসা গাত্ৰোত্থান করিলেন, এবং শ্রীতিবিহ্বল হইয়া শরীর দ্বারা দণ্ডবৎ হইয়া প্রণাম করিলেন ।

তিনি কৃতাজলি হইয়া দণ্ডায়মান হইলেন । তাঁহার সর্ববর্শরীর রোমাঞ্চিত ও কম্পিত হইতে লাগিল । আনন্দাশ্রুতে নেত্রদ্বয় পরিপূর্ণ হইয়া উঠিল । অতিকষ্টে নয়নধারা রুদ্ধ করিয়া সমীপস্থ সেই জগৎপতির অপরূপ রূপরাশি পান করিতে করিতে অদिति শ্রীতি-গদগদ বাক্যে ধীরে ধীরে তাঁহার স্তব করিলেন । পদ্মপলাশলোচন শ্রীহরি বলিলেন, হে দেবমাতঃ, পুত্রদিগের জন্ম ব্যথিত হইয়াছে । বিক্রমপ্রকাশ দ্বারা অসুরগণ এখন পরাজিত হইবে না । আমি অংশে তোমার পুত্র হইয়া গ্রহণ করিয়া তোমার পুত্রগণকে রক্ষা করিব । এই দেবগৃহ বৃদ্ধান্ত কাহারও নিকট

প্রকাশ করিও না।—এই বলিয়া জীহরি অস্তহিত হইলেন। ভাদ্র মাসের শুক্লপক্ষের দ্বাদশী তিথিতে অভিজিৎ মুহূর্ত্তে অদিতির গর্ভে ভগবান্ বামনদেবের জন্ম হইল। হিরণ্যগর্ভ ব্রহ্মা আসিয়া সেই উরুগায়ের স্তব করিলেন। তিনি বটরূপ ধারণ করিলেন। উপনয়নকালে সবিতৃদেব তাঁহাকে সাবিত্রী মন্ত্র বলিলেন, বৃহস্পতি যজ্ঞোপবীত, পিতা কশ্যপ মেখলা, ভূমি কৃষ্ণাজিন, সোম দণ্ড, মাতা অদिति কৌপীন, স্বর্গ ছত্র, ব্রহ্মা কমণ্ডলু, সপ্তর্ষিগণ কুশ, সুরস্বতী অক্ষমালা, কুবের ভিক্ষাপাত্র ও ভগবতী উমা ভিক্ষা প্রদান করিলেন। সেই বামনদেব সজল কমণ্ডলু ও ছত্র ধারণ করিয়া প্রতিপদক্ষেপে ভূমিকে অবনমিত করিতে করিতে নর্ম্মদার উত্তরতীরে ভৃগুকচ্ছ নামক বলির যজ্ঞক্ষেত্রে অরুণ-রাগ-রঞ্জিত রবিমণ্ডলের ন্যায় আসিয়া উদিত হইলেন। ঋত্বিকগণ ও যজমান অশ্বরপতি সেই তেজোদৃশ্য অভিনব মূর্ত্তি দেখিয়া প্রত্যাঙ্গমন পূর্ব্বক সাদরে অভ্যর্থনা করিলেন। বলি তাঁহার পাদদ্বয় স্পর্শ করিয়া দিয়া পাদশৌচ জল মস্তকে ধারণ করিলেন, এবং বলিলেন,—

অথ নঃ পিতরমৃগা অথ নঃ পাবিতং কুলম্।

অথ স্থিষ্টঃ ক্রতুরয়ং যদ্ ভবানাংগতো গৃহান্ ॥

অত্যাশ্রয়ো মে স্নহতা যথাবিধি দ্বিজাশ্রয়জ্ঞচ্চরণাবনেজ্ঞনৈঃ।

হতাংহসো বার্ভিরিয়ঞ্চ ভূরহো তথা পুনীতা তদ্বজ্জিঃ পদৈস্তব ॥

যদ্যদ্ বটো বাহুসি তৎ প্রতীচ্ছ মে স্বামর্ধিনং বিপ্রস্তুতানুতর্কয়ে।

গাং কাঞ্চনং গুণবদ্ধামমৃষ্টং তথান্নপেয়মুত বা বিপ্রকত্তাম্।

গ্রামান্ সমুদ্ধাংস্তরগান্ গজান্ বা রথাংস্তথাহঁতম সংপ্রতীচ্ছ ॥

—অথ আমার পিতৃগণ তৃপ্ত হইলেন। অথ আমার কুল পবিত্র হইল। অথ আমার এই যজ্ঞ অতি উত্তমরূপে অনুষ্ঠিত হইল, যেহেতু আপনি আমার গৃহে আগমন করিয়াছেন। আমার অগ্নিসমূহ যথাবিধি হীত হইলেন, আপনার পদজলে আমার সমস্ত পাপ ধৌত হইয়া গেল, এই ভূমি আপনার ক্ষুদ্র পদত্বাঙ্গে পূত হইল। হে বটু, আপনি বাহা বাহা ইচ্ছা করেন, তাহা গ্রহণ করুন, আপনাকে প্রার্থী মনে হইতেছে। হে পূজ্যতম, গো স্নবর্ণ



উৎকৃষ্ট গৃহ স্মিষ্ট অন্ন পানীয় বিপ্রকণ্ঠা ভূরি ভূরি সমৃদ্ধ গ্রাম অথ হস্তী, বাহা আপনার অভিলষিত, তাহাই গ্রহণ করুন। ৮।১৮।৩০, ৩১, ৩২

বামনদেব বলিলেন, জনদেব, তোমার এই বাক্য স্মৃত, ধর্মযুক্ত এবং তোমার কুলোচিত। তোমার বংশে এ যাবৎ এমন নিঃসত্ত্ব কৃপণ কেহ জন্মে নাই যে প্রতিশ্রুতি দিয়া কোন ব্রাহ্মণকে প্রত্যাখ্যান করিয়াছে। হিরণ্যকশিপু হিরণ্যাক্ষ—মহাভাগবত প্রহ্লাদের ত কথাই নাই—তোমার পিতা বিরোচনও নিজ শত্রু দেবগণকে ছদ্মবেশধারী জানিতে পারিয়াও আপন পরমায়ু দান করিয়াছিলেন। তুমি পূর্বপুরুষ ও মহাপুরুষগণের আচরিত ধর্মই অবলম্বন করিয়াছ। তোমার নিকট আমার এই পদের পরিমিত তিনপদ ভূমি প্রার্থনা করিতেছি। আর কিছু চাহিব না। যাবন্মাত্র প্রয়োজন, তাহা গ্রহণ করিলে বিদ্বান্ ব্যক্তি পাপভাজন হন না। বলি বলিলেন, হে ব্রাহ্মণ বটু, তোমার বুদ্ধি নিতান্তই বালকের আয়। ত্রিলোকের একেশ্বর আমার নিকট তুমি এ কি চাহিলে? আমাকে যাক্ষা করিয়া কাহাকেও কখনই অপরের নিকট আর কোন প্রার্থনা করিতে হয় নাই। তুমি অন্ততঃ জীবিকাধারণোপযোগী ভূমি গ্রহণ কর। বামন বলিলেন, রাজন, আমি শুনিয়াছি পৃথু গয়াদি সপ্তদ্বীপাধিপতি রাজগণও তৃষ্ণার অন্ত প্রাপ্ত হন নাই।—

যদৃচ্ছয়োপপন্নেন সন্তোষ্টো বর্ততে সুখম্ ।

নাসন্তোষ্টস্তিভিলৌকিকৈরজিতাশ্রোপসাদিতৈঃ ॥

পুংসোহয়ং সংসৃতোহেতুরসন্তোষোহর্থকাময়োঃ ।

যদৃচ্ছয়োপপন্নেন সন্তোষো মুক্তয়ে নৃতঃ ॥

যদৃচ্ছালাভভূষ্টস্ত তেজো বিপ্রস্ত বর্ধতঃ ।

তৎ প্রশম্যত্যসন্তোষাদন্তসেবাত্তক্ষণিঃ ॥

তস্মাৎ জীণি পদাশ্লেষ বুণে অদ্বয়দর্শভাৎ ।

এতাবতৈব সিদ্ধোহহং বিত্তং যাবৎ প্রয়োজনম্ ॥ ৮।১৯।২৪-২৭

—যে যদৃচ্ছাক্রমে উপস্থিত বস্তুতে সন্তুষ্ট, সে-ই সুখী। অসন্তুষ্ট অজিতেন্দ্রিয়

ব্যক্তি ত্রিভুবন লাভ করিলেও সুখী হয় না। অর্থ ও কামনাবিষয়ে যে অসন্তোষ, তাহাই সংসারে পুনঃপুনঃ গমনাগমনের কারণ। আপনা হইতে উপস্থিত বস্তুতে সন্তোষই মুক্তির কারণ। সন্তুষ্ট ব্রাহ্মণের তেজ বর্ধিত হয়। বহিঃ যেমন জল দ্বারা নির্বাপিত হয়, ব্রহ্মতেজও তেমন অসন্তোষের দ্বারা বিনষ্ট হয়। অতএব হে বরদশ্রেষ্ঠ, তোমার নিকট তিন পাদ ভূমি মাত্রই প্রার্থনা করি, ইহাতেই আমার প্রয়োজন সিদ্ধ হইবে, প্রয়োজন-পরিমাণ বিস্তৃতি নিতে হয়।

বলি হাসিতে হাসিতে বলিলেন, ভগবন, তবে আপনার ইচ্ছানুরূপই গ্রহণ করুন,—এই বলিয়া ভূমি দান জন্ত জলপাত্র গ্রহণ করিলেন। তখন দৈত্যগুরু শুক্রাচার্য্য রাজাকে বাধা দিয়া বলিলেন, মহারাজ, এই বামনরূপী ব্রাহ্মণ স্বয়ং বিষ্ণু, মায়াবলে তোমার স্থান শ্রী যশ বিছা সমস্ত আচ্ছিন্ন করিয়া ইন্দ্রকে প্রদান করিবেন। ইনি বিশ্বকায়, ত্রিপদ দ্বারা ত্রিলোক আক্রমণ করিবেন। হে মৃঢ়, বিষ্ণুকে সর্বস্ব দান করিয়া তুমি কিরূপে জীবন ধারণ করিবে? নিশ্চয়ই সমগ্র দৈত্যকুলের মহা অনর্থ উপস্থিত হইল। আর, তিনলোক দিয়াও বিষ্ণুর ত্রিপাদ পূরণ করিতে অক্ষম হইয়া প্রতিশ্রুতিভঙ্গের অপরাধে তুমি নিরয়গামী হইবে। আরও দেখ,

ন তদানং প্রশংসস্তি যেন বৃত্তির্বিপণ্ডিতে ।

দানং যজ্ঞস্তপঃ কশ্ম লোকে বৃত্তিমতো যতঃ ॥

ধর্ম্মায় যশসেহর্থায় কামায় স্বজনায় চ ।

পঞ্চধা বিভজন্ বিন্তমিহায়ুত্র চ যোদতে ॥ ৮।১৯।৩৬, ৩৭

—যে দানে দাতার জীবিকা বিপন্ন হয়, পণ্ডিতেরা সেরূপ দানের প্রশংসা করেন না। দান যজ্ঞ তপস্তা পূজাদি বৃত্তিমান লোকেরাই করিতে পারেন। ধর্ম্ম যশ অর্থ কাম ও স্বজন এই পাঁচভাগে বিন্তকে বিভক্ত করিলে, ইহ-পর উভয় লোকে সুখ হইয়া থাকে।

জীমু নর্ম্মবিবাহে চ বৃত্ত্যর্থ্যে প্রাণসঙ্কটে ।

গোব্রাহ্মণার্থে হিংসায়ান্ নানুতং স্যাঙ্জুগুপ্তিতং ॥ ৮।১৯।৪৩

—জীসমীপে, পরিহাসবাক্যে, বিবাহবিষয়ে, জীবিকার নিমিত্ত, প্রাণ-

সকটকালে, গোব্রাহ্মণের হিতার্থে এবং কাহারও প্রাণহিংসা নিবারণার্থ মিথ্যা-  
কথন দোষের নহে।

বলি গুরুর এই বাক্য শুনিয়া ক্ষণকাল তুষীভূত হইয়া  
রহিলেন। পরে বলিলেন, ভগবন, গৃহস্থদের যে ধর্ম আপনি  
বলিলেন তাহা যথার্থ, কিন্তু—

স চাহং বিত্তলোভেন প্রত্যাচক্ষে কথং বিজম্।

প্রতিশ্রুত্য দদামীতি প্রাহাদিঃ কিতবো যথা ॥

ন হসত্যাং পরোহধর্ম ইতি হোবাচ ভূমিয়ম্।

সর্বং সোতুমলং মন্ত্রে ঋতেহলীকপরং নরম্ ॥

নাহং বিভেমি নিরয়ান্নাধজ্ঞাদম্মখার্ণবাৎ।

ন স্থানচ্যবনানুমুতোর্যথা বিপ্রপ্রলম্বনাৎ ॥

যদ্ যদ্ ধাস্যতি লোকেহস্মিন্ সম্পরেতং ধরাদিকম্।

তস্য ত্যাগে নিমিত্তং কিং বিপ্রস্তম্ভেয়ং তেন চেৎ ॥

শ্রেয়ঃ কুর্কস্তু ভূতানাং সাধবো হস্ত্যজাঃস্বভিঃ।

দধ্যাঙ্শিবিপ্রভূতয়ঃ কো বিকল্পো ধরাদিষু ॥ ৮।২০।৩-৭

—প্রহ্লাদের বংশধর আমি ‘দিব’ বলিয়া প্রতিশ্রুতি দিয়া বিত্তলোভে  
বঞ্চকের ছায় কি করিয়া ব্রাহ্মণকে প্রত্যাখ্যান করিব? পৃথিবী বলিয়াছেন,  
অসত্য হইতে অধিক অধর্ম আর নাই, অসত্যপর নর ছাড়া অশ্রু সকলের  
ভারই সহ্য করিতে পারি। আমি ব্রাহ্মণকে বঞ্চনা করা যেক্ষণ  
ভয় করি, নরক হইতে কিম্বা সর্বপ্রকার হুঃখের আকর দারিদ্র্য হইতে,  
স্থানচ্যুতি হইতে এমন কি মৃত্যু হইতেও তেমন ভয় করি না। যে  
দানে ব্রাহ্মণ তুষ্ট হন না, সে দান বিফল। অতএব এই ব্রাহ্মণের প্রার্থিত  
সকল দানই আমার কর্তব্য। দধীচি শিবি প্রভৃতি হস্ত্যজ প্রাণ দ্বারা  
প্রাণীগণের সেবা করিয়াছেন। সামান্য ভূমির কি কথা!

দুরন্ত কাল আমার পূর্ববর্তী দৈত্যগণের সকলকেই নিঃশেষে গ্রাস  
করিয়াছে, কিন্তু তাঁহাদের অর্জিত যশোরশিকে অত্মাপি  
কিঞ্চিন্মাত্র গ্লান করিতে পারে নাই। যুদ্ধে প্রাণত্যাগ বীর-সুলভ,  
কিন্তু স্নেহপাত্র গৃহে উপস্থিত হইলে শ্রদ্ধাসহকারে দান  
কর, এমন পুরুষ দুর্লভ। সামান্য যাচকের অভিলাষপূরণে

দৈন্য উপস্থিত হইলেও তাহা উদারচেতা পুরুষের পক্ষে শোভন। আপনাদের স্থায় ব্রহ্মবিদগণের যাক্ষরা পূরণে দারিদ্র্য লাভ ত মহাসৌভাগ্য। সুতরাং ইনি বিষ্ণুই হউন আর শত্রুই হউন, আমি এই বটুর প্রার্থিত ভূমি দান করিব।

যত্নপ্যাসাবধর্ষেণ মাং বয়ীয়াদনাগসম্।

তথাপ্যেনং ন হিংসিষ্যে ভীতং ব্রহ্মতলুং রিপুম্ ॥ ৮:২০।১২

—নিরপরাধ আমাকে যদি ইনি অধর্ষপূর্বক বন্ধনও করেন, তথাপি আমি ব্রাহ্মণরূপী এই যাচক শত্রুকে হিংসা করিব না।

শুক্লাচার্য্য তখন সেই সত্যসন্ধ মনস্বীকে দৈবপ্রেরিত হইয়া অভিষাপ করিলেন, তুমি আমার শাসন অতিক্রম করিলে, সুতরাং অচিরে ক্রীভষ্ট হইবে।

এবং শপ্তঃ স্বগুরুণা সত্যান্ চলিতো মহান্।

বামনায় দদাবেনামর্চ্চিত্তোদকপূর্ব্বকম্ ॥ ৮।২০।১৬

—এইরূপে স্বীয় গুরুদ্বারা অভিষপ্ত হইয়াও সেই মহাত্মা সত্য হইতে বিচলিত হইলেন না। সেই বামনকে অর্চনা করিয়া ভূমি স্পর্শ পূর্ব্বক জল দান করিলেন।

মুক্তাভরণভূষিতা বলিপত্নী বিদ্যাবলী অমনি জলপূর্ণ একটা সুবর্ণকুম্ভ তথায় আনয়ন করিলেন।

যজমানঃ স্বয়ং তস্য শ্রীমৎপাদযুগং মুদা।

অবনিজ্যাবহন্ মুদ্ধি তদপো বিশ্বপাবনীঃ ॥ ৮।২০।১৮

—তখন যজমান স্বয়ং সেই শ্রীমৎপাদযুগল সানন্দে প্রক্ষালিত করিয়া বিশ্বপাবন সেই জল মন্তকে ধারণ করিলেন।

দেবগন্ধর্ব্ব সিদ্ধ বিদ্যাধর চারণগণ স্বর্গ হইতে পরম হর্ষে কুসুম বর্ষণ করিলেন, সহস্র সহস্র ছন্দুভি নিনাদিত হইয়া উঠিল, কিন্নর কম্পুরুষগণ এই বলিয়া গান করিতে লাগিলেন, অহো, জানিয়া শুনিয়া শত্রুকে ত্রিলোক দান করিয়া অমুরেশ্বর বলি আজ কি সুহৃদ্বর কার্য্য করিলেন।—বলি ঋষিক সদৃশগণসহ তখন সেই মহৈশ্বর্য্যশালী ব্রাহ্মণবটুর দেহে ত্রিগুণাত্মক বিশ্ব ব্রহ্মৈশ্বরে

পাইলেন। তাঁহার মস্তকে স্বর্গ, কেশে মেঘ, কর্ণদ্বয়ে দিক্‌সমূহ, চক্ষুর্দ্বয়ে সূর্য্য, জ্রদ্বয়ে নিষেধ ও বিধি, ছুই পক্ষে দিবা ও রাত্রি, কর্ণদেশে সামবেদাদি সমস্ত শব্দ, ললাটে মন্থ্য, রসনায় বরুণ, বদনে বহ্নি, অধরে লোভ, হাশ্বে মায়া, গাত্রে স্থাবর জঙ্গম ভূত সমূহ, রোম সকলে ওষধিগণ, নাড়ীতে নদী, নখে শিলা, পৃষ্ঠে অধর্ম্ম, ইন্দ্রিয়সকলে দেবতা ও ঋষিগণ, জজ্বাঘ্রয়ে পর্ব্বত, জাম্বুদেশে পক্ষী সকল, উরুদ্বয়ে মরুদগণ, পদদ্বয়ে ধরণী, পদতলে রসাতল, স্পর্শে কাম, শুক্রে জল, পাদদ্ব্যাসে যজ্ঞ ও ছায়ায় মৃত্যু দেখিতে পাইলেন। শ্রীহরি মধুকর-নিকরযুক্ত বনমালায় বিভূষিত হইয়া অতিশয় দীপ্তি পাইতে লাগিলেন। তারপর, এক পদে বলির সকল ভূমি, শরীরে আকাশ ও বাহুতে দিক্‌সকল আক্রমণ করিলেন। হে রাজন, সেই ভগবান্ যখন দ্বিতীয় পদ ক্ষেপণ করিলেন, তখন স্বর্গ পরিপূর্ণ হইয়া গেল, তৃতীয় পদের জ্ঞাত্য আর অণুমাত্র স্থান রহিল না। ঐ দ্বিতীয় পদ মহর্লোক ও তপোলোকের উপরিস্থিত সত্যলোক স্পর্শ করিল।

শ্রীভগবান্ বামনদেবের দ্বিতীয় চরণ সত্যলোকে উপস্থিত হইলে ব্রহ্মাদি দেবগণ নানা উপহার দ্বারা হৃন্দুভিবাঢ় নৃত্যগীত সহকারে সেই পাদপদ্মের পূজা ও স্তব করিতে লাগিলেন। এ দিকে অশ্বরগণ সেই ব্রাহ্মণবটুদ্বারা স্বীয় প্রভুকে নির্জিত দেখিয়া নানা অস্ত্রসহ তাঁহার দিকে ধাবিত হইল। বিষ্ময় অশ্চর্য্যগণ তাহাদিগকে বধ করিতে লাগিল। তখন বলি কহিলেন, হে অশ্বরগণ, কাল আমাদের প্রতিকূল, তোমরা নিরস্ত হও। তাহারা তথা হইতে বিতাড়িত হইয়া রসাতলে প্রবেশ করিল। পক্ষীরাজ গরুড় প্রভুর অভিপ্রায় বুঝিয়া বলিকে বারুণপাশে বদ্ধ করিল। স্বর্গ ও পৃথিবীতে তুমুল হাহাকার ধ্বনি উত্থিত হইল। বামনদেব বলিলেন, হে অশ্বর, আমার ছুই পদে সমুদয় মহী আক্রান্ত হইয়াছে, এখন তৃতীয় পদের জ্ঞাত্য স্থান প্রদান কর। তুমি নিজেকে আঢ্য মনে করিয়া দানের অঙ্গীকার করিয়াছ, সেই

অঙ্গীকার পূরণ করিতে পারিলে না। সুতরাং প্রতারণা করিলে, অতএব তোমার নিজ গুরুর কথামতই এক্ষণে কিছুকাল নরক ভোগ কর। কারণ,

বুধা মনোরথস্তত্ দূরঃ স্বর্গঃ পতত্যধঃ ।

প্রতিশ্রুতস্যাদানেন যোহধিনং বিপ্রলম্বতে ॥ ৮১২১৩৩

—প্রতিশ্রুত বস্তু দান না করিয়া যে অর্থীকে বঞ্চনা করে, তাহার মনোরথ নিফল হয়, তাহার স্বর্গ দূরগত, তাহার অধঃপতন হয়।

বলি বলিলেন, হে উত্তমঃশ্লোক, আমার বাক্য কদাপি মিথ্যা হইবেনা, আমি আপনার তৃতীয় পদের জন্ত স্থান দিতেছি—আমার এই মস্তকই সেই স্থান—‘পদং তৃতীয়ং কুরু শীর্ষি মে নিজং’। পদচ্যুতি পাশবন্ধন বা নরককেও আমি ভয় করি না, কিন্তু অপযশ দ্বারা আমি বড়ই উদ্ভিগ্ন হই। আপনার প্রদত্ত দণ্ডকে আমি শ্লাঘ্যই মনে করি, কারণ আপনি এই দণ্ডের দ্বারা মদমত্ত, অসুরগণের জ্ঞানচক্ষু উন্মীলিত করিয়া আমাদের পরোক্ষ গুরুর কার্য্য করিলেন। আপনার প্রতি বৈরভাব অবলম্বন দ্বারা যে সিদ্ধি লভ্য, অসুরগণ অত্ তাহা প্রাপ্ত হইলেন—

কিমান্বনানেন জহাতি যোহস্ততঃ কিং রিক্থহারৈঃ স্বজনাখ্যদম্ম্যভিঃ ।

কিং জায়য়া সংস্খতিহেতুভূতয়া মর্ত্যস্য গেহৈঃ কিমিহাযুষো ব্যয়ঃ ॥ ৮১২১৩৪

—অন্তে যে দেহ অবশ্য ত্যাগ করিবে, তাহাতে কি প্রয়োজন? বিত্তাপহারী স্বজনরূপ দম্ম্যগণেই বা কি প্রয়োজন? যে স্ত্রী সংসারের হেতু স্বরূপ, তাহাতেই বা কি প্রয়োজন? উহাতে কেবল আয়ুরই ক্ষয় হয়।

আমার অগাধবোধ মহান্ পিতামহ এইরূপ নিশ্চয় করিয়া জনসঙ্গে ভীত হইয়া স্বপক্ষক্ষয়কারী আপনার অকুতোভয় ধ্রুব পাদপদ্মে প্রপন্ন হইয়াছিলেন। যে সম্পদে মুগ্ধ হইয়া জীব কৃতান্তকে সতত নিকটবর্তী জানিয়াও জানিতে পারে না, আমি আপনার দ্বারা বলপূর্ব্বক সেই সম্পদ হইতে ভ্রষ্ট হইয়া আপনার নৈকট্য প্রাপ্ত হইলাম, এ আমার কি সৌভাগ্য!—শুকদেব বলিলেন, হে কুরুশ্রেষ্ঠ, তখন তারানাত পূর্ণ শশধরের শ্রায় ভগবৎ-

প্রিয় প্রহ্লাদ সে স্থানে আসিয়া সহসা উদ্ভিত হইলেন। পাশবন্ধ ইন্দ্রসেন বলি প্রদীপ্ত সুভগ উন্নতদেহ পিতামহকে দেখিয়া পূজোপহার দিতে সমর্থ হইলেন না, কেবল অশ্রুবিলোল নয়নে মস্তক নমিত করিয়া ব্রীড়াজড়িত অধোমুখে অবস্থান করিয়া রহিলেন। পুলকাক্ষবিহ্বল মহামনা প্রহ্লাদ ভুলুষ্ঠিতমস্তকে শ্রীহরির নিকট নিবেদন করিলেন, ভগবন, আপনিই বলিকে এই ইন্দ্রপদ দিয়াছিলেন, আপনিই অণু সেই মোহকর সম্পদ প্রত্যাহার করিলেন, ইহা অপেক্ষা উহার সৌভাগ্য আর কি হইতে পারে? বলিপত্নী বিদ্যাবলী কুতাজলিপুটে বলিলেন,—

শ্রীভার্ত্তমান্থন ইদং ত্রিজগৎ কৃতং তে স্বামাস্ত তত্র কুশিযৌহপর ঈশ কুৰ্যুঃ ।  
কর্তৃঃ প্রভোন্তব কিমন্তত আবহন্তি ত্যক্তহ্রিয়ঋদবরোপিতকর্তৃবাদাঃ ॥ ৮।২২।২০

—হে ঈশ্বর, আপনি নিজ শ্রীভার্ত্ত এই ত্রিভুবন রচনা করিয়াছেন। কুবুদ্ধি ব্যক্তিগণ ইহার উপর প্রভুত্বের অভিমান করে। যে নিলজ্জগণ আপনার কর্তৃত্ব না মানিয়া ‘আমরা কর্তা’ বলিয়া অহঙ্কার করে, তাহাদের এমন কি সাধ্য আছে যে আপনাকে আবার দান করিবে?

ব্রহ্মা বলিলেন হে ভূতেশ, এই হ্রতসর্বস্ব বলিকে মোচন করুন। এ নিগ্রহযোগ্য নহে, সত্যরক্ষার জন্য অকাতরে সর্বসম্পদ সহ নিজেকে পর্য্যন্ত দান করিয়াছে। শ্রীভগবান বলিলেন,

ব্রহ্মন্ যমমুগ্ধামি তদ্বিশো বিধুনোম্যহম্ ।

যন্মদঃ পুরুষঃ স্তক্কো লোকং মাঞ্চাবমন্ততে ॥ ৮।২২।২৪

—হে ব্রহ্মন, আমি যাহাকে অমুগ্রহ করি, তাহাকে সকল সম্পদ হইতে বঞ্চিত করি। কারণ, পুরুষ সম্পদে মত্ত ও অবিনীত হইয়া সমস্ত লোককে, এমন কি আমাকেও, অবজ্ঞা করে।

ব্রহ্মন, দৈত্যদানবকুলের কীর্তিবর্দ্ধন এই বলি দুর্জ্জয়া মায়াকে জয় করিয়াছে। জ্ঞাতিগণ ইহাকে পরিত্যাগ করিয়াছে, গুরু ক্রুদ্ধ হইয়া অভিসম্পাত করিয়াছেন, আমার ছলনা বৃথিতে পারিয়াও এই সুব্রত সত্যকে পরিত্যাগ করে নাই। আমি ইহাকে দেবজ্ঞান

স্থান প্রদান করিতেছি, সার্বণি মম্বন্তরে ইনি ইন্দ্র হইবেন, তাবৎকাল ইনি সূতলে বাস করুন। হে বলি, সেখানে দেব মানব কেহ তোমাকে অতিক্রম করিতে পারিবে না। আমি অমুচরবর্গ সহ তোমাকে রক্ষা করিব। তুমি সতত আমাকে সেইস্থানে সন্নিহিত দেখিতে পাইবে। তোমার মঙ্গল হউক।

পাশমুক্ত প্রীতিপ্রফুল্ল বলি বলিলেন, আপনি লোকপাল অমরগণের অলরূপূর্ব্ব অমুগ্রহ এই নীচ অসুরের প্রতি অর্পণ করিলেন। এই বলিয়া জীহরি ব্রহ্মা ও মহাদেবকে অবনতমস্তকে প্রণাম করিয়া বলি অমুচরবর্গ সহ সূতলে প্রবেশ করিলেন। প্রহ্লাদ বলিলেন, প্রভু, আপনি এই খলযোনি অসুরগণের দুর্গপালত্ব স্বীকার করিলেন, এ অমুগ্রহ ব্রহ্মা লক্ষ্মী বা দেবদেব মহাদেবও লাভ করিতে পারেন নাই। আপনার ভক্তবাংসল্যের কি অপূর্ব্ব মহিমা! জীভগবান বলিলেন, বৎস প্রহ্লাদ, তুমি পৌত্রসহ সূতলস্থ আলায়ে গিয়া বাস কর। সেখানে গদাহস্তে নিয়ত আমাকে অবস্থিত দেখিতে পাইবে। সেখানে গিয়া তুমি পৌত্রসহ জ্ঞাতিগণের আনন্দ বর্দ্ধন কর। প্রহ্লাদ ভগবানের অমুমতি লইয়া সূতলে প্রস্থান করিলেন। জীভগবানের আদেশক্রমে শুক্রাচার্য্য বলির যজ্ঞচ্ছিদ্র পূর্ণ করিয়া দিলেন। বামনদেব বলি হইতে প্রাপ্ত সমস্ত রাজ্য ইন্দ্রকে দান করিলেন। ইন্দ্র কনিষ্ঠ ভ্রাতা বামনকে লোকপালগণের অধিপতি করিয়া দিলেন, এবং তাঁহাকে নিয়া স্বর্গে চলিয়া গেলেন।

## ২৪ অধ্যায়

মৎস্য-অবতার, সত্যব্রত বা বৈবস্বত মনু

[৪১ পৃ: বরাহ এবং ১১২ পৃ: কুর্ম অবতাররূপে লীলা বর্ণিত হইয়াছে।] রাজা পরীক্ষিৎ এক্ষণে মৎস্য অবতারের



বৃহত্তম শুনিতো ইচ্ছা করিলেন। শুকদেব বলিলেন, ব্রহ্মার  
 নিজাকালীন যখন নৈমিত্তিক প্রলয় হইল, তখন ভূরাদি লোক-  
 সকল সাগরসলিলে নিমগ্ন হইল, বেদসকল দানবশ্রেষ্ঠ হয়গ্রীব  
 অপহরণ করিল। সত্যব্রত নামে রাজর্ষি কৃতমালা নদীতে  
 তর্পণ করিতেছিলেন, তাঁহার অঞ্জলিস্থ জলে একটা শফরী দৃষ্ট  
 হইল। রাজা তাহাকে নদীর জলে বিসর্জন করিতে উত্তত  
 হইলে সে বলিল, আমি বিপন্ন, আমাকে আশ্রয় দিন। রাজা  
 তাহাকে কমণ্ডলুতে রাখিয়া আশ্রমে নিয়া গেলেন। ক্রমশঃ  
 বর্দ্ধিত হইয়া সে বৃহদাকার জলাশয়েও থাকিতে পারিল না।  
 রাজা তাহাকে সমুদ্রে নিক্ষেপ করিতে উত্তত হইলে সে বলিল,  
 আমাকে সমুদ্রে ফেলিবেন না, মকরাদি বলবান জন্তুগণ খাইয়া  
 ফেলিবে। রাজা তখন এই অত্যাশ্চর্য্য ঘটনা দেখিয়া ঐ শফরীকে  
 স্বয়ং শ্রীহরির অবতার বলিয়া বুঝিতে পারিলেন, এবং  
 অবনতমস্তকে স্তব করিয়া বলিলেন, প্রভু, আপনি কেন এই রূপ  
 ধারণ করিলেন, বলুন। মৎস্যরূপী শ্রীভগবান বলিলেন, রাজন্,  
 অত্ন হইতে সপ্তম দিবসে ভূভুবাদি ত্রৈলোক্য প্রলয়ার্ণবে নিমগ্ন  
 হইবে। তখন আমার প্রেরিত এক বৃহৎ তরঙ্গী তোমার নিকট  
 আসিবে। তুমি সর্বপ্রকার ওষধি ছোট বড় বীজ সকল ও  
 ধ্বংসাবশিষ্ট প্রাণী সকলকে লইয়া ঐ নৌকায় উঠিবে। সেই  
 অর্ণবে আলোক থাকিবে না, সপ্তর্ষিগণের তেজে উহা আলোকিত  
 হইবে। প্রবল বায়ুতে ঐ নৌকা যখন কাঁপিতে থাকিবে, আমি  
 সেখানে আসিয়া উপস্থিত হইব। তুমি মহাসর্পকে রজ্জু করিয়া  
 আমার শৃঙ্গে ঐ নৌকা বন্ধন করিবে। রাত্রির শেষ পর্য্যন্ত  
 আমি তোমাকে সেই নৌকায় লইয়া বিচরণ করিব। তৎকালে  
 আমার মহিমা তোমার নিকট বিবৃত করিব, তুমি তাহা হৃদয়ে  
 উপলব্ধি করিতে পারিবে। এই বলিয়া তিনি অন্তর্হিত হইলেন।  
 পরে ক্রমে ঐরূপ সমস্তই ঘটিল। মৎস্যরূপী হরি হয়গ্রীবকে  
 সংহার করিয়া বেদ উদ্ধার করিলেন। মহারাজ সত্যব্রত

বিষ্ণুর অনুগ্রহে জ্ঞানবিজ্ঞানসম্পন্ন হইয়া এক্ষণে বৈবস্বত মনু হইয়াছেন।

## নবম স্কন্ধ

### ১—৩ অধ্যায়

বিবস্বান, শ্রাদ্ধদেব, ইক্ষ্বাকু, নভগ

পরীক্ষিৎ বলিলেন, ভগবন, আপনি মৎস্তাবতার প্রসঙ্গে রাজর্ষি সত্যত্রতের কথা বলিলেন এবং তিনিই শ্রাদ্ধদেব নামে জন্ম লইয়া শ্রীহরির বরে বৈবস্বত মনু হন, তাহাও বলিয়াছেন। শুনিয়াছি, তাঁহার বংশে ইক্ষ্বাকু প্রভৃতি প্রসিদ্ধ রাজগণ জন্মগ্রহণ করেন। এক্ষণে তাঁহাদের বৃত্তান্ত শুনিতে ইচ্ছা করি। শুকদেব বলিলেন, মহারাজ, পরমপুরুষের নাভি হইতে নির্গত হিরণ্ময় পদ্মকোষে ব্রহ্মার জন্ম, তাঁহার মানসপুত্র মরীচির পুত্র কশ্যপ, তাঁহার স্ত্রী অদिति—এই সকল কথা পূর্বে তোমাকে বলিয়াছি। কশ্যপ ও অদিতির অগাণ্ড পুত্রের কথাও বলিয়াছি, এক্ষণে তাঁহাদের অপর এক পুত্রের কথা বলিব। তাঁহার নাম বিবস্বান। তাঁহার পুত্রই শ্রাদ্ধদেব। শ্রাদ্ধদেব বা বৈবস্বত মনুর ইক্ষ্বাকু প্রভৃতি দশ পুত্র। তন্মধ্যে একটীর নাম নভগ। নভগের পুত্র নাভাগ।

### ৪—৫ অধ্যায়

নাভাগ, অশ্বরীষ, দৃক্বাসা, ব্রহ্মা, শঙ্কর, বিষ্ণু

নাভাগ দীর্ঘকাল গুরুকূলে বাস করায় ভ্রাতাগণ তাঁহাকে বঞ্চিত করিয়া সমস্ত সম্পত্তি নিজেদের ভিতর বিভক্ত করিয়া লইল। নাভাগ যখন গুরুগৃহ হইতে আসিলেন, তিনি জিজ্ঞাসা করিলেন, আমার অংশ কোথায়? ভ্রাতারা বলিল, পিতাকে তোমার অংশে রাখিয়াছি, তুমি তাঁহার নিকট যাও। পিতা তাহাকে বলিলেন, মানুষ কি দায়যোগ্য সম্পত্তি হইতে পারে?

যাহাই হউক, তোমার জীবনোপায় বলিয়া দিতেছি। সম্প্রতি আঙ্গিরসগণ একটা যজ্ঞ করিতেছেন, সেই ক্রিয়ানুষ্ঠানে তাঁহাদের একটা বিচ্যুতি হইতেছে। আমি তোমাকে দুইটা সূক্ত শিখাইয়া দিতেছি, তুমি সেই যজ্ঞস্থলে গিয়া ঐ সূক্তদ্বয় তাঁহাদিগকে বলিয়া দিবে, তাঁহারা প্রীত হইয়া তোমাকে যজ্ঞাবশেষ বহু ধন দান করিয়া যাইবেন। নাভাগ তাহাই করিলেন, এবং ঐ মুনিগণের ত্যক্ত সমস্ত ধন পাইলেন। এমন সময় রুদ্র আসিয়া বলিলেন, সমস্ত যজ্ঞাবশিষ্ট সম্পত্তিতে একমাত্র আমারই অধিকার, তুমি ইহা পাইবে না। বিবাদভঞ্জনজ্ঞা উভয়ে নভগকেই মধ্যস্থ মানিলেন। নভগ বলিলেন, হাঁ, এই ধন রুদ্রেরই প্রাপ্য। নাভাগ রুদ্রের নিকট আসিয়া তাঁহাকে অবনতমস্তকে প্রণাম করিয়া ধনের দাবী ত্যাগ করিলেন ও তাঁহার প্রসন্নতা প্রার্থনা করিলেন। রুদ্র সন্তুষ্ট হইয়া নাভাগকেই ঐ সমস্ত ধন দান করিলেন। এই নাভাগের পুত্র মহাভাগবত অশ্বরীষ। অপরিমিত সম্পদের অধিকারী হইয়াও তিনি সাধারণের দুর্লভ সেই বিষয়কে স্বপ্নবৎ অলীক মনে করিতেন—‘সর্বং তং স্বপ্ন-সংসৃতম্।’ ভগবান বাসুদেব ও তাঁহার সাধুভক্তগণের প্রতি তিনি পরম ভক্তি লাভ করিয়াছিলেন, সুতরাং সর্বপ্রকার ভোগ সুখকে তিনি লোভুবৎ জ্ঞান করিতেন—

স বৈ মনঃ কৃষ্ণপদারবিন্দয়োর্বচাংসি বৈকুণ্ঠগুণানুবর্ণনে ।

করৌ হরৈর্মন্দিরমার্জ্জনাदिষু শ্রুতিং চকারাচ্যুতসংকথোদয়ে ॥

মুকুন্দলিঙ্গালয়দর্শনে দৃশৌ তদভূত্যাগাত্রস্পর্শেহঙ্গসঙ্গমম্ ।

ব্রাণঞ্চ তৎপাদসরোজসৌরভে শ্রীমন্তূলস্তা রসনাং তদর্পিতে ॥

পাদৌ হরেঃ ক্ষেত্রপদানুসর্পণে শিরো হৃষীকেশপদাভিবন্দনে ।

কামঞ্চ দাস্তে ন তু কামকাম্যয়া যথোত্তমঃশ্লোকজনপ্রয়া রতিঃ ॥

—তিনি মনকে শ্রীকৃষ্ণের পাদপদ্মে, বাক্যকে বৈকুণ্ঠের গুণানুবর্ণনে, হস্তকে হরির মন্দির মার্জ্জনায়া, কর্ণকে শ্রীহরিসম্বন্ধীয় সংকথা শ্রবণে, চক্ষুকে শ্রীকৃষ্ণের বিগ্রহ দর্শনে, স্পর্শকে ভগবদ্ভক্তের গাত্রস্পর্শে, ব্রাণকে তাঁহার পাদপদ্মে লগ্ন কুলঙ্গীর সৌরভ আভ্রাণে, পদব্রজে হরিক্ষেত্র বিচরণে, মস্তককে শ্রীকৃষ্ণের

পদবন্দনায়, সমস্ত কামনাকে তাঁহারই দাশ্বে, নিবৃত্ত করিয়াছিলেন। কোন ইদ্র কাম্য বস্তুতে তাঁহার আকাঙ্ক্ষা ছিল না। ভগবদ্ভক্তগণের প্রতি রতিই তাঁহার একমাত্র কাম্য ছিল। ৯৪।১৮-২০

তিনি ভগবন্নিষ্ঠ বিপ্রগণের উপদেশানুযায়ী রাজ্য শাসন করিতেন, এবং সরস্বতী স্রোতাভিমুখী তীর্থসমূহে বশিষ্ঠ অসিত গৌতমাদি মহর্ষিগণ দ্বারা বহু অশ্বমেধ যজ্ঞ করাইয়াছিলেন। তাঁহার প্রজাগণও শ্রীভগবানের নামগুণ শ্রবণ কীর্তনে সতত রত থাকিতেন, তাঁহারা অমরগণপূজিত স্বর্গও বাঞ্ছা করিতেন না।—

স ইথে ভক্তিযোগেন তপোযুক্তেন পার্ধিবঃ ।

অধর্মেণ হরিং প্রীণন্ সর্বান্ কামান্ শনৈর্জহৌ ॥

গৃহেষু দারেষু সূতেষু বন্ধুষু দ্বিপোত্তমশূদ্রনবাজিবস্তুষু ।

অক্ষয়রত্নাভরণাধরাদিঘনন্তকোষেষকরোদসম্মতিম্ ॥ ৯৪।২৬, ২৭

—সেই রাজা এইরূপ তপস্তাযুক্ত অধর্ম আচরণ করিয়া ভক্তিযোগের দ্বারা শ্রীহরিকে প্রীত করিয়া সমস্ত কামনা পরিত্যাগ করিয়াছিলেন। গৃহ কলত্র পুত্র বন্ধু উত্তম গজরথ অশ্বাদি বস্তুতে এবং অক্ষয় রত্নাভরণ বসনাদিতে ও অনন্ত ধনসম্ভারে তাঁহার উপেক্ষা জন্মিয়াছিল।

তাঁহার রক্ষণের জন্ত স্বয়ং শ্রীহরি তাঁহাকে একটি চক্র প্রদান করিয়াছিলেন। একদা রাজা অম্বরীষ শ্রীহরির আরাধনার্থে নিজ মহিষীসহ দ্বাদশীব্রত অনুষ্ঠান করেন। ব্রতাবসানে কার্তিক মাসে ত্রিরাত্রি উপবাসে থাকিয়া তিনি কালিন্দীসলিলে স্নান করিয়া মধুবনে শ্রীভগবান হরির অর্চনা করিতে আরম্ভ করিলেন। পরে সাধুগণকে পর্য্যাপ্ত দান ভোজনাদি করাইয়া তাঁহাদের অনুমতি লইয়া ব্রতপারণের উপক্রম করিয়াছেন, এমন সময় ভগবান্ দুর্ব্বাসা ঋষি তথায় আসিয়া উপনীত হইলেন। রাজা সেই মহাভাগ অতিথির অভ্যর্থনা ও পূজা করিয়া ভোজনার্থ তাঁহাকে আমন্ত্রণ করিলেন। ঋষি সেই আমন্ত্রণ গ্রহণ করিয়া স্নানার্থ যমুনার জলে নিমগ্ন হইয়া ব্রহ্মচিন্তা করিতে লাগিলেন। তাঁহার প্রত্যাবর্তনে বিলম্ব হইতেছে, দ্বাদশীও অতিক্রান্তপ্রায়, অথচ

মহর্ষিকে অভূক্ত রাখিয়া রাজা কি করিয়া পারণ জন্ম অন্ন গ্রহণ করেন—তিনি মহা দুষ্টিচিন্তাগ্রস্ত হইলেন। নিকূপায় হইয়া দ্বাদশীর শেষ মুহূর্ত্তে রাজা শ্রীহরিকে একমনে চিন্তা করিতে করিতে কিঞ্চিং জলমাত্র পান করিয়া নিজ ব্রত ও অতিথির প্রতি কর্তব্য রক্ষা করিলেন। রাজার জলপান শেষ হওয়া মাত্রই দুর্ব্বাসা আসিয়া উপস্থিত হইলেন। রাজা জলপান করিয়াছেন বুঝিতে পারিয়া ঐ ঋষি ক্রোধে কম্পিতকলেবরে কৃতাজলি রাজাকে লক্ষ্য করিয়া বলিলেন, ‘আহা, এই ঐশ্বর্য্যমত্ত ঈশ্বর্য্যভিমানী রাজার ধৃষ্টতা দেখ, আমন্ত্রণ করিয়া আমাকে ভোজন প্রদান না করিয়া এ অগ্র্যেই ভোজন করিল। আমি সচ্চই ইহার ফল দেখাইতেছি।’ এই বলিয়া দুর্ব্বাসা নিজ মস্তক হইতে একটি জটা উৎপাটন করিয়া এক কৃত্য নির্মাণ করিলেন। সেই কৃত্য ভীষণ বেগে রাজার দিকে আসিতে লাগিল, কিন্তু রাজা স্বস্থান হইতে পদমাত্রও বিচলিত হইলেন না—‘ন চ্চাল পদান্ পং’। তখন ভগবদাদিষ্ট সুদর্শনচক্র সহসা তথায় আবির্ভূত হইরা, বহি যেমন ক্রুদ্ধসর্পকে দগ্ধ করে, তদ্রূপ ঐ কৃত্যকে নিঃশেষে দগ্ধ করিয়া ফেলিল—‘ক্রুদ্ধাহিমিব পাবকঃ’। ভগবচ্চক্র তখন বেগে ঐ ঋষির দিকে ধাবিত হইল, ঋষি প্রাণভয়ে ভীত হইয়া চতুর্দিকে দৌড়াইতে লাগিলেন—‘দুর্ব্বাসা দুঃপ্রবে ভীতো দিক্ষু প্রাণ-পরীক্ষয়া।’ তখন—

তমযথাবদ্রূপবদ্রথাক্ষং দাবায়িক্কৃতশিখো যথাহিম্ ।

তথানুযুক্তং মুনিরীক্ষমাণো গুহ্যং বিবিক্কুঃ প্রসসার মেরোঃ ॥

দিশো নভঃ স্মাং বিবরান্ সমুদ্রান্ লোকান্ সপালাংস্ত্রিদিবং গতঃ সঃ ।

যতো যতো ধাবতি তত্র তত্র সুদর্শনং দুঃপ্রদহং দদর্শ ॥ ৯।৪।৫০, ৫১

—উর্দ্ধমুখী শিখা লইয়া দাবানল যেমন সর্পের পশ্চাতে ধাবিত হয়, শ্রীহরির চক্র সেইরূপ সেই মহর্ষির পশ্চাৎ পশ্চাৎ ধাবমান হইল। তিনি সেই চক্রকে তাঁহার পশ্চাদনুসরণ করিতে দেখিয়া স্রমের পর্ত্তের গুহ্য প্রবেশ করার বাসনায় সেইদিকে বেগে দৌড়াইতে লাগিলেন। তিনি দিকসকলে আকাশে পৃথিবীতে পাতালে সমুদ্রে লোকপালদিগের অধিকৃত লোকসমূহে

এমন কি স্বর্গেও গমন করিলেন, কিন্তু যেখানেই যান, সেইখানেই তাঁহার পশ্চাদ্ধাবমান সেই হুঃসহনীয় স্তদর্শন চক্রে দেখিতে পাইলেন।

সেই ঋষি আপন পরিত্রাতা কাহাকেও না পাইয়া,—‘অলঙ্কনাথঃ’—সম্ভ্রান্তচিত্তে প্রথমে ব্রহ্মার নিকট গেলেন। ব্রহ্মা বলিলেন, সর্বনাশ,

ক্রভঙ্গমাত্রেন হি সংদিক্ষাঃ কালায়নো যন্ত তিরোহভবিষ্যৎ । ৯।৪।৫৩

—সেই কালধরূপ দক্ষ করিতে ইচ্ছা করিলে তাঁহার ক্রভঙ্গ মাত্রে ( সমগ্র বিশ্বসমেত আমার এই স্থান ) তিরোহিত হইবে।

দুর্বাসা তখন কৈলাসপতি শঙ্করের শরণ লইলেন। তিনি বলিলেন, ইহা সেই ভূমার কার্য্য। হে তাত, ইহাতে ত আমার কিছুই করার শক্তি নাই—‘বয়ং ন তাত প্রভবাম ভূমি’। অতএব তুমি তাঁহারই শরণ লও। তিনিই তোমার মঙ্গল বিধান করিবেন—‘তমেব শরণং যাহি হরিস্তে শং বিধাস্ততি’। তখন বৈকুণ্ঠে গমন করিয়া ভীত কম্পিত কলেবরে দুর্বাসা জীহরির পাদমূলে পতিত হইয়া বলিলেন, হে বিশ্বপতি প্রভু, আমি অপরাধ করিয়াছি, আমাকে রক্ষা করুন—‘কুতাগসং মাহব বিশ্বভাবন’। জীভগবান বলিলেন,—

অহংভক্তপরাধীনো হৃদয়ঃ ইব দ্বিজ ।

সাধুভির্গুপ্তহৃদয়ো ভক্তৈর্ভক্তজনপ্রিয়ঃ ॥

নাহমাত্মানমাশাসে মদভক্তৈঃ সাধুভির্বিবন ।

শ্রিয়ঙ্কাতাস্তিকাং ব্রহ্মণ্যেযাং গতিরহং পরা ॥

যে দারাগারপুত্রাপ্ত-প্রাণান্ বিস্তমিমং পরম্ ।

হিত্বা মাং শরণং যাতাঃ কথং তাংস্ত্যক্তমুৎসহে ॥

ময়ি নির্বন্ধহৃদয়াঃ সাধবঃ সমদর্শনাঃ ।

বশেকুর্বন্তি মাং ভক্ত্যা সৎস্রিয়ঃ সৎপতিং যথা ॥

মৎসেবয়া প্রতীতং তে সালোক্যাদিচতুষ্টয়ম্ ।

নেচ্ছন্তি সেবয়া পূর্ণাঃ কুতোহত্মকালবিপ্লুতম্ ॥

সাধবো হৃদয়ং মহৎ সাধুনাং হৃদয়স্বহম্ ।

মদত্ত্বেন ন জানন্তি নাহং তেভ্যো মনাগপি ॥ ৯।৪।৬৩-৬৮

—হে ব্রহ্মণ, আমি ভক্তের অধীন, স্তবরাং অ-স্বাধীনই বটে। আমি,

ভক্তজনপ্রিয়, ভক্তেরা আমার হৃদয় সর্ব্বথা গ্রাস করিয়া রহিয়াছেন। আমি ষাঁহাদের পরমাগতি, সেই সাধুভক্তজন বিনা আত্মস্তিকী ত্রীকেও আমি প্রীতি করি না। ষাঁহারা শ্রীপুত্র গৃহ স্বজন ধন, এমন কি ইহপরলোক সমস্ত ত্যাগ করিয়া আমার শরণ গ্রহণ করেন, আমি কি করিয়া তাঁহাদিগকে পরিত্যাগ করিতে পারি? সতী শ্রী যেমন সংপতিকে বশ করেন, আমাতে বন্ধ-হৃদয় সমদর্শন সাধুগণও সেইরূপ ভক্তিধারা আমাকে বশীভূত করেন। আমার সেবায় ষাঁহাদের চিত্ত পূর্ণ, তাঁহারা সেই সেবাতেই তৃপ্ত হইয়া নখর কোন বস্তু ত দূরের কথা, সালাক্যাদি মুক্তিচতুষ্টয়ও আকাঙ্ক্ষা করেন না। সাধুগণ আমার হৃদয়, আমিও তাঁহাদের হৃদয়, আমি ছাড়া তাঁহারা কিছু জানেন না, আমিও তাঁহাদিগকে ছাড়া আর কিছুই জানিনা।

ব্রাহ্মান্,

তপো বিত্তা চ বিপ্রাণাং নিঃশ্রেয়সকরে উভে ।

তে এব হর্ষিনীতস্ত কল্লতে কর্তৃরুত্তমা ॥ ৯।৪।৭০

—তপস্তা ও বিত্তা উভয়ই ব্রাহ্মণের পরম মঙ্গলকর, সত্য। কিন্তু হর্ষিনীতদের পক্ষে ইহারা বিপরীত ফল জন্মায়।

ষাঁহার নিকট তোমার এই অপরাধ হইয়াছে, তুমি শীঘ্র সেই মহাভাগবত অম্বরীষের নিকট যাও, তাঁহার নিকট ক্ষমা প্রার্থনা কর, তবেই অপরাধের শাস্তি হইবে। তোমার মঙ্গল হউক।

হর্ষাসা অম্বরীষের নিকট ফিরিয়া আসিয়া তাঁহার চরণদ্বয় স্পর্শ করিয়া ক্ষমা ভিক্ষা করিলেন। রাজা অত্যন্ত লজ্জিত ও কৃপাস্থিত হইয়া সুদর্শনচক্রের স্তব করিয়া তাহাকে নিবৃত্ত করিলেন। হর্ষাসা তখন স্বস্তিলাভ করিয়া রাজাকে বহু প্রশংসা ও আশীর্ব্বাদ করিলেন। বলিলেন,

। হৃকরঃ কো হু সাধুনাং হৃত্যাজো বা মহান্মনাম্ ।

। যৈঃ সংগৃহীতো ভগবান্ সাত্বতামৃষভো হরি। ৯।৫।১৫

—সাত্বতকুলশ্রেষ্ঠ শ্রীহরিকে ষাঁহারা বশীভূত করিয়াছেন, সেই সাধু মহাত্মাদিগের পক্ষে হৃকর বা হৃত্যাজ কি আছে?

রাজা হর্ষাসার চরণদ্বয় ধারণ করিয়া তাঁহাকে প্রসন্ন করিয়া ভোজন করাইলেন, তিনিও ভোজন করিলেন। অম্বরীষ ভোগকে নরক-

তুল্য মনে করিতেন। তিনি যথাকালে সমানশীল পুত্রের উপর রাজ্যভার অর্পণ করিয়া বনে প্রস্থান করিলেন।

### ৬—১২ অধ্যায়

ইক্ষ্বাকু, ককুৎস্থ, মাক্ষাতা, ত্রিশঙ্কু, হরিশ্চন্দ্র, সগরপুত্রগণ, খট্টাল

শ্রাদ্ধদেব বা বৈবস্বত মন্মুর পুত্র নভগের বংশজ অশ্বরীষের কথা বলিলাম। এখন ঐ বৈবস্বত মন্মুর জ্যেষ্ঠ পুত্র লোকপ্রসিদ্ধ ইক্ষ্বাকুর বংশ বিবরণ বলিব। ইক্ষ্বাকু বশিষ্ঠের নিকট আশ্রয়প্রাপ্ত হইয়া যোগ দ্বারা কলেবর ত্যাগ করেন। তাঁহার বংশে পুরঞ্জয় অশুরসমরে পরাজিত দেবগণের সাহায্যার্থ বৃষভরূপী ইন্দ্রের ককুদের উপর আরোহণ করিয়া তুমুল যুদ্ধে অশুরদিগকে নিহত করেন। তজ্জন্ম তিনি ককুৎস্থ নামে খ্যাত হন। ককুৎস্থের বংশে বিখ্যাত রাজা মাক্ষাতার জন্ম হয়। মহাযোগী মুচুকুন্দ ঐ মাক্ষাতার এক পুত্র। মাক্ষাতার অপর এক পুত্রের বংশে সত্যব্রত বশিষ্ঠের শাপে চণ্ডালরূপ প্রাপ্ত হইয়া বিশ্বামিত্রের প্রভাবে স্বর্গে উঠিতে থাকেন, তিনি অতাপি ত্রিশঙ্কু নামে খ্যাত হইয়া আকাশে আছেন। ত্রিশঙ্কুর পুত্র রাজা হরিশ্চন্দ্র, ইহার নিমিত্ত পক্ষিযোনিপ্রাপ্ত বশিষ্ঠ ও বিশ্বামিত্রে বহু বৎসর যুদ্ধ হয়। ইহার বংশধর সগরের অশ্বমেধযজ্ঞের অশ্ব ইন্দ্র হরণ করেন। সগরের পুত্রগণ ঐ অশ্ব অনুসন্ধান করিতে করিতে পৃথিবী খনন করিলে সাগরের উৎপত্তি হয়। ঐ উপলক্ষে সগরপুত্র অসমঞ্জস মহর্ষি কপিলদেবের অবমাননা করিয়া তাঁহার শাপে স্বগণসহ ভস্মীভূত হন। পরে অসমঞ্জসের পুত্র অংশুমান কপিলের স্তুতি দ্বারা ঐ অশ্ব উদ্ধার করিয়া পিতামহের যজ্ঞ সমাপ্ত করেন। অংশুমানের পৌত্র ভগীরথ গঙ্গা আনয়ন করিয়া কপিলশাপে ভস্মীভূত পূর্বপুরুষগণের উদ্ধার সাধন করেন। ইহারই বংশে রাজা সুদাস মুনিশাপে কল্কাসপীড় নামে রাক্ষসরূপ প্রাপ্ত হন। এই ধারায় বালিক নামে এক রাজা ইক্ষ্বাকু ভার্গব পরশুরাম পৃথিবী নিঃকত্রিয় করার সময় বালিক জীগণের



সাহায্যে লুকায়িত হইয়া এই বংশ রক্ষা করেন। রাজচক্রবর্তী মহাভাগবত খট্টাঙ্গ এই বংশই পবিত্র করেন। তিনি দেবগণ কর্তৃক প্রার্থিত হইয়া যুদ্ধে দৈত্যগণকে বধ করিয়াছিলেন। দেবতারা এই স্মরণ কার্যের জন্য তাঁহাকে বরদানে উত্তম হইলে, তাঁহার আয়ুষ্কাল মুহূর্ত মাত্র অবশিষ্ট আছে জানিয়া, সেই বর প্রত্যাখ্যান করিয়া তিনি স্বপূরে প্রত্যাগমন করিলেন ও শ্রীভগবানে মন নিবিষ্ট করিলেন। তিনি ভাবিলেন,

ন চান্নেহপি মতির্মহমধর্মে রমতে কচিৎ।

নাপশ্যমুত্তমঃশ্লোকাদন্ত্যং কিঞ্চন বহুহম্ ॥

দেবৈঃ কামবরো দত্তো মহং ত্রিভুবনেশ্বরৈঃ।

ন বুধে তমহং কামং ভূতভাবনভাবনঃ ॥

অপেশমায়ারচিতেষু সঙ্গং গুণেষু গন্ধর্ষপুরোপমেযু।

ক্লুপং প্রকৃত্যায়ানি বিশ্বকর্তৃভাবেন হিত্বা তমহং প্রপত্তে ॥ ৯।৯।৪৫, ৪৬, ৪৮

—স্বল্পমাত্র কোন অধর্মেও আমার মতি রত হয় না। সেই উত্তমঃশ্লোক ব্যতীত আমি আর কিছুই দেখিতে পাই না। ত্রিভুবনেশ্বর দেবগণ ত আমার ইচ্ছামত বর দিতে প্রস্তুত, কিন্তু ভগবান শ্রীহরিই আমার একমাত্র কাম্য, আমি দেবতাদিগের বর কামনা করি না। গন্ধর্ষপুরীর ছায় মিথ্যা ঈশ্বর-মায়ারচিত গুণ সকলে জীবের যে স্বাভাবিকী আসক্তি জন্মিয়া থাকে, আমি বিশ্বকর্তার প্রভাবে সেই আসক্তি ত্যাগ করিয়া একমাত্র তাঁহাতেই প্রপন্ন হইলাম।

নারায়ণগৃহীত বুদ্ধির দ্বারা দেহাভিমান সম্যক পরিত্যাগ করিয়া রাজা খট্টাঙ্গ স্ব-ভাবে অবস্থিত হইয়াছিলেন। এই খট্টাঙ্গের বংশেই বিখ্যাত রাজা রঘু, তাঁহার পৌত্র দশরথ এবং তৎপুত্র ত্রিলোকপাবন শ্রীরামচন্দ্র জন্মগ্রহণ করেন। শ্রীরামচন্দ্রের পুত্র কুশ। ঐ বংশে স্মৃতিতে শেষ রাজা হইবেন।

### ১৩ অধ্যায়

নিমি, বৈদেহ ও সীরধ্বজ জন্মক, সীতা

এক্ষণে ইক্ষ্বাকুর অপর এক পুত্র নিমির বংশ বলিব। বশিষ্ঠ-ঋষি রাজা নিমির দেহপতন হয়। মুনিগণ যজ্ঞদ্বারা দেবগণকে

পরিভ্রষ্ট করিয়া গন্ধবস্ত্র মধ্যে রক্ষিত ঐ নিমিরাজার দেহকে জীবিত করেন, কিন্তু নবজীবনপ্রাপ্ত নিমি ঐ গন্ধবস্ত্রমধ্য হইতেই বলিলেন, আমার আর যেন দেহবন্ধন না হয়—‘মাভূন্মে দেহবন্ধনং’। কারণ,

যশ যোগং ন বাঙ্স্তি বিয়োগভয়কাতরাঃ ।

ভজন্তি চরণাভোজং মুনয়ো হরিমেধসঃ ॥

দেহং নাবরুৎসেহং দ্ৰুঃখশোকভয়াবহম্ ।

সৰ্বত্রাশ্ত যতো মৃত্যুর্মংস্থানামুদকে যথা ॥ ৯।১৩৯, ১০

—হরিভক্ত মুনিগণ বিয়োগভয়ে কাতর হইয়া কদাপি এই দেহ-যোগ ইচ্ছা করেন না, কেবল ভগবানের চরণকমলই ভজনা করেন। স্মৃতরাং দ্ৰুঃখ শোক ভয়ের আশ্রয়, জলমধ্যে মৎস্তগণের ছায়া যাহার সৰ্বত্রই কেবল মৃত্যু, এমন দেহ ধারণ করিতে আমি কিছু মাত্র উৎসাহ বোধ করিনা।

অরাজকতার ভয়ে তখন মুনিগণ নিমিরাজের দেহ মস্থন করিয়া এক স্নকুমার কুমার উৎপন্ন করিলেন। ঐ ভাবে জাত বলিয়া তাঁহার নাম বৈদেহ জনক হইল। ঐ বৈদেহ জনক মিথিলাপুরী নির্মাণ করেন। তাঁহার বংশে সীরধ্বজ জনকের জন্ম। ইনি একদা যজ্ঞের জন্ত ভূমি কর্ষণ করিতেছিলেন, তখন তাঁহার হলের অগ্রভাগে স্ত্রীরামপত্নী সীতাদেবী উৎপন্না হন। এই বংশীয় রাজগণ মিথিলায় বহুকাল রাজত্ব করেন। ইহাদের অনেকে যোগেশ্বরপ্রসাদে আত্মবিচ্যায় সুপণ্ডিত এবং গৃহস্থ হইয়াও সুখদুঃখাদি-দম্ববিমুক্ত হইয়াছিলেন।

## ১৪—১৭ অধ্যায়

চন্দ্রবংশ — পুরুরবা, উৰ্ব্বশী, পরশুরাম, কার্তবীৰ্য্যার্জুন

শুকদেব বলিলেন, এখন চন্দ্রবংশ কীর্তন করিব। ব্রহ্মার এক পুত্র অত্রির বংশে পুরুরবা। তিনি উৰ্ব্বশীর গর্ভে ছয়টি পুত্র উৎপাদন করেন, তাহাদের একটীর বংশে শোনক ঋষি হন, আর একটীর বংশে জহ্নু, যিনি গঙ্গা পান করেন। সেই বংশে কুশ, কুশের বংশে গান্ধি, গান্ধির কন্যা সত্যবতী, তাঁহার পতি ঋচীক।

ইহাদের পুত্র জমদগ্নি রেণুকাকে বিবাহ করেন, তাঁহাদের পুত্র পরশুরাম। হৈহয়পতি কার্ণবীৰ্য্যার্জুন মৃগয়া করিতে আসিয়া সসৈন্যে জমদগ্নির আশ্রমে অতিথি হইলে ঐ মুনির কামতুষা গাভী প্রচুর অন্ন উৎপাদন করিয়া তাঁহাদিগকে ভোজন করান। রাজা সেই বিস্ময়কর ব্যাপার দেখিয়া লুদ্ধ হইয়া বলপূৰ্ব্বক ঐ গাভীকে লইয়া গেলে পরশুরাম কুঠার হস্তে হৈহয়পুরীতে গিয়া রাজাকে বধ করেন। রাজার পুত্র পরশুরামের অল্পপস্থিতিতে জমদগ্নির আশ্রমে আসিয়া ঐ মুনির শিরশ্ছেদ করেন। পরশুরাম সেই আক্রোশে হৈহয় বংশ ধ্বংস করেন ও একুশবার পৃথিবীকে নিঃশ্রুতিয় করেন। পূৰ্ব্বোক্ত গাধির পুত্র বিশ্বামিত্র।

### ১৮—১৯ অধ্যায়

নহুষ, যযাতি, শর্মিষ্ঠা, দেবযানী, পুরু

পুরুবরবার বংশেই মহারাজ নহুষের জন্ম হয়। ব্রহ্ম-হত্যা ভয়ে ইন্দ্র তপস্তা করিতে চলিয়া গেলে (৮৫ পৃঃ দেখুন) নহুষ স্বর্গের রাজত্ব লাভ করেন। শচীর প্রতি কামনাসক্ত হইয়া এক তুষ্কার্য্য করিয়া তিনি ব্রহ্মশাপে অজগর হইয়া ভূতলে পতিত হন। নহুষের মধ্যম পুত্র যযাতি রাজ্য প্রাপ্ত হন। তিনি দৈত্যগুরু শুক্রাচার্য্যের কন্যা দেবযানীকে বিবাহ করেন। দানবেন্দ্র বৃষপর্ব্বার শর্মিষ্ঠা নামে এক কন্যা ছিল। গুরুপুত্রী দেবযানীর প্রতি কোন গুরুতর অপরাধের নিমিত্ত তিনি তাহার আজীবনদাসীত্বে অভিশপ্ত হন। শর্মিষ্ঠা দেবযানীর দাসীরূপে মহারাজ যযাতির রাজপুরীতে বাস করিতে থাকেন। দেবযানীর গর্ভে মহারাজ যযাতির যত্ন ও তুৰ্ব্বসু নামে দুই পুত্র হয়। ক্রমে শর্মিষ্ঠার গর্ভেও যযাতির জ্ঞানু অল্প ও পুরু নামে তিন পুত্র জন্মে। শুক্রাচার্য্য যযাতিদ্বারা শর্মিষ্ঠার গর্ভে অসঙ্গত ভাবে পুত্রোৎপাদনের সংবাদ শুনিয়া ক্রোধে তাঁহাকে অভিশাপ করিলেন এবং তাহাতে যযাতি যৌবনেই জরাপ্রাপ্ত হন, কিন্তু

শুক্রাচার্য্য যযাতিকে এইরূপ এক বরও দেন যে ইচ্ছা করিলে যযাতি ঐ জরা অপরকে দিতে পারিবেন। যযাতি ক্রমাশয়ে জ্যেষ্ঠ চারিপুত্রকে তাঁহার জরা গ্রহণ করিয়া তাহাদের যৌবন তাঁহাকে দিতে অনুরোধ করেন, কিন্তু তাহারা কেহ তাহাতে সম্মত হয় না। কনিষ্ঠ পুরু সম্মত হইলেন, যযাতির জরা গ্রহণ করিয়া নিজের যৌবন রাজাকে দিলেন। যযাতি ভার্য্যা দেবযানী সহ পুনরায় বিষয়ভোগে প্রবৃত্ত হইলেন। বহুকাল পর তাঁহার ভোগে বিতৃষ্ণা জন্মিল এবং শ্রীহরির প্রতি বিশুদ্ধ অনুরাগের উদয় হইল। একদা যযাতি পত্নী দেবযানীকে বলিলেন, হে সুলভ, তোমার প্রণয়ে বদ্ধ হইয়া আমি অতিশয় দীন হইয়া পড়িয়াছি, আমার আত্মজ্ঞান একেবারে অন্তর্হিত হইয়াছে।

যৎ পৃথিব্যাং ত্রীহিবং হিরণ্যং পশবঃ স্ত্রিয়ঃ ।

ন হুহস্তি মনঃ প্রীতিং পুংসঃ কামহতস্ত তে ॥

ন জাতু কামঃ কামানামুপভোগেন শাম্যতি ।

হবিষা কৃষ্ণবস্ত্রৈব ভূয় এবাভিবর্দ্ধতে ॥

যদা ন কুরুতে ভাবং সর্বভূতেষ্মঙ্গলম্ ।

সমদৃষ্টেত্তদা পুংসঃ সর্বাঃ সুখময়া দিশঃ ॥

যা হস্ত্যজা দুর্ন্যতিভিজীয্যতো যা ন জীয্যতি ।

তাং তৃষ্ণাং দুঃখনিবহাং শশ্বকামো দ্রুতং ত্যজেৎ ॥

মাত্রা স্ত্রী হুহিত্রা বা নাবিবিক্তাসনো ভবেৎ ।

বলবানিচ্ছিয়গ্রামো বিধাংসমপি কৰ্ষতি ॥

পূর্ণং বর্ষসহস্রং মে বিষয়ান্ সেবতোহসক্কে ।

তথাপি চানুসবনং তৃষ্ণা তেষু পজায়তে ॥

তস্মাদেতামহং ত্যক্ত্বা ব্রহ্মণ্যাধায় মানসম্ ।

নির্বন্দো নিরহঙ্কারচরিত্যমি যুগৈঃ সহ ॥ ৯।১৯।১৩-১৯

—পৃথিবীতে যত ধাতুযবাদি শস্ত, স্তবর্ণ পশু স্ত্রী আছে, তাহার সমস্ত পাইলেও কামনাগ্রস্ত পুরুষের মন তৃপ্ত হয় না। উপভোগের দ্বারা কামনা কদাপি নিবৃত্ত হয় না, বরং যুতসিক্ত বহির জায় উহা উত্তরোত্তর বৃদ্ধি পাইতে থাকে। পুরুষ যখন সর্বভূতে মঙ্গলভাব পোষণ করেন, সমদৃষ্টি হন, তখন

দিক্‌সকল তাঁহার নিকট সুখময় হইয়া উঠে। যে তৃষ্ণা দুর্ন্যতিগণের পক্ষে ত্যাগ করা অত্যন্ত কঠিন, শরীর জীর্ণ হইলেও বাহ্য জীর্ণত্ব প্রাপ্ত হয় না, কল্যাণকামী ব্যক্তিগণ সততঃখপ্রদ সেই তৃষ্ণাকে অতি দ্রুত পরিত্যাগ করিবেন।

মাতা ভগিনী কণ্ঠার সঙ্গেও কখনও নির্জনে একাসনে থাকিবেন না। কারণ, ইন্দ্রিয়সকল অতিশয় বলবান, উহা বিদ্বান ব্যক্তিদিগকেও আকর্ষণ করে। পূর্ণ এক সহস্র বৎসর কাল আমি অবিরাম বিষয় সকলের সেবা করিলাম, তথাপি এখনও তাহাতে আমার অনুরূপই তৃষ্ণা জন্মিতেছে। অতএব আমি এই সকল বিষয় ত্যাগ করিয়া মনকে পরব্রহ্মে নিষিষ্ট করিব, এবং নির্বন্দ ও নিরহঙ্কার হইয়া অরণ্যবাসী মৃগগণের সঙ্গে যথেষ্ট বিচরণ করিব।

এই কথা বলিয়া যযাতি পুরুকে ডাকিয়া তাহার যৌবন তাহাকে ফিরাইয়া দিলেন ও নিজ জরা তাহার নিকট হইতে পুনঃ গ্রহণ করিলেন। পুরুকে রাজ্যে অভিষিক্ত করিয়া যযাতি অক্লেশে জাতপক্ষ নীড়ত্যাগী বিহঙ্গের ত্রায় নির্বিবল ও নিস্পৃহ চিত্তে সর্বসম্পদ ত্যাগ করিয়া বনে প্রস্থান করিলেন—

‘ক্ষণেন মুমুচে নীড়ং জাতপক্ষ ইব হিজঃ’

পরে অচিরেই অমল বাসুদেবে ভাগবতী গতি লাভ করিলেন। দেবযানীও,

সা সন্নিবাসং সুহৃদাং প্রপায়ামিব গচ্ছতাম্।

বিজ্ঞায়ৈশ্বরতজ্ঞাণাং মায়াবিরচিতং প্রভোঃ ॥

সর্বত্র সঙ্গমুৎসৃজ্য স্বপ্নোপমেন ভার্গবী।

ক্লেশে মনঃ সমাবেশ্য ব্যাধুনোল্লিঙ্গমাত্মনঃ ॥

নমস্তভ্যং ভগবতে বাসুদেবায় বেধসে।

সর্বভূতাদিবালায় শান্তায় বৃহতে নমঃ ॥ ৯।১৯।২৭-২৯

—সকলই ভগবদ্ভাবরচিত, বিষয়সঙ্গ স্বপ্নতুল্য, কাহারও কোন স্বাতন্ত্র্য নাই, সংসারে সুহৃৎসঙ্গে বাস পানীয়শালায় আগত বিভিন্ন লোকের সঙ্গে ক্ষণকাল মিলনের ত্রায় — ভার্গবী (দেবযানী) ইহা বুঝিয়া শ্রীকৃষ্ণে মন সমাহিত করিয়া কলেবর পরিত্যাগ করিয়াছিলেন। (তিনি এইরূপ বলিয়াছিলেন,) আপনি শ্রীভগবান বাসুদেব মহান্ শান্ত সর্বভূতের আশ্রয় বিধাতা, আপনাকে নমস্কার।

## ২০ অধ্যায়

## দুহন্ত, শকুন্তলা, ভরত

শুকদেব বলিলেন, রাজন, এক্ষণে এই যযাতি-পুত্রগণের বংশের বিবরণ বলিব। ইহার বংশেই তুমি জন্ম লাভ করিয়াছ। এই বংশে অনেক রাজর্ষি ও ব্রহ্মর্ষি উৎপন্ন হইয়াছেন। যযাতিপুত্র পুরুষ অধস্তন এক বংশধর রেভি, তাঁহার পুত্র রাজা দুহন্ত। তিনি একদা যুগয়ায় বহির্গত হইয়া মহর্ষি কথের আশ্রমে উপনীত হন। তথায় ঐ ঋষি কর্তৃক পালিতা বিশ্বামিত্রের ঔরসে মেনকার গর্ভে জাতা ও মাতাকর্তৃক ঐ আশ্রমে পরিত্যক্তা শকুন্তলা নাম্নী এক পরমরূপবতী কন্যার সহিত তাঁহার সাক্ষাৎ হয়। উভয়ের প্রণয়সঞ্চার হইলে ঐ আশ্রমকাননেই গান্ধর্ব্বমতে তাঁহাদের বিবাহ হয়। শকুন্তলার গর্ভে ভরত নামে দুহন্তের এক মহাবলশালী পুত্র জন্মে। রাজা শকুন্তলাকে ঐ আশ্রমেই পরিত্যাগ করিয়া গিয়াছিলেন। শকুন্তলা পুত্রসহ রাজপুরীতে আসিলে রাজা প্রথমে তাঁহাকে চিনিতে পারেন না, কিন্তু আকাশবাণী দ্বারা আশ্বস্ত হইয়া পশ্চাৎ তাঁহাকে মহিষীরূপে গ্রহণ করেন। পিতার দেহান্তে ভরত রাজ্য লাভ করিয়া রাজচক্রবর্ত্তী হন। তিনি শ্রীহরির অংশস্বরূপ ছিলেন এবং লোকবিস্ময়কর বহু যজ্ঞদানাদি কার্য্য করেন, কিরাত হুণ যবন পৌণ্ড্র কঙ্ক খশ শক ও শ্লেচ্ছরাজগণকে জয় করেন, এবং অসুরগণের দ্বারা অপহৃত দেবাজ্ঞানাদিগকে রসাতল হইতে উদ্ধার করেন। তিনি সর্বদা প্রজাগণের সকল অভিলাষ পূর্ণ করিতেন। বিদর্ভদেশীয়া তিন মহিষীর গর্ভে মহারাজ ভরতের কয়েকটি পুত্র হইয়াছিল, কিন্তু তাহাদের সকলেরই অকালমৃত্যু ঘটে। মহারাজকে এইরূপে পুত্রহীন দেখিয়া মরুৎগণ মাতা মমতা কর্তৃক ত্যক্ত তাঁহাদের দ্বারা পালিত ভরদ্বাজ নামে একটা পুত্র তাঁহাকে দান করেন। ভরত অগণিত ঐশ্বর্য্য ও নিজ প্রাণ সমস্তই অলীক বিচার করিয়া বিষয় হইতে উপরত হইলেন।

## ২১ অধ্যায়, ১-১৮ শ্লোক

রস্তিদেব ,

পূৰ্বে যে ভৱদ্বাভেৰ কথা বলিয়াছি, তাঁহাৰ বংশে ইহ-  
 পরলোকে প্ৰথিতযশা মহাত্মা রস্তিদেব জন্মগ্ৰহণ করেন।  
 সৰ্ব্বপ্ৰকাৰ দানে, বিশেষতঃ অন্নদানে, তিনি মুক্তহস্ত  
 নিষ্কাম ও ধীৰ ছিলেন। এক সময় জলমাত্ৰ পান না কৰিয়া  
 সপরিজন সেই ৰাজাৰ আটচল্লিশ দিন অতীত হইল। পৰদিন  
 কিছু ভোজ্য তাঁহাৰ নিকট আনীত হইয়াছে, এমন সময় এক  
 ক্ষুধাৰ্ত্ত ব্ৰাহ্মণ আসিয়া উপস্থিত হইলে ৰাজা তৎক্ষণাৎ সেই  
 অন্ন হইতে ঐ ব্ৰাহ্মণকে পৰ্য্যাপ্ত পৰিমাণ দান কৰিলেন, ব্ৰাহ্মণ  
 ভোজনান্তে পৰিতৃপ্ত হইয়া চলিয়া গেল। অবশিষ্ট অন্ন  
 পৰিজনদিগকে বিভাগ কৰিয়া দিয়া তিনি নিজাংশ ভোজনে উত্তত  
 হইয়াছেন, এমন সময় একটা শূদ্ৰজাতীয় বুড়ুক্ষু অতিথি হইয়া  
 আসিল। ৰাজা তাহাকে নিজের অংশ হইতে যথেষ্ট দান  
 কৰিলেন। ঐ শূদ্ৰ চলিয়া গেলে কুক্কুৰগণে পৰিবেষ্টিত এক  
 পুৰুষ আসিয়া নিজের ও কুক্কুৰদের জন্ত উপযুক্ত পৰিমাণ অন্ন  
 চাহিল। ৰাজা অবশিষ্ট সমস্ত অন্ন হৃষ্টচিত্তে অবনতমস্তকে  
 তাহাদিগকে প্ৰদান কৰিলেন। তখন অন্ন আর কিছুই  
 রহিল না, কিঞ্চিৎ জল মাত্ৰ অবশিষ্ট রহিল। ৰাজা সেই জল পান  
 কৰিয়া ক্ষুৎপিপাসা নিবৃত্ত কৰিতে উদ্যোগী হইলেন। তখনই এক  
 চণ্ডাল সেখানে সহসা আসিয়া উপস্থিত হইয়া বলিল, মহাৰাজ,  
 আমি দাৰুণ পিপাসায় আৰ্ত্ত, আমাকে শীঘ্ৰ এই পানীয়টুকু দান  
 কৰুন। রস্তিদেব বলিলেন—

| ন কাময়েহং গতিমীশ্বরাং পৰামৰ্ষ্টক্ৰিয়ুক্তামপুনৰ্ভবং বা ।

আৰ্হিঃ প্ৰপত্তেহখিলদেহভাজামন্তঃস্থিতো যেন ভবন্ত্যদ্ব্যখাঃ ॥

ক্ষুভ্ৰুৎশ্ৰমো গাত্ৰপৰিভ্ৰমশ্চ দৈত্য়ং ক্লমঃ শোকবিবাদমোহাঃ ।

সৰ্বে নিবৃত্তাঃ কুপণশ্চ জন্তোৰ্জিজীবিষোৰ্জীবজলপৰ্ণান্মে ॥ ৯২১।১২, ১৩

—আমি ঈশ্বরের নিকট অষ্টৈশ্বৰ্য্যযুক্ত শ্ৰেষ্ঠ গতি বা মোক্ষও প্ৰাৰ্থনা

করি না। আমি অখিল জীবের অন্তরে স্থিত হইয়া যেন তাহাদের সকল দুঃখ প্রাপ্ত হই, যাহাতে তাহারা সকলে দুঃখ হইতে মুক্ত হয়। জীবিত-কামী এই দীন জীবের জীবন রক্ষার্থ জল প্রদান করিলেই আমার ক্ষুধা তৃষ্ণা শ্রান্তি কাতরতা ক্লান্তি খেদ বিষাদ ও মোহ সকলই অপগত হইবে।

এই বলিয়া সেই কৃপাশীল রাজা নিজে পিপাসায় ত্রিয়মাণ হইয়াও সেই পুরুষকে আপনার সমস্ত পানীয় প্রদান করিলেন। তখন ব্রহ্মাদি দেবতাগণ স্ব স্ব মূর্তি ধারণ করিয়া সেই স্থানে আসিয়া আবির্ভূত হইলেন। তাঁহারা রাজাকে বলিলেন যে তাঁহার ধৈর্য্যপরীক্ষার্থ শ্রীহরি দ্বারা প্রেরিত হইয়া তাঁহারাই ঐ সকল অতিথির বেশে তাঁহার নিকট উপস্থিত হইয়াছিলেন।

‘স বৈ তেভ্যো নমস্কৃত্য নিঃসঙ্গো বিগতস্পৃহঃ।

বাসুদেবে ভগবতি ভক্ত্যা চক্রে মনঃ পরম্ ॥

ঈশ্বরালম্বনং চিত্তং কুর্ব্বতোহনন্তরাধসঃ।

মায়া গুণময়ী রাজন্ স্বপ্নবৎ প্রত্যাশীয়াত ॥ ৯২১১৬, ১৭

—তিনি তাঁহাদিগকে নমস্কার করিয়া নিঃসঙ্গ ও বিগতস্পৃহ হইলেন, এবং ভক্তিপূর্ব্বক ভগবান্ বাসুদেবে চিত্ত সমর্পণ করিলেন। তিনি ঈশ্বর ব্যতীত অথ কোন ফলের আকাঙ্ক্ষা না করিয়া নিজ চিত্ত দ্বারা একমাত্র ঈশ্বরকেই আশ্রয় করিলে গুণময়ী মায়া তাঁহার কাছে স্বপ্নের মত বিলীন হইয়া গেল।

রাজন্, রস্তুদেবের অনুচরগণও তৎপ্রভাবে নারায়ণে অনুরক্ত হইয়াছিলেন।

## ২১ (অবশিষ্টাংশ) — ২৪ অধ্যায়

যযাতির অপর পুত্রগণের বংশ — যদুবংশে শ্রীকৃষ্ণ-জন্ম

মন্স্যর অপর পুত্র গর্গ। তাঁহার পৌত্র গার্গ্য এবং মন্স্যর অপর এক পুত্র হইতে উৎপন্ন পুত্রগণ ক্ষত্রিয় হইলেও ব্রাহ্মণত্ব প্রাপ্ত হইয়াছিলেন। মন্স্যর জ্যেষ্ঠপুত্র হস্তী হইতে হস্তিনাপুর হয়। হস্তীর এক পুত্র অজমীঢ়, ইহার বংশীয় কয়েকজনও দ্বিজত্ব লাভ করেন। ইহারই বংশে বিষ্ণুসেন জৈগীষব্যের



উপদেশে যোগশাস্ত্র প্রণয়ন করেন। হস্তীর অপর পুত্র, দ্বিমীঢ়ের বংশে কৃতী নামে পুত্র হিরণ্যনাভের নিকট যোগ প্রাপ্ত হইয়া প্রাচ্যসামের ছয়খানি সংহিতা বিভাগপূর্বক অধ্যাপনা করেন। অজমীঢ়ের অপর এক স্ত্রীর গর্ভজাত পুত্রের বংশে মুদগল মোদগল্য নামক ব্রহ্মগোত্রের প্রবর্তক। মুদগলের যমজ পুত্র দিবোদাস, কণ্ঠা অহল্যা। দিবোদাসের বংশে পৃষত, পৃষত হইতে দ্রুপদ রাজা, তাঁহার কণ্ঠা প্রসিদ্ধা দ্রৌপদী, পুত্র বিখ্যাত ধৃষ্টদ্যুম্ন। অজমীঢ়ের অপর এক পুত্রের বংশে সংবরণ, তিনি সূর্য্যকণ্ঠা তপতীকে বিবাহ করেন। কুরুক্ষেত্রপতি কুরু তাঁহাদের পুত্র। কুরুর বংশে কৃতীর পুত্র উপরিচর বন্সু, তাঁহার বংশে বৃহদ্রথাদি চেদি বংশের রাজা। বৃহদ্রথের এক ভাৰ্য্যার দুই খণ্ডে এক সন্তান হয়, জরা নাম্নী রাক্ষসী কর্তৃক ঐ দুই খণ্ড একত্র যুক্ত হইয়া মহাবল জরাসন্ধের উদ্ভব হয়। কুরুর অপর এক পুত্রের বংশে দিলীপ, তৎপুত্র প্রতীপ। প্রতীপের তিন পুত্রের মধ্যে জ্যেষ্ঠ দেবাপি রাজ্য গ্রহণ না করায় মধ্যম পুত্র শান্তনু রাজ্যলাভ করেন। দেবাপি বেদপথভ্রষ্ট হইয়া পাষণ্ডীমতাত্ময়ে অত্যাপি কলাপ গ্রামে যোগ অবলম্বন করিয়া অবস্থিতি করিতেছেন। শান্তনু হইতে গঙ্গাদেবীর গর্ভে আশ্বজ্ঞ মহাভাগবত ভীষ্মদেব, এবং দাসকণ্ঠার গর্ভে চিত্রাঙ্গদ ও বিচিত্রবীৰ্য্য জন্মগ্রহণ করেন। ঐ দাসকণ্ঠার কণ্ঠাকালে মহর্ষি পরাশরের ঔরসে ভগবান শ্রীহরির অংশে আমার পিতা বেদরক্ষক কৃষ্ণদ্বৈপায়ন অবতীর্ণ হন। তিনি নিজ শিষ্য পৈল প্রভৃতিকে পরিত্যাগ করিয়া আমাকেই শ্রীতিপূর্বক পরমগুহ্য ভাগবত শাস্ত্র অধ্যয়ন করান। বিচিত্রবীৰ্য্য স্বয়ম্বর হইতে বলপূর্বক আনীত অশ্বিকা ও অশ্বালিকার পাণি গ্রহণ করেন, কিন্তু তিনি অপুত্রক অবস্থায় যক্ষ্মারোগে আক্রান্ত হইয়া শল প্রাপ্ত হন। ভগবান্ কৃষ্ণদ্বৈপায়ন তাঁহার ক্ষেত্রে ধৃতরাষ্ট্র পাণ্ডু ও বিহুর নামে তিন পুত্র উৎপন্ন করেন। তৎপর যুধিষ্ঠিরাদি পঞ্চ ভ্রাতা, দুৰ্য্যোধনাদি শত ভ্রাতা, ও যুধিষ্ঠিরাদি হইতে দ্রৌপদীর গর্ভে যথাক্রমে প্রতিবিদ্য

শ্রুতসেন শ্রুতকীর্তি শতানীক শ্রুতকর্মা, পৌরবীগর্ভে যুধিষ্ঠিরের দেবক, হিড়িম্বাগর্ভে ভীমসেনের ঘটোৎকচ, অর্জুনের উলূপীর গর্ভে ইরাবান, মণিপুরকন্যার গর্ভে বক্রবাহন, সুভদ্রাগর্ভে তোমার পিতা অভিমন্যু, করেণুমতিতে নকুলের নরমিত্র, বিজয়াতে সহদেবের সুহোত্র নামে পুত্র হয়। রাজন, তোমার পুত্র জনমেজয় তোমার নিধনবার্তা শুনিয়া সর্পযজ্ঞ করিবেন। ক্ষেমক এই বংশে শেষ রাজা হইবেন, তারপর বৃহদ্রথ-বংশীয় রাজহ। (অতঃপর, ১২শ স্কন্ধ দেখুন)।

শশ্মিষ্ঠার গর্ভজাত যযাতিপুত্র অম্বর বংশে দীর্ঘতমা হইতে অঙ্গ বঙ্গ কলিঙ্গ সুস্মা পুণ্ড্র ওড়্র নামে বহু রাজা উৎপন্ন হন। ঐ ছয় জন নিজ নিজ নামে ছয়টি জনপদ, ও অন্তরে প্রাচ্য দেশে নানা জনপদ স্থাপন করেন। রাজা দশরথের শান্তা নাম্নী কন্যার গর্ভে <sup>দেব</sup>রোমপাদের গুণসে যে বংশ উৎপন্ন হয়, তাহাতে অধিরথ জন্মগ্রহণ করেন। ইনিই মহাবীর কর্ণের পালক পিতা। যযাতির অপর পুত্র দ্রুহুর বংশ উত্তরদিকে গিয়া স্লেচ্ছাধিপতি হইয়াছে।

এক্ষণে যযাতির জ্যেষ্ঠপুত্র যত্নর প্রথিত বংশ কীর্তন করিব। এই বংশে মধু, তাহার শত পুত্র মধ্যে জ্যেষ্ঠ রুষ্টি। এই কারণে এই বংশীয়দিগকে যাদব মাধব বা রুষ্টি বলে। সাহিত্র অম্ব ও মহাভোজ এই বংশীয় অন্য শাখা। এই বংশের স্বয়ংক্র হইতে গান্ধিনীগর্ভে অত্রুর। পুনর্বসুর পুত্র আলক, আলকের পুত্র দেবক ও উগ্রসেন। দেবকের সাত কন্যা, কনিষ্ঠা দেবকী। ইহাদের সকলকেই বসুদেব বিবাহ করেন। বসুদেবের অন্য স্ত্রী মধ্যে রোহিণী, তাহারই গর্ভে বলভদ্র। উগ্রসেনের পুত্র কংস প্রভৃতি। উগ্রসেনের কন্যাগণকে বসুদেবের কনিষ্ঠ ভ্রাতা বিবাহ করেন। বসুদেব অন্ধকের এক পুত্রের বংশ, শূরের পুত্র। শূরের একটি কন্যা পৃথা। শূর নিজ সখা কুন্তিভোজকে নিঃসন্তান দেখিয়া ঐ কন্যা তাকে দান করেন। করুণরাজ শূরের অপর এক কন্যা শ্রুতদেবাকে বিবাহ করেন, তাহারই গর্ভে দত্তবক্র জন্মেন। অপর এক কন্যা শ্রুতশ্রবাকে চেদিরাজ দমু বিবাহ করেন, তাহার পুত্র শিশুপাল।

## ঐতিহাসিক

বসুদেবের অষ্টম পুত্র শ্রীকৃষ্ণ । তোমার পিতামহী সুভদ্রাও  
বসুদেব হইতে উৎপন্ন হন । শ্রীকৃষ্ণ—

। জাতো গতঃ পিতৃগৃহাদ্ ব্রজমেধিতার্থো হত্বা রিপুন্ সুতশতানি কৃতোরুদারঃ ।

উৎপাত্ত তেষু পুরুষঃ ক্রতুভিঃ সমীজে আত্মানমাত্মনিগমং প্রথয়ন্ জনেষু ॥

পৃথ্ব্যাঃ স বৈ গুরুভরং ক্ষপয়ন্ কুরুণামন্তঃসংখকলিনা যুধি ভূপচক্ষঃ ।

। দৃষ্ট্য বিধুয় বিজয়ে জয়যুধিষোষ্য প্রোচোক্তবায় চ পরং সমগাং স্বধাম ॥

—জয়গ্রহণ করিয়াই পিতৃগৃহ হইতে ব্রজে গমন করেন । সেখানে  
শত্রুগণকে নিহত করিয়া ব্রজবাসিগণের প্রয়োজন সাধন করেন । তৎপরে  
বহু স্ত্রী গ্রহণ করিয়া সেই সকল রমণীতে শত শত সন্তান উৎপাদন করেন ।  
লোকসমাজে বেদধর্ম প্রচার করিয়া বহু যজ্ঞ দ্বারা তিনি আপনাই অর্চনা  
করেন । কুরুকুলের আত্মকলহসমুৎপিত ভীষণ যুদ্ধে যোদ্ধাগণকে দৃষ্টিমাত্র  
ধ্বংস করিয়া জয়যোষণা এবং পৃথিবীর গুরুভার হরণ করেন । সর্বশেষ,  
উক্তকে পরমতত্ত্বের উপদেশ করিয়া স্বধামে গমন করেন । ৯২৪।৬৬,৬৭

## দশম স্কন্ধ

### ১—২ অধ্যায়

পৃথিবী, ব্রহ্মা, শ্রীহরি, বসুদেব, দেবকী, কংস

রাজা পরীক্ষিৎ বলিলেন, হে মুনিশ্রেষ্ঠ, যিনি কর্ণধাররূপে  
আমার পিতামহগণকে দুস্তর কোরব-সাগর উত্তীর্ণ করাইয়াছিলেন,  
এবং আমাকে মাতৃগর্ভে অশ্বখামার অস্ত্রাগ্নি হইতে রক্ষা  
করিয়াছিলেন, ধর্মশীল যত্ন বংশে অংশাবতীর্ণ সেই শ্রীভগবানের  
অদ্ভুত চরিত্র ও অলৌকিক কর্ম সকল বিস্তারিতরূপে আমাকে  
বলুন । আপনার মুখনিঃসৃত হরিকথামৃত নিরন্তর পান করায়  
জলপানবর্জিত স্নানসহ ক্ষুধাতৃষ্ণাও আমাকে গীড়া দিতে অক্ষম  
হইতেছে । শুকদেব বলিলেন, কৃষ্ণকথা বক্তা ও শ্রোতা উভয়কে  
পবিত্র করে । তজ্জন্মই তোমার বুদ্ধি এক্ষণে কৃতনিশ্চয় হইয়াছে ।

রাজন, একদা রাজবেশী দৈত্যগণের অসংখ্য সেনাভারে গীড়িতা  
হইয়া পৃথিবী গাভীরূপে ব্রহ্মার শরণাপন্ন হইলেন । ব্রহ্মা

দেবগণ সহ তাহাকে লইয়া ক্ষীরোদসাগরতীরে গিয়া পুরুষমুক্ত দ্বারা দেবদেব জগন্নাথের স্তব করিতে লাগিলেন। ব্রহ্মা সেই পরমপুরুষের আকাশবাণী শুনিয়া দেবগণকে বলিলেন, ত্রীহরি সহরই যছ বংশে বসুদেবগৃহে অবতীর্ণ হইবেন, তোমরা স্বরায় স্ব স্ব পত্নীসহ মর্ত্যধামে গিয়া জন্মগ্রহণ কর।

মথুরাধিপতি শূরসেনের বংশজ বসুদেব দেবকের কন্যা দেবকীকে বিবাহ করেন। উগ্রসেন-পুত্র কংস জ্ঞাতিভগিনী দেবকীর বিবাহে বহু উপহার লইয়া স্বয়ং অশ্বের বল্গা ধরিয়া বসুদেব ও দেবকীর রথে গমন করিতে লাগিলেন। এমন সময় হঠাৎ এক দৈববাণী হইল, 'রে মূর্খ, তুমি যাহাকে অশ্বের রজ্জু ধরিয়া বহন করিয়া যাইতেছ, এই দেবকীরই অষ্টম গর্ভের সন্তান তোমার প্রাণহস্তা হইবে'। কংস ইহা শুনিয়া তৎক্ষণাৎ ভীষণ এক খড়্গ গ্রহণ করিয়া দেবকীকে বধ করিতে উত্তত হইল। বসুদেব বলিলেন,

মৃত্যুর্জন্মবতাং বীর দেহেন সহ গায়তে ।

অথ বাক্যশতান্তে বা মৃত্যুর্বে প্রাণিনাং ধ্রুবঃ ॥

দেহে পঞ্চভ্রমাপন্নো দেহী কস্মীন্মুগোহবশঃ ।

দেহান্তরমমুপ্রাপ্য প্রাক্তনং ত্যজতে বপুঃ ॥

ব্রজংস্তিষ্ঠন্ পদৈকেন ষথৈবৈকেন গচ্ছতি ।

যথা তৃণজলৌকিকং দেহী কস্মদগতিং গতঃ ॥

তস্মান্ন কস্যাচিদ্রোহমাচরেৎ স তথাবিধঃ ।

আত্মনঃ ক্ষেমমন্নিচ্ছন্ দ্রোণুর্বে পরতো ভয়ম্ ॥ ১০ ১৩৮-৪০, ৪৪

সেই বীর, মৃত্যু দেহের সঙ্গেই জন্মগ্রহণ করে। অথ বা শত বৎসর পরই হউক, প্রাণিদিগের মৃত্যু ধ্রুব। দেহ ধ্বংসে দেহী স্বায় কস্ম অমুখ্যায়ী পূর্ব দেহ ত্যাগ ও দেহান্তর গ্রহণ করে, যেমন জলৌকী এক তৃণ ত্যাগ করিয়া পদ্ম-~~দ্বারা~~ তৃণ গ্রহণ করে, ~~অতএব~~ কল্যাণকামী কাহারও হিংসা করিবে না, হিংসকের পরকাণ্ড ও ভয়ের কারণ থাকে।

কিন্তু ছুরাচার কংস কিছুতেই নিবৃত্ত হইল না। অবশেষে নিরুপায় হইয়া বসুদেব বলিলেন, আমি প্রতিশ্রুত হইলাম যে ইহার গর্ভে যে সকল পুত্র জন্মিবে তাহা সমস্তই তোমাকে দান করিব, তুমি

যাহা ইচ্ছা করিও। কংস তখন আশ্বস্ত হইয়া ভগিনীবধে নিরস্ত হইল। দেবকীর প্রথম পুত্র জন্মিবামাত্র বসুদেব তাহাকে কংসের নিকট প্রেরণ করিলেন, কিন্তু অষ্টম গর্ভের পুত্রই তাহার হস্তা জানিয়া কংস তাহাকে প্রত্যর্পণ করিল। বসুদেব নিশ্চিন্ত হইতে পারিলেন না, কারণ,—

কিং হংসহং তু সাধুনাং বিদ্বাং কিমপেক্ষিতম্।

কিমকার্য্যং কদর্য্যানাং হস্ত্যাজং কিং ধৃত্যনাম্ ॥ ১০।১।৫৮

—সাধুগণের হংসহ কিছুই নাই, জানিগণ কিছুই অপেক্ষা রাখেন না, কদর্য্য ব্যক্তিগণ কি না করিতে পারে, ধীর ব্যক্তিগণেরও হস্ত্যাজ কিছুই নাই।

এদিকে নারদ আসিয়া কংসকে বলিলেন, ইহারা সকলেই দেবাংশে জাত। কংস তাহাতে ভীত হইয়া তৎক্ষণাৎ বসুদেব ও দেবকীকে শৃঙ্খলাবদ্ধ করিয়া রাখিল, তাঁহাদের পূর্বজাত ও তৎপর যে যে পুত্র জন্মিল সকলকেই একে একে নিহত করিল, এবং যাদবগণের প্রতি ক্রুদ্ধ হইয়া যত্ন-ভোজ-অন্ধকাধিপতি নিজ পিতা উগ্রসেনকেও অবরুদ্ধ করিয়া স্বয়ং শূরসেন রাজ্য ভোগ করিতে লাগিল।

কংস ক্রমে দেবকীর ছয়টি পুত্রকে হত্যা করিল, এবং মগধরাজ জরাসন্ধ ও অগ্ন্যায় অমুরগণের সহায়তায় যাদবগণকে নিপীড়িত করিতে লাগিল। যাদবেরা অনন্তগতি হইয়া কুরু পঞ্চাল মিথিলা প্রভৃতি দেশে দলে দলে পলায়ন করিতে লাগিল। এদিকে দেবকীর সপ্তম গর্ভের সঞ্চার হইল। তখন শ্রীভগবান্ যোগমায়াকে আদেশ করিলেন, দেবি, তুমি এই জগন্মুখী অনন্তকে রোহিণীর গর্ভে স্থাপন কর। তৎপর আমি দেবকীর এবং তুমি যশোদার গর্ভে এক সময়েই জন্ম লইব। যোগমায়া যথাদৃষ্ট করিলেন,—শ্রীভগবান্ও দেবকীর গর্ভে আবির্ভূত হইলেন। কংস দেবকীর সহসা অপূর্ব অঙ্গপ্রভা দেখিয়া এবং এই গর্ভেই তাহার প্রাণহস্তার আবির্ভাব আশঙ্কা করিয়া দেবকীকে হত্যা করার সংকল্প করিল, কিন্তু শেষে কি ভাবিয়া নিরস্ত হইল এবং গর্ভস্থ শিশুর জন্মকাল প্রতীক্ষা করিতে লাগিল।—

আলীনঃ সংবিশংস্তিষ্ঠন্ ভুজানঃ পথ্যটন্ মহীম্

চিস্তয়ানো হৃষীকেশমপশুৎ তন্নয়ং জগৎ ॥ ১০।২।২৪

১০ম অঃ—বদা শোয়া খাওয়া ভ্রমণ করা সকল সময়েই হৃষীকেশকে চিন্তা করিতে করিতে কংস সমস্ত জগৎ তন্নয় দেখিয়াছিল।

ব্রহ্মাদি দেবগণ সকলে সেই গর্ভস্থ শ্রীভগবানের স্তব করিয়া গেলেন, বসুদেব দেবকীকে আশ্বস্ত করিলেন।

### ৩—৪ অধ্যায়

শ্রীকৃষ্ণ, বসুদেব, কণ্ঠা, কংস

অনন্তর সর্বগুণোপেত পরমশোভন কাল উপস্থিত হইল। নদী সকলের জল প্রসন্ন, বনরাজি পুষ্প-স্তবকে শোভিত ও পক্ষিভ্রমরাদিব কলরবে কুজিত, সুখস্পর্শ বায়ু প্রবাহিত, সর্ব-জীবের মন স্নিগ্ধ, নক্ষত্রসমূহ প্রশান্ত এবং ছন্দুভি সকল নিনাদিত হইয়া উঠিল। রজনীর অর্দ্ধযাম অতীত হইলে দেবমুনিগণের গীতধ্বনি, সিদ্ধ-চারণগণের স্তব, অঙ্গরাবিদ্যাধরদিগের নৃত্যগীত এবং সমুদ্র ও জলধরগণের মন্দ মন্দ গর্জনের মধ্যে রোহিণী নক্ষত্রে পূর্বাশার পূর্ণচন্দ্রবৎ শ্রীজনার্দন ভূমিষ্ঠ হইলেন। তখন বসুদেব ও দেবকী উভয়ে শ্রীবিষ্ণুর সকলবিভূতি সকললাঞ্জন ও অপূর্ব দীপ্তিসমন্বিত কান্তি দেখিয়া নতাজ হইয়া প্রণাম ও স্তব করিতে লাগিলেন। শ্রীভগবান্ তাহাদের প্রতি প্রসন্ন হইয়া বলিলেন, স্বায়ম্ভুব মন্বন্তরে তোমাদের প্রথম জন্মে তোমরা সূতপা ও পুশ্চিরূপে, দ্বিতীয় জন্মে কণ্ঠা ও অদিতিরূপে, কঠোর তপশ্চরণ দ্বারা আমাকে যথাক্রমে পুশ্চিগত ও বামন মূর্তিতে পুত্রভাবে পাইয়াছিলে। তোমাদের এই তৃতীয় জন্মেও আমি এই শরীর গ্রহণ করিয়া তোমাদের পুত্ররূপে পুনরায় আবির্ভূত হইলাম। তোমরা ব্রহ্মভাবে বা পুত্রভাবে যে ভাবেই হউক, একবার মাত্র আমাকে চিন্তা করিলেই পরম গতিপ্রাপ্ত হইবে।—এই বলিয়াই তিনি প্রাকৃত মানব শিশুর রূপ ধারণ করিলেন। বসুদেব ভগবৎ-

প্রেমিত হইয়া সেই শিশুকে স্মৃতিকাগৃহ হইতে লইয়া যেই বহির্গত হইলেন, অমনি যোগমায়া নন্দপত্নী যশোদার গর্ভ হইতে কন্যারূপে ভূমিষ্ঠা হইলেন। সেই যোগমায়ার প্রভাবে দ্বারপালগণের সমস্ত ইন্দ্রিয়বৃত্তি অপহৃত হইল, বসুদেবের শৃঙ্খল ও দ্বারসমূহের সুদৃঢ় লৌহকীলকসকল স্বতঃই উন্মুক্ত হইয়া গেল। শিশুরূপী শ্রীকৃষ্ণকে লইয়া বসুদেব যখন বাহিরে আসিলেন, তখন মেঘ সকল মন্দ মন্দ গর্জন ও বর্ষণ করিতেছিল, অনন্তদেব স্বীয় ফণা বিস্তার করিয়া সেই বারিপাত নিবারণ করিতে করিতে তাঁহার পশ্চাদ্গমন করিতে লাগিলেন। প্রবল জলরাশিপূর্ণা ও উত্তালতরঙ্গ-ফেনিলা যমুনা বসুদেবকে যাইবার পথ করিয়া দিলেন। বসুদেব নন্দব্রজে উপনীত হইয়া দেখিলেন, গোপগণ সকলেই ঘোর নিদ্রামগ্ন। তিনি নিজ শিশুকে যশোদার শয্যায় রাখিয়া যশোদার সন্তোজাতা কন্যাকে লইয়া চলিয়া আসিলেম। লুপ্ত-সংজ্ঞা যশোদা তাঁহার পুত্র কি কন্যা জন্মিল জানিতেও পারিলেন না। বসুদেব মথুরায় ফিরিয়া সেই কন্যাকে দেবকীর শয্যায় রাখিয়া আপনাকে পূর্ববৎ শৃঙ্খলিত করিলেন। দ্বার সমূহ পুনঃ স্বতঃই অর্গলিত হইয়া গেল।

এদিকে বাল-ধ্বনি শুনিয়া সহসা নিদ্রোথিত দ্বারপালগণ কংসকে সংবাদ দিল এবং কংস তৎক্ষণাৎ আসিয়া ঐ সন্তোজাত শিশুকে লইয়া যাইতে উদ্যত হইল। দেবকী বলিলেন, এই কন্যা হইতে তোমার কি আশঙ্কার কারণ ঘটিতে পারে? তুমি আমার এতগুলি পুত্র লইয়াছ, এই শিশুটী আমাকে দান কর। কিন্তু নির্ভুর কংস রোক্তমানা দেবকীর আর্জিতে কর্ণক্ষেপ করিল না, বলপূর্বক কাড়িয়া লইয়া ঐ কন্যাকে সজোরে শিলাপৃষ্ঠে নিক্ষেপ করিল। তখন ঐ কন্যা আকাশমার্গে উত্থিতা হইয়া সশস্ত্রা ও সাভরণা গন্ধর্ব্বচারণস্বতা অষ্টভূজা মূর্ত্তি পরিগ্রহ করিয়া বলিলেন,—

কিং ময়া হতয়া মন্দ জাতঃ খলু তবাঙ্কুৎ ।

যত্র ক বা পূর্ব্বশত্রু মা হিংসীঃ কৃপণান্ ব্রধা ॥ ১০।৪।১২

—যে মন্দ, আমাকে বধ করিয়া আর কি হইবে, তোমার পূর্বশত্রু তোমার অন্তক হইয়া কোনও স্থানে জন্মিয়াছে, বুধা অস্ত্র বাণকগুলিকে বধ করিও না।

কংস এই বাণী শুনিয়া পরম বিস্মিত ও আত্মস্থ হইয়া বসুদেব ও দেবকীকে বন্ধনমুক্ত করিয়া দিল এবং নিকটে আনাইয়া বিনয়ান্বিত হইয়া বলিল, হে ভগিনী, হে ভগিনীপতি, দৈববাণী যে মিথ্যা হয় তাহা আমি জানিতাম না, তাই আমি রাক্ষসের আয় তোমাদের এতগুলি সম্ভান বিনাশ করিয়াছি ও জ্ঞাতি সুস্থ্য ত্যাগ করিয়াছি। আমি দেহান্তে কোন্ গর্হিত লোকে যাইব, জানিনা। তোমরা শোক করিও না, প্রাণিগণ স্বকর্মফলভুক্ অথচ দৈবাধীন। ভূত সমূহের আয় আত্মা মরণশীল নহে। তোমরা সাধু ও দীনবৎসল, আমার দৌরাত্ম্য ক্ষমা কর — এই বলিয়া কংস তাঁহাদের চরণ ধারণ করিল। দেবকী অনুতপ্ত ভ্রাতাকে ক্ষমা করিলেন এবং বসুদেবও প্রসন্ন হইয়া কহিলেন, রাজন্, আপনি যাহা বলিলেন, সকলই সত্য—

অজ্ঞানপ্রভবাহংধীঃ স্বপ্নরেতি ভিদ্ভা যতঃ ॥ ১০।৪ ২৬

—দেহাদিগের অহংভাব এবং আপন ও পরভাব অজ্ঞান হইতেই হয়।

কংস চলিয়া গেল। পরদিন সে মন্ত্রীগণকে আহ্বান করিয়া আকাশপথে উচ্চারিত যোগমায়ার বাণী তাহাদিগকে জানাইল। তাহারা বলিল, হে ভোজপতি, তবে আমরা অদ্যই তৎকালজাত সমস্ত শিশুগণকে বধ করি। দেবতার। সমরভীরু, যুদ্ধে পলায়নপর, বিষ্ণু গুপ্তস্থলে ও শিব বনে বাস করে, ইন্দ্র অল্পবীৰ্য্য, ব্রহ্মা তপস্শ্রাতেই ব্যস্ত—উহারা কি করিবে? শত্রু বদ্ধমূল না হইতেই তাহাকে উৎপাটন করা কর্তব্য। বিষ্ণু ধর্ম্মের মূল ও ঋষিগণ ধর্ম্মের যাজক, সুতরাং আমরা শ্রাদ্ধাদি সমস্ত ধর্ম্ম ও যজ্ঞাদি, ঋষিগণসহ বিনাশ করিব।—কালপাশবদ্ধ সেই অসুর কংস তখন এই পরামর্শই গ্রহণ করিয়া সর্বত্র সাধুজনের হিংসার্থ আদেশ প্রদান করিল।—



আয়ুঃ শ্রিয়ং যশো ধর্মঃ লোকানাশিষ এব চ ।

হস্তি শ্রেয়াংসি সর্বাণি পুংসো মহদতিক্রমঃ ॥ ১০।৭।১৬

—সাধুদিগের প্রতি হর্ব্যবহার পুরুষের আয়ু শ্রী যশ ধর্ম স্বর্গাদি লোক, নিজ কল্যাণ, এ সকলই নষ্ট করে ।

### ৫—১০ অধ্যায়

বসুদেব, পুতনা, শকট, ভৃগাবর্ষ, গর্গ, দামবজ্রন, যমলাজ্জুন

এদিকে মহামনা নন্দ মহাহর্ষে বেদজ্ঞ ব্রাহ্মণদিগকে আহ্বান করিয়া পিতৃদেবার্চনাদি দ্বারা পুত্রের জাতকর্মাদি করাইলেন, এবং তত্পলক্ষে বহু ধেনু রত্নাদি দান করিলেন । সমস্ত গোব্রজের দ্বার অঙ্গনাদি মালা পল্লব তোরণে ভূষিত হইল, নানাভরণভূষিত গোপগোপীগণ বহু উপায়ন লইয়া নবজাত শিশুকে দর্শন করিতে আসিল এবং তৈল জল হরিদ্রাচূর্ণ সেচন করিতে করিতে ‘চিরজীবী হও’ বলিয়া তাহাকে আশীর্বাদ ও শ্রীভগবানের গুণগান করিতে লাগিল । গোপগণ আনন্দে প্লবিত হইয়া পরস্পরের গাত্রে দধি ক্ষীর ঘৃতাদি সেচন ও পথ সকল নবনীত দ্বারা লেপন করিয়া পরস্পরকে তাহাতে নিক্ষেপ করিতে লাগিল । রোহিণীদেবীও দিব্য মালাবসনভূষিতা হইয়া নানা কার্য্যবাপদেশে সেই উৎসবক্ষেত্রে আনন্দে বিচরণ করিতে লাগিলেন । নন্দ সমাগত অতিথিগণকে নানা উপহার দ্বারা আপ্যায়িত করিয়া বিদায় দিলেন ।—কিয়ৎকাল পর নন্দ কংসকে বার্ষিক কর দেওয়ার জন্ত মথুরায় আসিলেন, এবং বসুদেবের সঙ্গে সাক্ষাৎ করিয়া তাঁহা দ্বারা মহা সমাদরে অভ্যর্থিত হইলেন । বসুদেব পুত্রলাভ জন্ত নন্দকে অভিনন্দিত করিলেন এবং নিজ পুত্র বলদেবের কুশল জিজ্ঞাসা করিলেন । নন্দও বসুদেবের যুত পুত্রগণ ও কন্যার জন্ত তাঁহাকে প্রবোধ দিয়া বলিলেন,—

অদৃষ্টমাশ্বনস্তুং যো বেদ ন ন মুহতি ॥ ১০।১০

—যিনি অদৃষ্টকে স্মৃৎ ও দুঃখের কারণ বলিয়া জানেন, তিনি কখনও মোহাভিত্ত হন না ।

তৎপর বসুদেব বলিলেন, ভ্রাতঃ, গুণিলাম তোমার ব্রজে নানা উৎপাত আরম্ভ হইয়াছে । রাজাকে তোমার কর দেওয়াও হইয়া

গিয়াছে, সুতরাং এখানে আর বিলম্ব করা সঙ্গত মনে হয় না। নন্দ ইহা শুনিয়া সত্ত্বর বৃষবাহু শকটারোহণে গোকুলে যাত্রা করিলেন। বসুদেবের কথায় একটু বিমনা হইয়া নন্দ ত্রীহরিকে স্মরণ করিতে করিতে পথে চলিতে লাগিলেন।

এদিকে কংসপ্রেরিতা পুতনা নাম্নী এক রাক্ষসী তখন বহু শিশু বধ করিয়া নন্দব্রজে বিচরণ করিতেছিল। একদা সে সুসজ্জিতা নারীর রূপ ধারণ করিয়া নবজাত শিশুকে দেখিবার ছলে নন্দগৃহে প্রবেশ করিল। রোহিণী ও যশোদা তাহার প্রভায় চমকিত হইয়া তাহার দিকে চাহিয়া রহিলেন। শয্যায় শায়িত শিশুরূপী ভগবান্ তাহাকে দেখিয়া নয়ন নিমীলিত করিলেন, এবং পথিক যেমন রজ্জুভ্রমে বিষধর সর্পকে তুলিয়া লয়, পুতনা সেইরূপ ঐ শিশুকে ক্রোড়ে লইয়া স্বীয় বিষলিপ্ত স্তন তাহার মুখে দিল। ভগবান্ ত্রীকৃষ্ণও তখন রোষে দুই হস্তে তাহার ঐ স্তন সবলে নিপীড়িত করিয়া পুতনার প্রাণের সহিত তাহা পান করিতে লাগিলেন! সেই রাক্ষসী ‘ছাড়্ ছাড়্’ চীৎকারে চমুদ্বয় বিকৃত ও হস্তপদ বিক্ষিপ্ত করিতে করিতে নিজ রূপ ধারণ করিয়া গতাসু হইল। গোপীগণ পুতনার বক্ষ হইতে নির্ভয়ে ক্রীড়ারত সেই শিশুকে উদ্ধার করিয়া আনিল এবং বিষ্ণু স্মরণ করিয়া প্রচলিত ক্রিয়াদি দ্বারা শিশুর রক্ষাবিধান করিল। নন্দাদি গোপগণ পুরপ্রবেশ করিয়া এই দৃশ্য দেখিয়া স্তম্ভিত হইল এবং নন্দ পুত্রকে ক্রোড়ে লইয়া সম্মুখে তাহার মস্তক আত্মাণ করিতে লাগিলেন। গোপগণ পুতনার বিশাল দেহকে খণ্ড খণ্ড করিয়া তাহাতে অগ্নি সংযোগ করিল। সেই চিতার ধূম হইতে একটা সুগন্ধি উৎখিত হইয়া ব্রজবাসিগণকে বিস্মিত করিল। রাজন, পুতনা হত্যাকামী রাক্ষসী হইলেও ত্রীভগবান্কে স্তম্ভদান করায় এবং তাহার সর্বলোকবন্দিত পদস্পর্শ লাভ করায় তাহার সমস্ত পাপ নষ্ট হইয়া গিয়াছিল, সে জননীর তুল্য গতি প্রাপ্ত হইল।

রাজা পরীক্ষিৎ বলিলেন, ত্রীহরির কৰ্ম ও চরিত কথা শুনিলে

বিষয়কামনা দূর হইয়া চিত্ত শুদ্ধ হয় এবং তাঁহাতে ভক্তি ও তাঁহার ভক্তগণের সঙ্গে সখ্যভাব জন্মে। অতএব আপনার অনুমতি হইলে তাঁহার মনোহর বাল্যলীলা বিস্তারিত শুনিতে ইচ্ছা করি।—শুকদেব বলিলেন, রাজন্, একদা ঐ শিশুর অঙ্গ-পরিবর্তন উপলক্ষে সমবেত গোপস্ত্রীগণের গীতবাছ ও ব্রাহ্মণগণের স্বস্তিবাচন দ্বারা যশোদা তাঁহার অভিষেক সম্পন্ন করিলেন এবং স্নান করাইয়া তাঁহাকে একখানা শকটের নিম্নে শোয়াইয়া রাখিলেন। স্তন্যার্থী বালক রোদন করিতে করিতে সহসা চরণদ্বয় উর্দ্ধে উৎক্ষিপ্ত করিলেন। ঐ শকটখানা উল্টাইয়া পড়িয়া গেল, উহার জোয়াল সম্পূর্ণ ভগ্ন হইল, এবং নিকটস্থ নানা রসপূর্ণ পাত্র সকল বিধ্বস্ত হইয়া গেল। পুত্রবৎসলা যশোদা ভাবিলেন, ইহা নিশ্চয় কোন ছুষ্ট গ্রহের কার্য্য, এই আশঙ্কায় স্বস্ত্যয়নাদি বিহিত কৰ্ম্ম করাইয়া শিশুকে ক্রোড়ে তুলিয়া স্তন্যদানে শাস্ত করিলেন।—অপর একদিন নন্দপত্নী শিশুকে ক্রোড়ে লইয়া আকস্মিক গুরুভারে অতিশয় পীড়িতা হইলেন এবং পুনরায় চিন্তাকুল হইয়া ঐরূপ শাস্তিক্রিয়াদি করাইলেন। আবার একদিন শিশু বসিয়া আছেন, এমন সময় কংসপ্রেরিত তৃণাবর্ত নামে এক দৈত্য সহসা আসিয়া ভীষণ শব্দে ধূলিগটলে আকাশমার্গ আচ্ছন্ন ও সকলের দৃষ্টি রুদ্ধ করিয়া ঐ শিশুকে সবলে তুলিয়া লইয়া গেল। ধূলিবর্ষণে-দৃষ্টিহীন যশোদা মৃতবৎসা গাভীর গায় ভূপতিতা হইয়া রোদন করিতে লাগিলেন। গোপস্ত্রীরা সেই রোদন শুনিয়া কোনক্রমে তথায় আসিল, কিন্তু শিশুকে দেখিতে পাইল না ও ক্রন্দন করিতে আরম্ভ করিয়া দিল। এদিকে, সেই দানব বিপুল প্রস্তরস্তূপ বহনের গায় বিষম ভারগ্রস্ত এবং ঐ শিশু কর্তৃক গলদেশে গৃহীত হইয়া চলিতে অক্ষম হইল এবং উদগত-চক্ষু হইয়া অব্যক্ত শব্দ করিতে করিতে গতপ্রাণ হইল। তাহার দেহ শিশুসহ শিলাতলে পতিত হইল। বিস্মিতা ব্রজপত্নীগণ দানবের বক্ষশায়িত শিশুকে ত্বরায় উদ্ধার করিয়া আনন্দধ্বনি সহকারে যশোদার ক্রোড়ে আনিয়া

দিল।—রাজন, আর একদিন পুত্রস্নেহে বিগলিতা হইয়া যশোদা হাস্তোজ্জ্বল মুখে শিশুকে স্তন্যপান করাইতেছেন, এমন সময় ঐ শিশু মুখব্যাদান করিয়া হাই তুলিলেন, যশোদা স্থাবরজঙ্গম-জ্যোতিষ্কাদিসমন্বিত সমগ্র বিশ্ব পুত্রের মুখবিবরে বিস্তৃত দেখিয়া ভয়ে কম্পিতা ও যৎপরোনাস্তি বিস্মিতা হইলেন।

একদা বসুদেব যতুকুলের পুরোহিত মহাতপা গর্গকে নন্দব্রজে পাঠাইয়া দিলেন। নন্দ যথাবিধি তাঁহার অর্চনা করিয়া বলিলেন, মহাত্মন, আপনার ত্যায় মহৎ ব্যক্তির গৃহীদিগের মঙ্গলের জন্তই আসেন। আপনি ব্রহ্মবিদ, জ্যোতিষশাস্ত্রের প্রণেতা, এই বালক দুইটীর সংস্কারসকল সম্পন্ন করুন। গর্গ বলিলেন, আমি যাদবগণের আচার্য্য, আমার দ্বারা ইহাদের সংস্কার হইয়াছে জানিলে ছুরাচার কংস ইহাদিগকে বসুদেবপুত্র মনে করিয়া তৎক্ষণাৎ ধ্বংস করিবে। উভয়ে পরামর্শ করিয়া গোপনে অতি নির্জজন স্থানে বালকদ্বয়ের নামকরণসংস্কার নির্বাহ করিলেন। রোহিণীনন্দনের নাম হইল রাম, বল এবং সঙ্কর্ষণ। গর্গ বলিলেন, নন্দ, তোমার পুত্র প্রতি যুগে শরীর ধারণ করেন, ইহার বর্ণ শুক্ল রক্ত ও পীত ছিল, ইদানীং ‘কৃষ্ণ’ হইয়াছে। ইনি পূর্বের বসুদেব হইতে অত্যাঁজাত হইয়াছিলেন, এইজন্ত ইনি ‘বাসুদেব’। ইহার বহু নাম ও রূপ। ইনি গোকুলের সকল উপদ্রব দূর করিয়া তোমাদের মঙ্গল বিধান করিবেন। বিশেষ অবহিত হইয়া ইহার পালন করিও।—ক্রমে শিশুদ্বয় অঙ্গনে হামাগুড়ি ও পরে হাঁটিতে শিখিয়া গোবৎসগণের পুচ্ছ ধরিয়া উহাদিগকে টানিয়া ইতস্ততঃ লইয়া যাইতে লাগিল। তাহারা অত্যন্ত চঞ্চল ও বাল্যক্রীড়ায় মত্ত হইয়া উঠিল। ব্রজললনাগণ প্রায়ই আসিয়া যশোদাকে বলিতে লাগিল, তোমাদের শিশুগণ আমাদের বৎসগুলিকে যখন তখন ছাড়িয়া দেয়, তাহারা গাভীদিগের সমস্ত স্তন্য পান করিয়া ফেলে; চুরির নানা কৌশল উদ্ভাবন করিয়া বা পাত্র ছিঁড় করিয়া দধি চুষি নবনীত যা পায় লইয়া খায় ও বানরদিগকে বিলাইয়া দেয়;

কিছু না পাইলে পাত্রাদি ভাঙ্গিয়া ফেলে বা বালকদিগকে কাঁদাইয়া দিয়া চলিয়া যায় ; গৃহে অন্ধকার থাকিলে কোথা হইতে মণিরত্নাদি আনিয়া সেই আলোকে গৃহাভ্যন্তরে প্রবেশ করে ; ধরিতে পারিলে আমরাদিগকেই ‘চোর’ বলে, অথবা বেণী ও বস্ত্রাঞ্চল ধরিয়া ‘পত্নী’ বলিয়া সম্বোধন করে ; সময় সময় পূজার্থ মার্জ্জিত ভূমিও অশুচি করে। তোমার কাছে ত দেখিতেছি বেশ শাস্ত হইয়া বসিয়া আছে।—যশোদা এই সকল কথা শুনিয়া হাসিতেন, শ্রীকৃষ্ণকে কিছুই বলিতেন না। একদিন রাম প্রভৃতি বালকগণ কৃষ্ণকে লইয়া ছুটিতে ছুটিতে আসিয়া বলিল, দেখ, দেখ, কৃষ্ণ মাটী খাইয়াছে। কৃষ্ণ বলিল, না, মা, আমি মাটী খাই নাই, বিশ্বাস না কর, এই হাঁ করিয়া দেখাইতেছি। যশোদা তখন সেই মুখবিবরে স্থাবর জঙ্গমাди সহ তাবৎ বিশ্ব দেখিয়া অত্যন্ত শঙ্কিত হইয়া উঠিলেন। ভাবিলেন, একি স্বপ্ন, না দেবমায়া ? আমিই বা কি ?

অহং মমাসৌ পতিরেষ মে সূতো ব্রজেশ্বরস্তাখিলবিস্তপা সতী।

গোপ্যচ্ গোপাঃ সহগোধনাচ্ মে যন্মায়য়েৎ কুমতিঃ স মে গতিঃ ॥

—এই আমি, এই আমার পতি, এই আমার পুত্র, ব্রজরাজের সমস্ত বিস্তের রক্ষয়িত্রী আমি, গোপ গোপী গোধন সকলই আমার—এই কুমতি ধাঁহার মায়াবশে হইয়াছে, তিনিই আমার একমাত্র আশ্রয়। ১০।৮।৪২

শ্রীভগবান বৈষ্ণবী মায়া বিস্তার করিয়া যশোদাকে প্রকৃতিস্থা করিলেন, ও তিনি প্রবুদ্ধ স্নেহে পুত্রকে কোলে তুলিয়া লইলেন। পরীক্ষিৎ জিজ্ঞাসা করিলেন, ব্রহ্মন্, কোন্ পুণ্যে গোপ নন্দ-যশোদা এই সৌভাগ্য লাভ করিলেন ? শুকদেব বলিলেন, ইহারা পূর্ব জন্মে দ্রোণ ও ধরা নামে মহাতপস্বী ছিলেন, ব্রহ্মার বরে নন্দ ও যশোদা হইয়া জন্মলাভ করিয়াছিলেন।

একদিন নন্দপত্নী দধিমস্থন করিতেছেন, এমন সময় কৃষ্ণ আসিয়া ঐ দণ্ড ধরিয়া রাখিয়া তাঁহাকে মস্থন করিতে দিলেন না। মাতা শিশুকে ক্রোড়ে লইয়া স্তন্যপান করাইতে লাগিলেন, কিন্তু দেখিলেন চুল্লীর উপর দুগ্ধ উথলিয়া পড়িতেছে। স্তন্যপানে অতৃপ্ত

অবস্থায় সেই শিশুকে ত্রস্তভাবে নামাইয়া রাখিয়া তিনি চুল্লীর নিকট গেলেন। তাহাতে বালকের ক্রোধ হইল, সে একটী শিলাখণ্ড লইয়া দধি মন্তনের পাত্রটী চূর্ণ করিয়া ফেলিল এবং গৃহের ভিতর গিয়া নবনীত আনিয়া নিজে ভক্ষণ করিল ও বানরদিগকে দিল। গৃহিণী ফিরিয়া আসিয়া ইহা দেখিয়া যষ্টি হস্তে বালকের দিকে আসিতে লাগিলেন, বালকও দ্রুত উদুখল হইতে নামিয়া পলায়ন করিতে লাগিল। যশোদা পশ্চাদ্ধাবন করিলেন। রাজন,—

গোপ্যবধাবন যমাপ যোগিনাং ক্ষমং প্রবেষ্টুং তপসেন্নিতং মনঃ ॥ ১০।৯৯

—যোগিদের তপস্তাপ্রেরিত মন ঘাহাতে প্রবেশ করিতে অসমর্থ হয়, গোপী যশোদা তাঁহারই পশ্চাতে ছুটিতে লাগিলেন।

বালক ধরা পড়িল। যশোদা লাঠি তুলিলেন, কিন্তু শিশুকে ভীত দেখিয়া যষ্টি ত্যাগ করিয়া রজ্জু দ্বারা তাহাকে উদুখলের সঙ্গে বাঁধিতে ইচ্ছা করিলেন। তখন,

ন চান্তর্ন বহির্হস্য ন পূর্কং নাপি চাপরম্ ।

পূর্ক্যাপর বহিঃচান্তর্জগতো যো জগচ্চয়ঃ ॥ ১

তং মত্বাত্মজমব্যক্তং মর্ত্যালিঙ্গমধোক্ষজং ।

গোপিকোলুখলে দায়া ববন্ধ প্রাকৃতং যথা ॥ ১০।৯৯, ১০

—যাঁহার অন্তর বাহির পূর্ক পর কিছুই নাই, যিনি স্বয়ংই অন্তর বাহির পূর্ক পর এবং জগতের স্বরূপ, মানবমুহিধারী অব্যক্ত সেই পুত্রকে গোপিকা প্রাকৃতের মতন রজ্জু দ্বারা উদুখলে বন্ধন করিলেন।

কিন্তু বন্ধন করিতে গিয়া রজ্জু ছই আঙ্গুল ছোট হইয়া গেল। অতঃপর রজ্জু যোগ করিলেন, তাহাও ছই আঙ্গুল ছোট হইল, তারপর আরও রজ্জু আনিলেন, তাহাও ঐরূপ ছই আঙ্গুল ছোট হইল। মাতা বিস্মিতা হইলেন, পুরবাসিনীগণও কৌতুক পাইয়া হাসিতে লাগিল। তখন,—

স্বমাতুঃ স্মিন্নগাত্রায়া বিশস্তকবরশ্রজঃ ।

দৃষ্ট্য়া পরিশ্রমং ক্লমঃ কৃপয়াস্যাং স্ববন্ধনে ॥ ১০।৯৮

—মাতাকে শ্রান্তা ঘর্ম্মাক্তা এবং তাঁহার বেণী ও মাল্য বিক্ষিপ্ত দেখিয়া ক্লমঃ কৃপা করিয়া নিজেই বন্ধনস্থ হইলেন।

বিশ্ব ষাঁহার বশ, তিনিও ভক্তের বশ, শ্রীভগবান্ ইহাই দেখাইলেন। ব্রহ্মা শঙ্কর এমন কি স্বয়ং লক্ষ্মীদেবীও মা যশোদার আয় একরূপ কৃপালাভে সমর্থ হন নাই।—

নায়াং সুখাপো ভগবান্ দেহিনাং গোপিকাসুতঃ ।

জ্ঞানিনাঞ্চাত্মভূতানাং বধা ভক্তিমতামিহ ॥ ১০। ১২১

—ভগবান্ গোপিকানন্দন ভক্তিমানদের পক্ষে যেমন সুখলভ্য, আত্ম-স্বরূপ জ্ঞানী বা যোগীদের পক্ষেও সেরূপ নহেন।

মা যশোদা গৃহকার্য্যে ব্যাপ্তা হইলেন। কৃষ্ণ তখন দুইটি অর্জুন বৃক্ষ দেখিতে পাইলেন। নলকুবর ও মণিগ্রীব নামে ইহারা পূর্ব্ব কুবেরপুত্র দুইটি গুহ্যক ছিল।

পরীক্ষিৎ জিজ্ঞাসা করিলেন, ভগবন্, ইহারা কে, এবং কি জন্ত বৃক্ষহ প্রাপ্ত হইল? শুকদেব বলিলেন, রাজন্, ইহারা ঋত্রেয় অম্বুচর হইয়া অত্যন্ত দৃপ্ত হইয়া উঠিয়াছিল। একদিন মদিরাপানে মত্ত ও বহু যুবতীপরিবৃত হইয়া কৈলাসপর্ব্বতবাহী মন্দাকিনীর জলমধ্যে প্রবিষ্ট হইয়া জলক্রীড়ায় মত্ত হইল। দেবর্ষি নারদ তখন সেই পথে যাইতেছিলেন। স্ত্রীগণ তাঁহাকে দেখিয়া ত্রস্তা হইয়া বসন পরিধান করিল, কিন্তু ঐ দুই গুহ্যক বিবস্ত্র হইয়াই রহিল। দেবর্ষি নারদ ভাবিলেন, ইহারা ঐশ্বর্য্যমদে মত্ত হইয়া একরূপ করিতেছে, অতএব দারিদ্র্য্যই ইহার প্রতিকার, ইহারা স্থাবরহ প্রাপ্ত হউক, কিন্তু ইহাদের স্মৃতি অটুট থাকিবে, এবং বাসুদেবের সান্নিধ্য পাইয়া ভক্তি লাভ করিবে। তাহারা তৎক্ষণাৎ দুইটি একত্র অবস্থিত অর্জুনবৃক্ষরূপে গোকুলে উদ্ভূত হইল। এক্ষণে দামবদ্ধ শ্রীকৃষ্ণ ঐ বৃক্ষদ্বয়ের দিকে উদূখল সহ ধাবিত হইয়া উদূখলকে সবেগে আকর্ষণ করিলেন। বৃক্ষ দুইটি স্বক-শাখা-পত্রাদিসহ কাঁপিতে কাঁপিতে প্রচণ্ড শব্দ করিয়া ভূপতিত হইল, এবং ঐ গুহ্যকদ্বয় প্রদাপ্ত মূর্ত্তি ধারণ করিয়া বৃক্ষ হইতে বহির্গত হইলেন। তাঁহারা ভক্তিতে আপ্লুত হইয়া শ্রীকৃষ্ণের স্তব করিলেন এবং বলিলেন—

বাণী শুণাহু কথনে শ্রবণৌ কথায়ঃ হস্তৌ চ কর্ণশ্চ মনস্তব পাদয়োঃ ।

স্বত্যাং শিরস্তব নিবাসজগৎপ্রণামে দৃষ্টিঃ সত্যং দর্শনেহস্ত ভবন্তুনাম্ ॥

—ভগবন্, আমাদের বাক্য যেন আপনার শু-কথনে, শ্রবণ যেন আপনার কথায়, হস্ত যেন আপনার কর্ণে, মন যেন আপনার পদযুগলের স্পর্শে, মস্তক যেন আপনার নিবাস স্বরূপ জগতের প্রণামে এবং দৃষ্টি যেন আপনারই মূর্তিস্বরূপ সাধুগণের দর্শনে নিযুক্ত থাকে । ১০১০১৩৮

উদ্বলবদ্ধ ক্রীকৃষ্ণ হাসিতে হাসিতে বলিলেন, তোমরা দেবর্ষি নারদের কৃপায় ঐশ্বর্য্যভ্রষ্ট হইয়াছিলে, এক্ষণে গৃহে গমন কর, আমার প্রতি তোমাদের ভক্তি স্থির থাকিবে ।

সাধুনাং সমচিত্তানাং স্ততরাং মৎকৃতাত্মনাম্ ।

দর্শনান্নো ভবেদ্বন্ধঃ পুংসোহন্ধোঃ সবিভূষণা ॥ ১০১০১৪১

—যাহারা সাধু, মান্যমান ভুল্য মনে করে, স্ততরাং আভ্যগতচিত্ত, তাহাদের দর্শনে জীবের সকল বন্ধন দূর হয়, যেমন স্বর্ঘ্যদর্শনে অন্ধকারাবৃত চক্ষুর দৃষ্টির বাধা দূর হয় ।

তাহারা ক্রীভগবানকে পুনঃ পুনঃ প্রদক্ষিণ ও প্রণাম করিয়া উত্তর দিকে প্রস্থান করিলেন । নন্দাদি গোপগণ কিছু বৃষিতে না পারিয়া ইহাকে আকস্মিক উৎপাত মনে করিয়া বালকের বন্ধন মোচন করিয়া দিলেন ।

## ১১—১২ অধ্যায়

বৎসাস্তর, বকাস্তর, অঘাস্তর, ব্রজা

এইরূপে সেই গোপরূপী ভগবান্ নানাবিধ বালচেষ্ঠা দ্বারা ব্রজবাসিগণের হর্ষ উৎপাদন করিতে লাগিলেন । রাম ও কৃষ্ণ যমুনাতীরে খেলিতে যাইতেন, দেরি দেখিলেই রোহিণী ও যশোদা কত স্তোকবাক্য বলিয়া হাতে ধরিয়া তাহাদিগকে টানিয়া আনিতেন ।—কিন্তু মহাবন গোকুলে ক্রমে নানা উৎপাত বৃদ্ধি পাইতে লাগিল । প্রাচীন গোপগণ মিলিত হইয়া মহাবন ত্যাগ করিয়া পর্ব্বত ও কানন-যুক্ত গোপগণের সুখসেব্য বৃন্দাবন নামক ভূমিতে গিয়া বাস করিতে সঙ্কল্প করিলেন । পরদিনই



গোপগোপীগণ সন্তান গো বৎস ও গৃহোপকরণ সমূহ নিয়া শকটারোহণে বৃন্দাবন গমন করিলেন। যমুনাতীর ও গোবর্দ্ধন গিরি দেখিয়া তাঁহাদের পরম হর্ষ জন্মিল। রাম ও কৃষ্ণ বয়স্কদের সঙ্গে অদূরে গোবৎসগণকে চারণ করিতে লাগিলেন। একদিন এক দৈত্য বৎসরূপ ধারণ করিয়া বৎসযুগ্মে প্রবেশ করিল। কৃষ্ণ জানিতে পারিয়া ধীরে ধীরে তাহার পশ্চাদ্ভাগে গিয়া তাহার লাদুলসহ উভয় চরণ ধরিয়া উদ্ধে তুলিয়া দূরে এক বৃক্ষের উপর নিক্ষেপ করিয়া তাহাকে নিহত করিলেন।—আর একদিন বৎসগণকে জলপান করাইতে গিয়া গোপবালকগণ প্রকাণ্ড এক বকপক্ষীকে দেখিতে পাইল। কৃষ্ণ নিকটে আসিবামাত্র ঐ বক তাহার দীর্ঘ তীক্ষ্ণ চঞ্চু দ্বারা তাঁহাকে গ্রাস করিতে লাগিল। কিন্তু তাহার তালুমূল দৃষ্ট হইতে লাগিল, সে তৎক্ষণাৎ ঐ বালককে উদগীর্ণ করিয়া দিল। তখনই আবার সেই ভীষণ চঞ্চু বিস্তার করিয়া তাঁহাকে গ্রাস করিতে আসিল। অমনি কৃষ্ণ তাহার ছই চঞ্চু ধরিয়া তাহাকে বিদীর্ণ করিয়া ফেলিলেন। গোপ ও গোপীগণ বিস্মিত হইল, দেবতারা পুষ্পবর্ষণ করিলেন।—এইরূপে নানা ক্রীড়ায় রাম ও কৃষ্ণ কোমার বয়স অতিক্রম করিলেন।

একদিন বনভোজনে ইচ্ছুক হইয়া শ্রীকৃষ্ণ উষাকালে মনোহর বেণুরবে বয়স্কগণকে জাগ্রত করিলেন। তিনি বৎসপাল সহ তাহাদিগকে লইয়া বনমধ্যে নানাস্থানে বিচরণ করিতে লাগিলেন। ষাঁহার চরণধূলি বহুতপা যোগিগণেরও ছলভ, তিনি যাহাদের সঙ্গে সতত ক্রীড়া করিতেন, তাহাদের সৌভাগ্যের কথা আর কি বলিব। পুতনার কনিষ্ঠ ভ্রাতা অঘ নামে এক মহাসুর সেই বনে আসিয়া বিশাল অজগরমূর্ত্তি ধারণ করিয়া শ্রীকৃষ্ণকে বৎস ও গোপবালকগণসহ নিধন করার মানসে স্থায়ী বদনবিবর প্রসারিত করিয়া, বনপথ রুদ্ধ করিয়া, ভূমিতলে শয়ন করিয়া রহিল। গোপবালকগণ কুতূহলী হইয়া হাতে তালি দিতে দিতে ঐ অজগরের অভিমুখে অগ্রসর হইতে লাগিল, এবং শ্রীকৃষ্ণ

উহাদিগকে নিবারণ করিতে না করিতেই উহারা সকলে তাহার মুখগহ্বরে প্রবিষ্ট হইয়া গেল। বয়স্শগণকে উদ্ধার এবং ঐ অঙ্গগরের প্রাণনাশ করার মানসে শ্রীকৃষ্ণ স্বতঃপ্রবৃত্ত হইয়া উহার বদনমধ্যে প্রবেশ করিলেন। যুগপৎ স্বর্গ হইতে দেবগণ হাহাকার ও অশ্রুগণ জয়ধ্বনি করিয়া উঠিল। শ্রীকৃষ্ণ সেই অশ্রুরের কণ্ঠ-মধ্যে স্থায়ী দেহ এমনভাবে বদ্ধিত করিলেন যে সেই অশ্রুরের প্রাণবায়ু বহির্গত হইল, কিন্তু শ্রীকৃষ্ণ সকল দিক উজ্জল করিয়া বয়স্শগণসহ উহার উদর হইতে নির্গত হওয়া মাত্র অশ্রুরের ঐ জ্যোতি স্থায়ী তেজে তাঁহাতে মিশিয়া গেল। হে অঙ্গ, যাহার প্রতিকৃতি একবার মাত্র অন্তরে প্রবিষ্ট হইলে মানুষ ভাগবতী গতি প্রাপ্ত হয়, তিনি নিজেই ইচ্ছা করিয়া যাহার দেহান্তরে প্রবেশ করিলেন, তাহার যে ঐরূপ গতি লাভ হইবে তাহাতে আর বিস্ময় কি? ব্রহ্মা ইহা দেখিয়া বিস্মিত হইয়া বৃন্দাবনে আসিয়া উপস্থিত হইলেন।

### ১৩—১৫ অধ্যায়

#### ব্রহ্মমোহন, ধেনুকাসুর

শ্রীকৃষ্ণ তখন যমুনার স্রম্য পুলিনে বয়স্শগণকে লইয়া বৃত্তাকারে বহু পঙ্ক্তিবদ্ধ হইয়া বনভোজনে প্রবৃত্ত হইলেন, ধেনুগণ জলপান করিতে করিতে ধীরে ধীরে বিচরণ করিতে লাগিল। ব্রহ্মা তখন সেই মায়াবালক শ্রীকৃষ্ণের অশ্রু এক মহিমা দর্শনেচ্ছ হইয়া সেই গোবৎস ও বৎসপালগণকে লইয়া সহসা অন্তর্হিত হইলেন। শ্রীকৃষ্ণ তাহাদিগকে দেখিতে না পাইয়া তাহাদের অন্বেষণার্থ বনমধ্যে প্রবেশ করিলেন এবং কোথাও কাহাকেও না দেখিয়া ইহা ব্রহ্মার মায়া বলিয়া জানিতে পারিলেন। তখন তিনি ব্রহ্মার ও বয়স্শগণের মাতাদিগের আনন্দবিধান জ্ঞাত নিজেকে একদিকে কৃষ্ণ এবং অপরদিকে বৎস ও বৎসপালরূপে দ্বিধা বিভক্ত করিলেন এবং সকলকেই স্ব স্ব গৃহে লইয়া গেলেন। গোপী ও

গাভীগণ সকলেই তাহাদের প্রতি পূর্বাপেক্ষা অনেক অধিক স্নেহপ্রদর্শন করিতে লাগিলেন। বলরামেরও ঐরূপ হইল। তিনি ভাবিলেন, এ কোন্ মায়া? শ্রীকৃষ্ণকে জিজ্ঞাসা করিয়া সকল বিষয় সংক্ষেপে জানিতে পারিলেন। ব্রহ্মা নিজের এক ক্রটিকাল অথবা মানুষের সংবসর কাল পরে আসিয়া দেখিলেন, সকল বৎস ও বৎসপালগণই তাঁহার মায়াশয্যায় শয়ান আছে, অথচ পূর্ববৎ গোগণ বিচরণ করিতেছে ও গোপবালকগণ শ্রীকৃষ্ণের সঙ্গে ভোজনরত আছে। ব্রহ্মা গাভী ও বৎসপালগণের প্রত্যেককেই সর্বলাঞ্জনযুক্ত চতুর্ভুজ বিষ্ণুর মূর্তিরূপে দেখিতে পাইলেন। শ্রীকৃষ্ণ ব্রহ্মার সেই দিব্য দৃষ্টি আচ্ছাদিত করিয়া দিলেন, তখন তিনি এই প্রাকৃত জগৎ ও তাহাতে বৃন্দাবনভূমিকে দেখিতে পাইলেন,—

যত্র নৈসর্গভূকৈরাঃ সহায়ান্ নৃমৃগাদয়ঃ ।

॥ মিত্রাগীবাঞ্জিতাবাসদ্রুতরুটতর্ষকাদিকম্ ॥ ১০।১৩।৬০

—যে স্থান ভগবানের নিবাস বলিয়া ক্রোধ লোভাদি মুক্ত এবং যেখানে মানুষ ও পশু স্বভাবতঃ শত্রুতাভাবাপন্ন হইলেও মিত্রের হ্রায় একত্র বাস করে।

ব্রহ্মা আবার সেই গ্রাসহস্তে বৎস ও বয়স্কগণকে অবেষণে রত শ্রীকৃষ্ণকে দেখিতে পাইলেন। তখন তিনি নিজ বাহন হইতে দ্রুত অবতরণ করিয়া তাঁহার চতুঃশীর্ষস্থ মুকুট চতুষ্টয় দ্বারা শ্রীভগবানের চরণ স্পর্শ করিয়া কিছুকাল তদবস্থায় থাকিলেন, তৎপর শ্রীভগবানের দিকে দৃষ্টিপাত করিয়া কম্পিত কলেবরে গদগদ হইয়া তাঁহার স্তব করিলেন।

এইরূপে সেই ভূমাকে স্তব প্রদক্ষিণ ও পাদদ্বয়ে ভূয়োভূয়ঃ নমস্কার করিয়া ব্রহ্মা স্বধামে প্রস্থান করিলেন। শ্রীকৃষ্ণ বৎস ও সখাগণকে পূর্ববৎ যমুনাতীরে লইয়া গেলেন। মায়ামুক্ত গোপবালকগণ বলিল, এস, এস, তুমি অতি শীঘ্র ফিরিয়া আসিয়াছ, ভূমি গিয়াছ পর আমরা আর এক গ্রাস অন্নও ভোজন করি নাই। ভোজন শেষ হইলে শ্রীকৃষ্ণ সকলসহ বংশীশৃঙ্গাদি বাদন

করিতে করিতে গোপীদিগের নয়নানন্দ বিধান করিয়া গোষ্ঠে প্রত্যাবৃত্ত হইলেন। রাজন,

সমাশ্রিতা বে পদপল্লবপ্লবং মহৎপদং পুণ্যযশোমুরারেঃ।

ভবাস্তুদ্বির্বৎসপদং পরং পদং পদং পদং যদ্বিপদাং ন তেষাম্॥ ১০:১৪৫৮

—বাহারা পুণ্যশ্লোক মুরারির পংম আশ্রয়স্থল পদরূপ ভেলা আশ্রয় করিয়াছেন, ভবদমুদ্র তাঁহাদের পক্ষে গোবৎসপদচিহ্নবৎ, এবং তাঁহারা সেই পরমপদ লাভ করেন, যে পদ কখনও বিপদের তাপ্পদ হয় না।

রাম ও কৃষ্ণের যখন ছয় বৎসর বয়স হইল, তখন তাঁহারা গোচারণে নিযুক্ত হইয়া একদিন গাভী ও সখাগণকে লইয়া বেণু বাজাইতে বাজাইতে কুসুমাকর বনভূমিতে প্রবেশ করিলেন। শ্রীকৃষ্ণ বলরামকে বলিলেন, দেব, দেখুন, ফুলফলসম্বিত তরুফুল আপনাকে অবনতমস্তকে নমস্কার করিতেছে, হরিগীগণ আপনাকে দেখিতেছে, ভ্রমরগণ স্তমধুর ধ্বনি করিয়া আপনাকে অভিনন্দিত করিতেছে।—ক্রমে তাঁহারা সখাগণের সহিত নদীতীরে আসিয়া ক্রীড়া করিতে লাগিলেন। বলরাম ক্রীড়ায় শ্রান্ত হইয়া সখাগণের ক্রোড়ে শয়ন করিলে শ্রীকৃষ্ণ তাঁহার পদসেবা ও ব্যঞ্জন করিতে লাগিলেন। শ্রীকৃষ্ণও শ্রান্ত হইয়া শয়ন করিলে বয়সাগণ তাঁহাকে ঐরূপ করিলেন। তখন শ্রীনাথ, সুবলাদি বালকগণ বলিল, হে রাম, হে কৃষ্ণ, নিকটে একটি সুবৃহৎ তালফলের কানন, এবং তথায় বহু সুপক্ক তালফল ভূমিতে পড়িয়া আছে, কিন্তু ধেনুক নামে এক মহাবলশালী দুর্বল অসুরের ভয়ে আমরা সেই সুগন্ধ ফলগুলি হইতে বঞ্চিত হইয়া রহিয়াছি। ইহা শুনিয়া ঐ দুই প্রভু তৎক্ষণাৎ ঐ কাননে প্রবেশ করিয়া মহাবলে তালবৃক্ষ হইতে ফল সকলকে ভূপাতিত করিতে লাগিলেন। ধেনুকাসুর সহর তথায় আসিয়া বলদেবের বক্ষে প্রচণ্ড এক পদাঘাত করিল। পুনরায় পদাঘাত করিতে উদ্যত হইলে বলদেব এক হস্ত দ্বারা সেই গর্দভরূপী অসুরের পদদ্বয় ধরিয়া উদ্ধে ঘুরাইয়া তাহাকে গতপ্রাণ

করিয়া এক তালবৃক্ষের উপর নিক্ষেপ করিলেন। তাহার বান্ধবগণ আসিয়া আক্রমণোদ্ভূত হইলে তাহারাও ধেমুকের দশা প্রাপ্ত হইল। তাহাদের শবদেহের আঘাতে তালবন চূর্ণ হইল। কৃষ্ণ ও বলরাম গাভী ও সখাগণ সহ ব্রজে প্রবেশ করিলে গোপীগণ দিব্যমাল্য বসন ও আহাৰ্য্য দ্বারা তাঁহাদের প্রীতিবর্দ্ধন করিলেন।—একদিন শ্রীকৃষ্ণ বলদেব ব্যতীত অগ্ৰাণ্য সখাগণসহ যমুনায় গিয়াছিলেন। বয়স্যাগ্ন নিদাঘতাপে তপ্ত হইয়া যমুনার বিষাক্ত জলপানে গতপ্রাণ হইয়া তীরে পড়িয়া গেল। যোগেশ্বর শ্রীকৃষ্ণ তখনই অমৃতবর্ষিণী দৃষ্টিদ্বারা তাহাদিগকে পুনর্জীবিত করিলেন।

## ১৬— ১৭ অধ্যায়

কালিয়, কৃষ্ণ, গরুড়

কৃষ্ণসর্প কালিয় দ্বারা যমুনার জল এইরূপ দূষিত হইয়াছে ইহা জানিয়া শ্রীকৃষ্ণ ঐ সর্পকে যমুনা হইতে নির্বাসিত করিয়া দিয়াছিলেন। পরীক্ষিত জিজ্ঞাসা করিলেন, ঐ সর্প কেন যমুনার জলে বাস করিতেছিল এবং কিরূপেই বা নিগৃহীত হইল? শুকদেব বলিলেন, রাজন্, যমুনায় একটা হ্রদ ছিল, কালিয়ের বিষাগ্নিতে সেই হ্রদের জল নিয়ত ফুটিতে থাকিত। পাখীগণ তাহার উপর দিয়া উড়িয়া গেলে জলমধ্যে পড়িয়া মরিয়া যাইত, এমন কি তীরগামী প্রাণিমাত্রই সেই বিষাক্ত বায়ুস্পর্শে সর্বদা প্রাণ হারাইত। শ্রীকৃষ্ণ এক কদম্ববৃক্ষে আরোহণ করিলেন এবং পরিধেয় বস্ত্র আঁটিয়া বাহ্যাক্ষেপ করত সেই বিষ-জলে লক্ষদান করিয়া পড়িলেন। তাঁহার পতনবেগে জলরাশিসহ সর্পদল সংক্ষুব্ধ হইয়া উঠিল, এবং স্বয়ং কালিয় বাহির হইয়া শ্রীকৃষ্ণের স্নুকুমার অঙ্গের সমস্ত মর্শস্থলে দংশন করিয়া তাঁহাকে চতুর্দিকে বেঁটন করিল। গোপগণ শোকে অবসন্ন হইয়া ভূমিতলে পড়িয়া গেল, বৎস ও বৃক্ষসকলও যেন স্তম্ভিত হইয়া রহিল। নন্দাদি গোপগণ

ক্রতপদে তথায় আসিয়া হৃদমধ্যে প্রবেশ করিতে উদ্ধত হইলে বলদেব স্মিতমুখে নিষেধ করিলেন। শ্রীকৃষ্ণ সেই কালসর্পের চতুর্দিকে অনবরত ভ্রমণ করিতে লাগিলেন, কালিয়ও তাঁহাকে দংশন করিবার চেষ্টায় বিষাগ্নিতে পরিপূর্ণ হইয়া স্বক্ণীদ্বয় লেহন করিতে করিতে তাঁহার চতুর্দিকে ঘুরিয়া অবশেষে শ্রান্ত হইয়া পড়িল। অখিলগুরু শ্রীকৃষ্ণ তখন সেই সর্পের স্কন্ধদেশ অবনমিত করিয়া তাহার মস্তকস্থ ফণা সকলের উপর আরোহণ করিয়া নৃত্য করিতে আরম্ভ করিলেন। দেবগণ সেই নৃত্য দেখিয়া পুষ্প ও নানাবাৎসহ আসিয়া সেখানে উপস্থিত হইলেন। কালিয় যখন যে ফণা তুলিতে লাগিল, শ্রীকৃষ্ণ তখনই পদাঘাতে তাহা দমন করিতে লাগিলেন। তখন সে ভগ্নদেহ হইয়া বহুমুখে প্রবল বেগে রুধির বমন করিতে করিতে চরাচরগুরু পুরাণপুরুষ নারায়ণকে স্মরণ করিতে লাগিল। ভয়ার্তা কালিয়পত্নীগণ শ্রীকৃষ্ণের নিকট আসিয়া ভূপতিতা হইয়া বলিল, ভগবন, এই দণ্ড ত্রায্য, ইহা ইহার ও আমাদের প্রতি আপনার অশেষ অনুগ্রহ। ব্রহ্মাদি দেবগণ, এমন কি, স্বয়ং লক্ষ্মীও আপনার যে পদরেণুর জন্ম ছুফর তপস্যা করেন, এই সর্প কোন্ অধিকারে সেই পদস্পর্শ পাইল ?

ন নাকপৃষ্ঠং ন চ সার্কভোঃ ন পারমেষ্ঠ্যং ন রসাধিপত্যম্ ।

ন যোগসিদ্ধিঃ পুনর্ভবং বা বাহুগ্ধি বৎ পাদরজঃপ্রপন্নাঃ ॥ ১০। ৬ঃ৭

—বাঁহারা আপনার পদধূলির শরণ লইয়াছেন, তাঁহারা স্বর্গ ও পৃথিবীর সার্বাধিপত্য, ব্রহ্মার পদ, সংগ্রহ রসাতলের প্রভুত্ব, যোগসিদ্ধি সমূহ, এমন কি, জন্মান্তরনিবৃত্তিও বাঞ্ছা করেন না।

নাগপত্নীগণ শ্রীকৃষ্ণের বহু স্তব করিয়া বলিলেন, ভগবন, আপনি প্রসন্ন হউন, এই দীনা স্ত্রীগণকে পতির প্রাণ তিফা দিন, এবং আমরা কি করিব, আদেশ করুন। শ্রীভগবান্ তখন ভগ্নশির ও মূর্চ্ছিত সর্পকে পরিত্যাগ করিলেন। কালিয় সংজ্ঞা লাভ করিয়া কৃতাজলিপুটে বলিল, আমরা জন্মতঃ খল, তমোগুণে

অদম্য ক্রোধাপন্ন। স্বভাব দুস্তাজ, ইহা আপনারই মায়া ; এখন যে বিধান হয়, করুন। শ্রীকৃষ্ণ বলিলেন, সর্প, তুমি অচিরে এস্থান ত্যাগ করিয়া রমণক নামক সাগরদ্বীপে ফিরিয়া যাও, গরুড় সেখানে তোমার কোন অনিষ্ট করিবে না। সর্পগণ নানা উপহার দ্বারা শ্রীভগবানের পূজা ও তাঁহাকে পুনঃপুনঃ প্রদক্ষিণ করিয়া রমণকাভিমুখে প্রস্থান করিল, যমুনার জল অমৃততুল্য স্বাদু হইল।

পরীক্ষিৎ জিজ্ঞাসা করিলেন, কালিয় কেন রমণক দ্বীপ ত্যাগ করিয়াছিল ? শুকদেব বলিলেন, রাজন্, কালিয় গরুড়ের নির্দোষ বলি না দিয়া আত্মসাৎ করিয়াছিল, এবং গরুড় কর্তৃক আক্রান্ত হইয়া যমুনায় আশ্রয় লইয়াছিল, কারণ সে জানিত যে সৌভরী মুনির শাপে গরুড় ঐ হ্রদে আসিলে তৎক্ষণাৎ মরিয়া যাইবে।— শ্রীকৃষ্ণ হ্রদ হইতে উঠিলে বলদেব ও অন্যান্য গোপগণ তাঁহাকে আলিঙ্গন করিলেন, গাভী ও বৎসগণ পরম আনন্দ লাভ করিল, যশোদা তাঁহাকে ক্রোড়ে লইয়া পুনঃপুনঃ আনন্দাশ্রু মোচন করিতে লাগিলেন। গোপগণ গাভীসহ সেই রাত্রি যমুনাতীরে বাস করিল। তখন নিকটস্থ বনভূমি হইতে সহসা এক ভয়ঙ্কর দাবান্নি উদ্ভিত হইল। গোপগণ শ্রীকৃষ্ণের শরণাপন্ন হইল, তিনি সেই ভীষণ অগ্নি পান করিয়া তাহাদিগকে ভয়মুক্ত করিয়া দিলেন।

### ১৮—২১ অধ্যায়

বলরাম, প্রলম্বাসুর, শ্রীকৃষ্ণ

রাত্রি প্রভাত হইলে শ্রীকৃষ্ণ গোপ ও গাভীগণসহ ব্রজে প্রবেশ করিলেন। গ্রীষ্মঋতুর আবির্ভাব হইল, কিন্তু তাহাতে বৃন্দাবনের নির্ঝর নদী পুলিন ও বায়ুর শৈত্য ঘৃষ্ণ হইল না। শ্রীকৃষ্ণ ও বলদেব সখা এবং গোবৎসসহ বেণু বাজাইতে বাজাইতে মালা পত্র ময়ূরপুচ্ছাদিতে ভূষিত হইয়া নৃত্য গীত বাজুদ্গাদি নানা বিচিত্র দ্বায় প্রবৃত্ত হইলেন। এমন সময় প্রলম্ব নামে এক অসুর তাহাদিগকে হরণ করায় ইচ্ছায় গোপরূপ ধারণ করিয়া তাহাদের

‘সঙ্গে আসিয়া মিলিত হইল।’ শ্রীকৃষ্ণ তাহা জানিয়াও সেই ছুটকে নিধন করার ইচ্ছায় তাহার সঙ্গে ক্রীড়ায় মত্ত হইলেন। বলদেবের সঙ্গে ক্রীড়ায় পরাজিত হইয়া ক্রীড়ার নিয়ম অনুসারে-সেই গোপবেশী অশুর বলদেবকে পৃষ্ঠে বহন করিয়া লইয়া চলিল। শ্রীকৃষ্ণকে দূরে রাখিবার জন্য সে বৃন্দাবনের সীমান্ত ছাড়িয়া চলিয়া গেল, কিন্তু গুরুভারে পীড়িত হইয়া সে প্রদীপ্তনয়ন ভীষণদর্শন অশুর-মূর্তি ধারণ করিল। বলদেব তাহার অভিসন্ধি বুঝিয়া তাহার মস্তকে এমন এক দৃঢ় মুণ্ডাঘাত করিলেন, যে সে রুধির বমন করিতে করিতে গতপ্রাণ হইয়া ভীষণ শব্দে বজ্রাহত গিরির গায় ভূতলে পতিত হইল। গোপগণ বলদেবকে মৃত্যুমুখ হইতে ফিরিয়া পাইয়া প্রেমবিহ্বল চিত্তে আলিঙ্গন করিলেন, দেবতারা ‘সাধু’ ‘সাধু’ বলিয়া মাল্যবর্ষণ করিয়া তাঁহাব প্রশংসা করিলেন।

একদা গাভী ও বৎসগণ বিচরণ করিতে করিতে তৃণলোভে পর্বতের গহ্বরमध्ये প্রবেশ করিল। সেখানে সহসা দাবানলে সম্মুখ হইয়া তাহারা কাশননে আশ্রয় লইল। গোপবালকগণ তাহাদিগকে দেখিতে না পাইয়া নিতান্ত ব্যস্ত হইয়া চতুর্দিকে অন্বেষণ করিতে লাগিল। শ্রীকৃষ্ণ নাম ধরিয়া ডাকিবামাত্র তাহারা আসিয়া উপস্থিত হইল। এদিকে দাবানল বায়ুতাড়িত হইয়া স্থাবর জঙ্গম গ্রাস করিতে উজ্জত হইলে গোপগণ কৃষ্ণ ও বলবামকে বলিল, হে মহাবীৰ্য্য রাম ও কৃষ্ণ, এই লেলিহান বহ্নিশিখা হইতে আমাদের রক্ষা কব। শ্রীহরি বলিলেন, ভয় নাই, তোমরা দ্রুতকালের জন্য নয়ন নিমোন্নিত কর। গোপগণ তদ্রূপ করিলে, যোগাধীশ শ্রীকৃষ্ণ সেই প্রচণ্ড বহ্নি মুখ দ্বারা পান করিলেন। গোপবালকগণ বিপন্মুক্ত হইয়া পবনহর্ষে বংশীবাদন করিতে করিতে কৃষ্ণ ও বলরামসহ গোষ্ঠে প্রত্যাগমন করিল।

রাজন, প্রার্ট্ কাল উপস্থিত হইল। সূর্য্যদেব আট মাস কাল পৃথিবীর যে জলরূপ ধন আকর্ষণ করিয়া লইয়াছিলেন, বিহ্বাৎমুক্ত মেঘসকল বায়ুতাড়িত হইয়া বিশ্বের হিতার্থে সেই জলধন প্রত্যাগণ



করিতে আরম্ভ করিল। একদিন শ্রীহরি বলদেবসহ গোপ ও গোগণপরিবৃত হইয়া পক্ষ খর্জুরজম্বুসমন্বিত এক বনে ক্রীড়া করিবার জন্ত প্রবেশ করিলেন। বৃষ্টি পড়িলে কখনও বৃক্ষতলে কখনও বা গুহামধ্যে আশ্রয় লইতেন এবং ফলমূলাদি আহার করিতেন, কখনও গৃহপ্ৰেরিত 'দই ভাত' বয়স্রগণকে লইয়া শিলাতলে বসিয়া খাইতেন। ক্রমে শরৎ ঋতু আগত হইল। জল সকল নিভ্র স্বভাব প্রাপ্ত হইল। পৃথিবী কদমমুক্ত হইল, নির্মল আকাশে চন্দ্র ও তারকাগণ শোভা পাইতে লাগিল, শ্রীহরির অংশ স্বরূপ মহীতল শস্ত্রে সমৃদ্ধ হইয়া উঠিল। বনিক মুনি নৃপ ও স্নাতক ব্রাহ্মণগণ বর্ষার জন্ত যে এক এক স্থানে আশ্রয় লইয়াছিলেন, তাঁহারা স্ব স্ব প্রয়োজনসিদ্ধির জন্ত বহির্গত হইয়া গেলেন। একদিন—

বহুপীড়ং নটবরবপুঃ কর্ণয়োঃ কর্ণিকাঃ

বিভ্রদ্বাসঃ কনককপিশং বৈজয়ন্তীঞ্চ মালাম্ ।

রক্তান্ বেণোরধরসুধয়া পূবন্ গোপবৃন্দৈ-

বৃন্দারণ্যং স্বপদরমণং প্রাবিশদ গীতকীর্তিঃ ॥ ১০ ২১৫

—ময়ূরপুচ্ছের শিরোভূষণ, কর্ণদ্বয়ে কর্ণিকার পুষ্প, পীত বসন ও বৈজয়ন্তীমালা ধারণ করিয়া সেই নটবর অধরসুধায় বেণুবন্ধ পূরণ করিয়া গোপগণ কর্তৃক স্তুত হইল। নিভ্র পদযুগল দ্বারা অলঙ্কৃত বৃন্দাবনভূমি প্রবেশ করিলেন।

সর্বভূতের মনোহরণকারী ঐ বেণুরব শ্রবণ করিয়া গোপাঙ্গনাগণ তাহা বর্ণনা করিতে করিতে প্রতিপদে যেন তাঁহাকে পরম স্নেহে আলিঙ্গন করিতে লাগিলেন। তাঁহারা পরস্পর বলিলেন, নয়ন সফল যে তাহা এই পরমানন্দ মূর্তি দেখিতে পাইল। এই বেণুর কি পুণ্যবল যে, ইহা নিরন্তর ইহার অধরসুধা পান করিতেছে। যে বৃক্ষ হইতে ইহার উৎপত্তি, যে হ্রদের জল দ্বারা সেই বৃক্ষ পুষ্ট হইয়াছে, তাহারাও মধুধারাচ্ছলে নিরন্তর যেন আনন্দাশ্রু বর্ষণ করিতেছে। দেখ, দেখ, ময়ূরগণ ইহাকে যেন মেঘ মনে করিয়া আনন্দে নৃত্য করিতেছে, হরিণীগণ স্ব স্ব পতিসহ ইহার প্রতি প্রণয়মুগ্ধ দৃষ্টি নিক্ষেপ করিতেছে। সমগ্র বৃন্দারণ্য আজ যেন এক অতুল সম্পদ লাভ করিয়াছে। এই

অত্রি গোবর্দ্ধন হরিদাসগণ মধ্যে শ্রেষ্ঠ, কারণ ইহা রাম ও কৃষ্ণের চরণ স্পর্শে প্রফুল্ল হইয়া সুন্দর জল তৃণ ও গছরাতি দ্বারা গো ও গোপগণ-সহ তাঁহার পূজা করিতেছে। বৃন্দাবনচারী ভগবানের এই সকল ক্রীড়া বর্ণন করিতে করিতে গোপীগণ তন্ময়তা প্রাপ্ত হইয়াছিল।

## ২২ অব্যায়

গোপীগণ, বজ্রহরণ, কৃষ্ণ, বৃক্ষ-মাহাত্ম্য

হেমন্তের প্রথমে ব্রজকুমারীগণ হবিষ্যামভোজী হইয়া কাত্যায়নীব্রত আরম্ভ করিলেন। বালুময়ী মূর্তি নির্মাণ করিয়া তাঁহারা নানা উপহার দিয়া শ্রীকৃষ্ণকে পতিরূপে লাভের জন্ত সেই দেবীর নিকট প্রার্থনা করিলেন। পরস্পরের হাত ধরিয়া কৃষ্ণগুণ গাইতে গাইতে অগাধ দিনের ঞ্চায় মাসান্তে তাঁহারা বসন সকল তীরে রাখিয়া যমুনায় স্নান করিতে নামিলেন। যোগেশ্বরেশ্বর শ্রীকৃষ্ণ ব্রতফল দান করার জন্ত বয়স্যগণসহ তথায় আসিয়া ঐ স্নানরতাগণের তান্ত্র বসন সকল লইয়া ত্বরায় তীরস্থ এক কদম্ববৃক্ষে আরোহণ করিলেন, এবং হাসিতে হাসিতে বলিলেন, অবলাগণ, এস, এস, নিজ নিজ বস্ত্র লইয়া যাও। তাহারা বিভ্রান্তা হইয়া আকর্ষিত জলমগ্নাবস্থায়ই বলিল, ওহে নন্দমুত, আমরা এই ব্রজমণ্ডল মধ্যে তোমাকে খুব প্লাঘা বলিয়াই জানি ; শীতে কাঁপিতেছি, শীঘ্র বসনগুলি দেও। আমরা তোমার দাসী, যাহা বলিবে তাহাই করিব, বস্ত্র না দিলে রাজাকে বলিয়া দিব। শ্রীকৃষ্ণ বলিলেন, হে শুচিস্মিতাগণ, তোমরা যদি আমার হও, তবে উঠিয়া এস, বস্ত্র লও—রাজা ক্রুদ্ধ হইলেই বা আমার কি করিবেন ? তখন অনন্যোপায় হইয়া সেই গোপকন্যাগণ গুপ্তাঙ্গ হস্তাচ্ছাদিত করিয়া তীরে উঠিলেন। বস্ত্রগুলি বৃক্ষবৃক্ষে রাখিয়া শ্রীকৃষ্ণ সহাস্তে বলিলেন, বিবস্ত্রা হইয়া জলদেবতার অবজ্ঞা করিয়াছ, অঞ্জলিবদ্ধ হইয়া নমস্কার করিয়া বসন গ্রহণ কর। ব্রতভঙ্গ আশঙ্কায় গোপীগণ তাহাই করিলেন, শ্রীকৃষ্ণ সকল বসন

ফিরাইয়া দিলেন। কৃষ্ণসঙ্গলাভে গোপীগণ নিৰ্বৃতি প্রাপ্ত হইয়াছিল, সুতরাং শ্রীকৃষ্ণ লজ্জিত হইলেও ইহাতে গোপীগণ দোষ গ্রহণ করিলেন না। বসন লাভ করিয়াও কৃষ্ণগৃহীতচিত্তা সেই কুমারীগণ সেখান হইতে চলিয়া যাইতে পারিলেন না। শ্রীকৃষ্ণও তাঁহাদের মনোগত ভাব বুঝিয়া বলিলেন, সাধ্বীগণ, তোমাদের সঙ্কল্প সফল হইবার যোগ্য,—

ন ময্যাবেশিতধিরাং কামঃ কামায় কল্পতে ।

ভজিতা কথিতা ধান্য প্রায়ো বীজায় নেষ্যতে ॥ ১০।২২।২৬

—আমাতে বাহাদের চিত্ত আবিষ্ট হয়, কামভোগের জন্ম কখনও তাহাদের কামনা হয় না, যেমন বীজ ভাঙ্গা বা সিদ্ধ হইলে তাহা হইতে আর ভস্করোৎপত্তি হয় না।

তোমরা ব্রজে গমন কর, আমি তোমাদের ব্রত সিদ্ধ করিব, —আগামী রজনীসমূহে তোমরা আমার সহিত ক্রীড়া করিবে। কুমারীগণ লল্লকামা হইয়া শ্রীকৃষ্ণের পাদপদ্ম ধ্যান করিতে করিতে ব্রজে প্রস্থান করিলেন।

বলদেব সহ শ্রীকৃষ্ণ গোচারণ করিতে করিতে সুশীতল ছায়াযুক্ত বৃক্ষসকল দেখিয়া বয়স্যগণকে বলিলেন,—

পশুতৈত্তান্ মহাভাগান্ পরার্থেকান্তজীবিতান্ ।

বাতবর্ষাতপহিমান্ সহস্তো বারয়ন্তি নঃ ॥

অহো এষাং বরং জগ্না সর্বপ্রাপ্তাজীবনম্ ।

সুজনশ্চে ব যেধাং বৈ বিনুখা যান্তি নার্থিনঃ ॥

পত্রপুষ্পকলচ্ছায়ামূলবল্লদাকর্ষিতঃ ।

গন্ধনির্ঘাসভাস্মাস্থিতোন্নৈঃ কামান্ বিতম্বতে ।

এতাবজ্জন্মসফল্যং দেহিনামিহ দেহিষু ।

ওগৈরগৈর্ধিরা বাচা শ্রেয় এবাচরেৎ সদা ॥ ১০ ২২।৩২-৩৫

—এই সকল মহৎ বৃক্ষকে দেখ,—পরের উৎকারসাধনের জন্মই ইহারা জীবনধারণ করে। ইহারা নিজেরা কত বর্ষা গ্রীষ্ম ও শীত সহ্য করিয়া আমাদের রক্ষা করিতেছে। ইহারা সকল জীবের জীবনধারণের হেতু, ইহাদের ভিন্ন শ্রেষ্ঠ, কারণ সৃজনের তায় যাচকগণ ইহাদের নিকট কখন বিমুখ হয় না।

ইহারা পত্র পুষ্প ফল ছায়া মূল বহুল কাষ্ঠ গন্ধ নিখাস ভস্ম অস্থি পল্লবাদি  
দ্বারা সকলের কামনা পূর্ণ করে। প্রাণ ধন বুদ্ধি ও বাক্য দ্বারা সৰ্ব্বদা  
দেহীদিগের কল্যাণ সাধন করাই মানুষের জন্মের সার্থকতা।

তঁাহারা সেই বৃক্ষচ্ছায়ার মধ্য দিয়া যমুনায় উপনীত হইয়া গোপগণ  
সহ নিজেরা প্রচুরপরিমাণ জল পান করিয়া তৃষ্ণা দূর করিলেন।  
গোপবালকগণ ক্ষুধায় পীড়িত হইয়া তখন বলিল—

## ২৩ অধ্যায়

গোপগণ, কৃষ্ণ, বলরাম, যজ্ঞকব্রাহ্মণ, যজ্ঞপত্নীগণ

হে রাম, হে কৃষ্ণ, বড়ই দুখা পাইয়াছে, শীঘ্র ইহার শাস্তি  
বিধান কর। শ্রীকৃষ্ণ বলিলেন, বয়স্রাগণ, বেদবাদী স্বর্গকামী  
ব্রাহ্মণগণ নিকটেই আঙ্গিরস নামে এক যজ্ঞ করিতেছে, তোমরা  
সহর সেখানে গিয়া আমাদের নামে খাচ প্রার্থনা কর। বালকেরা  
সেইরূপ করিল, কিন্তু সেই দেহাভিমानी ছুর্ভগা ব্রাহ্মণেরা পরব্রহ্ম  
শ্রীকৃষ্ণকে সাধারণ মানুষ মনে করিয়া ঐ প্রার্থনা প্রত্যাখ্যান করিল।  
বালকগণের মুখে ইহা শুনিয়া কৃষ্ণ বলিলেন, তোমরা পুনরায় গিয়া  
ব্রাহ্মণপত্নীদিগকে বল, তঁাহারা আগার প্রতি স্নেহশালিনী, নিশ্চয়  
তোমাদিগকে প্রচুর অন্ন দিবেন। তাহারা গিয়া পত্নীশালায় আসীনা  
সালঙ্কারা দ্বিজপত্নীগণকে ঐরূপ বলিল। স্ত্রীগণ ইহা শুনিবামাত্র  
পতিপুত্রগণের নিষেধসত্ত্বেও বহুপাত্রে নানাবিধ অন্ন লইয়া সাগরগামী  
শ্রোতস্বিন র ত্রায় ছুটিয়া আসিয়া অশোকের নবপল্লবমণ্ডিত যমুনায়  
তীর-উপবনে পীতবসন বনমালীর নিকট উপস্থিত হইল। ভগবান্  
হরি তাহাদিগকে বলিলেন, মহাভাগাগণ, এস, তোমাদের শুভাগমন  
হউক, আমরা কি করিব, বল।—

নবদ্বা ময়ি কুর্কস্তি কুশলাঃ স্বার্থদর্শনাঃ।

অহৈতুক্যাবাবহিতাং ভক্তিমান্মুখিয়ে যথা ॥

প্রাণবুদ্ধিমনঃস্বায়দারাপত্যপনাদয়ঃ।

যৎ সম্পর্কাত্ প্রিয়া আসংসৃতঃ কোহয়পরঃ প্রিয়ঃ ॥ ১০।৩২৬, ১৭

—যাহারা সুবুদ্ধি, নিজের ভাল বোঝে, তাহারা সকল আত্মার প্রিয়  
আমাকে কলাতিসন্ধিরহিত অবিচ্ছিন্ন ভক্তি করে। প্রাণ বুদ্ধি মন দেহ স্ত্রী পুত্র  
ধনাদি যাহার জন্ম প্রিয় হয়, তাহা অপেক্ষা প্রিয়তর আর কে হইতে পারে ?  
এক্ক্ষণে তোমরা যজ্ঞস্থানে ফিরিয়া যাও, তোমাদের পতিগণ যজ্ঞ  
সুসম্পন্ন করুন। যজ্ঞপত্নীগণ বলিলেন, বিভো, একরূপ নির্ভুর কথা  
বলিবেন না, আমাদের পতিগণ আর আমাদের পতিগণকে গ্রহণ করিবেন  
না। আপনি ছাড়া আমাদের অন্য গতি নাই, আমরা আপনার  
চরণে প্রপন্ন হইলাম, আমাদের গতিবিধান করুন। শ্রীকৃষ্ণ বলিলেন,  
ভয় নাই, তোমাদের পতিগণ সকলেই তোমাদিগকে প্রসন্নচিত্তে  
গ্রহণ করিবেন, তোমরা ফিরিয়া যাও। রমণীগণ এইরূপে আশ্বস্ত  
হইয়া ফিরিয়া গেলেন, রাম ও কৃষ্ণ তাঁহাদের আনীত অন্নদ্বারা  
পরিতোষের সহিত সকলকে ভোজন করাইলেন। ব্রাহ্মণগণ  
অনুতপ্ত হইয়া স্ব স্ব পত্নীকে সানন্দে গ্রহণ করিলেন। ইতিমধ্যে  
স্বামী কর্তৃক নিবারিতা একটা ব্রাহ্মণপত্নী শ্রীকৃষ্ণের নিকট যাইতে  
না পারিয়া তাঁহার রূপ যেমন শুনিয়াছিলেন তাহাই ধ্যানযোগে  
আলিঙ্গন করিয়া তদগত হইয়া কলেবর ত্যাগ করিলেন।  
ব্রাহ্মণরা ভাবিলেন, আমরা ত সর্বপ্রকার সুসংস্কারসম্পন্ন, আর  
এই নারীগণ ত বেদপাঠ গুরুকূলে বাস শৌচাচার ইত্যাদি কিছুই  
করে নাই, তথাপি যোগেশ্বরের শ্রীকৃষ্ণে ইহাদের কি দৃঢ় ভক্তি !  
হায়, আমরা গৃহেষ্ঠায় প্রমত্ত হইয়া কেবল বৈষয়িক স্বার্থেরই  
অন্বেষণ করিয়াছি। তাহাই স্মরণ করাইবার নিমিত্ত শ্রীভগবান্  
অন্নযাজ্ঞাঙ্কালে গোপবালকগণকে আমাদের নিকট পাঠাইয়াছিলেন।  
স্ত্রীগণের ভক্তির দ্বারা যোগেশ্বরের বিষ্ণুর প্রতি আজ আমাদের  
নিশ্চলা ভক্তি জন্মিল—আমরা ধন্য যে এমন স্ত্রী লাভ করিয়াছি।  
তাঁহাকে নমস্কার, তিনি আমাদের অপরাধ ক্ষমা করুন। রাজন্,  
কংসভয়ে ভীত হইয়া তাহারা তীব্র আকাঙ্ক্ষা সত্ত্বেও কিছুতেই  
শ্রীকৃষ্ণের নিকট যাইতে পারিল না।

## ২৪—২৮ অধ্যায়

গোপবৃদ্ধগণ, কৃষক, ইন্দ্র, গোবর্দ্ধন, সুরভি, বক্রণ

একদা গোপগণ ইন্দ্রবাগে উভোগী হইলেন। শ্রীকৃষ্ণ তাহা দেখিয়া পিতা ও অত্যাচার বৃদ্ধ গোপগণকে জিজ্ঞাসা করিলেন, পিতঃ, এ কার্য্য কোন্ দেবতার উদ্দেশে, ইহার কি ফল, ইহা শাস্ত্রবিহিত, অথবা লৌকিক মাত্র? এ বিষয়ে কি বিচার করিয়াছেন? না বুঝিয়া কৰ্ম্ম করিলে তাহা সুসিদ্ধ হয় না। উদাসীন ব্যক্তিই শত্রু, সুহৃদগণ আত্মবৎ, মন্ত্ৰণাবিশয়ে তাহাদিগকে পরিত্যাগ করা উচিত নহে, সুতরাং আমার এই কুতূহল নবৃত্ত করুন।—নন্দ বলিলেন, বৎস, মেঘগণ মানবের সকল উত্তমের ফলদাতা ও জীবনদাতা। তাহারা ইন্দ্রের প্রিয় মূর্ত্তি, এজন্ত ইন্দ্রের পূজা লোকপরম্পরায় অনুষ্ঠিত হইয়া আসিতেছে। কাম লোভ ভয় বা দ্বেষ বশতঃ এই ধৰ্ম্ম পরিত্যাগ করা শোভন নহে। শ্রীভগবান বলিলেন,—

কৰ্ম্মণা জায়তে জন্তুঃ কৰ্ম্মণৈব বিগীয়তে ।

সুখং দুঃখং ভয়ং ক্ষেমং কৰ্ম্মণৈবাভিপদ্যতে ॥

দেহানুচ্চাবচান্ জন্তুঃ প্রাপ্যোৎসৃজতি কৰ্ম্মণা ।

শত্রুমিত্রমুদাসীনঃ কৰ্ম্মৈব গুরুরীশ্বরঃ ॥ ১০।২৪।১৩, ১৭

—জীবমাত্র কৰ্ম্মদ্বারা উৎপন্ন হয় এবং কৰ্ম্মদ্বারা ই বিলয় প্রাপ্ত হয়। সুখ দুঃখ ভয় মঙ্গল কৰ্ম্ম দ্বারাই লাভ হয়। জীব কৰ্ম্মদ্বারাই উচ্চ নীচ দেহ প্রাপ্ত হয় ও ত্যাগ করে, কৰ্ম্মদ্বারাই শত্রু মিত্র বা উদাসীন হয়। কৰ্ম্মই গুরু, কৰ্ম্মই ঈশ্বর।

প্রাণিমাত্রই স্বভাবের অনুবর্তন করে, যাহা দ্বারা সে সুখে জীবিকার্জন করে, তাহাই তাহার দেবতা। আমরা গোবৃদ্ধি, ভূমি-কৰ্ষণ আমাদের বৃত্তি নহে, সুতরাং গো-ই আমাদের পূজ্য। মেঘ বা ইন্দ্র আমাদের কি করিবেন? মেঘসকল ত রজোগুণের দ্বারা প্রেরিত হইয়া বারিবর্ষণ করিবেই। সুতরাং আমি বলি, ইন্দ্র-যাগার্থ সংগৃহীত দ্রব্য সকল এবং মুগ পিষ্টক ও গো-দুগ্ধ দ্বারা ব্রাহ্মণগণ হোম করুন, আপনারা তাহাদিগকে খেলে দক্ষিণা ও

অন্নাদি দিন, কিন্তু চণ্ডাল অত্যাচার পতিত ও কুকুরাদি পশুকেও যথাযোগ্য অন্ন দান করুন, সকল পূজোপহার দ্বারা পর্বতকেই পূজা করুন, সুন্দররূপে অমুলিগু ও অলঙ্কৃত হইয়া গো ব্রাহ্মণ ও পর্বতকেই প্রদক্ষিণ করুন।—নন্দ ও অত্যাচার গোপগণ শ্রীকৃষ্ণের এই বাক্য সম্পূর্ণরূপে গ্রহণ করিলেন এবং ইন্দ্রযজ্ঞের জন্ত আহৃত সমুদয় দ্রব্যের দ্বারা স্বস্ত্যয়ন করিয়া গোপগণকে তৃণ এবং গিরি ও দ্বিজগণকে উপহার প্রদান করিয়া গোপনসহ পর্বতকে প্রদক্ষিণ করিলেন। সালঙ্কারা গোপরমণীগণও কৃষ্ণ-গাথা গান করিতে করিতে পর্বতকে প্রদক্ষিণ করিলেন। কৃষ্ণ বৃহৎ বপু ধারণ করিয়া ‘আমি শৈল’ বলিয়া প্রচুর ভোজ্য গ্রহণ করিলেন এবং আপনাকেই নমস্কার করিয়া বলিলেন, দেখ, এই পর্বত মূর্ত্তি ধারণ করিয়া আমাদেরই আশীর্বাদ করিতেছেন।—তৎপর সকলে ব্রজে প্রত্যাগমন করিলেন।

ইন্দ্র নিজ যজ্ঞ ব্যাহত হইল দেখিয়া বিষম ক্রোধে বলিলেন, অহো, সামান্য বনবাসী গোপদিগের কি ধনমদ জন্মিল, মরণধর্ম্মা কৃষ্ণকে আশ্রয় করিয়া তাহারা দেবতার অবজ্ঞা করিতে সাহস করিল? তিনি মেঘসকলকে আদেশ দিলেন, ইহাদের গর্ব চূর্ণ কর, পশু সকল নষ্ট কর, আমিও বেগবান্ মরুদগণসহ ঐরাবতে আরোহণ করিয়া এখনই যাইতেছি, অতঃ সমস্ত ব্রজ ধ্বংস করিব। প্রবল বাতাসহ অজস্র শিলা ও বারিপাতে ব্রজভূমি প্লাবিত হইল। গোপ গোপী ও পশুগণ শীতর্ষ হইয়া কাঁপিতে কাঁপিতে শ্রীকৃষ্ণের পাদমূলে উপনীত হইয়া বলিল, হে মহাভাগ, তে গোকুলের প্রভু, কুপিত দেবতা হইতে সত্ত্বর আমাদেরই রক্ষা করুন। তখন,—

ইতুতৈত্বেকেন হস্তেন কৃষ্ণা গোবর্দ্ধনাচলম্ ।

দধার লীলয়া কৃষ্ণছত্রাকমিব বালকঃ ॥ ১০।২।১২

—‘আমিই রক্ষা করিব’ বলিয়া, বালক খেমন ছত্রাক (‘ব্যাণ্ডের ছাতা’) ধারণ করে, কৃষ্ণ তেমন এক হস্তে অবলীলাক্রমে গোবর্দ্ধন গিরিকে ধারণ করিয়া রহিলেন।

গোপগণকে বলিলেন, তোমরা সকলে গো ও ধনাদিসহ এই গিরিগর্ভে প্রবেশ কর। তাঁহারা তাহাই করিলেন। মহা বিস্ময়ে তাঁহারা দেখিলেন, শ্রীকৃষ্ণ ক্ষুধাতৃষ্ণায় কিছুমাত্র পীড়িত না হইয়া ‘দধারাদ্রিঃ সপ্তাহং নাচলৎ পদাৎ’—এক সপ্তাহ কাল ঐ অদ্রিকে ঐরূপে ধারণ করিয়া রহিলেন, পদমাত্রও স্বস্থান হইতে বিচলিত হইলেন না। ইন্দ্র নিতান্ত বিস্মিত ও নির্জিত হইয়া বারিবর্ষণ ক্রান্ত করিলেন। গোপ গোপীগণ শ্রীকৃষ্ণের আদেশমত গিরিতল হইতে নির্গত হইল, গিরি গোবর্ধন আবার অবলীলাক্রমে পূর্ব স্থানে স্থাপিত হইল। গোপগণ আলিঙ্গন ও গোপীগণ দধি লাজাদি দ্বারা শ্রীকৃষ্ণের পূজা করিয়া তাঁহার কীর্ত্তি গান করিতে করিতে গো ও অন্যান্য ধনাদিসহ স্ব স্ব স্থানে চলিয়া গেল। নন্দ যশোদা রোহিণী বলরাম আলিঙ্গনাশিষ দ্বারা, ও দেবগণ স্বর্গ হইতে নৃত্য গীত পুষ্পবর্ষণ ও ছন্দুভিষনি দ্বারা শ্রীকৃষ্ণকে অভিনন্দিত করিলেন।

রাজন, গোপগণ পুনঃ পুনঃ শ্রীকৃষ্ণের এই সব অদ্ভুত কার্য্য দেখিয়া অতিশয় বিস্মিত ও কিঞ্চিৎ সন্দিগ্ধ হইয়া নন্দের নিকট গিয়া বলিল, হে নন্দ, তোমার এই বালক কিরূপে মহাবল পুতনার স্তন্যপান করিয়া তাহাকে বধ করিল? কিরূপেই বা শকটভঞ্জন, তৃণাবহের কঠ গ্রহণ দ্বারা তাহাকে বধ, উদুখল দ্বারা হমলার্জুন ভগ্ন, বকাসুরকে বিদারণ, বৎসাসুরের নিধন, বলরাম দ্বারা প্রলম্বাসুরকে বধ করাইয়া তালবন উদ্ধার, দাবানল পান, কালিয়দমন দ্বারা যমুনার জল বিষমুক্ত করিল, আর এখনই বা ঐ সপ্তম বর্ষীয় শিশু কিরূপে এক হস্তে এই মহাগিরি ধারণ করিয়া রহিল? কেনই বা সমস্ত ব্রজ ইহার প্রতি এত অমুরক্ত? নন্দ বলিলেন, গোপগণ তোমরা গর্গ মুনির বাক্য সকল শ্রবণ কর—ইনি নারায়ণের অংশ, ইহা হইতে তোমাদের শক্তি হইবার কিছুমাত্র কারণ নাই। গোপগণ আশ্বস্ত ও হ্রষ্ট হইয়া নন্দ ও শ্রীকৃষ্ণের পূজা করিয়া স্ব স্ব গৃহে চলিয়া গেলেন।—মহেন্দ্রের মদনাশকারী গোপগণের ইন্দ্র শ্রীকৃষ্ণ আমাদের প্রতি প্রীত হউন।



অতঃপর একদিন ইন্দ্র ও সুরভি গোলোক হইতে ব্রজধামে আগমন করিলেন। নিরন্তরমদগর্ব ইন্দ্র লজ্জিত হইয়া নির্জনে কৃষ্ণের নিকট গমন করিয়া স্বীয় কিরীট দ্বারা তাঁহার পাদস্পর্শ করিয়া বলিলেন, ভগবন্, মায়ালোভাদিরহিত শান্ত ও বিশুদ্ধ সত্ত্ব আপনার স্বরূপ। তথাপি ধর্মরক্ষণ ও খলনিগ্রহের জন্ত আপনি দণ্ড ধারণ করেন। আপনার প্রভাব না বুঝিয়া গর্বদৃষ্ট হইয়া মূঢ় আমি তীব্র ক্রোধ ও অভিমানে বৃষ্টি ও বাত্যা প্রেরণ দ্বারা গোষ্ঠনাশের চেষ্টা করিয়া যে অপরাধ করিয়াছি, তাহা ক্ষমা করুন, আর যেন আমার এরূপ অসংমতি কখনও না হয়। সর্বভূতাত্মা অন্তর্যামী জ্ঞানমূর্ত্তি আপনার শরণাপন্ন হইলাম, পুনঃ পুনঃ আপনাকে নমস্কার করি। শ্রীকৃষ্ণ বলিলেন, মহেন্দ্র, তুমি ঐশ্বর্য্য-গর্ব ত্যাগ করিয়া যাহাতে আমাকে স্মরণ করিতে পার, তজ্জন্ত তোমার যত্ন ভঙ্গ করিয়াছি—

মাইমশ্বর্য্যশ্রীমদাক্ষো দণ্ডপাণিং ন পশুতি ।

তং ভ্রংশয়ামি সম্পদ্যো যন্ত চেষ্টামানুগ্রহম্ ॥ ১০ ২৭/১৬

—আমি যে দণ্ড ধারণ করিয়া আছি, ঐশ্বর্য্যমদে গর্জিত ব্যক্তি তাহা দেখিতে পায় না। আমি যাহাকে অনুগ্রহ করিতে ইচ্ছা করি, অগ্রে তাহাকে সম্পদ হইতে ব্রষ্ট করি।

এক্ষণে গমন কর, তোমার কল্যাণ হউক, আমার আদেশ পালন কর, অপ্রমত্ত হইয়া স্বাধিকারে অবস্থান কর।—সুরভি অভিবাদন করিয়া শ্রীকৃষ্ণকে বলিলেন, হে বিশ্বযোগী বিশ্বাত্মন, আপনি ভূমির ভার অপনোদনের জন্ত অবতীর্ণ হইয়াছেন, আপনি আমাদিগকে রক্ষা করিলেন। ব্রহ্মার আদেশে আপনাকে আমি গোগণের ইন্দ্রপদে অভিষিক্ত করিলাম। ইন্দ্র ঐরাবতের শুণ্ডসাহায্যে আনীত আকাশগঙ্গার জলে অভিষেক করিয়া শ্রীকৃষ্ণকে ‘গোবিন্দ’ নামে অভিহিত করিলেন। নারদাদি দেবর্ষি গন্ধর্ব্ব চারণ দেবান্ধনা-গণ নৃত্য গীত ও পুষ্পবৃষ্টি করিলেন, গাভীগণ পয়োধারা দ্বারা ধরাতল আর্দ্র করিল। ইন্দ্র ও সুরভি স্বস্থানে প্রস্থান করিলেন।

একদা নন্দ একাদশীর উপবাসান্তে অর্কগোদয়ের পূর্ববর্তী স্নানার্থে যমুনায় প্রবেশ করিলেন। আসুরী বেলায় স্নানাপরাধে বরুণের এক ভৃত্য নন্দকে ধরিয়া আপন প্রভুর নিকট লইয়া গেল। শ্রীকৃষ্ণ ইহা জানিয়া তৎক্ষণাৎ জলমধ্যে বরুণের আলায়ে গিয়া উপস্থিত হইলেন। বরুণদেব মহা আনন্দিত হইয়া তাঁহার পূজা ও অর্চনা করিয়া বলিলেন, ভগবন, অতু আমার জন্ম সফল ও পরমরত্ন লাভ হইল, আপনাকে নমস্কার। আমার এক মূঢ় অজ্ঞান ভৃত্য না জানিয়া আপনার পিতাকে ধরিয়া লইয়া আসিয়াছে, আমার অপরাধ ক্ষমা করুন, ইহাকে গৃহে নিয়া যান। শ্রীকৃষ্ণ প্রসন্ন হইয়া নন্দব্রজে প্রত্যাগমন করিলেন। গোপগণের আকাজক্ষা জানিয়া শ্রীকৃষ্ণ একদিন, অত্রুর পরে আসিয়া যেখানে ব্রহ্মদর্শন করিয়াছিলেন, সেই ব্রহ্মহুদে নন্দাদি গোপগণকে নিমজ্জিত করিয়া ব্রহ্মলোক দর্শন করাইলেন। তাঁহারা বিস্মিত হইয়া বেদবাক্যে শ্রীকৃষ্ণের স্তুব করিলেন।

## ২৯-৩৩ অধ্যায়

### রাসপঞ্চাধ্যায়—কৃষ্ণ ও গাঙ্গীগণ

ভগবান্ শ্রীকৃষ্ণ শরতের মল্লিকাকুসুমশোভিত রজনী সকল দেখিয়া যোগমায়াশ্রয়ে ক্রীড়া করিতে ইচ্ছা করিলেন। তখন চন্দ্রমা পূর্বদিগ্‌বধূর মুখ তরুণকিরণরাগে রঞ্জিত করিয়া গগনতলে উদিত হইলেন। শ্রীকৃষ্ণ জ্যোৎস্নাম্রাত সেই সুরম্য বনস্থলী দেখিয়া রমণীগণের মনোহরণকারী অব্যক্তমধুর গীতধ্বনি করিলেন। কৃষ্ণগৃহীতচিন্তা ব্রজস্রীগণ সেই কামবর্দ্ধক গীত শুনিবামাত্র পরস্পরের প্রতি দ্বৈষশূন্য হইয়া দ্রুতগমনজনিত লোলায়িতকুণ্ডলকর্ণে ছুটিয়া আসিয়া সেইস্থানে উপস্থিত হইলেন। কেহ গোদোহন, কেহ দুগ্ধাবর্তন, কেহ গোধূমচূর্ণরন্ধন, কেহ অন্নপরিবেশন, কেহ শিশুকে স্তন্যদান, কেহ ভোজন, কেহ বা অঙ্গরাগলেপন করিতেছিলেন—ঐ সকলই যাহা যেমন ছিল, তেমনই পড়িয়া রহিল, পতিপুত্রাদি দ্বারা বারিতা হইয়াও সেই মুগ্ধাগণ কেহই নিবৃত্তা হইলেন না।

গৃহাভ্যন্তরে অবরুদ্ধ হওয়ায় ষাঁহার বাহির হইতে পারিলেন না, তাঁহার কৃষ্ণগতচিত্তে ধ্যানস্থা হইয়া তম্বুত্যাগ করিলেন, কিন্তু চিন্ময়দেহে তাঁহার সহিত মিলিতা হইলেন। রাজন, পূর্বে বলিয়াছি শিশুপাল দ্বেষ করিয়াও সিদ্ধিলাভ করিয়াছিলেন, তবে কৃষ্ণপ্রিয়াদের সম্বন্ধে আর কথা কি ?—

নৃণাং নিঃশ্রেয়সার্থায় ব্যক্তির্ভগবতো নৃপ।

অব্যয়স্যাপ্রমেয়স্য নিগুণস্য গুণান্বনঃ ॥

কামং ক্রোধং ভয়ং স্নেহমৈক্যং সৌহৃদ্যমেব চ।

নিত্যং হরৌ বিদধতো যান্তি তন্ময়তাং হি তে ॥ ১০।২৯।১৪, ১৫

—রাজন, ভগবানের রূপধারণ মানবগণের পরমমঙ্গল বিধানের জন্ত। তিনি স্বয়ং ত অব্যয় অপ্রেমের নিগুণ এবং গুণসকলের নিয়ন্তা। তাঁহার প্রতি নিয়ত কাম ক্রোধ ভয় স্নেহ ঐক্য বা সখ্য করিয়া তন্ময়তা লাভ হয়।

রাজন, বিন্মিত হইও না, স্থাবরাদিও তাঁহার সংস্পর্শে মুক্তি লাভ করে। শ্রীকৃষ্ণ সমাগতা গোপীদিগকে বলিলেন, তোমরা আসিয়াছ ? ব্রজের কুশল ত ? আগমনের কারণ বল এবং আমি তোমাদের কি করিব, বল। এ রজনী অতিঘোরা, এ অরণ্যেও ঘোর প্রাণিগণের বাস। তোমরা স্ত্রীজাতি, বন্ধুগণ তোমাদের অন্বেষণ করিতেছেন। বনশোভা ত দেখিলে, আর এখানে থাকিওনা, ব্রজে ফিরিয়া যাও। পতিপুত্রগণের সেবাই স্ত্রীধর্ম। অস্ত্র সকল জীবের ন্যায় তোমরাও যে আমাকে প্রীতি কর, তাহা সমুচিত বটে, কিন্তু পতি যেমনই হউক, স্ত্রী কখনও তাহাকে ত্যাগ করিবে না। আর দেখ—

শ্রবণাঙ্গদর্শনাদ্ভ্যানাং যস্মি ভাবোহম্বুকীর্ণনাং।

ন তথা সন্নিকর্ষেণ প্রতিষাত ততো গৃহান্ ॥ ১০।২৯।২৭

—শ্রবণ দর্শন ধ্যান ও কীর্তন দ্বারা আশার প্রতি যেমন সহজে ভাবোদয় হয়, আমার নৈকট্য দ্বারা তেমন হয় না। অতএব, তোমরা গৃহে ফিরিয়া যাও। গোপীগণ ইহা শুনিয়া অশ্রুমোচন ও পদাঙ্গুষ্ঠ দ্বারা ভূমি বিলেখন করিতে করিতে বলিলেন, হে বিভূ, এ বাক্য অতি



—হে শ্রেষ্ঠ, তোমার বেণুগীতে মোহিত এমন কোন্‌ জ্ঞী এই তিন লোকে আছে, যে তোমার ত্রিলোকমোহন এই রূপ দেখিয়া সদাচারধর্ম হইতে বিচ্যুত হইবে না? ঐ দেখ, গাভী পক্ষী ও বৃক্ষসকলও তোমাকে দেখিয়া নিজ নিজ শরীরে পুলক ধারণ করিয়াছে।

হে আর্তের বন্ধু, তুমি ত ব্রজের ভয় ও আর্তি হরণের জ্ঞানই জন্ম লইয়াছ, এই আর্তগণের স্তনে ও মস্তকে তোমার করপদ্ম অর্পণ কর। যোগেশ্বরের শ্রীকৃষ্ণ তখন তাহাদের এই কাতর বাক্য সকল শুনিয়া স্নিতমুখে নক্ষত্রপরিশোভিত চন্দ্রমণ্ডলীর স্থায় সেই গোপরমণীগণের সহিত ক্রীড়ায় প্রবৃত্ত হইলেন। শীতল পরম স্নিগ্ধ হিমবালুকাপূর্ণ সেই নদীপুলিনে বৈজয়ন্তীমালা পরিয়া কখনও আপনি গাইলেন, কখনও তাঁহারা গাইতে লাগিলেন। কটাক্ষনিষ্কপ, নানাস্পর্শ ও হাস্য-পরিহাস দ্বারা গোপীগণের ভাবসমূহ উদ্দীপিত করিয়া তিনি ক্রীড়া করিতে লাগিলেন। সেই মহাত্মার নিকট এইরূপে অতিশয়মানপ্রাপ্ত ব্রজরমণীগণ অত্যন্ত অভিমানিনী হইয়া আপনাদিগকে পৃথিবীর যাবতীয় রমণীগণমধ্যে সর্বশ্রেষ্ঠ মনে করিতে লাগিলেন। তখন,

তাশং তৎসৌভগমদং বীক্ষ্য মানঞ্চ কেশবঃ

প্রশমায় প্রসাদায় তত্রৈবাস্তুরধীয়ত ॥ ১০।২৯৪৮

—কেশব তাহাদের সেই সৌভাগ্যগর্ভ দেখিয়া সেই গর্ভ দূর করিবান্‌ জ্ঞ, ও তাহাদের প্রতি অনুগ্রহ দেখাইবার নিমিত্ত, সেই স্থানেই সহসা অন্তর্ধান করিলেন।

শ্রীভগবান্‌ এইরূপে সহসা অন্তর্হিত হইলে গোপীগণ অতিশয় পরিতপ্তা অথচ তাঁহাতে আবিষ্টা হইয়া প্রত্যেকে ‘আমিই কৃষ্ণ’ বলিয়া তাঁহারই কার্য্য সকলের অনুকরণ, এবং সকলে মিলিয়া কৃষ্ণকথা গান করিতে করিতে বন হইতে বনান্তরে তাঁহার অন্বেষণ করিতে লাগিলেন। বৃক্ষসকলকে দেখিয়া বলিলেন, হে অশ্বখ, হে অশোক, হে চম্পক, আমাদের মন হরণ করিয়া নন্দনন্দন কোথায় চলিয়া গিয়াছেন, তোমরা কি দেখিয়াছ? হে তুলসি,

তুমি ত গোবিন্দচরণপ্রিয়, তবে তাঁহাকে কি দেখিয়াছ ? হে মালতি, হে যুথিকে, করস্পর্শ দ্বারা তোমাদিগকে প্রীত করিয়া তিনি কি এই পথে গিয়াছেন ? হে যমুনাতীরবাসী তরুগণ, তোমরা ত পরার্থজীবিতা, কৃষ্ণবিরহে বিগতপ্রাণা আমাদিগকে তাঁহার গমনপথটী দেখাইয়া দেও। হে পৃথিবী, কাহার আলিঙ্গনে বা পদস্পর্শে তোমার দেহে এ রোমাঞ্চ ? হে হরিণীগণ, এখানে যে কুন্দপুষ্পমালার গন্ধ পাইতেছি, আমাদের প্রিয় কি তবে কোন প্রিয়ার সহিত তোমাদিগকে তৃপ্ত করিয়া এই পথেই গিয়াছেন ? ফলভারাবনত কোন বৃক্ষ দেখিয়া বলিলেন, তোমরা প্রণত কেন, তবে কি তিনি লীলাকমল হাতে লইয়া তুলসীগন্ধে আকৃষ্ট অলিকুল দ্বারা অনুসৃত হইয়া প্রিয়ার স্বক্কে হাত রাখিয়া তোমাদের প্রণাম লইতে লইতে এই পথ দিয়াই গিয়াছেন ? সখীগণ, দেখ, দেখ, এই লতাসকল শিহরিত, নিশ্চয় তিনি নখের দ্বারা ইহাদিগকে স্পর্শ করিয়া গিয়াছেন।—তারপর, তাঁহারা অতিশয় বিক্ষুব্ধ হইয়া শ্রীকৃষ্ণকৃত লীলাসকলের অনুকরণ করিতে লাগিলেন। কেহ পুতনা, অগ্না তাহার স্তন্যপায়ী শিশু, কেহ শকট, অগ্না তাহাকে পদাঘাতে তাড়নকারী, কেহ নবনীত-চোর, কেহ তৃণাবর্ষ বকাসুর বংশাসুরবধকারী, কেহ কালিয়, অগ্না পদদ্বারা তাহার মস্তকনিপীড়নকারী, কেহ দাবানলপানরত, কেহ অঞ্চল তুলিয়া বাত বৃষ্টি নিবারণ কারিয়া গোবর্দ্ধন ধারণের মত—এইরূপ নানা অভিনয় করিতে করিতে, এক স্থানে গিয়া ভূমিতলে সেই মানবদেহধারী পরমাত্মার পদচিহ্ন দেখিতে পাইলেন। এ ত সেই নন্দসুতেরই পদচিহ্ন, কিন্তু এ যে অগ্ন একটী চিহ্নের সহিত মিলিত ; তবে কি এখানে তিনি সেই প্রিয়ার কাঁধে হাত দিয়া চলিতেছিলেন ?

অনয়ারাধিতো নুনং ভগবান্ হরিরীশ্বরঃ ।

যম্মোবিহায় গোবিন্দঃ প্রীতো যামনয়দ্রহঃ ॥ ১০।৩০।২৮

—এ রমণী নিশ্চয় ভগবান্ হরির আরাধনা করিয়াছিল, নচেৎ গোবিন্দ আমাদিগকে ত্যাগ করিয়া ইহাকে নিয়া কেন এই গুপ্তস্থানে চলিয়া আসিবেন?

হায়, এ চিহ্ন যে আমাদের নিতান্ত সমুপ্ত করিয়া তুলিল ! সেই চতুরা রমণী কি আমাদের সকলকে বঞ্চিত করিয়া অচ্যুতকে একক নিৰ্জনে লইয়া গিয়া তাঁহার অধরসুখা পান করিল ? সখি, এই দেখ, এখানে আর সেই দ্বিতীয় চিহ্নটি নাই। কিন্তু, আবার এই দেখ, এখানে একটি গভীর পদচিহ্ন। তবে কি এখানে তিনি সেই শ্রান্তা প্রিয়াকে কাঁধে তুলিয়া লইয়া পুষ্পচয়ন করিয়াছিলেন ? আবার দেখ, এই স্থানে বৃষ্টি তিনি সেই প্রিয়াকে ক্রোড়ে লইয়া বসিয়া তাঁহার কেশ প্রসাধন করিয়া দিয়াছিলেন। গোপীগণ এইরূপে বিভ্রান্তা হইয়া ইতস্ততঃ বিচরণ করিতে লাগিলেন।—এদিকে, শ্রীকৃষ্ণ যে রমণীকে নিয়া আসিয়াছিলেন, সেও মনে করিল প্রিয় অণু সকলকে ত্যাগ করিয়া আমারই ভজনা করিতেছেন, সুতরাং আমিই গোপীকূলে সর্বশ্রেষ্ঠা। সে গর্বিতা হইয়া বলিল, আমি আর চলিতে পারিতেছি না, তোমার যেখানে ইচ্ছা আমাকে লইয়া যাও। কেশব বলিলেন, তবে তুমি আমার এই স্বন্ধে আরোহণ কর,—কিন্তু এই বলিয়াই শ্রীভগবান্ তন্মুহূর্তেই তথা হইতে অন্তর্হিত হইয়া গেলেন। সেই বধু তখন অত্যন্ত ভীতা ও সমুপ্তা হইয়া রোদন করিতে লাগিল—

হা নাথ রমণ প্রেষ্ঠ কাসি কাসি মহাভুজ।

দাস্যাস্তে কৃপণায়্য মে সখে দর্শয় সন্নিধি ॥ ১০।৩০।৪৯

—হা নাথ, হা রমণ হা প্রিয়তম, হে মহাবাহু, তুমি কোথায়, তুমি কোথায় ? সখে, তোমার এই দীন দাসীকে তোমার নিকটে লইয়া যাও।

কৃষ্ণাঘেষিণী অণা গোপীগণ সেই পথে আসিয়া প্রিয়তমকে সেই ছঃখিতা সখীকে দেখিতে পাইলেন। তাঁহার নিকট সকল কথা জানিয়া তাঁহারা পরম বিস্ময় লাভ করিলেন। তখন সকলে মিলিয়া সেই বনের যতদূর জ্যোছনালোকিত ছিল, ততদূর পর্য্যন্ত অন্বেষণ করিলেন, কিন্তু অন্ধকারে আর প্রবেশ করিতে না পারিয়া নিরস্ত হইলেন। সেই কৃষ্ণগতাগণ আপন গৃহ ত একেবারেই ভুলিয়া গিয়াছিলেন, সুতরাং কৃষ্ণগুণ গান করিতে করিতে তাঁহারা আবার

ষমুনাগুলিনে আসিয়া উপস্থিত হইলেন, এবং ক্রীকৃষ্ণের আগমন-প্রতীক্ষায় সেইখানেই থাকিয়া তদ্বিষয়ক গানই গাইতে লাগিলেন।—

গোপীগণ বলিলেন, হে প্রিয়, তোমার জন্ম দ্বারা ব্রজ ক্রীশালাী হইয়াছে, লক্ষ্মী নিয়ত এখানে বিরাজিতা। দেখ, তোমার জন্ম কোনরূপে প্রাণ ধারণ করিয়া আজ আমরা তোমাকেই খুঁজিয়া বেড়াইতেছি। হে আমাদের বরদাতা, হে আমাদের সকল সুখের আকর, আমরা তোমার বিনামূল্যে ক্রীতা চিরদাসী, তাই বলিয়া কি শরতের সরোবরের শ্রেষ্ঠ সুস্মৃট কমলের স্থায় তোমার ঐ নয়নদ্বয় দ্বারা আমাদেরিগকে এরূপে বধ করিবে? এ কি বধ নয়? হে ঋষভ, বিষজল, সর্প, রাক্ষস, বৃষ, বাত্যা, দাবানল—সকল ভয় হইতেই ত তুমি আমাদেরিগকে রক্ষা করিয়াছ, তবে এখন কেন তুমি এমন বিমুখ হইলে? ব্রহ্মার প্রার্থনায় বিশ্বরক্ষার জন্ম তুমি যত্নকূলে জন্ম লইয়াছিলে; তুমি ত কেবল গোপিকাসুত নও, তুমি অখিল দেহধারীর অন্তরের সাক্ষী। হে কান্ত, কমলার করগ্রাহী তোমার ঐ অভয়প্রদ করকমল আমাদের মস্তকে শ্রুস্ত কর। হে বীর, হে ব্রজের সকলআর্তিহারিন, হে স্তম্বিত হাশ্বের দ্বারা প্রিয়ঘাতিন, আমরা অবলা আর তোমার চিরদাসী, আমাদেরিগকে তোমার ঐ ক্রীমুখখানি একবার দেখাও। যে পদযুগল লক্ষ্মীর সাধনের ধন, যাহা দ্বারা তুমি গোচারণে যাইতে, যাহা জীবের সকল-পাপ-নাশন, যাহা কালিয়ার ফণাসকলের উপর শ্রুস্ত করিয়াছিলে, সেই চরণযুগল এই কুচদ্বয়ের উপর অর্পণ করিয়া আমাদের সকল আকাজক্ষার নিবৃত্তি কর। তোমার মধুর বাক্য আমাদেরিগকে বিহ্বল করিয়াছে। হে বীর, এস, এস, এখন অধরামৃত দ্বারা আমাদেরিগকে আপ্যায়িত কর।—

তব কথামৃতং তপ্তজীবনং কর্ণাভরাড়িতং কল্মষাপহম্।

শ্রবণমঙ্গলং শ্রীমদাততং ভুবি গুণস্তি তে ভূরিদা জনাঃ॥ ১০।৩।১৯

—তোমার কথা অমৃত স্বরূপ; ইহা সহস্র লোকের জীবন দান করে, ইহা কবিগণ দ্বারা উচ্চারিত হইয়া সমস্ত পাপ ধ্বংস করে, ইহা শ্রবণেই



মঙ্গল হয়। ইহা দিকে দিকে পরি গাথ হইয়া সকল শ্রী বিধান করে। বাহার্য পৃথিবীতে ইহা কীৰ্ত্তন করেন তাঁহাবা বহু-দাতা।

হে প্রিয়, হে কপট, তোমার হাস্ত, তোমার ধ্যানমঙ্গল প্রণয়দৃষ্টি, তোমার মৰ্ম্মভেদী নির্জ্বল-সঙ্কেত-লীলা, আমাদের হৃদয় বিপর্যাস্ত করিতেছে। হে নাথ, নলিন-সুন্দর ঐ পা দুখানি যখন গোচারণের কর্কশ শিলাতৃণাকুরাদি দ্বারা বিদ্ধ হয়, তখন আমাদের প্রাণ যে কি কঠিন ব্যথা পায়, তুমি কি তাহা জান না? তারপর, যখন গোচরণের পদধূলিতে আচ্ছন্ন কুটিলকুন্তলাবৃত তোমার ঐ মুখখানা আমাদের দেখাইতে দেখাইতে গোধূলিকালে ব্রজে ফিরিয়া আস, তখন চক্ষুর এই পক্ষদ্বয় নির্গিমেষ দর্শনে ব্যাঘাত জন্মায় বলিয়া সৃষ্টিকর্ত্তা ব্রহ্মাকে আমরা মনে মনে কত অভিশাপ করি! তোমার মোহন গীতে লুকা হইয়া, আর তোমার নির্জ্বল স্থানের রতিপ্রার্থনাব্যঞ্জক সম্ভাষণ স্মরণ করিয়া, পতিপুত্র সকল ছাড়িয়া, লক্ষ্মীর আবাসস্থান তোমার স্পৃহণীয় বক্ষস্থলের লোভে মুগ্ধ হইয়া, আমরা এই নিশাকালে এখানে আসিয়াছি। হে শঠ, এই নিরাশ্রয়াদিগকে এমন সময়ে তুমি ছাড়া আর কে এমন নিঃস্বমভাবে পরিত্যাগ করিতে পারে? স্বজনের হৃদরোগের প্রতিকার স্বরূপ যে বিশ্বমঙ্গল মহৌষধ তুমি জান, তাহার কিঞ্চিৎ আমাদের দেও।—

যৎ তে স্নজাতচরণাঙ্কুরং স্তনেষু ভীতাঃ

শনৈঃ প্রিয় দধীমাহ কর্কশেষু।

তেনাটবীমটসি তদ্যথতে নঃ কিংস্বিতং

কুপ্যাদভিভ্রমতি ধীর্ভবদায়ুযাং নঃ ॥ ১০।৩১।১২

—হে প্রিয়, অত্যাংকুষ্ট কমলের ছায়া তোমার ঐ কোমল চরণ দু'খানা পাছে ব্যথা পায়, এই ভয়ে এতি ভীত হইয়া আমরা আমাদের এই কঠিন স্তনের উপর ধীরে ধীরে গুস্ত করি। সেই চরণদ্বারা তুমি এখন এই অরণ্যে ভ্রমণ করিতেছ। তাহা কি হস্ত প্রস্তুতও দ্বারা ব্যাধিত হইতেছে না?— ইহা শ্রবিয়া স্বদগতজীবন আমাদের চিত্ত যে অতিশয় বিক্ষিপ্ত হইয়া উঠিতেছে।

রাজন, কৃষ্ণদর্শনলালসায় এইরূপে নানা ভাবের গান ও বিলাপ

করিতে করিতে গোপীগণ অবশেষে অতি উচ্চঃস্বরে রোদন করিতে আরম্ভ করিলেন । তখন,—

তাসামাবিরভূছেরিঃ স্ময়মানমুখান্বুজঃ ।

পীতাম্বরধরঃ স্রগী সাক্ষান্নম্রথমম্রথঃ ॥ ১০।৩২।২

—পীত বসন ও মালাভূষিত মদনমোহন শৌরি মহাহাস্যশোভিত মুখকমল  
লইয়া তাহাদের সম্মুখে আসিয়া সহসা আবিভূত হইলেন ।

প্রাণ দেহ ছাড়িয়া গিয়া হঠাৎ আবার ফিরিয়া আসিলে হস্তপদাদি অবয়ব সকল যেমন অকস্মাৎ সচল হইয়া ওঠে, প্রিয়তমকে দেখিতে পাইয়া গোপীগণও সেইরূপ সকলে যুগপৎ গাত্রোত্থান করিয়া উঠিলেন। কেহ তাঁহার হাত ধরিলেন, কেহ তাঁহার হাতখানা নিয়া নিজ স্বন্ধের উপর রাখিলেন, কেহ তাঁহার চর্চিত তাম্বুল হাত পাতিয়া লইলেন। এক স্ত্রী তাঁহার চরণকমল টানিয়া লইয়া নিজ কুচযুগের উপর স্থাপন করিলেন। কেহ বা দেখিয়া দেখিয়া কিছুতেই তৃপ্ত হইলেন না। প্রণয়কোপে এক গোপী নিজ ভ্রূ কুণ্ডিত ও অধর দংশন করিয়া তাঁহার দিকে তীব্র কটাক্ষ নিক্ষেপ করিতে লাগিলেন। কেহ বা নেত্ররক্ত দ্বারা প্রিয়তমকে হৃদয়মধ্যে লইয়া গিয়া চোখ বুজিয়া যোগিগণের আয় তাঁহার আলিঙ্গনসুখে পুলকিত হইয়া উঠিলেন।—

গোপীকুলশোভিত শ্রীকৃষ্ণ তখন যমুনাপুলিনে প্রবেশ করিলেন। সেই পুলিনের প্রস্ফুটিত পুষ্পরাশির সৌরভে আকৃষ্ট হইয়া অলিকুলও সেখানে আসিয়া উপস্থিত হইল। শরতের চন্দ্রকিরণে ও কালিন্দীর তরলকরোখিত কোমল বালুপুঞ্জে যমুনাপুলিন অতি শোভন মূর্ত্তি ধারণ করিল। ব্রজকামিনীগণ তথায় তাঁহাদের কুচকুসুমাকীর্ণ উত্তরীয়াক্ষল দ্বারা প্রাণবন্ধুর জঘ্ন আসন রচনা করিয়া দিলেন। শ্রীভগবান্ যখন আসিয়া সেই আসনে উপবিষ্ট হইলেন, তখন তাঁহার দেহ সমগ্র বিশ্বের সকল শোভার একমাত্র আধার রূপে প্রতীয়মান হইল। মুগ্ধা গোপবালাগণ কামবর্দ্ধন হাস্য দৃষ্টি জ্ববিলাস এবং তাঁহার হস্ত ও পদদ্বয়ের সংস্পর্শ দ্বারা তাঁহাকে অভিনন্দন করিয়া ঈষৎ কুপিত ভাবে বলিলেন,—কেহ ভজনাকারীকে নিজের মত করিয়াই

ভজনা করে, কেহ বা যারা ভজনা করে না তাহাদিগকে ভজনা করে, কেহ বা কাহাকেও ভজনা করে না, ইহার অর্থ কি ? শ্রীকৃষ্ণ বলিলেন, সখীগণ, যে ভজনা পাইবার জন্ত অশ্রের ভজনা করে, সে ত নিজের উপাসনা করে, তাহাতে ধর্ম বা সৌন্দর্য কোনটাই লাভ হয় না। পিতামাতা যেমন ভজনবিমুখ সন্তানকেও অকপটভাবে প্রতিপালন করেন, সেইরূপ, ভজনা না পাইয়াও যে ভজনা করে, সে-ই প্রকৃত ধর্ম ও সৌন্দর্য উভয়কে লাভ করে। যে কাহারও ভজনা করে না, সে হয় আপ্তকাম, না হয় অকৃতজ্ঞ। লব্ধ ধন নষ্ট হইলে নির্ধন যেমন সেই নষ্টধনের কথাই ভাবে, আর কিছুই ভাবিতে পারে না, আমার ভক্তও তেমন আমাকে না পাওয়া পর্যন্ত স্থির হইয়া থাকিতে পারে না। ভক্তগণকে ধ্যানে প্রবৃত্ত করার জন্তই আমি তাহাদের ভজনা করিতে বিলম্ব করি। আমার অদর্শন দ্বারা তোমরা আমার প্রতি আরও আকৃষ্ট হইবে, সেই জন্তই আমি পরোক্ষে থাকিয়া তোমাদের প্রেমালাপ শুনিতেছিলাম। প্রিয়াগণ, আমি এইরূপে গোপনে থাকিয়া তোমাদের ভজনা করিয়াছি, আমাকে দোষ দিওনা।—

ন পারয়েহং নিরবজসংযুজাং স্বসাধুকৃত্যং বিবুধাশ্রয়াপি বঃ।

যা মা ভজন্ দুর্জরগেহশৃঙ্খলাঃ সংবৃশ্য তদ্বঃ প্রতিবাছু সাধুনা ॥ ১০।৩২।২২

—আমার সহিত তোমাদের সংযোগ অনিন্দ্য; হস্তাজ গৃহবন্ধন ছেদন করিয়া তোমরা আমার ভজনা করিয়াছ। দেবগণের আশ্রু পাইলেও আমি কোন মতেই তাহার প্রতিদান করিতে পারিবনা। অতএব তোমাদের আপন সাধু কাণ্ডাই তাহার প্রতিদানস্বরূপ হইয়া থাকুক।

শ্রীভগবানের এই মনোমোহন বাক্য শুনিয়া এবং তাহার অঙ্গসেবার স্মৃঙ্গল আশীর্বাদ লাভ করিয়া গোপীগণ বিরহজনিত সকল তাপ পরিত্যাগ করিলেন। সেই শ্রীগণ শ্রীতা হইয়া পরস্পর বাহুবন্ধনে মিলিতা হইলেন। শ্রীগোবিন্দও তখন সুমধুর রাসক্লীড়া আরম্ভ করিলেন। গোপীমণ্ডলমণ্ডিত শ্রীযোগেশ্বর তাহাদের প্রতি দুই জনের মধ্যে প্রবিষ্ট হইয়া সেই মহোৎসবে

প্রবৃত্ত হইলেন। প্রত্যেকে শ্রীকৃষ্ণ দ্বারা করে গৃহীত হইয়া  
 দেখিল, তিনি যেন কেবল তাহার কাছেই আছেন। ছ্যালোকে  
 সঙ্গীত দেবগণের বিমানসকল আকাশকে সঙ্কুল করিয়া তুলিল।  
 পুষ্পবর্ষণ, ছন্দুভিনিদাদ, কৃষ্ণগুণগান এবং রাসমণ্ডলে নৃত্যকারিণী  
 রমণীগণের বলয়নূপুরকিঙ্কিণীধ্বনি অতি তুমুল হইয়া উঠিল।  
 দেবকীনন্দন মণিমালামধ্যে ইন্দ্রনীলের ন্যায় অতিশয় শোভা  
 পাইতে লাগিলেন। গোপীগণও নানা নৃত্যভঙ্গীজনিত  
 চঞ্চলকুচবস্ত্র, শিথিল-কবরী-মেখলা ও বিন্দু বিন্দু স্বেদমুখী হইয়া  
 গান করিতে করিতে মেঘচক্রে তড়িল্লতাবৎ প্রদীপ্ত হইয়া উঠিলেন।  
 কৃষ্ণস্পর্শে শিহরিता গোপরমণীগণের সেই গীত সমগ্র বিশ্বকে  
 যেন আবৃত করিয়া ফেলিল। কোন গোপীর উচ্চাঙ্গের সুরালাপ  
 শ্রীকৃষ্ণ ‘সাধু সাধু’ শব্দে অভিনন্দিত করিয়া উচ্ছলিত তুলিয়া  
 দিলেন। নৃত্য-শ্রান্তা কোন গোপী বাহুদ্বারা প্রিয়ের স্কন্ধ গ্রহণ  
 করিলেন, তাঁহার হস্তের বলয় ও কেশের মল্লিকা-কুসুম শিথিল  
 হইয়া পড়িল। কেহ স্বীয় স্কন্ধে শ্রান্ত প্রিয়ের চন্দন-চর্চিত পদ্মগন্ধ  
 বাহু আচ্ছাদন করিয়া রোমাঞ্চিত হইয়া তাহা চুম্বন করিতে  
 লাগিলেন। কেহ বা তাঁহার নৃত্যচঞ্চল কুন্তলে আভাষিত গণ্ডদেশ  
 আপন গণ্ডে স্থাপন করিলেন, শ্রীকৃষ্ণ তাঁহাকে চর্কিত তাম্বুল  
 প্রদান করিলেন। জনৈকা তাঁহার সর্বমঙ্গলকর করকমল টানিয়া  
 নিয়া নিজ স্তনদ্বয়ের উপর স্থাপন করিলেন। ভ্রমরগণ সেই  
 রাসসভার গায়ক হইলেন। শ্রীকৃষ্ণ বিহারশ্রান্তা বিশ্রান্তাভরণা  
 গোপীগণের মুখমণ্ডল নিজ মঙ্গলময় করতল দ্বারা মুছিয়া দিতে  
 লাগিলেন, তাঁহারাও প্রিয়ের নখস্পর্শে হৃষ্টা হইয়া সেই ঋষভের  
 পুণ্য কর্ণসকল পুনঃ পুনঃ গান করিতে লাগিলেন। তখন শ্রম  
 দূর করিবার জন্ত জলক্ৰীড়ার্থ তিনি ঐ রমণীগণকে লইয়া যমুনার  
 জলে প্রবেশ করিলেন। যুবতীগণ চতুর্দিক হইতে আশ্রয়িত  
 শ্রীকৃষ্ণকে জলসিক্ত করিতে লাগিলেন। তৎপর জল হইতে উঠিয়া  
 তাঁহারা যমুনার তীরবর্তী সুরম্য উপবনে স্নানকাল বিচরণ করিলেন।

নিজ আত্মায় অবরুদ্ধকাম হইয়া সেই সত্যকাম এইরূপে শরৎযামিনীর সমস্ত সৌন্দর্য্য সেই অনুরক্তা অবলাগণসহ উপভোগ করিয়াছিলেন। রাজা পরীক্ষিৎ জিজ্ঞাসা করিলেন, ব্রহ্মানু, আপনি বলিয়াছেন ধর্ম্মসংস্থাপন ও অধর্ম্মপ্রশমনজন্য ঈশ্বরের অংশাবতার। ধর্ম্মের বক্তা ও রক্ষক এবং স্বয়ং আগুকাম হইয়াও কোন্ অভিপ্রায়ে তিনি পরদারম্পর্শরূপ এই বিপরীত আচরণের অনুষ্ঠান করিলেন?—শুকদেব বলিলেন, শক্তিমানগণের আচরণে কখনও কখনও লোক-ধর্ম্মের ব্যতিক্রম ও অসাধারণ সাহস দেখা যায়। বৃহি যেমন ভালমন্দ সকলই গ্রাস করে, কিন্তু কিছুই দ্বারাই কলুষিত হয় না, তেজীয়ান্ও তেমন ঐরূপ আচরণ দ্বারা বিন্দুমাত্র দূষিত হন না। কিন্তু দুর্ব্বলেরা এইরূপ আচরণকে কখন মনেও স্থান দিবে না, তাহা হইলে মূঢ়তাবশতঃ বিনাশ পাইবে। রুদ্র ত সমুদ্রমন্থনজাত বিষ পান করিলেন, সামান্য কেহ কি তাহা পারিত? শক্তিমান্দের বাক্য সত্য, যে আচরণ তাঁহাদের বাক্যের অবিরোধী, বুদ্ধিমান্ ব্যক্তি তাহাই অনুসরণ করিবে। যাহাদের আত্মাভিমান সমূলে নষ্ট হইয়াছে, সদাচরণ দ্বারা কোন উদ্দেশ্যসিদ্ধি বা অসদাচরণ দ্বারা কোন অনর্থপাতের কোন কথাই তাঁহাদের সম্বন্ধে ওঠে না। শক্তিমান্ ব্যক্তিদেরই যদি ঐরূপ হয়, তবে যিনি তির্থ্যক মানব দেব প্রভৃতি সকল সত্ত্বের অধীশ্বর, তাঁহার সম্বন্ধে আবার কুশল-অকুশলের কথা কি? তাঁহার অনুগৃহীত মুনিগণই ত যোগপ্রভাবে সকলবন্ধনমুক্ত হইয়া ইচ্ছামত বিচরণ করেন, তবে যিনি নিজ ইচ্ছায় শরীর ধারণ করিয়াছেন, তাঁহার আবার বন্ধন কোথায়? লোকাঙ্কুগ্রহার্থ তিনি এই লীলা করিয়া গিয়াছেন, যেন এই সকল লীলা-কথা শুনিয়া তাঁহার প্রতি মানুষের দৃঢ় মতি হয়। সেই সর্ব্বাধিপতি ত গোপীদিগের ও তাহাদের পতিদের সকলের অন্তরেই সর্ব্বদা বিচরণ করিতেন। ব্রজবাসীগণও তাঁহার এই সকল আচরণে কোন দোষ ~~কেন্দ্রবিন্দ~~ নাই। তাঁহার মায়া প্রভাবে তাঁহারা নিজ নিজ

পত্নীদিগকে সর্বদা আপন পার্শ্বেই অবস্থিত দেখিয়াছেন।—  
নিশাবসানে ব্রাহ্মমূর্ত্তে ব্রজস্রীগণ নিতান্ত অনিচ্ছায় স্ব স্ব গৃহে  
প্রত্যাগমন করিলেন।—মহারাজ, এই সকল লীলা শ্রবণ করিলেও  
সমস্ত হৃদরোগের ধ্বংস হয়।

### ৩৪—৩৭ অধ্যায়

মহাসর্প, শঙ্খচূড়, গোপী, যশোদা, অরিষ্ট, কেশা, ব্যোম, অক্রুণ

এক সময়ে দেবযাত্রা উপলক্ষে গোপগণ শকটারোহণে  
সরস্বতীতীরে অধিকাবনে গিয়াছিলেন। সেখানে নন্দগোপ  
ব্রতধারণ ও জল মাত্র পান করিয়া শুইয়া ছিলেন। এক  
বুভুক্ষু মহাসর্প আসিয়া তাঁহাকে গ্রাস করিল। গোপগণ  
নন্দের আর্তনাদ শুনিয়া এক খণ্ড জলন্ত কাষ্ঠ লইয়া পুনঃ পুনঃ  
সর্পকে প্রহার করিতে লাগিল, কিন্তু সর্প তাহার গ্রাস বিন্দুমাত্রও  
শিথিল করিল না। তখন ভগবান্ সাহতপতি সত্বর আসিয়া  
পদদ্বারা সেই সর্পকে স্পর্শ করিলেন। সর্প অমনি এক পরম  
শোভন বিদ্যাদরবেশ ধারণ করিয়া উথিত হইল। ত্রীকৃষ্ণ  
সেই প্রণত পুরুষকে জিজ্ঞাসা করিলেন, হে শুভদর্শন, আপনি  
কে? বিদ্যাদর বলিলেন, আমার নাম সুদর্শন, আমি গর্বিত  
হইয়া বিচরণ করিতে করিতে একদিন আঙ্গিরস ঋষিগণকে  
উপহাস করি এবং তাঁহাদের শাপে তৎক্ষণাৎ সর্প প্রাপ্ত হই,  
এক্ষণে তাঁহাদেরই কৃপায় আপনার পাদস্পর্শ লাভ করিয়া  
পুনরায় দিব্য দেহ পাইলাম। স্তুতি প্রদক্ষিণ ও পুনঃপুনঃ  
নমস্কার করিয়া সুদর্শন তখন স্বর্গধামে প্রস্থান করিলেন। নন্দাদি  
সকলেই তথায় ত্রিরাত্রি যাপন করিয়া কৃষ্ণগুণ গান করিতে  
করিতে ব্রজধামে চলিয়া গেলেন।—তৎপর একদা রাত্রিকালে  
রাম ও কৃষ্ণ ব্রজস্রীগণসহ বনমধ্যে বিহার করিতে প্রবৃত্ত হইলেন।  
তাঁহাদের উভয়ের মিলিত গীতমূর্চ্ছনায় গোপীগণ স্বলিতমাল্যবসন  
ও বিহ্বল হইয়া পড়িল। তখন শঙ্খচূড় নামে এক কুবেরাসুচর

রোদনপরায়ণা সেই প্রমদাগণকে সবলে উত্তরাভিমুখে লইয়া যাইতে লাগিল। রাম ও কৃষ্ণ তাহাদিগকে অভয় দিয়া প্রবলবেগে ঐ ছুটের দিকে ধাবমান হইলেন, শঙ্খচূড়ও ভীত হইয়া স্ত্রীগণকে পরিত্যাগ করিয়া পলায়মান হইল। বলরাম স্ত্রীগণের রক্ষক হইয়া সেইখানেই রহিলেন। শ্রীকৃষ্ণ দম্বাকে ধৃত করিয়া শিরোমণিসহ তাহার মস্তক ছেদন করিয়া ফেলিলেন, এবং বিশ্বিতা গোপীগণের সমক্ষে ঐ শিরোমণি বলরামকে অর্পণ করিলেন।

রাজন, শ্রীকৃষ্ণ গোচারণে গমন করিলে তিনি ফিরিয়া না আসা পর্য্যন্ত ব্রজরমণীগণ তাঁহার লীলা গান করিয়া অতিকষ্টে দিন যাপন করিতেন। তাঁহারা পরস্পরকে বলিতেন, সখীগণ, নন্দসুত যখন বামবাহুযুগে বামকপোল রাখিয়া দ্রুত কুণ্ঠিত করিয়া সুকোমল অঙ্গুলিসমূহ নানা রঙ্গে চালিত করিয়া বেণু বাজাইতে থাকেন, তখন সিদ্ধকামিনীগণ পতি-সঙ্গে থাকিয়াও কটির বসন স্থির রাখিতে পারেন না। গো-মৃগাদি পশুগণ তৃণ দংশন করিতে করিতে চিত্রাপিতবৎ হইয়া পড়ে, নদী সকলের জল নিশ্চল হয়, কিন্তু আমাদের ত্রায় অল্পপুণ্যবশতঃ তাঁহার পদরেণু স্পর্শ করিতে পারে না, তরুগণ প্রেমে হৃষ্টতম্বু হইয়া মধুধারা বর্ষণ করিতে থাকে, সরোবরের হংস ও সারসগণ তাঁহার কাছে আসিয়া নিমীলিত নেত্রে বসিয়া থাকে, মেঘের গর্জ্জনও স্তব্ধ হইয়া যায়—মেঘ যেন ছত্র ধরিয়া তাঁহার উপর পুষ্প বর্ষণ করে। যশোদাকে বলিলেন, হে সতি, দেবেশ্বরগণও তখন মুগ্ধ হইয়া স্তব্ধ অবনত করেন, আমরা ত স্থলিত বসনা হইয়া পড়ি। তোমার পুত্র যখন কণ্ঠস্থ মালার মণি সকল দ্বারা গাভী গণনা করিতে করিতে বয়স্কের স্কন্ধে হাত রাখিয়া গান করিতে করিতে আসেন, তখন হরিণীসকলও মুগ্ধা হইয়া তাঁহার নিকট আসিয়া দাঁড়াইয়া থাকে। ঐ দেখ, দিনান্তে গোধন লইয়া বেণু বাজাইতে বাজাইতে, বৃদ্ধগণ দ্বারা বন্দিত ও সখাগণ দ্বারা গীত হইয়া, গোগণের খুরোখিত-ধূলি-ধূসরিত মালা পরিয়া, শ্রমক্লিষ্ট তথাপি

সুহৃদগণের উৎসব-স্বরূপ মুখমণ্ডল লইয়া ঐ নক্ষত্রপাতি আসিতেছেন। আমরা সমস্ত দিন যে বিষম বিরহ-তাপে দগ্ধ হইতেছিলাম, তাহা এখন একেবারে প্রশমিত হইয়া গেল।

অনন্তর অরিষ্টনামা এক বৃষভাকৃতি অশুর খুরতাড়নে ব্রজভূমি কম্পিত করিয়া গোষ্ঠে আসিয়া উপস্থিত হইল। গোপ গোপী ও শিশুগণ ভীত হইয়া শ্রীকৃষ্ণের শরণ লইল। তিনি তাহাদিগকে অভয় দিয়া বাহুবল্যোচনে সেই বৃষভকে ক্রুদ্ধ করিয়া এক সন্ধ্যার স্বন্ধে হাত রাখিয়া দাঁড়াইয়া রহিলেন। অশুর শৃঙ্গ তুলিয়া যেমন তাঁহাকে আক্রমণ করিতে আসিল, অমনি তিনি ছুই শৃঙ্গ ধরিয়া তাহাকে দূরে নিক্ষেপ করিলেন। পুনরায় আসামাত্র তাহার ঐ শৃঙ্গদ্বয় উৎপাটন করিয়াই তাহাকে তৎক্ষণাৎ নিহত করিলেন। কিছুকাল পর আবার কংসপ্রেরিত কেশীনামা এক দানব অশ্বৈর্য মূর্ত্তি ধরিয়া ভূমি ও গগন কম্পিত করিয়া ঘোর নিনাদে শ্রীকৃষ্ণকে আহ্বান করিতে করিতে আসিয়া উপস্থিত হইল। শ্রীকৃষ্ণ নিকটে আসিবামাত্র কেশী তাহার পশ্চাদ্ভাগের পদদ্বয় দ্বারা তাঁহাকে ভীষণ প্রহার করিল, তিনিও তাহার ছুই পদ ধরিয়া তাহাকে সবলে দূরে নিক্ষিপ্ত করিলেন। কেশী মুখব্যাদান করিতে করিতে আবার আসিল। শ্রীকৃষ্ণ তখন নিজ বামবাহু তাহার মুখবিবরে প্রবিষ্ট করিয়া দিয়া সেই বাহুকে এমন ভাবে স্ফীত ও কম্পিত করিলেন যে ঐ দানবের সকল দন্ত স্থলিত, এবং নেত্র ও প্রাণবায়ু বহির্গত হইয়া সে প্রাণহীন হইয়া ভূমিতলে পতিত হইল। তৎপর অগ্ন এক দিন ময়পুত্র ব্যোম নামে অশুর গোপবেশ ধারণ করিয়া ক্রীড়ামন্ত গোপবালকদের ভিতর প্রবেশ করিয়া ক্রীড়াশূলে কয়েকটা বালককে লইয়া গিয়া এক গহ্বরে আবদ্ধ করিল। শ্রীকৃষ্ণ তখনই আসিয়া ছুই বাহু ধরিয়া তাহাকে ভূতলে ফেলিয়া মিহত করিয়া গোপবালকগণকে মুক্ত করিয়া লইয়া গেলেন।

অরিষ্টাশুরনিধনের পর একদিন দেবর্ষি নারদ কংসের নিকট আসিয়া বলিলেন, দেবকীর সপ্তম-গর্ভজাত পুত্র বলরাম রোহিণী-



নন্দনরূপে ও অষ্টমগর্ভজাত কৃষ্ণ যশোদানন্দন নামে নন্দব্রজে গুপ্তভাবে বাস করিতেছে। তোমার ভয়ে বসুদেব তাহাদিগকে নন্দের হস্তে সমর্পণ করিয়াছে। তাহারাই তোমার অনুচরগণকে নিহত করিয়াছে। দেবকীর গর্ভজাতা বলিয়া যে কন্যাকে তুমি বধ করিয়াছ, সে নন্দ ও যশোদার কন্যা। কংস এই কথা শুনিয়া শানিত খড়্গ লইয়া বসুদেবকে তৎক্ষণাৎ বধ করিতে উদ্যত হইল। কিন্তু নারদ কর্তৃক বারিত হইয়া বসুদেব ও দেবকীকে পুনরায় শৃঙ্খলিত করিয়া রাখিল। কংস তাহার প্রধান অমাত্য হস্তিপক ও মল্লদিগকে নারদের কথা জানাইয়া বলিল, রাম ও কৃষ্ণ এখানে আসিলে তোমরা তাহাদিগকে বধ করিবে। চতুর্দশী তিথিতে এক ধনুর্যজ্ঞ আরম্ভ হউক, উচ্চ মঞ্চসকল নির্মিত হউক, রঙ্গস্থলে কুবলয়াপীড় নামক হস্তীকে রাম ও কৃষ্ণ বধে নিযুক্ত কর। যদ্বশ্রেষ্ঠ অক্রুরের হাত ধরিয়া কংস বলিল, মিত্র, নন্দব্রজবাসী রাম ও কৃষ্ণ আমার হস্তা। তুমি রথ লইয়া গিয়া ধনুর্যজ্ঞ বা মথুরার শোভা দেখিবার ছল করিয়া তাহাদিগকে নন্দসহ এখানে লইয়া এস। আমি হস্তী বা মল্লদ্বারা তাহাদিগকে নিহত করিব, পরে বসুদেব দেবক ও আমার বৃদ্ধ পিতা উগ্রসেনকে নিহত করিয়া নিষ্কণ্টকে এই রাজ্য ভোগ করিব। জরাসন্ধ আমার গুরু, দ্বিবিদ আমার সখা, নরক বাণাদিও আমার সুহৃদ; তাহাদের সকলের সাহায্যে অপরপক্ষীয় রাজগণকে অক্ৰেমে নির্মূল করিয়া নিশ্চিন্ত মনে পৃথিবী পালন করিব। অক্রুর বলিলেন, রাজন্, তুমি ঠিকই বুঝিয়াছ, কিন্তু—

সিদ্ধাসিদ্ধ্যোঃ সমং কুর্ধ্যাদ্ভবং হি ফলসাধনম্ ॥ ১০।৩৬।৩৮

—কাণ্ডের সিদ্ধি ও অসিদ্ধি তুল্য জ্ঞান করিবে, কেন না দৈবই ফল সাধন করে।

যাহা হউক, আমি তোমার আজ্ঞা পালন করিব।—কংস ও অক্রুর নিজ নিজ স্থানে প্রস্থান করিলেন।

## ৩৮—৪০ অধ্যায়

অক্রুর, কৃষ্ণবলরাম, নন্দ, গোপীগণ, যমুনাস্নান,

মহামতি অক্রুর পরদিন প্রাতে সুসজ্জিতরথারোহণে নন্দগোকুলে যাত্রা করিলেন। তিনি ত্রীকৃষ্ণে পরম ভক্তি লাভ করিয়াছিলেন। তিনি কৃষ্ণদর্শনের এই সুযোগ পাইয়া হর্ষ ও উদ্বেগের আবেগে পশ্চিমধ্যে ভাবিতে লাগিলেন, আমি এমন কি করিলাম, যে অল্প আমার এই পরম সৌভাগ্য উদিত হইল? কংস আমার প্রতি অত্যন্ত অশুভ্রহ করিয়াছে। অথবা, নদীবেগে নীত তৃণের স্থায় কোন কোন জীব কোনক্রমে কখনও ভবাক্তি উত্তীর্ণ হইয়া থাকে।—

যমাদ্যামঙ্গলং নষ্টং ফলবাৎশ্চৈব মে ভবঃ।

যন্নমস্তে ভগবতো যোগিধোয়াজ্জিৎপঙ্কজম্ ॥ ১০৩৮।৬

—অজ্ঞ আমার সকল অমঙ্গল নষ্ট হইল, আমার জন্ম সফল হইল, যেহেতু আমি আজ যোগিগণ-ধোয় ত্রীভগবানের পাদপদ্মে প্রণাম করিব।

যুগগণ আমাকে প্রদক্ষিণ করিতেছে। কুণ্ডিতকেশাবৃত অরুণকমলতুল্য সেই বদনমণ্ডল এবং ব্রহ্মাদি দেবগণের অর্চনীয় গোপিগণের কুচকুম্ভমে অঙ্কিত যোগিগণসেবিত অখিলপাপনাশন সেই পদযুগল নিশ্চয় আমি দেখিতে পাইব। তাঁহাকে দেখিবামাত্র রথ হইতে অবতরণ করিয়া প্রণত হইলে আমাকে কংসপ্রেরিত জানিয়া কি তিনি তাঁহার করকমল আমার এই মস্তকে গ্রাস্ত করিবেন না? সেই ক্ষেত্রজ্ঞ তাঁহার অমল চক্ষু দ্বারা জীবের অন্তর্বহিঃ সকল চেষ্টা দেখিতে পান। তিনি যখন আমাকে ‘হে তাত’, ‘হে অক্রুর’, বলিয়া সম্বোধন করিবেন, তখন আমার জন্ম সফল হইবে, আর যখন আমাকে আলিঙ্গন করিবেন, তখন আমার দেহ পবিত্র ও সকলকর্মবন্ধন মুক্ত হইবে।

ন তস্ত কশ্চিদ্যিতঃ স্নহন্তমো ঘেষ্য উপেক্ষ্য এব বা।

তথাপি ভক্তান্ ভজতে যথাতথা সুরদ্রমো যদ্ব্যপাশ্রিতোহর্হদঃ ॥

—তাঁহার প্রিয় অপ্রিয় শত্রু মিত্র বা উপেক্ষণীয় কেহ নাই। তথাপি কল্পতরু যেমন আশ্রিত ব্যক্তিকে প্রার্থনামত ফল দান করে, তিনিও ভক্তগণকে তাহাদের প্রার্থনামতনই ভজনা করেন। ১০৩৮।২২

যদ্ব্যশ্রেষ্ট বলরাম নিশ্চয় আসিয়া আমার অঞ্জলিবদ্ধ হস্ত ধরিয়া

আমাকে গৃহে লইয়া যাইবেন।—এইরূপ ভাবিতে ভাবিতে শ্রীকৃষ্ণনন্দনের রথ নন্দব্রজে আসিয়া উপস্থিত হইল। সূর্য্যদেবও তখন অস্তাচলে আরোহণ করিলেন। অক্রুর রথ হইতে দ্রুত অবতরণ করিয়া ‘এই ত প্রভুর পাদরজঃ’ বলিয়া ভূতলে লুপ্তিত হইয়া পড়িলেন। ক্ষণকাল পর পুনঃ রথারোহণে কিঞ্চিৎ অগ্রসর হইয়াই ব্রজমধ্যে গোদোহনস্থানে রত্নালঙ্কৃত গন্ধাম্বুলিপ্ত নীল ও পীতবসন এবং বনমালাধারী রাম ও কৃষ্ণকে দেখিতে পাইলেন। দ্রুত অবতরণ করিয়া তাঁহাদের চরণোপরি পতিত হইলেন, অতিপুলকে কণ্ঠাবরোধজ্ঞ নিজ পরিচয়ও দিতে পারিলেন না। শ্রীকৃষ্ণ অক্রুর বলিয়া জানিয়া করম্পর্শ ও পরে আলিঙ্গন করিলেন, এবং বলদেব তাঁহার অঞ্জলিবদ্ধ হস্তদ্বয় গ্রহণ করিয়া গৃহাভ্যন্তরে নিয়া কুশল জিজ্ঞাসা পাদপ্রক্ষালন ও মধুপর্কের দ্রব্যাদি আনিয়া উপস্থিত করিলেন, পরে বহুগুণযুক্ত পবিত্র অন্ন পরিবেশন করিলেন। নন্দ তাঁহাকে অতিশয় সম্মানিত করিয়া বলিলেন, অক্রুর, ছুরায়া কংস তাহার ভগিনীর সমস্ত পুত্র বিনষ্ট করিয়াছে, তোমাদের ত জীবন ধারণই দুষ্কর, কুশলের কথা আর কি জিজ্ঞাসা করিব ?

অক্রুর এইরূপে বহুমান প্রাপ্ত হইয়া স্নেহে পর্যাঙ্কের উপর উপবিষ্ট হইলেন, তাঁহার সকল মনোরথ সফল হইল।—

কিমলভ্যাং ভগবতি প্রসঙ্গে শ্রীনিকেতনে ।

তথাপি তৎপর্য্য রাজনু ন হি বাঞ্ছন্তি কিঞ্চন ॥ ১০।৩৯।২

—রাজনু, শ্রীনিবাস ভগবান প্রসন্ন হইলে কি অলভ্য থাকিতে পারে ? তথাপি, ভগবৎপরায়ণগণ কিছুই আকাঙ্ক্ষা করেন না ।

শ্রীকৃষ্ণ তখন আসিয়া যত্নকুলের কুশল জিজ্ঞাসা করিয়া বলিলেন, অহো, আমাদের জ্ঞাত পিতা মাতা কত ক্লেশ সহ্য করিতেছেন ! মাতুল কংসের কথা আর কি বলিব ? তাত, তোমার আগমনের কারণ বল । নারদের সহিত কংসের সাক্ষাৎ হইতে আরম্ভ করিয়া কংস যাহা যাহা করিয়াছে, এবং রাম ও কৃষ্ণকে নিধন করার জ্ঞাত যে সকল আয়োজন করিয়াছে, অক্রুর তাহা সমস্তই

জানাইলেন, এবং কংস যে ধনুর্যুগে নন্দ বলরাম ও কৃষ্ণকে আমন্ত্রণ করিয়াছে, তাহা সমস্তই যথাযথ বিবৃত করিলেন। রাম ও কৃষ্ণ ঈশ্বর হাস্য করিয়া পিতা নন্দকে সকল কথা বলিলেন। নন্দ গোপগণকে নানা উপঢৌকন প্রস্তুত করিতে উপদেশ দিয়া পরদিনই রাম কৃষ্ণ ও কতিপয় গোপসহ মথুরাযাত্রার সঙ্কল্প স্থির করিলেন। এই নিদারুণ বার্তা শুনিয়া ব্রজস্রীগণের কেহ বা স্থলিতবসনা ও বিস্রস্তকবরী হইল, কাহারও বা সমস্ত ইন্দ্রিয়বৃত্তি নিকর হইয়া দেহ নিষ্পন্দ হইয়া পড়িল। তাঁহারা সকলে সমবেত হইয়া বলিতে লাগিলেন, হে বিধাতা, তুমি কি নিষ্ঠুর, কি নিষ্ঠুর, দেহিদিগকে পরস্পর প্রণয়াবদ্ধ করিয়া সেই প্রণয় ভোগ করিতে দেওনা, বালকের ক্রীড়নকের ঞ্চায় তুমি অকালেই তাহা ভাঙ্গিয়া দেও। ধিক্ তোমাকে, চোখ দান করিয়া সেই চোখ তখনই একেবারে হরণ করিয়া লইলে, সে মুখ আর দেখিতে দিলে না? তুমি অতি ক্রুর, 'অক্রুর' নাম ধারণ করিয়া এখানে আসিয়াছ। অথবা, তোমাকেই বা কি বলিব, এ নন্দনন্দনের প্রণয়ও ত দেখিতেছি একেবারেই ক্ষণভঙ্গুর, সে কেবল নিত্য নূতন প্রণয়ের প্রয়াসী। আমরা যে একান্ত অবশ হইয়া সকল ছাড়িয়া তাহারই বশ হইলাম, সে কি একবার ফিরিয়াও দেখিল না? মধুপুরের রমণীগণ ধনু। তিনি স্বতন্ত্র-স্বভাব জানি, কিন্তু আর কি তিনি পুররমণীগণের বিলাস বিভ্রম ছাড়িয়া এই হীন গ্রাম্যস্রীগণের নিকট ফিরিয়া আসিবেন? সাহতকুলও ধনু, তাহাদের নয়নের কি মহান্ উৎসব সমাগত হইল। হায়, হায়, ঐ দেখ সখি, অই তিনি রথে আরোহণ করিতেছেন, তুর্দ গোপকুলও শকট লইয়া তাঁহার পশ্চাতে দ্বরা করিতেছে। কই, বুদ্ধগণ ত কাহাকেও যাইতে বারণ করিতেছেন না। দৈব কি তবে সত্যই আমাদের প্রতি একেবারে বিমুখ হইল? চল, চল, আমরা সকলে মিলিয়া তাঁহাকে নিরস্ত করি, এই কুলবুদ্ধগণ আমাদের কি করিবেন? মৃত্যু?—তাহা ত অবধারিত। রাসগোষ্ঠীতে যে

হাস্য-আলিঙ্গনাদিতে সমস্ত রজনী ক্ষণকালের শ্রায় অতিবাহিত করিয়াছি, তাহা ভুলিয়া কি করিয়া আজ আমরা বাঁচিব? গো-ধূলি-ধূসরিত চূর্ণকুন্তল ও মাণ্ড্যে শোভিত হইয়া, বলরামসহ গোপবালক ও ধেমুগণে পরিবৃত হইয়া, বেণু বাদন করিতে করিতে ব্রজে প্রবেশকালে যিনি আমাদের চিত্ত হরণ করিতেন, তাঁহাকে না দেখিয়া আমরা বাঁচিয়া থাকিয়া কি করিব?—

বারংবার এইরূপ বলিতে বলিতে সেই শ্রীগণ লজ্জা ত্যাগ করিয়া ‘হে গোবিন্দ’, ‘হে মাধব’, ‘হে দামোদর’, বলিয়া উচ্চৈঃস্বরে রোদন করিতে আরম্ভ করিলেন। সূর্য্য উদিত হইলে অক্রুর সকলকে সমুচিত সম্ভাষণাদি করিয়া এবং গোপীগণের সমস্ত রোদন উপেক্ষা করিয়া রথ চালনা করিয়া দিলেন। নন্দাদি গোপগণ নানা উপদ্রোহ লইয়া শকটারোহণে তাঁহার অনুগমন করিলেন। গোপীগণও শ্রীকৃষ্ণের বাণী শুনিবার আকাঙ্ক্ষায় উদ্গ্রীব হইয়া তাঁহার পশ্চাদ্গমন করিতে লাগিলেন। তিনি দূতমুখে সপ্রেমে বলিলেন, ‘আমি আবার আসিব’। সেই রথের কেতু ও ধূলি যতক্ষণ পর্য্যন্ত নয়নগোচর হইল, গোপীগণ ততক্ষণ চিত্র-পুস্তলিকার শ্রায় পথে দাঁড়াইয়া রহিলেন। তারপর তিনি কিছুতেই ফিরিলেন না দেখিয়া তাঁহারা হতাশ হইয়া কৃষ্ণকথা গান করিতে করিতে দিবা অতিবাহিত করিলেন। রথ অক্রুরসহ কৃষ্ণবলরামকে লইয়া কালিন্দীতীরে উপস্থিত হইল। শ্রীকৃষ্ণ যমুনার জল স্পর্শ ও পান করিয়া তীরস্থ বৃক্ষসমূহ মধ্যে ক্ষণকাল ভ্রমণ করিয়া বলরাম সহ রথে আসিয়া উপবেশন করিলেন। অক্রুর স্নানজল যমুনায় নিমগ্ন হইয়া জপ করিতে করিতে সেই জলমধ্যে রাম ও কৃষ্ণকে দেখিতে পাইলেন। অক্রুর ভাবিলেন, আমি ত এইমাত্র ইহাদিগকে রথে রাখিয়া আসিলাম, তবে কি ইহারা রথে নাই? রথ দেখিয়া আসিলেন, দুইজনই সেখানে বসিয়া আছেন। আবার আসিয়া জলে নামিলেন— তখন দেখিলেন, অনন্তদেবের ক্রোড়ে পীত-কৌষেয়-

বসন-পরিহিত নানা চিহ্ন ও শস্ত্রাভরণে ভূষিত পরম মনোরম এক অপূর্ব মূর্তি—ব্রহ্মাদি মহেশ্বরগণ, সুনন্দ সনক মরীচি প্রহ্লাদ নারদাদি অমলাত্মাগণ পৃথক পৃথক ভাবে ও বাক্যে তাঁহার স্তুতি করিতেছেন। অক্রুর পুলক ও রোমাঞ্চে পরিপূর্ণ হইয়া অশ্রুসিক্তনয়নে কৃতাজ্জলিপুটে গদগদ বাক্যে তাঁহার স্তব করিলেন।

### ৪১—৪৪ অধ্যায়

মথুরায় রজক, ওজ্জ্বায়, মালাকার, কুজ, কুবলয়াসীড়, চাণুর,  
মুষ্টিক, কংস, উগ্রাণেন

অক্রুরকে জলমধ্যে ক্ষণকাল নিজ মূর্তি দেখাইয়া জীভগবান্ অমনি উহা প্রত্যাহার করিলেন। অক্রুর রথে আসিলে জীকৃষ্ণ জিজ্ঞাসা করিলেন, তোমাকে এরূপ দেখিতেছি কেন, তুমি কি অদ্ভুত কিছু দর্শন করিয়াছ? অক্রুর বলিলেন, সকল অদ্ভুতই তোমাতে, তোমাকেই ত দেখিতেছি, আর কি অদ্ভুত দেখিব?—অক্রুর রথ চালাইয়া দিবাবসানে রাম ও কৃষ্ণ সহ মথুরায় আসিয়া উপস্থিত হইলেন। পথে যে যেখানে তাঁহাদিগকে দেখিল, সে সেইখানেই দাঁড়াইয়া রহিল, চোখ ফিরাইতে পারিল না। নন্দ প্রভৃতি ব্রজবাসীগণ কিঞ্চিৎ পূর্বেই আসিয়া এক উপবন-গৃহে তাঁহাদের জগ্ম প্রতীক্ষা করিতেছিলেন। রাম ও কৃষ্ণ তথায় নামিলেন এবং অক্রুরকে রথ লইয়া পুরী প্রবেশ করিতে বলিলেন। অক্রুর বলিলেন, আপনাদিগকে না লইয়া আমি কি করিয়া পুরী প্রবেশ করিব? হে ভক্তবৎসল, আমাকে ত্যাগ করিবেন না, পদধূলি দ্বারা আমার গৃহ পবিত্র করুন। জীকৃষ্ণ বলিলেন, যছুকুলদ্রোহীকে নিধন করিয়া পরে বলদেবের সহিত আমি তোমার গৃহে যাইব। অক্রুর বিমনা হইয়া চলিয়া গেলেন, এবং কংসকে কৃষ্ণ-বলরামের আগমনসংবাদ জানাইয়া স্বগৃহে গমন করিলেন। অপরাহ্নে রাম-কৃষ্ণ গোপগণপরিবৃত হইয়া পুরীদর্শনবাসনায় মথুরায় প্রবেশ করিলেন। তাঁহারা ক্ষটিক-নির্ম্মিত উচ্চ গোপুর, সুবর্ণ কবাট ও তোরণযুক্ত

তান্নিনির্মিত শস্ত্রাগার ও পরিখাবেষ্টিত রম্য-উপবনশোভিতা ঐ পুরী দর্শন করিলেন। স্বর্ণচূড় হস্ত্য, বিভিন্ন শিল্পীশ্রেণীর বিভিন্ন আবাসপন্নী, বিজ্ঞানমন্ডান, অলঙ্কৃত উপবন, জলসিক্ত যব-লাজ-তণুল-সমাকীর্ণ রাজপথ ও পুষ্প-পল্লব-সমন্বিত কুন্তযুক্ত পুরদ্বারাদি দেখিতে পাইলেন। পুরনারীগণ দূর হইতে তাঁহাদিগকে দেখিতে পাইয়া যে যেখানে যাহা করিতেছিল, তাহা ত্যাগ করিয়া তৎক্ষণাৎ ছুটিয়া আসিল। তাহারা বলিল, গোপনারীগণ এমন কি তপস্তা করিয়াছিল যে একরূপ নয়নলোভন রূপ সর্বদা দেখিতে পায়? এইরূপে যাইতে যাইতে শ্রীকৃষ্ণ পশ্চিমধ্যে উত্তম ধৌতবস্ত্রসহ এক রজককে দেখিতে পাইয়া তাহার নিকট বস্ত্র প্রার্থনা করিলেন। বলিলেন, আমাকে বস্ত্র দিলে তোমার মঙ্গল হইবে। দুর্মদ রজক বলিল, এ রাজবস্ত্র, বনচর গোপদের আবার রাজ-বসনে লোভ! শ্রীকৃষ্ণ তখনই সেই দাস্তিকের দেহ হইতে তাহার মস্তক পৃথক করিয়া দিলেন, এবং উৎকৃষ্ট বস্ত্র সকলের কিছু লইয়া নিজে পরিলেন, কিছু অশ্রু গোপগণকে দিলেন, কিছু ভূমিতে ছড়াইয়া ফেলিলেন। একটা তন্তুবায় শ্রীত হইয়া বিচিত্র বসনভূষণে তাঁহাদিগের বেশ সাধন করিয়া দিল, শ্রীকৃষ্ণ তাহাকে ইহলোকে শ্রী ও পরলোকে সারূপ্য প্রদান করিলেন। রাম ও কৃষ্ণ তখন সুদামা নামক মালাকারের গৃহে আসিয়া উপস্থিত হইলেন। সে কৃতার্থস্বয়ং হইয়া তাঁহাদিগকে পাচ্যাদি দ্বারা পূজা করিয়া কৃতাজ্জলিপুটে তাঁহাদের আদেশ যাক্ষ্য করিল এবং উৎকৃষ্ট পুষ্পমালা চন্দনাদি দ্বারা বিভূষিত করিয়া তাঁহাদের স্তুতি করিতে লাগিল। শ্রীকৃষ্ণ তাহাকে বহু বর দিয়া তথা হইতে চলিয়া গেলেন।

রাজপথে গমনকালে শ্রীকৃষ্ণ দেখিলেন, এক বক্রদেহা সুন্দরী ধুবতী অঙ্গবিলেপনপাত্র হস্তে লইয়া যাইতেছে। শ্রীকৃষ্ণ তাহার নাম জিজ্ঞাসা করিলেন ও বলিলেন, এই বিলেপন আমাদিগকে দেও, অচিরে তুমি শ্রেয়োলাভ করিবে। সেই রমণী বলিল, আমার নাম ত্রিবক্রা, আমি কংসের প্রধান

অঙ্গলেপন-দাসী। এ রাজার অতি প্রিয় লেপন, কিন্তু তোমাদিগকে দেখিয়া মনে হইতেছে যে তোমাদের অপেক্ষা ইহার যোগ্য অধিকারী আর কেহ নাই—এই বলিয়া সেই কুজা তাঁহাদের রূপমাধুর্য্য হাশ্বালাপ ও দৃষ্টি দ্বারা একান্ত মুগ্ধ হইয়া তাঁহাদিগকে সেই সমস্ত অবলেপনই দান করিল। তাঁহারা সেই অঙ্গরাগে রঞ্জিত হইয়া অতিশয় শোভা পাইলেন। শ্রীকৃষ্ণ প্রসন্ন হইয়া ঐ কুজা যুবতীকে সরলাঙ্গী করিতে ইচ্ছা করিয়া তখনই তাহার দুই পায়ের উপর নিজ পদদ্বয় স্থাপন করিয়া, দুই অঙ্গুলি দ্বারা তাহার চিবুক ধরিয়া তাহাকে উন্নত ও ঋজু করিয়া দিলেন। সে তখন মুকুন্দস্পর্শে গরীয়সী হইয়া শ্রীকৃষ্ণের উত্তরীয়াঞ্চল আকর্ষণ করিয়া বলিল, হে বীর, এস, এস, আমার গৃহে চল, তুমি আমার চিত্ত মথিত করিয়াছ, তোমাকে এখন আর আমি কিছুতেই ছাড়িয়া দিতে পারিব না। শ্রীকৃষ্ণ বলিলেন, হে সুন্দর, আমি লোকদ্ব্যংগমোচনরূপ প্রয়োজন সিদ্ধ করিয়া গৃহশূণ্য পথিকদের আশ্রয় স্বরূপ তোমার গৃহে আসিব। এই বলিয়া তিনি চলিতে চলিতে স্ত্রীগণের বিশ্রান্ত দৃষ্টি ও বণিকগণ প্রদত্ত মাল্যতাম্বুলাদি দ্বারা অভিনন্দিত হইয়া, পৌরগণ-প্রদর্শিত কংসের ধনুর্যজ্ঞ-শালায় উপনীত হইলেন। গৃহমধ্যে ইন্দ্রধনুর গায় পূজিত এবং বহু রক্ষী পুরুষের দ্বারা রক্ষিত মহা ঐশ্বর্য্যশালী এক ধনুক দেখিতে পাইলেন। ঐ রক্ষিগণের দ্বারা নিবারিত হইয়াও তিনি ঐ ধনুক সবলে গ্রহণ করিলেন। বামহস্তে অবলীলাক্রমে উহাকে তুলিয়া জ্যারোপণ করতঃ স্বর্গমর্ত্যব্যাপী এক ভীষণ শব্দে কংসের ত্রাস জন্মাইয়া উহাকে দুই খণ্ড করিয়া ভাঙ্গিয়া ফেলিলেন। ‘ধর’ ‘মার’ শব্দ করিয়া রক্ষিগণ আসিয়া রাম ও কৃষ্ণ উভয়কে বেষ্টন করিল। তাঁহারাও দুইজনে ঐ ভগ্ন ধনুর এক এক খণ্ড লইয়া ধনুরক্ষিগণকে একে একে নিহত করিলেন। যজ্ঞশালা হইতে বাহিরে আসিয়া যখন তাঁহারা স্বচ্ছন্দে ইতস্ততঃ ভ্রমণ করিতে লাগিলেন, পুরবাসীগণ তখন তাঁহাদের রূপ ও অদ্ভুত বীর্য্য দেখিয়া



তঁাহাদিগকে দেবশ্রেষ্ঠ বলিয়া মনে করিল। গৃহে আসিয়া কংসের অভিপ্রায় অবগত হইয়া তঁাহারা স্নেহে রজনী অতিবাহিত করিলেন। কংস ধনুর্ভঙ্গ ও নিজ সৈন্যনাশের বৃত্তান্ত শুনিয়া প্রকাশে বলিল, ‘ইহা ত খেলা মাত্র’, কিন্তু মনে মনে মহাভয়ে ভীত হইয়া সমস্ত রাত্রি অনিদ্রায় ও হৃৎস্পন্দে কাটাইল। প্রত্যুষে উঠিয়া মল্লক্রীড়া মহোৎসবের আদেশ করিল। তুরী ভেরী বাজিয়া উঠিল, মল্লমঞ্চসকল মাল্যপতাকালঙ্কৃত হইল। পুর-জনপদবাসী দর্শকগণ সমবেত হইল, কংস বিমনা হইয়া রাজমঞ্চে আসিয়া উপবেশন করিল। চাগুর মুষ্টিবাদি মল্লগণ তুমুল বাত্বনাদে ছুট হইয়া রঙ্গভূমিতে আসিয়া প্রবেশ করিল। নন্দাদি গোপগণ তঁাহাদের আনীত উপহার রাজাকে নিবেদন করিয়া একটি নির্দিষ্ট মঞ্চে উপবেশন করিলেন।

অনন্তর রাম ও কৃষ্ণ সেই তুমুল নিনাদ শুনিয়া রঙ্গ-দ্বারে উপস্থিত হইলে কুবলয়্যাপীড় নামে এক প্রকাণ্ড হস্তী মাহুততাড়িত হইয়া তঁাহাদের দিকে ধাবিত হইয়া আসিল। শ্রীকৃষ্ণ যুদ্ধোচিত বেশে সজ্জিত হইয়া হস্তিপককে বলিলেন, অরে, দ্বার ছাড়িয়া দেও, নতুবা এখনই হস্তিসহ যমসদনে যাইবে। হস্তিপ ক্রোধে তঁাহাকে আক্রমণ করিল ; কিন্তু অচিরকালমধ্যেই শ্রীকৃষ্ণ ঐ হস্তীর শুণ্ড গ্রহণ করিয়া তাহাকে ভূপাতিত ও তাহার উভয় দন্ত উৎপাতিত করিয়া ফেলিলেন, এবং ঐ হস্তী ও হস্তিপ উভয়কে যমালয়ে প্রেরণ করিলেন। ঐ দম্ভ স্বক্কে লইয়াই—

মল্লানামশনির্নৃণাং নরবরঃ শ্রীগাং স্মরো মূর্ত্তিমান্

গোপানাং স্বজনোহসতাং ক্ষতিভুজাং শাস্তা অপিত্রোঃ শিশুঃ ।

মৃত্যুর্ভোজপতের্বিরাড়বিহ্বাং তস্বং পরং যোগিনাম্

বৃক্ষীগাং পরদেবতেতি বিদিতো রঙ্গংগতঃ সাগ্রজঃ ॥ ১০।৪৩।১৭

—যিনি মল্লদিগের বজ্রস্বরূপ, নরশ্রেষ্ঠ, শ্রীগণের নিকট মূর্ত্তিমান কাম, গোপদিগের স্বজন, ছুট রাজগণের শান্তিদাতা, নিজ পিতামাতার নিকট শিশু, ভোজরাজ কংসের সাক্ষাৎ মৃত্যু, অবিদ্বানের নিকট বিরাট স্বরূপ মাত্র, যোগিগণের পরমতত্ত্ব এবং ব্রাহ্মগণের দেবতা, তিনি অগ্রজ বলরামসহ রঙ্গস্থলে প্রবেশ করিলেন।

কংস অভিষয় উদ্বিগ্ন হইল। মঞ্চস্থ দর্শকগণের চিত্ত বিক্লিষ্ট হইয়া উঠিল, কিন্তু সেই উত্তম পুরুষদ্বয়কে দেখিবামাত্র তাহারা হর্ষবেশে স্থিরনেত্রে তাঁহাদের বদন সুখাপান করিতে লাগিল। পূর্বে ক্রান্ত উভয়ের সকল কীর্তিকথা কীর্তন করিতে করিতে তাহারা বলিল, ইহারা সাক্ষাৎ নারায়ণ, বশুদেবের গৃহে জন্ম গ্রহণ করিয়াছেন মাত্র। নিশ্চয় ইহারা যদুবংশকে সুবহু যশ ও ক্রী দ্বারা মণ্ডিত করিবেন।—রণতুর্য্যানিনাদে মত্ত হইয়া তখন চাণুর নামক কংসের প্রধান মন্ত্র বলিল, হে নন্দ-গোপপুত্রগণ, মল্লযুদ্ধে তোমাদের কুশলতা শুনিয়া রাজা তোমাদিগকে এখানে আহ্বান করিয়াছেন। শুনিয়াছি, গোপেরা বনে বনে গোচারণ করিতে করিতে মল্লযুদ্ধের ক্রীড়া করে। রাজাজ্ঞা প্রজাগণের অবশ্য পালনীয়। অতএব এস, আমরা এখন সর্ববৃত্তময় রাজার প্রিয়কার্য সাধন করি, সমস্ত প্রাণী আমাদের প্রতি প্রসন্ন হইবে। ক্রীকৃষ্ণ বলিলেন, আমরাও ভোজপতির প্রজা, যদিও বনচর ও বালক। কিন্তু বাহুযুদ্ধ সমান বলশালীদের ভিতর হইলেই সঙ্গত হয়। চাণুর বলিল, তোমরা বালক বা কিশোরও নও, সহস্র হস্তীর সমান বলশালী এক হস্তীকে নিহত করিয়াছ, অতএব তোমরা বলীদের শ্রেষ্ঠ। হে কৃষ্ণ, তুমি আমার সঙ্গে ও বলরাম মুণ্ডিকের সঙ্গে মল্লযুদ্ধ করিয়া তোমরা স্ব স্ব বিক্রম প্রকাশ কর।

উভয় পক্ষে তুমুল মল্লযুদ্ধ আরম্ভ হইল। মঞ্চস্থা রমণীগণ বলিলেন, অহো, রাজসভায় এ কি মহা অধর্ম, এই দুই মহাবলীর সঙ্গে এই দুইটা অল্পবলী সূকুমার বালকের অসম যুদ্ধ রাজা স্বয়ং বসিয়া সকৌতুকে দেখিতেছেন!

ধর্মব্যতিক্রমো হস্ত সমাজস্ত ধ্রুবং ভবেৎ।

যত্রাধর্মঃ সমুত্তিষ্ঠেৎ স্বেয়ং তত্র ক'ইচিৎ ॥

মুগ্ধভাং প্রবিশেৎ প্রাজ্ঞঃ সত্যদোষানমুশ্রবন্।

অক্রবন্ বিক্রবন্নজ্ঞো নরঃ কিস্বিমমুত্তে ॥ ১০।৪৪।১, ১০

—নিশ্চয়ই ইহা সমাজের ধর্মবিরুদ্ধ কার্য হইল। বেখানে অধর্ম হয়,

সেখানে কখনই থাকে উচিত নয়। যেখানে কেহ বা জানিয়াও কিছু বলে না, কেহ বা অজ্ঞতাবশতঃ ‘জানিনা’ বলে, বুদ্ধিমান ব্যক্তি সে সভায় প্রবেশ করিবেন না, করিলে পাপভাগী হন।

অপর। এক রমণী বলিল, তোমরা কি মুষ্টিকের প্রতি ক্রুদ্ধ অথচ হানুদীপ্ত বলভদ্রের মনোজ্ঞ বদনমণ্ডল দেখিতে পাইতেছ না? আবার কেহ কেহ বলিল, এ বালক কৃষ্ণ ত নরদেহধারী সেই পুরাণ পুরুষ। গোপীগণ ধন্যা, না জানি কি তপস্তা করিয়াই উঁহাকে ব্রজভূমিতে পাইয়াছে। মঞ্চোপরি অশ্রুত অবস্থিত রামকৃষ্ণ-বলানভিজ পিতামাতাও শঙ্কিত হইয়া উঠিলেন। কিছুক্ষণ পরস্পরের ঘাতপ্রতিঘাতের পর চাণূর কর্তৃক বক্ষস্থলে আহত হইয়া শ্রীকৃষ্ণ তৎক্ষণাৎ তাহার দুই বাহু ধরিয়া তাহাকে বহুবার ঘূর্ণিত করিয়া সবলে ভূতলে নিক্ষেপ করিলেন, চাণূর গতাস্থ হইল। মুষ্টিকও বলরাম কর্তৃক প্রহৃত ও পীড়িত হইয়া রুধির বমন করিতে করিতে প্রাণত্যাগ করিল। কূট প্রভৃতি দানবতুল্য মল্লেরাও আসিয়া অনুরূপ গতি প্রাপ্ত হইল। কংসপক্ষীয় অস্ত্রাস্ত্র মল্লেরা তখন ভয়ে পলায়ন করিল। রাম ও কৃষ্ণ বয়স্ত্র গোপদিগকে আলিঙ্গন করিয়া তূর্য্যধ্বনির সহিত সেই রঙ্গস্থলে নৃত্য করিতে আরম্ভ করিলেন। বিপ্র ও প্রধানগণ ‘সাদু’ ‘সাদু’ ধ্বনি করিতে লাগিলেন। কংস বাত ও তূর্য্যধ্বনি বন্ধ করিয়া দিয়া বলিলেন, বসুদেবের এই পুত্রদ্বয়কে এখনই পুরী হইতে বাহির করিয়া দেও, দুঃখতি নন্দকে বন্ধন কর, বসুদেবকে বধ কর, আমার পিতা উগ্রসেন শত্রুপক্ষের অনুরাগী, তাহাকেও অনুচরসহ নিধন কর।—কংস এইরূপ বলিলে, অব্যয় শ্রীকৃষ্ণ অতিশয় কোপ প্রকাশ করিয়া লক্ষ দ্বারা কংসের উচ্চ মঞ্চে আরোহণ করিলেন। আপন মৃত্যু সম্মুখে দেখিয়া কংস সহসা উঠিয়া অসিচর্ম্ম গ্রহণ করিল এবং একবার দক্ষিণে একবার বামে বিচরণ করিতে লাগিল। শ্রীকৃষ্ণ অবলীলাক্রমে কংসকে কেশে ধরিয়া মঞ্চ হইতে নীচে নিক্ষিপ্ত করিয়া লক্ষ দিয়া তাহার উপর পড়িলেন। গতপ্রাণ কংসকে তনি সবলে আকর্ষণ

করিতে লাগিলেন। রক্তস্থলে তুমুল হাহাকার ও কোলাহল উপস্থিত হইল। রাজন,—

স নিত্যদোষিণীয়া তমীশ্বরং পিবন্নদন্ বা বিচরন্ স্বপন্ স্বপন্ ।

দদর্শ চক্রাযুধমগ্রতো যতন্তদেব রূপং দ্রুবাণমাপ ॥ ১০।৪৪।৩৯

—কংস পান ভোজন ভ্রমণ শয়ন স্বাস প্রস্থাস সকল সময়েই চক্রধারীকে নিজ সম্মুখে দেখিতেন, অতএব এক্ষণে তাঁহার সেই দুষ্প্রাপ্য রূপই প্রাপ্ত হইলেন। কংসের ভ্রাতারা ক্রুদ্ধ হইয়া যুদ্ধার্থ অগ্রসর হইলে বলদেব তাহাদিগকে অক্লেশে নিহত করিলেন। আকাশে পুষ্পবর্ষণ ও দুন্দুভি-  
নিদাদ হইল। কংস ও তাহার ভ্রাতার জ্রীগণ উচ্চৈঃস্বরে বিলাপ করিয়া বলিল, হায়, আমরা সকল সহ নিহত হইলাম। হা নাথ, তুমি নিরপরাধ প্রাণীসকলের প্রতি অত্যাচার করিয়াছিলে, তাই এই দশা প্রাপ্ত হইলে—‘ভূতধ্বং কো লভেত শম্’—জীবের প্রতি দ্বেষ করিয়া কে কল্যাণ লাভ করিতে পারে?—

সর্বেষামিহ ভূতানামেষ হি প্রভবাপ্যয়ঃ ।

গোপ্তা চ তদবধ্যায়ী ন কচিৎ সুখমেধতে ॥ ১০।৪৪.৪৮

—তাঁহা হইতেই সকল ভূতের উৎপত্তি, তাঁহাতেই লয়। তিনি সকলের পাপনকর্তা, যে তাঁহাকে অবজ্ঞা করে, সে কখনও সুখী হইতে পারে না।

শ্রীকৃষ্ণ সকলকে প্রবোধ দিয়া কংসাদি সকলের অন্ত্যেষ্টিক্রিয়া করাইলেন। পিতামাতার বন্ধন মুক্ত করিয়া তাঁহাদের চরণ মস্তক দ্বারা স্পর্শ করিয়া প্রণাম করিলেন। তাঁহারা ইহাদিগকে ঈশ্বরবোধে শঙ্কিত হইয়া আলিঙ্গনও করিতে পারিলেন না। X

### ৪৫ অধ্যায়

কৃষ্ণ, নন্দ, যশোদা, সান্দীপনি, বৃভপুত্র

শুকদেব বলিলেন, রাজন, শ্রীকৃষ্ণ সম্বন্ধে প্রণাম করিয়া বলিলেন, হে পিতঃ, হে মাতঃ, আমাদের জন্ত আপনারা সর্বদা কেবল উৎকর্ষাই ভোগ করিয়াছেন, কখনও কোন সুখ হয় নাই। দুর্ভাগ্য আমরাও পিতৃগৃহে লালিত হওয়ার আনন্দ হইতে বঞ্চিত

সর্বার্থসম্ভবো দেহো জনিতঃ পোষিতো যতঃ ।

ন তয়োর্ধাতি নির্বেশং পিত্রোর্মর্জ্যঃ শতায়ুষা ॥

যন্তয়োরাশ্রজঃ কল্য আশ্রনা চ ধনেন চ ।

বুত্তিং ন দত্ত্বাং তং প্রেত্য স্বমাংসং খাদয়ন্তি হি ॥

মাতরং পিতরং বুদ্ধং ভাৰ্য্যাং সাধবীং স্নতং শিশুম্ ।

গুরুং বিপ্রং প্রপন্নঞ্চ কল্যাণবিভ্রচ্ছসন্ যুতঃ ॥ ১০।৪৫।৫,৬,৭

—যে দেহ দ্বারা সকল প্রয়োজন সিদ্ধ হইতে পারে সেই দেহ, যাহাদের দ্বারা জাত ও পুষ্ট হইয়াছে, মনুষ্য শত বর্ষ পরমায়ু পাইলেও সেই পিতামাতার ঋণ পরিশোধ করিতে পারে না। যে পুত্র সমর্থ হইয়াও দেহ এবং ধন দ্বারা পিতামাতাকে ভরণপোষণ করে না, মৃত্যুর পর ষমদূতেরা তাহাকে নিজের মাংসই খাওয়ায়। বুদ্ধ পিতামাতা সতী ভাৰ্য্যা শিশুসন্তান গুরু ব্রাহ্মণ এবং আশ্রিতকে যে পোষণ করে না, সে মৃতভূত্য।

আমরাও পরতন্ত্র, ছুরাশ্রা কংসের দ্বারা পীড়িত হইয়া এতদিন যে আপনাদের সেবা করিতে পারি নাই, তজ্জন্ম ক্ষমা করুন।— বসুদেব ও দেবকী তাঁহাদিগকে ক্রোড়ে লইয়া ও আলিঙ্গন করিয়া পরম আনন্দ লাভ করিলেন। তখন শ্রীকৃষ্ণ মাতামহ উগ্রসেন নিকট গিয়া বলিলেন, আপনি যত্নকুলের অধিপতি, আমি আপনার সমীপেই থাকিব, তাহা হইলে অশ্ব নরপতিগণ এবং দেবগণও আপনাকে কর প্রদান করিবেন। শ্রীহরি কংসভয়ে পলায়িত যত্নগণকে নানা স্থান হইতে আনাইয়া বিত্তাদি দ্বারা তৃপ্ত করিয়া স্ব স্ব গৃহে স্থাপন করিলেন। নন্দের নিকট গিয়া বলিলেন, আপনার আমাদিগকে স্নেহপূর্বক পালন করিয়াছেন, অসমর্থ আত্মীয়কর্তৃক পরিত্যক্ত শিশুকে যাহারা পালন করেন, তাঁহারাই তাহার পিতামাতা। আপনারা এক্ষণে ব্রজে গমন করুন, আমরা এখানকার সুহৃদগণের স্বাচ্ছন্দ্যের বিধান করিয়া আপনাদিগকে দেখিতে ব্রজে যাইব। বসনভূষণপাত্রাদি বহু উপকরণ ও সাধনা দ্বারা পূজিত হইয়া বন্দ প্রণয়বশতঃ বিহবল হইয়া পড়িলেন, এবং পরে তাঁহাদিগকে আলিঙ্গন করিয়া অশ্রুপূর্ণ নেত্রে গোপগণসহ বিদায় গ্রহণ করিলেন। <বসুদেব, গর্গ ও অন্যান্য ব্রাহ্মণ আনাইয়া পুত্রদ্বয়ের উপনয়নসংস্কার ও ব্রহ্মচর্য্য পালন করাইলেন।

সর্ব বিচার মূল হইলেও সেই গুট আত্মীয় গুরুকুলে বাস জন্ম কানী-  
দেশজাত অবস্খীপূরবাসী সান্দীপনি মুনির নিকট গিয়া তাঁহার সেবা  
করিয়া চতুষষ্টি দিনেই উপনিষদসহ অখিল বেদ-বেদাঙ্গ দর্শন তর্ক  
মধাদি শাস্ত্র ছয় প্রকার রাজনীতি প্রভৃতি চতুষষ্টিকলা বিদ্যা গ্রহণ  
করিলেন। তাঁহারা গুরুদক্ষিণা দিতে ইচ্ছা প্রকাশ করিলে, মুনি নিজ  
পত্নীসহ পরামর্শ করিয়া তাঁহাদের এক পুত্র পূর্বে যে প্রভাস তীর্থে  
সমুদ্রগর্ভে বিনষ্ট হইয়াছিল, শিষ্যদ্বয়ের অতিমানুষ্য প্রভাব বুঝিয়া  
সেই পুত্রপ্রাপ্তির অভিপ্রায় জানাইলেন। ত্রীকৃষ্ণ প্রভাসে গিয়া  
সমুদ্রের নিকট বালক চাহিলেন। সমুদ্র বলিল, আমি তাহাকে  
নেই নাই, পঞ্চজন দৈত্য নিয়া থাকিতে পারে। পঞ্চজনের  
নিকট গিয়া তৎক্ষণাৎ তাহাকে বধ করিলেন, কিন্তু শিশু  
পাইলেন না। ত্রীকৃষ্ণ সেই শঙ্খাসুরের দেহোৎপন্ন বিচিত্র শঙ্খ  
লইয়া রথে আসিলেন। সংযমন নামক যমপুরীতে গেলেন, যম  
বহু স্তব স্তুতি করিয়া তখনই বালক আনিয়া দিল। মুনিকে  
গুরুদক্ষিণা দিলে গুরু বলিলেন,—

গচ্ছতং স্বগৃহং বীরৌ কীর্তিবীমস্ত পাবনী।

ছন্দাংস্যাযাতযামানি ভবন্তিহ পরত্র চ ॥ ১০।৪৫।৪৮

—হে বীরদয়, স্বগৃহে যাও, তোমরা পবিত্র কীর্তি লাভ কর, তোমাদের  
অধীত বিদ্যা ইহপরকালে কার্য্যকরী হউক।

এইরূপে অনুজ্ঞাত হইয়া তাঁহারা রথারোহণে স্বপুরে প্রত্যাগমন  
করিলেন, প্রজাগণ যেন বিনষ্ট ধন পুনঃপ্রাপ্ত হইয়া মহাদুর্ঘ  
প্রকাশ করিতে লাগিল।

### ৪৬—৪৭ অধ্যায়

ব্রজে উদ্ধব, গোপীগণ, ভ্রমর গীতা

শ্রীভগবান্ একদিন বৃষ্ণিকুলের শ্রেষ্ঠ মন্ত্রী বৃহস্পতির শিষ্য  
অতিবুদ্ধিমান প্রিয় সুহৃদ উদ্ধবের হাত ধরিয়া নির্জনে বলিলেন,  
সখে, তুমি ব্রজে গমন করিয়া নন্দ যশোদার প্রীতিবর্দ্ধন এবং  
আমার বিরহজনিত গোপীদিগের সন্তাপ দূর কর।—

তা মন্বনক্কা মৎপ্রাণা মদর্থে ত্যক্তদৈহিকাঃ ।

মামেব দয়িতং প্রেষ্ঠমাত্মানং মনসা গতাঃ ।

যে ত্যক্তলোকধর্ম্যাশ্চ মদর্থে তান্ বিভ্রম্যাহম্ ॥ ১০।৪৬।৭

—তাহারা আমাগতমনপ্রাণ, আমার জন্তই সমস্ত দেহ-স্বার্থ ত্যাগ করিয়াছে, আমি তাহাদের প্রিয়তম আত্মা, তাহারা মন দ্বারা আমাকে প্রাপ্ত হইয়াছে। বাহারা আমার জন্ত লোকধর্ম বিসর্জন দিয়াছে, আমি তাহাদিগকে পালন করি।

আহা, আমি যে আবার আসিব বলিয়াছিলাম, তাহারা নিশ্চয়ই সেই বাক্যে আশ্বস্ত হইয়া আমাকে স্মরণ করিয়া কোনরূপে জীবন ধারণ করিয়া আছে।—উদ্ধব নিজ প্রভুর এই বাক্য সাদরে গ্রহণ করিয়া রথারোহণে সূর্যাস্তকালে নন্দব্রজে উপস্থিত হইলেন। গোদোহনরতা গোপীগণ তখন রাম ও কৃষ্ণের গুণগাথা গাইতে-ছিলেন। তাঁহাদিগের গৃহসকল ধূপ দীপ মাল্যে মনোহর শোভা ধারণ করিয়াছিল। নন্দ শ্রীকৃষ্ণের সেই প্রিয় সখাকে কৃষ্ণতুল্য অর্চনা করিলেন। উত্তম অন্ন ও শয়নে গতশ্রম হইলে উদ্ধবকে বশুদেবাদি সকলের কুশল জিজ্ঞাসা করিয়া বলিলেন, উদ্ধব, গোবিন্দ কি আমাদের স্মরণ করেন? আর একবার কি আমরা এই ব্রজে তাঁহার সুন্দর মুখখানা দেখিতে পাইব? ব্রজধামে ও মথুরায় তাঁহার কীর্তিসকল কীর্তন করিয়া নন্দ ও যশোদা অশ্রুপাত করিতে লাগিলেন। উদ্ধব বলিলেন, নন্দ, তোমরা ধন্য যে সেই পরম পুরুষ নারায়ণে পরমা ভক্তি লাভ করিয়াছ। তিনি শীঘ্রই ব্রজে আসিবেন। তবে, দেখ, ইহাও মনে রাখিও যে কাষ্ঠমধ্যে লুক্কায়িত অগ্নির ত্রায় তিনি সকল দেহীর অন্তরেই নিহিত আছেন।—

ন হস্যাস্তি প্রিয়ঃ কশ্চিৎপ্রিয়োহবাস্ত্যমানিনঃ ।

নোক্তমো নাধমো বাপি সমানস্যাসমোহপি বা ॥

ন মাতা ন পিতা ন ভাৰ্য্যা ন স্ত্রীতাদয়ঃ ।

নাস্মায়ো ন পরশ্চাপি ন দেহো জন্ম এব চ ॥

ন চাস্য কৰ্ম বা লোকে সদসম্মিশ্রবোনিষু ।

ক্ৰীড়ার্থঃ সোহপি সাধুনাং পরিজ্ঞাণায় কল্পতে ॥ ১০।:৬।৩৭-৩৯

— তাঁহার প্রিয় অপ্রিয় উত্তম অধম সমান অসমান মাতা পিতা জ্ঞী পুত্র আত্মীয় পর দেহ জন্ম কৰ্ম কিছুই নাই। ক্ৰীড়ার জন্ত এবং সাধুগণের পরিজ্ঞাণের উদ্দেশ্যে তিনি সকল বোনিতেই দেহ ধারণ করেন।

কুণ্ডকারের ঘূর্ণ্যমান চক্রে দৃষ্টি নিবদ্ধ থাকিলে যেমন মনে হয় সমস্ত ভূমিই ঘুরিতেছে, সেইরূপ অহংদৃষ্টিনিবদ্ধ মানব মনে করে ‘আমিই কর্তা’। তিনি ত যেমন তোমাদের, তেমন সর্বজীবেরই পুত্র পিতা মাতা সখা সুহৃদ সকল-ই।—এইরূপ কথোপকথনে রজনী অতিবাহিত হইলে গোপীগণ দীপ জ্বালিত করিয়া সকল-মঙ্গলকারী কৃষ্ণগুণ গান করিতে করিতে দধিমস্থনে প্রবৃত্তা হইলেন। অরুণোদয়ে গোপ ও গোপীগণ ব্রজদ্বারে আসিয়া বিস্মিতনেত্রে একখানি স্বর্ণমণ্ডিত রথ দেখিয়া পরস্পর বলিতে লাগিল, এ কি, আবার সেই কৃষ্ণাপহারী অক্রুর আসিল নাকি? আমাদের দেহদ্বারা এবার কি তবে অক্রুর তাহার মৃত প্রভু কংসের পিণ্ডদান করিবে? এমন সময়ে, কৃতাত্মিক উদ্ধব আসিয়া সেই স্থানে উপনীত হইলেন।

শ্রীকৃষ্ণের ত্রায় বেশভূষাধারী অনিন্দ্যসুন্দরমূর্তি সেই পুরুষকে দেখিয়া গোপীগণ পরস্পর বলিলেন, ইনি কে? তারপর, সুখাসনে উপবিষ্ট উদ্ধবকে শ্রীকৃষ্ণের বার্তাবহ জানিয়া সমুচিত সংবর্দ্ধনাসহ তাঁহাকে বেষ্টন করিয়া সলজ্জ হাস্যাবলোকনে বলিলেন, বৃঞ্চিলাম, তুমি শ্রীকৃষ্ণের সখা, পিতামাতার প্রিয়কাম হইয়া তিনি তোমাকে এখানে পাঠাইয়াছেন। আমরা জানিতাম,

স্নেহানুবন্ধো বন্ধুনাং মূনেরপি সুহৃৎস্বজঃ । ১০।৪৭।৫

—বন্ধুগণের প্রতি স্নেহবন্ধন মূনিরাও সহজে ছিন্ন করিতে পারেন না।

কিন্তু দেখিতেছি, ব্রজে আর কিছুই তাঁহার স্মরণীয় নাই। জ্ঞীগণের প্রতি পুরুষের মৈত্রী কার্যনিমিত্ত মাত্র, যেমন পুষ্পগণের প্রতি অলিকুলের—



নিঃস্বং ত্যজন্তি গণিকা অকলাং নৃপতিং প্রজাঃ ।

অধীতবিদ্য আচার্য্যমুদ্ভিজো দত্তদক্ষিণম্ ॥

ধগা বীতফলং বৃক্ষং ভুক্তা চাতিথয়ো গৃহম্ ।

দধ্বং মৃগাস্তথারণ্যং জারা ভুক্তা রতাং স্ত্রিয়ম্ ॥ ১০।৪৭।৭,৮

—বেশারা নির্ধন পুরুষকে, প্রজাগণ পালন করিতে অক্ষম রাজাকে, বিদ্যালাভ সমাপ্ত হইলে শিষ্য আচার্য্যকে, ঋত্বিকেরা দক্ষিণা দেওয়া হইয়া গেলে বজ্রমানকে, পক্ষিগণ ফলশূন্য বৃক্ষকে, অতিথিগণ ভোজনাঙ্কে গৃহস্থের গৃহকে, মৃগগণ দধ্ব অরণ্যকে, এবং উপপতিগণ ভোগাঙ্কে ভুক্তা স্ত্রীকে পরিত্যাগ করে ।

রাজন্, গোপীগণের বাক্য কায়। ও মন যে একেবারে গোবিন্দগত ছিল, তাই উদ্ধবদর্শনে গোবিন্দ-স্মৃতি-সন্তুপ্ত। সেই গোপীগণ লোক-ব্যবহার বিসর্জন দিয়া নিলজ্জার ছায় নানা জনে নানা বাক্য বলিতে লাগিল। কৃষ্ণসঙ্গম ধ্যান করিতে করিতে কোন গোপী একটি ভ্রমরকে দেখিয়া তাহাকে প্রিয়প্রেরিত দূত মনে করিয়া বলিল; হে ধূর্তের বন্ধু, তুমি আমার চরণ স্পর্শ করিও না । আমাদের যে সকল প্রণয়-প্রতিদ্বন্দ্বিনীগণের মাল্যের কুচ-কুঙ্কম-স্পর্শে তোমার শাশ্রু গীতবর্ণ হইয়াছে, মধুপতি শ্রীকৃষ্ণ সেই মানিনী-দিগকেই প্রসন্ন করুন, নতুবা তিনি যত্ন-সভায় লাঞ্চিত হইবেন । ভ্রমর, তুমি যেমন মধু-নিঃশেষিত পুষ্পকে ত্যাগ কর, মধুপতিও তেমন তাঁহার অধর-সুখা একবার মাত্র পান করাইয়া আমাদের দিগকে ত্যাগ করিয়া গিয়াছেন । এইরূপ আপাত-মধুর বাক্যে ভুলিয়াই লক্ষ্মী আজও তাঁহার পদসেবা করিতেছেন । আমাদের কাছে তুমি কেন সেই পুরাতন বন্ধুর গুণ গাইতেছ ? তিনি এখন যাহাদের প্রণয়-গীড়ার উপশম করিতেছেন, তাহাদের কাছে যাও, তাহারাই তোমার অভীষ্ট পূরণ করিবে । স্বর্গে মর্ত্যে কোন স্ত্রী সেই কপটসুন্দর হাশ্বযুক্ত মুখের ছুস্পাপ্য ? স্বয়ং লক্ষ্মী যাহার পদরঞ্জের কামনা করেন, তাঁহার নিকট আমরা কি ? তথাপি বলি, দীনজনের জগ্গাই তাঁর উত্তমঃশ্লোক নাম । ঘটপদ, তোমার মাথায় যে আমার পা দিয়াছ, তাহা ছাড় ; সেই কপটীর নিকট

তুমি অনেক চাটুবাক্য শিখিয়াছ, আমরা জানি। গৃহ, পতি, পুত্র, এমন কি পরকাল পর্য্যন্ত আমরা তাঁহার জ্ঞান বিসর্জন করিয়াছি—  
যে অকৃতজ্ঞ এই কথাও ভুলিতে পারে, তাহার সঙ্গে আবার সন্ধি কি ? মধুকর, তিনি ব্যাধের আয় কপিরাজকে বধ করিয়াছিলেন, তাঁহারই রূপে মুক্কা এক নারীকে বিকৃতাক্ষী করিয়াছিলেন, বলির বলি গ্রহণ করিয়াও কাকের আয় তাহাকে বন্ধন করিয়াছিলেন, সেই অসিতের সহিত আবার সখ্য কি ?—কিন্তু হায়, তাঁহার প্রসঙ্গ যে ছুস্ত্যজ ! কত যোগী তাঁর চরিতকথা একবার মাত্র শুনিয়া সকল দ্বন্দ্বভাব ও দীন কুটুম্বগণকে ত্যাগ করিয়া অরণ্যচারী পক্ষীর আয় ভিক্ষা করিয়া কোনরূপে জীবন ধারণ করিয়া আছে। কি করিব, তাঁর লীলাকথা যে অমৃতবর্ষী, নতুবা ব্যাধশর-বিদ্ধা হরিণীর আয় নিজ বকের ক্ষত দেখিয়াও আবার আমরা সেই কঠিনের সেই সকল প্রণয়কথাই স্মরণ করিয়া কাম-মুক্কা হইতেছি কেন ?  
হে ছুষ্টের মন্ত্রী মধুকর, তুমি অণু কথাই বল, ও কথা আর বলিও না।—প্রিয়ের বন্ধু, তুমি কি আবার আসিলে ? প্রিয় কি তোমাকে আবার পাঠাইলেন ? তুমি প্রিয়প্রেরিত, স্তুতরাং আমাদের আদরণীয়। কি পাইতে চাও, বল। লক্ষ্মী ত সতত তাঁহার বক্ষস্থলে লগ্ন হইয়া আছেন, তথাপি তিনি অণু সঙ্গ কিছুতেই ত্যাগ করিতে পারেন না—এমন লোকের কাছে আমাদের আবার কেন লইয়া যাইবে ?—এই সকল কথা বলিয়া সেই গোপী কিঞ্চিৎ প্রকৃতিস্থা হইয়া সমীপোপবিষ্ট উদ্ধবকে সম্বোধন করিয়া বলিলেন, হে সৌম্য, আর্যপুত্র কি এখন মধুপুরে আছেন ? তিনি পিতৃগৃহ ও গোপবন্ধুগণকে কি স্মরণ করেন ? এই দাসীদের কথা কি কখনও বলেন ? তাঁহার অগুরু-সুগন্ধি হস্ত কবে আসিয়া আবার আমাদের মস্তকে গুস্ত করিবেন ?

উদ্ধব বলিলেন, অহো, তোমরা সিদ্ধকাম, কারণ, তোমাদের মন এমন ভাবে ভগবান বাসুদেবে সমর্পিত হইয়াছে। দান ব্রত হোমাদি তাঁহার প্রতি ভক্তি সাধনেরই পথ। তোমাদের কি

সৌভাগ্য যে, তোমরা সেই উত্তমঃশ্লোকের প্রতি মূনিগণদ্বর্জিত অতি শ্রেষ্ঠা যে ভক্তি, তাহাই লাভ করিয়াছ, গৃহ পতিপুত্র স্বজন ও দেহ পর্য্যন্ত দিয়া কৃষ্ণনামা সেই পরম পুরুষকেই বরণ করিয়াছ। হে মহাভাগ্যবতীগণ, তোমাদের এই কৃষ্ণবিরহ আমার প্রতিই তাঁর অম্লগ্রহের দান। ভদ্রাগণ, তোমাদের ভর্তা শ্রীকৃষ্ণের গোপ্য কর্মসকল আমিই করি, এক্ষণে আমার নিকট তোমাদের প্রিয়ের প্রেরিত সুখকর বার্তা শোন।—শ্রীভগবান্ তোমাদিগকে বলিয়াছেন, ‘তোমাদের সহিত আমার বিয়োগ কখনও নাই, আমি ত সর্বদা আকাশাদি পঞ্চমহাভূত যেমন সকল ভূতেরই আশ্রয়, আমিও তেমন জীবের সকল মনোবৃত্তির আশ্রয়স্থল। মনই মিথ্যা স্বপ্নের জায় বিষয়ের আরাধনা করে, মনের নিরোধই সর্বশাস্ত্রের তাৎপর্য্য বাক্য। আমার ধ্যানকাম হইয়া সর্বদা তোমাদের মন আমার কাছে থাকিবে, সেই জন্তই আমি দূরে রহিয়াছি। প্রিয়তম দূরে থাকিলেই শ্রীগণের মন তাহার প্রতি অধিকতর আকৃষ্ট হয়, সর্বদা নিকটে থাকিলে তেমন হয় না। মনকে সমস্ত বিষয়বৃত্তি হইতে নিরস্ত এবং আমাতে সম্পূর্ণ আবিষ্ট করিয়া অল্পক্ষণ আমাকে স্মরণ কর, অচিরে আমাকে পাইবে। হে কল্যাণীগণ, রাসরজনীতে ব্রজের দূরবনে থাকিয়া আমি যখন ক্রীড়া করিতেছিলাম, তখন যে সকল ব্রজশ্রীগণ সেই রাস-ক্রীড়ায় আসিতে পারিল না, তাহারা আমার লীলার চিন্তায় আবিষ্ট হইয়া দেহত্যাগ করিয়া আমাকেই প্রাপ্ত হইয়াছে।’—রাজন, প্রিয়তমের এই আদেশ শ্রবণ করিয়া সেই ব্রজাঙ্গনাগণ চৈতন্যলাভ করিয়া বলিলেন, ভাগ্যে যদুকুলদেবী কংস অম্লচরগণ সহ নিহত হইয়াছে, ভাগ্যে অচ্যুত এখন সিদ্ধকাম আশ্রয়গণের সহিত কুশলে আছেন। সৌম্য, শ্রীকৃষ্ণ আমাদের প্রতি যে প্রীতি করিতেন, মধুপুরীর শ্রীগণের প্রতিও কি সেইরূপ প্রীতি করেন? তাঁহারাও কি স্নিগ্ধ সলজ্জ হাস্য ও অবলোকনাদি দ্বারা আমাদের মত তাঁহার অর্চনা করেন? তিনি ত রতিজ্ঞ, পুরনারীদের প্রিয়, তবে কেনই বা তাঁহাদের বাক্য ও বিলাসাদি দ্বারা

অম্বরভুত হইবেন না? হে সাধু, সেই পুরজীগণমধ্যে কথাপ্রসঙ্গে কখনও কি তিনি এই গ্রাম্যাগণকে স্মরণ করেন? সেই সকল রাত্রি কি তিনি কখনও স্মরণ করেন, যখন কুমুদ-কুন্দ-পুষ্প ও শশাঙ্ক-শোভিত এই বৃন্দাবনে নৃপুর-শব্দিত রাসচক্রে মনোমুগ্ধকর কথা বলিতে বলিতে তিনি এই প্রিয়াদিগের সহিত ক্রীড়া করিয়াছিলেন? ইন্দ্র যেমন নিদাঘ-তপ্ত বনকে বারিবর্ষণ দ্বারা সঞ্জীবিত করেন, সেই দাশার্হ কি তেমন তন্মিম্বশোক-সম্ভৃতা আমাদিগকে গাত্রস্পর্শ দ্বারা সঞ্জীবিত করিতে এখানে আসিবেন? কিন্তু, কেনই বা আসিবেন? তিনি এখন শত্রু বিনাশ করিয়া রাজ্যলাভ করিয়াছেন, সুহৃদগণে পরিবৃত হইয়া সুখে আছেন, বহু রাজকন্যাও বিবাহ করিয়াছেন। বনচারিণী আমাদের দ্বারা বা অন্টা রমণীদ্বারা সর্বসিদ্ধ তাঁহার কোন্ অসিদ্ধ প্রয়োজন সিদ্ধ হইতে পারে? সৈরিক্কাঁ পিঙ্গলা বলিয়াছিল, নৈরাশুই সুখ। তাহা ত জানি, তথাপি আশা যে আমরা কিছুতেই ছাড়িতে পারিতেছি না, কি করিব? স্বয়ং লক্ষ্মীরও ঐ অবস্থা। কৃষ্ণবলরামসেবিত এই নদী, পর্বত, বনদেশ, গো, বেগুরব—এই সকলই যে পুনঃপুনঃ আমাদিগকে সেই নন্দগোপসুতকেই স্মরণ করাইয়া দেয়। এই ত্রীনিকেতন বৃন্দাবনে তাঁহার পদ-চিহ্ন বিद्यমান থাকা পর্য্যন্ত তাঁহার মধুর বাক্য ও ললিত হাস্যাবলোকনাদির দ্বারা মুগ্ধচিত্তা আমরা। তাঁহাকে কিছুতেই যে ভুলিতে পারিতেছি না। হে নাথ, হে রমানাথ, হে ব্রজনাথ, হে গোপীগণের সকল আর্তিহারিন, দুঃখসাগরে মগ্ন এই গোকুলকে উদ্ধার কর!

রাজন, তৎপর উদ্ধব-দত্ত ত্রীকৃষ্ণের বার্তায় সকল বিরহ-দুঃখ পরিত্যাগ করিয়া ব্রজ-জীগণ ত্রীকৃষ্ণকে স্বয়ং পরমাত্মা জানিয়া ত্রীউদ্ধবের পূজা করিলেন।— হরি-দাস উদ্ধব কয়েক মাস ব্রজে বাস ও অনুক্ষণ কৃষ্ণকথা গান করিয়া গোকুলবাসী সকলকে আনন্দিত করিয়াছিলেন। পরম প্রীত হইয়া ও গোপীদের উদ্দেশে নমস্কার করিয়া তিনি বলিলেন, সেই বিশ্বাত্মায় পরম প্রেমবতী এই গোপীগণের জন্ম সফল। ইহারা ভজাচারানভিজ্ঞা বনচরী, কিন্তু

ঈশ্বর ত ভজনশীল অজ্ঞজনেরও সকল মঙ্গলই বিধান করেন—

নায়ং শ্রিয়োহঙ্গ উ নিতাস্তরতেঃ প্রসাদঃ স্বর্ঘোষিতাং নলিনগন্ধকুচাং কুতোহস্তাঃ ।  
 রাসোৎসবেহস্ত ভুজদণ্ডগৃহীতকণ্ঠলল্লাশিষাং য উদগাদ ব্রজবল্লবীনাম্ ॥  
 আসামহো চরণরেণুজ্বামহং স্তাং বৃন্দাবনে কিমপি গুল্মলতোষধীনাম্ ।  
 বা হস্ত্যাজ্ঞ স্বজনমার্যাপথঞ্চ হিত্বা ভেজুম্ কুন্দপদবীং শ্রুতিভির্বিমৃগ্যাম্ ॥

বন্দে নন্দব্রজস্রীণাং পাদরেণুমভীক্ৰুশঃ ।

যাসাং হরিকথোদগীতং পুন্যতি ভুবনত্রয়ম্ ॥ ১০।৪৭।৬০-৬১,৬৩

—নিজ অঙ্গে একান্তসংলগ্না লক্ষ্মীর প্রতি বা পদ্মগন্ধা পদ্মবর্ণা স্বর্গবাসী  
 অম্বরগণের প্রতিও এ অমুগ্রহ হয় নাই—অতী ত দূরের কথা—যে অমুগ্রহ  
 রাসোৎসবে বাহু দ্বারা আলিঙ্গিতকণ্ঠা তাঁহার আশিসললা স্রীগণ লাভ করিয়াছিল ।  
 আহা, আমি যেন ইহাদের পদরেণুসেবী বৃন্দাবনের গুল্মলতা ওষধিগণ  
 মধ্যে যে কোন একটা হই, যেহেতু ইহার হস্ত্যাজ স্বজনগণ, এমন কি সদাচারের  
 রীতি পর্য্যন্ত উপেক্ষা করিয়া শ্রুতিগণেরও অরেষণীয় মুকুন্দের পদ ভজনা  
 করিয়াছেন । আমি নন্দব্রজস্রীগণের পদরেণু নিয়ত ভজন করি, যাহাদের  
 হরিকথাগীত লোকত্রয় পবিত্র করে ।

নন্দ যশোদা ও অত্যাগত গোপ-গোপীগণের নিকট অমুমতি লইয়া  
 উদ্ধব গোপগণ ও নানা উপহার সহ রথারোহণে ব্রজ-দ্বারে উপস্থিত  
 হইলে গোপগণ অশ্রুপূর্ণ নেত্রে বলিলেন,—

মনসো বৃত্তয়ো নঃ স্তাঃ কৃষ্ণপাদাধুগাশ্রয়াঃ ।

বাচোভিধায়িনীর্নাম্নাং কায়ন্তৎ প্রহবণাদিষু ॥

কর্শ্মভির্ভ্রাম্যমাণানাং যত্র কাপীষ্মরেচ্ছয়া ।

মঙ্গলাচারিতৈর্দানৈ রতিনঃ কৃষ্ণে ঈশ্বরে ॥ ১০।৪৭।৬৬-৬৭

—আমাদের মনোবৃত্তিসকল কৃষ্ণপাদপদ্ম আশ্রয় করুক, বাণীকল কৃষ্ণনাম  
 উচ্চারণ করুক । ঈশ্বর-ইচ্ছায় স্বকর্শ্মবশে আমরা যেখানেই ভ্রমণ করি, আমাদের  
 মঙ্গলাচরণ ও দানের দ্বারা ঈশ্বর কৃষ্ণে রতি হউক ।

উদ্ধব এইরূপে সম্মানিত হইয়া কৃষ্ণপালিতা মথুরায় প্রত্যাবর্তন  
 করিলেন, শ্রীকৃষ্ণকে প্রণাম করিয়া গোপগণের প্রদত্ত উপহারসকল  
 উগ্রসেন বলরাম ও শ্রীকৃষ্ণকে দিলেন, এবং তাঁহার নিকট গোপীদের  
 ঐকান্তিক প্রেমের কথা নিবেদন করিলেন ।

## ৪৮-৪৯ অধ্যায়

কুজাগৃহ, অক্রুর, হস্তিনায় কুন্তী যুভরাষ্ট্র

একদিন শ্রীকৃষ্ণ পূর্ব প্রতিশ্রুতিমতে সৈরিন্দ্রী কুজার প্রীতি-সম্পাদন জন্য উদ্ধবসহ তাহার গৃহে আসিলেন। সে তৎক্ষণাৎ উঠিয়া সখিসমেত শ্রীকৃষ্ণের নিকট গিয়া উৎকৃষ্ট আসনাদি দ্বারা উভয়ের পূজা করিল। শ্রীকৃষ্ণ তাহার মনোরঞ্জন করিলেন। অবলোপনদান মাত্র সামান্য পুণ্যবলে কুজা এই অসামান্য অমুগ্ধ লাভ করিল। সে বলিল, প্রিয়তম, এখানে আমার সহিত কিছু দিন বাস ও ক্রীড়া কর। তোমাকে ছাড়িয়া আমি আর থাকিতে পারিব না। রাজন, ঐ রমণী কি ছুর্ভাগ্য, তুচ্ছ অঙ্গরাগ অর্পণ দ্বারা কৈবল্যনাথ দুষ্প্রাপ্য ঈশ্বরকে কাছে পাঠিয়াও সে এই ক্ষুদ্র দৈহিক প্রার্থনা করিল।

দুরারাম্যং সমারাম্য বিষ্ণুং সর্বৈশ্বরেশ্বরম্।

যো বৃণীতে মনোগ্রাহমসম্বাৎ কুমনীশ্বসৌ ॥ ১০।৪৮।১১

—সকল শক্তির অধীশ্বর দুরারাম্য বিষ্ণুর আরাধনা করিয়া যে তাঁহার নিকট দৈহিক ভোগ প্রার্থনা করে, সে নিতান্ত কুবুদ্ধি।

শ্রীভগবান্ কুজাকে যথোচিত সম্মান ও বরদান করিয়া তথা হইতে উদ্ধবসহ অক্রুরগৃহে গমন করিলেন। অক্রুর বহু বসনভূষণ আসন ও পাদপ্রক্ষালনজল ধারণ দ্বারা তাঁহাদের পূজা, এবং প্রণত হইয়া উভয়ের স্তব করিলেন। শ্রীভগবান্ বলিলেন, মহাত্মন, আপনাদের আয় মহাভাগগণ মঙ্গলকামী ব্যক্তিদের নিত্য সেবা।

‘দেবাঃ স্বার্থাঃ ন সাধবঃ’। ১০।৪৮।৩০

—দেবতারা স্বার্থপর, সাধুগণ তজ্জপ নহেন।

নহন্যায়ানি তীর্থানি ন দেবা মুচ্ছিণাময়াঃ।

তে পুনস্ত্যক্তকালেন দর্শনাদেব সাধবঃ ॥ ১০।৪৮।৩১

—তীর্থ সকল কেবল জলময় বা দেবতাসকল কেবল মৃত্তিকাপ্রস্তরময় নহেন; তাঁহারা বিলম্বে, কিন্তু সাধুগণ দর্শনমাত্রেই, পবিত্র করেন।

অক্রুর, তুমি আমার শ্রেষ্ঠ স্নহদ। পাণ্ডবদিগের সংবাদ লইবার জন্য তুমি হস্তিনাপুর গমন কর। শুনলাম, পিতার মৃত্যুর পর

তঁাহারা দুঃখিনী মাতাসহ ধৃতরাষ্ট্রগৃহে বাস করিতেছেন, কিন্তু অন্ধরাজ তঁাহাদের প্রতি সদ্যবহার করিতেছেন না। তুমি সকল বিষয় জানিয়া আসিলে সমুচিত বিধান করিব। এইরূপ আদেশ করিয়া ভগবান্ বলভদ্র ও উদ্ধবসহ স্বগৃহে প্রস্থান করিলেন।

অক্রুর পৌরবরাজগণের যশ, নানা দেবায়তন ও বহু ব্রাহ্মণাবাস-ভূষিত হস্তিনাপুরে আসিয়া ধৃতরাষ্ট্রাদি সুহৃদগণের সহিত মিলিত হইয়া পরস্পরের কুশলবার্তা বিনিময়ান্তে শ্রীকৃষ্ণকথিত সকল বৃত্তান্ত জানিবার জ্ঞ কয়েক মাস তথায় বাস করিয়া কুন্তী ও বিদুরের নিকট জানিতে পারিলেন যে, ধৃতরাষ্ট্র খল ও মন্দবুদ্ধি পুত্রগণের পরামর্শে পাণ্ডবগণের শস্ত্রনৈপুণ্য প্রজাহ্মরাগ ও অত্যাচারাদি সহ্য করিতে পারিতেছেন না। রোরুঢ়মানা কুন্তী ভ্রাতা অক্রুরকে বলিলেন, আমার পিতৃকুল এবং শ্রীকৃষ্ণ কি আমাকে স্মরণ করেন? পৃথা শ্রীকৃষ্ণের বহু স্তুতি করিয়া নানা আৰ্ত্তি প্রকাশ করিলেন, অক্রুর ও বিদুর তঁাহার পুত্রগণের জন্মহেতু বর্ণনা করিয়া সময়োচিত সাঙ্খ্য দিলেন। অক্রুর ধৃতরাষ্ট্রের নিকট আসিয়া বলিলেন, মহারাজ, ধর্ম্মানুসারে পৃথিবীপালন প্রজারঞ্জন ও জ্ঞাতিগণের প্রতি সমভাবে ব্যবহার করুন, তাহা হইলেই আপনার কীর্ত্তি ও কল্যাণ লাভ হইবে।

নেহ চাত্যন্তসংবাসঃ কশ্চিৎ কেনচিৎ সহ ।

রাজন্ শ্বেনাপি দেহেন কিমু জায়াস্বজাদিভিঃ ॥

একঃ প্রসুয়তে জন্তুরেক এব প্রলীয়তে ।

একোহমুভুঙ্ক্তে স্কৃত্তমেক এব চ দুহৃত্তম্ ॥ ১০।৪৩।২০,২১

—রাজন্, কোনও ব্যক্তিরই কাহারও সহিত নিত্যকালের জ্ঞ একত্র বাস হয় না। জীপুত্রাদি কেন, আপন দেহের সহিতও নয়। জীব একাকীই আসে, একাকীই যায়, এককই আপন আপন স্কৃতি হৃদৃতির ফল ভোগ করে। ধৃতরাষ্ট্র বলিলেন, অক্রুর, তোমার অমৃতময় বাক্য ত আরও শুনিতে ইচ্ছা করে, কিন্তু পুত্রগণের প্রতি অহ্মরাগবশে আমার চিত্ত বিভ্রান্ত। এই মোহ ত তঁাহারই বিধান, যিনি এক্ষণে ভূভার-হরণের নিমিত্ত

বহুকুলে অবতীর্ণ হইয়াছেন। সেই দুর্বোধশীল শ্রীভগবানকে পুনঃ পুনঃ নমস্কার করি!—অক্রুর এই বাক্যে ধৃতরাষ্ট্রের মনোভাব বৃদ্ধিতে পারিয়া যত্নপূরীতে প্রত্যাবর্তন করিয়া শ্রীকৃষ্ণের নিকট সমস্ত নিবেদন করিলেন।

### ৫০—৫২ অধ্যায় (প্রাথমিক)

জরাসন্ধ, কালযবন, যুদ্ধকুল, দারক।

অস্তি ও প্রাপ্তি নামে কংসের মহিষীদ্বয় মগধরাজ জরাসন্ধের কন্যা, তাহারা পিতাকে পতিবধবৃত্তান্ত জানাইল। ক্রোধে প্রদীপ্ত হইয়া জরাসন্ধ তেইশ অক্ষৌহিণী সৈন্য নিয়া মথুরা অবরোধ করিল। দিব্য অস্ত্রাদিগুণে দুইখানা রথ তখন আকাশ হইতে অবতীর্ণ হইল। রাম ও কৃষ্ণ যুদ্ধবেশে সজ্জিত হইয়া ঐ রথে আরোহণ করিয়া অল্প সৈন্য লইয়া পুরী হইতে নির্গত হইলেন। জরাসন্ধ শ্রীকৃষ্ণকে বলিল, তুমি বালক ও বন্ধুঘাতী, তোমার সঙ্গে যুদ্ধ করিব না, বলরামের। ইচ্ছা হয়, আশ্রয়। ভীষণ যুদ্ধে মগধসৈন্য ও হস্তী অশ্বাদির রক্তের নদী বহিল। বলরাম বিরথ জরাসন্ধকে মহাবলে পাশবদ্ধ করিয়া বধ করিতে উদ্বৃত্ত হইয়া পরে বলিলেন, এই ছুরাশ্রা আরও সৈন্য আশ্রয়, ভূভারহরণ হউক, এই বলিয়া তাহাকে ছাড়িয়া দিলেন। কৃষ্ণ বলরাম মহোৎসবে সম্বর্দ্ধিত হইয়া মথুরায় প্রবেশ করিলেন। সপ্তদশ বার জরাসন্ধ এইরূপে মথুরা আক্রমণ করিয়া প্রতিবারই পরাস্ত হইয়া চলিয়া গেল। অষ্টাদশ বার আক্রমণের সম্ভাবনা হইলে, নারদপ্রেরিত মহাবীর কালযবন রণক্ষেত্রে অবতীর্ণ হইয়া তিন কোটি সৈন্যসহ মথুরা অবরোধ করিল। রাম ও কৃষ্ণ ভাবিলেন, তাহারা উভয়ে ইহার সঙ্গে যুদ্ধে প্রবৃত্ত হইলে জরাসন্ধ পুনরায় আসিয়া সেই অবসরে মথুরা আক্রমণ করিতে পারে। শ্রীকৃষ্ণ তখন সমুজ্জমধ্যে দ্বাদশ বোজন বিস্তৃত এক দুর্গ নির্মাণ করিয়া তন্মধ্যে এক সর্বোচ্চর্যাময় নগর প্রস্তুত করিলেন। স্বর্ণচূড় অট্টালিকা, স্বর্ণকটিক গোপুর, সুবিস্তৃত রাজমার্গ, অশ্বশালা, অন্নশালা, ইন্দ্রপ্রেরিত সুধর্মামামক দেবলভা ও পারিজাত বৃক্ষ, বক্রপ্রেরিত অশ্ব, কুবের-



প্রেরিত অষ্টনিধি সেই নগর শোভিত করিল। যোগ-প্রভাবে শ্রীহরী প্রচ্ছন্নভাবে সমস্ত যদুগণকে সেই নগরে লইয়া গেলেন। পরে বলভদ্রসহ পুনরায় মথুরায় আসিয়া তাঁহাকে বলিলেন, আপনি নগর রক্ষা করুন। এই বলিয়া একাকী নিরস্ত্র হইয়া পদ্মমালা মাত্র কণ্ঠে পরিধান করিয়া নগরদ্বার হইতে নিষ্ক্রান্ত হইলেন।

কালযবন নারদের বর্ণনামত শ্রীকৃষ্ণকে চিনিতে পারিয়াও তাঁহাকে যখন নিরস্ত্র হইয়া পদব্রজে যাইতে দেখিল, তখন তাঁহাকে ধরিবার জ্ঞান নিজেও কোন অস্ত্র না লইয়াই তাঁহার পশ্চাদ্ধাবন করিল। যোগিগণের ছুপ্রাপ্য শ্রীভগবান্ও এমনভাবে কাছে কাছে চলিতে লাগিলেন, যেন হাত বাড়াইলেই তাঁহাকে পাওয়া যায়—এইরূপে চলিয়া সেই যবনরাজকে দূরবর্তী এক পর্বত-গহবরে লইয়া গেলেন। শ্রীকৃষ্ণ সেই গহবরে প্রবেশ করিলেন, যবনও তৎপশ্চাৎ গহবরে ঢুকিল। যবন সেখানে একটা লোক শুইয়া আছে, দেখিতে পাইল। কৃষ্ণই সাধুর ভাণ করিয়া শুইয়া রহিয়াছে ভাবিয়া সে পদদ্বারা ঐ শায়িত ব্যক্তিকে আঘাত করিল। সহসা নিদ্রোথিত হইয়া সেই পুরুষ নয়ন উন্মীলন করিয়া সরোষে দৃষ্টি নিক্ষেপ করা মাত্র যবন তাহার নিজ দেহোৎপন্ন বহির্দ্বারা তৎক্ষণাৎ ভস্মীভূত হইল। রাজনু, ইনি ইক্ষ্বাকুবংশজ মাক্ষাতার পুত্র মুচুকুন্দ। বহুকাল দেবতাদের পক্ষে অসুরগণসহ যুদ্ধ করেন, পরে কার্ত্তিকেয়কে সেনাপতিরূপে পাইয়া দেবগণ তাঁহাকে মুক্তি দিলেন, এবং তাঁহার প্রার্থনামত বর দিলেন যে তিনি শ্রান্তি দূর করার জ্ঞান যতদিন নিদ্রিত থাকিবেন, ততদিন কেহ তাঁহার নিদ্রা ভঙ্গ করিলে তখনই ভস্মীভূত হইবে। দেবতাদের সেই বরে যবন এইরূপে ভস্ম হইলে মুচুকুন্দ ভগবান শ্রীকৃষ্ণকে সহস্রা স্ব-রূপে সম্মুখে দেখিতে পাইয়া বলিলেন, ভগবন, আমি মাক্ষাতা-পুত্র মুচুকুন্দ। আপনি সাক্ষাৎ তেজ, সূর্য্য বা চন্দ্র, অথবা স্বয়ং বিষ্ণু ? যদি ইচ্ছা হয়, আপনার জন্ম কর্ম নামাদি বলুন। ভগবান বলিলেন, আমার জন্ম কর্ম নাম অসংখ্য, সম্প্রতি ভূভার-হরণ জ্ঞান বসুদেব গৃহে অবতীর্ণ হইয়াছি। তোমার পূর্বজন্মের প্রার্থনামত তোমাকে

অনুগ্রহ করিতে এখানে আসিয়াছি, বর প্রার্থনা কর। মুচুকুন্দ ভগবানের স্তব করিয়া বলিলেন, ভগবন্, আপনার পদসেবা ছাড়া আমি কোন বর বা আর কিছুই চাই না। আপনার আরাধনা করিয়া কোন ব্যক্তি বিষয়বন্ধনমূলক বর চাহিবে? আপনার শরণ লইলাম, আমাকে রক্ষা করুন। ভগবান্ বলিলেন, মুচুকুন্দ, তোমার চিন্ত স্থির করার জগ্গই তোমাকে বরের প্রলোভন দেখাইয়াছিলাম। আমার একান্ত ভক্তগণ কখনও কামনায় আসক্ত হয় না। তুমি এখন—

বিচরস্ব মহীং কামং মম্যাবেশিতমানসঃ ।

অশ্বেবং নিত্যদা তুভ্যং ভক্তির্মধ্যমপায়িনী ॥ ১০।৫১।৬১

—আমাতে মন আবিষ্ট রাখিয়া ইচ্ছামত পৃথিবী পর্য্যটন কর। তোমার এই ভক্তি চিরস্থায়ী হউক।

তুমি যুগয়ায় যে পশু বধ করিয়াছ, তপস্তাদ্বারা এক্ষণে সেই পাপ ক্ষয় কর, জন্মান্তরে সর্বজীবের সুহৃৎ ব্রাহ্মণ হইয়া আমাকে প্রাপ্ত হইবে।

মুচুকুন্দ শ্রীকৃষ্ণকে পুনঃ পুনঃ প্রণাম ও প্রদক্ষিণ করিয়া সেই গুহা হইতে নির্গত হইয়া দেখিলেন, কলির আবির্ভাবে মনুষ্য পশুপক্ষী বৃক্ষাদি খর্ব্বাকার হইয়াছে। তিনি উত্তর দিকে গমন করিয়া চিন্ত সমাধান করতঃ গন্ধমাদন পর্বতস্থ বদরিকাশ্রমে গভীর তপস্যায় রত হইলেন। শ্রীকৃষ্ণ মথুরায় আসিয়া যবনসৈন্তাগণকে বধ করিলেন। তিনি যখন তাহাদের সমস্ত ধনরত্নাদি লইয়া যাইতেছিলেন, তখন জরাসন্ধ পুনরায় আসিয়া উপস্থিত হইল। রাম ও কৃষ্ণ তাহাকে দেখিয়া প্রচুর ধনরত্ন ত্যাগ করিয়া স্বয়ং অভয় হইয়াও ভীতবৎ বহুদূরে পলায়ন করিতে লাগিলেন। তাঁহার প্রবর্ষণ নামক এক উচ্চ পর্বতে আরোহণ করিলেন। জরাসন্ধ তাঁহাদিগকে না পাইয়া বহু কাষ্ঠাদি দ্বারা চতুর্দিকে অগ্নি প্রদান করিয়া সেই পর্বত দগ্ধ করিতে লাগিল, তখন তাঁহার বেগে তথা হইতে নির্গত হইয়া একেবারে সমুদ্রবেষ্টিত নবনির্মিত পুরীতে গিয়া প্রবেশ করিলেন। মগধরাজও তাঁহাদিগকে অগ্নিদগ্ধ মনে করিয়া সৈন্তে স্বীয় রাজধানীতে প্রত্যাবৃত্ত হইল।

## ৫২ অধ্যায় (শেবাংশ) — ৫৫ অধ্যায়

## রুশ্বিণী, রুশ্বী, সম্বরাস্তুর

শুকদেব বলিলেন, মহারাজ, বিদর্ভাধিপতি ভীষ্মকের রুশ্বিণী নামে বরাননা এক কন্যা ও পাঁচপুত্র মধ্যে রুশ্বী নামে এক পুত্র ছিল। শ্রীকৃষ্ণ ও রুশ্বিণী উভয়ে উভয়ের সুখ্যাতি শুনিয়া পরস্পরের প্রতি আকৃষ্ট হইয়াছিলেন, কিন্তু রুশ্বী দমঘোষ-পুত্র চেদিরাজ শিশুপালকে ভগিনীর বররূপে স্থির করিল। রুশ্বিণী তাহা শুনিয়া এক বিশ্বস্ত ব্রাহ্মণ দ্বারা শ্রীকৃষ্ণের নিকট এক পত্র পাঠাইলেন। ব্রাহ্মণ শ্রীকৃষ্ণের নিকট আসিয়া সমুচিতরূপে অভ্যর্থিত হইয়া ঐ পত্র পাঠ করিতে লাগিলেন—‘হে ভুবনসুন্দর, তোমার রূপগুণ শুনিয়া আমার আত্মা তোমাকেই সমর্পণ করিয়াছি। হে বিভো, চৈত্বরূপ শৃগাল যেন সিংহের বস্তু গ্রহণ না করে। কল্যাই বিবাহের দিন, সেনাপতিগণ সহ আসিয়া চেদি ও মগধরাজ জরাসন্ধাদিকে নিপীড়িত করিয়া রাক্ষসমতে আমাকে বিবাহ কর। বিবাহের পূর্বদিন দেবযাত্রা উপলক্ষে নববধূ অশ্বিকার মন্দিরে গমন করে। তোমার প্রসাদ লাভ করিতে না পারিলে প্রাণত্যাগ করিব, শতজন্মেও যদি তোমাকে লাভ করিতে পারি।’ শ্রীকৃষ্ণের আদেশে দারুক তৎক্ষণাৎ রথ যোজনা করিল, এক রাত্রিতেই তিনি বিদর্ভ দেশের রাজধানী কুণ্ডিনপুরে উপনীত হইলেন। বলদেব শুনিলেন, জরাসন্ধ, দম্ববক্র, বিল্বরথ, পৌণ্ড্রক বাসুদেব, চেদিপতি দমঘোষ ইত্যাদি যত্নবিদ্বেষী রাজগণ বহু সৈন্যসহ কুণ্ডিনপুরে সমবেত হইয়াছে, অথচ শ্রীকৃষ্ণ একক সেখানে চলিয়া গিয়াছেন। ভ্রাতৃস্নেহপরবশ হইয়া তখন তিনি গজাস্বরথপদাতিকাদি বহু বল লইয়া কুণ্ডিনে আসিয়া উপস্থিত হইলে, বিদর্ভাধিপতি উভয় পক্ষীয় রাজগণকে সমুচিত সম্বর্দ্ধনা \*ও সুরম্য বাসস্থান দ্বারা আপ্যায়িত করিলেন। ভীষ্ম ও দমঘোষ উভয়ে নিজ নিজ কুলোচিত বিবাহের অভ্যুদয়-কার্যাদি নির্বাহ করিলেন। এদিকে রুশ্বিণী ব্রাহ্মণের বিলম্ব দেখিয়া চিন্তাকুল হইয়াছেন, এমন সময় সেই ব্রাহ্মণ গোপনে আসিয়া শ্রীকৃষ্ণের আগমনবার্তাসহ তিনি বাহা বাহা

তঁাহাকে বলিয়াছিলেন তাহা রুক্ষিণীকে জানাইলেন। রুক্ষিণী কৃষ্ণপদ ধ্যান করিতে করিতে মাতৃগণ সখীগণ ও উত্ততাস্ত্র সৈন্যগণ কর্তৃক বেষ্টিতা হইয়া পদব্রজেই অস্থিকামন্দিরে গমন করিয়া পূজাদি সমাপ্ত করিলেন। তথা হইতে তিনি সখীগণের হাত ধরিয়া রথের দিকে আসিতে লাগিলেন। সমাগত রাজগণ তঁাহাকে দেখিয়া মুগ্ধ হইল। তিনিও বামহস্তের অঙ্গুলি দ্বারা নয়নোপরি পতিত চূর্ণকুন্তলসমূহ অপসারিত করিয়া রাজগণকে ও শ্রীকৃষ্ণকে দর্শন করিলেন। সেই কথ্য যেমন রথে উঠিবার উপক্রম করিলেন, অমনি শ্রীকৃষ্ণ সহসা আসিয়া তঁাহাকে ধরিয়া নিজ রথে তুলিয়া মুহূর্ত্ত মধ্যে চলিয়া গেলেন। শত্রুগণ মন্ত্রমুগ্ধের আয় চাহিয়া রহিল। জরাসন্ধাদি বলিল, অহো ধিক্, সামান্য গোপগণ দ্বারা আমাদের সকলের যশ অপহৃত হইল! উভয়পক্ষে তুমুল যুদ্ধ আরম্ভ হইল। বলদেব কর্তৃক বিপক্ষের সৈন্যকুল বিধ্বস্ত হইয়া ভূপতিত হইতে লাগিল। তখন জরাসন্ধ শিশুপালকে বলিল, রাজন, হুঃখিত হইও না, দেহিগণের প্রিয়-অপ্রিয়ের কোন স্থিরতা নাই।—

যথা দাক্ষময়ী যোষিৎ নৃত্যতে কুহকেচ্ছয়া ।

এবমীশ্বরতস্ত্রোহয়মীহতে স্তুত্বদুঃখয়োঃ ॥ ১০।৫৪।১২

—যেমন নর্ত্তয়িতার ইচ্ছায় কাঠের নির্মিত স্ত্রী নৃত্য করে, মাৎস্যও তেমন স্তুত্ব-দুঃখ বিষয়ে সম্পূর্ণ ঈশ্বরাদীন।

দেখ, আমি ত্রয়োবিংশতি অশ্বোহিণী নিয়া অষ্টাদশ বার ইহাদিগকে আক্রমণ করিয়াছিলাম, একবার মাত্র জয়লাভ করিয়াছি। তাহাতে হর্ষ বা দুঃখ কিছুই করি নাই। কাল অমুকুল হইলে আমাদের আবার জয়লাভ হইবে। তখন সেই রাজগণ স্ব স্ব পুরে ফিরিয়া গেলেন, কিন্তু রুক্ষী ক্রুদ্ধ হইয়া শ্রীকৃষ্ণকে আক্রমণ করিল। শ্রীকৃষ্ণ তাহাকে পরাজিত করিয়া বধ করিতে উত্তত হইলে রুক্ষিণী রোদন করিতে করিতে ভ্রাতার প্রাণরক্ষার প্রার্থনা করিলেন। শ্রীকৃষ্ণ তাহাকে বন্ধন করিয়া তাহার শৃঙ্খ ও কেশ উৎপাটন করিয়া দিলেন। বলদেব আসিয়া তাহা দেখিয়া রুক্ষীকে মুক্ত করিয়া দিয়া বলিলেন,—

অসাধিবদং স্বয়া কৃষ্ণ কৃতমশ্রুজুগ্মপিতং । ১০।৫৪।৩৭

সুখদুঃখদো ন চাত্তোহস্তি যতঃ স্বকৃতভুক্ পুমান্ ॥ ১০।৫৪।৩৮

বদ্ধূর্বধার্দোষোহপি ন বন্ধোর্বধমহতি ।

তাজ্যঃ শ্বেনৈব দোষণে হতঃ কিং হত্নতে পুনঃ ॥ ১০।৫৪।৩৯

—কৃষ্ণ, তুমি আমাদের পক্ষে নিন্দিত ও অসাধু কার্য্য করিয়াছ। সুখ দুঃখ অপর কেহ দেয় না, পুরুষ নিজের কর্ম্মেরই ফল ভোগ করে। বদ্ধুব্যক্তি-বধযোগ্য দোষ করিলেও বন্ধু দ্বারা হত হইতে পারে না, ত্যাজ্য হয় মাত্র। নিজ দোষে যে হত, তাহাকে কি পুনরায় বধ করিতে হয় ?

রুস্মিণীকেও শোকাক্ত দেখিয়া বলিলেন,—

এক এব পরোহায়া সর্বেষামপি দেহিনাম্ ।

নানৈব গৃহতে মৃঢ়ৈর্থধা জ্যোতির্থধা নভঃ ॥

জন্মাদয়স্ত দেহস্য বিক্রিয়া নান্ননঃ কচিৎ ।

কলানামিব নৈবেন্দোর্মৃতিহস্য কুহুরিব ॥

তস্মাদজ্ঞানজং শোকমাত্মশোষবিমোহনম্ ।

তত্ত্বজ্ঞানেন নিহত্য স্বস্থা ভব শুচিস্মিতে ॥ ১০।৫৪।৪০, ৪১, ৪২

—দেহিগণের সকলেরই এক আত্মা, মূর্খলোকেরা পৃথক মনে করে, যেমন জলে চন্দ্র বা সূর্য্যকে ও ঘটাদিতে আকাশকে নানাক্রমে দেখা যায়। জন্মাদি বিকার দেহের, আত্মার নহে, যেমন কলার ভ্রাসবৃদ্ধি চন্দ্রের নহে, অথচ লোকে অমাবস্যাতে চন্দ্রের ক্ষয় বলিয়া মনে করে। অতএব হে হাস্যময়ি, এই তত্ত্বজ্ঞান দ্বারা দেহশোষণ ও মনোবিকারজনক শোককে বিনষ্ট করিয়া তুমি স্বস্থা হও ।

রুস্মী মুক্ত হইয়াও লজ্জায় কুণ্ডিনপুরে প্রবেশ না করিয়া ভোজকট নামক স্থানে এক পুরী নির্মাণ করিয়া বাস করিতে লাগিল শ্রীকৃষ্ণ মহোৎসবে দ্বারকাবাসীগণ দ্বারা সম্বন্ধিত হইয়া সকলসহ পুরপ্রবেশ করিলেন ।

রুস্মিণীর গর্ভে শ্রীকৃষ্ণের তুল্যরূপগুণবিশিষ্ট প্রহ্লাদ নামে এক এক পুত্র জন্মে। সম্বর নামে এক অস্বর ষষ্ঠ দিনে তাহাকে হরণ করিয়া সমুদ্রে ফেলিয়া দেয়। তথায় এক মৎস্য তাহাকে গ্রাস করে। সেই মৎস্য ধৃত হইয়া সম্বরাসুরের গৃহে নীত হয়। তাহার পাচিকা ঐ শিশুকে মৎস্যের উদর হইতে জীবিতাবস্থায় বাহির করিয়া

প্রতিপালন করিতে থাকে। পূর্বজন্মে ঐ শিশু কামদেব, ও ঐ পাচিকা তাহার পত্নী রতি ছিল, নারদের নিকট ইহা জানিয়া পাচিকা তাকে মায়া-অস্ত্র প্রদান করে। ঐ অস্ত্রের সাহায্যে সম্রাটস্বরকে বধ করিয়া প্রহ্মাশ্রম শ্রীকৃষ্ণের অন্তঃপুরে উপস্থিত হইলে রুদ্ভিগী ও পুরনারীগণ চিনিতে পারিয়া হর্ষাশ্বিত হইয়া তাকে সমাদরে গ্রহণ করেন।

### ৫৬—৫৭ অধ্যায়

শ্রমশ্রুতকর্মাণি, জাম্ববতী, সত্যভামা, শতধ্বা

একদা সূর্য্যদেব সত্রাজিৎ নামক নিজ ভক্তকে শ্রমশ্রুত নামে একটি নানাগুণসম্পন্ন অতুজ্জ্বল মণি দিয়াছিলেন। সত্রাজিৎ উহাকে নিজ দেবগৃহে স্থাপন করিল। শ্রীকৃষ্ণ তাহার নিকট যত্নরাজের নিমিত্ত ঐ মণিটি প্রার্থনা করিলেন, কিন্তু সত্রাজিৎ দিল না। একদিন তাহার ভ্রাতা প্রসেন ঐ মণি পরিয়া যুগয়া করিতে গেলে সেখানে এক সিংহ তাকে বধ করিয়া ঐ মণি লইয়া গেল। পথিমধ্যে জাম্ববান নামে এক ভল্লুক সিংহকে নিহত করিয়া ঐ মণি নিজ গহ্বরে নিয়া শিশুপুত্রের খেলার জন্ত উহা ধাত্রীর হস্তে দিল। এদিকে সত্রাজিৎ শ্রীকৃষ্ণকে মণিহরণের সন্দেহ করিতেছে শুনিয়া শ্রীকৃষ্ণ কতিপয় নাগরিকসহ বনে অন্বেষণ করিয়া নিহত অশ্বসহ প্রসেনের দেহ দেখিতে পাইলেন। আরও অনুসন্ধানে ভল্লুকের পদচিহ্ন দেখিয়া জাম্ববানের গহ্বরে প্রবেশ করিলেন। তথায় অষ্টাদশ দিন তুমুল যুদ্ধে জাম্ববান পরাজিত হইয়া শ্রীকৃষ্ণকে চিনিতে পারিয়া বহু স্তবে তুষ্ট করিয়া নিজ কন্যা জাম্ববতীসহ মণিটি তাঁহাকে অর্পণ করিল। শ্রীকৃষ্ণ দ্বারকায় আসিয়া সত্রাজিৎকে ঐ মণি দিলেন। সত্রাজিৎ নিজ কন্যা সত্যভামাকে মণিসহ শ্রীকৃষ্ণকে অর্পণ করিল। শ্রীকৃষ্ণ সত্যভামাকে গ্রহণ করিলেন, কিন্তু মণি ফিরাইয়া দিলেন। ইহার পর তিনি পাণ্ডবগণের সংবাদ লইতে পত্নী সত্যভামাসহ কুরুদেশে গেলে সেই অবসরে অক্রুর ও কৃতবর্মা শতধ্বাকে বলিল, সত্রাজিতের নিকট হইতে মণি কাড়িয়া লও। শতধ্বা নিদ্রিত সত্রাজিৎকে বধ করিয়া মণি লইয়া আসিল। সত্যভামা পিতার নিধনসংবাদ পাইয়া

নিতান্ত শোকার্তা হইয়া বিলাপ করিতে লাগিলেন। শ্রীকৃষ্ণ সঙ্কীর্ণ দ্বারকায় ফিরিয়া শতধ্বাকে বধ করিতে উত্তত হইলেন। সে তাহা শুনিয়া কৃতবর্মা ও অক্রুর নিকট সাহায্য প্রার্থনা করিল। উভয়ে বলিল, শ্রীকৃষ্ণ স্বয়ং ঈশ্বর, তাঁহার সহিত বিরোধ অসম্ভব। তখন শতধ্বা ঐ মণি অক্রুর নিকট গচ্ছিড রাখিয়া দ্রুতগামী অশ্বারোহণে দ্বারকা হইতে পলায়ন করিল। শ্রীকৃষ্ণ পশ্চাদ্ধাবিত হইয়া তাহাকে বধ করিলেন, কিন্তু মণি পাইলেন না। পরে পলায়িত অক্রুরের সন্ধান পাইয়া তাহাকে দ্বারকায় আনিয়া বলিলেন, মণি তোমার নিকট আছে, তোমারই এখন থাকিবে, কিন্তু সকলকে উহা দেখাইয়া আমার প্রতি তাহাদের যে সন্দেহ হইয়াছে, তাহা দূর কর। অক্রুর তাহাই করিলেন, মণি তাহারই রহিল।

### ৫৮—৫৯ অধ্যায়

কালিন্দী, সভ্যা, ভদ্রা, নরকাসুর, মুর, রাজকুমারীগণ, অদিতি

একদা শ্রীকৃষ্ণ সাত্যকি প্রভৃতিকে সঙ্গে লইয়া ইন্দ্রপ্রস্থে পাণ্ডবদিগের নিকট গেলেন। পৃথা যুধিষ্ঠিরাদি ও দ্রৌপদী উভয়কে যথোচিত পূজাদি করিলেন। কুন্তী বলিলেন,—

ন তেহস্তি স্বপরলাস্তির্বিশস্য স্নহদাশ্রয়ঃ ।

তথাপি অরতাং শখং ক্রেশান্ হংসি হৃদিস্থিতঃ ॥ ১০।৫৮।১০

—তুমি বিশ্বের স্নহদ, তোমার স্ব-পর ভেদ নাই। তথাপি যে তোমাকে নিয়ত অরণ করে, তুমি হৃদয়ে থাকিয়া তাহার ক্রেশ হরণ কর।

শ্রীকৃষ্ণ তথায় কয়েকমাস বাস করিলেন। তিনি সশস্ত্র অর্জুনকে লইয়া একদিন বিহারার্থ মহাবিপিনে প্রবেশ করিয়া বহু পশু বধ করিয়া যুধিষ্ঠির নিকট পাঠাইয়া দিলেন। অর্জুন শ্রান্ত হইয়া জল পান করিতে যমুনায় আসিয়া কালিন্দী নামী এক অপূর্বসুন্দরী কন্যাকে দেখিতে পাইলেন। কালিন্দী বলিলেন, তিনি শ্রীকৃষ্ণকে বিবাহ করার সঙ্কল্প করিয়া বহুকাল জলমধ্যে বাস করিতেছেন। শ্রীকৃষ্ণ তাঁহাকে রথে তুলিয়া যুধিষ্ঠির নিকট আনিলেন। সেই সময়ে

ধাণ্ডব নামক ইন্দ্রের বন অগ্নিকে দিবার জন্য শ্রীকৃষ্ণ অর্জুনের সারথি হইয়া সেই বন দক্ষ করেন, ও ময়দানবকে অগ্নির আক্রমণ হইতে মুক্ত করেন। অগ্নি অর্জুনকে ধনু, শ্বেত অশ্ব, বানরধ্বজ রথ, দুইটা অক্ষয় তুণীর ও অভেদ্য বর্ষ উপহার দেন এবং ময়দানব এক অত্যাশ্চর্য্য সভা নির্মাণ করিয়া দেন। শ্রীকৃষ্ণ দ্বারকায় আসিয়া কালিন্দীর পাণি গ্রহণ করেন। অনন্তর তিনি সাতটা দুর্ধর্ষ বৃষকে বধ করিয়া পশুস্বরূপ অযোধ্যাপতি নগজিতের কন্যা সত্যাকে লইয়া দ্বারকায় আসেন। পরে কেকয় দেশীয় স্বীয় পিতৃস্বসা ঋতকীর্তির কন্যা ভদ্রাকে বিবাহ ও মদ্রদেশাধিপতি বৃহৎসেনের কন্যা লক্ষ্মণাকে স্বয়ম্বরে হরণ করেন।

প্রাগজ্যোতিষপুরাধিপতি ভূমিপুত্র নরক ইন্দ্রের মাতা অদিতির কুণ্ডলাদি হরণ করায় ইন্দ্রের অমুরোধে শ্রীকৃষ্ণ সেখানে গেলেন। ঐ নগরী বহু অভেদ্য পর্বত ও দুর্গ দ্বারা এরং মুর নামক এক দৈত্য দ্বারা রক্ষিত ছিল। গুরুতর পদাঘাতে প্রাচীরসমূহ বিধ্বস্ত ও শঙ্খনাদে রক্ষিগণের হৃদয়সমূহ সন্ত্রস্ত হইয়া উঠিল। তখন মুর দানব জল হইতে উঠিয়া সৈন্তে ভীষণ বেগে আক্রমণ করিলে শ্রীকৃষ্ণ অবশেষে চক্রদ্বারা তাহার মস্তক ছেদন করিলেন। ক্রমে নরকের পুত্র ও অগ্ন্যাত্ত সেনাপতিগণ সকলেই নিহত হইলে নরক আসিয়া গরুড়কে আক্রমণ করিল ও গরুড় দ্বারা ধ্বস্ত হইয়া পরিশেষে এক মহাশক্তি নিক্ষেপ করিল। তখন শ্রীকৃষ্ণ চক্র দ্বারা তাহার মস্তক ছেদন করিয়া ফেলিলেন। দেবগণ পুষ্প বর্ষণ করিলেন। নরকমাতা পৃথিবী শ্রীকৃষ্ণের বহু স্তব করিয়া অদিতির কুণ্ডল ও নরক দ্বারা অপহৃত অগ্ন্যাত্ত সমস্ত দ্রব্য শ্রীকৃষ্ণের নিকট আনিয়া দিলেন এবং নরকপুত্র ভগদত্তের প্রতি তাঁহার আশীর্বাদ প্রার্থনা করিলেন। নরকের পুরীমধ্যে শ্রীকৃষ্ণ বহু দেব সিদ্ধ অমুর রাজগণের শতাধিক ষোড়শ সহস্র কন্যাকে দেখিতে পাইলেন, তাঁহারা সকলেই তাঁহাতে অমুরক্তা ছিলেন। তিনি বহু উপহারসহ সেই কন্যাগণকে দ্বারকায় আনিয়া বিবাহ করিলেন। স্বর্গে গিয়া অদিতির



কুণ্ডলাদি তাঁহাকে দিলেন এবং ইন্দ্র ও ইন্দ্রাণী দ্বারা পূজিত হইয়া সত্যভামার প্রার্থনামত পারিজাতবৃক্ষ আনিয়া তাঁহাকে উপহার দিলেন।

## ৬০ অধ্যায়

### শ্রীকৃষ্ণ, রুক্মিণী

একদা রাত্রিকালে মণিময় দীপশোভিত পারিজাত-হিল্লোলে আমোদিত অন্তঃপুরগৃহে ছঙ্ক-ফেন-নিভ শয্যায় শয়ান শ্রীকৃষ্ণকে রুক্মিণীদেবী রত্নদণ্ডবিশিষ্ট চামর দ্বারা ব্যঞ্জন করিতে করিতে তাঁহার পদসেবা করিতেছিলেন। শ্রীকৃষ্ণ তখন তাঁহাকে বলিলেন, রাজপুত্রি, মহাবলশালী মহামুভব রাজগণ তোমাকে প্রার্থনা করিয়া-ছিলেন, বিশেষ তোমার পিতা ও ভ্রাতা তোমাকে অস্ত্রের নিকট সঙ্কলিতা করিয়া দিলেন, (২১৮ পৃঃ), তথাপি ঐ সকল রাজগণের হেয়, জরাসন্ধভয়ে সমুদ্রাশ্রিত অজ্ঞাতচরিত্র আমাকে বরণ করিলে কেন ?

নিষ্কিঞ্চনা বয়ং শশ্বন্নিষ্কিঞ্চনজনপ্রিয়াঃ ।

তস্মাৎ প্রায়েণ ন হ্যচ্য মাং ভজন্তি স্মমধ্যমে ॥

উদাসীনা বয়ং নুনং ন দ্র্যাপত্যার্থকামুকাঃ ।

আত্মলক্ষ্যাস্থে পূর্ণা গেহয়োজ্যেষ্ঠিরক্রিয়াঃ ॥ ১০।৬০।১৪,২০

—আমি অকিঞ্চন, সূতরাং চিরকাল নিষ্কিঞ্চন লোকদিগেরই প্রিয়। অতএব হে স্মমধ্যমে, ধনশালী ব্যক্তিরা আমাকে প্রায়ই ভজনা করে না। আমি স্ত্রী-পুত্র ও অর্থের কামনা করি না, দেহ ও গেহে উদাসীন, আত্মলাভে পূর্ণ এবং প্রদীপের মত নিষ্ক্রিয়।

কয়েকজন ভিক্ষুক মাত্র আমার কথা তোমাকে বলিয়াছিল। উত্তম ও অধমের মৈত্রী কদাচ প্রশস্ত নহে। সূতরাং তুমি এখন কোন শ্রেষ্ঠ ক্ষত্রিয়কে ভজনা কর, তাহাতে ইহ পর উভয় কালে সুখী হইতে পারিবে। রুক্মিণী নিজেই শ্রীকৃষ্ণের সর্বশ্রেষ্ঠ প্রিয়পাত্রী মনে করিতেন। ভগবান্ এই সকল কথা বলিয়া তাঁহার দর্পচূর্ণ করিয়া বিরত হইলেন। রুক্মিণী শ্রীকৃষ্ণের এই নিদারুণ বাক্য শুনিয়া হতবাক্ ও অধোমুখী হইয়া পদাঙ্গুষ্ঠ দ্বারা হৃদয়তল বিলেনখন করিতে

লাগিলেন, তাঁহার হস্তস্থিত বীজন সহসা স্থলিত হইল, তিনি বিকীর্ণকেশা হইয়া বাতাহতা কদলীর শ্রায় সহসা ভূপতিভা হইলেন। তখন সহস্র পর্য্যঙ্ক হইতে অবতরণ করিয়া পরিহাস বৃত্তিতে অক্ষম সেই প্রিয়তমাকে উঠাইয়া তাহার মুখ মুছাইয়া আলিঙ্গনাদি করিয়া শ্রীকৃষ্ণ তাঁহাকে বলিলেন, বৈদর্ভি, তুমি যে আমার প্রতি একান্ত অনুরক্তা, তাহা আমি জানি। তোমার ক্রকটিকুটিল কম্পিত-অধরযুক্ত সুন্দর মুখখানি দেখিবার নিমিত্ত পরিহাসচ্ছলে আমি এই সকল কথা বলিয়াছিলাম। দেখ, গৃহে আসিয়া প্রিয়ার সহিত নশ্বক্ৰিয়ায় ক্ষণকাল অতিবাহিত করা গৃহস্থদিগের পরম লাভ। রুগ্নিণী আশ্বস্তা হইয়া বলিলেন, আপনি যে অসম মৈত্রীর কথা বলিয়াছেন, তাহা সম্পূর্ণ সত্য, কারণ ত্রিগুণাধীশ্বর আপনি কোথায়, আর গুণময়ী প্রকৃতি আমিই বা কোথায়? বলবানের সহিত দ্বেষ ও শত্রুভয়ে সমুদ্রে শরণ লইয়াছেন তাহাও ঠিক, বহিমুখ ইন্দ্রিয়গণ হইতে যেন ভীত হইয়াই আপনি অগাধ অন্তহৃদয়ে অচলরূপে বিরাজ করিতেছেন। আপনি নিশ্চয় নিষ্কিঞ্চন—নির্ধন বলিয়া নহে, আপনি ছাড়া আর অন্য কিছুই নাই, সে জ্ঞাত। ভিক্ষুরা আমাদের আপনার কথা বলিয়াছিল তাহাও ঠিক, কারণ সর্বত্যাগী মুনিগণই সর্বত্র আপনার কথা বলিয়া থাকেন। আপনাকে ভজনা করিলে অবসন্ন হইতে হয়, বলিয়াছেন; তবে, অঙ্গ পৃথু ভরত যযাতি গয় প্রভৃতি রাজগণ যে সমস্ত বমুন্ধরার আধিপত্য তুচ্ছ করিয়া আপনার পদাশ্রয় জ্ঞাত দুর্গম অরণ্যে প্রবেশ করিলেন, তাঁহারা কি অবসাদ প্রাপ্ত হইয়াছিলেন? বিভো, আপনি আমাকে অন্য কোন ক্ষত্রিয়ের ভজনা করিতে বলিলেন। আপনার শ্রীপাদপদ্মের গন্ধ আজ্ঞাণ করিয়াও কোন্ নারী মরণধর্ম্মশীল সর্বদা মৃত্যুভয়ে ভীত মানুষের আশ্রয় গ্রহণ করিবে? আপনার কথা যে কখনও শোনে নাই, সে-ই অন্যরাজরূপ জীবন্ত শবের ভজনা করে। আপনি উদাসীন যে বলিয়াছেন তাহা ঠিক, কারণ আপনি নিরপেক্ষ। তথাপি আপনার প্রতি আমার অনুরাগ স্থির থাকুক, আপনার অনুগ্রহ-দৃষ্টি-পাতই

আমার সকল আকাঙ্ক্ষার নিবৃত্তি করিবে। শ্রীকৃষ্ণ বলিলেন, অনঘে, তুমি ত আগ্রহ, আমার প্রতি তোমার অনুরাগ নিষ্কাম। যাহারা ব্রত-তপস্শ্রাদি দ্বারা আমার নিকট বিষয় কামনা করে, তাহারা ত মায়া-মুগ্ধ মন্দভাগ্য। তুমি যে তোমার প্রেরিত সেই ব্রাহ্মণের ফিরিয়া আসিতে বিলম্ব দেখিয়া প্রাণত্যাগ করিতে ইচ্ছা করিয়াছিলে, তারপর তোমার ভ্রাতাকে আমি যে বিরূপ করিয়া দিলাম তাহা, এবং শেষে অক্ষভায় তাহার বধ পর্য্যন্ত যে তুমি আমার জন্ত সহ্য করিয়াছ, (পরের অধ্যায় দেখুন) —

তিষ্ঠেত তৎ স্বয়ং বয়ং প্রতিনন্দয়ামঃ ॥ ১০।৬০।৫৭

—এই সকল তোমাতেই থাকুক ; আমি কেবল তোমাকে অভিনন্দিত করি। লোকগুরু শ্রীকৃষ্ণ এইরূপে রুক্মিণী ও অন্যান্য মহিষীগণের সহিত গৃহস্থোচিত ধর্ম অবলম্বন করিয়া সময় সময় ক্রীড়া করিতেন।

### ৬১—৬৩ অধ্যায়

মহিষীগণ, প্রহ্মাঙ্গ, অনিরুদ্ধ, বলরাম, রুক্মী, বাণ, উষা

শ্রীকৃষ্ণের মহিষীগণ তাঁহাকে স্ব স্ব গৃহে নিয়ত অবস্থিত দেখিয়া প্রত্যেকেই মনে করিতেন, আমিই তাঁহার সর্বাপেক্ষা প্রিয়পাত্রী, কারণ তাঁহারা তাঁহার তত্ত্ব জানিতেন না। নানা বিলাসবিভ্রমাদি দ্বারাও তাঁহারা সেই আত্মারাম বিভূর কখনও কোন প্রকার বিক্ষিপ্ত জন্মাইতে পারেন নাই। বহু দাসী থাকা সত্ত্বেও শ্রীকৃষ্ণের ব্যজন পাদপ্রক্ষালনাদি মহিষীরা স্বয়ংই করিতেন। তাঁহার আটটি প্রধানা মহিষীর প্রত্যেকের গর্ভে দশটি করিয়া পুত্র উৎপন্ন হয়। এই সকল পুত্র দ্বারা তাঁহার বহু পৌত্র জন্মে। রুক্মিণীর ভ্রাতা রুক্মী শ্রীকৃষ্ণ কর্তৃক অবমানিত হইয়াও ভগিনীর শ্রীত্বার্থে নিজ কন্যা রুক্মবতীকে নিজ ভাগিনেয় প্রহ্মাঙ্গকে স্বয়ংবরে বরণ করিতে অনুমতি দেন, পরে প্রহ্মাঙ্গপুত্র অনিরুদ্ধ নিকট নিজ পৌত্রী রোচনার বিবাহ দেন, যদিও এই সকল সম্বন্ধ ধর্ম্মানুমেদিত নহে, জানিতেন। এই বিবাহ উপলক্ষে বলরাম কৃষ্ণ রুক্মিণী শাস্ত্র প্রহ্মাঙ্গ প্রভৃতি ভোজকটপুরে গেলেন। সেখানে বলরাম রুক্মীর সহিত অক্ষক্রীড়া আরম্ভ করিলে প্রথমে

বলরাম পরাজিত হইতে লাগিলেন। তাহাতে কলিঙ্গরাজ দম্ভবিকাশ করিয়া বলরামকে উপহাস করিলেন। পরে যখন বলরামের জয় হইতে লাগিল, তখন রুম্বী চতুরতা করিয়া পুনঃপুনঃ বলিতে থাকিল, তাহারই জয় হইয়াছে। দৈববাণী দ্বারা বলরামের জয় ঘোষিত হইল, তথাপি রুম্বী বলরামকে অবজ্ঞাসূচক বাক্য বলিতে লাগিল। তখন বলরাম ক্রুদ্ধ হইয়া রুম্বীর মস্তক ছেদন ও কলিঙ্গরাজের দম্ভ উৎপাটন করিয়া ফেলিলেন। অন্ত্যাত্ম রাজারা ভয়ে পলায়ন করিল। শ্রীকৃষ্ণ স্নেহভঙ্গভয়ে কিছুই বলিলেন না, নবোঢ়া বধু সহ সকলকে লইয়া কুশস্থলীতে প্রত্যাগমন করিলেন।

শোণিতপুরের রাজা বলিপুত্র সহস্রবাহু বাণ মহাদেবের বরে অজেয় ও অতিশয় দৃপ্ত হইয়া উঠিল। একদিন উষা নামে তাহার এক অবিবাহিতা যুবতী কন্যা স্বপ্নযোগে প্রহ্মায়ুপুত্র অনিরুদ্ধের সঙ্গে মিলিতা হইয়া স্বপ্নভঙ্গে ‘হা নাথ, তুমি কোথায় গেলে’ বলিয়া উঠিল। বাণের মন্ত্রী কুশ্মাণ্ডের কন্যা চিত্রলেখা তাহার প্রধানা সখী ছিল। সে জিজ্ঞাসা করিল, সখি, তুমি কাহাকে দেখিয়া এরূপ আশ্চর্য করিলে, তোমার ভর্তা কোন রাজপুত্রকে ত আমি কখনও দেখি নাই। উষা স্বপ্নদৃষ্ট পুরুষের আকৃতি বর্ণনা করিল। চিত্রলেখা নানা চিত্র অঙ্কিত করিয়া যখন উষাকে দেখাইল, তখন অনিরুদ্ধের চিত্র দেখিবামাত্র উষা ‘এই সেই’ বলিয়া চমকিতা হইয়া উঠিল। চিত্রলেখা যোগবিদ্যাবলে আকাশপথে দ্বারকায় গিয়া নিদ্রিত অনিরুদ্ধকে শয্যা হইতে তুলিয়া লইয়া শোণিতপুরে উষার নিকট আনিয়া উপস্থিত করিল। অনিরুদ্ধ উষাকে দেখিয়া নিতান্ত মুগ্ধ হইয়া গুপ্তভাবে উষার গৃহে বাস করিতে লাগিল। ক্রমে উষার কতকগুলি শারীরিক লক্ষণ দেখিয়া ভট্টগণ রাজাকে ঐ সংবাদ জানাইল। বাণরাজ ব্যথিত হৃদয়ে স্বয়ং সৈন্যপরিবৃত হইয়া সহর কন্যাগৃহে উপস্থিত হইল, এবং তথায় উষার সহিত অক্ষত্রীড়া-রত অনিরুদ্ধকে দেখিতে পাইল। অনিরুদ্ধ একটা লৌহনির্মিত গদা পাইয়া তাহার প্রহারে সৈন্যগণকে বিতাড়িত করিল, কিন্তু বাণ সবলে তাহাকে নাগপাশে বন্ধন করিয়া রাখিল।

এদিকে অনিরুদ্ধকে দেখিতে না পাইয়া, নারদমুখে তাহার বন্ধনবার্তা শুনিয়া শ্রীকৃষ্ণ প্রধান প্রধান বৃষ্ণিগণসহ শোণিতপুর গমন করিলেন। উভয়পক্ষে লোমহর্ষণকর তুমুল যুদ্ধ হইল। বাণের সেনাপতিগণ অনেকে নিহত ও অবশিষ্ট পলায়িত হইল। ক্রোধ-প্রদীপ্ত বাণ তখন আসিয়া চক্রহস্ত শ্রীকৃষ্ণের প্রতি তাহার সহস্র বাহু দ্বারা অসংখ্য শর নিক্ষেপ করিতে লাগিল। শ্রীকৃষ্ণ তাহা সমস্ত প্রতিহত করিয়া চারিখানা বাহু রাখিয়া বাণের অণু সমস্ত বাহু চক্র দ্বারা কাটিয়া ফেলিলেন। তখন ভক্তবৎসল মহাদেব শ্রীকৃষ্ণের নিকট আসিয়া বলিলেন, ভগবন্, বাণ আমার প্রিয়ভক্ত। তুমি প্রহ্লাদের প্রতি যেমন প্রসন্ন হইয়াছিলে, তদ্রূপ ইহার প্রতিও হও, আমি ইহাকে অভয় দিয়াছি। আমি তোমার সমস্ত প্রিয়কার্য্য সম্পন্ন করিব। শ্রীভগবান্ বলিলেন, ভগবন্, বলি আমার ভক্ত, তাহার পুত্র এই বাণাম্বর আমার অবধ্য। বলিকে আমি বর দিয়াছিলাম যে তাহার বংশ আমার অবধ্য হইবে। ইহার দর্প নাশ করার জগুই চারিটি ছাড়া ইহার অপর বাহুগুলি আমি ছেদন করিয়াছি, এবং পৃথিবীর ভার লাঘব করিবার জগু ইহার সৈন্যসকল ধ্বংস করিয়াছি। বাণ এই চারি বাহু লইয়াই অমর হইয়া আপনার শ্রেষ্ঠ পার্শ্ব হইবে, আমি ইহাকে অভয় দিলাম। বাণ তখন শ্রীকৃষ্ণকে প্রণাম করিয়া উষা ও অনিরুদ্ধকে রথে করিয়া সেখানে আসিলেন। শ্রীকৃষ্ণ নিজ সৈন্যাদিসহ তাহাদিগকে লইয়া দ্বারকায় প্রস্থান করিলেন। পৌরগণ ও স্তম্ভদ্বর্গ প্রত্যাগমন করিয়া শঙ্খ-দ্বন্দুভিসহ ধ্বজ ও তোরণালঙ্কৃত সেই নগরীতে তাহাদিগকে সাদরে অভ্যর্থনা করিয়া গ্রহণ করিলেন।

### ৬৪ অধ্যায়

কাকলাস, নৃগ

একদিন সান্ন্য প্রহ্মাণ্ড প্রভৃতি যজ্ঞকুমারগণ উপবনবিহারে পিপাসার্ত হইয়া এক জলশূন্য কূপে গিয়া দেখিল তন্মধ্যে প্রকাণ্ড ও অদ্ভুত একটি কাকলাস পড়িয়া রহিয়াছে। তাহারা রজ্জুদ্বারা জন্তুটাকে উপরে তুলিতে অক্ষম হইয়া শ্রীকৃষ্ণের নিকট গেল। শ্রীকৃষ্ণ বমবাহ

দ্বারা অনায়াসে তাহাকে সেই কূপ হইতে উদ্ধার করিলেন। কৃষ্ণস্পর্শ লাভমাত্র কাকলাস সূবর্ণবর্ণ ও মাল্য-চন্দনবস্ত্রালঙ্কারশোভিত একটি উজ্জ্বল মূর্তি ধারণ করিয়া উঠিল। শ্রীকৃষ্ণ জিজ্ঞাসা করিলেন, আপনি কে, এবং কিরূপে কাকলাস-দেহ প্রাপ্ত হইয়াছিলেন? সেই দিব্যপুরুষ শ্রীকৃষ্ণের স্তব করিয়া বলিলেন, ভগবন, আপনার অবিদিত কিছুই নাই, তথাপি আপনার আদেশমত বলিতেছি, আমি ইক্ষ্বাকুবংশীয় নৃগ নামে নরপতি ছিলাম। অগণ্য অন্ন গো হস্তী অশ্ব ভূমি হিরণ্যাদি দান ও বাপী-তড়াগাদি খনন করিয়াছিলাম। একদা এক ব্রাহ্মণ আমার প্রদত্ত গোধনসমূহ লইয়া যাইতেছিল, এমন সময় অগ্ন এক ব্রাহ্মণ পথিমধ্যে আসিয়া ঐ গো-সমূহের একটি গাভী তাহার বলিয়া দাবী করিল। উভয় ব্রাহ্মণ যখন কলহ করিয়া আমার নিকট উপস্থিত হইল, তখন জানিতে পারিলাম যে ঐ গাভী আমার নহে, নিজ যুথ হইতে ভ্রষ্ট হইয়া আমার গোগণের সহিত মিশিয়া গিয়াছিল, কেহই জানিতে পারে নাই। গো-স্বামীকে বলিলাম, তোমাকে লক্ষ-সংখ্যক এরূপ গো দান করিব, তুমি ইহার দাবী ত্যাগ কর। সেই ব্রাহ্মণ দানগ্রাহী ছিল না, সুতরাং সে 'ব্রাহ্মস্বাপহারী', এই বলিয়া চলিয়া গেল। আমার মৃত্যুকাল উপস্থিত হইল, যমরাজার নিকট নীত হইলাম। যম বলিলেন, তোমার অসংখ্য পুণ্য, প্রথমে পাপের ফল কি পুণ্যের ফল লইবে? আমি বলিলাম, পাপের ফল আগে লইব। তৎক্ষণাৎ কাকলাস হইলাম, আপনার কৃপায় আজ মুক্ত হইয়াছি। এই বলিয়া তিনি শ্রীকৃষ্ণকে প্রদক্ষিণ ও বহু প্রণাম করিয়া চলিয়া গেলেন। শ্রীকৃষ্ণ দ্বারকাবাসীগণকে ব্রাহ্মস্বাপহারণ ও ব্রাহ্মণদিগকে অবজ্ঞা করিলে কিরূপ ফল হয়, তাহা বুঝাইয়া উপদেশ দিলেন।

### ৬৫ অধ্যায় [১১৩ অঃ]

বলরাম, যমুন।

একদা বলদেব সুহৃদগণকে দেখিবার নিমিত্ত রথারোহণে নন্দব্রজে আসিলেন। নন্দ যশোদা ও বৃদ্ধ গোপগোপীগণ তাঁহাকে

অভিনন্দন ও আশীর্বাদ করিলেন। বয়স্য়গণ আসিয়া জিজ্ঞাসা করিল, রাম, আমাদের বান্ধবসকলের কুশল ত? তোমরা এখন স্ত্রী-পুত্র লাভ করিয়া আমাদের কি স্মরণ কর? গোপীগণ জিজ্ঞাসা করিলেন, শ্রীকৃষ্ণ কি মাতাকে দেখিতে একবার আসিবেন? আমাদের সেবা কি তিনি স্মরণ করেন? তাঁহার কথা আমরা কেনই বা বলি? তিনি যদি আমাদের ছাড়িয়া থাকিতে পারেন, তবে আমরাও পারিব। বলদেব তাঁহাদিগকে কৃষ্ণের সংবাদ দিয়া শাস্ত করিলেন। তিনি পূর্ণিমার রাত্রিতে যমুনার উপবনে সেই স্ত্রীগণসহ বিহার করিলেন। বরুণপ্রেরিত মধুধারা পান করিয়া বনে বিচরণ করিতে লাগিলেন, গোপীগণ তাঁহার কীর্ত্তি গান করিতে লাগিল। জলক্ৰীড়ার জন্য যমুনাকে আহ্বান করিলেন, কিন্তু যমুনা আসিল না দেখিয়া তিনি কুপিত হইয়া হলদ্বারা তাহাকে আকর্ষণ করিলেন। যমুনা তখন আসিয়া অনেক স্তবস্তুতি করিয়া মুক্তি লাভ করিল। বলদেব স্ত্রীগণসহ যমুনায় ক্রীড়া করিলেন। লক্ষ্মী তাঁহাকে নীলবস্ত্রদ্বয় ও নানা অলঙ্কার উপহার দিলেন। বলদেব মধু ও মাধব ( চৈত্র ও বৈশাখ ) এই দুই মাস সেখানে থাকিলেন।

### ৬৬—৬৮ অধ্যায়

পৌণ্ড্র, কাশীরাজ, দ্বিবিদ, লক্ষ্মণা, সান্দ্র, বলরাম

করুণাধিপতি পৌণ্ড্রক শ্রীকৃষ্ণের বেশভূষা ধারণ করিয়া আপনাকে 'বান্ধুদেব' বলিয়া প্রচার করিতে লাগিল, এবং দ্বারকায় শ্রীকৃষ্ণকে এক দূতমুখে বলিয়া পাঠাইল, আমিই প্রকৃত বান্ধুদেব, তুমি আমার বেশভূষা পরিত্যাগ করিয়া শীঘ্র আমার শরণ লও, নতুবা যুদ্ধ কর। শ্রীকৃষ্ণ সেই দূতমুখেই বলিয়া পাঠাইলেন, 'মৃত, আমি আসিয়া তোমার নাম ও বেশভূষাদি দূর করিয়া তোমাকে সহর গৃধ্রকুক্ষুরাদির আশ্রয়ে প্রেরণ করিব। পৌণ্ড্রক কাশীরাজের মিত্রস্বরূপে কাশীতে ছিলেন, শ্রীকৃষ্ণ রথারোহণে কাশীর নিকট আসিয়া উপস্থিত হইলেন। পৌণ্ড্রক ও কাশীপতি উভয়ে বহু সৈন্য নিয়া পুরী হইতে নির্গত হইলেন, এবং যুদ্ধ শাণিত অস্ত্র নিক্ষেপ করিয়া তাঁহাকে জর্জরিত

করিলেন। শ্রীকৃষ্ণ চক্রদ্বারা পৌণ্ড্রকের হস্তী অথ রথ ও সৈন্য সকলকে, পরে তাহার মস্তক ছেদন করিলেন। কাশীরাজের মস্তকও দেহচ্যুত করিয়া তাহার পুরীর দ্বারে নিক্ষিপ্ত করিয়া চলিয়া গেলেন। কাশীরাজের পুত্র সুদক্ষিণ পিতৃহন্তাকে নিধন করার জন্ত শিবের আরাধনা করিলেন। শিব বলিলেন, দক্ষিণা নামক যজ্ঞাগ্নির অভিচারবিধানে পূজা কর, অব্রহ্মণ্যের প্রতি প্রযুক্ত হইলে সেই অগ্নি তোমার সঙ্কল্প সিদ্ধ করিবে। সুদক্ষিণ তাহাই করিল। সেই অগ্নি তখন ভীষণ লেলিহান শিখা লইয়া দ্বারকাভিমুখে ধাবিত হইল। দ্বারকাবাসিগণ ভয়ে শ্রীকৃষ্ণের শরণ হইল। শ্রীকৃষ্ণের আদেশে কোটীসূর্যাসম সুদর্শনচক্র ধাবিত হইয়া সেই অগ্নিকে উৎপীড়িত করিল, অগ্নি পলাইয়া কাশী ফিরিয়া আসিয়া ঋত্বিকগণসহ সুদক্ষিণকেই ধ্বংস করিল। সুদর্শনচক্রও সৈন্য ও রথাদি সহ সমুদয় কাশীপুরীকে দগ্ধ করিয়া দ্বারকায় ফিরিয়া আসিল।

দ্বিবিদ নামে এক বানর নরকাসুরের সখা ছিল। সে পূর্বে সুগ্রীবের মন্ত্রী ছিল। নরকাসুরবধের প্রতিশোধ লওয়ার মানসে সে আনন্ডদেশের নানা স্থানে অগ্নি, পর্বত-উৎপাটন, জলপ্লাবন, ঋষিগণের আশ্রম কলুষিত করা, ইত্যাদি নানা উৎপাত আরম্ভ করিল। রৈবতক পর্বতে বারুণীপানরত বলরামসমীপে আসিয়া এক বৃক্ষে উঠিয়া কিলকিল শব্দ, ও পরে মধুকলসসকল ভগ্ন করিতে লাগিল। বলদেব মুঞ্চল ও হল ধারণ করিয়া তাহাকে আক্রমণ করিলে সেই বানর প্রকাণ্ড মহীরুহসকল অক্লেশে উৎপাটিত করিয়া তাহাকে প্রহার করিতে লাগিল। তখন বলদেব ক্রোধে প্রদীপ্ত হইয়া দুই বাহু দ্বারা তাহাকে প্রহার করিলেন। দ্বিবিদ রক্ত বমন করিতে করিতে বন ও পর্বত কম্পিত করিয়া ভূপতিত হইল ও প্রাণ ত্যাগ করিল। বলদেব সকলের দ্বারা স্তূত হইয়া স্বর্গে ফিরিয়া আসিলেন।

একদা জাম্ববতীর গর্ভজাত শ্রীকৃষ্ণপুত্র সাম্ব স্বয়ম্বরসভা হইতে দুর্ঘোষনের কন্যা লক্ষ্মণাকে হরণ করিলেন। কৌরবগণ বলিলেন, এই যাদবগণ আমাদেরই অনুগ্রহপ্রদত্ত কিঞ্চিং রাজ্য ভোগ করিতেছে,



এই ছুর্বিনীত বালককে এখনই আক্রমণ করিয়া বন্ধন কর।  
 সান্থ কুরুসৈন্য কর্তৃক আক্রান্ত হইয়া তাহাদিগকে বহু বাণ  
 দ্বারা বিদ্ধ করিলেন, পরিশেষে বিরথ ও পরাজিত হইয়া বন্ধাবস্থায়  
 ছুর্যোধনের পুরীতে নীত হইলেন। নারদমুখে এই সংবাদ শ্রবণ  
 করিয়া দ্বারকায় বৃষ্টিগণ কুরুদিগের সহিত যুদ্ধের আয়োজন  
 করিতে লাগিলেন। বলদেব বলিলেন, ক্ষান্ত হও, উহাদের সহিত  
 কলহ করিব না, আমি শান্তি স্থাপনের জন্ত এখনই হস্তিনায়  
 চলিলাম। হস্তিনা নগরের নিকট এক উপবনগৃহে আসিলে বলদেব  
 উপায়নহস্ত কুরুদিগের দ্বারা অভ্যর্থিত হইয়া পরস্পর কুশলবার্তা  
 বিনিময়ের পর বলিলেন, তোমরা বহুলোক একত্র হইয়া এই একাকী-  
 যুদ্ধমান বালককে অধর্শযুদ্ধে পরাজিত করিয়া বন্ধন করিয়াছ।  
 যত্নপতি উগ্রসেনের আদেশ, উহাকে উহার ত্রায়াধিকৃত বধুসহ সহর  
 আনিয়া আমার নিকট উপস্থিত কর। কুরুপতিরা বলিলেন, কি  
 বিড়ম্বনা, আমাদের প্রসাদলাভে রাজ্যপ্রাপ্ত হইয়া এক্ষণে ইহারা  
 এইরূপ গর্বিত বাক্যে আমাদিগকে অপমানিত করিতেছে! বলদেবকে  
 তাঁহারা এইরূপ ছুর্বাক্য বলিয়া পুরীমধ্যে প্রবেশ করিলেন। বলদেব  
 বলিলেন, কি আশ্চর্য্য, ইহারা দেখিতেছি মন্দবুদ্ধি ও কলহপ্রিয়, আমি  
 শান্তিকামী হইয়া আসিয়াছিলাম। যিনি সুধর্ম্মা সভায় উপবেশন  
 করেন, যিনি স্বর্গ হইতে পারিজাততরু ভূতলে আনিয়াছেন, স্বয়ং লক্ষ্মী  
 ষাঁহার পদসেবা করেন, তিনি সামান্য রাজচিহ্ন ধারণের যোগ্য  
 হইলেন না? বলদেব কুপিত হইয়া হস্তিনানগরকে হলদ্বারা আকর্ষণ  
 করিয়া গঙ্গাগর্ভে নিমগ্ন করিতে উত্তত হইলেন। তখন কৌরবগণ ভীত  
 হইয়া সেই অনন্তদেবের বহু স্তবস্ততি করিয়া তাঁহাকে প্রসন্ন করিলেন।

অত্वाপি চ পুংং হেতং স্চয়জ্ঞামবিক্রমম্।

সমুন্নতং দক্ষিণতো গঙ্গায়ামনুদৃশ্যতে ॥ ১০।৬৮।৫৪

—আজও এই পুরী বলরামের বিক্রমের পরিচয় দিতেছে, গঙ্গাতীরে ইহার  
 দক্ষিণ ভাগ সমুন্নত দেখা যায়।

বলদেব সান্থকে বন্ধনযুক্ত করিয়া বহু মূল্যবান উপায়ন ও লক্ষণা সহ

দ্বারকায় প্রত্যাবৃত্ত হইয়া পুরবাসিগণদ্বারা বহু সমাদরে অভ্যর্থিত

## ৬৯ অধ্যায়

নারদ, শ্রীকৃষ্ণ, মহিষী-ভবন

ষোড়শ সহস্র পত্নী লইয়া শ্রীকৃষ্ণ কিভাবে বাস করেন, তাহা দেখিবার জন্য নারদ একদিন দ্বারকায় আসিয়া উপস্থিত হইলেন। তিনি শ্রীকৃষ্ণের অন্তঃপুরমধ্যে বিশ্বকর্মার নির্মাণকৌশলের পরাকাষ্ঠাস্বরূপ এক সুমহৎ ভবনে প্রবেশ করিলেন। তথায় দেখিলেন, রুদ্রিণী রত্নদণ্ডবিশিষ্ট চামর দ্বারা সাত্বতপতিকে ব্যঞ্জন করিতেছেন। শ্রীকৃষ্ণ নারদকে দেখিয়া সহসা উঠিয়া তাঁহাকে উত্তম আসনে উপবেশন করাইলেন, এবং তাঁহার পাদ প্রক্ষালন করিয়া সেই জল নিজ মস্তকে ধারণ করিলেন। কুশলাদি জিজ্ঞাসা করিয়া বলিলেন, প্রভু, আমি আপনার কোন্ কার্য সাধন করিব, বলুন। নারদ বলিলেন, আপনার পদযুগল দর্শন করিলাম, এমত অনুগ্রহ করুন যেন এই চরণদ্বয়ের ধ্যানে আমার স্মৃতি সতত স্থির থাকে। এই কথা বলিয়াই নারদ সেই যোগেশ্বরের যোগমায়া জানিবার নিমিত্ত অত্র এক মহিষীর গৃহে প্রবেশ করিলেন। সেখানে দেখিলেন, শ্রীকৃষ্ণ সেই পত্নীর সহিত অঙ্কক্রীড়া করিতেছেন। সেখানেও তিনি নারদকে দেখিয়া সহসা উঠিয়া জিজ্ঞাসা করিলেন, আপনি কখন আসিয়াছেন, আপনার কি প্রিয় সাধন করিব? এইরূপ পর পর এক এক গৃহে গিয়া নারদ দেখিলেন, শ্রীকৃষ্ণ কোথাও শিশুসন্তান পালন করিতেছেন, কোথাও স্নানের উপক্রম করিতেছেন, কোথাও হোম, কোথাও সন্ধ্যাবন্দনাদি, কোথাও অস্ত্রবিজ্ঞা অভ্যাস, কোথাও অশ্ব বা হস্তী বা রথে বিচরণ করিতেছেন, কোথাও পর্যাঙ্কে শয়ান রহিয়াছেন, কোথাও মন্ত্রীগণসহ মন্ত্রণা করিতেছেন, কোথাও ব্রাহ্মণগণকে গাভী দান করিতেছেন, কোথাও প্রিয়ার সহিত হান্তালাপ, কোথাও বা পুত্রকন্যাতির বিবাহের আয়োজন করিতেছেন। শ্রীকৃষ্ণকে এইরূপে নানাভাবে অবস্থিত ও

নানা ক্রীড়ায় নিযুক্ত দেখিয়া নারদ বলিলেন, হে যোগেশ্বর, অতঃ  
আপনার যোগমায়ায় প্রভাব দেখিলাম—

অনুজানীহি মাং দেব লোকাংস্তে ষশসাপ্ততান্ ।

পর্যটামি তবোদগায়ন লীলা ভুবন-পাবনীঃ ॥ ১০।৬৯।৩৯

—হে দেব, আমাকে যাইতে অনুমতি করুন, আমি আপনার ষশোব্যাপ্ত সকল  
লোকে আপনার ভুবনপবিত্রকারী লীলা গান করিতে করিতে পর্যটন করিব ।

শ্রীভগবান্ বলিলেন, পুত্র, তুমি মোহগ্রস্ত হইও না । আমি  
লোকশিক্ষার জন্য এইরূপ করিয়া থাকি । শ্রীভগবানের এই আশ্চর্য্য  
লীলা দর্শনে বিন্মিত হইয়া তাহাই স্মরণ করিতে করিতে শ্রীনারদ  
তথা হইতে প্রস্থান করিলেন ।

৭০—৭৫ অধ্যায়

কৃষ্ণ, দূত, নারদ, উদ্ধব, যুধিষ্ঠির, জরাসন্ধ, বন্দী রাজগণ, রাজসূয়,  
শিশুপাল, সূর্যোদয়

শ্রীকৃষ্ণ প্রতিদিন ব্রাহ্মমূর্ত্তে শয্যাভ্যাগ করিয়া জলস্পর্শপূর্ব্বক  
প্রসন্নচিত্তে অন্ধকারের পরপারস্থ পরমাত্মার ধ্যান করিতেন ।—

একং স্বয়ং জ্যোতিরনন্তমব্যয়ং স্বসংস্থয়া নিত্যনিরন্তকল্মষম্ ।

ব্রহ্মাখ্যমশ্রোত্ববনাশহেতুভিঃ স্বশক্তিভির্লঙ্কিতভাবনির্বৃতিম্ ॥ ১০ ৭০।৫

—এক, অধিতীয়, অব্যয়, স্বয়ং-প্রতিভাত, নিজ মহিমায় নিত্য অ-পাপবিক্র,  
বিশ্বের উৎপত্তি-বিনাশের হেতুভূত শক্তিসমূহ হইতেই ষাঁহার সত্তার ও আনন্দ-  
স্বরূপত্বের উপলব্ধি হয়, সেই ব্রহ্মনামা পুরুষকে ধ্যান করিতেন ।

তৎপর স্নান করিয়া এবং বস্ত্রবস্ত্র পরিয়া সন্ধ্যাবন্দনাদি এবং হোম  
করিয়া যতবাক্ হইয়া গায়ত্রী জপ করিতেন । সূর্যোদয়ে সূর্য্যের  
উপাসনা, পিতৃলোকের তর্পণ ও বৃদ্ধ ব্রাহ্মগণের অর্চনা করিয়া তিনি  
স্বর্ণমণ্ডিত শৃঙ্গযুক্ত চুন্ধবতী বহু গাভী ব্রাহ্মগণকে দান করিতেন ।  
অস্তঃপুরবাসীদিগকে এবং প্রজাগণকে অভিলষিত অর্থাদি দান  
করিতেন । তারপর মাল্য-অম্বুলেপনাদি-চর্চিত হইয়া রথারোহণে  
সুধর্ম্মা নামক সভাগৃহে আসিতেন । সেখানে সূত মাগধ বন্দিগণ  
জ্বতিপাঠ, ব্রাহ্মণেরা বেদপাঠ বা পূর্ব্ব রাজাদিগের যশোগান এবং

নর্তক ও নর্তকীগণ নৃত্যাদি করিত।—সেই সময় একদিন এক পুরুষ সেই সভায় আসিয়া প্রবেশ করিল। সে শ্রীকৃষ্ণকে নমস্কার করিয়া জরাসন্ধ কর্তৃক গিরিব্রজ-দুর্গে আবদ্ধ বিংশ সহস্র রাজার ছদ্মশার কথা এবং শ্রীকৃষ্ণে তাহাদের শরণাগতি নিবেদন করিয়া তাহাদের কল্যাণ-বিধানের প্রার্থনা জানাইল। এমন সময় দেবর্ষি নারদও সেই সভায় আসিয়া উপস্থিত হইলেন। শ্রীকৃষ্ণ তাঁহাকে বিহিত পূজা করিয়া ও আসনাদি দিয়া, পাণ্ডবরা এক্ষণে কি করিতেছেন জিজ্ঞাসা করিলেন। নারদ বলিলেন, ভগবন্, পাণ্ডবনরপতি যজ্ঞশ্রেষ্ঠ রাজশূর্য দ্বারা আপনার পূজা করিবেন, আপনি তাহা অনুমোদন করুন। তথায় দেবগণ ও রাজগণ আপনাকে দর্শন করিয়া পবিত্র হইবেন। আপনার যশ স্বর্গ মর্ত্য পাতাল ও সকল দিকে পরিব্যাপ্ত হইয়াছে।—শ্রীকৃষ্ণ উদ্ধবকে বলিলেন, তুমি আমাদের চক্ষুঃস্বরূপ, মঙ্গলাকুশল। এ বিষয়ে আমার কি কর্তব্য উপদেশ কর।

উদ্ধব বলিলেন, পিতৃস্বসেয় রাজার যজ্ঞে সাহায্য করা এবং শরণার্থী রাজগণের উদ্ধার করা আপনার কর্তব্য। জরাসন্ধের জয় দ্বারা এই উভয় উদ্দেশ্য সিদ্ধ হইবে। একমাত্র মহাবীর ভীমসেনই জরাসন্ধের সমকক্ষ। বহু সৈন্য নিহত না করিয়া ভীম ব্রাহ্মণবেশে আপনার সমক্ষে তাহাকে দ্বন্দ্বযুদ্ধে আহ্বান করুক, তাহা হইলে সে প্রত্যাখ্যান করিবে না। আপনার সন্নিধিই তাহার বধের কারণ হইবে, ভীম নিমিত্তমাত্র। জরাসন্ধ নিহত হইলে আবদ্ধ রাজগণের মহিষীসকল আপনার যশ কীর্তন করিবে, এবং আমাদের প্রয়োজনও সিদ্ধ হইবে।—উদ্ধবের এই বাক্য যত্নবৃদ্ধগণ সকলেই আদরে গ্রহণ করিলেন। শ্রীকৃষ্ণ দূতকে বলিলেন, জরাসন্ধকে বধ করাইব, কোন ভয় করিও না, তোমার মঙ্গল হউক।—শ্রীকৃষ্ণ, বলদেব ও যত্নরাজের অনুমতি লইয়া মহিষী ও পুত্রগণসহ বহু আত্মসৈন্যপরিবৃত হইয়া এবং বাণনিদানে দিক্‌সকল কম্পিত করিয়া, গরুড়ধ্বজ রথ আরোহণে পুরী হইতে নির্গত হইলেন। আনন্ত সৌবীর মরু কুরুক্ষেত্র বহু গিরি নদী ব্রজ গ্রাম এবং তৎপর দৃষদ্বতী সরস্বতী নদীদ্বয় পঞ্চাল মৎস্যদেশ

অতিক্রম করিয়া তিনি ইন্দ্রপ্রস্থে উপনীত হইলেন। রাজা যুধিষ্ঠির সুহৃদগণসহ মঙ্গলগীতি ও বেদধ্বনি সহকারে আসিয়া তাঁহাকে প্রত্যাগমন করিয়া নিয়া গেলেন। পরস্পর অভিবাদন আলিঙ্গনাদির পর, রাজপথে প্রত্যেক শ্রেণীর প্রধানগণ ও স্ত্রীগণ দ্বারা পূজিত হইয়া শ্রীকৃষ্ণ যুধিষ্ঠিরের অন্তঃপুরে প্রবেশ করিলেন। পৃথা সুভদ্রা দ্রৌপদী তাঁহাকে ও তাঁহার মহিষীগণকে নানা উপহার দ্বারা পূজা করিলেন। জনার্দন প্রীত হইয়া মণিমুক্তাখচিত ময়দানবর্নিস্মিত বিচিত্র সভা দর্শন করিয়া সখা অর্জুন সহ রথারোহণে বিচরণ করিয়া কিছুদিন সেখানে রহিলেন।

একদিন রাজা যুধিষ্ঠির মুনিগণ ভ্রাতৃবর্গ সুহৃদ ব্রাহ্মণ ক্ষত্রিয় বৈশ্যাদি সহ সভাসীন হইয়া শ্রীকৃষ্ণকে বলিলেন, গোবিন্দ, আমি রাজসূয় যজ্ঞদ্বারা তোমার বিভূতিসকলের অর্চনা করিতে অভিলাষ করিয়াছি, তুমি এই কার্য্য সম্পন্ন কর। শ্রীকৃষ্ণ বলিলেন, রাজন্, আপনার এই সঙ্কল্প সাধু, এই কল্যাণকর যজ্ঞ দ্বারা আপনার কীর্ত্তি সর্ব্বলোকে ব্যাপ্ত হইবে। ইহা সর্ব্বভূতের প্রার্থনীয়। আপনি সকল রাজগণকে জয় করিয়া, যজ্ঞের সমস্ত প্রয়োজনীয় দ্রব্য আহরণ করিয়া, এই শ্রেষ্ঠ যজ্ঞের অনুষ্ঠান করুন। তখন রাজা যুধিষ্ঠির দিগ্বিজয়ার্থ সৃঞ্জয়গণসহ সহদেবকে দক্ষিণ দিক্, মৎস্যগণসহ নকুলকে পশ্চিম দিক্, কেকয়গণসহ অর্জুনকে উত্তর দিক্ এবং মদ্রকগণসহ ভীমসেনকে পূর্ব দিক্ জয় করিতে নিযুক্ত করিলেন। সেই বীরগণ সকল রাজগণকে জয় করিয়া প্রচুর ধন আনিয়া রাজা যুধিষ্ঠিরকে দিল, কিন্তু জরাসন্ধ পরাজিত হন নাই শুনিয়া শ্রীকৃষ্ণ যুধিষ্ঠিরকে উদ্ধব-কথিত জরাসন্ধবধের উপায় বলিলেন। শ্রীকৃষ্ণ ভীম ও অর্জুন, যুধিষ্ঠিরের অনুজ্ঞামতে, স্নাতক ব্রাহ্মণের বেশে অতিথিবেলায় জরাসন্ধের রাজধানী গিরিব্রজপুরে প্রবেশ করিয়া জরাসন্ধের সাক্ষাৎ প্রার্থনা করিলেন। জরাসন্ধ আসিলে তাঁহারা বলিলেন, রাজন্, বহুদূর হইতে আসিয়াছি, আমাদের প্রার্থনা পূর্ণ করুন, আপনার মঙ্গল হইবে—

কিং জ্বর্যং তিতিক্ষুণাং কিমকার্য্যমসাধুভিঃ ।

কিং ন দেয়ং বদান্তানাং কঃ পরঃ সমদর্শিনাম্ ॥

যোহনিত্যেন শরীরেণ সতাং গেষ্যং বশো ধ্রুবম্ ।

নাচিনোতি স্বয়ং কল্পঃ স বাচ্যঃ শোচ্য এব সঃ ॥

হরিশ্চন্দ্রো রস্তিদেব উজ্জ্বলিতঃ শিবিবলিঃ ।

ব্যাধঃ কপোতো বহবো হৃৎকবেন ধ্রুং গতাঃ ॥ ১০৭২।১৯,২০,২১

—ত্যাগীর দুঃসহ, অসাধুর অকরণীয়, বদান্তের অদেয়, কি আছে ? সমদর্শীর পর কে ? যে সমর্থ হইয়াও এই অনিত্য শরীর দ্বারা সজ্জন-প্রশংসিত নিত্য বশ সঞ্চয় করে না, সে-ই নিন্দনীয় ও কৃপাপাত্র । হরিশ্চন্দ্র, রস্তিদেব, উজ্জ্বলিত, শিবি, ব্যাধ, কপোত এবং অগ্র অনেকে এই অনিত্য দেহ দ্বারা নিত্যাধাম প্রাপ্ত হইয়াছেন ।

জরাসন্ধ তাঁহাদের আকৃতি ও জ্যাঘাতচিহ্নিত প্রকোষ্ঠ দেখিয়া তাঁহাদিগকে ক্ষত্রিয় সন্দেহ করিয়াও ভাবিলেন, বলি বিপ্ররূপী বিষ্ণুকে জানিয়াও এবং বারিত হইয়াও সর্বস্ব দান করিয়া চতুর্দিগ্‌ব্যাপী যশ লাভ করিয়াছিলেন, সুতরাং আমিও ইহাদের প্রার্থনা পূরণ করিব । তিনি বলিলেন, আপনারা কি প্রার্থনা করেন বলুন, আমার মন্তক চাহিলেও দিব । শ্রীকৃষ্ণ বলিলেন, রাজন, তোমার অভিমত হইলে আমরা তোমার সহিত দ্বন্দ্ব-যুদ্ধ প্রার্থনা করি । আমরা ক্ষত্রিয়— ইনি ভীম, ইনি অর্জুন আর আমি ইহাদের মাতুলপুত্র তোমার শত্রু কৃষ্ণ । জরাসন্ধ বলিলেন, কৃষ্ণ, তুমি ভীক, মথুরা হইতে পলায়ন করিয়া সমুদ্রের আশ্রয় লইয়াছ, তোমার সহিত যুদ্ধ করিব না । অর্জুন বয়সে আমার তুল্য নহে, সুতরাং ভীমের সহিতই আমি দ্বন্দ্বযুদ্ধ করিব । এই বলিয়া দুইটি গদা আনিয়া একটি ভীমকে দিলেন, ও একটি নিজে লইলেন । তখন চট্‌চটাশব্দে তুমুল গদাযুদ্ধ আরম্ভ হইল । উভয়ের শরীরস্পর্শে গদাদ্বয় শীঘ্রই চূর্ণ হইয়া গেল । তখন উভয়ে ভীষণ মুষ্টিযুদ্ধে প্রবৃত্ত হইলেন । শ্রীকৃষ্ণ শত্রুবধের উপায় চিন্তা করিয়া ভীমকে সঙ্কেতপ্রদর্শনার্থ একটি বৃক্ষশাখা লইয়া তাহা মূল হইতে অগ্রভাগ পর্য্যন্ত দ্বিখণ্ড করিয়া দেখাইলেন । ভীম সেই সঙ্কেত বুঝিয়া জরাসন্ধের পদদ্বয়গ্রহণে ভূতলে পাতিত করিয়া তাহাকে

গুহ্যদেশ হইতে দুইখণ্ডে ভাগ করিয়া ফেলিলেন। প্রজাগণ চমৎকৃত হইয়া হাহাকার করিতে লাগিল, শ্রীকৃষ্ণ ও অর্জুন ভীমসেনকে আলিঙ্গন ও পাদবন্দনাদি করিলেন। শ্রীকৃষ্ণ জরাসন্ধ-পুত্র সহদেবকে রাজ্যে অভিষিক্ত করিয়া অবরুদ্ধ রাজগণকে মুক্ত করিয়া দিলেন।

রাজন, সেই অবরুদ্ধ বিশ হাজার আটশত রাজগণ মলিন বস্ত্রে সেই গিরিদ্রোণী হইতে বাহির হইয়া আসিলেন। তাঁহারা শ্রীকৃষ্ণকে দেখিয়া চক্ষু দ্বারা পান, নাসিকা দ্বারা আত্মাণ, বাহুদ্বারা আলিঙ্গন ও মস্তক দ্বারা তাঁহাকে প্রণাম করিয়া বলিলেন, মধুসূদন, আমরা জরাসন্ধের নিন্দা করি না, রাজ্যচ্যুতি রাজাদের প্রতি আপনার অনুগ্রহ মাত্র। ঐশ্বর্য্যমত্ত হইয়া তাহারা অনিত্য সম্পদকে নিত্য মনে করে।—

মৃগতৃষ্ণাং যথা বালা মত্তস্ত উদকাশয়ম্।

এবং বৈকারিকীং মায়ামযুক্তা বস্ত চক্ষতে ॥ ১০।৭৩।১১

—অজ্ঞেরা মৃগতৃষ্ণিকাকে যেমন জলাশয় মনে করে, অবিবেকী লোকেরা তেমনি মায়াবিকারকে প্রকৃত বস্তু বলিয়া মনে করে।

আমরাও ঐরূপ করিয়াছি। এক্ষণে আর আমরা রাজ্যের উপাসনা করিতে চাইনা। এমন কোন উপায় নির্দেশ করুন, যাহাতে সংসারে থাকিয়াও আমরা আপনার চরণকমল কখনও ভুলিয়া না যাই।—

কৃষ্ণায় বাসুদেবায় হরয়ে পরমায়নৈ।

প্রণতক্লেশনাশায় গোবিন্দায় নমোনমঃ ॥ ১০।৭৩।৬

—কৃষ্ণ বাসুদেব হরি পরমাত্মা প্রণতের ক্লেশনাশকারী গোবিন্দকে বারংবার নমস্কার করি।

শ্রীকৃষ্ণ বলিলেন, হে ভূপগণ, অতঃ হইতে আমাতে তোমাদের মতি দৃঢ় হইয়া থাকুক।

শ্রীঐশ্বর্য্যমদোদ্যাহং পশু উদ্যাদকং নৃগাম্ ॥ ১০।৭৩।১২

—শ্রী ঐশ্বর্য্য মদ ও বৈষয়িক উন্নতিকেই মানুষের উদ্যাদক মনে করি।

কার্ত্তবীর্য্য নহ্ম বেণ রাবণ নরকাসুর প্রভৃতি রাজগণ ঐশ্বর্য্যগর্বেই স্ব স্ব স্থান হইতে ভ্রষ্ট হইয়াছিলেন। তোমরা এই দেহকে মরণশীল জানিয়া আমার সেবা করিয়া ধর্ম্মানুসারে প্রজা পালন কর।

সন্তুষ্ট: প্রজাতন্তু হৃৎং হৃৎং ভবান্তবো ।

প্রাপ্তং প্রাপ্তং সেবন্তো মচ্চিভা বিচরিত্যথ ॥

উদাসীনশ্চ দেহাদাবান্মারামা ধৃতব্রতা: ।

মধ্যাবেশ মন: সম্যঙ্ মামন্তে ব্রহ্ম যান্তথ ॥ ১০।৭৩।২২,২৩

—তোমরা সন্ততি উৎপাদন করিয়া সুখ দুঃখ মঙ্গল অমঙ্গল সমভাবে সেবা করিবে এবং মদগতচিত্তে গৃহস্থাচার পালন করিবে। দেহাদিতে উদাসীন আত্মারাম ও দৃঢ়ব্রত হইয়া আমাতে মনকে সম্যক স্থির রাখিয়া অন্তে ব্রহ্মস্বরূপ আমাকেই প্রাপ্ত হইবে।

এই বলিয়া সেই মায়াধীশ, সহদেব রাজা দ্বারা বন্দী রাজগণকে বসন ভূষণ মাল্য অমুলেপন দিয়া এবং উত্তম পানভোজন করাইয়া, নিজ নিজ দেশে প্রেরণ করিয়া দিলেন। তাঁহারা অগ্নানচিত্তে শ্রীকৃষ্ণের আদেশ পালন করিয়াছিলেন। শ্রীকৃষ্ণ ভীমার্জুনসহ খাণ্ডবপ্রস্থে আসিলেন। যুধিষ্ঠির প্রেমে গদগদ হইয়া আনন্দাশ্রু বিসর্জন করিতে লাগিলেন।

যুধিষ্ঠির বলিলেন, হে কৃষ্ণ, হে বিভো, তোমার ভক্তগণেরই দেহবিষয়ে অহংমমাভিমান থাকে না, তোমাকে আর কি বলিব।—

ন হ্যেকশাষ্টিতীয়শ্চ ব্রহ্মণ: পরমাত্মন: ।

কর্ণাভির্বর্জিতে তেজো হ্রসতে চ যথা রবে: ॥ ১০।৭৪।৪

—হৃষ্যের তেজের যেমন বস্তুত: কখনও হ্রাসবৃদ্ধি হয় না, এক অষ্টীয় পরমাত্মা ব্রহ্ম তোমার মহিমারও তেমন কোন কর্ণের দ্বারা হ্রাস বা বৃদ্ধি হয় না।

যজ্ঞকাল উপস্থিত হইলে শ্রীকৃষ্ণের অনুমতি নিয়া রাজা যুধিষ্ঠির ব্রহ্মবাদী মুনিগণকে ঋত্বিকরূপে বরণ করিলেন, যথা—দ্বৈপায়ন ভরদ্বাজ সুমন্ত গৌতম অসিত বশিষ্ঠ চ্যবন কথ মৈত্রেয় কবষ ত্রিত বিশ্বামিত্র বামদেব জৈমিনি সুমতি ক্রতু পৈল পরাশর গর্গ বৈশম্পায়ন অথর্বা কশ্যপ ধৌম্য ভার্গব রাম আসুরি বীতিহোত্র মধুচ্ছন্দা বীরসেন অকৃতব্রণ প্রভৃতি। দ্রোণ ভীষ্ম কৃপ সপুত্র ধৃতরাষ্ট্র বিহুর ও অন্যান্য ক্ষত্রিয় বৈশ্য শূদ্র এবং রাজা ও রাজ্ঞীগণ আহূত হইয়া যজ্ঞ দর্শন করিতে আসিলেন। ব্রহ্মবাদী ব্রাহ্মগণ সুবর্ণনির্মিত হল দ্বারা



যজ্ঞভূমি কর্ণ করিয়া বেদবিধানানুযায়ী রাজা যুধিষ্ঠিরকে সেই মহাযজ্ঞে দীক্ষিত করিলেন। ইন্দ্রাদি লোকপালগণ সগণ ব্রহ্মা মহাদেব গন্ধর্ব্ব কিন্নর সিদ্ধ বিদ্যাধর ঋষি ব্রাহ্মণগণ সকলেই নিমন্ত্রিত হইয়া আসিলেন। রাজা যুধিষ্ঠির সুসমাহিত হইয়া যাজক ও সভ্যশ্রেষ্ঠগণকে পূজা করিলেন। বহু যোগ্য ব্যক্তি তথায় উপস্থিত থাকায় কে অগ্রপূজার যোগ্য, এই বিষয় কেহ স্থির করিয়া উঠিতে পারিলেন না। তখন সহদেব বলিলেন, যিনি অদ্বিতীয়, বিশ্বাত্মক, সকলই ঐহার অধীন, সেই শ্রীকৃষ্ণই অগ্রপূজার যোগ্য। ইহার পূজাই সর্ব্বভূতের পূজা। সভাস্থ সজ্জনগণ সকলেই ‘সাধু’ ‘সাধু’ বলিয়া হুটুচিতে এই বাক্যের অনুমোদন করিলেন। রাজা যুধিষ্ঠির দ্বিজগণের সাধুবাদ শুনিয়া সভাসদগণের অনুমতি বৃদ্ধিতে পারিয়া শ্রীত ও প্রণয়বিহ্বল হইয়া হ্রষীকেশেরই পূজা করিলেন, এবং তাঁহার লোকপাবন পাদদ্বয় প্রক্ষালন করিয়া সেই পাদোদক স্ত্রী ভ্রাতা ও কুটুম্বসহ আনন্দে মস্তকে ধারণ করিলেন। পীত কৌষেয় বস্ত্র ও মহামূল্য ভূষণ দ্বারা তাঁহার পূজা করিয়া প্রেমাশ্রুপূর্ণ নয়নে তাঁহার দিকে তাকাইতেও পারিলেন না। পুষ্পসকল বর্ষিত হইল, ‘নমঃ’ ও ‘জয়’ শব্দ উচ্চারিত হইতে থাকিল। তখন দমঘোষ-নন্দন শিশুপাল স্বীয় আসন হইতে উঠিয়া ক্রোধে বাহু উত্তোলনপূর্ব্বক বলিতে লাগিল, ‘কালই সর্ব্বাপেক্ষা প্রবল’—এই বাক্য সত্য হইল, কারণ বৃদ্ধগণের বুদ্ধিও আজ বালকের বাক্য দ্বারা ছিন্ন হইল। জ্ঞানবলে ঐহাদের সমস্ত পাপ নষ্ট হইয়া গিয়াছে, সেই লোকপাল-পূজিত ব্রহ্মনিষ্ঠ সভ্যগণকে অতিক্রম করিয়া এই কুলাধম গো-পালক কৃষ্ণ কিরূপে অগ্রপূজার যোগ্য হইল? এত গুণহীন, সর্ব্বধর্ম্মবর্জিত, স্বেচ্ছাচারী। যযাতি দ্বারা ইহাদের কুল অভিশপ্ত। ইহারা ব্রহ্মর্ষি-সেবিত দেশ ত্যাগ করিয়া সমুদ্র-দুর্গ আশ্রয়ে দস্যুর হ্রায় প্রজাপীড়ন করিতেছে। এরূপ ব্যক্তি অগ্রপূজার যোগ্য হইল?—শ্রীকৃষ্ণ কিছু বলিলেন না, সভাসদগণ হুঃসহ ভগবন্নিদ্রাবাক্য শুনিয়া কর্ণদ্বয় আচ্ছাদন করিয়া রোষে চেদিপতিকে অভিশাপ করিতে করিতে তথা হইতে প্রস্থান

করিলেন। পাণ্ডুপুত্রগণ ও মৎস্যকেকয়মৃগয়গণ শিশুপালকে বধ করিবার জন্য অস্ত্র উত্তত করিয়া উঠিল। শিশুপালও কৃষ্ণপক্ষীয়গণকে ভৎসনা করিতে করিতে খড়্গ ও চর্ম গ্রহণ করিয়া অগ্রসর হইল। শ্রীকৃষ্ণ উঠিয়া স্বীয় পক্ষীয় রাজগণকে নিবৃত্ত করিয়া স্বয়ং চক্র দ্বারা আক্রমণোত্তত শিশুপালের মস্তক দেহ হইতে বিচ্ছিন্ন করিয়া ফেলিলেন। মহা কোলাহলধ্বনি উথিত হইল, শিশুপালের অন্তরাজগণ প্রাণভয়ে পলায়ন করিল। তখন,

চৈতন্যদেহাখিতং জ্যোতির্বাহুদেবমুপাধিশং ।

পশু গং সর্বভূতানামুদেব ভূবি খাচ্চ্যুত ॥ ১০।৭৪।৪৫

—আকাশচূত উদ্ধার ত্রায় শিশুপালের দেহ হইতে উথিত জ্যোতি সর্বজনসমক্ষে শ্রীকৃষ্ণের জ্যোতিতে প্রবেশ করিল।

যুধিষ্ঠির যজ্ঞশেষে ঋত্বিক ও সদশুগণকে যথাবিধি পূজা করিয়া অবভূথ স্নানাদি করিলেন। শ্রীকৃষ্ণ আরও কয়েকমাস ইন্দ্রপ্রস্থে রহিলেন, পরে যুধিষ্ঠিরের অনিচ্ছাসত্ত্বেও তাঁহার অনুমতি লইয়া ভার্য্যা ও অমাত্যগণ সহ দ্বারকায় প্রস্থান করিলেন।—রাজন, বিপ্রণাপে সেই বৈকুণ্ঠবাসী-দ্বয়ের পুনঃ পুনঃ জন্মগ্রহণের বৃত্তান্ত তোমাকে বলিলাম (৪১-৪২ ও ৮৯-৯০ পৃঃ দেখুন)। পাণ্ডুসুতগণের প্রতি অমৃতা-পরবশ কুরুকুলের ব্যাধিস্বরূপ দুর্ঘ্যোধন ছাড়া অপর সকলেই সুখী হইয়া স্ব স্ব স্থানে প্রস্থান করিলেন।

পরীক্ষিৎ জিজ্ঞাসা করিলেন, ভগবন্, দুর্ঘ্যোধন ব্যতীত সকলেই স্ফুট হইয়াছিলেন, বলিলেন। রাজা দুর্ঘ্যোধন কেন দুঃখিত হইলেন, শুনিতে ইচ্ছা করি। শুকদেব বলিলেন, রাজন, তোমার পিতামহের ঐ মহাযজ্ঞে সকল বান্ধব, এমন কি দুর্ঘ্যোধনাদিও প্রেমে বন্ধ হইয়া যজ্ঞের সকল কার্যে নিযুক্ত হইয়াছিলেন। ভীম রত্নশালায়, সহদেব সমাগত ব্যক্তিদিগের অভ্যর্থনায়, নকুল দ্রব্যসামগ্রী আয়োজনে, অর্জুন সকলের শুশ্রূষায়, শ্রীকৃষ্ণ পাদপ্রক্ষালনে, দ্রৌপদী অন্ন পরিবেশনে, দুর্ঘ্যোধন ধনাধ্যক্ষতায় এবং কর্ণ দানকার্যে নিযুক্ত হইয়াছিলেন। বিদুর যুযুধান বিকর্ণ ভূরিশ্রবা বিভিন্ন কার্যের ভার

লইয়াছিলেন। চেদিরাজ শিশুপাল যখন শ্রীকৃষ্ণ-চরণে প্রবিষ্ট হইলেন, তখন গীত, বাজ, সৈন্য, রাজগণ, ঋষি, ঋত্বিক, এবং অগ্ন্যাগ্নি দ্বিজ ও স্ত্রীগণে পরিবৃত্ত হইয়া রাজা যুধিষ্ঠির রথারোহণে দ্রৌপদীসহ আচমনান্তর গঙ্গায় স্নান করিলেন। বিচিত্র ভূষণে বিভূষিত পুরুষ ও স্ত্রী তৈল হরিদ্রা আর্জ কুঙ্কুমাদি দ্বারা পরস্পরকে অভিষিক্ত করিলেন। আর্জবসন-পরিহিতা স্বলিত-কবরী কুলস্ত্রীগণ দেবর ও সখীগণকে জলক্ষেপ করিতে লাগিল, বারান্ধনাগণও অমূলিপ্ত হইয়া এবং পুরুষগণকে অমূলিপ্ত করিয়া বিহার করিয়াছিল। ধর্মরাজ যুধিষ্ঠির এইরূপে শ্রীকৃষ্ণের সাহায্যে নিজ মনোরথ সিদ্ধ করিতে সক্ষম হইলেন।—ইতিমধ্যে একদিন দুর্যোধন যুধিষ্ঠিরের অন্তঃপুরে প্রবেশ করিয়া রাজসুয়লক তাঁহার বিপুল ঐশ্বর্য দেখিয়া নিতান্ত পরিতপ্ত হইল। দুর্যোধন ময়দানব-রচিত সভামণ্ডপে শ্রীকৃষ্ণ ও অমুজবান্ধবগণ পরিবৃত্ত, বন্দিগণ কর্তৃক স্তূয়মান, সার্বভৌমসম্পদে সেবিত, সাক্ষাৎ ইন্দ্রের গায় কাঞ্চনাসনে উপবিষ্ট সম্রাট যুধিষ্ঠিরকে দেখিতে পাইল। ভ্রাতৃগণ সহ অভিমানদৃপ্ত দুর্যোধন তখন রোষে অসিক্ষেপ করিতে করিতে সভামধ্যে প্রবেশ করিতে গিয়া মায়া-বিমোহিত হইয়া জলভ্রমে অধোবস্ত্র উত্তোলন করিল, কিন্তু সহসা স্থলে পতিত হইল। পুনরায় স্থলভ্রান্তিতে জলে পতিত হইল। দুর্যোধনের এই দুর্দশা দেখিয়া, রাজা যুধিষ্ঠির কর্তৃক নিবারণিত হইয়াও, কৃষ্ণের অনুমোদনে, ভীমসেন ও উপস্থিত অপর নৃপতিগণ এবং স্ত্রীগণও হাশ্ব করিয়া উঠিলেন। দুর্যোধন লজ্জিত এবং রোষে প্রজ্বলিত হইয়া রাজসভা ত্যাগ করিয়া তৎক্ষণাৎ স্বগণসহ হস্তিনাপুর প্রস্থান করিল। রাজা যুধিষ্ঠির বিমনা হইয়া রহিলেন। রাজনু, দুর্যোধনের দুঃখের কারণ তোমাকে বলিলাম।

### ৭৬—৭৭ অধ্যায়

কৃষ্ণ, শাশ্ব, দম্ভবক্র, বিদূরথ

শিশুপালসখা শাশ্ব রুক্মিণীর বিবাহকালে যাদবগণ কর্তৃক পরাজিত ও ক্রুদ্ধ হইয়া বলিয়াছিল, আমি পৃথিবীকে যাদবশূন্য করিব। সে

এই অভিপ্রায়ে প্রত্যহ একমুষ্টি ধূলি মাত্র খাইয়া মহাদেবের তপশ্চায় প্রবৃত্ত হইল, এবং তাঁহার বরে ময়নির্মিত সৌভ নামে এক মায়াময় বিমানপুরী লাভ করিল। শাশ্ব ঐ বিমান লইয়া ষারকা অবরোধ এবং শস্ত্রবৃষ্টি করিয়া উত্তান অট্টালিকা ইত্যাদি ভগ্ন করিতে লাগিল। অশনি শিলা কঙ্কর বৃক্ষ সর্প ও চক্রাকার বায়ুদ্বারা নভোমণ্ডল আচ্ছন্ন হইল। তখন মহাবীর প্রহ্মা বহু সৈন্যাদি লইয়া শাশ্বের সহিত ঘোর যুদ্ধ আরম্ভ করিয়া দিল। শাশ্বের বিমান কখনও জলে, কখনও স্থলে, কখনও আকাশে, কখনও পর্বতের উপরে অলাতচক্রের ন্যায় ভ্রমণ করিতে লাগিল। শাশ্বের সেনাপতি দ্যুমানের গদাঘাতে মূর্ছিত প্রহ্মা মূর্ছাত্যাগ করিয়া তৎক্ষণাৎ পুনরায় সজ্জিত হইয়া রণস্থলে আসিয়া দ্যুমানের মস্তক ছেদন করিল। এই রূপে সাতাশ দিন ভীষণ যুদ্ধ চলিল। এই সময়ে শ্রীকৃষ্ণ ইন্দ্রপ্রস্থে যুধিষ্ঠিরের রাজসূয় যজ্ঞে উপস্থিত ছিলেন। নানা দুর্নামিত দর্শন করিয়া তিনি সত্ত্বর ষারকায় আসিয়া যুদ্ধবৃত্তান্ত শুনিলেন এবং বলদেবকে পুরীরক্ষার ভার দিয়া রথ লইয়া দারুক সহ শাশ্বের নিকট আসিয়া উপস্থিত হইলেন। তিনি শাশ্বকে বহু বাণ দ্বারা বিদ্ধ করিলেন; শাশ্বও শ্রীকৃষ্ণের বাহু শরবিদ্ধ করিয়া তাঁহার শার্ঙ্গধনু ভূপাতিত করিল। হাহাকার শব্দ উত্থিত হইল। শাশ্ব বলিল, তুমি আমার সখা তোমার ভ্রাতা শিশুপালের ভার্যাকে অপহরণ করিয়া নিয়াছ (২১৯ পৃ:), পরে অপ্রস্তুত অবস্থায় শিশুপালকে বধ করিয়াছ, আমি এখনই সেই সকল দুষ্কার্যের প্রতিশোধ লইব। শ্রীকৃষ্ণ তখন শাশ্বকে এক গদা প্রহার করিলেন, শাশ্ব রক্ত বমন করিতে করিতে কম্পিতদেহে অন্তর্হিত হইল। মুহূর্ত্ত পরে এক পুরুষ আসিয়া বলিল, দেবকী আমাকে পাঠাইয়াছেন ও বলিয়াছেন, হে কৃষ্ণ, শাশ্ব তোমার পিতাকে পশুর ন্যায় বন্ধন করিয়া লইয়া গেল। শ্রীকৃষ্ণ সাধারণ মানুষ্যের মত একটু বিমনা হইলেন। তখনই শাশ্ব বাসুদেবের ন্যায় একটা মূর্ত্তিকে লইয়া শ্রীকৃষ্ণের নিকট আসিয়া বলিল, মুখ,

তোমার এই পিতাকে এখনই বধ করিতেছি, পার ত রক্ষা কর। এই বলিয়া সে তৎক্ষণাৎ ঐ মূর্তির মস্তক ছেদন করিয়া আকাশস্থ ঐ বিমানে প্রবেশ করিল। শ্রীকৃষ্ণ ক্ষণকাল তুষণীভাবে থাকিয়া শাশ্বের ঐ মায়া বুঝিতে পারিয়া তাহার বর্ষ্য ধনু কিরীট ভগ্ন করিয়া সৌভ বিমানকে ভূতলে পাতিত করিলেন। শাশ্ব গদাহস্তে শ্রীকৃষ্ণকে আঘাত করিতে লাগিল। তিনি তখনই চক্র দ্বারা শাশ্বের মস্তক ছেদন করিয়া ফেলিলেন। দেবগণ পুষ্পবৃষ্টি করিলেন।—এমন সময় শাশ্বের সখা দন্তবক্র ক্রোধে প্রদীপ্ত হইয়া সেখানে আসিয়া উপস্থিত হইল।

### ৭৮—৭৯ অধ্যায় [ ৬৭৬৮৭৭/১৫৫ ]

দন্তবক্র, বলরাম, রোমহর্ষণবধ, বল্লাসুর, ভীষ্ম, দুৰ্য্যোধন

পৌণ্ড্রক শিশুপাল ও শাশ্ব নিহত হইলে তাহাদের সখ্য করিবার নিমিত্ত করুষদেশীয় দুৰ্ম্মদ মহাবলবান্ দন্তবক্র একাকী গদাহস্তে ভূমি কম্পিত করিতে করিতে শ্রীকৃষ্ণের সম্মুখে আসিয়া উপস্থিত হইল, এবং বলিল, কৃষ্ণ, তুমি আমাদের মাতুলপুত্র কিন্তু মিত্রদ্রোহী, অতঃ তোমাকে বধ করিয়া মিত্রগণের নিকট অধাণী হইব। এই বলিয়া সে কৃষ্ণের মস্তকে গদা দ্বারা ভীষণ প্রহার করিল। শ্রীকৃষ্ণ কৌমোদকী গদা দ্বারা তাহার বক্ষস্থল বিদীর্ণ করিলেন, দন্তবক্র রুধির বমন করিতে করিতে প্রাণত্যাগ করিল। শিশুপালের হ্যায় দন্তবক্রের শরীর হইতেও এক সূক্ষ্ম জ্যোতি নির্গত হইয়া শ্রীকৃষ্ণে প্রবেশ করিল। দন্তবক্রের ভ্রাতা আসিল, শ্রীকৃষ্ণ তাহারও মস্তক ছেদন করিলেন।

বলরাম কুরুপাণ্ডবযুদ্ধে নিরপেক্ষ থাকিয়া ঐ যুদ্ধের উপক্রমেই তীর্থভ্রমণে বহির্গত হইয়াছিলেন। তিনি প্রভাস সরস্বতী পৃথুদক বিন্দুসরোবর ত্রিতকূপ সুদর্শন বিশালা চক্রতীর্থ ব্রহ্মতীর্থ এবং গঙ্গা ও যমুনার সকল তীর্থ দর্শন করিয়া পরিশেষে যজ্ঞরতঋষিগণসেবিত নৈমিষারণ্যে আসিয়া উপস্থিত হইলেন। মুনিগণ কর্তৃক অভ্যুত্থান প্রণামাদি দ্বারা অভিনন্দিত বলদেব বেদবাসের শিষ্য রোমহর্ষণ সূতকে এক উৎকৃষ্ট আসনে উপবিষ্ট দেখিলেন ; কিন্তু সে তাঁহাকে কোনওরূপ

অভ্যর্থনাদি করিল না। তিনি কুপিত হইয়া বলিলেন, এই বহু-  
শাস্ত্রাধ্যায়ী ধর্মধ্বজী ছবিনীত সূত বধযোগ্য, এই বলিয়া হস্তশ্রুতি  
কুশের অগ্রভাগ দ্বারা তৎক্ষণাৎ তাহার মস্তক ছেদন করিলেন।  
ঋষিগণ হাহাকার করিয়া উঠিলেন এবং বলিলেন, প্রভো, তুমি এ কি  
করিলে? আমাদের আরক্স যজ্ঞ শেষ না হওয়া পর্য্যন্ত আমরা  
ইহাকে ব্রহ্মাসন, শারীরিক অক্লান্তি ও আয়ু দান করিয়াছিলাম। তুমি  
যোগেশ্বর, কোন নিয়মের অধীন নও, তথাপি লোকশিক্ষার জন্ত  
স্বয়ংপ্রণোদিত হইয়া তোমার এই ব্রহ্মহত্যার প্রায়শ্চিত্ত করা সঙ্গত।  
বলদেব বলিলেন, আপনারা যাহা বলিলেন, তাহা করিব, কিন্তু আমার  
এ বিষয়ে মুখ্য কর্তব্য কি, বলুন। ঋষিগণ বলিলেন, যাহাতে  
আপনার ও আমাদের উভয়ের বাক্যের সত্যতা রক্ষা হয়, তাহাই  
করুন। বলদেব বলিলেন, ইহার পুত্র উগ্রশ্রবা ইহার সমস্ত আয়ু ও  
ইন্দ্রিয়বল লাভ করিয়া পুরাণ-বক্তা হইবেন। আমি কিরূপ  
প্রায়শ্চিত্ত করিব এবং আপনাদের জন্ত আর কি করিব, বলুন।  
ঋষিগণ বলিলেন, ইন্ডলপুত্র ছুরায়া বহুল শোণিত-পুরীষাদি বর্ষণ  
করিয়া আমাদের যজ্ঞবিঘ্ন জন্মাইতেছে, তাহাকে বধ করুন ও ছাদশ  
মাস সমাহিতচিত্তে ভারতবর্ষ পরিভ্রম করিয়া তীর্থস্থান করুন।—  
পর্বদিন উপস্থিত হইলে শূলধারী বহুল আসিয়া যজ্ঞস্থলে নানা  
অপরিত্র দ্রব্য বর্ষণ করিতে আরম্ভ করিল। বলদেব হল ও মুষলকে  
স্মরণ করিলে তাহারা আসিল ও তিনি তদ্বারা সেই দৈত্যের প্রাণনাশ  
করিলেন।—বলদেব তথা হইতে কৌশিকী সরযু প্রয়াগ পুলহাশ্রম  
গোমতী গণ্ডকী বিপাশা শোণ সাগরসঙ্গম মহেন্দ্রপর্বত সপ্তগোদাবরী  
বেণা পম্পা ভীমরথী শ্রীশৈল দ্রাবিড়ে বেক্টপর্বত কামকোষী  
কাঞ্চীপুরী রঙ্গনাথ ঋষভপর্বত দক্ষিণমথুরা দর্শন করিয়া, সেতুবন্ধ  
হইয়া কৃতমালা তাত্রপর্ণী মলয়পর্বতে অগস্ত্য দর্শন, ও তাঁহার আদেশে  
দক্ষিণ সমুদ্রে কণ্ডাকুমারিকায় দুর্গাদেবী দর্শন করিয়া ফাল্গুন তীর্থ  
পঞ্চাপসরস কেবল ত্রিগুর্ভ গোকর্ণ শৃঙ্গারক রেবা ধনুতীর্থ হইয়া  
প্রভাসে গিয়া উপস্থিত হইলেন। সেখানে কুরুপাণ্ডবযুগ্মে সমস্ত

রাজগণের নিধনবার্তা শুনিয়া কুরুক্ষেত্রে আসিলেন। ভীম ও দুর্য়োধন উভয়কে গদা হস্তে বিচরণ করিতে দেখিয়া তাহাদিগকে নিবৃত্ত করিতে চেষ্টা করিলেন, কিন্তু তাহারা নিবৃত্ত হইল না। পরে দ্বারকায়া আসিয়া তিনি পত্নী রেবতীসহ পুনঃ নৈমিষারণ্যে গিয়া নানা যজ্ঞ করিয়া সমবেত ঋষিগণকে তত্ত্বজ্ঞান উপদেশ করিয়াছিলেন।

### ৮০—৮১ অধ্যায়

শ্রীকৃষ্ণ, সহপাঠী দরিত্র ব্রাহ্মণ

রাজা পরীক্ষিৎ বলিলেন, ভগবান্ অনন্তবীৰ্য্য মুকুন্দের অগ্ৰাণ্ণ বীৰ্য্যবান্ কার্য্য সকল শুনিতে ইচ্ছা করি।

স। বাগ্ যস্মৈ তস্য গুণান্ গৃণীতে কসৌ চ তৎকৰ্ম্মকসৌ মনশ্চ।

অরেষসন্তং স্থিরজঙ্গমেষু শৃণোতি তৎপুণ্যকথাঃ স কর্ণঃ॥

শিরস্ত তস্যোভয়লিঙ্গমানমেৎ তদেব যৎ পশুতি তদ্ধি চক্ষুঃ।

অজানি বিষ্ণোরথ তজ্জনানাং পাদোদকং যানি ভজন্তি নিত্যম্॥ ১০।৮০।৩,৪

—সেই বাকাই বাক্য, যাহা দ্বারা তাঁহার গুণ বর্ণিত হয়। সেই হস্তই হস্ত যাহা দ্বারা তাঁহারই কৰ্ম্ম করা হয়। সেই মনই মন, যাহা দ্বারা স্থাবর জঙ্গমে অবস্থিত তাঁহাকে স্মরণ করা হয়। সেই কর্ণই কর্ণ, যে তাঁহার পুণ্য কথাই শোনে। সেই মস্তকই মস্তক, যাহা তাঁহার (ঐ স্থাবরজঙ্গমরূপ) উভয় লিঙ্গকেই প্রণাম করে। সেই চক্ষুই চক্ষু, যাহা তাঁহাকেই (সৰ্ব্বত্র) দর্শন করে। সেই অঙ্গই অঙ্গ, যাহা বিষ্ণুর এবং তাঁহার ভক্তগণের পাদোদক সব দা সেবা করে।

শুকদেব বলিলেন, রাজন্, এক ব্রহ্মবিদ গৃহাশ্রমী ব্রাহ্মণ শ্রীকৃষ্ণের সখা ছিলেন। তিনি মলিন ও জীর্ণ বস্ত্র পরিধান করিয়া যদৃচ্ছাগত অন্নদ্বারা জীবন ধারণ করিতেন। তাঁহার ভাৰ্য্যাও ঐ ভাবে থাকিয়া প্রায় ক্ষুধিতাবস্থায় দিনাতিপাত করিতেন। একদিন তাঁহার ভাৰ্য্যা নিতান্ত স্নানবদনে দরিত্র স্বামীকে বলিলেন, হে মহাভাগ, সাক্ষাৎ শ্রীকৃষ্ণ আপনার সখা, তিনি শরণাগতবৎসল, তাঁহার নিকট গেলে তিনি নিশ্চয় আপনাকে কুটুম্বপোষণ জন্ত বহু দান করিবেন। ব্রাহ্মণ ভাবিলেন, অতি উত্তম কথা, এই উপলক্ষে শ্রীকৃষ্ণদর্শন হইবে।

পত্নীকে বলিলেন, কিঞ্চিৎ উপহার সংগ্রহ কর। ব্রাহ্মণী কিছু চিড়ার ক্ষুদ্র ভিক্ষা করিয়া আনিয়া ঐ ব্রাহ্মণের বস্ত্রখণ্ডে বাঁধিয়া দিলেন, ব্রাহ্মণ দ্বারকা যাত্রা করিলেন। পথে কেবলই ভাবিতে লাগিলেন, কিরূপে কৃষ্ণদর্শন হইবে। পুর প্রবেশ পূর্বক ক্রমে তিনটি কক্ষা অতিক্রম করিয়া মহিষীদিগের গৃহসকলের মধ্যে অতিশয় শ্রীশালী একটি গৃহ দর্শনে ব্রহ্মানন্দ লাভ করিয়া তিনি সেই গৃহদ্বারে আসিয়া উপস্থিত হইলেন। প্রিয়ার পর্যাঙ্কে উপবিষ্ট শ্রীঅচ্যুত দূর হইতে তাঁহাকে দেখিয়া সহসা গাত্ৰোত্থান করিলেন, এবং নিকটে আসিয়া বাহুদ্বারা আলিঙ্গন করিয়া নিয়া তাঁহাকে পর্যাঙ্কে উপবেশন করাইয়া, স্বহস্তে তাঁহার পদদ্বয় প্রক্ষালিত করিয়া দিয়া সেই পাদোদক নিজ মস্তকে ধারণ করিলেন, ও নানা পূজোপকরণ দ্বারা তাঁহার অর্চনা করিয়া কুশল জিজ্ঞাসা করিলেন। স্বয়ং ঋক্মিণী দেবী আসিয়া ব্যজন দ্বারা তাঁহার পরিচর্যা করিতে লাগিলেন। তখন শ্রীকৃষ্ণ জিজ্ঞাসা করিলেন, বিদ্বন্, সমাবর্তনের পর উপযুক্ত ভার্ঘ্য লাভ করিয়াছ ত ? আমি জানি, গৃহাশ্রমে তোমার চিত্ত বিকৃত বা ধনলিপ্সু হইবে না। গুরুকূলে বাস করার কথা তোমার মনে পড়ে ত ?—সেই যে একদিন গুরুপত্নীর আদেশে কাষ্ঠ আনিবার জন্ত আমরা এক গভীর অরণ্যে প্রবেশ করিলে সূর্য্যাস্তে কি মহা ঝঞ্ঝাবাত উপস্থিত হইল, গভীর অন্ধকারে বনভূমি আবৃত হইল, উচুনীচ সকল স্থান জলমগ্ন হইল, আমরা দিগ্ভ্রাস্ত হইয়া পরস্পরের হাত ধরিয়া সমস্ত রাত্রি ইতস্ততঃ ঘুরিলাম। গুরু সান্দীপনি জানিতে পারিয়া রাত্রি শেষ না হইতেই সেই বনে প্রবেশ করিয়া আমাদের গকে দেখিতে পাইয়া বলিলেন, অহো পুত্রগণ, তোমরা আমার জন্ত কি কষ্টই না পাইয়াছ ! তোমরা আমার কার্য্যের নিমিত্ত প্রিয়তম আত্মসুখকেও বিসর্জন দিয়াছ। গুরুর কার্য্যে আত্মসমর্পণ করা সচ্ছিত্ত্যের কর্তব্য। অতএব,

তুষ্টোহং ভো! বিজশ্রেষ্ঠ! : সত্যা: শঙ্ক মনোরথা: ।

হৃদ্যঃস্তবাতখামানি শুভংস্তুহ পরত্র চ ॥ ১০।৮০।৪২



—হে ব্রাহ্মণগণ, আমি ভুট্ট হইলাম, তোমাদের মনোরথ সফল হউক, তোমাদের বেদজ্ঞান ইহপংকালে অবিকৃত হইয়া থাকুক।

শ্রীকৃষ্ণ বলিলেন, দেখ, জন্মদাতা পিতা প্রথম গুরু, বেদাধ্যাপক দ্বিতীয় গুরু এবং আমি তৃতীয় বা সর্বশ্রেষ্ঠ গুরু। ব্রাহ্মণ বলিলেন, দেব, তুমি জগৎগুরু, আমার ছায় তোমার সহিত যে একত্র গুরুকুলে বাস করিয়াছে, তাহার অপ্রাপ্ত কি থাকিতে পারে? যিনি স্বয়ং বেদময় ব্রহ্ম, তাঁহার গুরুকুলে বাস ত বিড়ম্বনা মাত্র।

তখন শ্রীভগবান্ বলিলেন, হে ব্রাহ্মণ, তুমি আমার জন্ম গৃহ হইতে কি আনিয়াছ, দেও।—

অথপূণ্যাহুতং ভট্টৈঃ প্রেমা ভূর্যোব মে ভবেৎ ।

ভূষণ্যভুক্তোপহৃতং ন মে ভোষায় কল্পতে ॥

পত্রং পুষ্পং ফলং তোষং যো মে ভক্ত্যা প্রযচ্ছতি ।

তদহং ভক্ত্যুপহৃতমস্মামি প্রযতান্মনঃ ॥ ১০।৮।১৩, ৪

—ভক্তগণ প্রেমের সহিত আমার জন্ম অণুমাাত্র আনিলেও আমি তাহা অধিক মনে করি, অভক্তেরা অধিক আনিলেও আমি তাহাতে ভুট্ট হই না। পত্র পুষ্প ফল অল য়ে যাহা আমাকে ভক্তি করিয়া দেয়, সংবতান্না ব্যক্তি ষারা ভক্তির সহিত সংগৃহীত সেই দ্রব্য আমি প্রীতির সহিত গ্রহণ করি।

ব্রাহ্মণ তথাপি সেই তঙ্গুলখণ্ড দিতে বা তাহার কথা বলিতেও সাহস করিলেন না। শ্রীকৃষ্ণ তাঁহার বস্ত্রখণ্ডে বদ্ধ দ্রব্যটী ধরিয়া, ইহা কি, ইহা ত আমার পরম প্রীতিকর, এই বলিয়া উহা হইতে একমুষ্টি লইয়া তৎক্ষণাৎ মুখে দিলেন। দ্বিতীয় মুষ্টি মুখে দিতে উদ্যত হইলে কল্পিণী দেবী বাধা দিয়া তাঁহার মুষ্টি টানিয়া লইয়া বলিলেন, হে বিশ্বাত্মন, ইহপরকালে পুরুষের প্রতি তোমার প্রীতি দেখাইবার জন্ম ইহাই যথেষ্ট, আর ভোজনের প্রয়োজন নাই। শ্রীকৃষ্ণ ভাবিলেন, এই ব্রাহ্মণ কখনও ঐশ্বর্য্য কামনা করেন নাই, মাত্র পত্নীর প্রিয় করিবার ইচ্ছায় আমার নিকট আসিয়াছেন। ইহাকে তুল্ভ সম্পত্তি দান করিব।—ব্রাহ্মণ অতি উপাদেয় ভোজনাদি দ্বারা আপ্যায়িত হইয়া সেই রাত্রি তথায় বাস করিলেন। ধন না পাইয়াও

কিছুই যাচুঞা করিলেন না, শ্রীকৃষ্ণের দর্শন দ্বারাই তিনি পরম সন্তোষ লাভ করিলেন এবং প্রত্যাষে গৃহে যাত্রা করিলেন। পথে ভাবিলেন,—

কাংকঃ স্বরিতঃ পাপীদান্ ক কৃষ্ণঃ শ্রীনিকেতনঃ।

ব্রাহ্মবজ্রব্রিতি স্বাহং বাহুভ্যাং পরিবস্তিতঃ ॥

অধনোহয়ং ধনং প্রাপ্য মাণ্ডলুর্জৈর্ন মাং শ্বরেৎ।

ইতি কারুণিকো নুনং ধনং মেহভূরি নাদদাৎ ॥ ১০।১৬।১৬,২০

—কোথায় আমি পাপী দরিদ্র, আর কোথায় লক্ষ্মীদেবীর অধিষ্ঠানস্থল শ্রীকৃষ্ণ? আমি ব্রাহ্মণকুলে জন্মিয়াছি বলিয়াই আমাকে বাহুদ্বয় দ্বারা আলিঙ্গন করিলেন। এই ব্যক্তি নির্ধন, ধন পাইলে মত্ত হইয়া আমাকে আর স্মরণ করিবে না, ইহা ভাবিয়া সেই করুণাময় আমাকে ধন দিলেন না।

ব্রাহ্মণ নিজ গৃহসমীপে আসিয়া বিমান উপবন ও সরোবরে সমৃদ্ধ এক বিচিত্র পুরী দেখিয়া বিস্মিত হইয়া ভাবিলেন, একি? আমার সেই পর্বকুটার ত এইখানেই ছিল, উহা কোথায় গেল? নানাভরণভূষিতা দাসদাসী-সমন্বিতা পত্নী আসিয়া তাঁহাকে সেই পুরীমধ্যে লইয়া গেলেন। ব্রাহ্মণ তখন বিচার করিয়া বুঝিলেন, ইহা শ্রীকৃষ্ণদর্শনের ফল ব্যতীত আর কিছুই হইতে পারে না। মেঘ যেমন কিছু না বলিয়া জল দান করে, তিনিও তেমন যাহাকে যাহা ইচ্ছা দেন, আর যাহা ইচ্ছা নেন। নতুবা, আমার বজ্রখণ্ডবদ্ধ তণ্ডুলকণা আপনি খুলিয়া লইয়া খাইলেন কেন? জন্মে জন্মে আমার যেন তাঁহার সহিত সখ্য ও দাস্ত্য সম্বন্ধ হয়। তারপর ভাবিলেন, তিনি ত তাঁহার ভক্তকে কখনও ঐশ্বর্য্য দেন না, তাহাতে যে পতন ঘটে।—এইরূপ স্থির করিয়া সেই ব্রাহ্মণ ও তাঁহার পত্নী ত্যাগ অভ্যাস করিয়া অনাসক্ত হইয়া শ্রীভগবানের প্রীতির দানস্বরূপ সেই বিষয় ভোগ করিয়াছিলেন। তিনি অ-জিত, কিন্তু নিজ ভৃত্যের নিকট সর্বদা পরাজিত।—প্রভু ও সখা শ্রীকৃষ্ণের সহিত আত্মার বন্ধন ধ্যানযোগে দৃঢ় করিয়া সেই ব্রাহ্মণ অচিরকাল মধ্যে সাধুদিগের পরমগতি শ্রীকৃষ্ণের পাদপদ্ম লাভ করিয়াছিলেন।

## ৮২—৮৪ অধ্যায়

বাদবগণ, কুরুপাণ্ডবগণ, অগ্নি রাজগণ, গোপগোপীগণ, কৃষ্ণ বলরাম

একদা সূমহৎ সূর্য্যগ্রহণ উপস্থিত হইল। সেই উপলক্ষে সকলে নিজ নিজ মঙ্গল কামনায় শ্রমন্তপঞ্চক নামক কুরুক্ষেত্র তীর্থে সমবেত হইলেন। ভগবান্ পরশুরাম পৃথিবীকে নিঃক্ষত্রিয় করিরা রাজ্যগণের রুধিরে পূর্ণ এক মহাহ্রদ প্রস্তুত করিয়াছিলেন, এবং স্বয়ং কৰ্ম্মদ্বারা অম্পৃষ্ট হইলেও লোকব্যবহারমতে স্বীয় পাপক্ষালনজন্য এক সূমহান্ যজ্ঞ করিয়াছিলেন। বসুদেব অত্রুর প্রত্নান্ন সান্ন প্রভৃতি বীরগণ পুত্র কলত্রাদি সহ সেখানে আসিলেন, অনিরুদ্ধ ও কৃতবৰ্ম্মা দ্বারকারক্ষার্থ তথায় রহিলেন। তার্থকৃত্য সম্পন্ন করিয়া সকলে ভোজনাশ্তে এক বৃক্ষমূলে উপবেশন করিয়া তথায় মৎস্য অবন্তী কোশল বিদর্ভ কেকয় কুরু মজ্ঞ আনর্ঘ্য কেরলাদিদেশীয় নৃপগণ এবং নন্দ প্রভৃতি গোপগণসহ মিলিত হইয়া পরম হর্ষে পরস্পরকে আলিঙ্গন ও কুশলবার্ত্তাদি জিজ্ঞাসা করিলেন। পৃথা বহুকাল পর শ্রীকৃষ্ণ ও ভ্রাতা ভগিনী ভ্রাতৃপত্নীগণকে দেখিয়া বসুদেবকে বলিলেন, ভ্রাতঃ, দৈব প্রতিকূল, তাই তোমরা এতকাল আমাকে স্মরণও কর নাই। বসুদেব বলিলেন, ভগিনী, আমাদিগকে দোষ দিও না, আমরা সকলে কংসদ্বারা সন্তপ্ত হইয়া ইতস্ততঃ বিক্ষিপ্ত হইয়াছিলাম। আর দেখ,—

ঈশশ্চ হি বশে লোকঃ কুরুতে কার্য্যতেহথবা ॥ ১০:৮২।১০

—ঈশ্বরের অধীন হইয়াই লোকে কার্য্য করে বা কার্য্যে প্রবৃত্তি লাভ করে। ভীষ্ম দ্রোণ সপুত্রা গান্ধারী কুন্তী পদ্মীসহ পাণ্ডবগণ বলদেব ও শ্রীকৃষ্ণ দ্বারা অভ্যাখিত হইলেন ও বৃষ্ণিগণকে অভিনন্দিত করিলেন। রাম ও কৃষ্ণ পিতা নন্দ ও মাতা যশোদাকে অভিনন্দন করিয়া এবং তাঁহাদের দ্বারা আলিঙ্গিত ও প্রেমে অবরুদ্ধকণ্ঠ হইয়া ক্ষণকাল কিছু বলিতে পারিলেন না। রোহিণী ও দেবকী বাম্পাকুলিতনয়নে যশোদাকে বলিলেন, ব্রজেশ্বরী, এই দুই বালক জন্মিবামাত্র তোমাদের নিকট শ্রুস্ত হয়, তোমরাই উহাদের পিতামাতা। পশ্চদ্বয় যেমন চক্ষুকে রক্ষা করে, সেইরূপে রক্ষিত হইয়া ইহার নিৰ্ভয়ে তোমাদের

ক্ৰোধে বাস করিয়া লালিত হইয়াছে, তোমাদের মৈত্রী কে বিস্মৃত হইতে পারে ? গোপীগণ বহুকাল পর শ্রীকৃষ্ণকে পাইয়া অনিমেঘনে তঁাহাকে দেখিতে দেখিতে হৃদয়মধ্যে লইয়া গিয়া তঁাহার আলিঙ্গন-সুখে তন্ময়া হইলেন। শ্রীকৃষ্ণ তখন তঁাহাদিগকে নিভৃত নিয়া আলিঙ্গন করিয়া সহাস্ত্রে বলিলেন, সখিগণ, স্বর্গের প্রয়োজন-সিদ্ধির নিমিত্ত শত্রুদমনে ব্যস্ত থাকিয়া আমি বহুকাল তোমাদের নিকট হইতে দূরে রহিয়াছি। কিন্তু দেখ,—

নুনং ভূতানি ভগবান্ যুনক্তি বিযুনক্তি চ ॥

বায়ুর্গুণা ঘনানীকং তুণং তুলং রজাংসি চ ।

সংযোজ্যাক্ষিপতে ভূয়স্তথা ভূতানি ভূতক্লং ॥

ময়ি ভক্তির্হি ভূতানামমৃতত্বায় কল্পতে ।

দৃষ্ট্যা যদাসীনমৎস্নেহো ভবতীনাং মদাপনঃ ॥ ১০।৮২।৪২, ৪৩, ৪৪

—ভগবান্ জীবগণকে একবার যুক্ত করেন, আবার বিযুক্ত করেন। বায়ু যেমন মেঘ তুণ তুলা ধূলি সকলকে একবার সংযুক্ত করিয়া আবার উড়াইয়া নেয়, অষ্টাও জীবগণকে সেইরূপ করেন। আমার প্রতি ভক্তিই জীবের অমৃতত্ব লাভের কারণ। আমার প্রতি তোমাদের যে মৎপ্রাপক স্নেহ আছে, ইহা সৌভাগ্য বলিতে হয় :

আত্মস্ তে ন লিননাভপদারবিন্দং যোগেশ্বরজর্জরি বিচিন্ত্যমগাধবোদৈঃ ।

সংসারকুপপতিতোত্তরগাবলম্বং গেহং জুষামপি মনস্বাদিমাং সদা নঃ ॥

—গোপীগণ বলিলেন, অগাধবুদ্ধি যোগেশ্বরগণ যে পাদপদ্ম সর্বদা হৃদয়ে চিন্তা করেন, সংসারকুপে পতিত ব্যক্তিগণের উদ্ধারের উপায়স্বরূপ তোমার সেই পাদপদ্ম গৃহাবলম্বী আমাদের মনে সর্বদা উদ্ভিত হউক। ১০।৮২।৪৮

শ্রীকৃষ্ণ যুধিষ্ঠিরাদির সঙ্গে মিলিত ও স্তব্ধ হইলেন। যাদব ও কৌরব স্ত্রীবর্গ পরস্পর মিলিত হইলে দ্রৌপদী শ্রীকৃষ্ণমহিষী রুদ্ভিগী সত্যভামা জাম্ববতী ভদ্রা মিত্রবিন্দা সত্য ও লক্ষ্মণার নিকট তাহাদের বিবাহ বৃত্তান্ত সকল শুনিলেন। তঁাহারা বলিলেন,—

ন বয়ং সাধিব সাম্রাজ্যং স্বারাজ্যং ভোজ্যমপ্যত ।

বৈরাধ্যং পারমেষ্ঠ্যঞ্চ আনন্ত্যং বা হরেঃ পদম্ ॥

কাময়ামহ এতস্য শ্রীমৎপাদরজঃ শ্রিয়ঃ ।

কুচকুম্ভমগন্ধাঢ্যং মুক্ত্যু' বোতুং গদাভূতঃ ॥

ব্রজস্ত্রিয়ো যদ্বাঞ্ছন্তি পুলিন্দ্যন্তুণবৌরুধঃ ।

গাবশ্চারয়তো গোপাঃ পাদস্পর্শং মহাস্বনঃ ॥ ১০।৮৩।৪১,৪২,৪৩

—হে সাধব, আমরা সাম্রাজ্য সার্বভৌমত্ব ইন্দ্র বা ব্রহ্মার পদ বা অধিমাди সিদ্ধি বা সালোক্যাদি মুক্তি কিছুই চাই না, কেবল লক্ষ্মীদেবীর কুচকুম্ভমশোভিত গদাধরের সেই পাদপদ্মই আমরা মস্তকে বহন করিতে কামনা করি, ব্রজস্ত্রীগণ পুলিন্দরমণীগণ ব্রজের তুণলতাগণও সেই গোচারণকারী মহাস্বার যে পদের স্পর্শ লাভ করিয়াছিলেন ।

শ্রীপুরুষগণ যখন পরস্পর এইরূপ কথোপকথন করিতেছিলেন, তখন কৃষ্ণ ও রামকে দর্শন করিতে ইচ্ছা করিয়া বেদব্যাস নারদ চ্যবন দেবল অসিত বিশ্বামিত্র শতানন্দ ভরদ্বাজ গৌতম রাম সশিষ্য বশিষ্ঠ গালব ভৃগু পুলস্ত্য কশ্যপ অত্রি মার্কণ্ডেয় বৃহস্পতি অঙ্গিরা অগস্ত্য যাজ্ঞবল্ক্য বামদেব প্রভৃতি মহর্ষিগণ সেখানে আসিলেন । রাম কৃষ্ণ পাণ্ডব ও অত্যাশ্রয় সকল রাজগণ গাত্রোত্থান করিয়া পাদ্ম অর্ঘ্যাদি দিয়া তাঁহাদিগের পূজা করিলেন । শ্রীকৃষ্ণ বলিলেন, অহো, আমরা দেবতাগণেরও ছুস্প্রাপ্য এই যোগেশ্বরদিগের দর্শন পাইলাম, আমাদের জন্ম আজ সফল হইল—

নহস্মান্নানি তীর্থানি ন দেবা মুচ্ছিলাময়াঃ ।

তে পুনস্ত্যাকালেন দর্শনাদেব সাধবঃ ॥ ১০।৮।১১

—তীর্থসকল কেবল জলময় বা দেবতাসকল কেবল মৃত্তিকা-প্রস্তরময় নহেন । তাঁহারা বিলম্বে, কিন্তু সাধুগণ দর্শনমাত্রই পবিত্র করেন ।

ঋষিগণ কিয়ংকাল তুষ্টীভাবে থাকিয়া বলিলেন, অহো, আমরা ঈশ্বার সৃষ্ট মায়ায় মোহিত, সেই ঈশ্বর লোকশিক্ষার্থ অনীশ্বরের জ্ঞায় জন্মকর্মাদি আচরণ করিতেছেন, বিচিত্র তাঁহার এই লীলা । আমাদের বিদ্যা তপস্তা ও নয়ন সার্থক হইল । হে বিভূ, তোমাকে নমস্কার । প্রবৃদ্ধ ভক্তিযোগদ্বারা জীবকোশকে বিনাশ করিয়া পূর্বঋষিগণ তোমার যে গতি লাভ করিয়াছেন, আমাদের সে

অল্পগ্রহ প্রদান কর। এই বলিয়া তাঁহারা শ্রীকৃষ্ণ কৃতরাষ্ট্র ও যুধিষ্ঠির কর্তৃক অনুজ্ঞাত হইয়া গমনোত্তোগী হইলে, বসুদেব তাঁহাদের অনুগমন ও নমস্কার করিয়া জিজ্ঞাসা করিলেন, ঋষিগণ, কশ্মের দ্বারা কিরূপে কশ্মের নিরাস হয়? নারদ বলিলেন, ঋষিগণ, বসুদেব শ্রীকৃষ্ণকে নিজ পুত্র ও বালক মনে করিয়া আমাদিগকে এই প্রশ্ন জিজ্ঞাসা করিতেছেন, ইহা বিচিত্র নহে।

সন্নিকর্ষোহত্র মর্ত্যানামনাদরণকারণম্।

গাঙ্গা হি হ্রা যথাশান্ত্তত্ততো য়াতি শুক্রে ॥ ১০।৮৪।৩১

—নৈকট্য মানুষের মধ্যে অনাদরের কারণ হয়, যেমন গঙ্গাতীরবানী গঙ্গা ছাড়িয়া বিগুহির জন্ত অত্র তীর্থ-জলে গমন করে।

হে মহামতে, তুমি পরম ভক্তির সহিত অর্চনা করিয়া শ্রীহরিকে পুত্ররূপে লাভ করিয়াছ। তাহাতে ঋষিগণ ও পিতৃগণ হইতে মুক্ত হইয়াছ। এখন যজ্ঞের দ্বারা দেবগণ হইতে মুক্ত হও। তখন বসুদেব সেখানে এক মহাযজ্ঞ করিলেন, তাহাতে মানুষের কথা কি, কুকুরগণও বহু অগ্নের দ্বারা অর্চিত হইলেন। ঋষিগণ পূজিত হইয়া স্ব স্ব স্থানে চলিয়া গেলেন। নন্দ, বসুদেব দ্বারা অভ্যর্থিত হইয়া তিন মাস তথায় রহিলেন। বর্ষা আগত দেখিয়া কৃষ্ণ বলরামও দ্বারকায় প্রত্যাবর্তন করিলেন।

## ৮৫ অধ্যায়

রাম, কৃষ্ণ, বসুদেব, দেবকীর মৃতপুত্র

একদিন দ্বারকায় রাম ও কৃষ্ণ আসিয়া বসুদেবের পাদসেবা করিলে তিনি বলিলেন, আমি শুনিয়াছি, তোমরা দুই জন আমার পুত্র নহ, ভূভারহরণ জন্ত আমার গৃহে আসিয়া অবতীর্ণ হইয়াছ। শ্রীকৃষ্ণ বলিলেন, তাত, আমরা আপনারই পুত্র। আমাদিগকে উপলক্ষ করিয়া আপনি যে তত্ত্বজ্ঞান লাভ করিয়াছেন, তাহা বলদেবের আমার দ্বারকাসিগণের ও অপর সকলেরই অনুকরণীয়। —

আত্মা হেকঃ স্বয়ংজ্যোতির্নিত্যোহতোনির্গুণো গুণৈঃ।

আত্মস্থঃ স্তংকৃতেশু ভূতেষু বহুধেয়তে ॥

।। অং বায়ুর্জ্যোতির্যাপোভূতংকৃতেষু যথাশয়ম্ ।

।। আবিষ্টিরোহনভূর্য্যেকো নানাং যাত্যসাবপি ॥ ১০।৮৫।২৪, ২৫

—আত্মা এক স্বপ্রকাশ, স্বরূপতঃ নিগুণ। তিনি স্বসৃষ্ট গুণ দ্বারা উৎপন্ন দেহ সকলে বহুরূপে প্রতীত হন, এবং স্বয়ং অবিকৃত থাকিয়া আকাশ বায়ু জ্যোতি জল পৃথিবী এবং ইহাদের বিকারসমূহের আবির্ভাব তিরোভাব অন্নত্ব বহুত্ব একত্ব নানাং প্রভৃতি ভাব ধারণ করেন।

দেবকী বলিলেন, হে রাম, হে কৃষ্ণ, তোমরা আদিপুরুষ জানিয়া আমি তোমাদের শরণাগতা হইলাম। শুনিয়াছি তোমরা গুরুর মৃতপুত্রকে যমের নিকট হইতে আনিয়া পুনর্জীবিত করিয়া গুরুদক্ষিণা স্বরূপ তাঁহাকে দিয়াছিলে। আমিও কংসনিহত নিজ পুত্রগণকে দেখিতে ইচ্ছা করি।—ইহা শুনিয়া রাম ও কৃষ্ণ উভয়ে যোগমায়া আশ্রয়ে পাতালে প্রবেশ করিলেন। দৈত্যরাজ বলি সবংশে গাত্রোত্থান করিয়া প্রণাম আসনদান ও তাঁহাদের পাদ প্রক্ষালন করিয়া সবাঙ্কবে সেই জল মস্তকে ধারণ করিলেন। শ্রীকৃষ্ণ বলিলেন, হে মহাভাগ বলি, পূর্বের ব্রহ্মাপুত্র মরীচির ছয় পুত্র শাপগ্রস্ত হইয়া প্রথমে হিরণ্যকশিপুর পুত্ররূপে, পরে যোগমায়া দ্বারা দেবকীগর্ভে আনীত হইয়া, তাঁহার পুত্ররূপে জন্মেন এবং কংস কর্তৃক নিহত হন (বনুমতী সংস্করণ ১০।১।৫৭ শ্লোকের পাদটীকা দেখুন)। দেবকী তাঁহাদিগকে আত্মজ মনে করিয়া শোক করিতেছেন। তাঁহারা তোমার নিকট আছেন। আমি মাতৃশোক দূর করিবার জন্ত এক্ষণে তাঁহাদিগকে নিয়া যাইতে ইচ্ছা করি, তাঁহারা শাপমুক্ত হইয়া পরে দেবলোকে গমন করিবেন। তাঁহাদের নাম স্বর, উদ্গীথ, পরিষজ্জ, পতঙ্গ, ক্ষুদ্রক্ভ ও স্বগী। বলি কর্তৃক পূজিত হইয়া শ্রীকৃষ্ণ ও বলদেব তাহাদিগকে দ্বারকায় আনিয়া মাতাকে অর্পণ করিলেন। দেবকী পুনঃ পুনঃ মস্তক আত্মাণ করিয়া প্রীতমনে পুত্রগণকে স্তম্বপান করাইলেন। শ্রীকৃষ্ণের অঙ্গস্পর্শে ও তাঁহার পীতাবশিষ্ট অমৃততুল্য স্তম্বপানে ঐ শিশুগণ আত্মজ্ঞান ও দেবত্ব লাভ করিলেন এবং শ্রীকৃষ্ণ বলরাম বনুদেব ও দেবকীকে প্রণাম করিয়া সর্বলোকসমন্বে দিব্যধামে গমন

কল্পিলেন। দেবকী মৃত পুত্রগণের এই বিস্ময়কর আগমন ও নির্গমন দেখিয়া সেই সমুদয় ঘটনাকে শ্রীকৃষ্ণের মায়া-রচিত স্থির করিয়া পরম আনন্দ প্রাপ্ত হইলেন।

### ৮৬ অধ্যায়

অৰ্জুন, সুভদ্রা, বলরাম, কৃষ্ণ, ঐশ্বদেব, বহুলাশ্ব, মিথিলা

রাজা পরীক্ষিৎ শুকদেবের নিকট নিজ পিতামহী সুভদ্রার বিবাহ-বৃত্তান্ত জানিতে ইচ্ছা করিলেন। শুকদেব বলিলেন, রাজন, অৰ্জুন তীর্থযাত্রা উপলক্ষে প্রভাসে উপস্থিত হইয়া শুনিলেন, বলদেব তাঁহার ভগিনী সুভদ্রাকে হৃষ্যোধনের নিকট সম্প্রদান করিবেন। সেই কন্যাকে পাইবার ইচ্ছায় তিনি যতিবেশে দ্বারকায় গিয়া বর্ষার চারিমাस বাস করিলেন। বলদেব অৰ্জুনকে চিনিতে না পারিয়া যতি মনে করিয়াই একদিন আমন্ত্রণ করিয়া নিজ গৃহে আনিলেন। সেখানে অৰ্জুন ও সুভদ্রা পরস্পরকে দেখিয়া মুগ্ধ ও প্রণয়বদ্ধ হইলেন, পরে একদিন দেবযাত্রাকালে বশুদেব দেবকী ও শ্রীকৃষ্ণের অনুজ্ঞাক্রমে অৰ্জুন রথস্থা সুভদ্রাকে হরণ করিয়া নিয়া গেলেন। বলদেব অত্যন্ত ক্রুদ্ধ হইলেন, কিন্তু শ্রীকৃষ্ণ তাঁহার পাদ গ্রহণ করিয়া ও সুহৃদগণ নানা সাহসনা দ্বারা তাঁহাকে নিবৃত্ত করিলেন। পরিশেষে তিনি অৰ্জুন ও সুভদ্রাকে নানা যৌতুক প্রদান করেন।

ঐশ্বদেব নামে ভগবন্নিষ্ঠ ও বিষয়ে অনাসক্ত বিদেহ দেশের মিথিলানগরবাসী শ্রীকৃষ্ণের এক সখা ছিলেন। বহুলাশ্ব নামে মিথিলার রাজা নিরভিমান ও শ্রীকৃষ্ণের প্রিয় ছিলেন। তাঁহাদের সঙ্গে সাক্ষাৎ করিতে শ্রীকৃষ্ণ একদা মিথিলায় আসিলেন। বেদব্যাস পরশুরাম অসিত অরুণি বৃহস্পতি কথ মৈত্রেয় চ্যবন সহ আমি তাঁহার সহিত গিয়াছিলাম। আনন্ড মরুভূমি কুরুজাঙ্গল কঙ্ক মৎস্য পঞ্চাল কুণ্ডি মধু কেকয় দশার্ণ ও অন্যান্য দেশীয় নরনারীগণ কর্তৃক অভিনন্দিত হইয়া তিনি মঙ্গল-বাণী ও তত্ত্বোপদেশ দান করিতে করিতে মিথিলায় উপস্থিত হইলে পুরবাসীগণ রাজা বহুলাশ্ব ও ঐশ্বদেব শ্রীকৃষ্ণ ও মুনিগণকে নানা পূজোপকরণ লইয়া বহু শুভ করিলেন, তাঁহারা



আমন্ত্রিত হইয়া উভয়ের গৃহে গেলেন। মিথিলায় কিছু দিন স্থায় করিয়া তাঁহারা দ্বারকায় প্রত্যাবর্তন করিলেন।

## ৮৭ অধ্যায়

[ শ্রুতিগণ কর্তৃক নারায়ণের স্তব ]

## ৮৮ অধ্যায়

শিব, বিষ্ণু, বৃকাসুর

পরীক্ষিৎ জিজ্ঞাসা করিলেন, ভগবন্, শিব ত নির্ধন ভোগবিলাস-বর্জিত, তবে ভোগীরা তাঁহার উপাসনা করে কেন? আর বিষ্ণুভক্তেরা প্রায়শঃ নির্ধন কেন? শুকদেব বলিলেন, শ্রীকৃষ্ণ স্বয়ং বুদ্ধিষ্ঠিরকে বলিয়াছিলেন,—

যশ্চামমুগ্ধামি হরিষ্যে তদ্ধনং শনৈঃ ।

ততোহধনং ত্যজন্ত্যস্ত স্বজনা হুঃখহুঃখিতম্ ॥

\* স যদা বিতথোদ্যোগো নির্বিল্লং শ্রাদ্ধেনহয়া ।

মৎপরৈঃ কৃতমৈব্রত্য করিষ্যে মদমুগ্রহম্ ।

তদব্রহ্ম পরমং হৃদয়ং চিন্মাত্রং সদনন্তকম্ ।

বিজ্ঞানাত্মতয়া ধীরঃ সংসারাত্ পরিশুচ্যতে ॥ ১০।৮৮।৮,৯,১০

—আমি যাহার প্রতি অমুগ্রহ করি, তাহার সকল ধন ক্রমশঃ হরণ করিয়া লই। স্বজনগণ তখন সেই নির্ধন হুঃখিত ব্যক্তিকে ত্যাগ করে। সে যখন ধনলাভের উদ্যোগে বিফল হয় ও নির্বেদ প্রাপ্ত হইয়া আমার ভক্তগণের সঙ্গে মৈত্রী করে, তখন আমি তাহাকে অমুগ্রহ করি। সে তখন হৃদয় সং ও চিন্ময়রূপ পরম ব্রহ্মকে জানিয়া আত্ম-নিবিষ্ট ও ধীর হইয়া সংসারবন্ধন হইতে মুক্ত হয়।

এজন্ত লোকে আশুতোষ ও বরদাতা অত্যাশ্রিত দেবতাগণকে আরাধনা করিয়া ধনাদি প্রাপ্ত হইয়া মর্যাদা লঙ্ঘন করে ও গর্বিত হয়, পরে ঐ দেবতাগণকেও বিস্মৃত হয়। ব্রহ্মা ও শিব সত্তাই শাপ বা বর দান করেন, কিন্তু বিষ্ণু সেরূপ করেন না। মহাদেব বৃকাসুরকে বর দান করিয়া ক্রুরূপে স্বয়ং বিপন্ন হইয়াছিলেন, শোন। ঐ অসুর একদা নারদকে দেখিয়া জিজ্ঞাসা করিল, ভগবন্, ব্রহ্মা বিষ্ণু ও শিব

ইহাদের মধ্যে কাহার উপাসনা আশু ফলপ্রদ? নারদ তাহাকে মহাদেবের উপাসনা করিতে বলিলেন। বৃকাসুর কেদারক্ষেত্রে গিয়া নিজ শরীরের মাংস দ্বারা আচ্ছতি প্রদান করিয়া মহাদেবের তপস্যা আরম্ভ করিল। ইহাতেও মহাদেবের দর্শন না পাইয়া সে এক খড়্গ লইয়া নিজ শিরশ্ছেদন করিতে উত্তত হইল। তখন উমাপতি সহসা উপস্থিত হইয়া তাহাকে নিবৃত্ত করিয়া বলিলেন, আমি তোমার প্রতি তুষ্ট হইয়াছি, বর প্রার্থনা কর। বৃকাসুর এই বর চাহিল যে, সে যাহার মাথায় হাত দিবে, সে তৎক্ষণাৎ মরিবে। মহাদেব 'তথাস্তু' বলিয়া সেই বরই দিলেন। তখন সেই অসুর গৌরীকে লাভ করার ইচ্ছায় মহাদেবের মাথায়ই হস্ত অর্পণ করিতে উত্তত হইল। মহাদেব ভীত হইয়া উত্তর মুখে ধাবিত হইতে হইতে বৈকুণ্ঠে আসিয়া উপস্থিত হইলেন। বৈকুণ্ঠপতি দূর হইতে দেখিয়া এবং সকল কথা জানিতে পারিয়া, এক ব্রাহ্মণবালকের বেশে পশ্চাদ্ধাবনে শ্রান্ত ঐ অসুরের নিকট আসিয়া বলিলেন, তুমি কিঞ্চিৎ বিশ্রাম করিয়া আমাকে সকল কথা বল। অসুরের নিকট শুনিয়া বালক বলিলেন, এ কথা নিতান্তই বিশ্বাসের অযোগ্য তুমি নিজের মাথায় হাত দিলে ত এখনই তাহা বৃষিতে পারিবে, তখন আমরা উভয়ে মিলিয়া সেই কদাচারী শ্মশান-বাসী মহাদেবের সমুচিত দণ্ড বিধান করিব। অসুর বিষ্ণুমায়ায় বালকের স্নমধুর বাক্যে মোহিত হইয়া তাহাই করিল এবং তৎক্ষণাৎ মৃত্যুমুখে পতিত হইল। শিব সঙ্কট হইতে মুক্ত হইলেন, দেবতারা পুষ্পবৃষ্টি করিলেন।

### ৮৯ অধ্যায়

ঋষিগণ, ভৃগু, ব্রহ্মা, বিষ্ণু, শিব, ব্রাহ্মণের মৃতপুত্র

একদা সরস্বতীতীরে যজ্ঞরত ঋষিগণের মধ্যে এই বিচার উপস্থিত হইল যে, ব্রহ্মা বিষ্ণু ও শিব এই তিনের মধ্যে কে শ্রেষ্ঠ। তাঁহারা ইহা নির্ধারণ করার জন্ত ব্রহ্মাপুত্র ভৃগুকেই নিযুক্ত করিলেন। ভৃগু প্রথমে নিজ পিতা ব্রহ্মার সভায় গিয়া তাঁহাকে স্তুতি বা প্রশংসা কিছুই করিলেন না। ব্রহ্মা অত্যন্ত ক্রুদ্ধ হইয়া কোন ক্রমে নিজেকে সংযত

করিলেন। ভৃগু সেখান হইতে কৈলাসে শিবের নিকট গেলেন। শিব তাঁহাকে দেখিয়া যেমন আলিঙ্গন করিতে উদ্ভূত হইলেন, অমনি ভৃগু বলিলেন, তুমি উৎপথগামী, তোমাকে আলিঙ্গন করিব না। শিব ক্রোধে ত্রিশূল দ্বারা তাঁহাকে বধ করিতে উদ্ভূত হইলে, পার্বতী স্বামীর পায়ে পড়িয়া ভৃগুকে কোনক্রমে রক্ষা করিলেন। ভৃগু সেখান হইতে বৈকুণ্ঠে গিয়া বিষ্ণুকে লক্ষ্মীর সহিত শায়িত দেখিয়া সহসা তাঁহার বুকে সজোরে এক পদাঘাত করিলেন। বিষ্ণু সহর শয্যা হইতে নামিয়া ভৃগুকে মন্তক দ্বারা প্রণাম করিয়া বলিলেন, ভগবন, আপনি কখন আসিয়াছেন আমি জানিতে পারি নাই, আমার অপরাধ ক্ষমা করুন, আপনার পাদোদক দ্বারা বৈকুণ্ঠ সহিত আমাকে পবিত্র করুন। আপনার পদাঘাতচিহ্ন অতীবধি আমার বক্ষের ভূষণস্বরূপ হইয়া থাকিবে।—ভৃগু সাশ্রলোচনে ঋষিগণের নিকট আসিয়া এই সকল কথা বলিলে তাঁহার তখন বুঝিতে পারিলেন, বিষ্ণুই সর্ব্বশ্রেষ্ঠ।—এক সময় দ্বারকার এক ব্রাহ্মণের ক্রমে ক্রমে আটটি পুত্র ভূমিষ্ঠ হইয়াই মরিয়া গেল। রাজার পাপে এরূপ হইতেছে মনে করিয়া ক্রুদ্ধ ব্রাহ্মণ রাজদ্বারেই ঐ মৃত পুত্রগুলিকে রাখিয়া চলিয়া যাইত। নবম পুত্র জন্মিবার পূর্বে সে একদিন শ্রীকৃষ্ণের নিকট আসিয়া ঘোর বিলাপ করিতে লাগিল। অর্জুন তখন সেখানে ছিলেন। তিনি বলিলেন, আমি স্মৃতিকাগৃহে তোমার পুত্রকে রক্ষা করিব, না পারি ত অগ্নি প্রবেশ করিব। অর্জুনের যত্ন সত্ত্বেও ব্রাহ্মণের নবম পুত্রটি জন্মিবামাত্র মরিয়া গেল। অর্জুন যমপুরী ইন্দ্রভবন স্বর্গ মর্ত্য পাতাল অন্বেষণ করিয়াও ঐ মৃতপুত্রের কোন সন্ধান না পাইয়া অগ্নি-প্রবেশে উদ্ভূত হইলে শ্রীকৃষ্ণ তাঁহাকে নিবৃত্ত করিয়া তাঁহাকে লইয়া রথারোহণে পশ্চিম মুখে চলিলেন। বহুদূর গিয়া গভীর অন্ধকার পার হইয়া তাঁহার এক অদ্ভুত পুরী মধ্যে অনন্তদেবের মূর্ত্তি দর্শন করিলেন। উভয়ে প্রণত হইয়া বন্দনা করিলে তিনি বলিলেন, তোমরা নরনারায়ণ ঋষি, আমার অংশাবতার, তোমাদিগকে এখানে আনার জন্তই ব্রাহ্মণের ঐ মৃত পুত্রদিগকে আমি এখানে

আনিয়াছি। তোমরা ভূমিভারস্বরূপ অম্বরগণকে বধ করিয়া শীঘ্র আমার নিকট আগমন কর। উভয়ে 'ওম্' শব্দ উচ্চারণ করিয়া সেই ভূমাকে পুনঃ প্রণাম করিয়া ব্রাহ্মণের সকল পুত্রগণসহ দ্বারকায়া আসিয়া তাহাকে পুত্র প্রদান করিলেন। ভগবান্ শ্রীকৃষ্ণ এইরূপে অনেক বীৰ্য্য প্রদর্শন করিয়া গ্রাম্য বিষয় সকল ভোগ করিয়াছিলেন। ইন্দ্র যেমন পৃথিবীর হিতের জন্ত বারিবর্ষণ করেন, শ্রীকৃষ্ণও তেমন প্রজাদের অভিলষিত বিষয় সকল প্রদান করিতেন। তিনি অধর্মরত রাজগণকে অর্জুনাди দ্বারা বধ করাইয়া ধর্মপুত্র যুধিষ্ঠিরাदि দ্বারা যথার্থ ধর্মকে প্রতিষ্ঠিত করিয়াছিলেন।

### ৯০ অধ্যায়

দ্বারকা, মহিষাগণ, যতুবংশ

শুকদেব বলিলেন, রাজন্, দ্বারকাপুরী সকলপ্রকার সম্পদ ও সমৃদ্ধিতে পূর্ণ ছিল। সুন্দরী রমণীগণ অট্টালিকাসমূহে কন্দুকাদি দ্বারা পরম সুখে ক্রীড়া করিত। সুসজ্জিত সৈন্য মাতঙ্গ অশ্বরথ সকল রাজপথ পূর্ণ করিয়া রাখিত। উদ্যান উপবন পুষ্পিতবৃক্ষ ভৃঙ্গ ও পক্ষীগণ দ্বারা নগর সর্বতঃ ব্যাপ্ত ছিল। শ্রীকৃষ্ণ ষোড়শ সহস্র পত্নীসহ সুসমৃদ্ধ গৃহ সকলে বাস ও তাঁহাদের সহিত জলক্রীড়াদি করিতেন। কৃষ্ণগতচিত্ত সেই মহিষীগণ উন্নতাবৎ নানা দৃশ্য দেখিয়া এইরূপ জল্পোক্তি করিতেন—হে কুররি, কেন শুইয়া শুইয়া বৃথা বিলাপ করিতেছ? আমাদের পতি এখন নিদ্রিত, আমরাও তাঁহার তত্ত্ব জানিনা। তুমি কি আমাদের মতই তাঁহার কোমল নয়ন হাসি ও দৃষ্টি দেখিয়া কামবিন্দু হইয়াছ? হে চক্রবাকি, তুমি কি বন্ধুকে না দেখিতে পাইয়া আমাদের মতই রাত্রিকালে নিজা যাওনা? রোদন কর কেন? শ্রীকৃষ্ণের পাদসেবিত মাল্য পাইবার জন্ত? হে জলনিধি, তুমি কেবলই করুণ শব্দ করিতেছ। তিনি যেমন আমাদের কুচক্কুম অপহরণ করিয়াছেন, তেমন তোমারও কৌস্তভমণি নিয়া উহাকে নিজ ভূষণ করিয়াছেন, সেই জন্তই কি তোমার এই আর্তনাদ? হে ইন্দু, তুমি আমাদের মতই যেন স্তব্ধ হইয়া আছ; যক্ষ্মারোগে

ক্ষীণ হইয়া আর অন্ধকার নাশ করিতে পারিতেছ না, সেই জন্ত, না আমাদের ঋায় প্রিয়ের মধুর বাক্য সকল স্মরণ করিতে না পারিয়া ? হে মলয়ানিল, গোবিন্দের কটাক্ষে ত আমাদের হৃদয় ছিন্নভিন্ন হইয়া আছে, আমরা তোমার এমন কি অপ্রিয় করিয়াছি যে তাহার উপর তুমি আবার কন্দর্পদেবকে আমাদের নিকট প্রেরণ করিতেছ ? শ্রীমন্ মেঘ, তুমি শ্রীবৎস-লাঞ্ছিত যাদবেন্দ্রের প্রিয় সখা, তুমি নিশ্চয় আমাদেরই ঋায় প্রেম-বন্ধ হইয়া তাঁহারই ধ্যান করিতেছ, এবং আমাদের ঋায় বিবর্ণ হইয়া সেই প্রিয়তমের স্মরণে বারংবার বাষ্পধারা মোচন করিতেছ—হায়, তাঁহার প্রসঙ্গ কি দুঃখপ্রদ ! হে কলকণ্ঠ কোকিল, তুমি বারংবার তোমার মৃত-সঞ্জীবনী কাকলী দ্বারা আমাদের কাছে সেই প্রিয়ের কথাই বলিতেছ, আমরা তোমার কি কি প্রিয় করিব, বল । হে ভূধর, তুমি স্তব্ধ হইয়া আছ, কিছু বলিতেছ না, চলিতেছ না, তুমি নিশ্চয় কোন গভীর চিন্তায় নিমগ্ন । আমরা যেমন সেই বসুদেবনন্দনের পাদপদ্ম স্তনোপরি ধারণ জন্ত আকাঙ্ক্ষিত, তুমিও কি সেইরূপ তাঁহার সেই চরণযুগল হৃদয়ে ধারণ করিতে উৎসুক হইয়া আছ ? হে নদীগণ, গ্ৰীষ্মপ্রযুক্ত তোমরা শুষ্ক ও কৃশ হইয়া আছ, তোমাদের বক্ষে সে কমলের শোভা আর নাই । আমাদেরই মত মধুপতির প্রণয়াবলোকন না পাইয়া কি তোমাদের এই দশা ? হে হংস, এস, এস, তোমার শুভাগমন হউক, তুমি এখানে বসো, তুমি এই ছুঙ্ক পান কর । তুমি সেই প্রিয়ের দূত, আমরা জানি ; তুমি তাঁর কথা বল । সেই অজিত সুখে আছেন ত ? আমাদের পূর্বের তিনি যে সকল মধুর কথা বলিয়াছেন, তাহা কি এখন স্মরণ করেন ? তাঁহার প্রেম যে সদাই চঞ্চল । তবে আমরাই বা কেন তাঁহার ভজনা করিব ? হে ক্ষুদ্রের দূত, তুমি তাঁহাকে ডাকিয়া আন, স্ত্রীজাতি-মধ্যে লক্ষ্মী ব্যতীত একনিষ্ঠা সেবিকা যে আরও আছে, আমরা তাঁহাকে দেখাইব ।—মহিষীগণ এই প্রকারে পূর্ণ বৈষ্ণব ভাব প্রাপ্ত হইয়াছিলেন । তাঁহাদের তপস্কার কথা আর কি বলিব ? সাধুদিগের পরমগতি শ্রীকৃষ্ণও বেদবিহিত কৰ্ম্মসকল

অল্পুঠান করিয়া সৰ্বদা ধৰ্ম্ম অৰ্থ কাম মোক্ষের পথ শিক্ষা দিতেন।

শ্রীকৃষ্ণের মহিষীগণ মধ্যে ৮ জন প্রধান, প্রত্যেকের দশটি পুত্র হয়, তন্মধ্যে আঠারো জন প্রধান, তাহাদের নাম প্রহ্মান্ন অনিরুদ্ধ দীপ্তিমান ভানু সান্ন মধু বৃহদভানু ভানুবৃন্দ বৃক অরুণ পুষ্কর বেদবাহু শ্রুতদেব সুনন্দন চিত্রবাহি বরুথ কবি ও অগ্নোদধি। রুক্মিণীনন্দন প্রহ্মান্নই সৰ্ব্বশ্রেষ্ঠ ও সৰ্ব্বগুণসম্পন্ন। পূৰ্বেই বলিয়াছি, তিনি রুক্মীর কন্যাকে ও তাঁহার পুত্র অনিরুদ্ধ রুক্মীর পৌত্রীকে বিবাহ করেন। যদুবংশ ধ্বংসের পর অনিরুদ্ধের পুত্র বজ্রই একমাত্র অবশিষ্ট ছিলেন। তাঁহার পুত্র সুবাহু, তৎপুত্র উপসেন, তৎপুত্র ভদ্রসেন। যদুবংশীয়গণ অসংখ্য, তাহারা ১০১ কুলে বিভক্ত ছিলেন। শ্রীকৃষ্ণের অল্পবর্তী হইয়াই ইহারা সকলে বৃদ্ধি পাইয়াছেন। শয়ন ভোজন উপবেশন গমন আলাপ স্নান ক্রীড়া, কোন বিষয়েই বৃষ্টিগণের পৃথক কোন অস্তিত্ব ছিলনা।

জয়তি জননিবাসো দেবকাজন্মবাদো যদুবরপরিষৎ শ্বৈৰ্দোভিরন্তনধৰ্ম্মম্।

স্থিরচরব্রাজিনয়ঃ স্মৃত্তিত্রীমুখেন এজপুৰবনিতানাং বর্দ্ধয়ন্ কামদেবম্॥

—দেবকীর উদরে যাঁহার জন্মগ্রহণ একটা কথা মাত্র, যিনি স্থাবর জন্ম সকলের দুঃখনাশন, যাদবগণ যাঁহার একান্ত সেবক, নিজ এবং অস্ত্রের (যথা অৰ্জুনাদির) হস্ত দ্বারা যিনি সমস্ত অধৰ্ম্ম নিরস্ত করিয়াছেন, যিনি স্তম্ভুর হাত্মমণ্ডিত শ্রীমুখের দ্বারা ব্রজবনিতাগণের প্রণয়বর্দ্ধন করিয়াছেন, সেই সকলজনগণের একমাত্র আশ্রয় শ্রীকৃষ্ণ জয়যুক্ত হউন। ১০।২০।৪৮

## একাদশ স্কন্ধ

### ১ অধ্যায়

#### ঋষিগণ, যদুকুমার, মুষল

দুৰ্য্যোধনাদি যখন পাণ্ডবগণকে বিষদান জতুগৃহদাহ কপটদ্যুতক্রীড়া দ্রোপদীর কেশাকর্ষণ ইত্যাদি দ্বারা পুনঃ পুনঃ কুপিত করিলেন, শ্রীকৃষ্ণ তখন তাহাদিগকে উপলক্ষ করিয়া উভয় পক্ষের রাজগণকে বধ করত পৃথিবীর ভার হরণ করিলেন। তারপর ভাবিলেন, দুঃসহ

যাদবকুল এখনও বর্তমান, পৃথিবীর ভার ত সম্পূর্ণ অপনীত হয় নাই, আত্মকলহ উৎপাদন করিয়া এখন ইহাদিগকে ধ্বংস করিব—

বিভ্রদ্বপুঃ সকলসুন্দরসমিবেশং কৰ্ম্মাচরন্ ভুবি স্তম্ভলমাপ্তকামঃ ।

আস্থায় ধাম রম্যমাণ উদারকীর্ত্তিঃ সংহত্ৰুমৈচ্ছত কুলং স্থিতকৃত্যশেষঃ ॥

—সকল সুন্দরের একত্র সমাবেশরূপ দেহ ধারণ করিয়া, পৃথিবীর মঙ্গলকর কৰ্ম্ম সকল সম্পন্ন করিয়া, সফলকাম হইয়া গৃহীরাপে বিহার করিয়া, সেই কীর্ত্তিমান পুরুষ এখন স্বকুলসংহাররূপ শেষ কার্য্য করিতে ইচ্ছা করিলেন । ১১।১১।১০

পরীক্ষিৎ জিজ্ঞাসা করিলেন, ভগবন্, কৃষ্ণগতচিত্ত যত্নকুলের উপর ব্রহ্মশাপ এবং তাহাদের আত্মকলহই বা কিরূপে হইল ? শুকদেব বলিলেন, একদা বিশ্বামিত্র অসিত কথ দুৰ্ব্বাসা ভৃগু অঙ্গিরা কণ্ঠপ বামদেব অত্রি বশিষ্ঠ ও নারদ শ্রীকৃষ্ণের সহিত সাক্ষাৎ করিয়া পিণ্ডারক নামক তীর্থে গমন করার নিমিত্ত যত্নগৃহ হইতে বহির্গত হইলেন । এমন সময় কতকগুলি দুর্বিনীত যত্নকুমার ক্রীড়াচ্ছলে জাম্ববতীপুত্র সান্বকে স্ত্রী-বেশে সজ্জিত করিয়া ঐ মুনিগণের সমীপে আনিয়া বলিল, ঋষিগণ, আপনারা ভবিষ্যদ্বদী, এই স্ত্রী গর্ভবতী, ইনি পুত্র কি কন্যা প্রসব করিবেন, বলুন । ঋষিগণ কুপিত হইয়া বলিলেন, রে দুর্ব্বুদ্ধি বালকগণ, ইনি তোমাদের কুলনাশন এক মুষল প্রসব করিবেন । তখন সান্বের উদরাবরণ-বস্ত্র উন্মোচন করিয়া তন্মধ্যে তাহারা সত্যই এক মুষল পাইল । ভীত ও সম্ভ্রান্ত হইয়া ঐ বালকেরা রাজা উগ্রসেনের নিকট ঐ মুষলটি লইয়া গেল ও তাঁহাকে সকল বৃত্তান্ত বলিল । দ্বারকাবাসিগণ ঐ মুষল দর্শনে সম্ভ্রান্ত হইয়া রাজাদেশে উহা চূর্ণ করিয়া অবশিষ্ট একখণ্ড লৌহ সহ ঐ চূর্ণগুলি সমস্তই সমুদ্রে নিক্ষেপ করিল । ঐ লৌহখণ্ড একটি মৎস্য আসিয়া গ্রাস করিল, চূর্ণগুলি তীরে সংলগ্ন হইয়া এরকা নামক তৃণে পরিণত হইল । ধীবরেরা মৎস্যটী ধরিল, জরা নামক এক ব্যাধ উহার উদরস্থ লৌহখণ্ডটী তাহার একটি শরের অগ্রভাগে সংযুক্ত করিয়া রাখিল । শ্রীকৃষ্ণ এই সকল বৃত্তান্ত জানিয়াও কিছুই বলিলেন না ।

## ২—৫ অধ্যায়

নারদ, বসুদেব, নিমি, নবযোগীন্দ্র

দেবর্ষি নারদ সর্বদা ত্রীকৃষ্ণের নিকট থাকিতে ইচ্ছা করিয়া প্রায়ই দ্বারকায় বাস করিতেন। একদা তিনি বসুদেবের গৃহে উপস্থিত হইলেন। বসুদেব তাঁহাকে অর্চনা করিয়া বলিলেন,

ভগবন্ ভবতো যাত্রা স্বস্তয়ে সর্বদেহিনাম্ ॥ ১১২।৪

ভুক্তি যে যথা দেবান্ দেবা অপি তথৈব তান্ ।

ছায়েব কৰ্মসচিবাঃ সাধবো দীনবৎসলাঃ ॥ ১১২।৬

—ভগবন্, আপনার আগমন সকলদেহিগণের কল্যাণের নিমিত্ত। দেবগণকে যে যেভাবে ভজনা করে, কৰ্ম-নির্বাহক দেবগণ ছায়ার তায় তাহাকে তেমনই ভজনা করেন। কিন্তু সাধুগণ সর্বদা দীনবৎসল।

আমি পুত্রকামনায় ত্রীভগবানের পূজা করিয়াছিলাম, মুক্তির জন্ত করি নাই, আপনি আমাকে মুক্তির উপায় উপদেশ করুন। নারদ বলিলেন, তুমি যে ভাগবত ধর্ম জিজ্ঞাসা করিলে, তাহা—

প্রতোহমুপঠিতো ধ্যাত আদৃতো বামুমোদিতঃ ।

সত্ত্বঃ পুন্যতি সদ্ধর্মো দেববিশ্বক্ৰহোহপি হি ॥ ১১২।১২

—শ্রবণ পাঠ ধ্যান আদর বা অনুধাবন করিলে দেবদ্রোহী, এমন কি, বিশ্বদ্রোহীও তৎক্ষণাৎ পবিত্র হয়।

মহাত্মা জনকরাজার নিকট ঋষভনন্দন নবযোগীন্দ্রগণ এই ভাগবত-ধর্ম প্রসঙ্গে যাহা বলিয়াছিলেন, আমি তাহাই এক্ষণে কীর্তন করিব।

এই ঋষভপুত্রগণের নাম কবি, হবি, অস্তুরিক্ষ, প্রবুদ্ধ, পিপ্পলায়ন, আবিহোত্র, জুমিল, চমস ও করভাজন। তাঁহারা একদিন নিমিরাজার অমুষ্ঠিত এক যজ্ঞে উপস্থিত হইলেন। রাজা ও ঋত্বিকগণ সকলে গাত্রোত্থান করিয়া তাঁহাদেব অর্চনা করিলেন। বিদেহরাজ বলিলেন, ভগবন্, আপনারা লোকপাবননিমিত্ত সর্বত্র বিচরণ করেন। মানুষ দেহ ক্ষণভঙ্গুর, কিন্তু হৃৎভা ; আর,

সংসারেহস্মিন কণার্কোহপি সংসঙ্গঃ শেবধিনুগাম্ ॥ ১১২।৩০

—কণার্ককালের সাধুসঙ্গও এ সংসারে মনুষ্যগণের পক্ষে পরম নিধি।



আমার যদি গুণিবার অধিকার থাকে, তবে জীবের পরমমঙ্গলকর ভাগবত ধর্ম আমাকে বলুন, যাহা অনুষ্ঠান করিলে শ্রীভগবান্ প্রসন্ন হইয়া ভক্তকে আত্মদান করেন। তখন ঋষিগণ একে একে শ্রীতমনে বলিতে লাগিলেন। প্রথমে শ্রীকবি বলিলেন,—

মহেৎকুতশিচন্দ্রমচ্যুতস্ত পাদাঙ্কজোপাসনমত্র নিত্যম্ ।

উদ্বিগ্নবুদ্ধেরসদাশ্রমভাবাদ্ বিশ্বাস্তানা যত্র নিবর্ততে ভাঃ ॥ ১১।২।৩৩

—সর্বদা অচ্যুতের পাদপদ্মের সেবাই অভয়লাভের একমাত্র উপায় মনে করি। অনিত্যবস্তুরসকলকে আপন ভাবিয়া চিত্ত উদ্বিগ্ন হয়; সেই বিশ্বাস্তাই ঐ সকল ভয় ভাবনার নিরুত্তি করেন।

রাজন্, বাক্যে যাহা বলিবে, মনে যাহা ভাবিবে, বুদ্ধি দ্বারা যাহা নিশ্চয় করিবে, সমস্ত ইন্দ্রিয় ও দেহ দ্বারা স্বভাববশে যে কোন কর্ম তুমি করিবে, তাহা সমস্তই পরমপুরুষ শ্রীভগবানকে সমর্পণ করিবে। নিজ স্বরূপের বিস্তৃতি বশতঃই দেহকে আত্মা বলিয়া ভ্রম হয় এবং ভয়ের উৎপত্তি হয়, বস্তুতঃ উহা স্বপ্নবৎ মিথ্যা। সঙ্কল্পবিকল্পকারী মনকে নিরোধ করিয়া ভক্তিপূর্বক ভজনা করিলেই অভয় লাভ হয়।—

শৃণু স্তম্ভদ্রাণি রথাস্তপাণেজ্জন্মানি কৰ্ম্মাণি চ যানি লোকে ।

গীতানি নামানি তদথকানি গায়ন্ বিলজ্জে বিচরেদসঙ্গঃ ॥

এবং ব্রতঃ স্বপ্রিয়নামকীর্ত্ত্য জাতানুরাগো দ্রুতচিত্ত উচৈঃ ।

হসং যথ রোদিতি রোতি গায়ত্যান্মাদবনুত্যতি লোকবাহুঃ ॥

খং বায়ুমগ্নিং সলিলং মহীঞ্চ জ্যোতীংষি সন্ধানি দিশোক্রমাদীনু ।

সরিংসমুদ্রাংশ্চ হরেঃ শরীরং যৎকিঞ্চভূতং প্রণমেদনম্ভঃ ॥

ভক্তিঃ পরেশানুভবো বিরক্তিরস্ত্র চৈব ত্রিক এককালঃ ।

প্রপত্তমানস্ত যথাস্ততঃ স্যাস্তষ্টিঃ পুষ্টিঃ ক্ষুদ্রপায়োহনুঘাসম্ ।

ইত্যচ্যুতাজিৎ ভজতোনুবৃত্ত্যা ভক্তিবিরক্তির্ভগবৎপ্রবোধঃ ।

ভবন্তি বৈ ভাগবতস্ত রাজন্ ততঃ পরাং শান্তিমুপৈতি সাক্ষাৎ ॥

—চক্রপাণির মঙ্গলময় জন্ম ও কর্ম সকল যাহা পৃথিবীতে প্রচারিত আছে, তাহা শুনিয়া ও সেইরূপ নাম সকল গান করিয়া, লজ্জা ত্যাগ করিয়া অনাসক্ত হইয়া বিচরণ করিবে। স্বীয় প্রিয়ের নামকীর্ত্তন দ্বারা এইপ্রকার নিষ্ঠাবান ভক্তের অনুরাগ উৎপন্ন হইলে তাহার চিত্ত বিগলিত হয়, সে

বিবশ হইয়া কখনও উচ্চ হাস্য, কখনও রোদন, কখনও চীৎকার, কখনও গান, কখনও বা উন্মাদের ভ্রায় নৃত্য করে। সে আকাশ, বায়ু, অগ্নি, জল, পৃথিবী, জ্যোতিষ্ক-মণ্ডলী, জীব, দিক্, বৃক্ষাদি, সরোবর, সমুদ্র ইত্যাদি বেষ্টানে যে সৃষ্ট পদার্থ আছে, সকলকে শ্রীহরির শরীর জানিয়া অনন্তমনে প্রণাম করে। ভোজনকারীর যেমন প্রতি গ্রাসে এক সঙ্গেই তুষ্টি পুষ্টি ও ক্ষুধানিয়ুত্তি হয়, শ্রীহরির ভোজনকারীরও তেমন ভোজনার সঙ্গে সঙ্গেই ভক্তি, ঈশ্বরের অনুভব ও বৈরাগ্য এই তিন এক সঙ্গেই আসিতে থাকে। হে রাজন, অচ্যুতের পাদপদ্মসেবী এইরূপ আচরণ দ্বারা ঐ তিন-ই লাভ করিয়া সাক্ষাৎ পরমা শান্তি প্রাপ্ত হন। ১১২১৩৮—৪৩) ।

রাজা জিজ্ঞাসা করিলেন, ভগবদ্ভক্তের বাক্য ও আচরণ কিরূপ হয় এবং কিরূপ চিহ্নের দ্বারা তাঁহাকে ভগবৎপ্রিয় বলিয়া জানা যায়? হবি বলিলেন, যিনি সর্বভূতে ভগবানকে ও ভগবানে সর্বভূতকে অবস্থিত দেখেন, তিনি উত্তম ভক্ত। যিনি ঈশ্বরে প্রেম, জীবে মৈত্রী, অজ্ঞে কৃপা, বিরোধীর প্রতি উপেক্ষা করেন, তিনি মধ্যম ভক্ত। যিনি শ্রদ্ধাপূর্বক প্রতিমাদিতে হরির পূজা করেন, তাঁহার ভক্ত বা অগ্র কাহাকেও করেন না, তিনি প্রাকৃত ভক্ত। উত্তম ভক্ত ইন্দ্রিয় দ্বারা বিষয় সকল গ্রহণ করেন মাত্র, কিন্তু তাহাতে তাঁহার হর্ষও হয় না, দ্বেষও জন্মে না, সমস্তই বিষ্ণুর মায়া স্বরূপে দেখেন। তিনি জন্ম মৃত্যু ক্ষুধা ভয় তৃষ্ণা ক্লেশ ইত্যাদিকে এবং দেহ ইন্দ্রিয় প্রাণ মন ও বুদ্ধির কার্যকে সংসারধর্ম্য মাত্র জানিয়া কিছুতেই মুগ্ধ হন না, তাঁহার হৃদয়ে কোন বাসনার উদ্ভবই হয় না, বাসুদেবই তাঁহার একমাত্র আশ্রয়। জাতিবর্ণাদিজনিত দৈহিক অভিমান তাঁর মনে কখনই উদ্ভিত হয় না। স্ব বা পর—এরূপ ভেদ-বুদ্ধি তাঁর কখনও হয় না, ত্রৈলোক্যের আধিপত্য পাইলেও মুহূর্তের জন্য তাঁহার মন ভগবৎপদ হইতে বিচলিত হয় না।—

১২) বিসৃজতি হৃদয়ং ন যন্ত সাক্ষাৎ হরিরবশাভিহিতোহপ্যঘোষণাশ: ।

প্রণয়রশনয়া ধৃতাজ্জি পদ্ম: স ভবতি ভাগবতপ্রধান উক্ত: ॥ ১১২১৫৫

—অবশে উচ্চারিত হইলেও ঈহার নাম সমস্ত পাপ বিনাশ করে, সেই হরি প্রেমরজ্জু দ্বারা বদ্ধপদ হইয়া ঈহার হৃদয়ে সতত অবস্থান করেন, কখনও তাহা ত্যাগ করেন না, তিনিই ভাগবতপ্রধান।)

রাজা নিমি জিজ্ঞাসা করিলেন, ভগবন, মায়ার স্বরূপ কি ? অন্তরীক্ষ বলিলেন, সর্বভূতাত্মা আদিপুরুষ যে শক্তি দ্বারা ভূতসমূহ সৃষ্টি করিয়াছেন, সেই শক্তিই তাঁহার মায়া। তিনি স্বয়ং ঐ ভূত সমূহে অন্তঃপ্রবিষ্ট হইয়া তাঁহার অংশভূত জীবাত্মাকে একাদশ ইন্দ্রিয়ের দ্বারা বিষয়সমূহ ভোগ করাইতেছেন। কিন্তু জীব বিষয়ে আসক্ত হইয়া সংসারক্ষেত্রে ভ্রমণ করিতে করিতে মহাপ্রলয় পর্য্যন্ত কেবলই নানা জন্ম ও মৃত্যু প্রাপ্ত হইতে থাকে। মহাপ্রলয়ে, মহাকাল ব্যক্তকে অব্যক্তে লইয়া যাইতে আকর্ষণ করে ; তখন শতবর্ষ অনাবৃষ্টি-জনিত উত্তাপে বিশ্ব দগ্ধ হয়, তৎপর শতবর্ষকাল অবিরামবৃষ্টিজনিত প্লাবনে এই বিশ্ব বিলীন হয়। জ্যোতির রূপ অন্ধকার দ্বারা হৃত হইয়া বায়ুতে, বায়ু আকাশে, আকাশ তামস অহঙ্কারে, ইন্দ্রিয়সকল সাত্ত্বিক অহঙ্কারে এবং সমস্ত অহঙ্কার মহত্ত্বে লীন হয়। ইহাই মায়ার স্বরূপ। রাজা জিজ্ঞাসা করিলেন, ভগবন, স্থূলবুদ্ধি অজিতেন্দ্রিয় মানবগণ কি প্রকারে এই মায়া হইতে অনায়াসে উত্তীর্ণ হইতে পারে ? প্রবুদ্ধ বলিলেন, দুঃখপ্রতিকার ও সুখলাভ জন্ম মিথুনধর্ম্মা মানুষ যে সকল কর্ম্ম করে, তাহার বিপরীত ফল হয়, তাহা দেখিতে হইবে—

নিত্যার্জিদেন বিস্তেন হ্রল্ভেনাত্মমুত্থান।

গৃহাপত্যাপ্তপত্তভিঃ কা প্রীতিঃ সাধিতৈশ্চলৈঃ ॥ ১১৩।১২

—নিত্য-পীড়াজনক আত্মার মৃত্যুস্বরূপ হ্রল্ভ বিস্তের দ্বারা বা চঞ্চল গৃহ অপত্য বন্ধু পত্ত দ্বারা কি তৃপ্তি সাধিত হয় ?

অতএব শ্রেয়ার্থী ব্যক্তি বেদজ্ঞ শাস্ত্র আচার্য্যের আশ্রয় লইবেন এবং আত্মপ্রদ হরি যাহাতে তুষ্ট হন, এরূপ সেবা দ্বারা ভাগবতধর্ম্ম শিক্ষা করিবেন। অনাসক্তি নয়। মৈত্রী বিনয় শৌচ তপঃ ক্ষমা মৌন বেদপাঠ সরলতা ব্রহ্মচর্য্য অহিংসা, সুখত্যাগে সমভাব, সর্বত্র ঈশ্বর-দর্শন, গৃহাদির প্রতি উপেক্ষা, জীর্ণবস্ত্রখণ্ড পরিধান, সন্তোষঃ যেন কেন চিং' যাহা কিছু পাইবে তাহাতেই সন্তোষ, ভাগবতশাস্ত্রে শ্রদ্ধা, অস্ত্র সকল শাস্ত্রে অনিন্দার ভাব, মন বাক্য ও কর্ম্মের সংযম এবং

শমদম শিক্ষা করিবে। ত্রীহরির জন্ম কৰ্ম ও গুণের শ্রবণ কীর্তন এবং ধ্যান করিবে। সকল কৰ্ম এবং সমস্ত সদাচার ও সমস্ত প্রিয় ব্যক্তি ও দ্রব্য তাঁহাকেই নিবেদন করিবে। ভক্তগণের সহিত সৌহার্দ এবং স্থাবর জঙ্গম বিশেষতঃ সাধুগণের পরিচর্যা করিবে। ভক্তসঙ্গে কথোপকথন দ্বারা সন্তোষ, ছুঃখনিবৃত্তি, এবং পরস্পর হরিস্মরণ দ্বারা প্রেম লাভ করিয়া শরীর পুলকিত হইবে। এই ভাগবতধর্মার্জিত শক্তি দ্বারাই মায়াতে অনায়াসে অতিক্রম করিতে পারিবে।—রাজা জিজ্ঞাসা করিলেন, ঋষিগণ, পরমাত্মার স্বরূপ কি, বলুন। পিপ্পলায়ন বলিলেন, যিনি সৃষ্টি স্থিতি প্রলয়ের হেতু—কিন্তু স্বয়ং হেতুবিধর্জিত, যিনি স্বপ্ন জাগরণ সুষুপ্তি ও সমাধিতে নিত্য নিত্যরূপে বিद्यমান, দেহ প্রাণ মন আদি তাবৎ ইন্দ্রিয় যাহা দ্বারা সঞ্জীবিত থাকিয়া বিচরণ করে, অথচ ইহারা কেহই যাহাকে প্রকাশ করিতে পারে না, যাহার জন্ম মৃত্যু হাস বৃদ্ধি কিছুই নাই, তিনিই পরব্রহ্ম। তিনি স্বতঃসিদ্ধ, সূতরাং প্রমাণ-নিরপেক্ষ। ভক্তি দ্বারা চিত্তমল ক্ষালিত হইলে চক্ষুর সম্মুখে সূর্য্যের ন্যায় আত্মতত্ত্ব প্রকাশিত হন।—রাজা জিজ্ঞাসা করিলেন, কোন্ কৰ্মদ্বারা পুরুষ কৰ্মবন্ধন হইতে মুক্তি ও নৈষ্কৰ্ম্য লাভ করিতে পারে? আবির্হোত্র বলিলেন, বেদের ফলশ্রুতি কৰ্মে রুচি উৎপাদন জন্ম। বেদোক্ত কৰ্ম আসক্তিশূন্য হইয়া, ও ঈশ্বরে ফলার্পণ করিয়া করিলে তাহা দ্বারাই নৈষ্কৰ্ম্য লাভ হয়। বেদের বিধান ও তন্ত্রের বিধিমত কেশবের অর্চনা করিলে হৃদয়গ্রন্থি ছিন্ন হয়। আচার্য্যের উপদেশ অনুসারে নিজ অভিমত মহাপুরুষের মূর্ত্তিবিশেষকে পূজা করিবে। আরাধ্য মূর্ত্তির সম্মুখে গুটির সহিত উপবিষ্ট হইয়া প্রাণায়ামাদি দ্বারা দেহকে শোধন ও অঙ্গন্যাসাদি দ্বারা রক্ষা বিধান করিয়া হরির অর্চনা করিবে। নিজ আত্মা দেহ ও আসনকে পবিত্র করিয়া যথালব্ধ উপচারাদি দ্বারা মূলমন্ত্রাবলম্বনে সেই প্রতিমার অর্চনা করিবে। তন্ময় হইয়া ধ্যান করিতে করিতে ত্রীহরিকে হৃদয়ে স্থাপন করিয়া পূজা সমাপ্ত করিবে।

রাজা নিমি বলিলেন, ত্রীহরি জন্ম স্বীকার করিয়া যে জন্মে যে

কার্য্য করিয়াছেন বা করিবেন, তাহা বলুন। শ্রীকৃষ্ণমিল বলিলেন, শ্রীভগবানের গুণ অনন্ত। এই ব্রহ্মাণ্ডপুরী নির্মাণ করিয়া তিনি তাহাতে অংশরূপে প্রবেশ করেন, তাই তিনি 'পুরুষ'। সৃষ্টি নিমিত্ত রজোগুণ হইতে ব্রহ্মা, পালন নিমিত্ত সত্ত্বগুণ হইতে বিষ্ণু ও নাশ নিমিত্ত তমোগুণ হইতে রুদ্রের আবির্ভাব। ধর্ম্মের ভার্য্যা দক্ষকন্যা মুণ্ডির গর্ভে নরনারায়ণ জন্মগ্রহণ করেন। তাঁহার বদরিকাশ্রমে কঠোর তপস্যায় প্রবৃত্ত হইলে ইন্দ্র নিজ পদের জন্ত ভীত হইয়া তাঁহাদিগকে লুব্ধ করিতে কামদেবকে পাঠান। কামদেব ও তাঁহার অনুচরগণ ব্যর্থ ও লজ্জিত হইয়া নারায়ণের স্তব্ধস্ততি করিয়া চলিয়া আসেন।—বিষ্ণু হংসরূপে অবতীর্ণ হইয়া দত্তাত্রেয়কে আত্মযোগ উপদেশ করেন। দত্তাত্রেয় সনৎকুমারকে, সনৎকুমার আমার পিতা ঋষভদেবকে তাহা বলেন। তিনি হয়গ্রীবাবতারে বেদ সকলের উদ্ধার, মৎস্তাবতারে সত্যব্রত মনু দ্বারা পৃথিবী ও ওষধি সকলকে রক্ষা, বরাহাবতারে জল হইতে পৃথিবী উদ্ধারকালে হিরণ্যাক্ষবধ, কূর্ম্মাবতারে সমুদ্রমন্থনকালে স্বীয় পৃষ্ঠে মন্দার পর্বত ধারণ, কুন্তীর-বদন হইতে গজেন্দ্রকে রক্ষা, নৃসিংহাবতারে গোপদজলে নিমগ্ন বালখিল্যগণকে রক্ষা, বৃত্রাসুরবধ করিয়া ইন্দ্রকে উদ্ধার এবং অশুরেন্দ্র হিরণ্যকশিপুকে সংহার, বামনাবতারে বলির নিকট হইতে পৃথিবী লইয়া দেবগণকে দান, পরশুরামাবতারে হৈহয়কুল ও একুশবার সমগ্র ক্ষত্রিয়কুল নাশ এবং শ্রীরামচন্দ্র অবতারে রাবণ বধ করিয়া সীতার উদ্ধার প্রভৃতি কার্য্য করেন। তিনি যত্নকুলে অবতীর্ণ হইয়া দুষ্কর কার্য্য সকল করিবেন, পরে অযোগ্য যজ্ঞকারীগণকে অহিংসাবাদে বিমোহিত করিবেন, এবং কঙ্কিরূপে অবতীর্ণ হইয়া শূদ্ররাজগণকে নিহত করিবেন।

শ্রীরাজা জিজ্ঞাসা করিলেন, ঋষিগণ, প্রায়শঃ লোকেরা শ্রীহরিকে ভজনা করে না, সেই অশাস্ত পুরুষগণের কি গতি হইবে? চমস বলিলেন, যাহারা না জানিয়া ভজনা করে না, বা জানিয়াও ঈশ্বরের অবজ্ঞা করে, তাহারা গুণানুসারে নিয়ন্ত্রিত বর্ণাশ্রম ধর্ম্ম হইতে পতিত

হয়। যে সকল স্ত্রী শূদ্র হরিকথা শ্রবণে বিমুখ, তাহারা কৃপাপাত্র। উপনয়নসংস্কার ও বেদাধ্যয়নাদি দ্বারা হরি-পদের নিকটবর্তী হইয়াও কোন কোন ব্রাহ্মণ ক্ষত্রিয় বৈশ্য বেদ-বাদে বিমূঢ় হইয়া কৰ্ম্মফলে আসক্ত হয়। কি প্রকার কৰ্ম্ম করিলে বন্ধন হইতে মুক্ত হওয়া যায়, তাহা না জানিয়া মনে করে সোমপান করিয়া অমর হইয়াছি, চাতুর্মাশ্র যোগ করিলেই অক্ষয় স্বর্গ লাভ করিয়া তথায় অঙ্গরাগণসহ বিহার করিব। তাহারা অভিচারাদি করিয়া দান্তিক হয়। সাধুগণকে উপহাস করে, স্ত্রীসুখই পরম সুখ মনে করে, বিধিপূর্বক যজ্ঞাদি করে না, প্রকৃত বেদার্থ বোঝে না, কখনও ঈশ্বরকে স্মরণও করে না, সর্বদা নিজ নিজ বাসনা পূরণে মত্ত। বেদে যে স্ত্রীসঙ্গ আমিষভোজন ও মত্সেবার ব্যবস্থা আছে, তাহা প্রাণিগণের ইচ্ছাধীনমাত্র, বেদ ঐ সকল কার্য্যে কোন বিধি দেন না, সুতরাং নিবৃত্তিই শ্রেয়স্কর। ধন ধর্ম্মের জন্ম, কিন্তু অবোধ লোকেরা অবগুণ্ঠাবী মৃত্যুর দিকে কিছুমাত্র লক্ষ্য না রাখিয়া ধন কেবল দেহভোগের নিমিত্ত ব্যয় করে। বেদবিত্তিত স্ত্রীসঙ্গ সন্তানোৎপাদন জন্ম মাত্র, ইন্দ্রিয়সুখের জন্ম নহে। ভিক্ষণের জন্ম পশুবধই হিংসা, মত্তের আত্মাণ দ্বারাই পান হয়। অজ্ঞ লোকেরা ঐ সকল কথা বা কার্য্যের প্রকৃত অর্থ না বুঝিয়া কেবল ইন্দ্রিয়সেবার্থ ঐ সকল কার্য্য করে।—‘দ্বিষন্তঃ পরকায়েষু স্বাত্মানং হরিমীশ্বরম্’—যাহারা পরের শরীরের প্রতি দ্বেষ করে, তাহারা নিজ আত্মাস্বরূপ হরিকেই দ্বেষ করে। তাহারা আত্মঘাতী, অকৃতার্থ, স্ত্রীপুত্রাদি পরিত্যাগে অনিচ্ছুক হইলেও মৃত্যু আসিয়া তাহাদিগকে অন্ধকারে লইয়া যায়।—

শ্রীরাজা জিজ্ঞাসা করিলেন, ভগবান্ কোন্ কালে কোন্ বর্ণ, এবং কি আকারে, কোন্ নামে, কি বিধানে তাঁহার পূজা হয়? শ্রীকরভাজন বলিলেন, সত্যযুগে তিনি শুক্লবর্ণ চতুর্ভুজ বহুলবসন দণ্ডকমণ্ডলুযজ্ঞোপবীতাদিধারী ব্রহ্মচারীরূপে অবতীর্ণ হন। ঐ যুগে মানবগণ শাস্ত ও সৎ হংস পরমাত্মা ইত্যাদি নামে তাঁহার আরাধনা করেন। ত্রেতায় রক্তবর্ণ যজ্ঞমূর্ত্তিরূপে বেদত্রয়োক্ত

কৰ্মদ্বারা পুন্নিগৰ্ভ ইত্যাদি নামে পূজিত হন। দ্বাপরে শ্রামবর্ণ পীতবসন চক্ৰশ্রীবৎসকৌন্তভাদিধারী বাসুদেব সঙ্কৰ্ষণ প্রহ্লায় অনিরুদ্ধ নারায়ণ ঋষি ইত্যাদি নামে নান। তত্ত্ব-বিধানে অর্চিত হন। কলিযুগে—

কৃষ্ণবর্ণং ত্রিষাক্ষকং সাক্ষোপাঙ্গাজ্ঞপার্ষদম্।

যজ্ঞৈঃ সঙ্কীৰ্ত্তনপ্রায়ৈর্ষজজ্ঞি হি স্মমেষসঃ ॥ ১১।৫।১০২

—কৃষ্ণবর্ণ, ইন্দ্রনীলজ্যোতিষ্মান্ ( হৃদয়াদি ) অঙ্গ, ( কৌন্তভাদি ) উপাঙ্গ, ( হৃদর্শন চক্ৰাদি ) অস্ত্র, ও ( সুনন্দাদি ) পাশদ সহিত তাঁহাকে সুবুদ্ধি মনুষ্যাগণ সঙ্কীৰ্ত্তন-রূপ যজ্ঞ দ্বারা অর্চনা করেন। ( স্বামীটীকা দেখুন )।

এইরূপে যুগানুরূপ নাম দ্বারা যুগানুবর্তী লোকেরা সর্বকল্যাণময় ঈশ্বরের পূজা করেন। গুণিগণ কলিযুগকে অভিনন্দন করেন, কারণ এই যুগে কেবল নামসঙ্কীৰ্ত্তন দ্বারাই পরম শাস্তি এবং শ্রীভগবান্কে লাভ করিয়া জন্মমরণ হইতে নিবৃত্তি পাওয়া যায়। এই নিমিত্ত সত্যযুগে উৎপন্ন ব্যক্তিগণও কলিযুগে পুনরায় জন্মগ্রহণ বাঞ্ছা করেন। কলিযুগে কোন কোন স্থানে লোক সকল বিশেষভাবে নারায়ণপর হইবেন। দ্রাবিড় দেশে তাম্রপর্ণী কৃতমালা পয়স্বিনী কাবেরী ও মহানদীর জল যাহারা পান করেন, তাঁহারা প্রায়ই বাসুদেবের ভক্ত হইয়া থাকেন। মুকুন্দ-স্মরণে দেবদেবগণাদি সকল ঋণ হইতে মুক্ত হওয়া যায়, নিষিদ্ধ কৰ্মদ্বারা পতিত হইলেও সর্বপাপ হইতে মুক্তিলাভ হয়।—নারদ বলিলেন, নব-যোগীন্দ্রগণ এই বলিয়া স্ব স্ব স্থানে প্রস্থান করিলেন। রাজা নিমি তাঁহাদের কথিত এই ভাগবত ধর্ম অনুষ্ঠান করিয়া যথাকালে পরমাগতি লাভ করিলেন।—হে বাসুদেব, শ্রীহরি তোমাদের পুত্ররূপে অবতীর্ণ হইয়াছেন, নিয়ত দর্শন ভোজন উপবেশন আলিঙ্গনাদি দ্বারা পুত্রস্নেহে তোমাদের আত্মা পবিত্র হইয়াছে, তোমাদের যশে জগৎ পরিপূর্ণ হইয়াছে। শিশুপাল, পৌণ্ড্রকবাসুদেব, শাশ্বাদি নৃপগণ শত্রুভাবে তন্ময় হইয়া সর্বদা তাঁহাকে ভাবিয়া তাঁহার সারূপ্য লাভ করিয়াছেন, অতএব তাঁহার অনুরক্ত ভক্তদের আর কথা কি? বাসুদেব, যে সর্বাত্মা পরমেশ্বর নিজ ঐশ্বর্য্য গুপ্ত রাখিয়া মনুষ্যভাবে ধারণ করিয়াছেন,

তঁাহাকে পুত্র জ্ঞান করিও না, নিঃসঙ্গ হইয়া ভাগবত ধর্ম আশ্রয় করিলে তুমিও পরমা গতি প্রাপ্ত হইবে।—ব্রহ্মদেব ও ভাগ্যবতী দেবকী এই সকল কথা শুনিয়া সর্বমোহ হইতে বিমুক্ত হইয়াছিলেন।

### ৬—৯ অধ্যায়

ব্রহ্মাদি, উদ্ধব, যত্ন, অবধূত, চব্বিশগুরু

অনন্তর একদা ব্রহ্মাসহ প্রধান প্রধান দেব ঋষি গন্ধর্ব্ব কিন্নর নাগ সিদ্ধ চারণ ও বিদ্যাধরগণ শ্রীকৃষ্ণ দর্শন করিতে দ্বারকায় আসিলেন। তঁাহারা তঁাহাকে অতৃপ্ত নয়নে দর্শন করিয়া স্বর্গের উদ্যানজাত পুষ্পের বহু মালা দ্বারা তঁাহাকে আচ্ছাদিত করিয়া তঁাহার বহু স্তব করিলে ব্রহ্মা বলিলেন, আমরা ভূভারহরণের নিমিত্ত প্রার্থনা করিয়াছিলাম, আমাদের সেই প্রার্থনা পূর্ণ হইয়া এক্ষণে ধর্ম সংস্থাপিত হইয়াছে, আপনারও এই পৃথিবীতে একশত পঁচিশ বৎসর অতীত হইল। দেবকার্য্য অবশিষ্ট নাই, যত্নকুল নষ্টপ্রায়। অতএব এখন স্বধামে প্রবেশ করিয়া আমাদের পালন করুন। ভগবান্ বলিলেন, ব্রহ্মন্, তুমি ঠিক বলিয়াছ, কিন্তু আমি এই উদ্ধত বিপুল যাদবকুলকে সংহার না করিয়া গেলে ইহার সমুদয় লোক নষ্ট করিবে। ব্রহ্মশাপে ইহার নাশ আরম্ভ হইয়াছে, এই কার্য্য শেষ করিয়া আমি তোমার ভবনে যাইব। ব্রহ্মা তঁাহাকে প্রণাম করিয়া দেবাদি সকলসহ প্রস্থান করিলেন।—এদিকে দ্বারকায় মহা উৎপাত আরম্ভ হইল। ইহা দেখিয়া শ্রীকৃষ্ণ যত্নবৃদ্ধদিগকে বলিলেন, একে ত এই সকল উৎপাত, তার উপর দুর্নিবার ব্রহ্মশাপ, অতএব চল, আমরা সকলে অতুই পুণ্যতীর্থ প্রভাসে যাই, আর অপেক্ষা করিব না। আমরা সেই তীর্থে স্নান ও অন্নাদি দান করিয়া সকল পাপ হইতে উত্তীর্ণ হইব। যাদবগণ রথাদি সজ্জিত করিতে আরম্ভ করিলেন। শ্রীকৃষ্ণের চিরানুগত উদ্ধব তঁাহার বাক্য শুনিয়া এই সকল উদ্যোগ এবং অশুভ চিহ্ন দেখিয়া নিঃস্বপ্নে আসিয়া শ্রীভগবানের পদে মস্তক অর্পণ করিয়া বলিলেন, হে যোগেশ, দেবদেবেশ, আপনি সমর্থ হইয়াও বিপ্রশাপের প্রতিবিধানের কোন চেষ্টা করিলেন না, তখনই



বুঝিলাম, যদুকুল সংহার করিয়া আপনি এক্ষণে এই মর্ত্যলোক ত্যাগ করিতে ইচ্ছা করিয়াছেন। হে কেশব, হে নাথ, আমি ত ক্ষণাধীনকালও আপনার পদকমল ছাড়িয়া এখানে থাকিতে পারিব না, আমাকে আপনার ধামে লইয়া চলুন। অমৃতস্বরূপ আপনার ক্রীড়া সকল আশ্বাদন করিলে লোকের আর অণু কোন আকাঙ্ক্ষা থাকে না। আপনার গ্রায় প্রিয়কে ছাড়িয়া আমরা কিরূপে শয়ন উপবেশন গমন ক্রীড়া স্নান ও ভোজনাদি করিব? আপনার ভুক্ত মাল্য গন্ধ বস্ত্র অলঙ্কার দ্বারা ভূষিত হইয়া ও আপনার ত্যক্ত প্রসাদ খাইয়াই আমরা যে জীবন অতিবাহিত করিলাম, এক্ষণে কিরূপে সেই মায়া জয় করিব?

বাতরশনা য ঋষয়ঃ শ্রমণা উদ্ধমস্থিনঃ ।

ব্রহ্মাখ্যং ধাম তে যাস্তি শাস্তাঃ সন্ন্যাসিনোহমলাঃ ॥

বয়স্বিহ মহাযোগিন্ ভ্রমন্তঃ কৰ্ম্মবজ্রক্ষু ।

অদ্বৈতায় তরিশ্যামস্তাবকৈর্হস্তরং তমঃ ॥

অরন্তঃ কৌতুহলন্তে কৃতানি গদিতানি ॥

গত্যংশ্বিতেক্ষণক্ষেপিল যন্ন লোকবিভ্রমন্ ॥ ১১।৬।৪৭-৪৯

—বসনহীন উদ্ধবেরা ঋষি সন্ন্যাসী ও শ্রমণগণ শাস্ত ও নির্মলচিত্ত হইয়া আপনার ব্রহ্ম নামক ধামে গমন করেন। হে মহাযোগিন্, এ সংসারে কৰ্ম্মপথে ভ্রমণ করিতে করিতে আমরা আপনার গতি হাশ্র দর্শন ও পরিহাস, যাহা মনুষ্য মূর্ত্তি ধারণ করিয়া আপনি দেখাইতেছেন, তাহাই অরণ ও কৌতূহল করিয়া এই দুস্তর অন্ধকার হইতে উত্তীর্ণ হইব।

শুকদেব বলিলেন, রাজন্, ভগবান্ দেবকীনন্দন এইরূপে নিবেদিত হইয়া তাঁহার একান্ত প্রিয় ভক্ত উদ্ধবকে বলিতে লাগিলেন—

শ্রী ভগবান্ বলিলেন, হে মহাভাগ, তুমি যাহা বলিলে, তাহাই আমি করিতে ইচ্ছা করিয়াছি। ব্রহ্মার প্রার্থনায় যে উদ্দেশ্যে আমি অংশাবতীর্ণ হইয়াছিলাম, তাহা নিষ্পন্ন হইয়া গিয়াছে। ব্রহ্মাদি লোকপালগণ এখন আমার প্রত্যাগমন ইচ্ছা করেন। শাপদগ্ধ এই যদুকুল পরস্পর কলহ করিয়া বিনষ্ট হইবে, তৎপর সপ্তম দিবসে সমুদ্র এই পুরী প্লাবিত করিবে। আমি এই লোক

ত্যাগ করিয়া গেলেই ইহা মঙ্গলহীন হইবে এবং কলিও আসিয়া অচিরেই ইহাকে গ্রাস করিবে। কলিযুগে লোকদের অধর্মেই রুচি হইবে, সুতরাং তুমি এখানে আর বাস করিও না।

স্বস্ত সৰ্বং পরিত্যজ্য মেহং স্বজনবন্ধুযু।

মধ্যাবেশ্ত মনঃ সম্যক্ সমদৃগ্ বিচরন্ত গাম্ ॥ ১১।৭।৬

—তুমি স্বজন ও বন্ধুগণের প্রতি সমস্ত মেহ পরিত্যাগ করিয়া, আশ্রিতে মনকে সম্পূর্ণরূপে নিবিষ্ট করিয়া, সৰ্ব্বভূতে সমদৃষ্টি হইয়া, পৃথিবীতে বিচরণ কর। ইন্দ্রিয়গ্রাহ্য সকলই নশ্বর ও মায়াময়। চিত্তের বিক্ষেপই ভেদবুদ্ধির কারণ। অতএব সংযতচিত্ত হইয়া জগৎকে আত্মাতে এবং আত্মাকে অধীশ্বররূপে আশ্রিতে দর্শন কর। কোন বিষয় যেন তোমাকে প্রতীহত করিতে না পারে। বালক যেমন দোষগুণবুদ্ধি নিয়া কোন কৰ্ম্ম করে না, তুমিও সেইরূপ নির্বিশেষ হইয়া কৰ্ম্ম করিও।

সৰ্ব্বভূতস্বহৃচ্ছান্তো জ্ঞানবিজ্ঞাননিশ্চয়ঃ।

পশুন্ মদাত্মকং বিধং ন বিপদেত বৈ পুনঃ ॥ ১১।৭।১২

—যে সকলভূতের সুহৃৎ ও শাস্ত্র। শাস্ত্রজ্ঞান ও আত্মজ্ঞান লাভ করিয়া বাহ্যর বুদ্ধি স্থির হইয়াছে, সে বিধকে আশ্রিতা অমুখ্যত দর্শন করে, এবং আর কখনও তাহাকে এই সংসারে আসিতে হয় না। ( স্বামিটীকা দেখুন )।

উদ্ধব ইহা শুনিয়া শ্রীভগবান্কে প্রশ্নাম করিয়া বলিলেন, হে ষোণাশ্বন, ষোণসম্ভব, আপনি যে ত্যাগের কথা আমাকে বলিলেন, হে ভূমন্, বিষয়মুখীগণের এইরূপ সকল কামনা-ত্যাগ যে বড়ই দুষ্কর। আপনারই মায়ায় আমরা সৰ্ব্বদা যে ‘আমি’ ‘আমার’ এই মোহেই ডুবিয়া আছি। আপনার এই ভৃত্যকে এইরূপে অনুশাসন করুন, যেন আপনার বাক্য সহজে পালন করিতে পারি। আমি আর কাহার কাছে এই বিষয়ে জানিতে যাইব ? স্বয়ং ব্রহ্মাও আপনার মায়াধীন। নিতান্ত দুঃখে পড়িয়া এবং নিৰ্বেদ প্রাপ্ত হইয়া নরসখা নারায়ণ সৰ্ব্বাধীশ আপনার শরণ লইলাম। শ্রীভগবান্ বলিলেন,—

প্রায়েণ মহুজা লোকে লোকতত্ত্ববিচক্ষণাঃ।

সমুদ্ররক্তি হ্যাম্মানমাত্মনৈবাত্তাশয়াৎ ॥

আত্মনো গুরুরাষ্ট্রৈব পুরুষস্ত বিশেষতঃ ।

যং প্রত্যক্ষানুমানাভ্যাং শ্রেয়োহসাবহুবিন্দতে ॥ ১১'৭।১৯, ২০

—পৃথিবীতে যাঁহারা লোকতন্ম্বে অভিজ্ঞ, তাঁহারা আত্মজ্ঞানদ্বারা অশুভ কামনা হইতে আপনাদিগকে মুক্ত রাখেন। আত্মাই গুরু, বিশেষতঃ মানুষের ; কারণ, সে প্রত্যক্ষ ও অনুমান উভয়বিধ জ্ঞানদ্বারা শ্রেয়ের পথ বুঝিয়া লইতে পারে।

উদ্ধব, প্রাণীমধ্যে মানুষই আমার সর্বাপেক্ষা প্রিয়। জ্ঞানভক্তিতে বিচক্ষণ ও অপ্রমত্ত হইলে এই মানুষ দেহেই আমি দর্শন দেই। তোমার জিজ্ঞাসিত বিষয়ে যত্ন ও অবধূতের এক প্রাচীন কাহিনী তোমাকে বলিতেছি।—একদা ধর্মবিদ যত্ন যথেষ্টবিচরণকারী এক তরুণ পণ্ডিত অবধূত ব্রাহ্মণকে দেখিয়া জিজ্ঞাসা করিলেন, আপনি কোন কর্মও করিতেছেন না, বা আপনার কোন আকাঙ্ক্ষাও নাই, গঙ্গাসলিলমধ্যস্থ হস্তীর শ্রায় কামলোভাদিতেও উত্তপ্ত হইতেছেন না, আত্মাতেই রমণ করিতেছেন। আপনার এ আনন্দের কারণ কি ? এ বুদ্ধিই বা কোথা হইতে আসিল ? ব্রাহ্মণ বলিলেন, রাজন, আমি বহু গুরুর নিকট এই বুদ্ধি লাভ করিয়াছি। পৃথিবী নানা উৎপাতে আক্রান্ত হইয়াও সর্বদা অবিচলিত থাকে ; তাহার নিকট শিখিলাম, আপন ব্রতে অচল থাকিবে। পর্বত ও বৃক্ষকে লোকে আপন প্রয়োজনে কাটিয়া নিলেও তাহারা কিছুই বলে না ; তাহাদের নিকট শিখিলাম, পরার্থে জীবনধারণ করিবে। বায়ু গন্ধ বহন করে মাত্র, নিজে তদ্বারা লিপ্ত হয় না ; তাহার নিকট শিখিলাম, বিষয়ে প্রবিষ্ট হইয়াও বাক্য ও বুদ্ধি অবিকৃত রাখিয়া সর্বদা অনাসক্ত থাকিবে। [আকাশ যখন ঘটের ভিতর থাকে, তখন সে কত ক্ষুদ্র, কিন্তু তখনও সে অনন্ত বহিরাকাশের সঙ্গে যুক্ত ; আর বহিরাকাশ বায়ুচালিত মেঘে ব্যাপ্ত থাকিয়াও ঐ মেঘ দ্বারা কখনও স্পৃষ্ট হয় না ; তাহার নিকট শিখিলাম, আত্মাকে দেহের সহিত অ-সঙ্গ, গুণাদি দ্বারা অ-স্পৃষ্ট, এবং স্থাবর জঙ্গমে অবিচ্ছেদ্যভাবে পরিব্যাপ্ত জানিয়া ব্রহ্মস্বরূপে ভাবনা করিবে। জলের নিকট শিখিলাম, উহার শ্রায় সর্বদা স্বচ্ছ স্নিগ্ধ ও মধুর থাকিয়া মুনিগণের মত দর্শন স্পর্শন ও

কীর্তন দ্বারা জগৎ পবিত্র করিবে। **অগ্নি** অদৃশ্যভাবে কাষ্ঠের প্রতি কণায় অম্লপ্রবিষ্ট, কখনও প্রচ্ছন্ন থাকেন, কখনও প্রদীপ্ত হইয়া ওঠেন, সকল ময়লা দহন করেন, যে যাহা দেয় তাহাই গ্রহণ করেন, অথচ কোন কিছু দ্বারাই কলুষিত হন না। অগ্নির নিজের কোন উৎপত্তি বা বিনাশ নাই; উৎপত্তি-বিনাশ শিখার, অগ্নির নহে। সুতরাং অগ্নির নিকট শিখিয়াছি, শ্রীভগবান্ সমগ্র বিশ্বে গুপ্তভাবে অম্লস্বাত; তপস্যা ও তেজে সর্বদা প্রদীপ্ত থাকিবে, কখনও প্রচ্ছন্ন, কখনও শ্রেয়স্কামীগণ দ্বারা প্রকাশে সেবিত হইয়াও পাপমলে লিপ্ত হইবে না; আমরা যে সকল উৎপত্তি বিনাশ দেখি, তাহা ভূত সকলের, আত্মার নহে। **চন্দ্রের** নিকট শিখিয়াছি, জন্ম হইতে মৃত্যু পর্য্যন্ত যে সকল বিকার নানাভাবে আমাদের সম্মুখে উপস্থিত হয় তাহা দেহের, আত্মার নহে, যেমন চন্দ্রকলার হাসবুদ্ধি কাল-প্রভাবে হয়, উহা চন্দ্রের নিজের হাসবুদ্ধি নহে। **সূর্য্য** হইতে শিখিয়াছি, আত্মা স্বরূপতঃ অভিন্ন, স্থূলবুদ্ধি বশতঃ লোকে নানা উপাধিগত একই আত্মাকে ভিন্ন ভিন্ন আত্মা মনে করে, যেমন সূর্য্যরশ্মি জলপাত্রের আকারভেদে ভিন্ন ভিন্ন সূর্য্য বলিয়া প্রতীত হন; আর, সূর্য্য যেমন পৃথিবীর জল আকর্ষণ করিয়া প্রাণিগণের উপকারার্থে উহা পৃথিবীকেই পুনঃ প্রত্যর্পণ করেন, মানুষও তেমন ইন্দ্রিয়সমূহ দ্বারা বিষয় গ্রহণ করিয়া তাহা যথাকালে অর্থিগণকে প্রত্যর্পণ করিবে। **কপোতের** নিকট শিখিয়াছি, কাহারও প্রতি অতিশ্নেহ বা আসক্তি করিবে না, তাহাতে পরিণামে সন্তাপ ভোগ করিতে হয়—কিরূপে, শুনুন। এক কপোত এক কপোতীর প্রণয়ে আবদ্ধ হইয়া বৃক্ষচূড়ে নীড় প্রস্তুত করিয়া সর্বদা একত্র বনে বিচরণ করিত ও কপোতী যখন যাহা চাহিত, যেরূপে হউক, সংগ্রহ করিয়া আনিয়া দিত। কপোতী কয়েকটা সন্তান প্রসব করিল। দম্পতী তাহাদের সুখস্পর্শ মধুর কুঞ্জন ও অঙ্গচেষ্টা দ্বারা পরম আনন্দ লাভ করিত। একদিন আহার-অবেষণে উভয়ে বনে বিচরণ করিতেছে, ইত্যবসরে এক ছুরন্ত ব্যাধ আসিয়া ভূমিতলে ইতস্ততঃ বিচরমাণ ঐ

শাবকগুলিকে অনায়াসে আবদ্ধ করিয়া ফেলিল। মায়ামুগ্ধা কপোতী ফিরিয়া আসিয়া ইহা দেখিয়া স্তোভন করিতে করিতে শাবকগুলির নিকটস্থ হইয়া নিজেও ঐ জালে আবদ্ধ হইয়া পড়িল। কপোত আসিয়া দেখিল, তাহার স্ত্রী পুত্র কন্যা সকলেই তাহাকে ফেলিয়া চলিয়া যাইতেছে। ‘আমি এই স্নেহের পুতলীগুলিকে ছাড়িয়া কেমন করিয়া কেনই বা এই শূন্য নীড়ে একাকী বাস করিব,’ এই ভাবিয়া ঐ কপোতও ইচ্ছাপূর্বক গিয়া ঐ ব্যাধের জালে প্রবিষ্ট হইল। ব্যাধ আসিয়া অক্লেণে এতগুলি ঋতু পাইয়া সিদ্ধকাম হইয়া গৃহে প্রস্থান করিল।—মানবজন্ম মুক্তির দ্বার স্বরূপ, যে ব্যক্তি অত্যাশক্তি বশতঃ এই কপোতের দশা প্রাপ্ত হয়, সে নিতান্তই লক্ষ্যভ্রষ্ট।

রাজন, স্বর্গ ও মর্ত্য উভয়ত্র ইন্দ্রিয়জনিত সুখ দুঃখ একই রকম ; সুতরাং বুদ্ধিমান ব্যক্তি সুখভোগের জন্য লালসিত হইবে না, অজগরের ছায় যথালব্ধ ভ্রম দ্বারা শরীর মাত্র নির্বাহ করিবে, কিছু না পাইলে নিশ্চেষ্ট হইয়া ধৈর্য্য ধরিয়া থাকিবে। সমুদ্র যেমন গভীর ও অপার, বর্ষায় নদীজলে ফীত বা গ্রীষ্মে জলাভাবে শুষ্ক হয় না, নারায়ণের মুনিও সেইরূপ হইবেন। পতঙ্গ যেমন বহির উজ্জল রূপে মুগ্ধ হইয়া তাহাতে পড়িয়া মরে, মূর্থ ব্যক্তি তেমন বজ্রাভরণভূষিত স্ত্রীরূপে মুগ্ধ হইয়া বিনষ্ট হয়। মধুকর যেমন ছোট বড় সকল ফুল হইতে মধু সংগ্রহ করে, বুদ্ধিমান ব্যক্তি তেমন ছোট বড় সকল হইতে সার সংগ্রহ করিবেন। কিন্তু মধুকর যে মধু সঞ্চয় করে, তাহা অপরে আসিয়া লইয়া যায় ; লুব্ধ ব্যক্তি তেমন অতি কষ্টে যে অর্থ সঞ্চয় করে, তাহা অপরে আসিয়া ভোগ করে ; আবার মধুকর কখনও কখনও নিজ আহাৰ্য্যের সঙ্গেই বিনষ্ট হয়। গজ করিণীর অঙ্গসজ্জা লাভের জন্য গর্ভ মধ্যে পড়িয়া আবদ্ধ হয়, আতএব ভিক্ষু কাষ্ঠময়ী যুবতী মূর্তিকেও পদদ্বারাও স্পর্শ করিবে না। হরিণের নিকট শিখিবে যে সে ব্যাধের গীতে আকৃষ্ট হইয়া তাহা দ্বারা আবদ্ধ হয়, যেমন স্বল্পশব্দ স্ত্রীগণের বৃত্ত্যগীতে মুগ্ধ হইয়া সংসারে আবদ্ধ হইয়াছিলেন ; সুতরাং কখনও প্রামাণ্য বৃত্ত্যগীতাদি শুনিবে না। মৎস্যের নিকট

শিথিলে যে রসনা জয় না করিতে পারিলে বিদ্রোহ নিশ্চিত। বিদ্রোহ নগরে পিজলা নামে এক বেণী ছিল, তাহা হইতে আমি একটি বিশেষ শিক্ষা পাইয়াছি। সে এক রজনীতে উদ্ভব বসন্তকালে সজ্জিত হইয়া শুদ্ধ প্রণয়ী আগমনপ্রতীকার গৃহদ্বারে অপেক্ষা করিতে লাগিল। ‘এই ব্যক্তি আসিল না, কিন্তু ঐ ব্যক্তি নিশ্চয় আসিবে’, সর্বক্ষণ এইরূপ ভাবিয়া ভাবিয়া গৃহের বাহিরে যায়, আর সেখান হইতে হতাশ হইয়া ফিরিয়া আসে—এইভাবে মধ্যরাত্রি পর্যন্ত অতিবাহিত করিল। তখন তাহার মনে হঠাৎ নির্বেদ উপস্থিত হইল। সে ভাবিল, অহো, আমি কি মুখ, কি মোহপ্রস্তু, নিজ দেহ বিক্রয় করিয়া অল্প একটা দেহ হইতে রতি ও বিন্দু পাইতে ইচ্ছা করিতেছি! সে ভাবিল—

সমস্ত সমীপে রমণং রতিপ্রদং বিন্দুপ্রদং নিত্যমিমং বিহায়।

অকামদং দুঃখভয়াধিশোকমোহপ্রদং তুচ্ছমহং ভজেহজ্ঞা ॥

সুহৃৎ প্রেষ্ঠতমো নাথ আত্মা চায়ং শরীরিণাম্।

তং বিক্রীয়াত্মনৈবাহং রমেহনেন বথা রমা ॥ ১১৮৩১,৩৫

—যিনি সর্বদা নিকটে আছেন, পরম মনোহর, সকল সুখের আকর, নিত্য-সম্পদদাতা, তাঁহাকে ছাড়িয়া, আমি মুখ, যে কোন প্রকৃত সুখ দেয় না, কেবল দুঃখ ভয় শোক মোহই দেয়, তাহার ভজনা করিতেছিলাম। শরীরীদিগের যিনি সুহৃৎ প্রিয়তম নাথ ও আত্মা, তাঁহার নিকট এই দেহ বিক্রয় করিয়া লক্ষীর জায় তাঁহারই সহিত আমি রমণ করিব।

ভগবান্ বিষ্ণু নিশ্চয় আমার প্রতি প্রীত হইয়াছেন, যেহেতু আমার এক্ষণে কামনাভঙ্গজনিত এই সুখপ্রদ নৈরাশ্র আসিয়া উপস্থিত হইল। অতএব আমি -

তেনোপকৃতমাদায় শিরসা গ্রাম্যসঙ্গতাঃ।

তাত্মা দুরাশাঃ শরণং ব্রজামি তমধীশ্বরম্ ॥ ১১৮৩২

—শ্রীবিষ্ণুপ্রদত্ত বৈরাগ্যরূপ উপহার মস্তকে ধারণ করিয়া, বিষয়সঙ্গত সর্বপ্রকার দুরাশা পরিত্যাগ করিয়া, সেই অধীশ্বরের শরণ লইলাম।

পিজলা এইরূপে উপশম লাভ করিয়া শয্যায় গিয়া নিশ্চিন্ত বনে নিদ্রিত হইল। রাজন্, আশাই দুঃখের কারণ, আশাত্যাগেই সুখ।

ব্রাহ্মণ বলিলেন, রাজন্, আসক্তই প্রকৃত দুঃখী, যাহার কিছু নাই, সে-ই সুখী। যে দুর্বল কুরুর পক্ষীর মুখে মাংসখণ্ড আছে, অগ্ন কুরুর সেই মাংসখণ্ডের জন্ত তাহাকে বধ করিতে যাইবে, মাংসের খণ্ডটা ফেলিয়া দিলে আর তাহার দিকে যাইবে না। কুরুর পক্ষীর কাছে আমি অকিঞ্চনতা শিখিলাম। অজ্ঞ বালকের কোন মান অপমান বা গৃহীদিগের জ্ঞায় কোন চিন্তা ভাবনা নাই, যে ব্যক্তি গুণাভীত হইতে পারে, তাহারও তদ্রূপ। বালকের কাছে আমি আত্মক্রীড়তা শিখিয়া নিশ্চিন্ত মনে সংসারে বিচরণ করি। এক কুমারীর হাতে একাধিক কঙ্কণ থাকায় সে নিঃশব্দে গৃহকার্য্য করিতে পারিল না, তখন একটা মাত্র রাখিয়া অগ্ন কঙ্কণগুলি সব ভাঙ্গিয়া দিল। তাহার নিকট শিখিলাম, সাধন-কামী একাকী বাস করিবেন। শরনির্মাতা তদগতচিত্তে শর নির্মাণ করিতেছে, স্বয়ং রাজা মহা কোলাহল করিয়া তাহার পাশ দিয়া চলিয়া গেলেন, সে কিছুই জানিতে পারিল না—তাহার কাছে শিখিলাম, চঞ্চল মনকে শ্বাস আসনাদি দ্বারা বিষয় হইতে নিবৃত্ত করিয়া এক বস্তুতে যুক্ত করিবে। সর্পের কোন নির্দিষ্ট বাসস্থান নাই, পরকৃত গর্ভে প্রবেশ করিয়া সুখে কিছুক্ষণ তাহাতেই থাকে, একা বিচরণ করে, তাহার যে বিষ আছে, তার গতি দ্বারা তাহা বৃদ্ধিতে পারিবে না। সর্পের নিকট শিখিলাম, অনিকেতনতাই সুখ, গৃহপরিবারই দুঃখের কারণ। উর্ণনাভ যেমন নিজ হৃদয় হইতে মুখের দ্বারা সূক্ষ্ম সূত্র বিস্তার করিয়া তাহা দ্বারাই ক্রীড়া করিয়া থাকে, আবার তাহাই গ্রাস করে, মহেশ্বর তেমন এই বিশ্ব সৃষ্টি করিয়া, ইহার স্থিতি সাধন করিয়া, অবশেষে স্বয়ং ইহার সংহার করেন—উর্ণনাভের নিকট এই শিক্ষা পাইলাম।

† কীটঃ পেশঙ্কতঃ ধ্যায়ন্ কুড্যাং তেন প্রবেশিতঃ।

‡ বাতি তৎসাত্ত্বতাং রাজন্ পূৰ্ব্বরূপসস্তুজন্ ॥ ১১।৩।২৩

—রাজন্, কোন কোন কীট অগ্ন কীট কর্তৃক ধৃত ও তাহার গর্ভমধ্যে প্রবেষ্ট হইয়া ভয়ে ধ্যান করিতে করিতে নিজ দেহ পরিত্যাগ না করিয়াই ঐ কীটের রূপ গ্রাপ্ত হয়।

ইহার নিকট শিখিলাম, তন্ময় হইয়া ধ্যান করিলে ভগবৎসাক্ষ্য লাভ হয়। এই সকল গুরু ছাড়াও আমার আর একটা গুরু আছে, তাহা আমার নিজ দেহ। ইহার সাহায্যেই তৎসকল নির্ণয় করিয়া অসঙ্গরূপে বিচরণ করিতেছি। এই দেহ কত কষ্ট স্বীকার করিয়া জীপুত্রাদি পরিবার বিস্তার করে, তাহাদের জন্ত আবার কত কষ্টে ধন সঞ্চয় করে, কিন্তু অন্তিমে বৃক্ষের ত্রায় দেহান্তরের বীজ সৃষ্টি করিয়া নিজেকে বিনাশ করে।—

জিহ্বৈকতোহমুমপকর্ষতি কহি তর্ষা শিশ্নোহন্ততত্ত্বগুদরং শ্রবণং কূতশ্চিৎ ।

স্রাণোহন্ততশ্চপলদৃক্ ক চ কর্মশক্তির্বহ্বাঃ সপত্নী ইব গেহপতিং নুনস্তি ॥

লঙ্ক। সুহর্লভমিদং বহুসন্তবাস্তে মানুষ্যমর্থদমনিত্যমপীহ ধীরঃ ।

তুণং যতেত ন পতেদমুযুত্যা যাবৎ নিঃশ্রেয়সায় বিষয়ঃ খলু সর্বতঃ শ্রাৎ ॥

—জিহ্বা তৃষ্ণা শিশ্ন ত্বক উদর শ্রোত্র স্রাণ চক্ষু কর্মশক্তি—ইহার প্রত্যেকে এক এক দিক হইতে এই দেহকে, বহু সপত্নী যেমন গৃহপতিকে টানে, সেইরূপ টানিতেছে। বহু জন্মের পর অনিত্য কিন্তু সকল অর্থের সাধক এই মানুষদেহ লাভ করিয়া ধীর ব্যক্তি সম্বর এইরূপ যত্ন করিবে যেন ইহার আর অধোগতি না হয়, এবং সর্বতোভাবে মুক্তিলাভ হয়। ১১।৩।২৭,২৯

এই সকল শিক্ষা দ্বারা জ্ঞান লাভ করিয়া আমি বৈরাগ্যপ্রভাবে মুক্তসঙ্গ ও নিরহঙ্কার হইয়া এই পৃথিবী পর্যাটন করিতেছি।—

নহ্যেকস্মাদ্গুরোজ্ঞানং সুস্থিরং শ্রাৎ সুপুঙ্কলম্ ।

ব্রহ্মৈতদধিতীয়ং বৈ গীয়তে বহুধর্মিভিঃ ॥ ১১।৩।৩১

—একজন গুরুর নিকট হইতে প্রচুর ও নিশ্চিত জ্ঞান লাভ হয় না, কারণ, ব্রহ্ম এক অধিতীয় হইলেও ভিন্ন ভিন্ন ধর্মিরা তাঁহাকে নানাভাবে কীর্তন করিয়াছেন।

ভগবান্ বলিলেন, সেই গভীরবুদ্ধি ব্রাহ্মণ এইরূপ বলিয়া যত্নরাজকে আমন্ত্রণ করিয়া ও নিজে তৎকর্তৃক অর্চিত হইয়া যেমন আসিয়া-ছিলেন, শ্রীতমনে তেমনই চলিয়া গেলেন। হে উদ্ধব, আমাদের পূর্বপুরুষগণের আদিপুরুষ যত্ন সেই অবধূতের এই সকল বাক্য শ্রবণ করিয়া সর্বপ্রকার আসক্তি ত্যাগ করিয়া সমচিন্ত হইয়াছিলেন।



## ১০ অঃ ১—৩৪ শ্লোঃ

শ্রীভগবান্ বলিলেন, উদ্ধব, আমিই একমাত্র আশ্রয় জানিয়া আমার কথিতমত স্বধর্ম্মে অবহিত হইয়া নিকামভাবে বর্ণাশ্রম ও কুলাচার আচরণ করিবে। প্রবৃত্তির পথ পরিহার করিয়া নিবৃত্তির পথ অবলম্বন করিবে। আত্মতত্ত্বাষেবা কর্ম্মপ্ররোচনার আদর করেন না। আমাকে জানে, এবং আমাগতচিত্ত, একরূপ শাস্ত গুরুর উপাসনা করিবে। যম নিয়ম অনুষ্ঠান করিবে, অমৃয়া অভিমান মমতা ত্যাগ করিয়া সর্ব্বভূতে সমদৃষ্টি অভ্যাস করিবে। আত্মা এক, দেহ হইতে ভিন্ন, দেহমধ্যে প্রবিষ্ট হইয়া উহার গুণ ধারণ করে মাত্র। জ্ঞানের দ্বারাই জীবের দেহাত্মবোধ নিরস্ত হয়। আচার্য্য নিম্নস্থ ও শিষ্য উপরিম্ন অরণি, বেদশিক্ষা উভয় অরণির মধ্যস্থ অগ্ন্যুৎপাদনের মস্থনকার্ঠ, এবং আত্মজ্ঞান অরণি-মস্থন-জাত বহিস্বরূপ। ইহা সকল মায়ামোহকে দগ্ধ করিয়া অবশেষে ইন্ধনরহিত অগ্নির স্থায় স্বয়ংই শমতা লাভ করে। আত্মা সুখ-দুঃখের ভোক্তা নহে, মৃত্যুর অধীন নহে, সে স্ব-তত্ত্ব। সুখ-দুঃখ এখানে যেমন, স্বর্গেও তেমন, উহা পরাধীনতা ও ভয়ের কারণ।

## ১০ অঃ ৩৫ শ্লোঃ—১১ অঃ ২৫ শ্লোঃ

উদ্ধব জিজ্ঞাসা করিলেন, বন্ধ ও মুক্তের স্বরূপ প্রভেদ ও লক্ষণ কি? শ্রীভগবান্ বলিলেন—বন্ধন বা মুক্তি আত্মার স্বরূপ নহে, উহা সৎবাদি গুণ-জনিত। গুণ আমার মায়ারচিত। এক বৃক্ষে তুল্যস্বরূপ দুইটি পক্ষী, একটা ফল খায়, অপরটা দেখে মাত্র। প্রথমটা গুণের বশ হইল, দ্বিতীয়টা মুক্ত রহিল। বন্ধের আসক্তি ও ‘আমি নিজেই কর্তা’—এই ভাব, আর মুক্ত নিঃসঙ্গ প্রিয়াপ্রিয়ভাব-শূন্য, অকর্তা। আসক্তি ও অভিমান অবিজ্ঞা, আমাতে একান্ত নির্ভা বা ভক্তিই বিজ্ঞা। বিজ্ঞা অভ্যাসে হয়, জীবণ কীর্তনাদি এই অভ্যাস। অভ্যাস দ্বারা মন স্থির হইলে সকল কর্ম্ম আমার জন্ত করিতেছ এই ভাব আসিবে, ইহাই কর্ম্মার্পণ। বন্ধ এইরূপে ক্রমে মুক্ত হয়।

১১ অঃ ১৩ শ্লোঃ—১২ অঃ ১৫ শ্লোঃ

উদ্ধব—উত্তম ভক্ত কে, উত্তম ভক্ত কিরূপে হয় ?

শ্রীভগবান্—যে ব্যক্তি ভক্তিই সর্বার্থসাধক জানিয়া আমার সাধনায় তন্ময় ও আমার পূজার সর্বপ্রকার অমুষ্ঠানে সর্বদা নিযুক্ত থাকে, আমাকে নিবেদিত অন্নমাত্র ভোজন করে, সর্বভূতে আমাকে পূজা করে, সে-ই উত্তম সাধু । এই উত্তম ভক্তি সংসঙ্গ দ্বারা যেমন জন্মে, বেদাধ্যয়ন ও ব্রত-তপশ্চাদি দ্বারা তেমন জন্মে না । বৃত্রাসুর প্রহ্লাদ বৃষপর্বা বলি বাণ ময় বিভীষণ সুগ্রীব হনুমান জাম্ববান গজেন্দ্র জটায়ু তুলাধার ব্যাধ কুজা ব্রজাঙ্গনাগণ ও যাজ্ঞিক পত্নীগণ, ইহারা সকলেই আমার নিজ সঙ্গ দ্বারা ভক্তি লাভ করিয়াছিল । আমার ভক্তের সঙ্গও আমারই সঙ্গ । দেখ, ব্রজাঙ্গনাগণ আমার সঙ্গকালে এক রাত্রিকে ঋণার্দ্ধ মনে করিত, আর, অক্রুর আসিয়া যখন আমাকে মধুরায় লইয়া গেল, তখন আমার বিরহে তাহারা এক রাত্রিকে এক কল্পবৎ মনে করিয়াছিল । আমার চিন্তায় তখন তাহারা নিজ দেহকেও জানিতে পারে নাই । নদীসকল যেমন সমুদ্রে পড়িয়া নিজ পৃথক্ অস্তিত্ব হারায়, তাহারাও সেইরূপ আমাতে মিশিয়া এক হইয়া গিয়াছিল । তাহারা আমার স্বরূপ বা তত্ত্ব বৃষিত না, একমাত্র আমাকেই জানিয়া পরব্রহ্মস্বরূপ আমাকেই পাইয়াছিল । উদ্ধব, তুমি শ্রুতি স্মৃতি প্রবৃত্তি নিবৃত্তি সকল ছাড়িয়া একনিষ্ঠ ভক্তিদ্বারা আমারই শরণ লও, অকুতোভয় হইবে ।

১২ অঃ ১৬ শ্লোঃ—১৩ অঃ ১৪ শ্লোঃ

উদ্ধব—আমার মনে একটা সংশয় জন্মিতেছে, কর্তা কে—আত্মা, বা জীবের কর্ম ? ( স্বামীটাকা দেখুন ) ।

শ্রীভগবান্—সর্বত্র অমুপ্রবিষ্ট পরমেশ্বর মনোময় সূক্ষ্মরূপ, স্বর বা বেদবাণী আকারে স্থূলরূপ ধারণ করেন, যেমন কাষ্ঠ-ঘর্ষণ দ্বারা বায়ুসাহায্যে উদ্ভিত অনল হৃত পাইয়া বর্ধিত হয় । আদিত্যে তিনি এক অব্যক্ত ছিলেন, মায়াশক্তি দ্বারা নিজেকে

বহুরূপে ব্যক্ত করিয়াছেন, যেমন বীজসকল ক্ষেত্রে পতিত হইয়া ভিন্ন ভিন্ন বহু রূপ ধারণ করে। কৰ্ম্মমাত্রই এই বিকাশের রূপ। সকল কৰ্ত্তাই তিনি, কৰ্ম্ম তাঁহারই মায়াশক্তি হইতে উৎপন্ন, তিনি পটতন্তুর ন্যায় এই বিশ্বে ওতপ্রোত। সংসারবৃক্ষে ভোগ ও মোক্ষ, বা দুঃখ ও সুখ, এই দুইটা ফল—আসক্ত দুঃখ-ফলের ও অনাসক্ত সুখ-ফলের ভোক্তা। উদ্ধব, তুমি, একান্ত ভক্তি দ্বারা অর্জিত বিদ্যারূপ কুঠারের সাহায্যে এই জীবোপাধি লিঙ্গদেহকে ছেদন করিয়া পরমাত্মায় লীন হও, পরে কুঠারও বর্জন কর।

উদ্ধব—মানবগণ বিষয়কে বিপদের আধার জানিয়াও তাহা ভোগ করে। ইহার প্রতিকার কি ?

শ্রীভগবান্—ইহার প্রতিকার—সমুদয় বিষয় হইতে মনকে আকর্ষণ করিয়া আমাতে নিবিষ্ট করা। ইহাই আমার সঙ্গে যোগ। অপ্রমত্ত জিত-শ্বাস ও জিতাসন হইয়া ধীরে ধীরে আমাতে মনকে সমাহিত করিবে।

১৩ অঃ ১৫ শ্লোঃ—১৩ অঃ শেষ

উদ্ধব—মনকাদি ঋষিগণকে আপনি যে কালে ও যেরূপে যে যোগ উপদেশ করিয়াছিলেন, আমি তাহা জানিতে ইচ্ছা করি।

শ্রীভগবান্—মনকাদি ঋষিগণ একদা ব্রহ্মার নিকট আসিয়া জিজ্ঞাসা করিলেন, প্রভো, চিত্ত ও বিষয়—ইহাদের একের প্রতি অণুর আকর্ষণ ত স্বাভাবিক, তবে কিরূপে ইহা অতিক্রম করা যায় ? ব্রহ্মা ইহার কোন সহজতর স্থির করিতে না পারিয়া আমাকে স্মরণ করায় আমি হংসরূপ ধারণ করিয়া ঐ ঋষিগণের নিকট উপস্থিত হইলাম। তাঁহারা জিজ্ঞাসা করিলেন, আপনি কে ? আমি বলিলাম যাহা কিছু ইন্দ্রিয়গ্রাহ্য, সেই সকলই আমি। চিত্ত ও বিষয় বা গুণ পরস্পরসম্বন্ধ, জীব স্বশক্তি দ্বারা ঐ সম্বন্ধ অতিক্রম করিতে পারে না। দেহ জীবের প্রকৃত স্বরূপ নহে, উপাধিমাত্র, আমার স্বরূপই তাহার প্রকৃত স্বরূপ—এই তত্ত্ব সম্যক উপলব্ধি করিতে পারিলেই চিত্ত ও বিষয়ের সম্বন্ধ হইতে

বাসনাসমূহের একান্তনিবৃত্তি হয়। গুণাধীন মনের অবস্থা আমারই মায়া দ্বারা কল্পিত, আমার ভজনা দ্বারাই ঐ মায়া নিরস্ত হয়।—এইরূপ বলিয়া আমি স্বধামে প্রস্থান করিলাম।

### ১৪ অ: ১—৩০ শ্লো:

উদ্ধব—ব্রহ্মবাদিগণ শ্রেয়োলাভের বহু পথ উপদেশ করেন। সকল পথই কি সমান, না ভক্তিয়োগই প্রধান ?

শ্রীভগবান্—পূর্ব কল্পে সৃষ্টির প্রাকালে আমি ব্রহ্মাকে যে বেদবাক্য বলিয়াছিলাম, তাহা পরম্পরাক্রমে ভিন্ন ভিন্ন প্রকৃতিবিশিষ্ট ব্যক্তিগণের উপদেশ দ্বারা বিভিন্ন রূপ প্রাপ্ত হইয়াছে। ক্রিয়া যশ কাম ঐশ্বর্য্য শম দম যজ্ঞ তপস্যা দান ইত্যাদি পুরুষার্থ বলিয়া বর্ণিত হইয়াছে। কিন্তু ঐ সকলই অনিত্য-ফল-ভোগাত্মক, সূতরাং শোকদুঃখপ্রদ। আমাতে আত্মসমর্পণ করিয়া যাহাদের মন তুষ্টীলাভ করে, তাহাদের সকলই সুখময় হয়। বিষয়ভোগীরা সে সুখ কোথায় পাইবে ?

ন পারমেষ্ঠ্যং ন মহেন্দ্রধিষ্ঠাং ন সার্কভোমং ন রসাধিপত্যম।

ন যোগসিদ্ধীরপুনর্ভবং বা মর্যাপিত্যেচ্ছতি মন্বিনাত্মং ॥ ১১।১৪।১৪

—যিনি সমগ্র চিত্ত আমাতে অর্পণ করিয়াছেন, তিনি আমা ছাড়া ব্রহ্মপদ, ইন্দ্রপদ, পৃথিবীর বা পাতালের আধিপত্য, যোগ-সিদ্ধি এমন কি পুনরায় জন্ম না হউক এমন প্রার্থনাও করেন না।

এইরূপ ভক্তের পদরেণু দ্বারা পূত হইবার জন্ত আমি নিয়ত তাহাদের অনুগমন করি। প্রকৃত ভক্ত কখনও বিষয় দ্বারা অভিভূত হন না। ভক্তি সমস্ত পাপ দক্ষ করে, চণ্ডালকেও জাতিদোষ হইতে পবিত্র করে।—

ন সাধয়তি মাং যোগো ন সাংখ্যং ধর্ম্ম উদ্ধব।

ন স্বাধ্যায়ন্তপস্ত্যাগো যথা ভক্তিন্মমোজ্জিতা ॥ ১১।১৪।২০

—হে উদ্ধব, তীত্র ভক্তিদ্বারা আমাকে যেমন পাওয়া যায়, যোগধর্ম্ম সাংখ্যধর্ম্ম বেদাধ্যয়ন তপস্যা ও ত্যাগ দ্বারাও তেমন পাওয়া যায় না।

রোমহর্ষ আনন্দাশ্রম ইত্যাদি চিন্তের দ্রবীভাবসূচক লক্ষণ দ্বারা

এই ভাস্কর প্রকাশিত হয়। অগ্নি-বদ্ধ স্বর্ণ যেমন আত্মমল পরিত্যাগ করে, ভক্তিপূত জীবও তেমন সমস্ত বিষয়বাসনা ত্যাগ করিয়া চিত্তশুদ্ধি লাভ করে, এবং সেই চিত্ত আমাতেই লীন করে। চিত্ত-শুদ্ধির জন্য শ্রী-সংসর্গ, এমন কি শ্রী-সঙ্গীদিগের সঙ্গও ত্যাগ করিবে। সমগ্র মনই আমাতে সমাহিত করিবে।

### ১৪ অঃ ৩১ শ্লোঃ—ঐ অধ্যায় শেষ

উদ্ধব—আপনার ধ্যান কিরূপে করিতে হয় ?

শ্রীভগবান্—ঋজুভাবে সম আসনে সুখোপবিষ্ট হইয়া, ক্রোড়দেশে এক হাতের উপর অন্য হাত রাখিয়া, নাসাগ্রে দৃষ্টি স্থাপন করিয়া, রেচক কুম্ভক পূরক দ্বারা প্রাণবায়ুর পথ শোধন করিবে। তৎপর, অবিচ্ছিন্ন ঘণ্টানাদতুল্য হৃদয়স্থিত ওঙ্কার ধ্বনিকে মূর্দ্ধায় লইয়া গিয়া স্থির করিবে। প্রত্যহ ত্রি-সঙ্খ্যায় দশবায় করিয়া এইরূপ করিলে, এক মাসেই প্রাণবায়ু জয় করিতে পারিবে। তৎপর, হৃৎপদ্মে সূর্য্য চন্দ্র ও অগ্নিকে চিন্তা করিয়া তন্মধ্যে আমার সকল বিভূতি-সম্পন্ন চতুর্ভূজ মূর্ত্তি ধ্যান করিবে। বিষয় হইতে ইন্দ্রিয় সকলকে আকর্ষণ করিয়া, বুদ্ধি দ্বারা মনকে ধারণ করিয়া, কেবল আমার সহাস্ত মুখমণ্ডলই চিন্তা করিবে, অন্য কোন অঙ্গেরই চিন্তা করিবে না। এই ধারণা সুদৃঢ় হইলে তখন মনকে তথা হইতে আকর্ষণ করিয়া আকাশে ধারণ করিবে, তারপর, আকাশও ত্যাগ করিয়া চিত্তকে ব্রহ্মস্বরূপে আকৃষ্ট করিবে। তখন আর ধ্যাতৃ-ধ্যেয় ভাব থাকিবে না, জ্যোতিতে জ্যোতির স্থায় মিশিয়া নির্বাক লাভ করিবে।

### ১৫ অধ্যায়

শ্রীভগবান্ বলিলেন, চিত্ত স্থির হইলে যোগীদিগের নিকট সিদ্ধিসকল আপনিই আসিয়া উপস্থিত হয়। উদ্ধব—সিদ্ধি কত প্রকার ? কোন্ ধারণা দ্বারা কোন্ সিদ্ধি আসে ? শ্রীভগবান্—সিদ্ধি ও ধারণা উভয়ই অষ্টাদশ প্রকার (ইহাদের নাম করিলেন)। যেরূপ ধারণা লইয়া আমাতে মন নিবদ্ধ করিয়া আমার সেই

বিশেষ রূপের ধ্যান করে, সে সেই শক্তি লাভ করে। জিতেদ্রিয় দাস্ত্র  
জিতবাস জিতাস্ত্রা যে মুনি, এই ভাবে ধারণা করেন, তাঁহার পক্ষে  
কোন সিদ্ধিই তুল্য নহে। কিন্তু,—

অন্তরায়ান্ বদন্ত্যেতা যুক্তো যোগযুক্তমম্।

ময়া সম্পত্তমানস্ত কালরূপগহতবঃ ॥

সর্বাসামপি সিদ্ধীনাং হেতুঃ পতিরহং প্রভুঃ।

অহং যোগস্ত সাধ্যস্ত ধর্মস্ত ব্রহ্মবাদিনাম্ ॥ ১১।১৫।৩৩, ৩৫

—এই সকল সিদ্ধিকে অন্তরায় বলে, কারণ ইহাতে মৎপরায়ণ উত্তম  
যোগীদের সময় নষ্ট হয়। সকল সিদ্ধিবই, এবং যোগ সাংখ্য ও ব্রহ্মবাদীকেন্দ্র  
সকল ধর্মেরই, আমিই হেতু পতি ও প্রভু।

### ১৬ অধ্যায়

উদ্ধব—আপনার বিভূতিসকল শুনিতে ইচ্ছা করি। শ্রীভগবান্—  
কুরুক্ষেত্রের রণস্থলে অর্জুনকে ইহা বলিয়াছিলাম (গীতা, ১০ অঃ)।  
আমি সকল ভূতের অন্তরাত্মা ও অধিষ্ঠান, আমার বিভূতির কেহ  
সংখ্যা করিতে পারে না।

(আত্মিক ও ভৌতিক সকল শ্রেষ্ঠ গুণ ও বস্তুর নাম করিয়া বলিলেন),—

ময়েশ্বরেণ জীবেন গুণেন গুণিনা বিনা।

সর্বাঙ্গানাপি সর্বেণ ন ভাবো বিত্ততে কচিৎ ॥ ১১।১৬।৩৮

—ঈশ্বর ও জীব, গুণ ও গুণী, এই যে বিবিধ ভাব, ইহা সকলই সর্বাঙ্গ  
আমি ছাড়া আর কিছুই নহে।

কোটা কোটা ব্রহ্মাণ্ড আমি সৃষ্টি করিয়াছি ও করিতেছি, আমার  
বিভূতিসমূহের সংখ্যা কে করিবে? হে উদ্ধব,—

যো বৈ বাঙ মনসী সমাগসংখচ্ছন্ ধিয়া যতিঃ।

তস্য ব্রতং তপো দানং শ্রবতামঘটাস্থবৎ ॥

তস্মান্মনোবচঃপ্রাণান্ নিষচ্ছেদ্যৎপরায়ণঃ।

মন্ত্তি যুক্তয়া বুদ্ধ্যা ততঃ পরিসমাপ্যতে ॥ ১১।১৬।৪৩, ৪৪

—যে যতি বুদ্ধিধারা বাক্য মন ও প্রাণকে সংযত করিতে না পারেন,  
তাঁহার ব্রত তপ ও দান কাঁচা ঘট হইতে সমস্ত জল চূরাইয়া পড়িবার মত নিষ্ফল  
হয়। অতএব, আমাতে ভক্তিসূক্ত-বুদ্ধি ও আমা-পরায়ণ হইয়া মন-বাক্য ও  
প্রাণকে সংযত কর, তাহাতেই কৃতকৃত্য হইবে।

## ১৭ অধ্যায়

উদ্ধব—স্বধর্ম যেরূপভাবে অনুষ্ঠিত হইলে আপনাতে মানবগণের ভক্তি হয়, তাহা বলুন।

শ্রীভগবান্—বিভিন্নযুগে আমি বিভিন্নভাবে উপাসিত হইয়াছি। এক এক জাতিরও এক এক প্রকার বিশেষ প্রকৃতি আছে। কিন্তু অহিংসা, সত্য, অ-চৌর্য্য, কামক্রোধলোভহীনতা, সর্বভূতেব প্রিয় ও হিত চেষ্টা, সর্ববর্ণের সাধারণ ধর্ম। শৌচ, আচমন, স্নান সন্ধ্যোপাসনা, আমার অর্চনা, তীর্থসেবা, জপ, অম্পৃশ্য অভক্ষ্য ও অসম্ভাব্য বর্জন, সর্বভূতে সন্তাব এবং মন বাক্য ও কায়াব সংযম—এ সমুদয় সকল আশ্রমের সাধারণ নিয়ম।

(ব্রাহ্মণের অমুষ্ঠেয় কয়েকটি বিশেষ কর্তব্যের উল্লেখ করিয়া বলিলেন) —

এবং বৃহদ্রতধরো ব্রাহ্মণোহগ্নিরিব জলন্

মদভক্তন্তীব্রতপসা দধ্বকর্মাশয়োহমলঃ ॥

গৃহং বনং বোপবিশেং প্রব্রজেষা দ্বিজোত্তমঃ ।

ব্রাহ্মণস্য হি দেহোহয়ং ক্ষুদ্রকামায় নেঘ্যতে ।

কৃষ্ণায় তপসে চেহ প্রেত্যানন্তস্থায় চ ॥ ১১।১৭।৩৬ ৩৮, ৪২

—এইসকল নিয়মপালনরূপ মহাব্রত ধারণ করিয়া ব্রহ্মচারী ব্রাহ্মণ অগ্নির স্থায় প্রদীপ্ত হইয়া, তীব্র তপস্তাধারা বাসনাসকল দধ্ব করিয়া আমাতে ভক্তি লাভ করিয়া (সমাবর্তন স্নান করিবেন)। তৎপর সেই দ্বিজশ্রেষ্ঠ গৃহাশ্রম প্রব্রজ্যা বা বনবাসবৃত্তি, যাহা ইচ্ছা অবলম্বন করিবেন। ব্রাহ্মণের এই দেহ ক্ষুদ্র কামভোগের নিমিত্ত সৃষ্ট হয় নাই, ইহা ক্লেশ স্বীকার পূর্বক তপস্তা ও অনন্তসুখ-লাভের জন্ত হইয়াছে।

(কৃত্রিয় ও বৈশ্র সম্বন্ধে বিশেষ কয়েকটি অনুষ্টানের উল্লেখ করিয়া পরে সকল গৃহস্থের সাধারণ কর্তব্য বলিতেছেন) —

কুটুম্বে আসক্ত হইবে না, কুটুম্ববান্ হইলেও অপ্রমত্ত থাকিবে। —

পুত্রদারাপ্তবন্ধূনাং সঙ্গমঃ পাহসঙ্গমঃ ।

অমুদেহং বিয়ন্ত্যেতে স্বপ্নো নিদ্রাহুগো যথ ॥ ১১।১৭।৪৩

—পুত্র স্ত্রী আত্মীয় বন্ধুগণের সহিত মিলন, পাহশালায় মিলনের স্থায়। স্বপ্ন যেমন নিদ্রাভঙ্গে নষ্ট হয়, এই সকল সম্পর্কও তেমন দেহান্তে লোপ পায়।

ইথাং পরিমৃশমুক্তো গৃহেষ্ণতিথিবদ্ বসন্ ।

ন গৃহৈরনুবধ্যত নিৰ্ম্মমো নিরহঙ্কৃতঃ ॥ ১১।১৭।৫৪

—এইরূপ বিবেচনা করিয়া মমতাশূন্য ও নিরহঙ্কৃত হইয়া অতিথির জায়গৃহে বাস করিবে, গৃহে আসক্ত হইবে না ।

অহো মে পিতরৌ বৃদ্ধৌ ভার্য্যা বালাস্বজ্ঞানজাঃ ।

অনাথ্য মামুতে দীনঃ কথং জীবন্তি হুঃখিতাঃ ॥ ১১।১৭।৫৭

—অহো. আমার বৃদ্ধ পিতামাতা ভার্য্যা ও শিশুসন্তানগণ আমা ব্যতীত দীন অনাথ ও হুঃখিত হইয়া কিরূপে জীবন ধারণ করিবে ?

যাহারা এরূপ ভাবে, তাহারা মৃত্যুর পর তামসী যোনিতে প্রবেশ করে ।

## ১৮ অধ্যায়

শ্রীভগবান্ বলিলেন, বানপ্রস্থী ভার্য্যাকে পুত্রের নিকট রাখিয়া অথবা তাহাকে লইয়া আয়ুর তৃতীয় ভাগ বনে বাস করিয়া নিজের আহৃত বনজাত দ্রব্য দ্বারা জীবিকা নির্ব্বাহ, বঙ্কল পত্র বা অজিন পরিধান, কেশ লোম নখ শ্মশ্রু ধারণ, তিনবার স্নান ও ভূমিতলে শয়ন, গ্রীষ্মে পঞ্চাঙ্গি ও শীতে শীতল জলে তপস্যা করিবে । প্রব্রজিত ব্যক্তি, আপংকালেও দণ্ডকমণ্ডলু ভিন্ন আর কিছুই ধারণ করিবেন না ।—

দৃষ্টিপূতং শ্রুসেৎ পাদং বস্ত্রপূতং পিবেজ্জলম্ ।

সত্যপূতাং বদেদ্ বাচং মনঃপূতং সমাচরেৎ ॥

মোনানীহানিলায়ামা দণ্ডা বাগ্ দেহচেতসাম্ ।

নহেতে যশ সন্ত্যজ বেণুভির্ন ভবেদ্ যতিঃ ॥ ১১।১৮।১৬, ১৭

—পবিত্র স্থান দেখিয়া পদক্ষেপ করিবেন, অপরিষ্কার জল কাপড় দিয়া ছাঁকিয়া লইবেন, সত্য বাক্য বলিবেন, মনের দ্বারা বিচার করিয়া শুদ্ধ আচরণ করিবেন । মোন বাক্যের দণ্ড, কাম্যকৰ্ম্ম-পরিত্যাগ দেহের দণ্ড এবং প্রাণায়াম অন্তঃকরণের দণ্ড—যাহার এই তিন দণ্ড নাই, সে কেবল বংশ-দণ্ড ধারণ করিয়া যতি হইতে পারে না ।

অনির্দিষ্ট সাতটা মাত্র গৃহে ভিক্ষাচরণ করিবে, ও আহৃত দ্রব্যের কিয়দংশ যাচককে দান করিবে, সঞ্চয়ার্থ আহরণ করিবে না । সুখ-দুঃখাদি মায়ামাত্র জানিয়া, আশ্রয় ও সমদর্শন হইয়া, সর্ব্বদা আমার



কথা চিন্তা করিয়া পুণ্যস্থানে বিচরণ করিবে। পরমহংস ধর্ম—  
পরমহংস ত্রিদণ্ডাদি সহিত আশ্রমধর্ম পরিত্যাগ করিয়া  
বিধিনিষেধের বহির্ভূত মানাপমানশূন্য হইয়া বালক ও জড়ের  
ন্যায় বিচরণ করিবেন। বেদবাদে বা শুদ্ধ বাদবিবাদে রত হইবেন  
না। কাহারও উদ্বিগ্ন জন্মাইবেন না, বা নিজে উদ্বিগ্ন হইবেন  
না। কাহারও সহিত শত্রুতা করিবেন না, কারণ ভূত সকল  
একাত্মক। ভোজ্য দ্রব্যের জ্ঞাত্য চেষ্টা করিবেন, কারণ প্রাণ ধারণ  
দ্বারাই তত্ত্বজ্ঞান, এবং তত্ত্বজ্ঞান দ্বারাই মুক্তি লাভ হয়। কিন্তু  
ভোজ্য পাইলে হৃষ্ট বা না পাইলে বিষগ্ন হইবেন না। ভোজ্য বা  
শয্যা উত্তম অল্পত্তম যেমন হউক, গ্রহণ করিবেন। ত্রিদণ্ডধারী, অথচ  
অজিতেন্দ্রিয় অত্যাসক্ত অপকযোগী প্রতারক। শম ও অহিংসা  
ভিক্ষুর, তপশ্চর্যা ও আত্মানাত্মবিবেক বানপ্রস্থের, যজ্ঞ ভূতগণের  
রক্ষা ও ঋতুকালভিগমন গৃহীর, আচার্য্যসেবা ব্রহ্মচাবীর, ও আমার  
উপাসনা সর্বলোকের ধর্ম। ইহাতেই ভক্তি এবং ভক্তিতেই মুক্তি।

### ১৯ অধ্যায়

শ্রীভগবান্ বলিলেন, আত্মবান ব্যক্তি এই সংসারকে মায়ামাত্র  
বুঝিয়া আমাকে একমাত্র ইষ্ট বলিয়া জানেন, আমি ছাড়া স্বর্গ বা  
মুক্তিও তাঁহার প্রিয় নহে। এই দেহ আদিতে ছিল না, অন্তেও  
থাকিবে না, মধ্যকালে কিছু সময়ের জ্ঞাত্য আপতিত হয় মাত্র, ইহা  
দ্বারা কি উপকার সাধিত হইতে পারে ?

উদ্ধব—এই বিশুদ্ধ জ্ঞান ও মহৎজনের আকাজিক্ষিত ভক্তিয়োগ  
আমাকে বলুন। শ্রীভগবান্—পরমধার্মিক ভীষ্মদেব রাজা যুধিষ্ঠিরকে  
মোক্ষধর্ম উপদেশ করিয়াছিলেন। তাহার সারাংশ এই—সমুদয়  
পদার্থই একাত্মক, বাহ্য নিত্য তাহাই সৎ, দৃষ্ট অদৃষ্ট সকল কস্মফলই  
নশ্বর—ইহাই শুদ্ধ জ্ঞান। ভক্তিয়োগ তোমাকে পূর্বের বলিয়াছি,  
সংক্ষেপে আবার বলি—

প্রজামৃতকধায়াং মে শশ্বদদমুক্ষীর্ষনম্ ।

পরিনিষ্ঠা চ পূজায়াং স্তুতিভিঃ স্তবনং মম ॥

আদরঃ পরিচর্য্যায় সর্বদৈবভবদানম্ ।

মদন্তপূজাত্মিকা সর্বভূতেষু মন্যতিঃ ॥

মদর্থেষ্বদচেষ্টা চ বচসা মদগুণেরণম্ ।

মব্যর্পণঞ্চ মনসঃ সর্বকাম-বিবর্জ্জনম্ ॥

মদর্থেহর্থপরিত্যাগো ভোগস্য চ সূখস্য চ ।

ইষ্টং দত্তং হৃতং জপ্তং মদর্থং বদ্ ব্রতং তপঃ ॥

এবং ধর্ম্মমুখ্যাণামুচ্চবাস্ত্বনিবেদিনাম্ ।

ময়ি সজ্জায়তে ভক্তিঃ কোহন্তার্থোহস্তাবশিষ্ঠতে ॥ ১১।১২।২০-২৪

—আমার অমৃতময়ী কথায় শ্রদ্ধা, সর্বদা আমার কীর্তন, আমার পূজায় নিষ্ঠা, আমার স্তব, আমার সেবায় আদর, সকল অঙ্গ দ্বারা আমার অভিবাদন, আমা হইতেও আমার ভক্তের অধিক পূজা, সর্বভূতে আমার অস্তিত্ববোধ, আমার উদ্দেশে সকল কার্য্য করা, বাক্য দ্বারা আমার গুণ উচ্চারণ করা, আমাতে মন অর্পণ, সকল কামনা ত্যাগ, আমার জন্ত অর্থ ভোগ ও সূখের পরিত্যাগ, বস্ত্র দান জপ ব্রত তপস্যা—হে উদ্ধব, এই সমস্ত ধর্ম্ম দ্বারা আত্মনিবেদনকারী যে সকল মনুষ্যের আমাতে ভক্তি জন্মে, তাহাদের আর কোন্ প্রয়োজন অবশিষ্ট থাকে ?

(উদ্ধবের অপর এক প্রশ্নের উত্তরে বারটা ষম ও নিয়ম উল্লেখ করিয়া পরে বলিলেন, )

আমাতে যে বুদ্ধির নিষ্ঠা তাহাই শম, ইন্দ্রিয়সংযম দম, দুঃখসহন তিতিক্ষা, জিহ্বা ও উপস্থ জয়ের নাম ধৃতি । ভূতসকলের প্রতি সর্বপ্রকার বিরোধের ভাব পরিত্যাগই প্রকৃত দান, ভোগের প্রতি উপেক্ষাই তপস্যা, বাসনাজয়ই শূরত্ব, সমদর্শনই সত্য, প্রিয় ও সত্য বাক্যই ঋত, অধর্ম্মে অনাসক্তিই শৌচ, ত্যাগই সন্ন্যাস । ধর্ম্মই ইষ্ট ও ধন, আমিই যজ্ঞ, জ্ঞানের উপদেশই দক্ষিণা, মনের দমনই বল, সূখ দুঃখ অনুসন্ধান না করার নামই সূখ, আকাজ্জক্য নামই দুঃখ । সঙ্গগুণের উদয়ই স্বর্গ, অসন্তুষ্টিই দরিদ্র, অজিতেন্দ্রিয়ই কৃপণ, অনাসক্তিই প্রভু, ভ্রাসক্তিই দাস । গুণদোষ দর্শনই দোষ, আর গুণদোষদর্শনবর্জিত যে স্বভাব, তাহাই গুণ ।

[ ২০ অধ্যায়ে গুণদোষ-ভেদ-দর্শন-বিচার, ২১ অধ্যায়ে স্বাধেশাদির গুণ-

দোষ বিচার, ২২ অধ্যায়ে তত্ত্ব-সংখ্যা সম্বন্ধে ভিন্ন ভিন্ন মতের বিরোধ-ভঞ্জন বিচার, ইত্যাদি তত্ত্ব সকল বিবৃত হইয়াছে । ]

## ২৩ অধ্যায়

শ্রীকৃষ্ণ, উদ্ধব, কৃপণ ব্রাহ্মণ

উদ্ধব জিজ্ঞাসা করিলেন (২২ অঃ শেষাংশ), অসং ব্যক্তির দুর্ব্যবহার কিরূপে সহ্য করা যায়?—শ্রীভগবান বলিলেন, এ বিষয়ে তোমাকে একটা পুরাতন ইতিহাস বলিতেছি। অবন্তী দেশে কৃষিবাণিজ্য দ্বারা সমৃদ্ধ এক ধনাঢ্য ব্রাহ্মণ বাস করিত। সে অতি কৃপণ লোভী ও কোপনস্বভাব, বাক্য দ্বারাও কাহাকে তুষ্ট করিত না। নিজকেও ভোগ দ্বারা তৃপ্ত করিত না, ধন কেবল সঞ্চয়ই করিত, স্ত্রী পুত্র বান্ধব ভৃত্য সকলের সঙ্গেই অসদব্যবহার করিত, সুতরাং তাহারাও তাহার প্রতি সর্বদা অপ্রিয় আচরণ করিত। কালে তাহার সমস্ত অর্থ কিছু জ্ঞাতিগণ দ্বারা, কিছু দৈব উৎপাতে, কিছু দম্ভ্যগণের লুণ্ঠনে, কিছু রাজদণ্ডে, নষ্ট হইল। তখন তাহার বৈরাগ্য উপস্থিত হইল। সে ভাবিল, অহো আমি কি করিয়াছি, ধর্ম বা কাম কোনটারই সেবা করি নাই, ব্যর্থ অর্থ-সঞ্চয়ের চেষ্টায়ই প্রমত্ত রহিয়াছি। অর্থলোভ যশ ও গুণকে নষ্ট করে, চিন্তা ত্রাস ভ্রম আত্মীয়-ভেদ চৌর্য্য হিংসাদি জন্মায়। ধর্ম্মানুসারে যাহারা বিত্তভাগী, সেই দেবতা ঋষি পিতৃগণ জ্ঞাতি বন্ধু ভূতগণ ও আত্মাকে না দিয়া যে কেবল সঞ্চয় করে, সে ইহলোকে অমুতাপ ও পরলোকে নরক ভোগ করে। আমি এখন বৃদ্ধ, মৃত্যু কর্তৃক গ্রাস্ত-প্রায়, অর্থ এখন আমার কোন্ উপকার করিবে? সর্বদেবময় শ্রীহরি নিশ্চয় আমার প্রতি প্রসন্ন হইয়াছেন, আমাকে এই অনর্থপূর্ণ অর্থ হইতে মুক্ত করিয়া আমার উদ্ধারের উপায় স্বরূপ এই বৈরাগ্যরূপ ভেলা আমাকে দিয়াছেন। দেবতাদের অমুগ্রহে রাজা খটাজ মূহূর্ত্ত মধ্যে ব্রহ্মলোক সাধনে সমর্থ হইয়াছিলেন (১৩৬ পৃঃ)। তাঁহারা আমার প্রতি প্রসন্ন হউন, আমি জীবনের অবশিষ্টকাল ধর্ম্মসাধন দ্বারা নিজ অঙ্গ শোষণ করিব।—সেই ব্রাহ্মণ তখন সকল মায়া মোহ ছিন্ন করিয়া পৃথিবী পর্য্যটন করিতে আরম্ভ

করিলেন। সেই বৃদ্ধ মলিন-বেশী ভিক্ষু ভিক্ষার জন্য অনাসক্ত হইয়া অলক্ষিতভাবে গ্রাম বা নগরে প্রবেশ করিতেন। লোকেরা তাঁহার প্রতি নানা অত্যাচার করিতে আরম্ভ করিল, তাঁহার কস্থা কমণ্ডলু আসন ভিক্ষাপাত্র জীর্ণ বস্ত্রখণ্ড একবার কাড়িয়া নিত, আবার কখনও বা কিছু ফিরাইয়া দিত। নদীতীরে যখন তিনি ভিক্ষায় বসিতেন, তখন তাঁহার মস্তকের উপর কেহ বা মূত্র, কেহ বা নিষ্ঠীবন, কেহ বা তাঁহার কাছে আসিয়া অধোবায়ু ত্যাগ করিত, কথা না বলিলে প্রহার করিত, চোর বলিয়া বাঁধিত বা অরণ্যচর পক্ষীর খায় অবরুদ্ধ করিত। তিনি মনে করিতেন, নিজ দৈব ভোগ করিতেই হয়। তিনি সৰ্বগুণ অবলম্বনপূর্বক স্বধর্মে অব্যাহত থাকিয়া এই গাথা গাহিয়াছিলেন।—

নায়ে জনো মে সুখদুঃখহেতুর্ন দেবতাস্মা গ্রহকর্ম্মকালোঃ ।

। মনঃ পরং কারণমামনন্তি সংসারচক্রং পরিবর্তয়েৎ স্বং ॥ ১১।২৩।৪২

—এই সকল লোক বা দেবতা বা আস্মা বা গ্রহ কর্ম্ম কাল—ইহারা আমার সুখ দুঃখের কারণ নহে, মনই ইহায় একমাত্র কারণ। মনের দ্বারাই সংসারচক্র আবর্তিত হয়।

মনকে বশে আনাই পরমযোগ। এক অঙ্গের দ্বারা অপর অঙ্গ আহত হইলে—যেমন জিহ্বার দংশনে—যে বেদনা হয় তাহা যেমন নিজ অবশ অঙ্গেরই দোষ, অপরকে শত্রুমিত্র বোধ বা অপরের প্রহারে বেদনা-বোধও তেমন অ-জিত মনেরই দোষ। সুখ দ্বারা আত্মাকে শীতল বা দুঃখ দ্বারা আত্মাকে উত্তপ্ত করা যায় না, যেমন হিমে বরফ শীতল হয় না, বা আগুনে আগুন উত্তপ্ত হয় না। অহংবোধরূপ অজ্ঞান হইতেই ভীতি। প্রবুদ্ধের ভয় কি, বা কাহা হইতে হইবে?—

।। এতাং স আত্মায় পরাত্মনিষ্ঠামধ্যাসিতাং পূর্বতমৈর্মহর্ষিভিঃ ।

।। অহং তরিস্যামি দুঃস্বপ্নপারং তমো মুকুলোজ্য নিবেদয়েৎ ॥ ১১।২৩।৭

—তিনি একরূপ স্থির করিলেন যে, পূর্বতন মহর্ষিদিগের দ্বারা উপদ্রষ্ট পরমাত্মায় নিষ্ঠা অবলম্বন করিয়া আমি মুকুলের চরণসেবা দ্বারা এই দুঃস্বপ্ন অন্ধকার উত্তীর্ণ হইব।

শ্রীভগবান্ বলিলেন, নষ্টধন নির্বৃত্ত গতক্লেশ সেই ব্রাহ্মণ অসজ্জন-  
কর্তৃক পীড়িত হইয়াও এইরূপে স্বধর্ম্মে অবিলম্ব ছিলেন ।

স্বখঃখপ্রদো নাশঃ পুণ্যভাষ্যবিভ্রমঃ ।

মিত্রোদাসীনরিপবঃ সংসারন্তমসঃ কৃতঃ ॥

তন্মাৎ সর্ক্সান্না তাত নিগৃহাণ মনো ধিরা ।

মথ্যাবেশিতয়া যুক্ত এতাবান্ যোগসংগ্রহঃ ॥ ১১।২৩।৫৯, ৬০

—আত্ম-বিভ্রমই জীবের স্বখঃখের কারণ, অথ কিছুই স্বখঃখের কারণ  
নহে । অতএব, হে তাত, সর্ক্সপ্রকার যত্নে আমাতে আবিষ্ট বুদ্ধি দ্বারা মনকে  
সংযত কর, ইহাই যোগের সার কথা ।

[ ২৪ অধ্যায়ে সাংখ্যযোগ ও ২৫ অধ্যায়ে সত্বাদি গুণসমূহের বৃত্তিনিরূপণতত্ত্ব  
বিবৃত হইয়াছে ]

## ২৬ অধ্যায়

শ্রীকৃষ্ণ, উদ্ধব, পুরুষবা, উর্বশী

শ্রীভগবান্ বলিলেন, উদ্ধব, শিশ্নোদরতৃপ্তিকারী অসং লোকের  
সংসর্গ করিলে এক অন্ধের অন্ধগমনকারী অপর অন্ধ যেমন  
পড়িয়া যায়, তেমন অন্ধরূপে পতিত হইতে হয় । ঐলরাজ  
পুরুষবা উর্বশীকর্তৃক আকৃষ্ট হইয়া ( ১৩৭ পৃঃ ) বহু বৎসর কখন দিন  
কখন রাত্রি আসিল কিছুই জানিতে পারে নাই । উর্বশী যখন  
তাহাকে ত্যাগ করিয়া চলিয়া গেল, কামভোগে অতৃপ্তচিত্ত সেই  
রাজা, ‘হা জায়া, হা নির্ভূরা, তুমি যাইওনা,’ এই বলিয়া নগ্নবেশে  
তাহার পশ্চাদ্ধাবন করিতে লাগিল । সেই শ্রী যখন ফিরিয়া  
আসিল না, সেই বিশ্রুতকীর্ত্তি সম্রাট্ তখন শোক সংবরণ করিয়া  
নির্ব্বেদ লাভ করিলেন । তিনি এই সকল কথা বলিয়াছিলেন—  
‘হায়, কামাভিভূতচিত্ত হইয়া আমার কি মোহ জন্মিয়াছিল !  
একটি নারী দ্বারা গৃহীত-কণ্ঠ হইয়া আমি এতদিন সূর্য্যের উদয়াস্তও  
জানিতে পারি নাই, নৃপতিকূলে শ্রেষ্ঠ হইয়াও একটি জীর ক্রীড়ামৃগ  
হইয়া এই ছল্‌ল আয়ু অতিবাহিত করিলাম ! সে তৃণের মত  
আমাকে ত্যাগ করিয়া গেল, আর আমি কিনা পাদ-তাড়িত  
গর্দভের স্থায় তাহারই পশ্চাতে ধাবিত হইলাম ! কিন্তু, উর্বশীরই

কি দোষ, সে ত প্রবোধ-বাক্য বলিয়াছিল, আমিই তাহা বুঝিলাম না। রজ্জুতে যদি সর্পের ভ্রম হয়, রজ্জুর কি অপরাধ? দেহের স্বত্ব কাহার? পিতামাতার, কি ভাৰ্য্যার, কি প্রভুর, কি বহির, কি শৃগাল কুক্কুরের—এইরূপ ভাবিয়া সেই ঐলরাজ আমাতে চিত্ত স্থির করিয়া আত্মারাম মুক্তসঙ্গ হইয়া উপরত হইলেন।—

যথোপশ্রম গন্তু ভগবন্তং বিভাবস্মহ।

শীতং ভয়ং তমোহপোতি সাধুং সংসেবতস্তথা ॥

ভক্তিং লব্ধবতঃ সাধোঃ কিমস্তদবশিষ্যতে।

মযানন্তগুণে ব্রহ্মণ্যানন্দানুভবাস্থনি ॥ ১১।২৬।৩১, ৩০

—অগ্নিদেবকে আশ্রয় করিলে যেমন শীতভয় বা অন্ধকারের ভয় থাকে না, সাধুগণের সেবা করিলেও তেমন জড়তা সংসারভয় ও অজ্ঞান নাশ হয়। যে সাধু অনন্তগুণ আনন্দস্বরূপ ব্রহ্মে ভক্তি লাভ করিয়াছেন, তাঁহার আর কি অবশিষ্ট থাকে?

[ ২৭ অধ্যায়ে ক্রিয়াযোগ ও ২৮ অধ্যায়ে পরমার্থ নিরূপণ-তত্ত্ব ]

## ২১ অধ্যায়

### শ্রীকৃষ্ণ, উদ্ধব, উদ্ধবের উপরতি

উদ্ধব বলিলেন, হে অচ্যুত, আপনি যে যোগচৰ্য্যা এক্ষণে উপদেশ করিলেন, তাহা অতি দুশ্চর মনে হয়। মানুষ যাহাতে সহজে সিদ্ধিলাভ করিতে পারে, এরূপ উপায় বলুন।—শ্রীভগবান্ বলিলেন, আমাকে শ্রবণ করিয়া আমার নিমিত্ত সকল কৰ্ম্ম করা ক্রমশঃ অভ্যাস করিবে। সাধুগণের অনুষ্ঠিতমত আচরণ করিবে, আমার মহোৎসবাদি দর্শন করিবে, সকল ভূতের অন্তরে ও বাহিরে আমাকে দেখিবে। ব্রাহ্মণ ও চণ্ডাল, সাধু ও চোর, সূর্য্য ও অগ্নি-ফুলিঙ্গ, ক্রুর ও অক্রুর—সকলকে যিনি সমান দেখেন, তিনিই পণ্ডিত। কুক্কুর, চণ্ডাল, গো গর্দভ সকলকে দণ্ডবৎ হইয়া প্রণাম করিবে। মন বাক্য ও শরীর দ্বারা সৰ্ব্বভূতে যে মদ্যভাব অনুভব করা, তাহাই আমাকে লাভ করার সকল উপায় মধ্যে শ্রেষ্ঠতম। আত্ম-নিবেদনই মোক্ষলাভের পথ। ব্রহ্মবাদের সার কথা তোমাকে বলিলাম, ইহা জানিলে আর কিছুই জানিতে অবশিষ্ট থাকে না। যে ব্যক্তি আমার

ভক্তগণमध्ये এই জ্ঞান বিতরণ করেন, তাহাকে আমি আত্মদান করিয়া থাকি। দান্তিক নাস্তিক শঠ বা দুর্বিনীত অভক্তকে ইহা দিবে না। সখে উদ্ধব, তুমি এই ব্রহ্মতত্ত্ব সম্যক অবগত হইয়াছ ত ? তোমরা সমস্ত মোহ ও শোক অপগত হইয়াছে ত ? শুকদেব বলিলেন, উদ্ধব তখন কৃতাঞ্জলি অবরুদ্ধকণ্ঠ ও অশ্রুপূর্ণলোচন হইয়া কিছুই বলিতে পারিলেন না। প্রণয়বশে ক্ষুদ্র চিত্তকে ধৈর্য্যদ্বারা সংযত করিয়া ও শ্রীকৃষ্ণের পাদপদ্ম মস্তক দ্বারা স্পর্শ করিয়া বলিলেন, হে অজ, হে আত্ম, আপনার সন্নিধানগুণেই আমার সকল মোহ দূর হইয়াছে। নিজ সৃষ্ট মায়া দ্বারা দাশার্হ-বৃষ্ণি-অন্ধক-সাত্বত কুলের প্রতি আমার যে স্নেহ-পাশ আপনিই বিস্তার করিয়া দিয়াছিলেন, জ্ঞানরূপ অসি দ্বারা আপনি স্বয়ংই আজ তাহা ছিন্ন করিয়া দিলেন।—

নমোহস্ত তে মহাযোগিন্ প্রপন্নমুশাধি মাম্।

যথা বচরণান্তোজ্যে রতিঃ স্তাদনপায়িনী ॥ ১১।২০।৪০

—হে মহাযোগী, আপনাকে নমস্কার। আপনাতে প্রপন্ন আমাকে একপক্ষ অনুশাসন করুন, যেন আপনার চরণ-পদ্মে আমার অক্ষয় রতি থাকে।

শ্রীভগবান্ বলিলেন, উদ্ধব, এক্ষণে তুমি আমার প্রিয়ধাম বদরিকায় গমন কর, সেখানে আমার পাদতীর্থোদকে স্নান ও আচমন দ্বারা শুচি হও। অলকনন্দা-দর্শনে সকল পাপ বিধূত করিয়া, হে অজ, বন্ধল পরিধান ও বন্যফল ভোজন করিয়া, সকল দ্বন্দ্ব-ভাব ত্যাগ করিয়া বাক্য ও মন আমাতে সমর্পণ করিয়া, আমার প্রদত্ত জ্ঞান শাস্ত্র ও সমাহিত চিত্তে নির্জনে সর্বদা স্মরণ করিও। এইরূপে ত্রিগুণ অতিক্রম করিতে পারিলে আমাকে প্রাপ্ত হইবে।—উদ্ধব তখন পুনরায় শ্রীভগবানের পদদ্বয় অশ্রুজলে নিষিক্ত করিয়া, তাঁহার পাছকান্ধ মস্তকে গ্রহণ করিয়া, বারংবার তাঁহাকে নমস্কার করিয়া, স্নেহকাতর ও নিতান্ত আতুর হৃদয়ে মহাশ্রম বদরিকায় চলিয়া গেলেন। সেখানে যথোপদিষ্টভাবে তপস্তা করিয়া শ্রীহরির সাক্ষাৎ প্রাপ্ত হইলেন।

ভবভয়মপহন্তঃ জ্ঞানবিজ্ঞানসারং নিগমকুতুপজহ্নে ভূদববেদসারম্ ।

অমৃতমুদধিতপ্যাপায়য়ন্ত্যাবর্গান্ পুরুষমৃষভমাত্তং কৃষ্ণসংজ্ঞং নতোহস্মি ॥

— যে বেদকর্তা জীবের ভবভয় দূর করার জন্য মধুকরের জায় সমগ্র জ্ঞান বিজ্ঞান ও সমস্ত বেদের সার আহরণ করিয়া সাগরমহনোখিত অমৃতের মত নিজ ভৃত্যদিগকে পান করাইয়াছিলেন, কৃষ্ণ-নামা সেই আদি পরম পুরুষকে নমস্কার করি। ১১২৯।১৩

৩০

শ্রীকৃষ্ণ, যদুগণ, প্রভাস, বলরাম, ব্যাধ, দারুক

পরীক্ষিৎ জিজ্ঞাসা করিলেন, মহাভাগবত উদ্ধব বনে চলিয়া গেলে ভূতভাবন শ্রীভগবান্ কি করিলেন ? শ্রীগণ যাহাকে একবার দেখিলে চোখ আর ফিরাইয়া আনিতে পারেন নাই, যাহার চরিতকথা কবিদিগের রতি ও সাধুদিগের তন্ময়তা জন্মায়, কুরুক্ষেত্রের রণস্থলে শত্রুসৈন্যগণও যাহাকে রথোপরি অবস্থিত দেখিয়াই তাঁহার সারূপ্য লাভ করিয়াছিল, তিনি কিরূপে সেই দেহ ত্যাগ করিয়া গেলেন ? শুকদেব বলিলেন, সর্বত্র মহোৎপাত সকল দেখিয়া শ্রীকৃষ্ণ সুধর্মা-সভায় সমবেত যাদবমণ্ডলীকে বলিলেন, আর মুহূর্তমাত্রও আমাদের এখানে থাকা উচিত নহে, শ্রী বালক ও বৃদ্ধগণ শঙ্খোদ্ধার তীর্থে গমন করুন, আমরা সকলে পশ্চিমবাহিনী সরস্বতীর তীরে প্রভাসে গিয়া অরিষ্টনাশকারী পূজা দানাদি মঙ্গল কার্য্য করিব। সকলে তথাস্ত্ব বলিয়া নৌকা দ্বারা তীরে উত্তীর্ণ হইয়া রথারোহণে প্রভাসে চলিয়া গেল। তাহারা সেখানে পূজা দানাদি সঙ্কলন করিল, কিন্তু দৈববশে বুদ্ধিপ্রলম্ব হইয়া প্রচুর পরিমাণে মৈরেন্ন নামক মত্ত পান করিল, এবং মত্ত হইয়া পরস্পর মহাকলহে প্রবৃত্ত হইয়া নানা অস্ত্রশস্ত্র লইয়া পরস্পরকে প্রহার ও নিহত করিতে লাগিল। দাশার্হি বৃষ্ণি অন্ধক ভোজ্য সাত্বত মধু অর্ব্বুদ মাথুর শূরসেন বিসর্জন কুকুর ও কুস্তি বংশীয়গণ এবং প্রত্ন্যন্ন সান্ব অক্রুর ভোজ্য অনিরুদ্ধ সাত্যকি সুভদ্র সংগ্রামজিৎ গদদ্বয় স্মমিত্র সুরথ প্রভৃতি মহাবীরগণ কৃষ্ণমায়ায় বিমোহিত ও জ্ঞানশূন্য হইয়া পুত্র পিতাকে, ভ্রাতা



ভ্রাতাকে, বান্ধব বান্ধবকে অস্ত্র দ্বারা নিহত করিতে লাগিল। অস্ত্র সকল নিঃশেষ বা ক্ষয়িত হইলে তাহারা মুষ্টি দ্বারা এরকাতৃণ সকল আহরণ করিয়া তদ্বারা একে অগ্নিকে আঘাত করিতে লাগিল। কৃষ্ণবলরামকেও তাহারা ঐরূপে আঘাত করিল। রাজন, তখন রাম ও কৃষ্ণ ক্রোধে পরিপূর্ণ হইয়া এরকামুষ্টিহস্তে রণক্ষেত্রে অবতীর্ণ হইয়া অবশিষ্ট সকলকে ধ্বংস করিলেন। তারপর,—

রামঃ সমুদ্রবেলায়াং যোগমাস্থায় পৌরুষম্ ।

তত্যাজ লোকং মানুষ্যং সংযোজ্যাস্থানমাস্থনি ।

রামনির্ঘ্যাণমালোক্য ভগবান্ দেবকীমুতঃ ।

নিষসাদ ধরোপস্থো তুষ্টীমাসাচ্চ পিপ্ললম্ ।

বিলচচতুর্ভুজং রূপং ভ্রাজিষু প্রভয়া স্বয়া ।

দিশো বিতিমিরাঃ কুর্কন্ বিধুম ইব পাবকঃ ॥ ১১।৩০।২৬,২৭,২৮

—বলরাম পরমপুরুষের ধ্যানরূপ যোগ অবলম্বন করিয়া, আত্মাতে আত্মাকে যুক্ত করিয়া মানুষলোক পরিত্যাগ করিলেন। ভগবান্ দেবকীনন্দন বলরামের তিরোভাব দেখিয়া, একটা অশ্বখ বৃক্ষতলে উপগত হইয়া, নিজ প্রভায় উজ্জল চতুর্ভুজ মূর্তি দ্বারা দিক্‌সকল আলোকিত করিয়া, তুষ্টীভূত হইয়া, ধূমহীন বহ্নির স্থায় ধরাপৃষ্ঠে উপবিষ্ট হইলেন।

তাহার শ্রীবৎস-চিহ্নিত তপ্তকাঞ্চনপ্রভ জ্বলদশ্যামল দেহ পীত কৌষেয় বস্ত্রদ্বয়ে আবৃত, সুন্দর বদন নীলকুম্ভল ও মঙ্গলময় হাস্যে মণ্ডিত, নয়নদ্বয় পুণ্ডরীকের দ্বারা মনোহর, কর্ণদ্বয় মকরকুণ্ডলশোভিত। কটিমূত্র ব্রহ্মমূত্র কিরীট কটক অঙ্গদ হার নূপুর মুদ্রা কৌস্তভ বনমালা ও নিজ অস্ত্র সকল দ্বারা বিভূষিত হইয়া তিনি দক্ষিণ উরুর উপর কোকনদতুল্য রক্তবর্ণ নিজ বামপদ স্থাপন করিলেন। তখন জরা নামক ব্যাধ মুখলাবশেষ লৌহখণ্ডযোগে যে তীর পূর্বে প্রস্তুত করিয়াছিল তদ্বারা, যুগ মনে করিয়া, যুগাকার তাঁহার চরণতল বিদ্ধ করিল। নিকটে আসিয়া চতুর্ভুজ সেই পুরুষকে দেখিয়া মহাপরাধ-ভয়ে ভীত হইয়া সেই ব্যাধ তাঁহার পদদ্বয়ে মস্তক রাখিয়া ধরাতলে পতিত হইল—

অজানতা কৃতমিদং পাপেন মধুহৃদন । ক্ষতমহঁসি পাপস্ত উত্তমঃশ্লোক মেহনব ॥

—হে অনঘ, হে উত্তমঃশ্লোক, হে মধুহৃদন, আমি পাণিষ্ঠ, না জানিয়া এই কার্য করিয়াছি, আমার এই পাপ ক্ষমা করুন। ১১৩০।৩৫

শ্রীভগবান বলিলেন, ব্যাধ, তুমি ভীত হইও না, তুমি আমার অভিলষিত কার্যই সাধন করিয়াছ, স্মৃতিগণের পদস্বরূপ স্বর্গলোক লাভ কর। জরা ব্যাধ শ্রীভগবানকে তিনবার প্রদক্ষিণ করিয়া বিমানযোগে স্বর্গে নীত হইল।—কৃষ্ণসারথি দারুক রথ লইয়া আসিয়া প্রভুকে ঐ অবস্থায় দেখিয়া অশ্রুসিক্তনয়নে তাঁহার পদমূলে পতিত হইল। সে বলিল,—

অপশ্রুতত্বচ্চরণাশ্রুজং প্রভো দৃষ্টিঃ প্রণষ্টা তমসি প্রবিষ্টা।

দিশো ন জানে ন লভে চ শাস্তিঃ যথা নিশায়ামুদ্রুপে প্রণষ্টে ॥ ১১৩০।৪০

—হে প্রভো, নিশাকালে চন্দ্রমা অন্তর্মিত হইলে অন্ধকারে প্রবিষ্ট দৃষ্টি যেমন নষ্ট হয়, আপনার পাদপদ্ম না দেখিতে পাইয়া আমারও তেমন দৃষ্টি নষ্ট হইয়াছে, দিগ্জ্ঞান হারাইয়াছি, শাস্তি লাভ করিতে পারিতেছি না।

দারুক এই প্রকার বলিলে, সেই গরুড়ধ্বজ রথ অশ্ব ও ধ্বজসহ স্বয়ং আকাশমার্গে অন্তর্হিত হইল। বিষ্ণুর দিব্য অস্ত্রসকলও তৎপশ্চাৎ চলিয়া গেল। শ্রীভগবান বলিলেন, দারুক, তুমি সত্ত্ব দ্বারকায় গিয়া সকলকে এই যত্নকুলধ্বংস এবং বলরাম ও আমার তিরোভাববৃত্তান্ত বল। আর বলিও, আমার পরিত্যক্ত সেই পুরীকে সমুদ্র শীঘ্রই গ্রাস করিবে, সকলে অর্জুন কর্তৃক রক্ষিত হইয়া ইন্দ্রপ্রস্থে গমন করুন। আর, বৃদ্ধ মর্কটমাস্ত্রার জ্ঞাননিষ্ঠ উপেক্ষকঃ। মম্মায়ারচনামেতাং বিজ্ঞায়োপশমং ব্রজ ॥

—তুমি আমার ধর্ম অমুষ্ঠান করিয়া, সর্বত্র উপেক্ষাগীল ও জ্ঞাননিষ্ঠ হইয়া, এ সকল আমার মায়ারচিত ইহা জানিয়া, বুধা শোক পরিত্যাগ কর। ১১৩০।৪২

দারুক তাঁহাকে প্রদক্ষিণ ও পুনঃ পুনঃ নমস্কার করিয়া এবং তাঁহার পদযুগল মস্তকে ধারণ করিয়া নিতান্ত দুঃখনা হইয়া দ্বারকায় প্রস্থান করিলেন।

### ৩১ অধ্যায়

শুকদেব, বনুদেব প্রভৃতি, অর্জুন, ব্রজ, পরীক্ষিৎ, মহাপ্রস্থান

অনন্তর ব্রহ্মা ও প্রধান প্রধান সমস্ত দেবগণ পিতৃগণ সিদ্ধ গন্ধর্ব্ব

বিভাধর চারণ যক্ষ রাক্ষস কিন্নর অপ্সরা ও দ্বিজগণসহ, শ্রীভগবানের জন্ম কৰ্ম ও স্তব গান করিতে করিতে আকাশপথ বিমানসঙ্কুল করিয়া তাঁহার নিৰ্য্যণ দেখিবার নিমিত্ত সেখানে আসিয়া উপস্থিত হইলেন এবং পুষ্প বর্ষণ করিতে লাগিলেন। শ্রীভগবান্ তখন পদ্মনেত্রদ্বয় একবার নিম্নলিত করিলেন, এবং তৎক্ষণাৎ লোকাভিরাম ধ্যানমঙ্গল স্বীয় তনু সহ স্বধামে প্রবেশ করিলেন। আকাশ হইতে পুনঃ পুষ্প বর্ষিত হইল ও ছন্দুভি সকল নিনাদিত হইয়া উঠিল। সত্য ধর্ম ধৃতি কীর্ত্তি ও শ্রী তাঁহার পশ্চাদ্-গমন করিল। দেবাদি সকলে স্বলোকে প্রস্থান করিলেন। রাজন্, সেই পরমপুরুষের দেহধারীরূপে জন্ম কৰ্ম ও অন্তর্ধানকে নটের ন্যায় মায়ার কার্য বলিয়া জানিবে। তিনি এই বিশ্ব সৃষ্টি করিয়া, ইহাতে অল্পপ্রবিষ্ট হইয়া, নানা কার্য্যরূপে ইহাকে বিস্তারিত করিয়া, অস্তে ইহার সংহার করিয়া, নিজ মহিমায় অবস্থান করেন। যিনি যমলোক হইতে গুরুপুত্রকে উদ্ধার করিলেন, যিনি দেবাস্ত্রদক্ষ তোমাকে সঞ্জীবিত করিলেন, যিনি ব্যাধকে সশরীরে স্বর্গে প্রেরণ করিলেন, তিনি কি স্বদেহরক্ষায় অক্ষম ছিলেন? সকল উৎপত্তি স্থিতি ও সংহারের একমাত্র কারণ সূতরাং অশেষ শক্তির আধার হইয়াও, যত্বেকুল সংহার করিয়া, নিজ শরীরকে অবশিষ্ট রাখিতে ইচ্ছা করিলেন না, মর্ত্য শরীর দ্বারাই যে দিব্যগতি প্রাপ্ত হওয়া যায়, তাহা দেখাইলেন।— দারুক দ্বারকায় আসিয়া বসুদেব ও উগ্রসেনের চরণে পতিত হইয়া অশ্রু দ্বারা তাঁহাদিগকে অভিষিক্ত করিলেন, এবং বৃষ্ণিবীরগণের নিধনবৃত্তান্ত বর্ণন করিলেন। তখন সকলে মৃত বান্ধবগণকে দেখিতে গিয়া মুখে করাঘাত করিতে লাগিলেন। দেবকী রোহিণী ও বসুদেব কৃষ্ণবলরামের শোকে কাতর হইয়া দেহত্যাগ করিলেন। স্ত্রীগণ নিজ নিজ পতিগণের দেহ আলিঙ্গন করিয়া অগ্নিপ্রবেশ করিলেন। রুক্মিণী প্রভৃতি কৃষ্ণময়প্রাণ মহিষীগণও অগ্নিতে প্রবেশ করিলেন। অর্জুন বিরহকাতর হইয়াও কোন ক্রমে নিজকে সাযুজ্য দিয়া সকলের ঔর্দ্ধদেহিক ক্রিয়াদি সম্পন্ন করাইলেন। সমুদ্র

শ্রীভগবানের আশ্রয় ছাড়া সমগ্র দ্বারকাপুরীকে প্রাবিত করিল। অর্জুন হতাবশিষ্ট শ্রী বালক ও বন্ধুগণকে লইয়া ইন্দ্রপ্রস্থে চলিয়া গেলেন এবং অনিরুদ্ধপুত্র বজ্রকে তথায় অভিষিক্ত করিলেন। রাজন, তখন তোমার পিতামহগণ অর্জুনের নিকট সুহৃদবধবৃত্তান্ত শ্রবণ করিয়া, তোমাকে বংশধর রাখিয়া, সকলে মহাপ্রস্থানে গমন করিলেন।

— — —

## দ্বাদশ স্কন্ধ

### ১ অধ্যায়

#### ভবিষ্যৎ চন্দ্রবংশ

শ্রীশুক বলিলেন—চন্দ্রবংশীয় বৃহদ্রথের শেষ বংশধর পুরঞ্জয় নিজ অমাত্য শুনক কর্তৃক নিহত হইবেন। শুনকের বংশীয় পাঁচ জন রাজা মোট ১৩৮ বৎসর রাজত্ব করিবেন। তৎপর শিশুনাগ বংশীয় দশজন ৩৬০ বৎসর রাজত্ব করিলে মহানন্দের শূদ্রাগর্ভজাত পুত্র নন্দ বা মহাপদ্ম প্রভূত ধনবান্ ও ক্ষমতাশালী হইয়া একচ্ছত্র সম্রাট হইবেন। রাজন, তোমার জন্ম হইতে নন্দের অভিষেক পর্য্যন্ত ১১১৫ বৎসর হইবে। নন্দ ও তাহার পুত্রগণ ১০০ বছর রাজত্ব করার পর এক ব্রাহ্মণ মৌর্য্যবংশীয় চন্দ্রগুপ্তকে রাজ্যে অভিষিক্ত করিবেন। তাহার পুত্র বারিসার, তৎপুত্র অশোকবর্দ্ধন এবং তাহার শেষ বংশধর বৃহদ্রথ ৩৩৭ বৎসর রাজত্ব করিলে বৃহদ্রথ তাঁহার সেনাপতি পুষ্পমিত্র কর্তৃক নিহত হইবেন। শুঙ্গ বংশ নামে পরিচিত হইয়া পুষ্পমিত্রের বংশধরগণ ১১২ বৎসর রাজত্ব করার পর শেষ রাজা দেবভূতি তাঁহার অমাত্য কথ্ববংশীয় বসুদেব কর্তৃক নিহত হইবেন। কথ্ববংশীয়গণ সুশর্মা পর্য্যন্ত ৩৪৫ বৎসর এবং সুশর্মার অন্ধ্রদেশীয় কোন ব্যক্তি দ্বারা নিহত হইলে সেই অন্ধ্রবংশীয়গণ ৪৫৬ বৎসর, তৎপর আভীর গর্দভী কঙ্ক যবন তুরুষ্ক গুরুণ্ড ও মৌল বংশীয়গণ ১৩৯৯ বছর, তৎপর কিলকিলা পুরীতে ভূতনন্দ প্রভৃতি পাঁচজন ১০৬ বছর, তৎপর বাহ্লীকবংশীয়গণ ঋণ্ড ঋণ্ড মণ্ডলৈক:

অধিপতি স্বরূপে কিছুকাল রাজত্ব করিবে। তারপর মগধরাজ বিশ্বকুর্জি গঙ্গাদ্বার হইতে প্রয়াগ পর্য্যন্ত অধিকার করিয়া সকলকে স্বেচ্ছাপ্রায় করিবেন। সৌরাষ্ট্র অবন্তী শূর অর্ব্বুদ মালব দেশবাসী জনাধিপতিগণও উপনয়নবজ্জিত শূদ্র প্রাপ্ত হইবে। সিদ্ধনদের তীরে স্বেচ্ছাচারীগণ চন্দ্রভাগা কৌন্তী ও কাশ্মীরমণ্ডল ভোগ করিবে। ইহারা অন্নায়ু অল্পবল রজ ও তমোগুণী এবং প্রজাপীড়ক হইবে, এবং অগ্ন্যস্ত্র দেশের রাজগণ কর্তৃক পীড়িত হইয়া ক্ষয়প্রাপ্ত হইবে।

## ২ অধ্যায়

কলি

রাজন্, শ্রীকৃষ্ণের বৈকুণ্ঠগমন হইতে কলিযুগ আরম্ভ হইবে। এই যুগে সকল প্রকার ধর্মাচার নষ্ট হইতে থাকিবে, ধন ও বলই প্রবল হইবে। অভিরুচিমত স্বামিস্ত্রীসম্বন্ধ, প্রবঞ্চনা দ্বারা ক্রয়বিক্রয়, রতিকৌশল দ্বারা স্ত্রীপুরুষের শ্রেষ্ঠত্ব, সূত্রধারণ দ্বারা ব্রাহ্মণের পরিচয়, দণ্ড অজিন দ্বারা আশ্রম, চটুল বাক্য প্রয়োগ দ্বারা পাণ্ডিত্য এবং দম্ভ দ্বারা সাধুত্ব নিরূপিত হইবে। উদরপূরণই একমাত্র প্রয়োজন, কুটুম্বভরণই দক্ষতা এবং যশোলাভের জন্তই ধর্ম, এইরূপ বিবেচিত হইবে। বলবানই রাজা হইবে। করভারপীড়িত ও রাজা দ্বারা অপহৃতধন ও হৃতদার প্রজাগণ পর্বত কাননে আশ্রয় লইবে, অনেকে অনাবৃষ্টিজনিত দুর্ভিক্ষে প্রাণ ত্যাগ করিবে। হিম রৌদ্র বিবাদ ক্ষুধা তৃষ্ণা ব্যাধিসম্ভূত লোক বিশ বা ত্রিশ বৎসর মাত্র বাঁচিবে। পরিশেষে ধর্মরক্ষার নিমিত্ত শ্রীবিষ্ণু শম্ভলগ্রামবাসী বিষ্ণুযশা নামক ব্রাহ্মণের গৃহে কঙ্কি নামে আবির্ভূত হইবেন। তিনি ক্রতগামী অশ্বে আরোহণ করিয়া রাজচিহ্নধারী দম্যুগণকে বধ করিবেন। চন্দ্রবংশীয় শান্তনুর ভ্রাতা দেবাপি ও ইক্ষ্বাকুবংশীয় মরু এক্ষণে কলাপগ্রামে আছেন, তাঁহারা বর্ণাশ্রমধর্ম বিস্তার করিবেন। বাসুদেব কঙ্কির অঙ্গধ্যানে ও করম্পর্শে প্রজাদিগের মন নির্মল হইলে ক্রমে সাম্বিক প্রজা প্রসূত হইবে। চন্দ্র সূর্য্য বৃহস্পতি পুণ্যানক্ষত্রে একযোগে এক রাশিতে প্রবেশ করিলে

সত্যযুগ আরম্ভ হইবে। সত্য ত্রেতা দ্বাপর কলি ক্রমানুসারে প্রবর্তিত হয়। শুকদেব বলিলেন, রাজন্, তোমাকে যে সকল রাজগণ ও অপরাপর ব্যক্তির কথা বলিলাম, তাঁহারা সকলেই পৃথিবীর প্রতি মমত্ব বোধ করিতেন, কিন্তু সকলকেই এই পৃথিবী ছাড়িয়া চলিয়া যাইতে হইয়াছে, তাঁহাদের দেহও ভস্মরূপে পরিণত হইয়াছে। এরূপ দেহের জন্ম যাহারা অপর জীবের প্রতি দ্রোহ করে, তাহারা কি নিজের স্বার্থ বুঝিতে পারে? তাহারা ভাবে, এই অখণ্ড পৃথিবী আমার পূর্বপুরুষগণের ছিল, এক্ষণে আমার আছে, এবং চিরকাল আমার বংশীয়গণেরই থাকিবে। তেজ বল ও অন্ন-ময় এই শরীরকেই আত্মা জ্ঞান করিয়া ও এই ভূমিকে ‘আমার ভূমি’ মনে করিয়া ঐ অবোধগণ এক্ষণে অদর্শন হইয়াছেন।—

‘যে যে ভূপত্যো রাজন্ ভুঞ্জতে ভুবমোজসা।

কালেন তে কৃতাঃ সর্বৈ কথামাত্রাঃ কথাসু চ ॥ ১২।২।৪৪

—রাজন্, যেসকল ভূপতি স্বীয় প্রতাপের বলে পৃথিবী ভোগ করেন, কালে তাঁহারা কথামাত্রে পর্য্যবসিত হইয়া থাকেন।

### ৩ অধ্যায়

#### যুগ

রাজন্, রাজ্যজয়েচ্ছু রাজগণকে পরস্পর স্পর্ধা ও প্রহার করিতে দেখিয়া এবং পিতা পুত্র ভ্রাতার পরস্পর দ্রোহ দেখিয়া পৃথিবী তাহাদিগকে উপহাস করিয়া বলেন, হায়, এই মৃত্যুর ক্রীড়নকেরা কি একবারও মনে করে না যে মমু ও তৎপুত্রগণ সকলেই ত এখানে ছিলেন, কিন্তু এখন তাঁহারা কোথায় গিয়াছেন? পৃথু পুরুষা গাধি ভরত নহষ কার্তবীৰ্য্যার্জুন মাক্ষাতা সগর রাম খট্‌জা ধুকুমার রঘু তৃণবিন্দু যযাতি শান্তনু গয় ভগীরথ কুবলয়াশ্ব ককুৎস্থ নৈষধ নৃগ হিরণ্যকশিপু বৃত্র রাবণ নমুচি শশ্বর নরক হিরণ্যাক্ষ তারক, সকলেই মহাবীর ও যুদ্ধে অজেয় ছিলেন; কিন্তু—‘কথাবশেষাঃ কালেন হ্রস্বতার্থাঃ কৃতা বিভো’—কালে তাঁহারা কথাবশেষমাত্র ও অকৃতার্থ বলিয়া গণ্য হইয়াছেন।’ রাজন্, তোমার জ্ঞান ও বৈরাগ্যবৃদ্ধির

নিমিত্তই ঐ সকল রাজাদের কথা বিস্তারিতভাবে তোমাকে বলিলাম ।

রাজা জিজ্ঞাসা করিলেন, ভগবন্, কলির যুগধর্ম, এবং কি প্রকারে ইহার দোষ হইতে লোকসমূহ রক্ষা পাইতে পারে, তাহা আমাকে বলুন।—শুকদেব বলিলেন, সত্যযুগে সত্য দ্বয়া তপস্তা ও দান নামে ধর্মের চারিপাদ থাকে। ত্রেতায় এক পাদ নষ্ট হইয়া মিথ্যা-হিংসা-অসন্তোষ-বিরোধরূপ অধর্মের এক পাদ তাহাতে যুক্ত হয়। দ্বাপরে আর একটি পাদ হ্রাস পায় এবং অধর্মের আর একটি পাদ যুক্ত হইয়া কলিতে ধর্মের একটি পাদ মাত্র অবশিষ্ট থাকে। সত্যযুগে সত্ত্বগুণবশতঃ জ্ঞান ও তপস্তায়, ত্রেতায় রজোগুণবশে কাম্যকর্ম ও যশোলাভে, দ্বাপরে রজস্তমো-মিশ্রিত গুণবশতঃ মান দস্তাদিতে এবং কলিতে তমোগুণের প্রাধান্য হেতু মায়া মিথ্যা তন্দ্রা নিজা শোক মোহ ভয়াদিতে লোকের প্রবৃত্তি জন্মে। পুরুষগণ কামী বহু-আহারকারী, ও স্ত্রীগণ বহুপুত্রা নির্লজ্জা কটুভাষিণী স্বেচ্ছাচারিণী, জনপদসকল দস্যুপ্রধান, রাজগণ প্রজাভক্ষক, ব্রাহ্মণগণ শিল্পোদরপরায়ণ, ব্রহ্মচারী গৃহস্থ তপস্বী ও যতিগণ নিজ নিজ ধর্মত্যাগী, বণিকগণ কপটতা করিয়া ক্রয়বিক্রয়কারী, প্রভুভূত্য পরস্পরপরিত্যাগী, পিতা প্রভৃতি অপেক্ষা লোকে ননান্দ শ্যালকাদির প্রতি অধিকতর আকৃষ্ট, শূদ্রগণ ধর্মবক্তা, প্রজাগণ হুঁভিক্ষকরভারপীড়িত এবং একটা কপর্দকের জন্মও পরস্পরের প্রাণহন্তা হইবে। তাহারা পাষণ্ডগণ কর্তৃক হতবুদ্ধি হইয়া শ্রীভগবানের পূজা করিবে না। তিনি কলিকৃত সকল দোষ সকল অশুভ নাশ করেন, তিনি হৃদয়স্থ হইলে অন্তরাত্মা যেমন শুদ্ধি লাভ করে, বিদ্যা তপস্তাদি দ্বারা তেমন হয় না। সত্যযুগে ধ্যান, ত্রেতায় যজ্ঞ, দ্বাপরে বিষ্ণুসেবা এবং কলিতে কেবল শ্রীহরির কীর্তন দ্বারা মুক্তি লাভ হয়।

তস্মাৎ সর্বাশ্বনা রাজন্ হৃদিস্থং কুন্ম কেশবম্ ।

ত্রিয়মাণো হুবহিতস্ততো যাসি পরাং গতিম্ ॥ ১২।৩।৪৯

—অতএব, হে রাজন্, সর্বপ্রকারে অবহিত হইয়া কেশবকে হৃদয়স্থ কর, তাহাতেই মৃত্যুর পর পরমা গতি লাভ করিবে।

[ ৪ অধ্যায়ে পরমার্থনির্ণয়তত্ত্ব বিবৃত হইয়াছে ]

## ৫ অধ্যায়

### শুক, পরীক্ষিত

শুকদেব বলিলেন,—

ভক্ত রাজন্ মরিশ্যেতি পশুবুদ্ধিমিমাং জহি ।

ন জাতঃ প্রাগভূতোহস্ত দেহবৎ স্বং ন নঙ্ক্যসি ॥ ১২।১।২

—রাজন্ ‘আমি মরিব’ এরূপ পশুবুদ্ধি ত্যাগ কর । তোমার দেহ যেমন পূর্বে ছিল না, পরে উৎপন্ন হইয়াছে এবং অতঃপর নষ্ট হইবে, তুমি ( আত্মা ) তেমন নও ।

কাষ্ঠে যেমন বহ্নি থাকে, কিন্তু কাষ্ঠ বহ্নি নহে, সেইরূপ আত্মা দেহে থাকেন, কিন্তু তিনি দেহ হইতে স্বতন্ত্র । ঘট ভাঙ্গিলে ঘটস্থ আকাশ যেমন বহিরাকাশ প্রাপ্ত হয়, দেহ নষ্ট হইলে জীব তেমন ব্রহ্মকে প্রাপ্ত হন । তৈল সলিতা ও অগ্নি—ইহাদের সংযোগকে প্রদীপ বলে, দেহের সহিত আত্মার সংযোগকে তেমন জন্ম বলে । সত্ত্বরজস্তমোগুণ দ্বারা দেহের উৎপত্তি স্থিতি ও বিনাশ, কিন্তু আত্মা স্বয়ংপ্রকাশ, দেহের আধার, তথাপি আকাশের স্থায় নির্লিপ্ত । রাজন্, তুমি অনুমানাত্মক বুদ্ধির সাহায্যে ইহা বুঝিয়া বাসুদেবের চিন্তা দ্বারা আত্মস্থ আত্মার বিষয়ে এইরূপ বিচার কর । তাহা হইলে,

চোদিতো বিপ্রবাক্যেন ন স্বাং ধক্ষ্যতি তক্ষকঃ ।

মৃত্যুবো নোপধক্ষ্যন্তি মৃত্যুনাং মৃত্যুমীশ্বরম্ ॥

অহং ব্রহ্ম পরং ধাম ব্রহ্মাহং পরমং পদম্ ।

এবং সমীক্ষ্য চাত্মানমাত্মজ্ঞাধায় নিষ্কলে ॥

দশস্তং তক্ষকং পাদে লেলিহানং বিধাননৈঃ ।

ন ত্রক্ষ্যসি শরীরঞ্চ বিশ্বঞ্চ পৃথগাত্মনঃ ॥ ১২।১।১০-১২

—ব্রাহ্মণবাক্যে প্রেরিত তক্ষক তোমাকে দংশন করিবে না, সকল মৃত্যুর অধীশ্বরস্বরূপ মৃত্যুজয়ী তোমাকে কোন মৃত্যুই দংশন করিতে পারিবে না ‘আমি সেই পরমধাম পরমপদ ব্রহ্ম’, এইরূপ চিন্তা করিয়া আত্মাকে নিষ্কল ব্রহ্মে সমাহিত কর—দেখিবে, তোমার পদে বিষমুখ দ্বারা দংশনকারী লেলিহান তক্ষক, তোমার নিজ দেহ, বা এই সমগ্র বিশ্ব, কিছুই তোমার আত্মা হইতে স্বতন্ত্র নহে ।



## ৬ অধ্যায় ১—৩৫ শ্লো:

শুক, পরীক্ষিৎ, কশ্যপ, তক্ষক, জনমেজয়, বৃহস্পতি

স্মৃত শৌনকাদি ঋষিগণকে বলিলেন, নিখিলাস্বভাৱ সমদর্শী ব্যাসনন্দন শুকদেবকথিত এই ভাগবতবৃত্তান্ত শুনিয়া রাজা পরীক্ষিৎ তখন শুকদেবের পাদমূলে মন্তক স্থাপন করিয়া বদ্ধাঞ্জলি হইয়া বলিলেন, অহো, আপনার কি করুণা, আপনি আমাকে অনাদি অনন্ত শ্রীহরির কথা শুনাইলেন, আমি কৃতকৃত্য হইলাম। ভগবন্, তক্ষক বা অপর যাহা হইতে যে প্রকারের মৃত্যুই আশুক না কেন, আর আমি ভয় করি না, আমার সকল অজ্ঞান নিরস্ত হইয়াছে, আপনি আমাকে পরম মঙ্গলময় ভগবৎপদ দেখাইয়াছেন, আমাকে অভয় ব্রহ্মপদে প্রবিষ্ট করিয়া দিয়াছেন। অমুমতি করুন, এক্ষণে আমি বাক্য ও সমস্ত বাসনামুক্ত চিত্তকে সমাহিত করিয়া প্রাণত্যাগ করি। শ্রীশুকদেব তখন রাজাকে দেহত্যাগে অমুমতি দিয়া রাজা কর্তৃক স্তব হইয়া ভিক্ষুগণসহ তথা হইতে প্রস্থান করিলেন।—গঙ্গাতীরে কুশাসনে উত্তরমুখে উপবিষ্ট হইয়া, নিঃসংশয় ও নিঃসঙ্গ হইয়া,—

পরীক্ষিদপি রাজর্ষিঃস্বভাৱানমাত্মনাম্।

সমাধায় পরং দধ্যাবস্পন্দাস্ত্যর্থধা তরুঃ ॥ ১২।৬।৯

—পরীক্ষিৎও বুদ্ধিছারা আত্মাকে আত্মায় সমাহিত করিয়া বৃক্ষের ছায় নিম্পন্দ হইয়া পরমাত্মাকে ধ্যান করিতে লাগিলেন।

এদিকে তক্ষক রাজাকে দংশন করিতে আসিতেছে, এমন সময় পথিমধ্যে দেখিতে পাইল, বিষবৈষ্ণ (কশ্যপও পরীক্ষিৎসভায় যাইতেছেন। তক্ষক কশ্যপকে ধনদানে নিবৃত্ত করিয়া ব্রাহ্মণের ছদ্মবেশ ধরিয়া আসিয়া রাজাকে দংশন করিল। ব্রহ্মভূত সেই রাজর্ষির দেহ উপস্থিত সকলের সাক্ষাতে বিঘোষিত অগ্নিতে ভস্মীভূত হইয়া গেল। সর্বত্র হাহাকারধ্বনি উঠিল, দেব মানব অসুর সকলেই বিস্মিত হইল। দেবগণ সাধুবাদ পুষ্পবৃষ্টি ও চন্দ্রভি নিনাদ, গন্ধর্ব্ব অঙ্গরা কিন্নরগণ গান করিতে লাগিলেন।—

পরীক্ষিপুত্র রাজা জনমেজয় ক্রুদ্ধ হইয়া এক স্তম্ভহং সর্পযজ্ঞ আরম্ভ করিলেন। ঋত্বিক্গণ সর্পসমূহকে একে একে সেই মস্তপুত যজ্ঞাগ্নিতে আহুতি দিতে লাগিলেন। তক্ষক ভীত হইয়া ইন্দ্রের শরণ লইলেন। ঋত্বিক্গণ জনমেজয়ের নির্দেশে স্বয়ং ইন্দ্রসহ তক্ষকের নামে আহুতি প্রদান করিলে ইন্দ্র নিজ বিমানে তক্ষকসহ আকাশ হইতে দ্রুত পতিত হইতেছেন দেখিয়া অঙ্গিরাপুত্র বৃহস্পতি রাজা জনমেজয়কে বলিলেন, রাজন্, তক্ষক অমৃত পান করিয়া অজর ও অমর হইয়াছে, সে বধযোগ্য নহে। আর দেখ —

জীবিতং মরণং জন্তোর্গতিঃ শ্বেনৈব কৰ্ম্মণা ।

রাজস্তুতোহন্তো নাস্ত্যস্ত প্রদাতা স্ত্বত্বঃখয়োঃ ॥ ১২।৬।২৫

—রাজন্, জীবের জীবনমরণ নিজ কর্ম্মদ্বারাই হয়, স্ত্বত্বঃখদাতা অস্ত্র কেহ নহে।

অতএব এই আভিচারিক যজ্ঞ হইতে নিবৃত্ত হও। রাজা জনমেজয় মহর্ষির বাক্যে সম্মান প্রদর্শন করিয়া তাঁহাকে পূজা করিয়া যজ্ঞ হইতে বিরত হইলেন। স্মৃত বলিলেন, ঋষিগণ, আত্মবিদগ্গণ দম্ভ অহঙ্কার ও দেহাশ্রাব পরিত্যাগ করিয়া সমাধিদ্বারা হৃদয়ে অবরুদ্ধ আত্মতত্ত্বকেই বিষ্ণুর পরমপদ বলিয়া ব্যাখ্যা করেন।

অতিবাদান্তিতিক্ষেত নাবমন্ত্রেত কঞ্চন ।

ন চেমং দেহমাশ্রিত্য বৈরং কুর্বাতি কেনচিৎ ॥ ১২।৬।৩৪

—মিথোক্তি সহ করিবে, কাহারও অপমান করিবে না, এই দেহ আশ্রয় করিয়া কাহারও সহিত বিরোধ করিবে না।

৬ অ: ৩৬ শ্লোঃ — ৭ অ: শেষ

বেদ

শোনক বলিলেন, হে সৌম্য, বেদসকল কিরূপে কত ভাগে বিভক্ত হয়, তাহা আমাদিগকে বল। স্মৃত বলিলেন, ব্রহ্মন্, সিসৃক্ষু ব্রহ্মার হৃদয়-আকাশ হইতে প্রথমে একটী নাদ ও পরে ঐ নাদ হইতে ত্রিমাত্র ওঙ্কার উৎপন্ন হইল, ঐ ওঙ্কার পরব্রহ্মের

প্রতীক এবং সকল মন্ত্রোপনিষদের সনাতন বীজ স্বরূপ। তাহা হইতে ব্রহ্মা চতুস্মুখে চারিবেদ সৃষ্টি করেন। তিনি স্বীয় পুত্র মরীচ্যাদি ঋষিগণকে এবং তাঁহারা নিজ নিজ পুত্রদিগকে ঐ বেদ শিক্ষা দেন। দ্বাপরাস্ত্রে মহর্ষিগণ বেদ সকলকে ক্রমশঃ বিভাগ করেন। পরাশরপুত্র কৃষ্ণদ্বৈপায়ন উহাকে চারিটা ভাগ করিয়া বহুব্চ নামক ঋগ্বেদ-সংহিতা পৈল নামক শিষ্যকে, নিগদ নামক যজুর্বেদ বৈশম্পায়নকে, ছন্দোগ নামক সামবেদ জৈমিনিকে এবং আঙ্গিরসী নামক অথর্ববেদ স্মমন্তকে উপদেশ করেন। এই চারিবেদ ঐ মূল ঋষিগণের পুত্রাদি বা শিষ্যপ্রশিষ্যক্রমে বহু শাখায় বিভক্ত হয়।

ঋগ্বেদের এক ভাগ পৈল নিজ শিষ্য ইন্দ্রপ্রমতিকে ও অপরভাগ শিষ্য বাঙ্কলকে বলেন। ইন্দ্রপ্রমতি তাঁহার ভাগ শিষ্য মাণ্ডুকেয়কে, মাণ্ডুকেয় শিষ্য দেবমিত্র সৌভরি প্রভৃতিকে এবং পুত্র সাকল্যকে, সাকল্য নিজ অংশ পাঁচ ভাগ করিয়া বাৎস্য মুদগল শালীয়া গোথল্য ও শিশিরকে, সাকল্যের অপর শিষ্য জাতুকর্ণ্য নিজ অধীত সংহিতাকে তিন ভাগে বিভক্ত করিয়া নিরুক্ত ব্যাখ্যাসহ বলাক পৈল জাবাল ও বিরজ এই চারি জনকে শিক্ষা দেন। বাঙ্কলের পুত্র বাঙ্কলি সর্বশাখা হইতে সংগ্রহ করিয়া বালখিল্য নামে একখানি সংহিতা প্রস্তুত করিয়া বালায়নি ভস্ম ও কাসারকে অধ্যয়ন করান। বাঙ্কলের ভাগ তাঁহার চারি শিষ্য বোধ্য যাজ্ঞবল্ক্য পরাশর ও অগ্নিমিত্র প্রাপ্ত হন।

যজুর্বেদের একভাগ বৈশম্পায়ন শিষ্য চরক নামে অভিহিত অধ্বর্যু্যগণকে ও অপরভাগ যাজ্ঞবল্ক্যকে দেন। চরকগণ বৈশম্পায়নের ব্রহ্মহত্যা জন্য এক যজ্ঞ করেন। যাজ্ঞবল্ক্য উহার নিন্দা করায় বৈশম্পায়ন ক্রুদ্ধ হইয়া যাজ্ঞবল্ক্যকে অধীত বিছা ত্যাগ করিতে বলেন। যাজ্ঞবল্ক্য উহা উদগীর্ণ করিয়া দেন, কয়েকজন ঋষি তিত্তিরী পক্ষীর রূপ ধারণ করিয়া উহা গ্রহণ করেন। তজ্জন্ত ঐ শাখার নাম ‘তৈত্তিরীয়’। তৎপর যাজ্ঞবল্ক্য সূর্য্যের উপাসনা

করিয়া বাজি বা অশ্বরূপধারী সূর্যের 'সন' বা কেশর হইতে ত্যক্ত ইতিপূর্বে অজ্ঞাত যজুর্বিদ্যা লাভ করেন। সেইজন্ত ইহার প্রবর্তিত বেদশাখার নাম 'বাজসনেয়'। ইহা তিনি ১৫টি শাখায় বিভক্ত করেন। ইহাদের প্রধান দুইটি শাখা তাঁহার প্রধান দুই শিষ্যের নামে কাণ্ব ও মাধ্যান্নিন বলিয়া পরিচিত হয়।

সামবেদ জৈমিনি পুত্র স্মমন্তকে দেন। \*তিনি উহার একটি সংহিতা করেন, তৎপুত্র সূত্য়ান্ অপর একটি সংহিতা করেন এবং তৎশিষ্য সুকর্মা ঐ সংহিতাটিকে এক হাজার শাখায় ভাগ করেন। সুকর্মার পাঁচ শিষ্য—কৌশল্য হিরণ্যনাভ পৌষ্যঞ্জি ব্রহ্মজিৎ ও আবন্ত্য। হিরণ্যনাভ ও পৌষ্যঞ্জির উত্তরদেশীয় ৫০০ শিষ্য ৫০০ শাখা অধ্যয়ন করেন। ইহারা উদীচ্য ও প্রাচ্য সামগ নামে কথিত। পৌষ্যঞ্জির অপর পাঁচ জন শিষ্য প্রত্যেকে শতসংখ্যক সংহিতা কণ্ঠস্থ করেন। আবন্ত্য অবশিষ্ট শাখা নিজ শিষ্যগণকে দেন।

অথর্ববেদ স্মমন্ত তৎশিষ্য কবন্ধকে, কবন্ধ তৎশিষ্য পথ্য ও বেদদর্শকে, পথ্য তৎশিষ্য বঙ্গ কুমুদ শুনক ও জাজলিকে, শুনক বভ্র ও সৈন্ধবায়নকে, সৈন্ধবায়ন সার্বর্গিকে, শেখান। বেদদর্শ শৌক্লায়নি মোদোষ ও পিপ্পলায়নিকে শিক্ষা করান। নক্ষত্রকল্প শান্তি কাণ্ডপ আঙ্গিরস ঐ বেদের আচার্য্য হইয়াছিলেন।

[অতঃপর মহাপুরাণ ও উপপুরাণ সমূহের আচার্য্যগণের নাম বিবৃত হইয়াছে।]

## ৮-১০ অধ্যায়

### মার্কণ্ডেয়, শিব, পার্বতা

শৌনক বলিলেন, মৃকণ্ডের পুত্র মার্কণ্ডেয়কে চিরজীবী বলে। ইহা ক্রি়রূপে সম্ভব হইল, বল। সূত বলিলেন, মার্কণ্ডেয় বেদ অধ্যয়ন করিয়া গভীর তপস্যায় নিযুক্ত হইলেন। প্রতি সন্ধ্যায় শ্রীহরির অর্চনা করিতেন। ভিক্ষালব্ধ অন্ন গুরুকে অর্পণ করিয়া তাঁহার আদেশ হইলে একবার মাত্র ভোজন করিতেন, আদেশ না পাইলে উপবাসী থাকিতেন। অমৃতায়ুত বর্ষকাল এইরূপে তপস্তা করিয়া

মার্কণ্ডেয় মৃত্যুকে জয় করেন। তপস্যায় ছয় মন্বন্তর অতীত হইল। ইন্দ্র স্বীয় পদ হারাইবার ভয়ে ভীত হইয়া নিশামুখে উদিত চন্দ্র, বসন্ত, মলয়বায়ু, নৃত্যগীতকুশল অপ্সরাগণ, ও পঞ্চশর কামদেবকে লইয়া হিমাচলের উত্তর প্রদেশে অবস্থিত মার্কণ্ডেয়ের আশ্রমে উপনীত হইলেন। অবসর বুঝিয়া কামদেব স্বীয় ধনুকে বাণ যোজনা করিলেন, কিন্তু অচিরেই সেই মুনির তেজপ্রভাবে দহুপ্রায় হইয়া নিবৃত্ত হইলেন। তখন নরনারায়ণের রূপ ধারণ করিয়া শ্রীহরি তথায় উপস্থিত হইলেন। মার্কণ্ডেয় তাঁহাদিগকে দেখিয়া রোমাঞ্চিতদেহে ও অশ্রুপূর্ণনয়নে ক্ষণকাল কিছুই বলিতে পারিলেন না, পরে গদগদ বাক্যে ‘নমোনমঃ’ এই শব্দটা মাত্র উচ্চারণ করিলেন। পাত্ত অর্ঘ্য দ্বারা অর্চিত ও স্নানসনে উপবিষ্ট তাঁহাদিগের চরণে পুনঃ পুনঃ প্রণাম করিয়া ঋষি তাঁহাদের স্তব করিলেন। তাঁহারা বলিলেন, আমরা তোমার তপস্যায় তুষ্ট হইয়াছি, বর প্রার্থনা কর। ঋষি বলিলেন, আপনাদের দর্শনেই কৃতার্থ হইয়াছি, বর চাইনা ; তবে, আপনাদের মায়া দর্শন করিতে বড়ই ইচ্ছা হয়। নরনারায়ণ ‘তথাস্তু’ বলিয়া প্রস্থান করিলেন।—অনন্তর একদা সন্ধ্যাকালে ঐ ঋষি পুষ্পভদ্রা নদীতীরে উপাসনায় বসিয়াছেন, এমন সময় এক মহা ঝটিকা উথিত হইল। বিদ্যাত্মক মেঘসকল বিপুল বারি বর্ষণ করিতে লাগিল, সমুদ্র সকল পৃথিবীকে গ্রাস করিল, সমস্ত জীবজন্তু অদৃশ্য হইল, কেবল ঐ ঋষি জড় ও অন্ধের স্রায় স্বীয় জটা বিক্ষেপ করিতে করিতে ঐ জলরাশির উপর ইতস্ততঃ ভ্রমণ করিতে লাগিলেন। তিনি আকাশ দিক পৃথিবী কিছুই জানিতে পারিলেন না, নিজেকে অপার অন্ধকারে পতিত, বায়ু তরঙ্গ ও জলজন্তুতাড়িত, কখনও শোক কখনও মোহ কখনও ভয় দুঃখ কখনও বা মৃত্যুকর্ষক গ্রস্তপ্রায় দেখিতে লাগিলেন। এইরূপে বহুকাল অতীত হইলে, তিনি এক উচ্চস্থানে একটা বটবৃক্ষ দেখিলেন। তাহার একটা শাখায় একটা পত্রপুটে শয়ান মহাপ্রভাবিত এক শিশু হস্তদ্বারা নিজ চরণ মুখমধ্যে নিক্ষেপ করিয়া তাহা পান করিতেছে এইরূপ

দেখিয়া ঐ শিশুর নিকট গেলেন। ঋষি তৎক্ষণাৎ ঐ শিশুর স্বাসপবনে তাড়িত হইয়া তাহার দেহাভ্যন্তরে প্রবিষ্ট হইয়া গেলেন, এবং সেখানে নানা অদ্ভুত দৃশ্য ও নরনারায়ণকে দেখিতে পাইলেন। বালকের স্বাসবেগে তাহার দেহমধ্য হইতে নিঃসারিত হইয়া ঋষি পুনর্বার সেই ঘোর অর্ণবে নিপতিত হইলেন। শিশু, বটবৃক্ষ, নরনারায়ণ, জলপ্লাবন এবং অগ্ন্যাগ্ন সমস্ত উপদ্রব মুহূর্তের মধ্যে তিরোহিত হইল, মার্কণ্ডেয় পূর্ববৎ নিজেই স্বীয় আশ্রমেই উপবিষ্ট দেখিতে পাইলেন। শ্রীহরির রচিত মায়াবৈভব অমুভব করিয়া তিনি সমাহিতচিত্তে তাঁহার শরণাপন্ন হইলেন। এমন সময় ভগবান্ রুদ্র পার্শ্বভীসহ বৃষভারোহণে আকাশে বিচরণ করিতে করিতে সেই যোগীকে ধ্যানস্থ দেখিতে পাইলেন। পার্শ্বভী বলিলেন, প্রভু, নিষ্কম্প প্রদীপের জ্বায় অবস্থিত এই মহাযোগীর সিদ্ধি বিধান করুন। শঙ্কর বলিলেন,—

নৈবেচ্ছ্যামিঃ কাপি ব্রহ্মর্ষির্মোক্ষমপ্নাত।

ভক্তিং পরাং ভগবতি লব্ধবান্ পুরুষেহব্যয়ে ॥ ১২।১০।৬

—এই ব্রহ্মর্ষি কোন আশিস্ এমন কি মোক্ষও লাভ করিতে ইচ্ছা করেন না। কারণ, ইনি অব্যয় পুরুষ শ্রীভগবানে পরা ভক্তি লাভ করিয়াছেন।

তথাপি, ইহার সম্ভাষণ করিব, কারণ,—

অয়ং হি পরমো লাভো নৃণাং সাধুসমাগমঃ ॥ ১২।১০।৭

—লোকের সাধুসঙ্গই পরম লাভ।

তাঁহার নিকটে আসিলেও, সেই ঋষি—

ন বেদ কৃদ্ধধীর্ভুত্তিরাশ্বানং বিধমেব চ ॥ ১২।১০।৯

—সমস্ত বুদ্ধিবৃত্তি বৃদ্ধ থাকায় আশ্বাকে এবং বিধকেও জানিতে পারিলেন না।

মহাদেব তখন তাঁহার হৃদয় মধ্যে প্রবিষ্ট হইলেন। ঋষি চমকিত হইয়া তাঁহাদিগকে দেখিতে পাইলেন এবং অবনতমস্তকে নমস্কার করিয়া বলিলেন, হে বিভূ, আপনি ত আশ্চর্য্যাবে পূর্ণকাম, আপনার কি এমন প্রিয়কার্য্য আছে, যাহা আমি করিতে পারি? শঙ্কর বলিলেন, ব্রহ্মা বিষ্ণু ও আমি এক, তোমার জ্বায় সাধুদিগকে লোকপালগণ এবং আমরাও বন্দনা করি।—

ব্রাহ্মণেভ্যো নমস্তামো যেষ্মন্যরূপং ত্রয়ীময়ম্ ।

বিভ্রত্যাশ্রমসামানতপঃস্বাধ্যায়সংযমৈঃ ॥

শ্রবণাদ্ধর্শনাষাপি মহাপাতকিনোহপি বঃ ।

শুধ্যেরনন্ত্যজাশ্চাপি কিমু সন্তাষণাদিভিঃ ॥ ১২।১০।২৪,২৫

- যে সকল ব্রাহ্মণ আশ্রমসাধি, তপস্যা, বেদাধ্যয়ন ও সংযম দ্বারা বেদময় আমাদের রূপ ধারণ করেন, তাঁহাদিগকে আমরা নমস্কার করি। তৌমাদিগের শ্রবণে ও দর্শনেই মহাপাতকীগণ এবং নিকৃষ্টজাতীয়গণও শুদ্ধ হয়, সন্তাষণাদি দ্বারা যে হয়, তাহার আর কথা কি ?

তুমি বর প্রার্থনা কর। মার্কণ্ডেয় বলিলেন, অহো, ঈশ্বরলীলা ছরধিগম্য, যাহাতে তাঁহারা অধীন ব্যক্তিদিগেরও স্তব করেন। হে ভূমন্, সকলানন্দস্বরূপ আপনাকে দর্শন করিয়াই পূর্ণকাম হইলাম, তথাপি একটী বর প্রার্থনা করি, শ্রীভগবানে ও ভগবৎভক্তবৃন্দে আমার ভক্তি যেন অচলা থাকে। শঙ্কর 'তাহাই হউক', বলিয়া দেবীর নিকট ঐ ঋষির মাহাত্ম্য কীর্তন করিতে করিতে স্বস্থানে গমন করিলেন।

## ১১ অধ্যায়

### বিভূতি

শৌনক জিজ্ঞাসা করিলেন, হে সূত, শ্রীপতি নারায়ণ ত চৈতন্য মাত্র, কিন্তু তাস্ত্রিকগণ উপাসনাকালে তাঁহার যে যে অঙ্গ ভূষণ অস্ত্রাদির কল্পনা করেন, আমরা সেই ক্রিয়াযোগ জানিতে ইচ্ছা করি। সূত বলিলেন, গুরুগণকে নমস্কার করিয়া আমি শ্রীভগবানের বিভূতি আপনাদের নিকট বর্ণন করিব।—মায়ানিম্নিত চেতনে অধিষ্ঠিত বিরাট মূর্তিতে এই ভুবনত্রয় দৃষ্ট হয়। স্বর্গলোক ইহার মস্তক, সূর্য্য ইহার চক্ষু, যম ইহার জ্রদ্বয়, লজ্জা ও লোভ ইহার অধর, জ্যোৎস্না ইহার দন্ত, বায়ু ইহার নাঁসা, দিক্ ইহার কর্ণ, লোকপালগণ ইহার বাহু, আকাশ ইহার নাভি, প্রজাপতি ইহার মেটু, পৃথিবী ইহার পাদদ্বয়, ভ্রম ইহার হাশ্ব, বৃক্ষসকল রোম, মেঘগণ কেশ, চন্দ্র ইহার মন। ইনি কৌন্তভরূপে আত্মজ্যোতি, তাহার প্রভারূপে বক্ষস্থলে শ্রীবৎস, বনমালারূপে নানা গুণময়ী মায়া এবং পীতবসনদ্বয় ও ব্রহ্মসূত্ররূপে তিনমাত্রাবিশিষ্ট প্রণব ধারণ করেন। অনন্ত ইহার আসন, সত্ত্বগুণ

ইহার পদ্ম, প্রাণ-তত্ত্ব ইহার গদা, জলতত্ত্ব ইহার শঙ্খ ও তেজতত্ত্ব ইহার সুদর্শন চক্র। নিশ্চল আকাশ-তত্ত্ব ইহার অসি, তমঃ ইহার চন্দ্র, কাল শাস্ত্রধনু, কৰ্ম তুণ, ইন্দ্ৰিয়গণ শর, মন ইহার রথ। নানা মুদ্রাদ্বারা ইহার নানা অঙ্গাদির ক্রিয়াকারিতা ভাবনা করিতে হয়। সূর্য্যামণ্ডল এই দেবপূজার স্থান, গুরুদত্ত মন্ত্র-দীক্ষা এই পূজার যোগ্যতা। তাঁহার পূজায় আপনার পাপক্ষয় হয় বলিয়া মনে করিবে। ইনি যে লীলাকমল ধারণ করেন তাহা ইহার ষড়ৈশ্বর্য্যের প্রতীক। ধর্ম্ম ও যশ ইহার চামরব্যজন, বৈকুণ্ঠ ইহার ছত্র, কৈবল্য বা অভয় ইহার গৃহ, বেদত্রয় ইহার গরুড়রূপ বাহন, যজ্ঞ ইহার রূপ। ভগবতী শ্রী ইহার অক্ষয়া শক্তি, নন্দ সুনন্দাদি অষ্ট দ্বারপাল ইহার অনিমালঘিমাди গুণ, বাসুদেব সঙ্কর্ষণ প্রহ্লাদ অনিরুদ্ধ ইহার চারিমূর্ত্তি-ব্যূহ বলিয়া কথিত হন। এই ভগবান্ বিষ্ণুই বেদের কর্তা, সর্ব্বত্রপা পাতা সংহর্তা, ইনি স্বীয় মহিমাতে পূর্ণ। ইনি ব্রহ্ম ইত্যাদি নামে ব্যক্ত হন, ভক্তগণ আত্মরূপে ইঁহাকে লাভ করেন।—  
হে কৃষ্ণ, হে অর্জুন-সখা, হে রক্ষিকুলশ্রেষ্ঠ, হে পৃথিবীদ্রোহী রাজন্তবংশধ্বংসকারী, হে অক্ষীণবীৰ্য্য, হে গোবিন্দ, হে গোপবনিতা-ও-ভূত্যাগণকর্তৃকগীতকীর্ত্তি, হে শ্রবণমঙ্গল, ভূত্যাগণকে রক্ষা কর! >>

[ অতঃপর, মাসে মাসে স্বর্ঘ্যের যে যে পৃথক পৃথক নানা মূর্ত্তিব্যূহ সপ্ত সংখ্যায় উদ্ভূত হয়, তাহা বিবৃত হইয়াছে। ]

## ১২ অধ্যায়

### সূ ৫

[ এই অধ্যায়ের ১-৪৫ শ্লোক পর্য্যন্ত শ্রীমদভাগবত গ্রন্থে বর্ণিত বিষয়গমুহুর আৱত্তি করা হইয়াছে। ]

সূত বলিলেন, ঋষিগণ, আপনাদের জিজ্ঞাসামত শ্রীভগবানের লীলাবতার কৰ্ম্ম সকলের কীর্ত্তন করিলাম।

পতিতঃ শ্লিতশ্চাৰ্ত্তঃ ক্ষুভা বা বিবশো গুণন।

হরয়ে নম ইত্যাচ্চৈমুচ্যতে সৰ্পপাতকাৎ ॥

সকীৰ্ত্ত্যমানো ভগবাননন্তঃ প্রতাপানুভাবো ব্যসনং হি পুংসাম্।

প্রবিশু চিত্তং বিধুনোত্যশেষং যথা তমোহর্কোহভ্রমিবাতিবাতঃ ॥



মুবাগিরন্তা হুসতীরসৎকথা ন কথ্যতে যদুগবানধোকৃজঃ ।

তদেব সত্যং তদুহৈব মঙ্গলং তদেব পুণ্যং ভগবদ্গুণোদয়ম্ ॥

তদেব রম্যং কৃচিরং নবং নবং তদেব শঙ্খননসো মহোৎসবম্ ।

তদেব শোকার্ণবশোষণং নৃণাং যদুত্তমঃশ্লোকবশোহুগীয়েতে ॥১০।১২।৪৭-৫০

—পতিত, স্থলিত, আর্ন্ত, ক্ষুধায় কাতর হইয়াও যদি কেহ ‘হরয়ে নমঃ’ এই বাক্য উচ্চারণ করে, তাহা হইলে সে সর্বপাপ হইতে মুক্ত হয়। সূর্য্য যেমন অন্ধকারকে বা প্রবলবায়ু যেমন মেঘকে বিদূরিত করে, সেইরূপ শ্রীহরি চিন্তামধ্যে প্রবেশ করিয়া মানবের সকল দুঃখ নিঃশেষে দূর করেন। যে কথায় শ্রীভগবানের প্রশঙ্গ নাই, তাহা মিথ্যা ও অসৎ। সেই কথাই সত্য, তাহাই মঙ্গল, তাহাই পুণ্য, যাহাতে ভগবদ্গুণসকলের প্রশঙ্গ আছে। তাহাই রমণীয় কৃচির ও নিত্য নব, তাহাই মনের তিরস্তুন মহোৎসব, তাহাই মানবের শোকসমুদ্র শোষণ করে, যাহাতে উত্তমঃশ্লোক শ্রীকৃষ্ণের যশ গীত হয়।

যে বাক্য জগৎপবিত্রকারী শ্রীহরির যশ প্রচার করে না, তাহা মনোহর পদবিদ্যাসমুদ্ভূত হইলেও কাকতীর্থতুল্য, জ্ঞানীরা তাহা সেবা করেন না। অচ্যুত যেখানে, অমলচিত্ত সাধুগণও সেখানে। সেই বাক্যই বাক্য, যাহাতে জনগণের পাপ নাশ করে, যার প্রতি শ্লোকে সেই অনন্তের যশোহুস্কিত নামসকল অন্তর্নিহিত হইয়া আছে। তাহাই সাধুরা শ্রবণ কীর্ত্তন ও গান করেন। সন্ন্যাস বা অচ্যুতভাব কি নির্মল ভক্তিতাব-বিবাজিত জ্ঞানযোগ বা সর্বোত্তম কর্মযোগও নিষ্ফল। বর্ণাশ্রম-ধর্ম্মের আচারসমূহ প্রতিপালনে বা তপশ্চায় কি বেদাদি অধ্যয়নে যে পরিশ্রম, তাহা কেবল যশ ও সম্পদ লাভের নিমিত্ত, উহাতে পুরুষের প্রকৃত উদ্দেশ্য সিদ্ধ হয় না। শ্রীধরের গুণানুবাদ শ্রবণ ও আদরাদি দ্বারা তাঁহার পাদপদ্মে যে অচল স্মরণ-মনন ভাবের উদ্ভব হয়, তাহাই জীবের পরমপুরুষার্থ। উহা সকল অশুভ নাশ করে, সকল অমঙ্গল ধ্বংস করে, চিত্ত শুদ্ধ করে, বিজ্ঞান, বৈরাগ্যযুক্ত জ্ঞান ও পরমাত্মভক্তির উদ্বেক করে। হে দ্বিজশ্রেষ্ঠগণ, আপনারা পরম সৌভাগ্যবান্ যে অখিলের আত্মা-স্বরূপ দেবদেব সর্বেশ্বর সেই নারায়ণে নিরন্তর আবিষ্ট থাকিয়া তাঁহার ভজনা করিতেছেন।—

নৃপতি পরীক্ষিতের প্রায়োপবেশন-সভায় ঋষিগণের সমক্ষে পরম ঋষি শুকদেবের মুখে যে আশ্চর্য্য শ্রবণ করিয়াছিলাম, আপনারা আমাকে তাহা স্মরণ করাইয়া দিয়া ধন্য করিলেন। কলিমলহস্তা অখিলেশ ত্রীহরি এই ভাগবতগ্রন্থের প্রতিপদে স্পষ্টতঃ বা প্রসঙ্গক্রমে গীত হইয়াছেন। যে অচ্যুতের স্তব ব্রহ্মা শঙ্কর ও ইন্দ্রাদি দেবগণও গান করিয়া শেষ করিতে পারেন না, যিনি জগতের উৎপত্তি স্থিতি লয়ের কারণ, স্বীয় আত্মাতেই যাঁহার আলয়, উপলক্ষিমাত্র যাঁহার স্বরূপ, সেই সনাতন সুরশ্রেষ্ঠ ত্রীভগবান্কে নমস্কার করি। যিনি আত্মসুখেই পূর্ণচিন্ত, অন্য কিছুতেই যাঁহার রতি নাই, যিনি স্ব-তত্ত্ব, ত্রীভগবানের রুচির লীলায় আবিষ্টচিন্ত, যে ঋষি তত্ত্ব-প্রদীপস্বরূপ এই পুরাণসংহিতাকে ব্যক্ত করিয়াছেন, সেই অখিলপাপনাশন ব্যাসপুত্র ত্রীশুকদেবকে নমস্কার করি।

### ১৩ অধ্যায়

#### সূত, পুরাণসমূহ

সূত বলিলেন, ব্রহ্মাদি দেবগণ যাঁহাকে দিব্য স্তোত্র দ্বারা স্তব করেন, বেদ ও উপনিষদ যাঁহাকে গান করেন, যোগিগণ যাঁহাকে দর্শন করেন, যাঁহার অন্ত কোথায় কেহ জানে না, সেই পরম দেবতাকে নমস্কার করি। ত্রীভগবানের নিঃশ্বসিত বায়ু আপনাদিগকে পালন করুন।

পুরাণসমূহের শ্লোকসংখ্যা এইরূপ। ব্রহ্ম ১০ হাজার, পদ্ম ৫৫ হাজার, বিষ্ণু ২৩ হাজার, শিব ২৪ হাজার, নারদ ২৫ হাজার, মার্কণ্ডেয় ৯ হাজার, অগ্নি ১৫৪০০, ভবিষ্য ১৪৫০০, ব্রহ্মবৈবর্ত ১৮ হাজার, লিঙ্গ ১১ হাজার, বরাহ ২৪ হাজার, স্কন্দ ৮১১০০, বামন ১০ হাজার, কুর্ম ১৭ হাজার, মৎস্য ১৪ হাজার, গরুড় ১৯ হাজার, ব্রহ্মাণ্ড ২ হাজার, ত্রীমস্তাগবত ১৮ হাজার—মোট ৪ লক্ষ।

ত্রীমদ্ভাগবত পুরাণ সর্ববেদান্তের সার, অমৃতের সাগর। এই অমৃত যিনি পান করিয়াছেন, তাঁহার অন্য কিছুতেই আর মতি হয় না। ইহাতে জ্ঞান ভক্তি কৰ্ম্ম সকলই নিহিত আছে। যিনি এই

অতুলনীয় জ্ঞানপ্রদীপ স্বীয় নাভিপদ্মশায়ী ব্রহ্মার নিকট প্রকাশিত করেন এবং পরে ব্রহ্মারূপে নারদের নিকট, নারদরূপে কৃষ্ণদ্বৈপায়ন বেদব্যাসের নিকট, বেদব্যাসরূপে যোগীন্দ্র শুকদেবের নিকট এবং শুকদেবরূপে রাজা পরীক্ষিতের নিকট ইহা প্রকাশ করিয়াছিলেন, সেই শুদ্ধ নির্মল বিশোক অমৃতময় পরম সত্যকে আমরা ধ্যান করি।—

ভবে ভবে যথা ভক্তিঃ পাদখোস্তব জায়তে ।

তথা কুরুষ দেবেশ নাথ ত্বং নো যতঃ প্রভো ॥

নামসঙ্কীৰ্ত্তনং যস্য সৰ্ব্বপাপপ্রণাশনম্ ।

প্রণামো দ্ব্যংখশমনস্তং নমামি হরিং পঃম্ ॥ ১২।-৩২২

—হে দেবেশ, জন্মে জন্মে বাহাতে তোমার পদে ভক্তি জন্মে তাহা কর, তুমিই আমাদের নাথ । যাঁহার নামকীৰ্ত্তন সকল পাপ নষ্ট করে, সেই দ্ব্যংখহারী পরম শ্রীহরিকে নমস্কার করি ।

শ্রীশ্রীশ্রীমদ্ভাগবত গ্রন্থ সমাপ্ত

॥ হরি ও ॥



## পরিশিষ্ট (২)

[ এই ছইটি বংশতালিকা মূল গ্রন্থের নানা স্থান হইতে সংগৃহীত হইল।  
কয়েকটি প্রধান প্রধান নাম মাত্র দেওয়া গেল। × × × এই চিহ্ন দ্বারা বুঝিতে  
হইবে যে উহার নীচের নামের ব্যক্তি উপরের নামায় ব্যক্তির কতিপয় বা বহু  
বংশ পরের। ]

### ১। মনুবংশ — পরে সূর্য্যবংশ নামে খ্যাত


( 'নিবেদন' নামক ভূমিকার 'কাহিনীগুলির সম্বন্ধ' নামক দফাটি দেখুন )

( ব্রহ্মা হইতে উদ্ভূত )


স্বায়ম্ভুব মনু ( ১ম মনু ) = শতরূপা


(ক) স্বায়ম্ভুব মনুর পুত্রগণ


( ১ ) প্রিয়ব্রত



### ( ২ ) উত্তানপাদ








(খ) স্বায়ত্ত্বব মমুর কন্যাগণ

(১) আকৃতি = রুচি (২) দেবহুতি = কর্দ্দম (৩) প্রহৃতি = ১ম দক্ষ

বজ্রপুরুষ = দক্ষিণা

সতী = মহাদেব (অপর ১৫ কন্যা)



## ২। অত্রিবংশ — পরে চন্দ্রবংশ নামে খ্যাত

( 'নিবেদন' নামক ভূমিকার 'কাহিনীগুলির সম্বন্ধ' শীর্ষক দফাটি দেখুন )


( ব্রহ্মার মানসপুত্র )

অত্রি


( নেত্র হইতে ) সোম = তারা ( বৃহস্পতির জ্যে, অপহৃত )

বুধ = ইলা

ঐল পুত্রব্যা = উর্কশী







দ্রষ্টব্য : ইহার পর ১২শ স্কন্ধ দেখুন।



এই গ্রন্থকারের

### বৃহদারণ্যক ও ছান্দোগ্য (সাধন ভাগ) ১১০

এই অল্পম গ্রন্থে বহু শাখা-বিভক্ত ও বিচিত্র ক্রিয়াকাণ্ডমিশ্রিত  
স্বরূপ বৃহদারণ্যক ও ছান্দোগ্য উপনিষদ হইতে সুনির্বাচিত পরম  
স্ববিদের উপদিষ্ট সাধন-তত্ত্ব ও সাধন-পথ সহজবোধ্য ভাষায় লিপিবদ্ধ।

প্রত্যেকটি সংবাদপত্র ও মনীষী কর্তৃক উচ্চ প্রশংসিত।

কয়েকটি অভিমত :

মহামহোপাধ্যায় শ্রীগোপীনাথ কবিরাজ : “অত্যন্ত প্রীত হইয়াছি নিপুণ  
বিচারশক্তি ও সূক্ষ্মদর্শিতার পরিচায়ক.”

মহামহোপাধ্যায় শ্রীযোগেন্দ্রনাথ বেদান্ততীর্থ : “অত্যন্ত প্রশংসার যোগ্য।”

ডক্টর মহানামব্রত ব্রহ্মচারী : “সাধনভাগকে একত্র প্রকটিত করিয়া  
আমাদের অশেষ উপকার সাধন করিয়াছেন।”

অধ্যাপক শ্রীকুমার বন্দ্যোপাধ্যায় : “রচয়িতার মনীষা ও ধর্মের সাধনা-  
প্রসূত গূঢ় রহস্তভেদের শক্তি...উপাদেয় ও পথনির্দেশকারী”।

অধ্যাপক দেবপ্রসাদ ঘোষ : “সুগপৎ বিস্তৃত ও মুগ্ধ হইয়াছি।”

অধ্যাপক প্রিয়রঞ্জন সেন : “দেখিয়া বিষয়ে মোন হইতে হয়।”

দেশ : “ঔপনিষদ সত্যের পরিপূর্ণ স্বরূপটি সংক্ষেপের মধ্যে অথচ সহজ  
সরল ও সুমধুর ভাবে বিবৃত ...”

সুগাস্ত্রর : “সুস্থ সঙ্কলন...” অর্থ্য : “অত্যন্ত কাণোপযোগী...”

আনন্দবাজার পত্রিকা : “সর্বতোভাবে সার্থক চেষ্টা...”

উদ্বোধন : “লেখকের চেষ্টা বহুলাংশে সফল...”

দৈনিক বসুমতী : “বিশেষ মূল্যবান সংক্ষিপ্তসার...”

প্রবর্তক পাবলিশার্স, ৬১ বোম্বাজার স্ট্রীট, কলিকাতা—১২।

শ্রীঅমলেন্দু সেন, ৩২ টাউনশেপ রোড, কলিকাতা—২৫।





